


四庫禁燬書叢刊編纂委員會

北京出版社

四庫禁燬書叢刊



集部第九八冊目次

龍眠風雅六十四卷(一)

〔清〕潘江輯

清康熙十七年潘氏石經齋刻本

.....

龍眠風雅六十四卷(一)

〔清〕潘江輯

清康熙十七年潘氏石經

齋刻本

北京圖書館藏

龍眠風雅序

鄉予在都下與海內賢豪長者相結每邑不過一二人獨龍眠多閱覽博物之士如省齋樓岡邵邨黔公如三夢敦與三敦四諸先生皆一見契合訂乘車戴笠之約蓋其山溪秀而蒼鬱其水迤邐而蕩潏古所稱九江之北三楚之南乃詩人騷客之所出也今歲戊午余友潘子蜀藻卒業龍眠風雅一書而來問序于余余讀之而喟然興曰嗚呼風雅一道豈易言哉記有之肆直而慈愛溫良而能斷者宜歌風恭儉而好禮廣大而疏達者宜歌雅吾夫子刪十五國之風而二雅卒存正變其意固有所寓矣龍眠介南北之交爲江淮之都會在春秋時名皖城服役于楚江永漢廣之詩夫子采入周南楚未嘗無詩也其後漢魏六朝之間英雄率以此爲戰鬪處斜陽遺壁折戟沉戈亦有登高而作賦者乎此蘓子瞻黃山谷王荊公輩所感慨而流連低徊不能去之者也蜀藻少負才名作爲詩歌踔厲風發籠罩百代其有事于詩選也上自洪永下迄

龍眠風雅

宋序一

龍眠風雅

宋序二

康熙十七年歲次戊午春三月上巳吳門同學弟宋實
穎拜題



龍眠風雅序

予讀劉鳳吳先賢讚可媲美矣州名卿紀蓋以鄉之人
闡揚其鄉之先哲而海內崇之國史採之一邑之遺事
秩聞遂與海內之鴻猷駿烈並垂不朽爲功於其鄉基
大矣所以然者紀海內之鴻駿傳藉于四方或詿漏於
一隅惟闡揚其鄉之先哲則耳目近而巨細畢掄故蒐
羅能覈品藻咸臧也吾鄉方明善先生師此意撰邇訓
諸書桐先哲之芳規懿蹟燦然彪炳予惜其未附以詩
文夫援據繁縟人容有踈忽於臆隱而不之探索者不
若詩文之遒梓可以萃衆甫而播之廣遠也文又不若
詩之怡悅性情尤易徵而可勒之金石祓之絃歌也則
諸先哲之詩類選者討抉幽秘而宣其精采于星移物
換散落之餘豈不亟哉吾桐先哲詩比于唐有三盛以
洪永宣成四朝爲初弘正嘉隆萬五朝爲中啓禎兩朝
爲晚亦不乏篋中搜玉輝映梨棗而矜慎自娛如扁鵲
之兄譽不越乎閭里是以蜚聲寰宇者渺猶之湮沒而
無所表著耳卯寅之交僑寓秣陵予小阮鑑在借錢子
飲光有過江一選返桐予有同聲堂一選皆一時鄴下
梁園諸俊彥登高懷古之作而三百年內宿學鉅公洎
夫逸民閨秀究無合選揔較之集以標吾桐大觀仍嘯
嘯闢典也潘子蜀藻戊子輯已刊未用五十餘種矢志
斯舉而在苒棘闌未竣其選務姚子經三甲辰續輯數

十種携入閩計就建川之剗剛時予暨錢子飲光陳子
二如客富沙壩襄商兌姚子顏之曰詩傳傳者傳其詳
也寬之也錢子顏之曰詩存存者存其畧也嚴之也寬
之者寬于名則難苛以真譬之花欲蕃其萼萼不妨衛
以枝葉嚴之者嚴于質則必程以實譬之玉欲欽其珪
璧不應紊以砒硃用是互相齟齬選與假遂因循今潘
子併經三之所哀儲而酌以飲光之評議力任其事取
資既宏刪定胥確發凡起側犁然大脩顏之曰龍眠風
雅聖人提轡軒之什郊廟之章而衍葩經風雅二字盡
詩之義蘊矣予觀其命篇則知所以操選之古渾而正
公而予有春有倫無偏無黨善乎潘子曰寬以收之嚴
以選之收寬則詩不拘于一途而無懲噎廢食之弊選
嚴則人不流于過濫而無魚目混珠之疑乃選家執中
無方之要道也踰年而集告成人之賢者重其人卽重
其詩詩之佳者惟其詩亦惟其人如是乎吾桐先哲之
詩多不因駢拇支寡不因寸璣與汗樽瓦甌不因樸頂
棄虎威龍蛻不因朽落捐繁簡詳略悉協其宜真履名
實悉昭其辨不復慮向來之猥雜可以懸之國門式諸
海內侯燕許之手筆鑒定而甄裁矣潘子且倣品彙英
華各作小傳誌其人之端委梗槩斯又兼方劉讚訓之
體以彰諸先哲之芳規懿蹟俾頌其詩者論其世而知
其人然則潘子茲選姚子所欲傳者俱傳錢子所欲存

者俱存不啻兩司馬之有世本長編而史鑑藉以裨也
潘子闡揚鄉先哲之功不既大矣哉潘子又曰虞山列
朝選龍眠詩登載寥寥由吾鄉前輩率尚間修流布稀
少誠哉是言虞山列朝選祖石倉十二代選而益以絳
雲之藏弄石倉選云十二代實則明詩之大全予常侍
函丈較閱之漢魏六朝唐宋元爲一集帙百二集至八
集皆明詩帙千有二百其郵寄虞山者止于明詩四集
五百帙也而先生于龍眠詩未嘗有微取惡從翼飛脛
走而乞其摺據哉茲集出流布者廣則登載者必衆天
下後世有如能始牧齋兩先生者開局設壇揚挖風雅
必不遜于鷄林賈人之購求也此潘子之功所以爲大
首


康熙十六年丁巳季冬月前水部郎舊山隱者吳道新
湯日父撰

龍眠風雅序

予弱冠遊吳下即與華亭李舒章朱子建輩彙龍眠雲
間詩合爲一選因取韓孟倡和之意以雲龍名編方授
饒人而當甲申之三月其事中止越三十載同學潘君
蜀藻乃專輯龍眠風雅以行予時整比宋元詩丹黃錯
互弗克躬與校讐而竊喜風願之藉手也刻成屬爲序
之子觀古今詩格之升降繫乎時不繫乎地自唐殷璠
有丹陽集劉松有宜陽集黃滔有泉山秀句集於是詩
始以地著矣汴宋立江西之派而推黃魯直爲宗南宋
立蒲陽之派而稱林艾軒爲長於是地著者又因以
派分矣顧丹陽諸集自儲光羲數人外其詩多踳駁不
備嚴羽卿力闢江西爲旁門劉後邨欲自異於蒲陽有
英豪忌苟同之句繇是言之詩固不得以方隅侈勝乎
然非所論於龍眠也龍眠之爲山溪秀而迴複壘壘百
里自爲奧區於天柱諸峰無所附麗士生其間稟山川
蒼迴沈鬱之氣人尚實學不競浮名尚實學則含英咀
華先求根柢風騷樂府戶習家傳雖閭閻童孺之言必
無龕俚寒儉之態不競浮名則適性緣情各據才致外
誘莫奪世趨莫移故有明三百年來詩體三變龍眠之
名卿碩士與四方分壇立壇者未嘗不聲光相接而堅
守樸學一以正始爲歸者固自如也每嘆近日風雅一
道衆喙爭鳴詆婁濫爲浮音黜湘南爲細響紛呶愈甚

格調愈卑使得龍眠學詩之旨而存之則撈籠漢魏
壘三唐前修之彙矩重規後僞之一知半解皆足爲吾
資而不爲吾病彼遂委忘源絜長較短亦祇見其徒勞
矣又何地與派之可言哉當嘉靖初年八才子繼李何
之後狎主齊盟其同游海甸一詩獨心折吳皖山爲絕
唱萬曆間公安袁氏兄弟掉鞅詞苑而不能不以大雅
尊吳客卿蓋龍眠詩雖未全播藝林其英華逗露已踰
十紀至今日始盡發之抑山川蒼迴沈鬱之氣有弗容
終闕者乎夫臨平石鼓千年不鳴一旦引桐魚扣之聲
震遠邇蜀藻以秤量天下之手揚推土風取人怨而衡
句精其所握三寸管亦蜀之桐魚也相約明年同下吳
涇持此編示雲間諸俊人當既有暇而來而與重酬答
遜之願者予尤有望焉

康熙丁巳長至後三日滌岑同學嫺弟陳焯書於三應
亭



龍眠風雅序

潘子蜀藻用三十年之力輯龍眠風雅六十四卷去年
春始授諸梓凡踰歲而告成里中父老子弟踏門購
求以爲三百年來得未曾有懽喜贊歎如出一聲間有
二三不知者嘖嘖議其後潘子慍焉貽書以告許子許
子曰庸何傷彼嘖嘖者吾知之矣其獎有二一曰貢高
一曰媚嫉貢高則好人謂一世莫已若區區彈丸焉
得如許陶謝手媚嫉則忌人之能謂事不必自己立功
不必自己居有豎子成名之嘆嗟乎是何其不廣也夫
天之生才何地何時幾有貢高而不可爲也已則不能
何必忌人之能媚嫉而不可爲也彼嘖嘖者適足形其
不廣而已矣庸何傷吾猶記潘子始事斯舉凡名山名
藏通都之副故家之秘笈兔園之殘箱刊編鑿翰斷楮
廢縑莫不羅而致之几席甚至藩溷間亦著筆墨朱黃
錯互衿袖皆汚手目旁皇形神俱徹移日分夜矻矻不
休其蒐訪之專勤蓄集之弘備近代采風家所罕見也
試觀三十年來晨抄晚寫不間晦明雪纂星繙罔岐炎
朔體分代別全資獨腕之渠正謬讐譌亦屬一手之力
天下有勞如潘子者乎若子雲之採方言持鉛握槧似
樂天之纂六帖刻架編餅因警句以進覈懿行苑家乘
而並撫國史遠稽近溯分部就班天下有勤如潘子者
乎或全書盡蝕于粉蠹靡遺簡或佳句已寶于球壁

弗廁微瑕纖類小疵間改竄以成人之美單辭隻句亦擬拾于小傳之中不忍以廢鼎疑及子孫何肯以捉刀逆其親舊天下有矢念平恕如潘子者乎或不無生前之睚眦而歿後反肆蒐羅或未免來裔之抨彈而先人倍多收緝素有專集精其選則持擇稍嚴歷見數篇存其人則摭撫微恕天下有宅心長厚如潘子者乎竭千旬之甄錄經百手之傳鈔恣摸索于曹劉誰載玄亭之酒挹光茫于李杜孰貽諛墓之金而且儼筆備以貲財稿書胥以肴醴稿經數易清亦再更天下有輕財樂善如潘子者乎即今者剗剗將成聚梨弗給席先蔭而若罔聞知親成書而情不省晉者有之矣非潘子貶燕遊

之需謀倍稱之息其能速潰于成哉甚矣潘子之功于

維桑者大也夫以三百年未有之舉潘子一旦舉而行之先哲有靈實式憑焉吾知白月青燐之下必有聚誦感嘆之聲凡爲子孫及親故者宜瞻禮服膺之不遑而猶嗷嗷焉議其後亦獨何與即有大雅自命者起而發憤爲雄痛加芟刈縮爲徑寸之書重授錢人亦不能不奉此爲絮法而歸功于經始之人也而況乎其未必能耶然則吾龍眠詩人幸而有潘子今日之選也亦不幸而始有潘子今日之選也向使潘子早生二十年當啟禎未罹荒亂之前咨文考獻歷有可徵出其全力延訪四境吾不知其明備又當何如也此吾之所謂不幸也

然使潘子內悒錢刀外畏謫忌不及今毅然舉行亦如向之首鼠莫決旋作旋罷吾恐日月如馳精力不再雖有克棟之書譬比成帙其不與腐草荒烟共其銷沉敗紙退筆同其委棄者幾希矣此又吾所謂不幸之幸也故曰潘子之功于維桑者大也潘子淹博似張茂先溫雅似黃叔度經濟湛澠又似王景略宜不愧博宏之舉乃以州司馬需次選人賴有餘暇得以從事于此因念曩者潘子與于同事選政齊子古愚張子如三敦復實左右之文聚詩正兩書懸諸國門千金不易又曾脩邦君之聘纂修邑志應宗人之請撰輯族譜其有造于家國者詎一端而已耶潘子嘗悵悵于邑志之役以率其

康熙戊午春清明前一日同學弟許來惠拜謨

與潘木厓書

方孝標

標嘗見古人間有異書必多方求之有所誤著必與其朋友相商訂以歸至是故歐陽永叔聞人有古本韓文必索讀之而其文益進蔡西山著律呂新書朱子輯通鑑綱目每緘書故舊門人遠相考正六七易稿乃成固知古人好學之誠雖在數千里外猶往來不倦而況近在里閭之間又皆里閭諸先正之遺文乎僕嘗謂吾鄉人文之盛唐宋以前尚矣即自明洪永而後皇皇秩秩豈亞漢之扶風三輔唐之博陵隴西而諸先正生當治世敦本力行輒不欲以虛聲動海內故當時之以詩文提衡月旦如所謂茶陵華亭五子七子晉江震澤竟陵公安輩諸先正亦多與之同朝同官兄弟事向使曲籍標榜豈不煥然而諸先正之不肖爲此者其意蓋謂有得于古可無求于今有得于今則必傳于後然則表章之責豈不有待于後進者乎是以僕不自量每欲捃拾舊聞整齊散佚仿襄陽耆舊河岳英靈之遺意爲一書而游更患難奔走四方扶冊屢失力不從心向遊閩海見表弟姚經三笥中有龍眠詩傳一部將選而刊之不禁歡欣起舞著序以力贊其成而時有操嚴選之論者僕辨之曰凡選宜嚴此選宜寬蓋凡選主規模此選主表章也其間功名顯奕著述繁多子孫能世其業者即少加刪削終無掩晦若皓首窮經未嘗一遇或子孫

寥落又經兵火所遺本不多而復以字句微瑕選而去之則其人之精神不幾與世抹殺耶經三亦以爲然而不知何故中牽他議以阻至今惜之昨自楚歸金陵見友人處有足下所選龍眠風雅其視詩傳加備加整借而讀之惜爲索還未能卒業然已知其大略足下此舉誠可不朽焉某邦矣又聞足下搜求甚苦至踵門再四不異私求割薄田之入獨力程工此豈非仁人學者斯文自任之道乎且僕昔讀虞山錢先生所編列朝詩選體裁頗與足下此書合但其客氣未除宅心未厚于索般隱刺之言則詳敷揚盛美則略門戶玄黃之事則艷稱長紀而和平正大之氣往往不足以視足下此書傳賢貴者既詳悉有度而于隱逸之老窺約之儒尤加揄揚訪諮遺蹟極備而又皆芟繁辨僞挖善闡幽毫無吐茹于其間僕于此爲足下服且爲足下慶矣傳曰方以類聚物以群分吉凶生矣夫吉凶何有方物豈非謂陰陽之氣自行天地間而人心之吉凶往而迎之心吉則吉生心凶則凶生若足下胸中則純乎其吉而天地之吉氣自集爾躬吾知足下等身之著述異日必有輶軒之採名山之藏矜重愛惜亦如足下今日之于諸先正者等矣若夫首以先斯事之忠貞終以家室之之苦節于衰宗先後能詩者網羅略盡而以先君子與先兄環青丘弟子畱各爲一全卷且云此家國之光不徒桂林

之盛此又僕輩之承休席寵籍以光昭來茲豈獨一時
感輯已哉惜未獲熟誦故敢求足下以一本見示俾得
漱芳潤而對典型豈不幸甚至僕愚自爲詩文亦久矣
少作不足存近在數十年間者詩曾自刪成帙爲一敝
門人刻之嶺南兵亂板未攜歸惟文二種一爲敝門人
刻于廣陵者一爲敝門人刻于潯陽者詞既固陋刻復
不精然海內爲文者多知文者少知文而平心淡心于
文者尤少若足下則知文而又平心淡心于文者故敢
以就正諺云拋石引玉傳云佗山之石可以攻玉僕頑
石也何敢以引諸先正之寶玉然惟以陋質異足下之
不棄而賜他山之攻耳臨紙不盡

龍眠風雅發凡十六則

吾里舊隸舒州代稱巖邑朱司農遺愛祠鄉陶都督惜
陰樅水業已覃敷聲教蒸起人文迨山莊岡自公麟讀
書臺傳魯直地靈所孕弘長風流惜邑治遷徙靡常宋
元以前湮沒莫考斷自洪永漸有聞人方斯事 蹟汨
羅之躅姚泰知 九流渤海之膏狎主吟壇允推鼻祖嗣
是家握靈蛇人裁繡虎莫不咀漢魏之芬苾鼓六代之
笙簧但敝邑僻處山陬郵筒濶絕而先正鴻儒著書滿
家又皆恥釣浮名祇用自悅坐是流傳益渺全集罕聞
予于戊子秋曾與方子子畱 授有志茲選網羅放失獵
秘揅遺已刻未刊約得六十餘種顧恩於帖括作輟鮮
終庚子辛丑之間錢子飲光 溫之姚子經三 文慨然
其事乃盡發夙藏傾筐倒庋而沮于異議未觀厥成子
用是不揣爰陋殫力蒐求久歷歲時擗據較駁因自念
竭半生之力閱三紀之勤用意良劬填咽篋衍委實可
憎謬呼將伯助我庀工今幸藉手告成予雖身職其勞
而方錢姚三子權輿茲集表章往哲實歸首庸予其敢
貪爲已功乎

曩與方子子畱首倡斯舉顏曰龍眠明詩選厯掇前代
不列 今朝錢姚二子又廣綜已逝采及時流良以人
亡論定闡幽發潛無岐古今耳第姚曰詩傳盛推昔人
著作錢曰詩存嚴持一已權衡揆之鄙衷均不敢出因

思詩首葩經托始風雅太史公曰國風好色而不淫小雅怨誹而不亂摘詞之家取法乎上風雅二字盡之矣雖不能至心嚮往之亦曰此吾龍眠之風雅云爾如謂方駕三百比宣聖刪定之書微獨予不敢誣昔賢即昔賢地下有知亦不敢自誣也

唐人選唐詩如姚合之極玄集韋莊之又玄集殷璠之河嶽英靈高仲武之中興間氣間于各姓名下叙其爵里槩其事實凡以闡揚當代近而易稽美行嘉言均無攸伏況生同閭閻長接粉榆其遠者非吾高曾射遊之儔即吾父祖祝嘏之老至近狂數十年內予猶及見其笑貌聲容可勿覩彼懿規光茲雅製集中所刻小傳率采諸國史副以家乘庶不致文采燭然實行茂據其無所攷證又不以行狀來者未免闕如非予過也

良璧受點于織瑕純錦蒙譏于微額點文竄字裨益匪輕是以陳思定敬禮之作雲臺改齊己之詩苟有替陳弗嫌弋獲茲集所登務期全體美善第恐修章蹠難斯藉芟繁累句厖茸亦資餘陋予于先輩傑構不敢妄爲更絃惟韻脚欠穩及字義未安者間効他山至同儕果遜佳篇稍虧警策則不愆塗乙僭事推敲增損出入似有微長覽者鑒予苦衷無非成人之美匪故爲敗鼓之撻以貽點金之誚也

古人篇什流傳每見甲乙兩存祇緣世遠人湮難從臆

斷故旋好光祿一歌互傳荀鶴雄飛同詞並見諸如此類不勝枚舉予上下三百餘載間或傳聞異辭如姚子詩傳所載江公弘濟二詩見于林鵬山刻本掌慧軒所載石馬謠見于謝中隱抄彙集中不無一二惟有闕疑以俟考辨之君子

賢裔揚挖前人義舊表襮亾友人之欲善孰無同心願有美弗揚命之曰隱無實而飾名之曰誣予有事斯役卽矢擯廢詩槩從刊落而親故見投連篇累牘魯真齊鴈剖判奚從彼既長蹠而前口陳仁季之惻何忍一麾而太自蹈逆億之譽亦云可欺以其方而已若予也父祖三世未有遺集不敢僞撰青箱叔季兩人本乏傳文焉肯託名花萼以身作則自信無欺縱或捉刀相摹適彰假手之陋

卷次悉依世代不敢任意後先惟以科目起家者甲乙瞭然按籍可攷至于偶民節士末由編年然初盛中晚亦在髮髯之間無甚遼絕絕其有雁字連章似寶氏聯珠之集嚶鳴接簡等彭陽唱和之篇間或觸手隨編並無成見

吾邑人才之盛不必盡以詩稱集中所未載者代有傳人如季友則有檀季子道清郁吳秀才德升堂夏文學以忠子金季子韓忠讜則有許御史友進潘僉事洪雷御史希曾宗張光祿大被澤吳通政石蘭自馬問

卿泰符孟頫理學則有何王事省齋唐童布衣定夫自

姚文學崇孔希顏趙均州子恆銳陳牟醇蟠石朝棟

循吏則有黃副使宗學敏方天台與信印吳方伯元石

一介方少卿惟力克張大叅希古淳或勒功名于竹帛

或饗禮祀于尊宗皆此邦之典刑也脫有篇帙流布則

春華秋實二者兼收竹簡之載必與輶軒之采並垂汗

青雖然揚子雲不為篆刻曾南豐豈必能詩一代偉人

千秋物望固不以茲集之有無為輕重耳

龍眠形管之盛倡自初蘭張夫人清芬姚節婦久登詞

璫然如耀珣節於危疆仲賢守貞于阿閭大義彪炳奚

假雕蟲而飾婦宮閨詩史一書匪明風烈錄正損美尤

禪風教訓是玉臺香區不分鼓吹吾母松蘿實標鼎立

又有茂松吳節婦澄心孫夫人蕙綢方節婦諸女宗分

路揚鑣雲箋廣唱大約夜半悲鳴傷黃鵠之早寡故人

恩重感孤燕之獨歸豈懼愉之辭難工愁苦之言易好

乎若夫環珠何孺人棣倩方夫人咸琢詞章纓芷姚夫人

如絨秋張孺人並工藻翰可謂鍾禮郝汾嗣京陵東海

之徽謝遏張玄遜林下閨房之譽并幃女士何減詞人

然而內行肅雍母儀貞順筆露花露皆珩金虹璧之吟

墨蘸香脂鮮冶葉倡條之奏則又閨閤錚錚雅音與高

行並傳矣

自三李賡龍眠之操蕙黃稅山谷之遊載在篇章山川

增價固采詩所宜首及也第士著自明初為斷則流寓

以遠溯較難雖有名碩畱題姑從割愛惟是邑有邦君

花封沛桃李之澤學多博士鱣堂流芹藻之香倡導人

文厥功匪細然而棠陰既遠不聞賊退示官吏之詩也

席久寒亦鮮盤中長闌干之句祇餘姚許君會司訓

鐸題咏雖多惜無合作至近今賢侯如三原石公二孺

明武昌鄔公夢陽汝楫並皆騷壇宿素而方賦初衣嗣

容續入以效表揚

黃冠白足類說法以拈花金簡現函亦寄懷而挾藻吾

邑洞賓名泉仙姑號井山靈結聚厥產異人况投子傳

賣油之趙州浮山有談基之遠錄法門龍象代闡宗風

于今為烈乎紫霄心常依道一任三彭是非道潛絮已

沾泥不逐春風上下聆彼吟咏足證功修子採擇道兩

家取其切事嚴偶不墮機鋒庶幾詞場之一助云爾

是集肇舉經始于友子畱息壤猶溫玉樓忽賦今書

成而宰木且拱矣至友人方子爾止文楊子古度臣

方子還青袁鄧子顛厓森陳子子垣垣祝子山如祺

左子子兼國方子象山兆倪子南蔭士齊子古

愚邦李子仲山延方子井公里齊子念修繩左

子夏子國馬子一公敬思李皆曾目擊收緝

各出家笥廣為揅羅相與斯夕揚摧者也十餘年來宿

草被墳綠苔生閨人既後先奄逝詩亦次第游登授簡

徒形于夢魂遺書翻問諸妻子警校所至輒爲撫卷執
獻不啻過西州之門悲廣陵之散矣然生存翊襄盛事
功不可忘所當備刻簡端以志玉成之雅

吾鄉二三青宿凋零殆盡惟舊水部函雲吳無齋先生

影舊山間一來遊閣閣予小子追陪杖屨竊聆緒言別

隱宜幽猥蒙是正姚子經三所輯詩傳嘉隆以前半依

原本不更刊削而錢子欽光又手一門合集面授有年

其他拾遺舉墜竭慶贊成家集而外多方撫拾則李子

石連陳子問諸李子芥須陳子越樓許子伊

高李叔濟明方子念培何子方屏

張子西渠姚子彥昭何子存齋齊子秋浦

趙子湛齊張子敦復戴子導及左子椅亭

國治孫子喈公方子子安孫子臥公方子

素伯中履齊子懷芬門人何子鳳翥漢客楊子鼎

士謝子漢王子成績趙子館從叔貽孫

九芝輩蒐訪之功爲多或發累葉之笥藏或輸帳中之

枕秘有聞必告無隱弗諂甚至吳江楓落亦傳信明長

笛一聲不遺承祐子因得披陳萬卷縱目戲戲則諸子

擷致盛心當與昆刀難字並壽貞珉固非子一手一足

之烈所敢專美也

里中先正名什鏤版而外強半鈔謄未有求若牛腰動

盈累尺者近代惟方官詹坦菴方淮西爾止文馬

樞部正誼之方太史愚者以智方罷丞還山諸稿

卷帙最爲繁富幾於何長源之架溢茂先之市飽皆目

眩心播望洋而嘆子渺見謏識如貧兒入寶藏中莫知

所割賴同志五君各出手眼匡予不逮如陳子二如武

之于何陋居集麀菴姚子彥昭之于舍山集陳

子默公之于秣莊集李子士雅雅之于浮山前後集

許子綏人于四松齋集按尤扼最使作者駟珠

獨出旌壘一新良友伙助之勞尤不可沒云

往見還家部署隨轍相因甫竣壺中旋登方外洞緇流

于祿翟廟羽客以筭珞銓次非倫錯淆失體雖無傷于

雲水實有礙夫閨幃茲則婦麗其夫表臻妻頌椒之慧

女綴乎父敷謝媛咏絮之才既以遠別嫌疑抑且微分

正聞至寓公生于斯土終是踏雪之鴻即古德來自他

方亦等遊雲之鶴果繫桑梓另刻梅檀

此則卷末所汲汲區分者矣

是集或譙予不無溢濫退有後言不知三百餘年吾

鄉詩人從未彙成合集用備大觀當茲標榜之始徵文

不得不寬取人不得不恕異時宗工碩彥采風下里

庶不患裁擇無資苟存什一于千百良爲厚幸夫十步

之間必有香草百里之邑豈乏風人况以三百餘年之

久遠登載者僅三百餘人惡得謂之溢濫乎古詩三千

餘篇宜聖太其重可施於禮義者存三百五篇然則予
茲選卽與古風雅比絜亦宜聖未刪前之三千餘篇非
既刪後之三百五篇也誠欲執化權以進退詞流窮真
脣別妍媸汰三千爲三百有志刪定者任自爲之其何
以譙予爲

康熙十七年歲在戊午閏三月上澣木厓潘江蜀藻氏
自識于石經齋

龍眠風雅總目

木厓潘 江蜀藻輯

卷一

方法 謝佑 姚旭 方佑 江弘濟
方向 章綱 周京 陳務本 盛德

卷二

錢如京 蕭世賢 丘寧 余珊 錢如畿
方見 方克 姚希廉 方璽 錢元善

卷三

齊之鸞

卷四

吳檄 方效 方是 汪一川 方良

方祿 吳俸 方照 齊傑 齊述
盛汝謙 方點 方兼 吳一鳳 方可

卷五

趙鈇

卷六

秦嘉禾 戴完 錢元鼎 林有望 胡效才
何思鰲 錢可久 謝如山 吳應道 戴乾

卷七

方學漸 盛世承 方學箕 趙鴻賜 方學聰
方學記 方大美

卷八

吳應賓 吳氏今則

卷九

方大鎮 吳用先 齊鼎名 胡瓚 胡珍
姚自虞 方學權 方大年 方大益 方大猷
方大式

卷十

何如申 何如寵 錢志立 方大晉 齊近

卷十一

阮自華 范一謨 姚之蘭 戴耆顯 吳應琦

卷十二

劉徹昌

卷十三

左光斗

卷十四

姚之騏 林胤朝 倪應春 謝逸 盛可藩

林胤瀟 吳善謙 方大璋

卷十五

張秉文 方氏孟武 方大鉉 方氏維則 錢巨明
方大欽 錢志道 吳用舒

卷十六

姚孫榮 方氏維儀

卷十七

李遇芳 齊琦名 方學御 齊萊名 吳廷簡
方之璧 李正時

卷十八

葉燦 方大任

卷十九

方孔炤 吳氏令儀 吳叔度 方大階 吳紹奇
王曰都

卷二十

姚孫渠 姚氏宛 齊心季 胡效憲 倪嘉善
左光先 吳用寬 方孔時 戴時翔 錢潤

卷二十一

孫晉

卷二十二

方拱乾

卷二十三

方若沐 方大普 夏承春

卷二十四

張秉貞 吳紹廉 方象乾 戴君擢 方元芳
張秉成 葉士璋 周法祖 馬懋勳 程冲然
齊登閣 方聯芳 倪自清 方孟圖 胡學華
方穀

卷二十五

汪國士 吳國琦

卷二十六

姚康

卷二十七

王杰 李文華 何應璫 吳用鈐 方若坤
盛氏 方若素 汪百谷 趙連城 方叔猷

卷二十八

白瑜 方鯤 夏統春 趙士先 張秉彛

光時亨 王夷吾 高日光 葉士瑛 何應珽

白筠 都克任 白篆 何棟 胡如瓏

卷二十九

馬之瑛

卷三十

蔣臣 潘映婁 錢秉錡 楊胤昌 吳應珙

卷三十一

姚孫裴

卷三十二

王彭年 李在公 錢秉鐔 葉組 戴震
周夢復 盛斯唐 方叔邵 王珪 吳日景
張畧 周述謨 孫光先 范世忠 吳用銘

卷三十三

方文

卷三十四

鄧森廣

卷三十五

楊臣諍

齊程

李明桂

汪天際

胡如瑋

汪必達

王敬修

齊新

劉夔

張克佐

左國柱

吳天放

吳兆鼎

齊三祚

卷三十六

吳道約

卷三十七

周岐

趙相如

倪元善

程熙載

王敬德

李毓崑

孫如蘭

胡代工

卷三十八

范世鑑

吳道軾

陳拱璧

江中龍

戴閏閏

張克儼

李延壽

吳紹志

劉胤芳

吳道濟

楊遜

厲貞

戴適

吳汝旂

齊煜

吳日杲

卷三十九

吳德操

方其義

卷四十

孫臨

卷四十一

吳日永 光廷瑞 方思 袁廷憲 姚式過

卷四十二

方授

卷四十三

方以智

卷四十四

程芳朝

吳季賜

卷四十五

方孔一

江之漢

姚孫森

方搗謙

卷四十六

吳道凝

王大仍

卷四十七

齊登元

倪士騏

高文光

唐時謨

王嘉之

陳垣

馬懋德

胡如珪

潘士璜

臧天格

倪天樞

方啟會

齊永繩

倪天弼

高拱斗

錢克恭

吳德音

戴耆暎

何應珏

卷四十八

齊維藩

齊岳

卷四十九

方畿

卷五十

左國林

左良如芬

彭嶺

潘益

周康祀

余鳳衛 吳弘安 方無隅

卷五十一

姚文烈 葉文鳳 戴弘烈

卷五十二

汪鶴齡 汪啟齡 汪遐齡

卷五十三

方兆及 吳日駒 倪傳 方大全 吳德堅

章于漢 何永喆 高友荆 楊騏 方維岳

彭大年 王孫彥 吳道親 張克偉 栢廷植

鄭寧 吳用釗 徐宣 吳用鐸 方儀

卷五十四

方兆弼

卷五十五

孫中麟 章民有湘 孫中彖

卷五十六

祝祺

卷五十七

陳伯英 方孔矩 錢旦仍 張秉哲 倪甄善

方道乾 左國斌 倪士棠

卷五十八

齊繩祖

卷五十九

周曰赤 吳道合 馬之瓊 方里 吳循

潘天芝 童奇珍 何永圖 江迴 齊敕

方訥 姚孫植 陳鵠 齊永建 張曉

卷六十

丁倬 方戡 左國鼎 孫大年 王虬

潘五芝 姚文虞 吳日昞 光廷球 方雨

吳季鳳

卷六十一

馬敬思 馬孝思 馬方思 馬日思

卷六十二

戴臚 左國昌 方碩 姚文良 錢法祖

方于宣 姚民鳳 吳兆武 吳昌猷 丁舟猷

姚士奎 吳熹 殷邦 吳席 姚鼎孝

張竝 周孔愛 周肯堂

卷六十三

寓公

王宣 鮑仲熊 汪之順 汪宗魯

羽士

吳道陪

衲子

釋淨倫 釋洪恩 釋德清 釋法鑑 釋本智

釋佛光 釋行岡 釋大猷 釋元亮 釋戒顯

釋慧琛 釋道盛 釋如清 釋海珍 釋本正
釋音可

卷六十四

衲子

釋明雪 釋淨燈 釋存省 釋大寧 釋弘智

甥張若涵長源

張若湛巨源

方 將當時

吳宗璧駮三

方 來乘時

吳宗琛冰六

吳宗珩蒼石

吳宗球天一

男潘仁標霞舉

潘仁樾括蒼編校

門人郭 璐月珮

王慧業以奏

高 華旦兮

楊 周監二

戴名世田有

謝 漢雲倬

何鳳翥漢客

方朝宗滄思

謝 淳蒼霖

趙 館良冶

王成績浩生

都 蔚樹瞻

王 彥月如

金 城載維

謝 泌次鄴

金 楫用舟

楊 鼎姬士

胡秉文次衡

張 濤大山

張 漢次山

朱能文今民叅定

龍眠風雅卷一目錄

木厓潘 江蜀藻輯

吳江顧有孝茂倫 參

同里錢澄之飲光

方法 五首

謝佑 二首

姚旭 二十六首

方佑 二十六首

江弘濟 二首

方向 三十四首

章綱 一首

周京 二首

陳務本 一首

盛德 四首

龍眠風雅卷一

木厓潘 江蜀藻輯

方法

字伯通少孤性孝母程授以書中洪武已卯舉人官四川都司斷事永樂元年蜀藩表賀

公抗不署名尋召建登舟謂家人曰至安慶告我次望江具衣冠再拜曰望吾先人可矣作絕命詩自沉於江先是公舉於鄉至試為正學先生首以託孤壽命大節不奪命題至是果無忝師承云

蜀中逢客作

有客從江南布衣行入蜀自言少貧賤不能策高足放蕩遊江湖飛飛慕黃鵠方今兵戈興死者道相屬聞之拔劍舞忼慷為誰告引領望京師安知我躑躅泣下非故鄉君勿竟此曲

客中送人

人生世上離別難他鄉九月秋風寒秋風吹落西門柳遊子見之空搔首憶昔辭家事遠遊腰下弧矢懸吳鉤祇今十年髮漸白依然窮困他鄉客他鄉猶復送行人驅車陌上起灰塵安得使我長少年東浮滄海西至秦

絕命辭

休嗟臣被逮是報主恩時不草歸降表聊吟絕命辭身當殉國難死豈論官卑千載波濤裏無慚正學師聞到望江縣知為故國濱衣冠拜丘壠爪髮寄家人魂定從 高帝心將媿叛臣相知當賀我不用淚沾巾

渡黃河

野曠天陰日欲西北風吹雪鴈行低交河路斷行人少

一片寒沙沒馬蹄

謝佑

字廷佐少孤貧事母以孝聞嘗讀書牛背舉正統丙辰進士授御史歷官山西布政使所在著廉聲鄉人共守武昌頗滋物議公寄詩箴之有塵起須開扇元規在武昌之句著述淪佚今僅存二詩以見一斑

卽事

無心雲出岫。冉冉到林塘。漸覺交遊少。初逢節氣涼。鬢毛嗟我老。名利看人忙。塵起頻開扇。元規在武昌。

山居

流水青山路欲迷。人人疑是浣花溪。紅鱗屢得烹新饌。紫燕重來覓舊棲。軒宇風涼開簡牘。村田雨霽看鋤犁。慇懃寄語催歸鳥。我已歸林要莫啼。

姚旭

字景勝號葵辛未進士初授刑科給事中歷剛介天順朝以言事忤權貴謫鄭州判惟吟咏自怡秩滿去民懷其惠遮道不得前公于馬上作詩謝之守南安有嘉禾之異至今傳為美談後陞雲南參政盜發上命太監委公同三司督征公威愛並行戒毋濫殺事平不待論功遂乞骸歸隱山林所著詩有菊潭集

擬古

燕臺古名地。婉婉一佳人。青春裁二八。秋水涵精神。新粧薄脂粉。意態幽且貞。明璫雜環佩。皎服織阿新。蘋藻心自潔。蹇脩意何頻。伉儷苟不慎。空悔百年身。肯學青樓女。輕踏化衣塵。

夏日詠懷

夏景劇炎天。庭蟬強聒鳴。心煩聽亦厭。心耳何時清。所

處既非地。所適難為情。飛樓與邃閣。何人高崢嶸。最哉慎所守。天運終當亨。

鄭州懷古十詠

周帝陵

孤阜雲荒草。木稠白楊悲。振野風愁陳。橋馬上恩終負。拳嶽仙方願。未酬老樹棲。猿啼落日遙。山列戟。枕寒流。翠華玉輦。今何在。俎豆星霜。又幾秋。

僕射陂

名陂如練淨。無波倒浸青天。一鏡磨兩岸。綠茵芳草合。滿川紅錦。藕花多。沙邊日暖。眠鷗艇。水底春晴。擲鯉梭。僕射想應蒙。賜後畫船尊酒。日相過。

大夫祠

大夫相鄭居東里。遺像堂堂殿宇雄。漆洧烟波流不改。衣冠今古祀猶同。雨侵荒砌寒秋草。塵壓雕梁泣暮蛩。民俗豈徒工頌祝。椒漿深念惠人風。

丞相塚

威望當年重。四身嘗繫國。安危小兒腹。坦緋衣。日元老名全。綠野時林錦。月高歸鶴杳。梅烽烟冷卧。麟悲不知何事。無遺表。半臺空。令帝子思。

管叔城

管城廢址草茫茫。屈指曾經百戰場。似有鳴鵠鳴夜雨。不堪車馬送斜陽。山含秋色迷孤館。樹引荒雲覆女墻。

試上層樓頻悵望錦京離黍幾回傷

祭伯城

塚塹荒蕪雉堞平鄭人云是祭公城故居野草空涵綠
采地閒花自落英京水霜寒秋鴈集梅峯月冷夜烏驚
不堪往事皆陳迹徒使行人倍愴情

夕陽樓

危樓百尺凌霄漢面面玲瓏透夕暉波冷蒹葭孤鶩落
烟昏楊柳乳鴉飛依依皓魄開明鏡隱隱青螺列翠圍
城郭已非風景異西崑花萼自芳菲

候月臺

良宵雲淨天如洗望裏秋山爽氣清一曲霓裳歌暫歇

九霄冰鏡魄初生何人題石空留字我亦成詩不記名
近水翻令臺館沒素娥愁聽夜烏鳴

浮波亭

碧水粼粼遶四圍幽亭當日俯漁磯豈因精衛填能滿
遂使馮夷潤亦稀林外風思來竹簟荷邊香想襲羅衣
如今遍地青青草惟有蛙聲聞夕暉

列子觀

紫府仙人去不還獨留遺迹在塵寰苔荒藥鼎雲常護
春暗丹臺草自閒老樹不來雙白鶴敗垣猶對舊青山
洞簫寂寞烟霞冷徒見空塔碧蘚斑

題密縣天仙白松

貞幹齊芳一本同天仙同日化奇松東歸華表還疑鶴
西去瑤池暫作龍勁節合教霜雪護清陰常被石苔封
根株原自移三島指點雲中玉女峯

和耿好問韻

批鱗同出建章宮不盡君恩涕淚中泥露萱花多近北
受風蒲柳恰偏東莫因失路悲逾切自古浮湘賦轉工
淮酒烟波勞遠望庭間兀坐數飛鴻

和周彙行人遊東山寺韻二首

皇華星使出天關暫控花驄駐此間步月簪曾遊閬苑
觀風今喜看東山吟邊鶴舞松陰轉醉裏鶯啼樹影閒
清賞無緣追騎從坐看雲起又雲還

古剎蟠空盡日關鐘聲隱隱翠微間映窓搖影竹盈
隔戶飄香花滿山寶鼎烟消遊客散石床雲冷定僧閑
詩成酒罷歸來晚醉控花驄踏月還

次韻答范德章郎中二首

旌旆歡從此地過送行無奈別離何霜飛使節天文動
柳拂征袍瘴雨多極浦日高帆有影大江風順水無波
歸朝想聽簫韶罷時和陽春白雪歌

送君橫浦惜分襟別酒須頻莫厭斟紫禁帝城恒入夢
白雲親舍獨關心櫂穿渤海波千頃帆擁匡廬翠萬尋
王事已堅歸省畢不妨酣飲且長吟

題白猿洞

山巔古洞景幽深，窻戶玲瓏夜不扃。一柱獨撐瓊玉府，兩楹相映水晶屏。懸崖倒結樓臺影，流乳堅凝虎豹形。回首白猿今不見，洞門惟有數峯青。

題五華寺曠怡樓

倚天突兀梵王家，丹碧流輝塔影斜。螺髻好山堆玉案，昆明春水漾金沙。境幽庭勝侵苔草，僧定苔多覆地花。坐久細窮方外事，滿簾紅雨散天葩。

征昌明蠻賊凱還而作

曾領征南上將兵，六花光照鐵衣明。雨隨雕箭鋒頭落，人在龍旂隊裏行。氣奪百蠻山失險，枚啣千騎夜無聲。旄麾已滅狼烟熄，鐘鼎何勞更勒名。

和題點蒼山

青天削出繡芙蓉，紅紫花開遠近峯。山鑿點蒼金萬仞，洞涵空翠樹千重。林嵐拂曙啼幽鳥，雲氣爲霖起蟄龍。收拾錦囊詩料在，筆端隨處贍詞鋒。

過胡陵城觀楚漢舊壘

雲黃沙白怒濤爭，路入胡陵見古城。風雨當年銷霸氣，江河昔日駐精兵。殘鴉噪晚翻孤影，老樹號寒起戰聲。楚漢英雄俱寂寞，空餘流水繞山清。

題贈鄧德溫

一間茅屋一幽人，鶴髮皤然眼倍明。理罷絲桐閒課子，半窓梅影讀書聲。

舟過洞庭遇雨

碧水如天萬頃浮，布帆高掛漾中流。帶將一陣瀟湘雨，直過湖南幾十州。

黃鶴樓

危樓百尺倚江臯，欄檻翬飛抗沈瀟。黃鶴自從騎去後，白雲空鎖舊樓巢。

方

佑字廷輔，天順丁丑進士，拜監察御史，巡三省。縣治行天下第一。將不次擢用，會銜者主銓政推。桂林知府以桂林舊按地陰抑之也。蒞任八月，託病免歸，隱萬松間十二年。足不入城，所著有省菴集。

送簿之官

佐覽之官去行行，出帝城楊花風外舞。草色雨中生，駐馬鞭初贈歌驪酒。更傾知非爲鳳集，計日又相迎。

駕獵南郊

聖皇端拱樂雍熙，出獵南郊曙色微。扈蹕旌旗紛似簇，連營弓馬疾如飛。風恬四野沙塵靜，日暖三冬雉兔肥。鑾駕從容歸路晚，龍樓初月正光輝。

早朝頌扇

夏日炎炎正畏人，聖恩頒扇及孤臣。九華子建文名世，六角羲之字入神。幾陣清風多爽氣，半輪明月絕纖塵。南遷不減西臺日，出入懷中一倍珍。

過小孤山

屹立層霄玉一簪，荒祠古木夏森森。西收楚水歸江漢，

東接吳山鎮古今日月懸光天咫尺蛟龍遁跡夜深沈
豈徒舟楫通商賈春到雲偏布雨霖

三十六灣南阻風

南灣暫泊夢汀前風捲秋江浪拍船
喬口有山雲礙樹洞庭無岸水連天
和烟鷺傍幽溪立帶雨鷗尋靜渚
眠對此不堪人久住長安回首路三千

過長沙

岳州南望卽長沙路轉岐分去更賒
鴻雁未稀鄉信少青楓漸老客愁加
雨餘氣肅茅無瘴風逗香來桂有花
千戶素封千樹橘年年珍重當桑麻

中秋泊磊石驛

蘆葦蕭蕭橘柚黃洞庭風靜月輝光
張翥不耐星槎遠庾亮其如更漏長
釣艇歸來漁父冷郵亭候罷吏人忙
今宵獨有南遷客孤懼天涯一舉觴

送余僉憲考績

青驄一自別南臺開府遙看桂嶺來
赫赫九年旄節重勞勞兩鬢雪霜催
江飛畫鵲程雖遠路轉嘉魚瘴已開
此去若膺前席問薰風今日阜民財

寄章太守

千里相思欲放舟一官羨爾近皇州
蒼蒼雲樹頻回首杳杳鱗鴻已度秋
爲問自辭明主後不知曾夢故人不
長安浩蕩春如舊五馬何時得共遊

竹月軒

儼然一室最幽深竹滿階除月滿林
忽聽枕邊聲憂玉漸看窗外影搖金
玉猷相識初成癖謝朓多才却解吟
遷客天涯差不俗賴君爲我濯纓簪

寄王孟達

送別曾無折柳詞長安終日一相思
春天樹外知何處夜雨床頭憶舊時
彩鸛潞河南去遠錦鱗淮水北來遲
故園回首三千里把袂應須在鳳池

次韻寄杜公序

修舊令

憶昔京華與共遊往還談笑最風流
鳳池一別幾千里雁字不來三四秋
新政未誇新令尹舊家猶羨舊賢侯
老年宦業心何壯辛苦孤身天際頭

衰柳次吳王事韻

百花冉冉草離離何事蕭條只故枝
西照祇餘蟬噪處東風無復馬嘶時
使君詩就三叉手遷客聽殘兩感眉
莫是陶潛歸去晚衡門恰對影差池
花殘葉落兩支離空見寒烟鎖舊枝
眠起無因同漢苑飄零有恨似隋時
當風不復窺新眼却月憑誰學畫眉
試爲君歌永豐柳陽春屬和鳳皇池

祈陽道中

千里程途五兩風祈陽泊處路方中
藍拖一帶瀟湘水青出層霄衡岳峯
漁唱樵歌隨處別竹籬茅舍幾家同

歸期計在之官日壽鶴明年又向東

赴桂林

臺臣作守忽西東路入南天漸不同攸縣別來千里外
桂林行去萬山中土夷雖有任羈俗士子還多陸賈風
持斧昔年曾到處人人猶避舊青驄

赴梧州謁大中丞

清晨五馬出江邊不似青驄勢赫然夾道爭看千竹馬
隨車只用一蒲鞭案頭白簡霜雖薄腰下黃金帶已懸
不負聖朝民社託淮陽何必十經年

洞庭阻風

西風拍拍浪搖天盡日湖中不見船一點君山烟霧裏
三家漁子蓼花前野橋張望家何在荒岸依樓客未眠
尋得前村相近處儘堪沽酒却無錢

公餘夜讀

性癖從來好簡編公餘相對夜忘眠燈開一點花如粟
漏轉三更月上弦官舍厭聽蟲唧唧家書欲寄雁懸懸
良宵且得窮今古案牘平明又滿前

官舍閒砧

桂林花落逐秋風浣濯家家起女工砧杵聲聞官舍裏
鄉關情動客途中寒衣此日憑誰寄官况今年漸覺窮
安得祇攜琴與鶴順流直下皖江東

全州湘山寺

層巒疊嶂樹交加一徑穿林晚更賒照塔寶燈懸日月
卓泉錫杖隱烟霞到來八月堪辭郡歸去千程未近家
壁上幾多題咏句半埋塵土半籠紗

過陽朔

衣繡曾從陽朔過道旁負弩吏偏多石龕舊已供虞帝
銅柱新看紀伏波別去梅花愁借冠到來桂樹慰思何
莫論治郡勲名減五馬前頭節候和

別南人

朝廷本意愛南人暫許親臣作守臣敢薄淮陽難卧治
祇緣楚客久吟呻往時白簡空然貴此日黃堂尚爾貧
賴有韓公大中也寒賊膽賢於千舞格苗民時事

書懷

一生書劍客他鄉漸覺蕭蕭髮滿霜千里故人頻入夢
柳陰疎處菊花黃

桂林署中有鵲來巢

託身曾向萬年枝暫借寒松住片時待得上林春氣暖
結果依舊傍龍墀

逢攸人

舊令新爲郡大夫更將別路作歸途嶺頭梅子蒙相贈
爲問而今酸也無

江弘濟

字本深成化丙戌進士由邑令擢御史丰哉
獄獄權貴憚之按滇南卒于官平生手不釋
卷讀書目數行下爲詩文必根于理
所著盡歸淹沒搜二詩以存其概

與鄉人飲

我見古人心不見古人面我見今人面今人心不見心
神嘗與古人友形骸且酌今人酒呼牛呼馬不足驚爲
鬼爲蜮爾何有高山擁翠入晴空黃鸝杜宇啼春風古
人縱飲聲有嗔我亦頽然醉其中劉伶阮籍今何在後
來達者不可待人生安別賢與愚有酒相逢且相對

送孫逸人遊楚

薊門歸幾日又作水雲遊策蹇青松路鳴榔白蓼洲
笛聲黃鶴夜木葉洞庭秋到處堪容醉生涯一任浮

方

向字與義成化辛丑進士授南京戶科給事中時
權貴驕橫巨富尤不法弘治己丑西安門災
雷震洪武門鳴吻及孝陵柩公抗疏劾諸臣罪
狀上立黜責之卒爲瑞所中獄具衆不免謫雲
南民風佳矣

南多驛馬送臣交章爭之不報直聲動天
歷官瓊州守及歸有僕私市一珠渡海覺之授王
波官曰毋以爾珠喪吾珠也尋入覲卒所著有素
亭集兄印字與信成化丁酉舉人亦以清廉卒于
官生平弟兄多倡和今印詩無一存者從子克宇
惟力嘉靖丙辰進士官御史其剛介不減于公所
著有西川文集
亦有不可得矣

讀謝方伯神道碑

倪宗伯所撰

哲人不可作士林無輝光典刑日已遠文字照遺芳在
昔元綱頽四海如沸湯江山入戰圖天地含瘴瘡乘時
舞鱷鱣恣食紛豺狼殺人刈草菅流血成川潢無家問
妻子攔道哭爺娘人不保朝夕疇能事耕桑偉哉君先
翁愛心日皇皇散貲結徒旅義旗此攸張匪徒庇宗族
比閭用平康林木息楚談池魚無橫殃善門慶有餘仁

者後必昌報施理不爽瑞氣來瀼瀼英鍾秀所毓乃見

人鳳凰少年薄生產意氣爭鋒銳平原扣牛角讀書聲

琅琅縣官修文事簡登急俊良聲名動朝著丰采凝班

行出納政惟允審克刑斯祥初持栢臺節六月霜時颶

載泛南海槎三年波不揚星辰麗中岳雨露膏四方政

洽人通和所在田無蝗斗印懸纍纍薇垣出堂堂袍團

蜀錦鮮帶簇南金黃自天錫褒嘉後先相燁煌任重操

逾厲官成道彌彰九重眷方隆台位虛中央胡爲忽慕

然知止悔乃亡連翩進休劄爛熳催歸裝疏傳早謝漢

楊尹終辭唐臨岐發長嘯逸興飛揚揚前途問征夫曙

色涵蒼涼故園舊茅屋倚帶東山陽屋頭何所有好峯

互低昂猿鶴固無恙松竹猶未荒三徑媚晚景一鑑開

方塘烟霞護琴臺薛荔蔓書房侯門列稚子牽衣走踰

踰閑口時世事放懷風月塲朝冠卸巍峩野服裁郎當

解猛百花潭欸段五柳莊盟鷗坐白沙抱犢卧崇岡既

荷劉伶鍾亦背李賀囊松風灑塵夢石泉漱黎腸芭蕉

自覆鹿岐路誰亡羊逍遙觀大化從容反吾常陰雨結

夜愁悲風生白楊龍眠鬱佳城馬鬣封阡疆有美宗伯

公雄文吐星芒掄揚非溢辭所貴登載詳石麟卧斜日

露碑插穹蒼蒼我生適遲暮不及窺門墻汨沒炊累餘百

念一未償摩挲舊時刻一讀三感傷桐山高峩峩桐水

深茫茫仰止先生風山高水與長

深茫茫仰止先生風山高水與長

深茫茫仰止先生風山高水與長

深茫茫仰止先生風山高水與長

夜泊雷打石

微風西南來小雨時幾點路黑不可認回舟泊清淺
蚊暗中坐一刻腸九轉何處是長安春明門已遠

過饒風嶺

夜宿饒風亭曉登饒風山峯迴路詰曲行行欲摧轅青
雲足下起白日手可攀人家似蝸殼亂粘石壁間下窺
黝無底毛豎心膽寒蜀魄繞馬首百叫聲未闌行人莫
到此瞬息凋朱顏

去去詞

去去復去去去去何所之上堂有父母下房有妻兒涓
涓山中泉青青園中葵在家足一飽行邁多艱危小星
盡北向大水皆東馳如何百年內勞勞獨無期太息視
落日中心詎誰知

草草吟

別離何草草一別一回老宵裝不待曉朝餐不及飽行
歌聲浩浩聞者傷懷抱山高水淼茫此身難自保舉頭
明月光照人空皎皎

山中雜咏

薄雲不成雨山月有餘白光墮尊酒照我衰顏色舊
交日已遠芳時坐來歇惆悵平生懷今夕竟何夕
造化握玄柄寒暑無停機百年能幾時而乃多是非沉
憂起中夜新涼侵故衣嚶嚶草根蟲生意相與微

門前舊遊路上有人紛紛青蓋擁白馬素光生練裙笑
言各娟好寒暑相殷勤悠悠結心思遠樹停孤雲
明月揮不去清風招可來如此良夜何一飲三百杯酒
盡歌不停屢舞還低回爲問謫仙人而今安在哉

贈許道士

紫陽真人不可作玉石丹臺各落落青牛道士一歸去
鳥鼠高風委冥冥先生信有仙人風飄然心與孤雲同
一壺天地逍遙外萬里風霆指畫中玄霜擣盡丹砂熟
宣髮方瞳面如玉有時行沼戲蒼龍會見芝田眠白鹿
洞微子通妙生當時競說通真靈先生丰格有如此雲
霞焉能逃姓名我生醺醺風塵身冥心枉自思仙真今
日爲君歌此曲赤霞渺渺橫高旻

古意

朝出門暮出門煩車急馬走奔奔雲山空逗風塵眼髮
髮俄驚霜雪繁百歲光陰如轉燭幾處人家遞歌哭問
君浪遊歸不歸東風吹遍靡無緣

出門行

晨鳥啞啞聲到耳行人匆匆戒行李瘦妻病妾不梳洗
弱女嬌兒啼不起前年君謫滇南時只恐炎風吹作鬼
寸腸日夜幾迴斷雙淚盈盈落秋水君今又往西川去
相思又自明朝始聞道西川道路難高江急峽饒狐狸
丈夫固自輕離別妾心鬱鬱難爲理門前有水自西來

一釣何時掣雙鯉

望仙歌答謝孟祥

少年負氣輕神仙下視九土隘八埏扶桑月窟偏歷覽
蒼梧溟渤遊躡躡縛虎千仞圖射蛟萬里川有時欲奪
羲和鞭驅策六龍起虞淵有時或煉五色石隻手批雲
上補天數奇諧寡時事異奇功不成願難遂忽忽西風
吹鬢絲掉頭漫訪安期輩羣仙見我齊拍手笑我癡迷
空老醜世上艱虞已備嘗身後功名竟何有棄我如敝
帚不肯相引援吹簫駕紫鸞一一飛上三山巔弱水無
力不可船安得羽翼雙連翩中有一人謝自然顧我生
於燐袖出青囊書一編謂是餐霞之秘傳浮生盡戀人
間樂誰識仙家此機括化去應爲天上笑歸來擬作蓬
東鶴嗚呼謝君此意良已厚只恐凡骨未堪度爲我殷
勤致語羣仙人頗聞當時一釣連掣六鰲去

雷港大風行

忠宣坊下東風起仗劍長揖別知已乘流一葦疾如飛
掉頭忽過鱗魚嘴行行漸覺天氣惡萬竅怒號泣神鬼
帆脚狂舞不那吹船意脫落斜蘸水老子傾欹屢移坐
小童涕淚空噙指敗桅無數被江流滿岸行人牙擊齒
此身已拚永爲泥一柁公然屹如砥夕陽在山飛鳥下
須臾浪息風亦靡東吳同年顧夫子隨我江干駐行李
掀篷招我過船去縮頭吐舌驚且喜急呼斗酒發狂吟

夜靜吟聲撼隣里死休魚腹已無知生還蝸角仍不止
明朝所務各有程一笑何時燭花紫

夜坐感懷

小坐傍疎檣淒淒然百感生鄉山千里月砧杵萬家聲四
壁寒蟲切一燈深夜明沉吟不成寐靜數短長更

輓謝方伯

悵望東山道潛然一灑衣晨星遺老散今雨故人稀身
世無何有功名是與非風塵正瀕洞吾亦息吾機

寄皖中諸友

野蘿橋上一分襟自此令人悵望深芳草斜陽南浦路
青燈夜雨故園心幽懷誰共尊前話舊約多從夢裏尋
幾載素書空在袖江雲渭樹兩沉沉

送上高尹蔣惟學辭老南還

百里花封舊著賢惠風回首白盈顛辭歸天上三千里
買斷江南十畝烟綠野堂前春似錦香山社裏酒如泉
紅塵車馬知多少日暮途窮尚未旋

送婁元善

連翩莫惜羽觴飛別思撩人酒力微眼底故交千里遠
天涯遊子幾時歸悠悠歲月隨流水望望山河帶落暉
珍重客途頻自愛風塵偏上官遊衣

九日燈下偶成

紛紛秋思亂如麻更值重陽思轉賒客館青燈一杯酒

故園黃菊幾叢花滿城風雨愁邊色萬里關山夢裏家
最是不堪情切處夜深寥歷起寒笳

獄中次龔秋官韵

棘風吹戶鬢毛寒睡起無時懶著冠三月鄉書愁裏絕
一年春色夢中看我心不轉元非石世路相傾總是瀾
歌罷楚騷天欲暮當杯且放兩眉寬

東岡居士爲五兄題

山外紅塵萬慮蠶山中清隱列仙曹
薔收花烏春吟劇枕破梨雲午睡高
生意滿庭交野草碧香分雨煮溪毛
何應忘得清平世坐待長風起鳳毛

桃源道中

桃源西望是辰州兩境中開五置郵
征旆影隨紅樹沒斷橋水帶夕陽流
關山迢遞孤臣路風物淒涼滿地秋
半世飄零竟何事獨騎瘦馬重回頭

界亭驛

亂雲重疊萬山幽僕馬勞勞此暫休
丹葉滿林楓樹晚雪花鋪地木棉秋
壁題半染孤臣淚酒力難澆去國憂
獨坐中亭不成寐寒更已報第三籌

洞庭坐雨

湖邊疎雨送廉纖湖上孤舟幾日淹
啼鳥傍人如有訴東風于我故相嫌
半生踪跡嗟萍梗一路陰晴費卜占
極目西南天未了數峰隱隱望中央

山中限韻爲外兄王國寧賦

謝却紛華此結茅白雲隔斷市聲喧
溪流有意清長繞庭草無人翠自交
尋伴時過鷗鳥社隨緣日醉海棠巢
兒童笑道前村好紅綠扶春上柳梢
樹柳爲牆屋覆茅山中無地著喧呶
白雲流水便高卧明月清風託故交
桑梓連陰移座席芭蕉分綠到書巢
東林更有生生意半露新篁引鳳梢

用世無媒筮拔茅行年隨分避簞呶
足知綠水青山侶笑殺紅塵白眼交
晚園花開供冷景風林葉脫見危巢
請看石上梧桐月清夜無人自滿梢

風攪長空雪擁茅坐來天地絕號呶
橋邊小蹇獨衝凍門外無人一問交
藥臼春時水落手茶烟起處鶴辭巢
後園春信知何似梅放微香到樹梢

送吳時明之官黃州

白鷄壇裏舊風流五馬雙轡壯此遊
尊酒十年還黑首故園三日卽黃州
丁丁棋子高樓雨嫋嫋歌聲小月舟
公暇定應饒賦詠郵筒時寄皖江頭

普門寺次壁間韻二首

紫翠重環寶刹開雲片片傍香臺
曾聞二虎巡廊至時有雙鴉報曉來
優鉢花深迷客步菩提樹老記誰栽
禪關寂寂扁清晝不放春風掃碧苔

勝境朝來又一尋淡雲閣雨半晴陰
宦途有債頻來往

秋意無憑自淺深
隱隱疎鐘問遠寺
飛飛落木響空林
何應消得今宵永
共聽繩床蟋蟀吟

鎮遠道中

漳雨蠻烟路欲迷
馬頭又報夕陽西
鷓鴣不省行人意
故故飛來耳畔啼

枕上偶成

梧柚爐中冷未消
蘆花被裏夜偏遙
隔窓忽送鷄聲曉
恍惚當年報早朝

縱陽絕句

波浪掀天百尺高
風雲接地萬山號
行人莫問縱陽事
令尹于今不姓陶

山西舖

滑滑泥途似抹脂
素衣多少化為緇
十年青鎖從容步
博得凌兢瘦馬騎

海南雜咏

海外風光別一家
四時楊柳四時花
寒來暑往無從識
只看桃符紀歲華

城上陰雲拂曙消
瞳瞳初日照旌旄
年來且喜無征戰

引領春風看海潮

章

綱字思綱太守綸之弟安貧自適築別墅于島
石岡號東郭閑居賦詩飲酒一日登小孤山
戲題廟壁意致蕭遠有太史過而見之急訪公延
舟中縱談數日曰腹中萬卷不墮纖塵真神仙中
人也所著詩有刻發集
武昌集諸稿今皆無存

題東郭閑居

白雲爲侶竹爲隣
棲迹衡門不染塵
贏得此身閒快活
功名留與後來人

周

京字大觀弘治間明經不樂仕進隱居講學幾
晚年號望鶴先生著有叢林叢書白
遊詩稿盡失于兵燹惜未觀其全集焉

門人錢大司馬桐溪假歸信宿望田有作

北斗司喉舌旌旗動羽林
乍回捧檄志猶切
伏蒲心萬里邊聲壯
三年客思深望田新酒熟
共爾一長吟

草澤籌時務相看各有情
廟廊資借箸湖海罷談兵
跡以烟霞痼名因老病輕
拂衣榆塞後邊月望同明

寄懷吳郡徐髯仙太史

手剪蓬萊入舊扉
頻瞻遠客恨忘歸
園林載酒知何日
雨雪同車願已違
三徑篁深人事少
八行春度雁來稀

閒時莫上高樓望
草長江南鶯亂飛

陳務本

字立卿永樂間歲貢本饒州鄱陽人其先世
陸九淵所器待官安慶同知士民愛戴因家于桐
之官山公爲寧五世孫歷官武昌同知慨黃鶴樓
久已悉舉休人修復之樓成垂橐而歸其風致如
此嘉吟詩詩多不存家乘中僅存黃鶴樓詩一首

重修黃鶴樓成詩以落之

武昌之魚可不食黃鶴之樓不可不葺
古人製造各有因
豈止遊觀事雕飾
子安乘雲蹟渺茫
相傳乘白雲者也

費祿昇天難臆測
郡志謂費祿
崔顥題詩在上頭
李白有景道不得我亦勿問神仙之有無
詩句之甲乙但見

漢陽萬雉列當前傑閣晴川雄岬北蛇山到此勢昂然
首戴層樓與之頡頏鼓墜境久弗振南紀何由表軒特
况乎焦度樓築因臨疆景宗堡建曲水旁左右相望皆
壁壘茲樓拱檻寧虛張自脫青衫襍備作護喜好事吾
日諾搏土揮斤仰俸錢半年垂盡三年袁回憶吾祖丞
皖時捐貲首造沿江陴老卧桐鄉飯不足一枕清風良
可師

盛

德字克修號五槐弘治甲子舉人少試諸生不
果以冠軍舉于鄉工并書畫鳳山人
景各題以詩今存其半餘不可考矣

虎跑靈泉

虎至是何年蹲伏尚依然低頭看跑迹泉底月涓涓

鳳山俯羣壑烟波橫如帶遙見兔河帆飛向青天外

萬家烟樹

黯黯雲烟簇蒼蒼樹影稠百年王謝蹟大地一浮厓

九華晴峰

風景朝朝異江山脉脉通欲眺九華秀新晴落照中

龍眠風雅卷二目錄

木厓潘 江蜀藻輯

涇陽李念慈叱瞻

同里姚文燮經三

錢如京 二十三首

蕭世賢 一首

丘寧 一首

余珊 一十四首

錢如畿 三十首

方見 三十二首

方充 一首

姚希廉 一首

方璽 一首

錢元善 三首

龍眠風雅卷二

木厓潘 江蜀藻輯

錢如京

字公溥弘治壬戌進士由邑令擢御史歷官
督撫按察所在軍功燭然簡策當 武宗朝權
璫用事公略不為沮久任兩京戶刑兵三部宮保
尚書朝廷賞嘉賴之歸隱桐溪與弟如幾如景子
元善元鼎輩以山水觴咏
相娛樂所著有鍾慶堂稿

欽賜杯銘

皇仁如天寵錫爾賢何以頌之天子萬年

皇仁如春寵畀爾臣何以報之曰致其身

皇恩孔宏錫爾榮名何以保之兢兢捧盈

皇恩孔溪畀爾良金何以守之富貴不淫

家廟鐘銘

範金象形兮式遵古規康業縱兮曰追是麗穆穆厥聲
今來格孔時於昭祖考兮慶實我垂子子孫孫兮勿替
引之永燕家廟兮仰惟制詞

家廟鼓銘

木冒之華兮五音是調粵昔夏后氏兮道以是邵聲逢
逢兮奏格孔妙於昭祖考兮庶其臨照子子孫孫兮勉
焉克肖仰惟制詞兮永燕家廟

夜歸

出郭快秋晴金飈動林樾留連村社飲坐見西日沒鳴
鑣醉歸來東山吐新月渡溪人語闌入市暝烟發露氣
濕荷衣清光徹詩骨弄影不成眠長歌聲斷續

石上松

雲根丈人氣如虹，徂徠尋客勢薄空。龍蟠虎卧雨高士，
脩然凌跨溪山中。山中別自有天地，杳然不與世路通。
春風吹香落金粉，夜雨滋蘚含翠重。秋宵高枝望明月，
積雪琢玉聲玲瓏。萬古千秋自離立，吟風拔地當無窮。
吾將樽酒結爲友，歲寒相對成三翁。

聖駕臨雍衍聖公例當侍從至自闕里乃孟夏十

一日六部諸公醇餞於禮部是日禮備樂作情
文周至桂洲公倡以分韻賦詩爲贈予得瑟字
韻取鹿鳴首章也

天王垂衣耀文德，禮樂琅琅陋綿絕。虎闌一紀今再臨，
曠典殊恩信超越。三月十三天氣新，御聲和風扇晴暉。
孔庭親行釋菜禮，虞書坐講諸臣列。六軍多士咸縱觀，
三氏子孫皆在側。禮成頒賞稱萬歲，百官稽首動顏色。
於中行國秩最尊，詔宴禮部恩赫奕。亦有顏孟族與孫，
此日同陪主宗伯。御厨珍羞出大官，拍手優人鼓瑤瑟。
共矜恩禮絕代無，公卿嘆賞聲噴噴。長安城頭花影重，
宮柳曉鴉啼落月。歸心裊裊漫晴絲，苦飲留公留不得。
蘇錢大合繞朝臣，置酒南宮更相浹。中筵把酒歌鹿鳴，
分韻題詩紀離別。我才潦倒非少陵，亦復從前爲公說。
我聞宣父開太平，六經仁義爲至極。聖學在中和，天德
乃不息。論語雖半部，節用尤所急。我皇視學有深意，匪

事文章務情實，霸術管商非所屑。明目達聰邁古昔，采
掇葑菲不遺力。野人美芹懷曝日，臨風欲進脚踟立。公
歸東方好珍惜，謹率宗人守臣職。大闡淳風化鄉邑，佐
我皇明萬萬億。

題周氏天全堂

有引

周氏爲予桐望族，族有大賢爲予師。篁田先生
往予自嶺表被召過鄉時，外兄吳前溪以先生
所爲天全堂記見示，知其族有名巖字大靜者，
自其父文慶公而下合四世同居，廿有三人俱
生聚無故，蓋天全之也因以名其堂。予臨文慨
焉有懷，前溪曰：天全子於予有端好，願藉表揚。
久未有答，茲來留都復爲之請，因賦以歸之。
揚都肯構稱絕奇，天全扁揭堂之楣。堂前椿萱蔭華棟，
滿堂常貯春熙熙。和氣致祥天亦予，桂秀蘭芳振先緒。
千指同餐向此堂，架上衣裳無我汝。耕讀還貽善後謀，
慶源滾滾湖邊流。歲時伏臘聚宗黨，宏開壽域飛觥籌。
太平盛事真罕有，義門之鄭差可偶。篁田有筆如巨椽，
繫此堂名垂不朽。

尋芳

霜雪逗春期，園林花事遲。偶臨流水曲，忽見隔牆枝。野
徑人稀到，孤芳蝶未知。若教移上苑，車馬日爭馳。

招鶴

野鶴自標格飄飄不可羣盤空千里見警夜九霄聞刷羽凌滄海歸巢夢白雲本無籠絡意丘壑任平分

山山掃先尚書墓

絕頂岩巖望八荒九華清影落蒼峯雲宛見親闈在江水遙同教澤長桃李釀春寒食雨松筠拂磴午陰涼春暉浩蕩何由報抔土年年草白芳

送客

江干極目送歸航千里烟波去渺茫日暮倚雲看雁字夜深彈劍吐龍光漁村初歇黃蘆雨埜岸新添綠樹霜愁殺故人成遠別相思一隔楚天長

燈花

寸草初看一粟垂珠聯玉綴忽離離無心見處平增喜作意開時未有私長養肯教輕下剪護持寧忍漫敲棋更呼綠酒相親坐清賞何妨夜卧遲

雨遊靈谷寺二首

松柏陰陰拂道長鍾山佳氣轉蒼茫蓮堂晝永慈燈靜塔院雲深法雨涼功德八行流曲水丹青四壁繞迴廊不辭雙屐沾泥滑正喜幽深夙願償

雨歇禪林秋滿懷碧天微日散烟靄因過別院聽風竹遂有山僧具午齋麋鹿成羣依淨土琵琶留響應空階從來僻性耽孤往勝事那能與俗偕

宿三潭別墅

萬松小築三年別今啟柴扉幸未蕪小犬出花迎主吟隣人供茗隔籬呼魚乘水面休驚釣酒滿床頭不用沽更喜夜來新雨足前灘春漲綠平鋪

紫荊閣閑師

老我原無天下奇強承 恩命歷邊陲行誇天設三關險坐閱營開八陣師按節有時喧鼓吹傳聲無語動旌旗轅門共樂朱干舞杞園還思燕鵲危

送方西川表弟之任桐鄉

潞河風靜柳垂垂送子維舟更賦詩把酒忽驚千里別感時還動百年思霜臺青瑣名如昨墨綬金章澤未涯子外祖省菴爲御史舅氏一菴爲黃門俱以直節著終太守故云茂宰應知明主意東

南民物正瘡痍

建安雷生鯉善書畫且工詩嘗遊學吾皖過予桐

谿書屋繪卧龍武夷二圖爲贈子時寓都下及

歸休始得展翫清奇可愛惜未一見其人也漫

爾有作用寫默懷

雷煥風流亦可人張騫踪跡豈浮萍如何雙劍藏秋水獨有孤槎帶客星龍卧南陽堪想像詩隨九曲入丹青披圖盡日閒題品與汝何當泛綠醅

黃梅道中曉行

蒼松掩映曙光晴馬首遙聞畫角聲入楚沿鋪以帝德書角傳道如天春覆物孤臣萬里戴恩行

知止亭

車馬紛紛逐世途何人肯復念尊鱸年來識得知幾好
敢學疏家二大夫

蕭世賢

字若愚弘治乙丑進士授南京刑部主事時
陸湖廣副使卒于道囊無餘金以故服殯為詩文
力追漢晉著有梅林詩集今子姓零落集不可得
僅于志中按一詩以存焉

過三城寺

竹裏有幽寺今朝借問來小兒看給喜孤抱對僧開沉
碧過虹影清香遠篆灰春寒花蕾縮風迴樹聲哀龍虎
交青障雲霞護綠苔燈空聞呪水旛動聽經臺入靜參
禪妙尋真蛻俗胎冷然如有契日暮下山回

丘寧

字士安貢士天順間為
寧經歷能詩今無傳

投子山勝因禪寺步葉太守壁間韻

窓外青山入座奇山中果熟鳥頻窺不嫌地僻人來少
生怪林深月上遲仙井泉香堪療疾古碑字缺費尋思
老僧不啻遊人醉請和風流太守詩

余

字德輝號竹城才高學博尤精曆法正德戊
辰進士官御史武應時政出中涓公執法
敢言用是賈綱盛暑下錦衣訊杖溺死世廟立
詔起原官久之疏勒十漸侃侃數萬言語世廟相
尋外轉食泉所至平梅花洞益收威茂振撥功業
炳著為明一代名臣卒于官貧不能殮生平詩文
悉散佚後百年同里御史馬孟禎巡鹽長蘆搜得
若干卷梓之其詩沉雄高古與何李同時極為所
推選楚之日大復作二詩送之比于王粲賈誼其
傾倒可知矣

擬古

丹山起千仞上有雙鳳皇和鳴應天樂文采炫朝陽妖
鵲爾何類乃欲巢其傍宜為鳳皇羞不共此高岡枳棘
非所棲戢翼寧深藏君子惜靈異惻惻心孔傷
泰山有喬木自昔五大夫盤根驚蟄龍錯幹凌虛巖
凝砥寒標材可供天都云胡摧為薪乃爨田家厨托位
非不高蔭身非不敷斧斤將奈何日來相圖
驛驢立天仗神氣吞長虹一鳴徹霄漢四足追剛風南
郊灑清道騎出大明宮龍顏照天日儀衛彌尊崇何為
輒叱去頃使天開空吾恐宛王知誓不與漢通

送洗侍御歸養

秋風撼庭柯惟聞君太息問君何所思問君何所憶所
思非功名所憶非泉石青陽逼歲華白髮悲庭闈君身
鮮兄弟阿母無仲兒辛勤八十年晝夜理寒機條條手
中線織兒身上衣兒今得衣繡殺水翻睽違願言乞兒
身從此終養歸暮寫蟣臣心朝上天王書東堂辭宰執
西堂辭友于賣我舊時驄鬻我舊乘車雲帆一葉去烟
洲萬里餘期過大庾嶺正值梅花初吟魂耿歸夢蕩俗
凌清虛稚子聞翁來商羊走階除阿母問兒來含笑倚
門問鄉鄰聞友來載酒胥慶予更衣試取班斲著婆娑
萬舞恣歡樂繞娛一日抵千金縱有三公君不博

夜夢題松二句起而續之

孤松獨弔影婆娑青蓋直與天相摩夢中老堅遲羈弄
春色蒼潤鬱鬱涵烟波苔蘚慘裂崩陰崖蛟龍倚仗盤
曲阿近觀鶴骨驚瘦孤靜聽笙聲鳴清和長安豈無花
如綺章臺更有柳若羅爭奈朝華復夕墜片時容色如
君何

登陸嶺坡望河山有感

盤旋陸嶺高崔嵬黃河東走奔巨雷中條橫絕芙蓉開
下有烏道通丹臺仙乎鬼乎安在哉使我不得少追陪
遐思立馬空徘徊摩天黃鵠聲哀哀

題余黃門雙嶼

雙孤對峙天門開拳江之水奔濤迴天風不下明月來

晴波盪潏握崔嵬瑤花碧子香雲培三山出沒飄蓬萊
精英幻化昇仙才聲光摩戛星漢迴玉皇常侍天仗陪
青鎖沉沉夕照頽幾回夢入烟霞隈飛來飛去黃金臺

鳳凰阡

長安城北無閒土盡是長安舊人墓洛陽山陰塚疊疊
空有黃金無買處松楸塞路多如鱗回首推爲爨下薪
誰家古碑高百尺忽作人家柱下石何如姑蘇村外阡
鳳飛鳳舞來山前人踪罕到深更幽棲鳥頻來銜紙錢
三泉下銅人長歸子孫世世還相依牛眠葬者三公地
試看青鳥向此飛

雪詩次沈憲副韵

空霄縈出仙人掌玉剪芙蓉露盤上天風吹落徧塵寰

積素凝華競清爽汀頭凍合寒雨又海上深埋牧羝杖
洞庭寥闕明珠宮天門失却黃金榜播糠混沌易庫高
覆甕鴛鴦味俯仰謝莊衣濕不勝寒何似長裝卧漁舫
沉吟夢入羅浮仙素轂單衫騎雲鸞陽阿舞窈窕詩梅
花折贈春一枝党家風味那有得淺斟低唱尤出奇相
逢此夕曾多少覺來恍惚還如癡起視平原凸萬徑增
寒冽空得開衙雲千古繼奇絕吁嗟汝自壞長城紇干
凍雀饑無聲卿雲杏靄割昏曉采薇經絕無人賡相思
幾夜令人老華髮蕭蕭半瑤草遼東一帽勵冰操肯效
虞卿愁不了誰云苦節不可貞窟飲吞毡味甘好曉來
誤入梁王園濛濛密布梨花天玉樓高起落寒粟光搖
銀海炫生妍五發七乘有佳句眼底何人號謫仙昔從
周王車馬足與王笙獵賦黃竹萃澤霏霏多凍人忍使
斯民納瓜谷殿上虎搏高鹿王家兄弟避三窟只今流
落自天降洛中高卧動天象藍關路謫馬難前秦嶺雲
橫激千丈簷牙撥振垂鮫珠地簾呻吟若惆悵模糊錯
認六月霜逐客相看攪清况明朝日出冰山消春山萬
里羅青障

題姚少師小影

北平主人還東都秦淮覆蕩天地汗先生杖策來軍幟
青裘幻出擎天符風雷叱咤寰宇虎指麾才定蕭曹無

黑衣宰相黃冠模故知此輩非凡夫由來孔墨直殊途
會須擇術慎所徂是非端合以一居先生既有儒者謨
桑門卒業胡爲乎子明削髮烏鳶嚙前身後身空自誣
吾爲二老三長吁

夜泊洞庭望君山

蘭舟夜泊洞庭秋望望君山未可投漁火半明波影亂
棹歌長咽雁聲愁乾坤日夜無時歇廊廟江湖幾度秋
斜倚燈光耿寒夢飛來飛去岳陽樓

東巖

卜居巖經買芝田自喜雲林隔市塵十里斜陽騎犢醉
半床明月擁書眠晝長無事鳥頻下春到不言花自鮮
謾說蓬萊窮海島蓬萊元只在前

題松壑寒泉圖

百丈懸崖瀉碧流怒雷驚起老龍浮銀河倒景千峰曉
翠葢堆陰萬壑秋何處簫笙鳴水底誰家足練挂山頭
先生自得林泉趣一嘯空山天地愁

上陵

馬蹄輕踏上陵山萬里峰巒指顧間雲掃碧銚天外劍
日搖銀鏡水中鬟東迴青海芙蓉障北控黃沙虎豹關
不用多方窮海上蓬萊仙島在人寰

錢如畿

字公錫號柳溪大司空祠溪公之弟也以明
學龍眠門多種柳徐仙爲繪柳溪國學者稱柳
溪先生年八十終所著柳溪集今僅存什一云

憶溪上

谿上楊枝儘可攀未容桃李入清班閒排逸興棲南畝
不愧移文負北山蟬噪只隨秋雨歇鶴飛長馭午風還
傍人也識年來面莫道朱顏是醉顏

閏九月從孫可久移菊池亭小飲

漫移金紫近芳塘旋剔霜螯一舉觴令節幾回逢閏月
菊花兩度見重陽年華冉冉人長健秋色重重蝶未忙
留取數枝明日看西風籬落有餘香

寓鷄鳴山雷半窻有贈次答

一徑縈迴竹樹隈故人有意抱琴來暖風細拂翻經案
宿雨初收施食臺老我疎狂陶謝興憐君磊落馬班才
掀髯一笑同攜杖舉自鍾山霽色開

西湖次東坡定慧寺韻

層巖露滴麝臍香樹樾花陰六月涼越嶠遠含雲影淡
浙潮時送櫓聲長道人面授休糧術童子心傳製藥方
入定老禪還出定月團初轉共君嘗

清明寫懷

病骨春深尚怯寒蕭然一榻未容安鏡中白髮無心鐸
樓外青山著意看佳節可能忘劇飲幽居聊自強加餐
揮毫展卷銷閒日更有誰登白戰壇

二十五日山山掃先壠

披雲瑞葉拜荒丘清淚潺湲喚欲流小草難忘春浩蕩

敝衣忍見線綢繆自憐衰白情何極每見慈烏恨未休
寂寂空山風雪暮樹聲蕭颯思悠悠

贈蕭國賢

記得攜持少壯時爲君曾賦鶴田詩美人只隔一水近
老我常懷千里思七八青藜扶病骨滿頭白髮亂垂絲
相逢正剪西窓燭猶恐明朝又別離

出郭

郭外茅堂偶一行沙頭白鷺樹頭鶯有詩有酒堪娛老
無祿無官可代耕麥甸雨餘千畝秀石磯風定一絲輕
夕陽羸馬歸來晚曲曲清溪帶古城

率巖過訪有感

蕭條幽巷靜朝暉盆草缸蓮露正晞白髮故人憐我老
烏衣小鳥繞檐飛談笑傲消長日對酌婆娑閉短扉
不覺座中生感慨朋儕零落比星稀

嘗新

白髮老翁逢稔歲烹葵及菽飽妻孥但能舊穀繼新穀
不愧今吾是故吾南澗藻蘋聊薦廟西疇黍稷且輪租
一年堪了一年事便是先民沮溺徒

梅雨

梅雨絲絲一月餘敝廬卑濕不堪居揮殘塵柄驅蚊蚋
焚罷芸香走蠹魚多病年來惟斷酒癡狂老去苦耽書
小軒沐後迎明坐白雪紛紛愧滿梳

九日

秋閒不問景何如蕭灑蓬門冷淡居已辦新詩賞籬菊
旋開舊醞剪畦蔬芙蓉江上烟雲散楊柳溪頭夜月疎
漫說登高酬令節漆園老吏有殘書

留別方南淙

一病侵尋兩月餘強支衰骨卧幽居夢多老景無關事
學失平生已讀書知已偶同三日話積懷真覺一時舒
朝來葭管陽方長漸有春風到草廬

歲首復次前韻寄南淙

燭燒殘夜尚留餘照我平生小隱居林下已知除舊臘
街頭見說賣新書風生白屋春光動雪露青枝秀色舒
我獨有懷倍惆悵與君同調不同處

周東泉用齊山杜韻贈鼎兒次答

遊絲不定柳花飛春意遲迴樂事微江上美人招不得
雲端高鳥倦應歸好憑淺酌消長晝更遣狂吟送夕暉
白璧黃金須待價文章豈負芟荷衣

宿巢山寺聞雷

崆峒夜榻月三更枕上遙聞霹靂聲喜共老僧眠得穩
絕無驚恐到天明

春盡二首

柳壓閒堤花壓枝青州從事日追隨呼童旋掃雲間石
與客閒敲石上棋

雨過南軒春夢覺風來北牖午天長千絲細柳垂新綠
一院名花散晚香

遣懷

碧水垂楊兩岫間楊花鋪地水環山更添一個癡呆老
坐此真成一樣閒

沙鷗

無心欲啄向沙洲伴侶相隨逐水浮曝罷羽衣眠得穩
夢魂無復上林遊

鷺

屬玉雙飛落水忙昂藏驚起睡鴛鴦水鄉莫道無猜忌
鷹隼無情亦可防

我

火掌冰翎浴水清長延曲頸向天鳴幾番欲寫黃庭換
秃筆無鋒寫不成

桐溪兄長駐車皖城久候不至

酒熟樓香晚稻黃開樽獨對意茫茫碧天一色秋光靜
雁字遙分作兩行

題郁惟廣春野卷

走遍天涯幾市城春風杖屨踏莎行半生羈旅鄉關思
都在江舟短笛聲

與南淙痛飲插花

乘酣雙插鬢邊花嫩綠新紅壓帽斜盡日南風吹客醉

相逢總是惜年華

春興二首

春到園林水到池杏花初放隔牆枝小亭清敞人閒坐
細讀淵明歸去辭

雨長檐堦草色新荒村索寞也知春東風溪上閒來往
野服青鞋烏角巾

謝客

午窓清晝一聲鷄幽夢初回日未西風掃落花庭院淨
柳絲深處轉黃鸝

新埠別墅隣家邀飲醉歸

古經雲歸欲暮天醉騎白馬過西川孤村寂寞柴扉靜

坐數風榆落幾錢

醉歸

岫邊楊柳路傍花馬首西山日未斜莫道田廬多易主
眼前還是舊人家

方

見字惟素現州太守向之子嘉靖間貢生年十
七從父之官賦黃鶴樓詩與寄超遠比長才
名益籍其皖守泰安胡公績宗嘗召與論文面談
存存堂記安慶府志序倚侍千言文不加點邑令
燕山蔡公銳過其鄉賦詩云古木寒鴉集溪橋老
衲迎欲共南淙語黃昏到赤城南淙公別號也既
至蔬盤村飯相對甚懽族有園于生柑牛治具要
之弗屑也承天孫公交甫田林公俊泉州王公慎
中皆數千里走書問其爲名流所推重
如此所著有南淙稿空石遺音諸集

晚霽

積雨晚開霽池塘水自深殘霞明柳色斜日淡花陰漠

漠烟橫浦飄飄鳥入林采桑何處女歸去露沾襟

晝寢

倦坐拋書帙偷閒入睡鄉曲肱聊當枕隱几不須床漫有莊生適殊無冠老涼乾坤皆夢境浪笑說黃梁

何處難忘酒

何處難忘酒文場戰敗歸虹霓蟠逸氣魚水失真機落
落長門賦飄飄白苧衣此時無一盞愁不破重圍

雨中

愛此三日雨幽居逸興多殘紅飄野槿嫩綠長庭莎倚
枉時高詠行田只浩歌出門何怕濕壁上有漁蓑

送別章惟仁

北鴈忽南飛又說歸一燈留夜話片月滿秋衣水
澗蒹葭冷山深芋栗肥故園三日近明發思依依

中秋述舊寫懷

去年此日得
亡妻詩音

忽得南來信傷心一泫然出城驅瘦馬附便問歸船茅
屋蕭條雨藜床展轉眠如何今夜月人意又難圓

宴坐

宴坐白日晚蕭然隔世情隙光留短晷落葉走書聲青
白分雙眼詩書快一生翻思江上客風浪幾時平

下第後客邊重陽和蕭應元韻

客邊聊爾過重陽得失無憑傀儡場試劍不逢龍在匣
登高能賦筆生香儘多風月憑天付若大乾坤任我狂

三百青蚨都買酒客邊聊爾過重陽

送高大尹之泗州

百里陽和藹頌聲大夫今已任專城疆隣淮水龍飛地
最屬鈴曹鶚薦名行李舊囊雙短劍驅歌新柳幾長程
雲霄事業還青鬢回首鷄班列帝京

過袁太卿石塘山莊賦贈

笑濯塵纓拂錦袍歸來卜築混漁樵石連屋後雲根遠
山峙庭前天柱高懶得一閒眠白晝傲將雙眼看青霄
丹成莫道凡緣了又見池邊長鳳毛

夜酌七弟限韻時章惟賢在座

一樽良夜醉嬋娟露下花枝濕翠鈿精極不妨真作王

樂深思費錦綉纒放開青眼逢人好掃斷紅塵與世
我欲覆杯君莫去松風雙耳付高眠

偶讀王梅溪集見其述懷詩大有類於予事而深

感於予衷因次其韻錄寄西川弟

年過三十百無堪世路多岐日漸諸貧共糟糠賢有婦
勿需梨栗晚生男絕編敢謂詩無用入境須知蔗有甘
三復遺篇翻大笑此身今是幾眠蠶

再次韻答西川弟

莫笑年來百不堪儒家風致飽能諳羣咻何害爲齊語
獨守真當效魯男富貴門多還布葛詩書味好勝肥甘
釣絲未肯輕拋手甕蠶攀桑正育蠶

九日同西川訪克弟和杜工部韻

翩翩風袖布袍寬
聖裏吟懷醉裏歡
潦倒不知秦歲月
疎狂如見晉衣冠
池邊碧柳情含瘦
籬外南山色帶寒
後會未須論健否
百年終作等閒看

謝周鵬沙惠紉

萬縷千絲宛轉長
玉梭聲裏看成章
輕欺楚練含風軟
潔比吳綾妬雪光
投我喜同青玉案
報君慙乏紫芝囊
極知情在水霜日
肯信秋颺易得涼

商婦怨

雁已因寒至
良人未到家
多愁無可奈
夜夜卜燈花

晚塘論鴈

莫去灘頭宿
還來此處棲
而今垂釣者
不似爾忘機

春日

東風吹紫陌
到處起香塵
病骨何須酒
晴光自醉人

飲野人見墳上花枝

墳上花枝好
墳中人不知
對花如不飲
春色笑人癡

次蔡少白邑侯見訪韻

可人留夜話
山月似相迎
莫問更長短
村居不近城

牛背鵲次蔡少白邑侯韻

倦飛落牛背
飲翅借牛行
千里從渠到
牛無相負情

秋夜

意外蕭蕭雨
竹池遶浙浙
風荷一片秋
聲到耳起來聞

夜如何

魏野鶴

元是青城道士曾
見赤壁坡仙誰
信平生踪跡如今落
在君邊

投子山春日

桃花拂檻柳垂堤
竹繞茅牆傍小溪
天氣困人初睡起
隔林黃鳥數聲啼

寄謝孟元

休問違君是幾時
請看樓外綠楊枝
別時尚是青青色
帶雨于今拂地垂

陳搏圖

颯颯松風耳不聞
如雷鼻息震蒼冥
世間多少邯鄲夢
不及先生夢一春

晏起

閉門松影到牀邊
日絢晴虹雨後天
病酒不知秋早晚
悠悠身世付高眠

漁磯

山骨巉巖一片青
苔痕點點帶魚腥
婆娑老子持竿坐
一線風高九鼎輕

石山

名園蟲蠹倚雲根
朝夕烟霞自吐吞
太華不知高幾許
此中幽意亦堪論

雨中思家

燕山楚水四千里細雨斜風十二時客況渾如秋色淡
挑燈獨坐數歸期

訪西川弟驢背自嘲是日大寒

長安落葉舞西風驢背雙肩竦半空寒似孟郊詩不似
清冷籬下聽秋風

吳梅屏先生乃郎以草名呼之坐間偶書便面

惟草惟風義自真吳郎何事草名人梅翁此意吾能識
草有靈芝木有椿

方

字惟美號槐亭嘉靖時諸生南宗公之弟

黃山歌

我聞廬山高入天武夷名勝堪並肩黃山律絕擅江表
色凝佳氣春花妍聯峯杳嶂總皆翠朱崖石壁俯清泉
玉烟吐翁鬱密外金屏疊蟲斗牛邊山因仙名固恒理
楊君昂昂甘徒倚自分丘壑謝塵囂手招黃鶴蹠蹠起
君不見仙人王喬樂與羣四皓芳踪差可擬又不見下
帷繼董坐春風獨立庭前尤訓鯉垂簾架滿書揮毫雲
滿紙心比谷中虛不屑逐侈靡黃山兮黃山兮春到欣
欣木向榮信是公門多桃李

姚希廉

字崇賢號葵軒大梁公旭之曾孫也積德累
行爲善於鄉自念家世不振延師課子每歲
晏輒考鐘鼓持塾師俸錢再拜陳家廟然後致諸
師以爲常嘗以麥飯不充追呼到門作感懷詩附
子孫相繼貴顯自觀察公之簡而下屬而和者幾
二十餘人茲榜珠聯瑤篇玉綴一門科目之盛益

吾桐所未有也論者
以爲積善之報云

感懷詩

子少治章句長習躬耕顧以世族之後恐遂式
微用羞厥紹訓子尊師既忠且敬單衣糲食終
窶且貧誓語盈庭空怨天高自跼追呼在野敢
云門設常開子無馬氏之白眉徒羨魚而結網
身似曹家之黃雀甘見鷗以投羅率爾成章少
宣抑鬱亦以示後世子孫苟富貴毋相忘云爾
四十年來光景殊蹉跎歲月竟何如兒童五六饑寒迫
家計蕭條事業孤熒火烟餘蒸麥熟竹籬掩罷聽征呼
重重樂事人間有寥落淒涼似我無

方

字與龍號州公之伯兄也性有謹
笑好爲歌詩晚年棲隱湖濱築晚翠軒酒
亭嘯咏其中自稱一得老人所著有一得稿今遠
不存偶讀綠槐意詩見其集中載有唱酬之作得
詩三首亟爲抄出
亦吉光之片羽也

咏雪

寒威先作北風聲寒骨還從半夜生潑水衾稠眠未穩
鋪鹽庭戶看來平曲高難使巴人和見少遙憐越犬驚
萬里關山半羈旅不知多少故園情
六出花飛亞禿枝忍寒偏耐北風吹封條漫作三冬瑞
宜麥先防五月飢入地遺蝗深幾尺爭巢凍雀關多時
漁人何處歸來晚惹得紛紛滿髻絲

次韻答吳仕富

春風三月識君時皎皎珊瑚玉樹枝今日思君獨惆悵

逢人重讀寄來詩

錢元善

號存菴桐溪公長子以蔭官都督府經歷仕至魯府長史有詩名書法絕佳尤爲人所藏

弄筆于拱壁

舞雩臺同趙東山劉小航避暑

夏日風生暑氣收村居竹徑轉通幽人初出郭花饒笑
雨欲催詩雲滿頭共倒金樽憐舞袖閒眠紗帽對浮鷗
高堂一笑相逢地河朔能教續舊遊

同魯田彭丈東山趙丈踏青南郊竹村殿下遣家

樂餽酒僊助發遊興神思飛越一飲至醉次東

山韻

笑攜壺榼訪春郊佳節清明又一遭花柳頻年催旅食
主賓終日醉醇醪慚無詩句追錢起賸有歌兒賽薛濤
酩酊不妨歸路晚高懷應陋五陵豪

春日感懷次中立殿下韻

東風三月景依然弱柳遊絲觸處牽家遠隔年無信到
官閒鎮日枕書眠林鳩逐婦晴應雨沙燕將雛去復旋
遙憶故園春更好江樓背郭看鋤田

龍眠風雅卷三目錄

木厓潘 江蜀藻輯

三原孫枝蔚豹人

同里陳 式二如

齊之鸞 九十五首

龍眠風雅卷三

木厓潘 江蜀藻輯

齊之鸞

字瑞卿號蓉川正德辛未進士本中山王喬也舉孝廉魏上公厚遺金幣公固却之因更

齊姓官給事首發宸濠奸謀力爭武宗留駕及南幸復著回鑾賦以寓諷諫江彬譖王文成通濠

公前後論救凡十一疏卒以言諍尋擢命寧夏車騎走塞上見饑民食蓬子因封題獻御至花馬池

小鹽池毛不刺榆林等處城守弗固公掘沙鑿泉

後運河南提學歷順天府丞所著詩有南征紀行

人夏錄諸集歌行力追少陵近體直逼初盛詞

勁明詩要誤為無錫人

晚宿良鄉

我行至良鄉車駕已臨涿官藏供億繁吏走威勢捉人

馬正饑疲晚來粟一握華館據高軒敝廬聊破幄堦前

樹却佳綠葉全未脫獨坐新霽清悠然念盤錯自顧章

句生胡此擁矛稍感時不成寐起視明河數月色忽半

窻枕上聞吹角

新城夜宿

自入新城界風物倍蕭瑟官道半為渠潦水流未歇斷

株如頑石楂牙卧道側馬足凌兢行東西路曲折晚眠

太僕寺舊榻啞饑蝨捲衾就地鋪聊合雙睛澁一宿豈

求安茲行為討賊經過廢弛多感歎意彌惻當是灾傷

餘民窮賦歛迫邑中多近臣玉食累千百君側豈無人

將非吏政闕

後齋 為陳伯度作

齊胡後爲名英雄將自謔不見終崢嶸誰非始落落春
華過眼新秋實竟咀嚼躁率進恒輕老成顧每却惡盈
聖者訓姑子老氏學譬彼稱良工抱奇罔示朴譬彼國
手奕毋令末著錯君馬何不駛君頰何不脫但笑終南
徑豈慕揚州鶴糠粃故自前美稗信有獲終羞二鳥賦
竟恥十禽獲諒君歲寒心高見千古卓寄語捕蟬徒爾
後有黃雀

龍門龕

伊水出龍門疏鑿惟禹績溪澌滙澄潭雲斷劃絕壁泛
舟巡南崖諸龕空翠滴遠疑民窟居近聽境寥聞黃冠
一人來導我縱幽覲何年驅鬼工穴堅隱金狄刻劃開
生面精微神倪倜儻然丈六身大小隨利剔虛扣鉦鼓
鳴響應何考擊晉迷沿東都拓跋陷愈癖荒哉魏王泰
孝誠空爾激不知文德賢坤美符帝錫何事石上灾千
古不可滌

稠桑道中望黃河

桃李蟠土山谷入昧所出地底無傍風天際有中日仰
視耕獲人轉折忽相失不登蟻緣枝幽盤蠹閉帙僕夫
虞殞傷反汗更股栗子將慕王尊馭吏屢道叱徑盡躡
河壩黃流過箭疾踰關勢彌雄四喘奔馬逸不知真宰
意何貴砥柱窒汜濫民其魚豈止桑田溢三門中古開
神禹功誰匹至今沮洳場盡作粳稻窟子生髮半蒼世

路才不一及茲瞻華嵩眼豁心神狹太史嗜南遊吾當
分北軼山川助英華奚必恒近密向來險遠憂茲晨蕩
已悉

慶陽卽事

北幽風氣佳地險兼天起依山羅雉堞萬戶安枕裏東
委沙漠流西遡環河水兩川併南淙溪嶺互激詭不窟
神明餘草昧固有以獨詫泉源懸井甃不居市城中皆
谷汲疑非經變理或言郡治東鶯池昧經始慶曆加疏
浚玄澤隱河浹窈黑近龍宮緩急公私倚則知濟物心
往智實相題石眼貫少陰誰當踵前美兩池寶清深分
甘徧生齒斯言非謬悠羸羸弱者死

皮服姬

老姬髮始艾謀卒偕以來問之何皮服泣云胡中回姬
兒鮮兄弟姬婦初字孩姬家平羗堡隨兒耕山隈屯田
五十畝旱久生蒿萊今年雨澤勻麥實被根芟五月趣
刈獲官稅恐見催忽報胡西入烽烟雜黃埃旋云救東
至鐵騎轟迅雷以茲不復走柴門眼恢恢誰謂賊無憚
對陣掠人財我軍退自保堅壁城不開賊東不越渠渠
西家被災破戶殺我兒長輩繫婦顛驅婦鞭牛羊孫懼
哭聲哀最後縛得姬馬首行崔嵬追兵無影響來應靜
銜枚明月千山瘴酸風萬竈灰胡言不可解胡心乃多
猜視劍我衣禪皮毳授詭裁賊悅婦美色防守雉在罍

吞聲妹少羣燕

語頗瓊瑰姬別與姬類並繫囚莠苔解

繫夜奔逸忍然

想憲臺永訣兒孫婦生死兩悲哉聞罷

書成篇以告衛

霍才

臺西蔬園

通園中畦小池樹陰底晚憩恒鷄棲清

月照天末涼颺

生檻西林禽下初露未拾棗與梨蕭然

舊風徑如含碧

主棲牡丹春不開紅藥委芳英蜀葵一

何盛獨艷衆

低蔓摘有新瓜甕蓄餘陳蔡朗吟清夜

酌高視樹久移

場來忽浹月念若桐南溪肥茁與甘實

滿腹恣臺奚歸

應涉蕭索感嘆桃李蹊

經過故楊

副總兵賢花園

衙門臨廣路中有采椽居方嚮蔬菽畦定若幽貞廬賀

蘭煥西翠黃河蜚東渠幾樹清明風花葉雲錦如鳥聲

豈不悅入耳成踟躕者苦莫守覽者暫停與塵勞蔽

性靈銜杯惜居諸王事存吾道誰能歎歸與

寧州曉發

燈火啟嚴城戢星行未已夜來下絕坂左右崇墉倚昏

黑迷前旌時顧斗杓指晨鷄登頓初險澁曙光紫林原

行山嶺溪經行地裏陂陀首乾龍浮立土不滓所以穴

居民患燥不患水改色視井泉卑棲固其理耕者百仞

上汲者千尋底下山阻深溝上山據高壘四鄰守無虞

塞馬徒爲駛民貧獨可憂咸秦此唇齒

用韻報一竹給事西山之約兼簡棠陵秋官

秋風將掃西湖潯湖邊山色淨如漉勝地曾經翠輦過

名崖多結高僧屋渴心此口坐生塵涓滴甘泉向誰沃

昨朝詩枉棠陵約終夜夢繞雲岩宿淡烟錦爛芙蓉花

初月龍吟杉檜木何可長安居十年不就此中飲一斛

一竹田郎故好奇新詩首首皆堪讀便須策馬披煩襟

還擬臨流濯倦足與爾更是同舟人且上高山俯深谷

念一竹病足兼柬棠陵

聞君累創卧炎溽葛巾并廢葡萄漉分番見促煩友生

憂欲愈未免湯藥沃爾來我暫釋負荷先此予署印兵科失諗

跡疑忘昔宿料非輕出犯垂堂兼非暗投踏械木塞翁

無須論禍福大官何遽慚升斛亦知非謝簿書忙五十

百步燈火讀直當坐使良於行况有葵能衛其足亟報

棠陵且緩期忍見支筇跋岩谷

答一竹病足韵

田生所至消息大前開寺裏高軒過屈指距今兩月餘

胡爲更道捫足卧輕傷便爾病大瘡坦途莫謂無坎壈

抱膝遙憐七步吟成創豈但一毫挫諫院久浪登仙名

望守科故謂爲登仙六利左右給事得別閉門方切洪恩荷敢將越瘴視交

遊暫理湘簾供睡課塵凡却無九節杖殷勤莫效一指

佐勉終遠詣看超驤勿因小蹶附衰懦吁嗟分決顛自

愛竹一箇清班正愧糠粃簞

次方思道後短竹歌韻簡如均州光祿兄弟

君不見光祿新栽數莖竹秋官作歌思何速竹裏陰疎
不可坐竹上露晞不盈匊琅玕聲價滿長安特以均州
與光祿更向秋官經品題此竹遭逢信無惡均州祭戟
今將移秋官昨復臨送之重續長歌卽報我歌詞語意
含悽悲苦云愛竹惜竹短對竹引卮不能滿萎黃憔悴
爽不生堂下炎官張大傘豈因客土根難安明光急索
金銀管徒令徑造發長歎謾坐主人澆沃嬾干戈報至
理霓裳有城垂克待晨粧眼底紛紛惱人意栽培何暇
多感傷均州南風正密邇此行須早煩經量我家蓉川
君去路修竹陰陰舊草堂卽今開在荆棘裏滿園鳳尾
空斷腸安得攜壺候三逕與君酬酢一相當嗚呼均州
何能復愛竹到官急令采美箭不妨直簞伐盡雲山蒼

見樹窓歌爲方思道秋官作

棠陵山人足風致城市每有山林趣西曹簿書急相仍
退卽開窓對嘉樹坐愛明窓連不起綠陰院落澄如洗
翛然何異林居清况復得之公署裏爾昔計偕來越東
旋復作吏向吳中青鞋布襪經行處秀水佳山多異踪
自從闕下留鳬鳥海鶴蹢躅却在籠世故驅人苦束縛
一枝棲處難從容曹司見樹見客同瀟灑窓前興味濃
雲來氣接西山雨鳥弄涼生少女風黛色可當袍笏拜

青柯不雜桃李叢有時得意歌白雪封題報我詩幾箇
嗟哉窓樹大幾許從前凡經幾易主乃今得喚見樹窓
宦海風流茲作古還惜曹司更代頻繼爾之後復何人
長得愛樹如今日豈令斤斧摧爲薪爲薪爲棟休預擇
自古芬華迭衰歇等閒欲免牛山悲漢家溫樹應不伐
爾才縱逸不可當毫端光燄容遽滅見樹之作何獨闕
細和我詩千載揭

雄縣南曉渡

趙駕南征作

涼蟾浴魄溪光溢老樹疎星霧前失北軍怯水馬驚船
日中渡者猶未畢此船之下平田地黍苗浸死生荷芰
野叟操舟疾如風誰云駕浪非長技憶昔計偕頻歷此
修途輕轡行迤邐浸淫誰使雄鄭間相望漫漫四十里
採蓮釣菱饑可餐饒歌鼓吹軍聲謹從來積水蛟龍蟠
但訝江風吹怒湍

景州道中

景州水夾桑園東奔沙走石民田中高黍離披總無實
低禾盡入河伯宮豈惟禾黍傷頻涉行人不得遵周道
百里羣騂半日程紆迴昏黑何能到安得地置良有司
食民脂膏恤瘡痍蓄洩有備人熙熙皇華使者亦相慶
拔足泥淖行坦夷

沛縣謁 駕夜歸

歌風臺下大風起飛雲橋邊萬舟艤夾道爭看虎旅來

入舟一笑龍顏喜紫花罩甲紅繡衫五拜趨瞻望錦帆
月裏從官徒步散填街鐵騎響金銜

徐州小溪橋晚泊

官舟晚泊黃樓下汴泗交流駛如馬霜氣先鳴登岸風
水痕半漬居民瓦屋河鼓角聲動地樓櫓旌旗色照野
至西行未肯休蕭蕭大樹無人舍

次方思道玉簪花歌韻贈丁德卿員外

考工卧瘡昔杜門秋官策馬問寒暄主人好客客好事
倒屣踞床共啟軒軒下玉簪花正盛新篋問婦開芳尊
花逢好景人偏愛素蕊幽香久還耐月娥新梳綠霧鬟
斜插數枝多意態仙種疑自廣寒來化工幻作藍田類

經異塵中爛漫叢膩紅俗紫空形穢涼露濡香澤可春

剛風吹折猶堪戴玉簪花對玉人清何不遣騎來我迎

蓉川平生好乘興聞奇不惜秉燭行二十四朶雖落去

歲蕤尚有葉與莖思道歌云且聞六月開
紫玉二十四朶懸一莖但見秋官歌

一首筆勢顛狂猶帶酒索我和章期立成吾豈苦作就

佳叟南風沸江江有聲綿才幸預從親征捲還寧暇事

蚓竅且向江滸收長鯨丁生亦別玉簪至謂我安得終

無情舟中吮毫爲子作玉簪回首成今昨凱歌聲近陽

春來與子歸醉花前幕

前太平歌送李寓山秋官赴召詣闕

李松字節夫

太平景象臣不知聊于秋官李子行卜之秋官起家固

安令畿縣風清多善政徵入便合登台階留都粉署紆

奇才正逢左右開湯網平反屢報矜青災昔歲威雄潘

壯爲御史上書言事忤天子有詔逮繫玄武獄牘吏搖

手畏中旨秋官恐傷盛時美摧沮直氣執法恥釋之未

減犯蹕金戴胃論寬校尉死獄成自詣御史臺願伏違

詔歸去來精誠格天天爲回竟薄其罪何嫌猜南士謹

聲騰萬雷乃今復以諫官召聖代用人破常調手持三

尺能死守身爲諫官豈杜口君不見陽城救贄遷司業

石介詠賢禍終烈君以違拂受簡知千載廟謨獨英特

送君憶昔叨鎖闥豺狼當道狐假威涓埃莫報身已累

舉足坎壈逢危機君今此行戴堯舜張膽明廷無繫吝

勿謂治平聊素及賈生汲黯真吾師江風五月吹利涉

長蛟驅鯨助擊楫持杯謾及邊隅事聖朝臣直頑自格

靈州到日走馬索願聞李生入朝太平策

後太平歌贈陸弘齋廷平赴召詣闕 陸鰲

秋官既有執法召廷平復以有道行臺諫用人每如此

天下安得不太平艤舟且勿發停鼓且勿伐滿引江上

杯我歌詞清越詞清越江森漫五月風絺沁雨寒薊門

黃紙三千里白下衣冠望闕歎陸賈詩書真國士誰其

推轂良亦智始君講學陽明山際括知行朱陸間近來

傳得甘泉秘聞義必爲如轉圜詩文雖小技組繡無不

好登君白玉堂始見潤熙皞門下殿中皆侍從得君爲

之亦增重士須先識用明時入朝始効明時用堯天淨
微無片雲台階光潤連斗文通來何爲太白復晝見蝗
飛蔽天滿江濱君讀洪範知咎徵宜向朝廷敷所聞惟
皇致和銷稷氛其次莫若務薦賢君子滿朝福萬年平
生識君非委瑣飛騰有神先告我子春嘗爲臨岐莫怪
語太頻爲君胸中增磊砢疆場微臣翹首太平心如火
與述兒乘別舟至三山舟人醉而觸石覆焉倉卒

艮難感而有賦

三山近在吾几席舟人笑弄烟波碧長風鰲背片帆輕
掌底微茫伏怪石狼牙暗觸劃然鷁彩無神舟辟易
安流未解濡衣袂頃刻漸然百板折檣勢顛危舵力殫
獨使太阿縮泉脉斷蛟再起楚屈原檄鯨責問唐李白
弱子號呼響入雲漁艇跟蹤旋脫厄龍宮釣取五經笥
爲有明時濟川策餘裝聽爾自浮沉身存豈復長物惜
請君勿憂黃河萬里從天來請君勿憂賀蘭山上笳聲
哀丈夫平生四方志禍福遠近何常哉

夜聞隔江虎聲作洲虎行

天用神龍地用馬虎穴在山非在野咆哮靜夜江上洲
水溪月白胡爲者豈因渴吻奔洪流饑逐孤豚過漁舍
連荻青青續漲高歸路迷真誰則假魚蝦瑣碎不可食
罟獲兼虞泥沒蹊長空一嘯悲風來隔渚猶能飛屋瓦
但恐虛聲賣實禍技窮豫且挺叉下何不掉尾涉清波

得到雲林卽瀟洒

松蝗歎

黃楊有閭僅有夕未聞松有歲時厄不苦四蟲木百蠹
未聞蟲能竭松液桐鄉民俗好種松大家小家山青葱
胡爲一旦蟲作祟緣枝食葉葉爲空蟲長二寸身有毛
黃黑色雜饒如螭蠶食葉盡歸繭繭蕃百子嗣老饕
土人皆呼爲松蠶繭雖纏綿不可縲吾聞北方有蝗一
種類此蟲食穀氣化南來豈其曹堅貞高大松最壽針
鋒勁鋸且細瘦蝗不食禾乃食此帝將寶穀爲民祐或
言貞象有德高象位變異來應君子受天道深遠豈其
然代民蒙殃爾何咎但使蒸黎歲飽食何惜萬山蒼翠
爲薪槁嗚呼何惜萬山蒼翠爲薪槁

飛蝗歎 書西平縣臺屏

光霍新蝗如游蜂饑喙所至民田空汝蔡舊蝗類啁雀
飽飛刺天勢彌惡久厭北穀恣老饕近切南禾如刈蒿
舉家勤動克爾腹無怪曠野悲號吽旋遣種類何勞乳
黑脊黃股號蝻子春緬布地秋跳梁誰云冬雪能壓死
盤空穿市忽填積貫索纍纍厚盈尺捕瘞莫盡推使車
田祖無神暗嗟泣吾聞天神尊者稱太乙遙治三才尸
道疾胡爲蠶氣獨傷農水旱四蟲災匪一東方青龍澤
擺極代天降虐雨天下毒霧腥雲胡少靳蠶粉此蟲惠
鰥寡西方白虎口呀呀習噬婁豬與艾豕陰風不爲行

肅殺覲顏蜡食何心耶北方玄武水之精漂殺人畜歲
靡寧蝗飛渡淮且渡江何惜涓滴泪其生南方朱雀炳
離山烈澤枯山猶反掌羽翮翔畏日中赤口雖炎底
無恙舒途日擊夷隱憂咎徵洪範情所求行臺客睡何
曾著月裏空明烟飛落起吟掇拾書且歎傳語姚崇細
商推

靈武臺

唐王推心腹封豕長蛇非我族漁陽鼙鼓破竹來猛將
當關六師覆饗輿倉卒幸西南馬少不能偕骨肉當時
豈暇計大勢成都僻遠難興復太子若循慰蹕恭世事
一去如轉燭天意人心繫北轅權宜勸進宗社福裴冕
寶冊亦徐至父位子有何嫌惡竟用李郭收兩京上皇
尊貴旋黃屋獨恨表裏如濟奸大孝致譏倫漬靈武
臺高幾仞環江雲擁烏崙峻唐家再造此深機誰云篡
竊非其正君不見房琯于時建策長詔使諸王領節鎮
祿山把詔長太息從此四方知響應靈武臺高幾仞黃
袍加身勝溫清懸合瑄謀迂唐命

秋雪行

九月三日平山墩大荒決潚行旅奔陰風怒號西北至
彤雲四布天晝昏半空飛沙雜霾土旌旗慘淡吹涼雨
前人碛河作霰零硝牙嵯峨霰縷縷咫尺鹽池勢轉盛
水花玉塵兩清淨瓊瑤雖好絺綌單長纓欲結指生硬

憶昔官進蓬萊閣菊時曾踏燕山白十年江海髮蕭騷
此日窮邊更秋雪

侍大中丞聯峯翟公同赴張監鎮紅花寺湖泛舟

觀魚

行舟塞北一大奇鳥況有澤魚有陂鱗拋網面白玉尺
鰕揆葦底青琉璃膾飛卵剝金盤入會毋護巢亂呼集
安知赤鯉非龍兒老蛟應恐餘波及庖人務豐志莫測
竊刀互鳴几重拭天吳驅鯨助割鮮濁浪猛風天晝黑
吾人志在水與山奚事杯盤鼓吹間公命覆鮮罷罾釣
潛吟翔舞聲開關和平協樂樂貫珠洛瑤漢珮羣仙趨
西日旌旗急歸權賀蘭曉翠浮虛無萍踪樂罷悲感至
萬里從公故人意王陽將奈貢禹何莫怪尊前舊恨多

端午侍聯峰公開將士騎射

軍門午日看扎柳此戲傳來應未久都城六邊各盛行
楚粵三吳未前有往年競渡誇水嬉撒旋捐漬舟側走
及茲馬上觀天巧神鬼行空遺踐蹂朔方健兒好身手
沙苑攻駒牛龍友登壇令罷鉦鼓鳴生倅肯伏調良后
就中神駿絕可憐技癢四蹄始驤首翩然兩轡亦長物
出有入無惟意受雕盤猿挂又螭伸轉足跳身運無肘
電搖赤日雲本開風起青蘋虎先吼奇窮妙盡不相下
趙王鼓瑟秦王缶朱旗再閃壯士呼旋馬彎弓倏分耦
馳道東西金作侯小者如盤大如斗向來儼捷今或不

一金數自有奇偶百步控弦何雄赴得者氣勝失者負
貧士斷金飽數口不得之家紛內咎公將持此激責黜
不獨爲歡勸杯酒會看守固攻則取勒石燕然垂不朽

峽口

生犀飲河欲北渡海月忽來首東顧馮夷舉手揮神鞭
鐵角半摧河上路至今夜有水泣聲罔象秋歎鬼姦露
土人作渠灌稻田玄靈委順不敢怒土人呼山爲

山現

溪山蘊真盤蒼蔚非霧非烟結靈氣方隅城郭曠野開
樓堞旌干形彷彿東梧憲使言有徵山現海市冲和凝
三秦拒敵此要害會分重閫誅憑陵

石寺

浮沙聚散陵谷遷土木塊然千載全幻鼠導開浮屠窟
衆生地底瞻諸天金人出現鼠却走富姬佞佛更誰咎
陶復沉沉香火溪邊珉望門首重叩

紅花寺前泛湖奉命作

少師入夏窮夏奇策馬登臺舟泛陂紅花寺邊好湖景
初冬冰瑩寒琉璃琉璃碎擊楫入潛鱗宿翼泳翔集
太阿光動龍渚吟九首天吳逃莫及沉竿要爲溪淺測
竿頭水怪血頻拭中流覽物念浸淫葦短無花荻穗黑
扣舷起面賀蘭山佳秀胡爲戎夏間四朝元老久密勿
中書無事西臨關卑微安敢歎遺珠短髮風塵任所趨

阨塞河山險頻失國恥能辭士獨無江海洋踪爲公至
奇功偉節生平意乾坤知已復若何要使旂常公績多
歸德水

洞門徑仄林谷幽水避腥羶東向流浮嵐照翠磯有聲
一勺入口神骨清華風搖漾愈脉脉以識去就歸德名
胡爲過謹高卑禮出山咫尺行沙底大麥焦枯小麥黃
山前草木燔根柢二螺垂涎半空外打磬前大螺峰雙髻飛
蓬曾莫洗雙髻峰乃知溪澗亦朝宗望洋先伏河伯雄
行潦蹄涔顯易竭資溪富媪趨龍宮太險蘊淑神千里
誰云不與大海通君子爲潤雲爲雨濫觴觸石時足取
尋源剖竹記夔人剝木較功抱甕父豈惟萬夫唇吻寧
長城燠下建瓴蒼生保障天所祐小臣苦心庶無咎

靈州棗

靈州棗靈州棗榘牙庭前天地老棘針半錢春鉞小何
年結子與瓜齊甘如竹實鳳皇棲惡少爭攀擲瓦礫生
意剪伐同塗泥帝遣羨門求鳳來噓枯腹悴花重開元
封旌旗亘萬里青鳥啣花壽玉杯衛公雪恥休大樹頓
利突利爭相附二兇頸繫兩株高素車素馬花並素中
興至德遠承家臺上赭黃凝黃花張后拂花樹底笑鵝
翅行棋樂未涯樂未涯帝忘歸上皇在蜀誰因依汾陽
赤心貫天日至今口口口無違

樂遊園歌

名園風約年年爽草僂花生幾消長撥冗真緣聞所聞
見之四顧抵雙掌空餘唐水隘曲江賀蘭送翠延清賞
當年帝子鳳凰車郊原爭覩分天仗胡爲燕樂生板蕩
宮門蘇繡黃金榜淒風下果藥欄中湛露肥菰蘭晚上
圖書歌舞非昔時不獨長安事可悲秦川未改繁華歇
千古猶歌杜甫辭共君此來亦難再脫屣蕭關荷聖慈
妾得不吟復不醉明朝謾聽驪駒詩

徐州答方棠陵雲隱山房見招

疎懶晨梳晏淹留夜飲狂干戈紛羽檄樽俎且山房雨
足松流翠風清竹有香招呼憐汝意歌好憶吾鄉

良鄉曉發

紅塵輕拂面白露冷霑衣黍地收新雨瓜籬摘曉暉
旗人自奮初路馬如飛上策從天下神威縛賊歸

德州憶栗兒

阿栗憐渠幼曾令候德州開舟何太速駢馬見無由
篋內空儲果天涯獨擁稠平安傳令弟夜半解吾憂
二云栗兒舟中平安始得寐

兗州官廨

院清亭有竹節近菊無花獨酌不成趣微吟易感嗟
淒風吹樹急細雨傍簷斜秋色征車外家園路正賒

臨城曉雨

明日重陽至茲晨風雨多鳴鳩號樹杪啁雀避簷阿只

作衝泥去無煩載酒過登臺阻行路將奈菊花何

九日馬上

九日彭城路征鞍指顧間晨經高帝廟暮過子房山
馬連荒草雲龍擁市闌且須留信宿懷古一躋攀

馬首

馬首青絲絡腰間百寶刀旗梢霜葉下箭拂嶺猿號
意氣輕儒吏飛揚見爾曹誰知杜武庫談笑靜江濤

南巢道中感興

小徑依山去平湖帶郡來石雲孤寺出烟樹數花開
桑梓偏青眼逢迎有白醅干戈回首地喜極淚盈腮

徐州飲王公濟侍御

早春京國別此地笑言通翠輦雲霓下黃樓霽雨
中坐憐烟擁樹歸待月生空有客河東宿招呼未肯同
河東不至

徐州得命先行

有命傳先發黃昏卽放船橋開人擁渡水遠石生烟
驛路淹三月家園望七年使行成陟屺感激聖恩偏

光州簡孫德夫同年二首

藩臬飛騰久蘭焚事偶然檻車炎海上尉幕瘴江邊
汝月秋三五關塵路幾千狂歌對君酌香細夜堂烟
老去僉關臬逢君忽此州一樽汝水暮百感曲江遊
直栢銜星立清河近月流含情臺上語露下濕吳鉤

邠州曉發二首

殘月征人早州城奧突間呼船渡涇水立馬望幽山禾黍高低壠烟雲遠近關誰能渠白石種稻濁泥灣涇北山橫絕穿崖細路高偏懸疑有麓峻極乃平泉樹露催禾秉溪風颯亭袍憂勤見遺俗無地立蓬蒿

靈祐驛次毛東塘韻

江路盤山轉顏垣此驛亭寒雲風外白畦菽露中青鳥雀無歸樹驛驢不在垆誰教心匪石自信跡如萍

清平驛坐雨

紅城真出塞且勿憶江干曙雨飄沙急秋風捲地寒微巡連戰格旅道底征鞍制閫籌元老能令聖慮寬

將至靈州

復入人烟境村墟鷄犬聞沙黃偏映日樹綠正連雲古道流河潤高嵐塵塞氛服箱轅下特束餉馬池軍

將至威武堡三首

候物催屯種肩輿歷塞塵水繁三岔曉渠動七星春花氣酣歌鳥荆叢翳關鵲麥畦青未了路有告饑人鹵泛春畦白陽回臘麥青山形戎夏共渠利漢唐經燕早花前乳鶯遲雨後聽客心淹冉冉江樹望冥冥朔氣疑長閉春添始見花山青橫鳥道日白關峰衙土屋耕夫墅雲烽戰士家寒帷把殘籍不記在天涯

入中衛城

右臂伸西極寧靈近勢聯沙山橫絕塞河水上腴田草木江南色旃裘嶺外烟壯心驅倦足乘郭思翩翩

山城由澗道饒陽

高溪盤百折險澁旌旌愁石學猿猴掛溪窮鬼魅幽中水亦苦岩際隴無疇烟火遙岡樹停車午憩留

渡河時水勢甚盛漫述二首

計往返十二渡

又作臨津渡游魚狎櫂謳河肥初伏兩岸絕半灘舟草色風歸馬車聲汗服牛塵容水虛照民物重私憂龍躍時看劍蓮花匣未虛凌兢新沒馬喙噉舊遊魚積石浮元氣扶桑倒尾圖陽侯驕不起風淨色雙旂

過河間

爽風輕颭酒旗搖策馬瀛西第一橋水繞郡城秋漸落烟籠官柳午方消書生軍旅何曾學聖世鯨鯢浪作妖蓐食下春還出郭塵埃雙鬢任蕭蕭

將至在平

長途秋暮馬駢駢風起塵高雉堞微蟬到夕陽聲更急樹經寒露葉初飛正聞老母平安信兼喜中丞克捷威揚策不知行色倦欲沽村釀解征衣

汶上吏劉伯祥年兄

征衫十日苦風塵汶上停驂訪故人無約信知非我避有懷端擬向君論雲林索笑黃花嫩世路多愁白髮新聞道江鯨先授首歸時鷄黍莫辭貧

臨城驛夜坐

晚風悲角歛孤軍，遼絕勝徐侯館。分樹杪月華清，送柝兵前霜氣黯。生雲市無美酒重陽近，人望歸途客思紛。何事金陵千里地，棘闌消息尚無聞。

晚登黃樓

落日州城並馬蹄，危樓猶揭昔賢題。河流併泗趨淮壯，洪樹連城望嶽迷。泉縮民居新出水，舟行黍地尚無隄。留連正愛窓前月，野宿遙聞暮夜啼。

露筋廟限韻

道傍女子死於蚊，猶聽居人說露筋。古木荒祠來夜月，清風巍碣罩秋雲。事傳汗簡遺名氏，血染羅襦駭見聞。湖上貞魂千載恨，齊宮白鳥謾紛紛。

烏江弔古

往事追尋感慨多，英雄當日割山河。東纔項地西劉地，內忽虞歌外楚歌。遺廟欲荒神尚烈，大江不轉恨難磨。寒盟却渡誰非是，故壘風雲長薜蘿。

出冷水關赴召

使節南驅又北馳，關門細雨路倭遲。山藤暗刺低鈎轡，野菊寒花淡著籬。百里迴車懷老母，關去吾家百里五雲瞻日赴王師。蕭岑候吏知鄉誼，頻跽西風勸酒卮。

登牛首山

爲愛城南第一山，芙蓉重憩白雲間。郊形石祖湘江圻，

洞勢中虛日月閒。天闕土花函晉寶，相傳宋受晉禪，建邺壇于此。

園珠樹揭秦關蒼苔錦石高峰暮，一笑悠然俯八寰。

送朱華溪郎中考績入京

朱方字良矩

青雲岐路問江津，君北之燕我入秦。彩鷁迴風瞻魏闕，黃河出塞近崑崙。功名後會身誰健，慷慨當歌意自親。館閣爲傳知己道，書生不解怨邊塵。

登大華山

顙氣高浮白帝尊，迴翔勢欲迴崑崙。西郊雲斷仙人掌，東井星疎玉女盆。鳥道半空秦樹禿，猿愁絕嶺漢祠昏。蝗飛滿目車箱谷，民瘼應通箭筈門。

雲臺整屐玉泉過，積翠層霄引石蘿。輶轡蒼龍穿紫氣，手持白扇上青柯。三千里外籠飛練，十八盤頭逼帝窩。鐵鎖半攀懸日月，下方雷雨隕陰多。

永壽道中

客路郵程尚計千，塵勞習慣亦安然。穆陵關束邊書馬，九清溪蒸塢樹烟。穴土居人工曲突，梯山穀壤學平田。征衫怪底晨風急，身入金天斗漸懸。

將至萌城

西風朔馬陟重岡，戍鼓屯笳接大荒。池酒四時烹窖水，天傾八月肅溪霜。塵埃宦拙千旌遠，墳典功疎日月忙。塞北江南差可喜，賀蘭雲外疊青蒼。

韋州月夜望螺山有作

秋月山顚氣高霜清衆斂翠生濤溪通澗谷方逢水
地近鹽硝半不毛胡馬幾年空野屋王宮萬木俯荒壕
何當聽續韓公策幾省干軍轉運勞

小鹽池驛書懷

飲啄微生信有方一官四奏底須忙金部凡四擬字
東擊楫鱸初美塞北懷人草又芳寇壓河壩增斥堠書
從天關借芻糧客窓三尺春分雪喜祝青青二麥長

入寧安堡

河曲當年夏九州屯田春日擁鳴騶羚羊潤挾郊禾起
米鉢青搭漠樹浮藥餌有情雙眼健脂韋無智二毛羞
花飄萬點風光急燕語鶯歌喚客愁

家使遣後意緒紛然走筆謾興以自堅勇退之志

書成秋繫雁南歸雙眼河山興欲飛實以病軀來絕域
遂令壯志厭塵機水邊竹徑時掃江上鱸魚歲歲肥
更數瓜期望遷轉高風吹破芰荷衣

將至花馬池王參將郊迎設食

岡嵐迴合日光斜毳幕金罍坐剝瓜蔬徑潤含終伏雨
禾田青覆去年沙王庭北徙邊烽少賓雁南飛朔氣加
驛使只今勞戰馬兩池愁聽損鹽花大小池鹽利分給

邊買馬

聯峰公將至小鹽池草地取路參迎宿狼巴井

中丞問俗靈州路瞻望清塵草徑斜鞞琤看山謁鐵柱

繩床掃地宿狼巴月遲坐假星爲燭雲起眠愁雨打沙
土冷露寒刁斗急漠荒辛苦念兵家

過田州故城即唐朔方軍也

河外軍藩麥秀中唐兵昔數朔方雄韓公北轡三城路
至德中興一旅功番刻勁銷春薛碧漢花樓映寺門紅
高雲不罩田州塔水鶴歸巢憂暮空

宿周澄堡困甚

小城投止倦如傷累華練帷智木床各城公署苦簡
帷累華隨行床可脫百草武渡處春來舟六渡雙渠名
歲換樹重芳腥羶作病難依樂犬馬銜恩合背鄉星月
微茫塵夢永惡聲翻妬曉鷄忙

相地至邵綱堡即去歲巡歷之日

去年此日均田至今歲如期涉險來似與清明風有約
豈因南北路成哀麥田秀潤黃河水版築晴轟紫塞雷
坐久詩書聊解縛蠹魚乾灰卷中埃

赤木裏口墩下坐憩

赤木空濛翠接天懸車路杪下烽烟須驅虎北馮金塔
金塔亦山口更走龍南跨玉泉玉泉營名城富
當補砌巔嶺徑跨其西以南青草谷
中兼得水白雲崑下盡堪田驅馳疲竭涓埃報心苦三

陲版幹前

視農入王澄堡

西峽朝雲雨脚斜北山天色淨龍沙催歸水曲檐藍女

布谷林中浪稻車土人以種稻爲浪稻浩劫古巢飄鶴羽小番遊

字繡苔花詩脾不奈邊行喝豆角蒲芽伴煮茶

渡河

馬鞍山下客衣單瀟灑方舟艤急灘鴻鴈殿秋風力緊
魚龍欲夜水光寒逢車莫問公私糴得路翻生去住難
汀草野花陳跡裏王孫別思幾河干

赤木山下開視新塹

山靈受慙割龍沙寡婦孤兒喜有家碧草暗斑遺鏃血
黃雲平覆戰塲花歌風奮錡穿林麓接袵壺簾憩水涯
心悅子來延竚久唐渠秋樹亂昏鴉

到鎮三日卽出按部沙井道中卽事二首

三月驅馳到朔方民風未改使旌忙日催成鼓聲初起

霜壓沙蘭氣自芳廩食欲分蓬食味客兵須惜王兵糧
蕭蕭萬馬西風外何處青山綠草長

禾田南盡見民窮白磧黃沙一望中戰馬未歸飛粟輓
征鴻雖去缺書筒斷蓬脫實翻風枯早木無名映日叢
寒暑載羅淹制節侵星何敢惜微躬

初恩志感卷爲大司寇張公作

鐵筆持邦禁丹誠汪帝衷忽看歸老疏再上建章宮急
難錫原迴悲愁鶴髮同腹心非自外骨肉奈搖中聖王
聞應動明廷禮特隆勉留溫詔答存問有司通草木雷
新寵桑榆慰遠空離憂知頓釋志養亦云終膺力經王

事涓埃感我公更移溫清孝還畢救時忠

別大知已詩六十韻

大知已者何撫臺大中丞聯峰公也之鸞辱知
已之薦多矣率附驥尾茹連數語而止惟中丞
則專疏極稱累數百言不厭有表微之道焉惟
淺薄不敢當而于知已則大矣故臨岐之詞欲
言莫盡而筆舌恨不副心云爾

昔官叨瑣闥公秩屬司徒邦計朝聲籍達儀士觀殊上
供珍筦庫內蠹竭鎔銖並拜監臨責欣諸麗澤圖規恢
遺刻削瘠薄潤敷腴繩墨循非縛廉榮曠亦拘周旋偕
侍御沃益瑩冰壺詎謂勝根冷偏令苑速枯龍收翻浪
鯨鬼攫定攜狐桂籍遺鴻迹跡逐溷隔康莊騰五馬
遠夢滯雙鳬衛最移梁甸臺資謝郡符王韶經略地李
勣浪遊區唾手賓番族持衡卓憲模功高人或妬價重
玉徐沽遂長三秦臬疇嗟萬里軀髮莖仍盡黑服色已
重朱布法臨涇渭盈庭質芮虞嶽蓮風格峻城斗福星
俱兩造神明久片言忠信孚北門求鎖鑰西顧辨瑕瑜
黃紙中丞擢黔黎要鎮須民更元昊故毒染赫連痛戰
伐瘡痍哭饑寒水旱耀鐵衣誰歎土烽火日強胡禮廢
軍承變宗淫訟積誣王師勞鮮餽寒廩賦恒逋幣埒排
千孔涼蹊併一途要知工補抹絕跡失駘駕入境初明
分逢災輒免租紀綱淪復整凋敝稿全蘊渠利疏唐漢

兵機洞諜俘飲貪狼避道不啞虎依嶠示儉居貧國先
 憂達上都子那每撤樂庚癸未聞呼萬戶皆安枕諸生
 始業儒商通靈武僻稼掩賀蘭蕪汎濫新歸壑鉏犁舊
 田口小心修屏翰大舉志匈奴馬謖言乖實王恢罪可
 誅辭援舟共濟事異幹連株給舍廉欺罔飛章列覬覦
 歸裝誠猝遽跋蹙幾踟躕往恥甘垂翅南郎幸濫竿拔
 茅付盤錯投筆歎桑榆茗酪愁鄰貊尊絲戀煮鱸鷄墮
 思宿約熊軾儼亨衢寶銜張華劍塵超伯樂駒微衷許
 披瀝正氣曠搏扶邈微來廢爵前驅願執爰方圓判枘
 鑿燥淋會焦濡果愜彈冠慶恒勤促膝吁塵翹非病急
 婉狎靡嫌諛道重綈袍略情公邪翼踰竟容親盛德真
 曲庇狂夫學業危授裔才名滿藥編何前河百眼癡
 選青映虛譽囊羣刻立功燭火爐春嘘委溝斷梵起甍
 浮屠謾道鷄維鳥方看雄轉盧進會窺晚達立莫使終
 孤厚誼鐫餘齒華褒誦弱雛臨岐私飲恨對酒再披愚
 遠道加餐飯含生豈卒渚朝廷需柱石與卑別良汚廟
 器捐家食皇猷待哲謨性靈煩熨理鬼躁浪擲掄倘卽
 風雲去懸從聲咳趨平沙渺旌蓋聚散悵須臾
 聞江西之變愛老母所在一夜而鬚白一莖因成
 二絕
 烽火慈幃定畏途憂心煎白上莖鬚凡難空長三旬七
 不得臨危手一扶

省觀猶思再考時兩考例得歸省一莖允已變成絲平安若還
 慈顏見笑定應驚早白兒
 將至雄縣書所見四首
 沿溪風景似江鄉老柳濃陰綠兩行雙嶼稀留編竹細
 白沙中閣賣魚航
 十載騎驢此地過平原如掌半爲河生魚活蟹來盈市
 黍地桑田奈爾何
 天王仗鉞爲蒼生民見旌旗亦不驚只恐有司供帳富
 重腫難照鄆簷情
 災傷共道水連年午過停驂不敢前南去泛舟三十里
 鄭州城北少人烟
 儀真進陸稼書家鋪次壁間韻
 小亭繫馬看青山芳樹人家淺水灣回首東風生彩鷁
 挂帆却羨祝郎閒道緒掌科先欲由舟入南京子由儀真陸行賦此後亦由陸來相見時不笑
 望桓山
 桓山有約竟茫茫山石嵯峨山樹蒼三百年來無李白
 更從今日憶蘓王鎮遠顧公同寓於徐將約遊焉以迎駕不果
 牛首歸雲亭
 草色苔痕半上衣海東涼雨散初暉幽崖故是雲生處
 謾道雲從天際歸

龍眠風雅卷四目錄

木厓潘 江蜀藻輯

商丘宋 華牧仲

同里陳 焯默公

吳 檄 三十四首

方 效 四十六首

方 是 一首

汪一川 一首

方 良 一首

方 祿 一首

吳 僂 九首

方 照 一首

齊 傑 七首

齊 述 二首

盛汝謙 一首

方 點 二首

方 兼 一首

吳一鳳 一首

方 可 一首

龍眠風雅卷四

木厓潘 江蜀藻輯

吳

檄 字用宜號皖山正德辛巳進士歷官樞密性剛嚴有氣節仕至陝西參政清介之操始終一致生平嗜古力學尤工于詩著有兵部集西蜀蔣芝序之曰言達者實茂洵為大雅賢的云

燕京北閣同王平陽朱節之張子言田忠父諸君

宴

茲閣何弘敞雄峙州渚隈高會乘暇日儔侶權追陪列坐盈綺席櫺牖中天開遠覽周燕甸俯瞰黃金臺疊嶂鬱蒼翠清川玉縈迴歛忽芳靄結靈雨從東來仙颺吹霞裾恍若升蓬萊振袂語同遊流光逝如頽良辰不極樂嫵婉須誰諾令德欣具感逸典駢相催蘭肴豈虛反桂酒數傾囑談笑凌青雲歌聲遏玄埃逍遙萬物表賤思游無懷偕往心已愜久要義勿乖念此四海交撫檻以徘徊

過涿郡

孟冬過涿郡雨雪何其雱寒風雖云烈流塵淨周行崇朝策疲馬忽至帝城旁帝城日以近鄉路日以長所思在丘隴瞻眺登高岡同雲蔽千里朔風為飄揚遡途窮澤國神往來無方徒懷竟何益但使情內傷

哀余竹城憲長

大龍之山橫古舒長江波浪無時無與雲出霧遍南紀衡岳塊爾湘川隅山中寔藏天地寶誕我余公氣何浩

賈誼文章三十成，鳳翥鵬搏凌八表。執法之宮天始開，
霜飛海甸驅塵埃。借劍將誅倚闕虎，引裾豈避奔空雷。
武帝雄才憚汲黯，出守淮陽志不減。坐使閭閻風俗淳，
至今五袴歌廉范。鏐鄧忽遇神龍光，擢居劇地平要荒。
吐蕃遠遁沙漠外，匹馬不敢窺邊疆。十漸忠貞動天子，
按節山川命伊始。益州將吏遲嚴公，星隕俄傳諸葛死。
此地連年枯旱隨，石圻金流數千里。蒼天不救涸澤魚，
赤手誰翻大江水。哀哉余公廟堂之望，今已矣。鄉里衣
冠真我師，相逢嘗恨識君遲。額天何處攀箕尾，寶劍空
懸隴樹枝。

樓夜

北極高秋轉南樓，爽夜分苑風連禁樹。山月下窺雲鶴
舞，神臯外龍吟大海。濱危闌看寶劍霜氣，蹙星文。

高棟流水雪青天，玉鏡開烟華千塞。起樹響萬山來，有
客浮槎去。何時駕鶴迴七絃，停北斗牛女正徘徊。

秋日田慈父使九江與昆侖張子送之平津

扁舟逐張翰，送爾大河津。楚樹應思我，燕鴻復背人。湖
平時漾草天淨，不飛塵離別同杯。酒相酬莫厭頻。

省鶴

白鶴何年集蹕蹕，畫省游雲霞初入。夜松檜半含秋海
性，停鵲瑣天聲。繞鳳樓芝田迴羽翰，慰爾列仙求。

春日憶張子言

北苑花千樹，春深不共看。素琴彈水曲，黃鳥和林端。爾
鬢吟中白，吾顏酒後丹。東風倘相惜，迢遞促歸鞍。

奉酬童內翰桐鄉見慰之作

抱病離苦卧青山，採藥歸秋風拂仙翰。正下白雲扉，我
欲問儀禮，因之瞻德輝。不知南楚鳳已向帝城飛。

十五夜對月奉懷吳石亭太守

千山不動烟一鏡，掛青天。遙憶西江叟，高樓看爾圓。
得月樓云：舉杯邀兔魄，揮袂拂龍泉。滿目相思淚，清光爲我傳。

傳

元夕與舍弟楫併諸子飲

春入上元夜，筵開率子家。山中無火樹，白雪映梅花。鸞

鵲臨風靜，填鵲繞月譁。不辭天色曙，共爾醉流霞。

過董伯嚴松林有懷

白馬穿松塢，玄巾低曲枝。無風濤乍歇，不雨蓋還持。側
見空中鶴，深聞谷口鸚。江都定南邁，烟境不同馳。

秋日與方惟裕游浮山會勝巖

鰲背負天台，東從海上來。潮開千古洞，屢結百層臺。薛
荔牽衣袂，琅玕落酒杯。崇岡看勝跡，石字沒蒼苔。

金谷巖

玉山標勝地，金谷敞秋天。古往誰高步，吾來獨靜便。烟
霞丹洞闕，日月紫峰懸。縹緲看雙鶴，乘風萬里旋。

滴珠巖

神龍遵地起萬壑轉虛無留雨天門上千秋瀉玉壺
霞紫素錦爽籟散明珠並坐苔邊石流音繞四隅

張公巖

削宇鍾天巧題巖自野夫張公名半空開紫閣一逕蹲玄
都我對金樽酒君探玉笈岡竹深仙不見共倚白雲呼

霍丘訪胡公擇

尋君指河澣山郭忽相逢傲舍惟秋菊開花間古松時
傾一杯酒不改十年容醉卧辭余去柴局霧已重

西原園中

清時薛夫子巖居長閉門著書多暇日種竹已盈園我
繫燕山馬同傾栗里樽不辭秋色暮對雨接高論

清晨灌芳圃激水此河濱種藥秋已熟何愁多病身山
亭下雲氣杯酒有詩神灑翰頻遺我中心自不塵

發宿州

我懷千里道早發宿州城霧逕紅塵濕霜原白草平前
村渡河處繞嶂權歌聲聞此急征旆東山日已明

謁漢高帝祠

沛人懷赤帝祠廟據青山雄甸川原古前朝劍璽閒風
雲開日表虎豹護龍顏瞻拜慚無禮容臣大度間

與田慈父走訊張山人消息山人適歸喜賦

結駟長安道迴車大隱關祗因別日遠借問幾時還薄
暮梅花曲流聲松樹間柴局風乍起談笑接高顏

駕幸九龍池

羽蓋乘春集龍池愜帝游地疑三島勝泉是九江流御
氣蒸黃柳恩波蕩白鷗春風迴輦處歌吹繞瀛洲

省夜

爲郎夜宿尚書省漢署深深隱暮花樓外雲行無過雁
苑中高樹有啼鴉苦吟座入清霜氣不寢窓移明月華
樗散寸心違袞闕風塵十載客天涯

已丑冬不雪 天子禱于南郊是夜大雪喜賦

至後玄冥動春令暖風晴霧寒天涯南郊曉駐黃金仗
朔土宵看白雪花鹽虎凍盤雙闕迥玉龍光繞萬山斜
微臣敢效豐年頌桂省蘭觴泛紫霞

憶少岳梅

梅在襄陽謝公山旁其守徐東濱構亭其上

少巖亭畔謝公梅臘月寒多花正開山月低軒霜影墮
江颺吹樹玉香迴橋邊客駐青霄杖洞口仙傳白雪杯
虛沐君恩游畫省獨憐春思繞蓬萊

贈韋地官督漕政

聖代都城盤朔方九州征賦重維揚河流萬曲開天漢
海艦千秋接帝鄉王事獨勞蘭署客春風初下紫泥章
鵬搏鳳翥江霄外瑞日遙臨榮節光

移居城東東田兵部

歲晚天涯歸未定卜居東傍鳳凰城烟霞不散紅塵色
日月遙懸滄海情退食琴書歡自展中宵鼓角夢還驚

丹丘司馬坊西舍策騎時勞問友生

春夜對陸子宇

省署旋歸坐解愁月華遙滿仲宣樓玉河風暖蛟水動
銀海天空蜃霧流南國早梅誰獨往北山叢桂爾長遊
春盤竊慶昇平日永夜何軒醉未休

贈田忠父歸閩中二首

昔奉慈顏來帝畿
章親族五雲輝祇憐鶴髮懷鄉遠
更逐仙槎泛海歸松外丹山開壽年花邊碧水照初衣
故人竊捧毛生檄送爾翩翩興欲飛

苑外稀聞黃鳥鳴奇峰面面碧雲生依沙錦席堪時駐
隔浦蘭橈趣暮征玄鶴何年傍霞起紫駟昨日繞花行
祗因別思牽腸斷一曲離歌賦不成

春日過張侯園亭

五侯臺榭競芳菲三日花深車馬稀絃管不從流水奏
綺羅應化暮雲飛空聞玉饌分天府曾觀金葩捧御幃
借問樓前桃李月由來此地幾人非

棟塘

高人棲跡謝氛埃塘上亭依雙棟開密葉那知朝日轉
修枝忽送晚風來魚龍起浪臨歌席鳬雁穿雲繞釣臺
萬竹千花金谷裏不如樹下飲荷杯

甲午冬過荏平聞吳叔羽癸巳五月卒哭之

南歸曾得蜀中書道爾平安守故廬荏縣忽聞摧折久

草堂翻恨往來疎家貧妻子應難給歲晚朋儕日已孤
都下送君成永訣忍看詞賦哭相如

方

效字去病號石湖桂林公會家孫舉嘉靖丁酉
舉人呼之遂以名其里父有侍婢家人不能堪公
安之父歿為善語配不問其貧宗黨稱奉焉所著
有石湖集

送秦時信謁選

君行在深秋渺渺燕山下向日掃雲霾光輝仍舊射來
歲富春華我亦長安舍角執南宮餘尊酒話良夜

送叔祖力令貴溪

信州跨吳楚名勝雄江右山川發頴秀貴溪實稱首天
子重名邦簡茲賢令守銓曹閔進士曰若桐城某叔也
被命馳風夜罔敢後窮養達所施展布經綸手振我
祖芳作彼萬民母應宿古郎官碑在兒童口

寄周廷栗

久不遂懽觀永歲念恒切川途亦阻修雲林應嶽嶽丈
夫志四方相期在掀揭芳秋況轉蓬青燈無作輟

皖中病歸值雨

支病索肩輿避雨宿林屋不復加餐飯但得睡味足晨
起戒僕夫泥塗無彳亍春淺花事微寒雲亘山谷

走百病行

長安風俗真元縮不重元宵重十六處處謹謹走百病
貴游自好何僕僕雙籠前導沸笙簧侍兒環簇炫綺縠

市井紛紛恣奪攘士女悠悠甘局促首善之地嗟乃然
偏方下邑更何戮

空石歌爲叔惟素賦

空山之石空離離俗眼瞽瞍者誰空石山人性癖奇
却爲此石溪相宜山人雅負丘壑姿有名不受天子知
有才却受世人嗤放浪山甌水之湄醉卧石上歌其詩
山人與石同離披石與山人相追隨兩兩俱耦數不奇
空石空石千載以爲期

自信歌

有序

予自丙戌試南宮已丑以病庚子以憂未赴于
今十科矣癸丑之末第也予卷乃董澤陽公備

卷第一董批曰平篇俱清婉但從星篇稍歉又

曰論亦不俗凡予所得意陸令所稱許者一一
皆合乃知主司未嘗負人也歌以自信

少年姓字登南都南宮十試何淹濡錦囊寶劍發精彩
紅塵赤甸空躊躇世人不識方生志美官大郡懸相遲
生今自信惟簡編靜對青燈老彌至高鶴不共鷄羣棲
神龍不受魚蝦餌雲雷奮蜚花開時春衣十里吾堪試

黃山行爲楊先生賦

黃山黃山高且深登薄霄漢雲烟生東瞻太阿接海島
西望華嶽南望衡上有長松千萬樹盤空驟作風雨聲
下有溪谷千萬丈虎狼潛跡猿鶴鳴高人于茅結幽屋

悠悠林麓樂天真縉蠻鳥語添笙管爛熳霞彩張圍屏
東風綠草軟且溫攜酒山陰對客傾採花泛酒輒謀醉
醒覓清泉時濯纓鹿豕長年作高侶隆冬三友不寒盟
幾回得句忘朝暮山下常留寸地耕黃山春兮草木欣
黃山秋兮風月清秋去春來時更變景物換幾枯榮
惟有黃山無今古先生德業與齊名交君何以爲君贈
洗心高歌黃山行

送王紹敬歸江西

深秋逢國手吾瘴藉驅除短褐辭予里扁舟返故廬倚
篷聽笛細泛月度江虛千里停雲日相思正渺如

獨坐

獨坐梅花館陰雲漠漠收徑流今雨濕地傍此君幽
笛林歸鳥春犂隴放牛輕寒知尚在未可薄衣裳

雨望

甘霖自南至大火將西流潦積千門暝涼生六月秋林
園昨夜夢京國昔時遊向夕看微霽鍾山紫翠浮
吳用宣兵部過訪以還朝期逼冒雨而別
正欲聞高論俄驚促駕旋離情今夜雨悵望早秋天萬
里星辰近千官岳牧賢相逢卽相別佳晤鳳城邊

散步

遊息松陰下薰風暫拂襟坡平堪草藉樹密自禽吟牧
笛真催曉天桃欲燒林春來無限思吾亦舉杯深

與章惟賢遊別墅

攜壺向河曲展齒破苔紋二月春將半千林色未薰遊
魚翻碧浪征雁叫蒼雲歸憩松陰下披襟坐夕曛

郊行

宿雨開新霽閒行豁遠眸林寒多錦樹水落有滄洲朔
雁驚時序西風動客愁尋詩山外去莫負此清秋

遊浮山

昨日入山衝雨景今朝出谷破晴暉山童導拾橋邊去
老衲辭從石上歸爭道茲崑江表獨却憐僻地客來稀
我遊自此應無數逢著閒時入翠微

過宿遷

連朝風雨滯官舟今日張帆泝急流北指天都雲浩渺
南懸鄉國樹綢繆清砧緩擣滄洲月長笛遙吹古戍秋
多少旅愁消不得酒杯詩卷是良謀

下邳遇周嵯臺初到子舟坐滯

隱隱平坡入下邳忽逢牙史報來時城頭笳鼓千人競
天上帆檣萬里馳閒對白蘋成小醉縱觀鴻鵠起遐思
無風無雨灘頭坐莫怪舟人解纜遲

舟中曉發有感

忽聽官舟鼓亂搗舟人解纜夜喧譁長風天外伸帆脚
逆水灘頭吼舵牙客枕嚴寒霜正落戍樓清角月初斜
夜來多少纏綿夢半在長安半在家

夜泊沙河不寐

舟停野水碧連天鼓角傳更思黯然千片歸帆雲島外
一灣漁火鶴汀前鷄鳴半夜荒荒月人傍孤村渺渺烟
頗有朋儔能好我青燈對語不成眠

趙鼎卿發解其兄子恒同舉

庚年秋半桂花晨忽報吾桐首薦人共美弟兄逢一榜
遠馳僮僕慰雙親九重獻奏文章並萬國傳呼耳目新
薄劣五科猶未第春明同宴待明春

歸途

大龍之嶺高插天石塘湖邊秋可憐麥花菊花遞香馥
遠聲近聲屯晴烟江聲激壯自今古峽徑縈紆還歲年
悠然獨馬渡河出日暮滄洲停客船

初秋飲舟中

避暑移尊坐小舟柳陰深處且停留我先劇醉呼長鶴
客亦忘機對狎鷗觀漲故經紅蓼薄采菱直下紫烟洲
歸時短葛乘驢去放浪不知天地秋

謁外祖黃翁

二月乘春來母族暖風隨我下行鸛儘多樹色映庭宇
漸有鳥聲侵几筵白髮三翁仍父子外祖八十七兩青
舅氏俱六十餘
髮幾輩已曾玄不才倘有神仙骨他日依然似舅賢

遊風洞

東風拂面馬蹄輕十里山容雨復清百草尊前聊野興

小桃洞口自多情，蒼鷹嬌嬌何相狎。黃鳥交交亦我癡，醉俯長江招九子。蓮花無語笑相迎。

汪行可使君餞于望湖亭

望湖亭上試追攀，徙倚雲邊却破顏。萬壑寒烟秋欲老，一天明月鶴初還。乾坤笑口逢今日，松菊芳尊醉此山。無限離愁忙未接，夜深猶自唱陽關。

次叔惟素遊湖韻

乘興移尊放小舟，烹鮮隨處可垂鈎。落霞爛熳一天錦，輕葛涼生六月秋。爭聽菱歌共漁唱，故沿山尾與溪頭。不關小阮無拘繫，叔也風騷第一流。

追次先王父與昌公蓮花亭韻爲良弟賦

松塢巖巖著小亭，華棧猶自揭芳名。池掩映六郎面，十丈依稀太華坪。高義汝能追列祖，短吟吾已愧難兄。年年合坐光風夜，荷葉爲杯藕作羹。

寄宛季廉

昨我停鞭潯水濱，翩翩朋侶集芳辰。清歌妙舞逢燕女，劇飲玄談似晉人。馬踏輦紅歸路靜，鳥啼濃綠別懷新。明年倘遂看花願，冶父山前又探春。

與王紹敬夜飲

花香露正涼，月明庭欲曉。壺觴共故人，忽聽催耕鳥。

晤董伯巖

新水下長溪，水溪不可渡。問津逢故人，偶爾成良晤。

東高于衡

相別動經年，一會復成別。夕陽幾回首，我欲梅花折。招同年胡汝學。

遙瞻雞鳴寺渺渺，予懷切夕陽下山來。期君共明月。

送熊半仙歸豫章

君從廬山歸，我作燕山客。相望五千里，白雲渺南北。

江上

扁舟繫明月，江空幾千里。推篷者何人，與在秋江裏。

問朱鞠卿江時化趙子恒將見顧

輕風拂拂柳絲絲，紅紫春山滿故枝。寄語城頭青眼客，驅車須及看花時。

便面小畫

綠樹低昂淨晚氛，青山遠近擁晴雲。橋邊有客尋詩去，路徧斑斑苔蘚紋。

夜梅

小堂夜晏試春醅，醉舞青袍對古梅。點綴最宜燈下看，精神知自雪中來。

對菊次叔明經惟素韻

醉摘寒英插滿頭，滿頭華髮不須愁。編籬開徑年年種，領取乾坤萬頃秋。

寄章惟學

芳春開徧故園紅，幾度青尊我未同。千里詩來明月夜。

始知身在石城中

索錢實夫畫

知君讀禮亦勤劬餘暇曾拈繪事無眼底江山揮灑偏
可能猶記石洲圖

壬子秋庭桂開已九月矣

桂花開是菊花時莫訝天香分外遲回首紛紛紅紫客
上林搖落只空枝

吳鶴汀招飲浮山

策馬春郊作勝遊浮山入望豁詩眸今朝我試登山屐
不憚天池最上頭

聞鵲

忽聽子規啼未歇那堪嗚咽獨哀哀春歸亦有春來日
母骨千年只草萊

寄弟舉

避暑林亭試葛衣薰風拂拂稻花飛黃鷄白酒秋山畔
坐我松陰一醉歸

曾王父御史公劍

龍劍埋光六十秋風雷昨夜撼層樓朱雲不及伸狂直
張禹何時却斷頭

方

字去非號旦軒邑諸生與兄石洲唱酬頗多以無嗣失傳

懷四姪學箕

可吾軒隱几靜懷四姪逸興超邁塵表儼然長

公石洲之遺風詩以獎進云爾

竹林雅志結南隣竹下羊裘笑語頻放達阮咸幽徑醉
岐嶷杜位曲江春瘦綠詩思鬚常燃喜動文鋒筆有神
更憶礪溪高尚老石洲洲畔任天真

汪一川

字嘉靖開諸生

題黃山清隱卷

黃山有高人結屋在山下山下出清泉此心渾欲化一
經永相傳塵囂總能謝曉起穿雲巖歸來書滿架邈矣
山谷老遐踪猶並駕

方

字良士唐號松塢孝廉石洲公從弟由太學生授武陵主簿陞德藩審理歸隱先人海聲樓

稅黃山先生

尚記當年聲氣同松樓詩酒論文中五車不倦教吾子
四海知心羨獨公別後相思千里夢今朝哀計片雲空
佳兒善繼青箱學雖逝猶存長者風

方

字子廉有俊才十八誌微或言于郡守出之此試守大驚賞以獄故實第二遂籍諸生縱酒劇詩歌自稱井巷子嘗于坐中徵事于長謔之曰兄腹磊塊何多子廉曰弟何乃太潔淨其不羈如此

自題井巷子詩

觸蠻蝸角戰酣時龍血玄黃馬力疲誰道井蛙亦解樂
仰天終日任支頤

吳

字仕富自號素修處士託與吟咏往往以詩紀事邑侯天台陳公勉廣信方公倫沂州張公崇德皆折節下交每奏一篇未嘗不稱善晚年樹槐于庭以綠槐窓主人自命嘗爲詩曰白槐花

黃無事業三公留與後人封四傳至廷尉公應瑒
若操左券公不假問學而屹然于墨之林又善以
習脫人於難有詩壇
郊島里社良半之樂

次王本觀烏岡別墅韻

浪說瀛洲有盛名此中佳趣更幽清苔錢數畝閒花地
歌管幾番啼鳥聲遊徑月明詩句好開軒雨過畫圖成
掀髯長嘯壺天濶別是人間一樣情

爲表兄姚世良題翠林溪處

翠林莫道尋常地添個幽人事不同竹影儘容來坐席
花陰不許上簾櫳午窓詩就三杯酒六月寒生一枕風
仙子悟真容易得等閒何處覓行蹤

綠槐窓戶自號

重重黛色覆簾櫳溪蔽芳塵隔軟紅當戶月明清影罩
閒庭雨過綠陰濃午窓夢覺枝頭鳥一枕涼生樹底風
自媿花黃無事業三公留與後人封

李貞婦傳

二十孀居撫幼孤此心金石更誰逾滿頭白髮仍從子
百歲黃泉好見夫秋雨淒涼敲斷枕殘燈明滅伴寒爐
人間自銜知多少曾識桐鄉貞婦無

途中次韻送趙先生行

送客長亭怯曉寒離愁十斛壓雕鞍丁寧別後相期處
開到薔薇好共看

次韻送羅先生行

江空歲晚野雲寒有客思鄉促去鞍歸到畫堂春正好
梅花香雪醉中看

次韻懷吳先生

空山舊雨戀晴雲鎮日門無迎送人綠樹窓前慣飛鳥
不知春去尚啼春

次韻送吳先生行

年少光陰未有涯春來春去去如馳上林還有看花日
不必臨行折柳枝

次趙先生韻

步隨芳草軟塵香細數飛花片片忙遊女不知人別恨
隔溪三五立成行

方

照字子容號白濱弱冠補諸生旋棄去隱白塘
耕釣自適喜賦詩不求工咏性情紀時事而
已于家語
中得一首

有以新安族譜見示者答之

家譜編修重復重宋元舊已失先蹤但能親睦吾桐族
何必徽州更認宗

齊

傑字士庸號鷹山嘉靖辛丑進士初官南京刑
部主事秋滿例得清要行同年生屬所知認
之公笑而不答果左遷尋出知
贛州清慎克稱其職卒於官

梵峰

梵岳凌空聳霏微曉霧紛禪林翻貝葉僧榻暗巢雲絡
石泉痕細平溪野黛分臨風何處磬天外數聲聞

高座寺次韻

古寺倚巍臺幽軒跨竹開採芝人已遠載酒客偏來擁
獻千松老穿雲一逕迴主人情未已更飲最高隈

晚泊金陵

夕陽帆影落泰河夾岬風花逐逝波三月江天春鴈少
六朝陵樹晚鴉多計程白下憐萍梗補屋青山想薜蘿
酒肆任人渾未解流鶯時傍客船歌

春曉

獨掩樓扉隱几眠老懷春暮怯啼鵲悲歡歲月詩囊裏
今古乾坤酒幔前花氣薰蒸三月雨日光浮蕩九衢烟
年來莫笑生涯拙只釣東湖縮項鱖

度桐溪橋

白石青溪度笋輿西風朔雁計程初微軀香漠輕行路
遠道親朋祝寄書蝗老松梢青復起驚吹水面碧仍虛
鄉心忽倦題橋與何日歸懸駟馬車

青山莊居

一勺泉供數畝田薄收租穀度長年烟霞招我爲山主
風月隨人出社錢半醒煮茶留客話稍閒入寺問僧禪
漁舟莫遣迷溪路漫說桃源洞有仙

山亭

茅亭穩結風凰山止許幽人日縱攀千嶂翠微飛檻外
百重寒玉落雲間春華秋月年年景雨潤晴曦色色斑
寄語紅塵馳逐客可知烏倦亦知還

齊

述字夢川號松峰嘉靖間太學生嘗用公之
素授兩弟嘯隱免貢以屬
詠自娛所著有柳冬集

題黃山清隱卷

秀奪中原間氣優青崖白石豈同倚風松詩撼蒼書月
露竹清涵枕簟秋山路無妨來長者草廬還可傲王侯
一塵不染真佳境携我何時汗漫遊

盛汝謙

字季甫嘉靖辛丑進士由御史至光祿皆有
之盛汝謙分宜樹國心重其才昭以顯秩公
史改遺直貶與英方伯一命首創議爲桐城縣
之古蹟人不以詩著而詩以人存矣
贈武湖山年丈頌山別業
何年遂初衣卜此頌山業門橫一澗流後繫方塘縹流

龍垠風雅卷四

急境常靜躁移情更愜庭趨詩禮兒架散鍾王帙四時
有新釀客至每歡接啼鳥雜清歌游魚翻巨鬣辭榮終
復榮故園懷日涉

方

點字子與號蘭林南淙公長子嘉靖間楚嗣參
夫皆工詩公從
之遊有詩各

印事

明月還來照碧紗長松修竹自年華階除閒看蘭芽茁
信是春風戀我家

題黃山清隱卷

客來談笑渾忘倦最喜年豐眼界清地僻山居何所事
傳家惟有舊遺經

方

兼字子山號千崖南涼公第
三子邑諸生恩何冠帶

挽黃山楊先生次松塢韻

吾鄉文獻道原同不少金蘭滿目中絳帳春風還有主
青毡夜雨惜無公談鋒曾奪呵呵佛怪事徒書咄咄空
細和新詩遺弔客老夫含淚灑西風

吳

一風字鳴治號儀亭嘉靖間諸生事繼母李母常
使音以同片相稱敬賞之公曰天下有不是之父
母耶即不難亦以係政為安歸事母益敬起奉
母孝詩第一則則下穴從母其母百有
其母與父合是成其志也九為人所難

雨後登東巖

雨過山光淨可憐奇峰簇擁酒杯前坐中疑墜仙人堂
檻外驚聞大士蓮百丈烟蘿垂絕壁數聲鐘磬入諸天

龍眠風雅卷四

三

高頭宴坐心如水醉眼還同蘇晉禪

方

可字子時號山泉嘉靖間以郡庠遊甯子為光
祿寺監事幼夙惠五歲日記數百言桐上鮮

治春秋公獨千里求師于楚遂稱專門伯仲以其
母異父愛之不無融望公事之彌謹將謁選病足
與義舊結詩社教輟川故事論所居湖
山八景各為一咏好事者屬而和之

題楊黃山清隱齋

先生抱道隱黃山剡岫青青碧落間
晝聽鸛聲傳雅調夜看金氣識真顏
茹芝餐石何妨老乞竹分花未許閒
乘興得來陪語笑頓教吟賞不知還

龍眠風雅卷五目錄

木厓潘 江蜀藻輯

江寧紀映鍾伯紫 泰
同里姚文燮集侯

趙 欽 一百二十八首

龍眠風雅卷五

目錄

龍眠風雅卷五

木厓潘 江蜀藻輯

趙

欽

字鼎卿號桂野嘉靖庚子鄉試第一甲辰登進士當居給諫時巡京營力阻戎卒侯佐爲古役諸弊奉轉吏掌垣升南太僕在徐陽舉生從講學一命以都御史巡撫貴州值土舍韓阿奴督兵動千之有創其功者調用南京遂告歸景空龍眠學者多來歸之著有古今原始鵲林子九變古事等書無聞堂稿其詩清逸俊爽理而無理障尤爲當時所難于當過其曾孫貞國助國家見公手記省吾錄存省之學已見一變又與羅汝芳公與中往還諸書舉詩猶新理學經濟文章三者公始集之矣

君馬黃

君馬黃臣馬蒼臣馬齒短君馬長臣馬晝夜芻一束君馬有芻兼有菽追思入貢幾何年至今尺籍猶存錄廐

龍眠風雅卷五

守牧子更孫此馬芻菽富盈谷豈是龍駒種自殊應戀君家多首蒼

君馬黃臣馬赤二馬同逐臣馬劣朝出關以南暮出薊

以北蹄穿絮上霜毛磔龍頭雪安得君王十二閑黃金

爲絡玉爲鞭爲君奪取燕然山何如沙苑上長嘶風雨

聞

楊白花

楊白花隨風颺曾見臨渭水斜出漢宮牆春風何事遙相逐舊日帝鄉今蠻鄉楊花撲面亦笑我前日夕郎今夜郎

行路難

我欲登山虎豹當關我欲涉川鯨鯢在淵我行負弩委以危弦我事躬稼授以石田謂水有車謂陸有船吁嗟嗟行路難如登天

空侯引

公無渡河公若渡河奈公何湯湯河水有時怒止公心風波晝夜不已晝夜不已可奈何敗荷摧檣哀聲多公無渡河公若渡河奈水何河水雖深人見其裏白石磷磷遊魚比比公心淵深誰知其津中有毒蛇含沙中人毒沙揚揚聖達徬徨不如河廣猶可舟航

哀竹操

哀竹操思父也父號一竹云

龍眠風雅卷五

邪竹邪竹邪風邪隱隱若有聲者風邪

竹邪翁邪翁邪竹邪影亭亭而過者月邪

月邪翁邪翁邪月邪葉撼撼如有折者雀邪

持節出京夜宿良鄉

旦發神京暮宿下里手抱金書薄言徙倚車騎翩翩旌旗瀾瀾涉彼高岡瞻望汝水

洋洋汝水言念帝子百世支藩德行豐芒帝命孔

嘉永培遐祉瞻此王國何時戾止

戾止何遲周道逶迤爰歷齊郊至于魯圻歲云暮矣風

雨淒淒王事未畢莫遂我私

悠悠我私白雲南飛親廬何在楊柳依依豈無甘旨

帝命莫違雖有兄弟不如我歸

我歸云何樂事孔多壽酒既旨春日微和簪裾四集載笑載歌父母顧我綵服婆娑

綵服追隨兄弟孔怡如填如塤如篪既醉且嬉攜手田里桑麻兩岐媿茲祿食使我孤危

中得家報有感

夜坐高唐偶尹竹嶠齊泰衢吳少竹北上會於館日暮苦行役道路阻且長停驂問行人何處是高唐春風聞古渡曠色赴長楊衆山寒歷亂平野杳蒼茫入館悄四壁雙燈照星梁門有車馬客薄言來故鄉下階見顏色長揖問高堂高堂念遊子相思語徬徨語言坐深

龍眠風雅卷五

更明月入我牀旦起各路衢百里遙相望

鄭家驛道中

礙日苦高峰迴磴人行少日午半山陰林薄時聞鳥溪谷虎縱橫絕壁雲縹緲爲問前驅人昏黑路逾小少選月東升豁然寬懷抱礪泉答鼓聲馬蹄春虛島不緣溪夜行安知月明好

出門託鶴

不能載汝去不能放汝歸寄食依隣叟勿謂主人非網羅隨處密翮長莫高飛

募兵行

村鼓晝夜驚官家催募兵中國本無寇寇從東海生十

人困一村百人困一城官軍不能戰購士遠從征民間
久宴樂不識旗與旌肥丁不能去瘦丁不肯行百金得
一士但充尺籍各去者魄已落送者各吞聲聲斷復聲
起哀與怨相并天地生大海東南爲之傾波濤如山獄
魚龍長縱橫倭舟何自來無乃海波平海波如可平天
地亦無情世運苟如此陸地走長鯨一身不足惜尚慮
弟與兄兄弟有時盡何時息戰爭

採桑行

朝採桑桑葉不盈匊暮採桑桑條刺人目桑桑知蠶饑
生葉能及時只顧蠶得飽不怨傷葉兼傷枝蠶眠欲作
主人衣猶恨桑桑生葉稀蠶老桑枯兩無利官家催輸
走羣吏但願輸完主不辱桑枯蠶老死亦足

紀遊行有序

余與侍御毅所將子通家兄弟也昔別都下今
分收來滁偶得共事自崇邑渡江遍歷東南諸
郡遊覽追隨凡四十餘日極爲懽洽今且還朝
將給假省侍趙子戀焉情不能已併見乎詞
玉河南畔春風早綠柳如絲覆新草當時與君柳下分
青驄一躍雲開道今秋督牧來滁中瑯琊谷裏重相逢
把酒喜看天外合傷春俱改舊時容幾度豐山同問俗
常行西澗覓幽蹤磨礪偏披蒼蘚壁鐫銘直上白雲峰
峯頭八月秋風起南望金陵是帝里欲向長干訪六朝

訂期共渡秦淮水六朝遺蹟不可求鍾山氣結龍光浮
投寺自烹功德水凭高一賦帝王州攬轡不問葛仙宅
仗劍先登望海樓謝公塘上朝迴櫂長蕩湖中夜泊舟
沙鳥汀鷗爭避楫畫舸何異越中遊我倏驅車轉平陸
君從宛水浮姑孰敬亭風高菊正黃牛渚月出人孤宿
乍合乍分幾晨夕他鄉共嘆鴻泥迹野館難留孟博車
阜驥馳上江淮策封事泰罷且同歸八桂林中是彩闌
彩閣拜獻南山曲鷹隼何時更北飛

夜至黃州姜侍御邀遊赤壁作赤壁行

赤壁赤壁千古石磊何萬狀色皆赤古今惟得坡仙遊
至今磯上留奇迹石老既不長鶴去不復來後來好事

龍蝦風雅卷五

看往往架壘開樓臺身史愛我夜載酒爲問今朝月出
否共嘆豪傑幾凋殘世間何物爲不朽此時積雨月藏
明檻前惟聞江有聲舉燭四照驚山靈虎豹虬龍勢欲
生瞥然罷歌入城去翻笑當年二客無姓名

臨池學書忽渾菴送菊花酒至醉後偶成

故人別我向東走終朝獨坐平原柳庭前遍種黃金花
釀作仙家紫霞酒思我遙寄草堂來入門大笑懽持缶
呼兒便摘籬邊瓜持刀細剪窓前韭不須袒裼叫臬盧
不須南陽尋舊友滿懷硯礪正突兀便可一飲二三斗
須臾明月出雲端照我窓下舊蝌蚪低頭三讀不成章
自恨墮落蒼頡後混元一破不復還石室玉簡今已朽

舉觴空嘆簿書煩吁嗟此意君知否

送姪養健歸

我家世據桐陂水水源遠出龍眠裏春雨桃花兩岼溪
浪高十丈蛟龍起我別水亭今幾年鳴沙鶴渚空雲烟
誰人擊楫看明月一夕滄江萬里船小阮省我來天上
佩劍長吟何豪宕遊徧燕都返故廬落日春波正沆瀣
爲指溪底白龍穴夜靜珠明水員折鞭龍早向太液遊
莫使鷁行中斷絕

送錢實夫讀書胄監

去歲與君伯氏別朔風吹落燕山雪今日都門復別君
長空萬里飛春雲君乘春雲渡江水石城紫氣當關起

龍眠風雅卷五

六

鳳臺上雨初晴盧龍山下花如綺此時遊士盡人豪
園橋碧水拖方袍王家禮樂輝星日闕下人文追謝曹
丈夫得意遇知己躡屣擔簦相遊遨下帷深究董生業
垂綸還釣任公鰲

洞庭阻風登岳陽樓戲作

昔聞洞庭名今識洞庭面不知天地更何如但覺四隄
茫茫無可見此水此水深如此千古浩浩靡底止可惜
風來怒作濤丈夫胸襟羞與比我聞瀛海有時變化爲
平陸開郡縣安得此地長如練滉漾空使魚龍戰祖龍
何必赭君山只用刻却峩嵒巔直令鼉穴爲桑田洞仙
聞說亦開顏不須騎鶴背一劍自往還

嵩丘歌送畢郡守

君不見八荒巨鎮稱嵩丘靈標突兀當中州太室少室
互掩映伊水洛水廻奔流三臺時見白雲起月光童子
蒼崖裏青炎常開四樹花丹池倒映九龍水花下曾聞子晉笙緱山嶺上
雙鸞鳴水邊曾駐漢皇旌少君一見天風生此地從來
可嘯傲東望三川空浩浩美君高乘大夫車五馬直上
函關道函關老子喜君去手抱道經爲君馭再挽淳風
天上來靈波遍灑河橋樹此時莫惜故人書應念城東
相別處

後募兵行

機槍盡吐光寇來何跳梁寇來兵亦來令我負重傷寇
來梳梳我我髮猶長兵來篋篋我蟣蝨俱亡蟣蝨俱亡
可奈何寇來日少兵日多君不見去歲東隣與賊戰我
挺長戈賊揮扇力屈者誠已矣生者至今有顏面又
不見西隣今年逢鄉兵炙姓貫酒壚相迎奪取金帛不
敢問猶牽子女遠從行含怨欲訴難具陳軍門重兵不
重民仰天大叫黑雲斷空有天地難藏身

蔣侍御毅所約子督牧江南兼期中秋三茅峰阮

月今阻瓜埠舟中有懷

旅泊緣何暮東江此夜分鳴榔追將詔隔水望茅君潮
長月盈浦風高雁失羣不知三洞客囁入幾重雲

喜方東谷遠訪

轎車何處至鷗鳥又成羣客路多黃葉故鄉空白雲羞
稱東道主笑誦北山文宦况堪誰說相知獨有君

送陳僉憲王泉之官江西兼憶許石城師

遠出郎官省言乘憲府車清秋度彭蠡明月挂匡廬手
執三章法胸藏五笥書應逢許叔晦作賦擬相如

鵲林山莊

五世相傳地三遷始得家鑿山開戶牖繞舍種桑麻林
外標千堞雲端列九華此中堪寄傲無處不烟霞
偶卜幽棲境真成木石居春來先食蕨客至旋撈魚野
曠朝觀稼身閒夜著書更欣朋好近徒步及吾廬

新得玉蘭塲

龍眠風雅卷五
聞說龍眠上木蘭已十尋聞香經水曲采秀入雲溪花
發銀千樹月明玉一林摘來簪滿鬢不是二毛侵

途中苦雪

崎嶇行雪徑高下逐谿田客路今如此王程尚渺然夕
陽斜嶺外荒店斷橋前翻羨滄江上風輕一櫂便

宿長安驛道中

纔離豺虎穴雙鰓水雲莊山色雨中盡櫓聲溪外長月
明如故里人語是它鄉更喜天微霽前途近岳陽

愛山堂偶成有感

無意尋佳麗居然得眾峰始知人境裏面而有芙蓉山
翠衣前落林香燕外凝倚雲時一嘯鬼國有孤蹤

自辰州泛舟下桃源適阮憲副至共問勝蹟有感
桃源乘浪至却喜是仙鄉兩岫皆秋水千家半夕陽近
村無土著古渡尚花香忽報樓船至所逢得阮郎

遊九龍池

乘春趨帝寢轉壑向龍池塢曲鶯啼緩松深馬度遲紅
泉流玉液丹砌擁金枝日暮烟雲合嵐光逐望移

卜居五嶺訪高氏兄弟

何處訪幽棲君家在翠微谷溪山似幄堂古樹藏扉水
帶風聲落雲驅鳥陣歸偶來生隱意小築喜相依
五嶺經年望溪春始一行天從青嶂斷人與白雲平解
帶逐樵伴寄巢聽鳥聲從茲來往熟草木亦知名

龍眠

天合羣峰勝山藏百折奇肯教流水去不遣世人知種
玉田常稔燒丹竈已移就中堪著述舊與白雲期

宿白雲僧舍

借榻來山寺安心得古僧一燈寒共語半閣月初升拂
石重留偈烹茶自鑿冰豁然悟名理無念是先登

真州飲平湫分碧亭

水部一何清終朝禮白雲引江成月浦插柳護鷗羣地
掇金焦勝春從淮海分官閒多著作應似沈休文

避暑同羅侍御秦虹洲遊宥氏園

結廬一何靜流水護柴扉莫遣鳴騶入恐驚啼鳥飛氣

交雲樹合語久吏人稀共嘆炎蒸苦迎風賦式微

重任太僕見舊署青梧有感

舊日雙梧樹猶留一院陰因思枝上月常入醉中吟座客去不定山禽鳴至今營營空白首陳跡幾追尋

山塘早行忽重霧四垂咫尺莫辨恍如瀛海口占成咏

更幾吹角出郊臺野市三家半未開風送鷄聲穿屋出水吞石逕背江迴青山愛客當開立白霧欺人擁樹來一望高深俱草辨何如航海問蓬萊

謁閔子祠

落日孤墳溪草木山川猶覺肅儀型單衣笑著蘆花爔

龍蝦風雅卷五

避地遙懷汶水清天下幾人無異母世間何處可逃名

烏啼花塲寒雲斷一度迴車一慘情

元旦寓獻縣祝聖口占

六年留滯客燕關旦逐鴈行侍聖顏乘傳偶持河上節聽鐘猶憶殿中班九門漏盡璚輿度五色雲高玉几閒誰說春明門外遠祥光猶見禁城山

瑯琊寺

乘興山行六七里窈然溪秀是瑯琊進泉百道常疑雨芳樹千林不辨花白首何緣來洞壑青山更喜入官衙酒酣遍歷磨陀嶺東晉樓臺隔暮霞

喜吳山人卜居金陵爲終老之計詩以賀之

無日山人不問仙何人爲辦買山錢清風明月寧須價

朱雀烏衣幸有緣結隱好同三畝宅逃名莫上五湖船神州百二誰能賦都在先生杖屨前

環山樓歌坐有感

日抱殘經對水開千峰迴合護層臺竹窓不閉雲常入花徑無開鶴自來靜業苦多清淨障閒吟幸少吏人催支願獨坐成朝夕看盡空階長綠苔

偶將踪跡寄荒城盡日高樓聽鳥聲自笑編摩如案牘翻嫌雲樹費逢迎黃梁夢裏應難熟白髮閒中却易生真是漆園堪隱吏不須梨谷更逃名

自鳳陽至臨淮乘舟入泗道中漫賦

龍蝦風雅卷五

天府乘春得徧遊汀雲岬草伴行舟林溪谷口藏山寺雨細花邊見驛樓平墅幾村湯沐郡長淮千里帝王州喜看龍起鍾離處正是乾文煥斗牛

督牧至六合聞齊泰衢已先行矣知少選復至賦

此留別時初聞雁八月十三日

獨步空階玉露生古棠葉落暮雲輕風前立問滄江使月下驚聞白雁聲顧我真成牛馬僕懷人常在鳳凰城知君計日還停節侯吏能言此夜情

環山樓懷盛古泉勳卿

踪跡年來惜解攜白雲天外任東西君前有道沉金馬我已無能類木鷄別後形容看漸老舊時丘壑望偏迷

生平然諾心猶壯幾度貽書醉懶題

林未軒由刑曹轉兵曹詩以賀之

四方兵甲何紛紛我亦年來悔學文
籌國今歸小司馬抗顏誰揖大將軍
新聞略傳黃石舊有才名出白雲
牢落天南望天北鯨鯢鯨海倍思君

寺臺有感寄友人

高樓春望柳初垂野寺閒情祇自知
載酒每尋花發處懷人常在月明時
一官不歎虞翻遠五岳空憐向子遲
幽谷香泉題欲徧天涯何日寄相思

鎮遠與吳霽寰中丞交代時有兼制湖北重慶新

命吳昔年西省舊寮其翁若溪公曾爲安慶守

有通家之義賦詩而別情見乎詞

黔南何幸接高論廿載風流喜尚存
詔下建牙三省重令行分部百蠻尊
共憐粉署元朋侶況是甘棠舊子孫
惜別有言皆國事肯輕去住負君恩

夜聞箏聲枕上口占

誰把銀箏撥晚寒隨風飛入畫闌干
一窓新月人何處獨院踈燈夜欲殘
遠客不堪愁裏聽秋聲偏向醉中彈
無端喚起雲山夢直渡滄江雁落灘

入京暫居城外有感時外城新成

六載重來謁紫宸暫依郭外駐征輪
入門先問新城禁對客仍稱舊瑣臣
自顧誓心惟有日回思竭力已無親

明朝鵲立聽魚鑰又見宮鴉報早春

入吳寄恒菴伯兄

東下吾何意傳經得上才姑蘇佳麗地行處錦雲堆
海味今甘食方言漸可猜虎丘曾借榻鶴市數街杯
季子空餘廟館娃只有臺洞庭嘗啖橘玄墓已看梅
山水園中見絃歌月下回好書收不盡嘉樹遠難栽
獨歎登臨樂偏逢士女來更聞於越勝旦夕問天台

夜半開窓梅影在壁坐玩移時戲成數韻

一春看不足溪夜尚移榮影白銀缸出枝從石壁生
高低隨處得踈密任天成寄贈應難折臨摹惜未精
參差光塵亂騰攫勢縱橫真態翻爲幻枯梢漸入榮
鳥過如

龍眠山次

見何異月中行

賣花曲 吳中作

市女買花枝村女買白苧如何天上春不到貧家去

龍眠山次蘓頌韻二十章

李伯時昔作龍眠山莊自爲之圖東坡爲之記

又屬頌演作小詩二十章以繼嗣川山水之作

其自西而東由建德館至垂雲泚著錄者凡十

六處道南四處曰勝金巖寶華巖陳彭深鵲源

今山川具在誰踵芳踪依韻載廢徒思往哲

建德館

兩邑割青山不能割風雨風雨不如人來者卽爲主

墨禪堂

有墨翻爲幻無墨却是禪君看點墨處只有舊山川

華巖堂

雲來山欲沉雲去山復定讀罷華嚴經應識山之性

雲薌閣

風送稻香來偶讀離騷熟說與酸醑人今歲秣應足

發真塢

樵者不知山漁者不知川山川總不識方得返自然

薌茅館

繞庭種青蘿結綺覆茅屋兀坐風雨來山容淨如沐

瓊瑤巖

神女噴靈泉挂石成珠網一見卽依然

棲雲室

巖靜雲常宿有時招不來如何無心者亦去逐風雷

秘全菴

名山秘已久來者自依違君看雲埋處千年無是非

延華洞

山作四時春花開復花落洞中別有天不令風雨惡

澄元谷

窈窕谷何深日月自照臨坐看流水去因知不住心

雨花巖

不見有花開但見有花墮觀花了無期時作橐駝坐

冷冷谷

幽泉灑石厓迸珠濺草木不獨廬山中泉聲有琴筑

玉龍峽

白龍去乘雲流沫猶挂壁日月如跳丸晝夜來相射

觀音巖

終日讀心經九竅皆如石虛靈何處來無得亦無失

垂雲泚

但得深水趣莫問蒼生何君看行李中滿載皆坡陀

盼金巖

晏坐綠莎臺何如金埒地可憐塵中人不識靜中味

寶華巖

物華散天寶中有不凋木食之可延年能令髻長綠

陳彭添

山將雲作弁復以水爲紳陳彭輕去此俱作不歸人

鵲源

濯纓水逾清漱石齒逾勁如何今日遊頓忘昔者病

龍門冲九詠

駐馬坡

石門

本是猿猴徑那堪車馬來白雲欲藏巧尙杖青山開

天生石作垣千古空盤踞好封一丸泥不放流泉去

白龍潭

白龍水底眠猶放雲光入有時化作人獨向峰頭立

丹青峽

四山列翠屏草木自紅紫今朝怪石前著我看雲起

日月巖

日月互出入旦夕巖前度亦在雲霧中不設通天路

雨珠崖

跳波濺赤崖四時如飛雨我立雨點中人說白龍舞

天方池

此地如盆盎載水只數斗我欲醉麻姑爲釀千日酒

古藤洞

古藤生洞口不遣遊人入酌酒坐藤陰飛泉猶相及

立圭石

一石如立圭見之每下拜爲問天地終石丈可不壞

助山堂襍咏十二首

石鼓山

採松作簣桴擊地成土鼓我將曳履聲翻入伊耆譜

木犀澗

澗傍有木犀澗下有流水花香水復清曲曲白雲裏

小龍峰

小龍盤山中大龍橫江上雲氣自往還百里遙相望

舞踏嶺

高者如鳳翔下者如虎踞朝朝几席前欲去不能去

篤山

山頭禮白雲時有鄰翁至我愛洞中林獨學五龍睡

麒麟山

上山只七里江淮俱在目山北有溫泉山南有立谷

金紫峇

昔時避秦人山頭立城郭至今有餘情白雲猶作幕

觀音洞

遙望亂石中居然有法相捫蘿行已前題題不可狀

立玄峽

何物立又玄至玄是此水直欲下滄瀛不顧行萬里

蓮華峰

欲住青蓮宇冥心玩玄化只是雲霧多白日在山下

楮樹灣

中有造紙者

種楮滿山中不美藤與竹欲著書萬言毛生髮漸禿

金山寺

問空入山門山僧不識字就樹挂袈裟斷徧白雲地

宿臨江驛

飄飄何處易銷魂細雨平蕪帶水村十里蘆花飛白雪

數家茅屋隱黃昏

桃源道中

迤邐青山束綠溪家家花竹自東西于今車馬朝朝到

何事漁郎去復迷

種梅

姑射仙人自愛寒幾番驛使故相殘于今移入深山裏
不是騎驢不去看

種柳

小塘橫玉傍雲開蒲柳沿堤手自栽莫與行人贈離別
年年枝上領春來

種槐

綠水塘邊盡種槐疎陰夾道客常來南薰一枕情何極
不學王家有意栽

種蓮

芙蓉半畝白雲圍賞徧池亭夜不歸自識簪纓難久戀
乘時先辦芰荷衣

種花

世人種花須名花雕欄十二護香葩我今雜植東風裏
但願花開長在家

種菜

抱甕東臬半種葵汲泉多是夕陽時興來幾度荷鋤立
藜藿腸中易得詩

種竹

擬返長林製繹冠一綸占盡白鷗灘呼兒早種篋管竹
莫向山僧乞釣竿

月下有感

記得鳳臺賦落霞桂宮香發萬年花飛樓十二層層碧
第一仙人萼綠華

自靈壁至宿皆由隋堤行有感

聞說當年帝子遊兩堤紅粉曳龍舟空留道上垂楊在
猶帶東風舞不休

送曹龍田掌科謫無爲便道歸省

君到家時屬暮春入門先拜白頭人登堂只說君恩
重莫道今朝是逐臣

客至

楊花如雪草如茵玉柱峰前盡是春客至但知催貰酒
張翥先喚打魚人

問古泉園中海棠

記得君家二月時滿庭紅樹競芳姿今年花發誰同賞
開到東風第幾枝

鳳山雨雲

鵲林山居
八賦之四

習靜林中自課耕朝朝石上看雲生祇愁雨過山溪漲
流出桃花滿市城

龍峰霽雪

靈巖岩崑幾萬重瑤華削就玉芙蓉曉來日上雲初散
添出峰頭四五松

石澗水簾

白虹千尺半空垂不斷長風盡日吹昨向巖前看月上
水晶宮裏見蛾眉

桐溪春漲

春日桐溪水滿川千家懽笑對川眠自憐朴俗少機事
兩岍垂楊無釣船

月下海棠

靜捲疎簾看海棠嫣然一笑帶斜陽嫦娥有意意前照
引領花神夜到堂

燈下海棠

醉後移檠看海棠嬌姿如醉半依牆無端驚起花間蝶
撲撲銀缸亂晚粧

雨中海棠

讀罷茶經看海棠猩猩萬簇錦雲張何如新向蘭湯浴
洗出胭脂一段香

風中海棠

最愛春風到海棠低迴嫋娜自飛颺紅英欲墮還扶起
半在臺前半出牆



龍眠風雅卷六目錄

木厓潘 江蜀藻輯

宜興陳維崧其年

同里許來惠綏人

泰嘉禾 三十七首

戴完 六首

錢元鼎 四十七首

林有望 二首

胡效才 二首

何思鰲 一首

錢可久 二十九首

謝如山 一首

吳應道 一首

戴乾 八首

龍眠風雅卷六

木厓潘 江蜀藻輯

泰嘉禾

字吾田嘉靖間處士家於大龍山自號大龍

僅存彭澤稿一帙彭澤稿者公姊適彭澤二

比發奔其喪在還江上所作者可觀工書法里先生

通一藏于家一贈周甥詩皆曰子淵人吾田先生

索書于文待詔徵明者待詔曰子淵人吾田先生

野鶴也其為名流所避謝如此子從人家卷軸紙

曉發海口

城角吹冥霧江雲拂曉暎小舟一以駕歲暮問西奔風

急寒帆影沙明引浪痕悲來鴻雁字悵望欲銷魂

彭澤

晚泊沙灣

憤識西江路重遊恥故吾林疎疑客鬢瀾倒似狂夫獨

對新生月相思舊酒徒寒篷難著睡何處響鳴鳴

小孤山

砥柱從開闢中流自古今神龍常在窟怪木不成林絕

頂雲流影懸崖鳥過音我題百丈壁仙跡倘相尋

遊黃山谷讀書巖

石林探窈窕巖洞入幽玄不沒苔封字猶存太史鐫筆

精縈烏繡墨妙注龍涎風竹穿泉竇書聲日夜傳

對雪四首

千山寒氣烈向曉雪冥濛點九先飛霰窺簷旋舞風六

花天作巧三白歲占豐酒力知無那清尊可耐空
淡淡初經眼漫漫欲接天狂尋東郭履興動剡溪船獨
對詩多悟相忘酒有權此時真意在不薄愛前賢
廣寒何處是照我落瑤華蘭種交枝玉梅開隔歲花呼
童分活火融水泛香茶讀罷梁園賦風流迥可誇
白屋生圭璧山人不受貧光搖銀兔魄飛挽玉龍鱗別
浦供垂釣前村苦負薪那能邀郢客早晚和陽春

西郊春遊

昨日出西郭山城春色闌野花羞見舞市酒漫逢懽願
學孫思邈難如管幼安詩成無寄處爲客掃齊紈

山行贈友人

馬溪山月凌寒滿意霜看君情未厭顧我喜成狂
釜餐麤糲籌燈話短長十年聊此度一宿太匆忙

邀友

病懶常扃戶秋懷莽不開林風吹欲去山月照還來
檢新詩句留餘舊酒杯前村有王粲命僕掃荒萊

寺夜

雪夜景中景僧房清更清香爐燃古篆茗椀泛秋英
讀南華法空傳西土名閒來成底事破語是浮生

春日東郊

有客乘餘興尋春載小車風光雖郭外景物似山家
桃李催人醉塵埃送日斜區區存古意未敢妬紛華

過黃栢嶺

雨歇登黃栢空濛雲滿身下逢田舍叟呼我雲中人
石怪伏玄豹松高生赤鱗誤予來小憩隨意問山隣

留別姊夫丁我山

遠隔長江會面稀難禁此別淚霏霏青山人影魚軒去
白露歌聲薤葉晞幸托丈夫憐宿草好教兒女報春暉
平生已向燈前盡莫道人間往事非

癸丑元日記事

去年元日春正來今年元日雲不開萬里晦冥連巨海
九天臨照掩高臺陽精太損垂空象陰鍾常煩應候猜
人事天時難忖度用牲伐鼓直須迴

遇雪

陰靄淒淒凝苦寒直教飛雪瀰漫江魚引白俱侵岬
沙鳥隨花亂失灘漏日光輝能自媚倚風飄泊向誰看
擁衾且飽袁安卧銀闕瑤臺夢未殘

題柳湖

君家傍湖開石扉繞堤萬柳密如圍三春柳變鶯調曲
五月湖平鷺浴衣蕩漾搖金晴冉冉徘徊覽鏡碧暉暉
柴桑處士名仍在范蠡于今跡未稀

老僧別號孤峰索題

小孤當面立老衲對孤身江底龍歸鉢天邊月轉輪
沙灣坐雪七首

天上瑞木花開時還落地點麥秀兩岐點禾生五穗
玄雲吹更密天地忽改色只聽浪喧喧不見江南北
霏霏還拂拂淡淡轉濛濛如梅猶映月似絮不禁風
寒不壓詩狂凍偏欺酒力白戰響金聲照人生玉色
坐我孤槎中如涉清虛殿謝絕烟火氣若梳浮水片
嗟嗟阮途窮有時發長嘯憶我草堂前巡簷堪索笑
淵明百代人柴桑千日酒詩成一幕之吾於爾何有
雨中曉渡

遊山不問程騎驢呼曉渡雲黑正催詩雨中得佳句
偶出

漫尋春水踏桃花問渡前溪一徑斜回首不知明月上

客至

大龍山人發浩歌沽來一斗剩無多柴門忽報車聲駐
整理烏巾掃雀羅

即事

吟懶巡巡繞曲廊木樨花底靜聞香新尊看落新生月
獨掩空齋坐竹林

自分山中採蕨仙有司分得買魚錢奚奴莫問漁郎姓
物色羊裘第一賢

河水烹魚魚味真月洲烟浦趣詩人也應沽酒來新市
笑殺花源長避秦

方郎吳郎同釣船櫂歌渺渺淨江烟風流便得王摩詰
一幅生綃畫輞川

汎湖

汎汎楓湖十里中薄雲細浪夜初融月明會聽雙龍起
我欲攜之到海東

登天姥峰

天姥峻嶒不可招雲巖雪髯傍青霄天臺四萬八千尺
俯首飛虹渡石橋

過黃栢嶺居甲瑞堂不值

甲瑞堂前秋菊遲黃英不報主人知揚雄別有幽居宅
野客柏過欲問奇

秋興

停雲亭畔枕書眠夢到江樓月正圓一曲洞簫吹露冷
玉人此夜隔風烟

戴

完字仲修號渾卷嘉靖甲辰進士以部曹負重
州副使威惠大著以病乞歸時年四十三研究理
學與羅近溪張鶴山耿楚侗王龍溪往復論學四
方學者多歸之江陵秉鈞起不應詩未見刻
而者昌竟無傳篇可慨也

撫寧道中乘馬望山海有作

迢遞北平道揮鞭自控驄水堅疑石積山擁覺途窮征
蓋輝寒日平沙慘暮風開城迷望眼還宿野村中

宿慈雲寺風雨連宵有懷往事

宦况真無賴禪宮舊有盟琴尊連夜雨燈火十年情殘夢和雲作輕寒入夏生談經歸院晚老衲喜逢迎

寧遠夜行有懷

升車穩坐漫成吟風捲簾開月色臨月念幽懷應入伴風知綿力故相侵寒鴻久遲雲遶素遶鶴空聞海外音試問關城還幾許遊人無限故同心

運邊餉宿豐潤公署有懷用謝道長韻

天涯歲晏未歸歸盡日驅車傍落暉萬里憑誰遶海夢千廷試時有人五雲回首帝城飛嚴風急柝悲殘夜新月臨關照客扉此去足遶應園計不遶遊子問寒衣

三月遶城有懷故園春景

芳春何處覓鶯花晴峰欲露半埋雪野草將萌尚覆沙對節轉令鄉思劇西風况復起邊笳

寄贈吳平川令河陰

下榻高歌憶昔時風烟去住各凄其雲邊親舍衝宵發馬首王程計日馳花向河陽移植早梅逢驛使寄來遲循良漢室元無數誰似吳公第一奇

錢元鼎

字實夫號慎菴柳溪公之子嘉靖間官鴻臚丞家世工詩學尤以書畫名家所交皆賢士大夫有集行世

清明感興

去年寒食無炊烟湖村阻雨竟日眠山山網緹隔咫尺

白雲對面猶凄然今年清明客江左坐問鄰家乞新火遊興都因風雨慳鄉心苦被嚴城鎖城南春泥一尺深家家愁損看花心冶遊車馬不可出陌頭壺榼難招尋

聚寶山前多古寺棲雲樓閣寒陰陰雨花高臺空突兀

萋萋芳草迷登臨道傍桃李誰爲主淚濕紅粧嬌不語

垂垂弱柳暗河橋一似含顰向人舞松楸遠近何人栽

兒孫冒雨成行來故山千里望不極天涯遊子生悲哀

憶別金陵驚十載江山依舊人情改幾度經過覓故知

洞口花深人不在飛飛燕子識烏衣泛泛沙鷗狎釣磯

關情惟此兩禽鳥無猜對語渾相依屈指離家逾五月

寄江南夢江北傳聞親友幾凋零落落晨星乍明滅

近得平安書草堂三徑今晏如吾生亦自有餘樂

逢人不必長嗟吁嗟吁兮人生擾擾將何爲百年歡笑

須及時志願不吾遂陰晴無定期嘗聞斗酒百篇詩媿

我枯腸無一詞探囊得錢恰三百沽來痛飲當勿辭呼

童研取一斛墨臨池縱筆揮烏絲清狂聊爾足心賞莫

向時流惜未知

葛巾嘆

曾聞海上鮫綃帕剪雪裁冰信無價又聞內苑賜香羅

纏頭聊足贈青娥爭如閨中善製作一幅山巾飄素葛

萬縷千絲當暑輕管縞齊紈總不若苦憶荆釵裙布人

持身不尚綺羅春窓前燈下甘自績絺綌未就先傷神

物存人化忽三載手澤如新顏色改細細牽絲繫斷腸
曼曼垂綸釣愁海織成翻覆心悲酸技淚含情祇獨看
天荒地老不復見赤繩斷絕空長嘆吁嗟此巾莫離手
忍將更漉牀頭酒豈如匣扇怨秋風願同白髮長相守

江南夏

四月欲盡五月來葵花榴花相映開薰風夜夜催團扇
瑞日朝朝臨鏡臺粧成自照青鸞舞笑啟雕籠教鸚鵡
細春金鳳染春葱巧簇絨絲裝艾虎長日淹淹暑漸添
檀烟榮注水晶簾忙催白苧裁輕服生怕香羅膩粉粘

書感

閉門苦愁病曉起梳頭偶臨鏡白髮依稀一兩莖
分明得霜信丈夫意氣當年功各何物空相尋
劉君英雄嘆髀肉潘郎綠髮悲華顛我生非無四方志
周道行行苦留滯十年磨劍尚韜光匣裏雙鳴猶未試
資質從渠變柳蒲胸襟豪宕吞江湖揮毫嘗灑一池墨
時刻莫教詩思枯

夏日書懷

溽暑招尋寡消閒病癩宜花收蜂不開樹合鳥頻窺豈
有嘲須解更無文可移悠然初睡起散步得新詩

得吳山人書卻寄二首

谷口龐居士吳門采伯鸞家貧猶食力歲晏不知寒已
愜齊眉願還成遠勝歡忘年君辱與常好報平安

多病容余懶忘機任世情從來倏奔走豈是廢逢迎
俗偏耽隱完軀敢愛名每求方外侶隨意結詩盟

秋日自江上歸

山堂經夏閉江櫂及秋歸野岫潮初落沙村稻正肥
比隣歡淪茗稚子候牽衣坐弄黃昏月清輝照紫薇

送別張信夫

自別張平子高談日起予探奇多識字析義共警書落
魄非耽酒垂綸不在魚知音難遇跡遠莫情疎

賦得鳩來巢

念爾巢檐志敢身寧處卑每謝維鵲詠欲作祝鷄詞飲
啄隨緣足陰晴只自知奇言堂上燕相顧莫相疑

病中書懷

洞跡聊棲市幽期本在山避人防口失卧病得身閒大
火口西下涼風天未還每逢明月上相對一開顏

王伯獻歷滿還寧波賦別

辟水知名日江梅動小春風塵同作客道路各傷神鷄
舫乘流發烏臺入望頻把衣情不極愁殺未歸人

初度紀興

兩歲客中度今番喜在家拚傾泥甕酒寧負竹爐茶簾
捲重圓月梅開索笑花相親憐骨肉還共話京華

訪雲谿大師

避暑投龍藏探雲過虎谿松門生細籟蘿磴足幽躋山

果迎風落秋禽隔塢啼惠休元愛客茗椀數招攜

偶出

卧榻淹三伏肩輿出早秋清溪通小市香稻滿平疇有約過隣舍忘機對水鷗已成迂嬾性身外更何求

聞鴈

旅枕夢初覺秋空鴈正來霜先遶海降書自玉關回顧影飛何急迷羣聲更哀天涯有飄泊悽斷思難裁

登黃花亭遺址

隔城舒晚眺信步得高臺亭去名猶在霜遲菊未開浮雲西日下明月大江來逸思飛難禁昏鐘何處催

呂亭小池

市柴門寂池開一鏡明鳥飛清見影花落靜無聲垂釣魚隨得閑尊客共傾風塵滿道路那許到檐楹

方戶部暉山考績北上

卷書辭畫省獻績向神京雨歇潮仍上江空月正明興隨鴻去遠聲與鶴同清奏對從容處蒼生無限情

別文光

百里遙相憶連朝得共遊東風花外騎明月水西樓不盡樵漁話欣逢萊麥秋忽聞城郭信別思繞芳洲

小雨

小雨迎新夏輕寒釀麥秋烏衣斜趁濕黃鳥坐交愁避客成疎放孤吟自唱酬蕭然聊足睡終日嬾梳頭

鸚鵡

香稻空餘粒雕籠竟不開家鷄翻見妬羣鵲總相猜嗟爾能言鳥慙余作賦才羈懷正牢落一對一徘徊

烏江懷古

江頭祠廟屢經過往事千年蹟未磨父老尚傳垓下戰兒童猶學楚人歌怒濤似帶悲風急古木如含怨氣多莫向英雄論成敗漢家宮闕近如何

雪夜憶亡

臘月二日寒難禁向晚街頭雪漸深行人已絕獨閉戶凍鵲忽噪風滿林舉杯苦憶去年事擁幃不復生同衾浮兒到膝問冷煖孤燈慘淡雙愁心

遊浮山四首

幾年東望夢攀登今到龍門第一層芒屨躡雲緣仄徑薜衣穿竹拄枯藤花明洞口如供佛鳥下峰頭欲伴僧浩興每因山水發風塵冉冉豈吾能

巖洞虛無勢若浮望中新水繞芳洲烟霞嘗護仙遊地丹碧真成海市樓勝賞每便吾獨往幽棲只合此相留欲將彩筆摹真景安得當年顧虎頭

瀑瀉疑聞天樂聲嘯訝一和鬼神驚荒碑薜蝕前朝字粉壁沙籠近代名空洞受風終夜冷行雲將雨半山晴松堂醉卧分禪榻贏得詩懷似水清

傍壁依巖結小菴燕藏石罅語呢喃海州福地曾傳十

蓬島名山浪說三底用求仙過鴈宕何須採藥入終南
玄談頓覺槐根夢回首塵中蟻戰酣

送劉兌峰進士歸

卷書初破歲將更又送同遊出石城寒勒早梅初破臘
春回芳草亦知榮何時天祿重相訪舊日玄都已得名
把袂不勝鄉國思鍾山霜月照人明

旅懷

江花江草喚新愁旅食京華已倦遊社日雨晴喧燕雀
清明節近感松楸吟邊寶瑟誰同調物外浮槎可自由
故國雲山好歸去拂衣還爲故人留

雨後高座寺看竹軒

紫際重雲濕不飛村端積雨未應晴寧嫌野客來爭席
却喜山僧爲啟扉竹色映階空翠冷花香拂袖晚風微
故山薇蕨今將老遊子春溪尚未歸

渡江水漲如海勢

大江秋水接天浮虎踞關前解去舟微雨片帆經浦口
輕風一日到和州汀蒲新柳青無賴宿鷺驚鷺濕共愁
莫謂魚龍吹浪急乾坤日夜自東流

金白嶼惠鮮荔枝

閩南佳品遠誰將分贈憐君意獨長飛騎何勞馳驛使
卧遊渾似到炎方錦苞猶帶丹霞色珍味還同碧玉香
草野自餘芹曝念殷勤直欲獻明光

蕭杏莊樓居缺于登眺賦寄

仙人自昔愛樓居蕭史飛薨切太虛臨別已孤登覽興
經時翻訝往來疎晴窓受月心常靜水檻涵秋靄不如
猶幸秦淮潮信早素緘還好托雙魚

松莊省耕作

十里青松帶白雲農謠牧唱自紛紛老妻解識躬耕意
稚子能傳諭俗文風細茅堂聞燕語水清芳沼散鷺羣
猶慙多事還城市蒼梳胡床戀夕曛

感舊和友人

客窓風雪入殘年往事空懷十載前繡閣生春寒不到
金尊留醉夜忘眠歌翻玉樹人何處墨瀝烏絲蹟尚鮮
唯有南樓舊時月清光無限向人圓

遊茅山

洞口尋真處處通瑤芝石髓思無窮山中秀句推張雨
物外丹砂慕葛洪澗水有聲消積雪洞桃含蕊待春風
瓊樓玉宇題應徧鶴背吹簫繞碧空

登峰

披星中夜禮茅君第一峰頭掃白雲海日恍從三島見
天鷄如在半空聞虛皇秘授長生錄太乙親持北斗文
回首人間猶未曙滿身香霧正氤氳

新林釣磯

傲吏思歸便得歸新林閒却釣魚磯季鷹本爲鱸羹美

元亮何資斗粟微白鷺滄洲還舊業綠蓑青箬遂初衣
玄暉古調君能繼六代遺音和者稀

鳳凰泉茶所

官薄還鄉無酒錢獨將茶事寄清緣著書益苦文園渴
飲水惟甘建業泉客至旋教分活火鶴歸終是怯餘烟
思君寫竹吟詩處兩腋清風便欲仙

春懷

三月鶯花已漸過閉門鬱鬱奈春何日烘細柳綠烟淡
風入小桃紅雨多錦瑟漫懷聲裏怨竹枝猶聽夢中歌
江南正是芳菲節料得春衣試薄羅

園山翁卜居別墅號易醉山人

山翁習靜謝樵漁試卜城東作隱居旋向新隣乞花竹
卽看幽鳥到堦除詩懷易醉非耽酒老眼相親只是書
門外輪蹄任來往庭前風月自清虛

次蕭鶴田見訪韻

雪裏談詩每夜分春城尊酒復論文餘寒不襲黃綿襖
醉筆狂書白練裙柳絮白飄風軟軟杏花紅逐雨紛紛
盤桓更惜重分手冷淡交情獨有君

答吳山人古樗

乍向風前展素書故人消息未全疎題詩盡染烟霞色
習懶空懷水竹居動地秋聲霜降後滿天寒色雁來初
相思便欲登浮渡遲爾攜壺興不虛

家兄左長史存菴公過桐省墓聚首旬餘漫賦畱

別

五年未拜麒麟塚千里遙分棠棣枝迢遞每牽春草夢
瞻依應賦白雲詩奉常早歲仙班後幕府風清吏隱時
一自長沙新命後江東無限故鄉思

樓成

款鶴昔曾開別院收春今復架層樓開門覓句經時得
與客移尊竟日留清引花香浮几席翠分山色上簾鈎
致身敢謂居高潔懶性偏宜此地幽

曉發皖城暮抵破堙別業

出城猶自見殘星下馬驚看月滿庭百里風光雙眼白
江南北萬山青驚聲喚客誰爲主花氣熏人我獨醒

却笑閒身忙裏過年來踪跡任浮萍

林有望號未軒嘉靖癸丑進士初授邵武令律已字
政忌公彊直以食事出備兵四川瀘淑蜀人稱爲
海正風復見連抗分宜三疏詆諆不少屈皆留中
遂挂冠歸去之日幣有美金十萬例爲公有一錢
故事請麾之弗問垂橐而歸無尺土市鮮一廬共
官十載未嘗及家人生產野無尺土市鮮一廬共
太翁爲築室洞窟泉竹石自娛若有史網辨疑數
十卷年未五旬而歿泉竹石自娛若有史網辨疑數
公爲最而郡邑乘皆失紀載可慨也已

蕪原柳溪韻紀事

臨池開讌興偏除竹蕩波光日已斜兩地歌翻風底葉
一聲壓髻邊花葱青處處平林路紅紫紛紛淺浦沙
病足不勝浮大白筍興醉倚勝仙槎

兔河早發

曉起開船雲欲曙赤霞殘月兩爭輝
櫂聲款乃穿波影
羌笛咿唔入翠微夾岍桺條垂近尺平湖菱葉滿繞肥
還山四望青如許一路帆檣鏡裏飛

胡效才字用甫號澤菴嘉靖乙丑進士少貧資束修
才名以晚成未及仕

登玉峰

雨餘穹翠入窓來獨上峰頭步幾回
歌舞自憐風日麗
髻毛休笑雪霜催萬家匹練花叢繞一望三江樹色開
春水莫愁魚雁濶新潮應到射蛟臺

登第

有笑窮經五十餘恩光何幸到寒廬
黃墟白髮新依土
紫陌紅塵乍點書家擁百城還破卷園開三徑欲教鋤
春風拂面好歸去稚子門前已候余

何思鰲字子極號海漁嘉靖間貢士以廷試第一授
校書郎性仁慈簡潔居官多惠政秋滿告歸
以子如龍貴贈
武英殿大學士

登聖水菴和韻

掬水尋香入翠微隔林浮渡午鐘稀
路攀危磴蒼苔滑
泉劈輕烟白練飛磴道細看梳石髮雨聲驚聽擊雲扉
經營却羨如神漢我欲飈飄坐不歸

錢可久字思畏號畏齋存菴公子桐溪公孫也為人
倜儻清妙所交盡一時名流自言與西湖結
公瑕齊名詩集頗多後嗣零落遺佚過半矣

宿舒城

朝出桐城門暮宿舒城陌離家未百里
即是他鄉客
客思難禁當愁心空脉脉舉酒問明月清光如可惜不見
故山人惆悵浮雲隔

湖上與永思率卿同泛

落日湖中景西風物外期四山遙對酒一水共題詩
社燕秋歸盡征鴻晚度遲權歌行處好鷗鷺莫相疑

曉起登朝陽洞

石林瞻峯粵山勢鬱崔嵬客夢回仙界塵緣破上台霞
明天路近日出海門開試問朝陽地何時鳳鳥來

九日感懷

居聯寄食多病未全瘳忽憶去年事還悲九月秋
花籬畔少風葉檻前稠獨有寒山月分明伴客愁

憶紹卿

臘日遙相別花時苦憶君愁看屋梁月悽斷雁行雲
北峽風烟迥南樓草樹芬幽懷誰共語對酒易成醺

再遊風洞宮

世俗吾能厭立房許再過野花看不盡幽籟聽還多
醉曳青藜杖狂吟白雪歌眷茲山水趣欲借魯陽戈

宿永思探微室話心

探微留宿宿顧影轉淒清夜半吟風葉秋空作雨聲
道窮無復夢山靜不聞更鮑叔應憐汝平生向此傾

西郭趙園

逆旅經時久芳郊載酒頻常因看花處憶得故園春筍
迸籬根出萍浮水面新灑然逢一笑聊爾任吾真

徐州飲路河樓園上聽歌

歲晏逢君水上樓酒深娛我越中謳江干未信周郎顧
道路能銷阮籍愁九里卽看山月吐三洪直接海天流
曲終更有無窮思五夜還從秉燭遊

再過厓翁偕可園賞池上芙蓉

名園不厭屢相求回首多情戀舊遊菊蕊尚憐陶徑晚
芙蓉獨占習池秋蹉跎往事浮雲過磊落高懷竟日留
夜登前閣占詞在來真擬醉鄉侯

同春臺酒室燈船與諸詩友

繡陌笙歌夜不休梵天燈火暫相投煖雲低傍浮圖宿
慈月清隨寶藏流風景漫憐城郭異禪談應憶故山幽
王家兄弟多豪逸結束忻陪妙躅遊

訪竹軒舅氏

白雲紅樹日成村下馬從容款竹門別久情親常見憶
病餘愁況不堪論山童采栗修茶供野鳥啼花傍酒尊
月滿前峰如有待未須燈火報黃昏

同紹卿永思智思中思重遊碧泉菴

短策凌秋兩度攜貪幽不畏遠攀躋看花已過重陽節
聽鳥還同舊日啼石峽水奔山欲斷松門雲擁路如迷

風流喜有支公在到處觴予乞醉題

望洋殿下以詩招嚴君春晏用韻奉呈

葉意花情總未知春光先到萬年枝卿雲幕殿張燈夜
瑞雪融城設醴時落魄向來悲阮籍才華今復見陳思
賡歌幾度裁新句醉聽天街漏下遲

感春疊前韻

著意探春春不知雨鳩忽報上林枝梅妝帶粉初勻處
柳眼窺青欲露時岱嶽久懸塵外夢皖江常繫客中思
爐熏一縷書千卷消受閒緣晝景遲

贈劉道士石昌陽

嵩岳仙人何處尋石間靈節餌長生蘭干楚畹空成
秋以玄都浪得名遂有白雲浮几席不妨青霭鎖簷楹
移根遠贈餐霞侶倘許攜之朝太清

登岱二首

巨鎮巍然聳處安春風乘輿得奇觀虛聞神府三千里
直扣天門十八盤白鶴飛泉流玉髓扶桑影日弄金丸
秦碑漢碣空苔蘚指點當年封禪壇

路轉東峰一徑遙徧攜仙杖擷芳瑤暖風二月花初發
背日千巖雪未消青鳥會傳天宇信蜚龍應動海門潮
忻從上帝觀元化常擬高真絳節朝

舞雩臺在魯城東去歲趙東山應達劉小航漢同

子嚴君及舍弟可大嘗有避暑之作今予復從

嚴君遊因次其韻

試將春色望中收，長日郊原事事幽。
雲起直連山盡處，花開欲遍水東頭。
時光又見飛玄鳥，機息誰能信白鷗。
一自點狂歸咏後，舞雩贏得至今遊。

同魯田彭丈東山趙丈從嚴君踏青南郊 竹村

殿下遺家樂餽酒，饌助發遊興神思飛越一飲
至醉次東山韻

路踏歌聲滿近郊，名園背郭水週遭。
花間巧度霓裳曲，天上遙分玉色醪。
春宴直能方李白，幽情那用美山濤。
同遊况復憐同調，不是詩狂卽酒豪。

春日感懷次中立殿下韻

暮草天涯思欲然，白雲江上夢頻牽。
鶯啼却怪春催老，柳困應從晝學眠。
琴几對吟消閒寂，轆轤斜倚看回旋。
殷勤計到歸家日，水滿陂塘秧滿田。

福興寺赴忠上人之約晚過趙國重樓上邂逅沈
郎歌以侑酒

乾坤秋老總茫茫，日日尋秋野興長。
初地午餐逢白足，高樓晚宴出紅粧。
簷前共指三星爛，水際遙懸片月光。
判醉且將愁並遣，春風猶恐斷人腸。

葯園同王子質詹伯中姚永思賞菊觀一松翁諸
豪

往年曾此看花來，又見寒芳幾度開。
谷口風流傳折簡，

江門月色照銜杯，勝遊喜結青雲侶。
寡和同驚白雪才，欵洽坐聆玄論久。
却疑身世在瑤臺。

登道安作

闌干十二擁高樓，今有神仙在上頭。
嶺外鶴歸千嶂月，天邊雁度一江秋。
青雲夢入鵬搏處，白水涵鳥落洲。
指點欲憑雙醉眼，蓮花九朵望中浮。

二月雪病中作

四陽猶見六花開，萬里愁看一片皚。
掃積烹茶供伏枕，凌寒沽酒負登臺。
郊南草淺春無跡，檻外梅遲鵲不來。
此地自甘袁臥穩，何人獨擢剡溪迴。

長干寺

寶地登臨一望賒，帝京風物見繁華。
雲開金碧浮雙闕，日麗烟花簇萬家。
孤塔俯臨禪界淨，長江廻抱石城斜。
三生未遇真僧話，欲借松壇臥紫霞。

新豐里

千里風霜十日塵，青林一道帶通津。
停車笑問新豐市，不見當時賣酒人。

夜酌對紫荊花

春風芳草徧天涯，二月遊人未到家。
愁絕夢中桑梓綠，一尊空對紫荊花。

席上戲贈歌兒小喜

翠柳枝頭囀栗留，碧桃花底醉笙篴。
鳥聲恰與歌相和，

更向誰家倩莫愁

謝如山

號字華嘉靖間貢監生
官福建汀州府同知

春日同友人過慈社

春風先客到繞徑柳條新帝鳥爭求友游魚不避人一
乘聞妙法半日寄閒身賴有招尋侶年年肯負春

吳應道

字自明號來儀儀亭公之子邑諸生少承父
志讀書砥行如鉅人長德年二十九甫入泮
先貴贈如其官

憶牡丹

名花次第向春風主人猶自滯江東桃李繽紛落英盡
爛熳好開錦繡叢嬌膩楊妃初酣酒艷染樊素櫻桃口
笑非淺絳絃朝霞瑩白瑤臺映瓊玖奇芳異品種非
尋常紫姚黃詎能匹含情不語向空階可憐一度春光畢
但留傾國姿容在珍重香心寧自耐明年重賞舊芳菲
玉瑣鸞笙還相待

戴

字元泉嘉靖間處士以才名稱嘉誦諸善飲
博草書學大令而回捷較勝無子所著詩文
散失無存歷于頃首扇面
間得詩數章以存其概

述古四首

英雄存其身安有仇不報滅楚與復楚果不出所料後
此博浪椎報仇志未了進爲漢廷傑退偕赤松老功成
保厥軀王侯安足道相逢我青田千載一長嘯
淮陰一餓士得志遂王齊功高非不賞爵貴身遂危免
死狗旋烹人情重堪疑前此溪邊嫗曾救王孫饑後此

呂氏後一身遭誅夷生死婦人手英雄徒爾爲進食不
望報斯言可啟迷何必劓生計追悔臨刑時

洛陽一年少慨然悲時移老成既謝事新進非所宜早
知勢已去痛哭亦奚爲不如捲書劍歸卧滄江陞湘水
一憑弔逝者有如斯悲君千載後投文弔者誰

武侯與留侯漢祚賴之安留侯爲其易武侯爲其難吳
魏各虎踞蜀漢誠彈丸指揮軍旅間中原側目看北伐
功未成奸雄膽已寒

雪後過汝駕弟鄉居二首

陰嶺留殘雪寒光逼小除林寒高士意地迥野人居
蕭蕭新補移花凍未舒客來還有罍瓶粟僅能儲

松烟白處幽柳色黃山童眠正穩野水寒通長
杭客將起開門月未央鐘聲何處發清韻總蒼茫

金陵應舉漫興

不定風帆日夜流金陵江色媚溪秋不知誰對天人策
若箇同登李郭舟桃葉渡頭多繾綣雨花臺畔足淹留
莫愁典會無知已且醉秦淮舊酒樓

郊外訪菊

園翁生計未全違半載栽培蕙已肥也待西成纔有望
擔頭秋色賣錢歸

龍眠風雅卷七目錄

木厓潘 江蜀藻輯

錢塘倪 榮開公

同里張 杰如三

方學漸 四十四首

盛世承 十二首

方學箕 二十七首

趙鴻賜 三十三首

方學聰 三首

方學記 一首

方大美 三首

龍眠風雅卷七

木厓潘 江蜀藻輯

方學漸 宇達卿號本蒼萬曆間明經不仕開明性學該貫百家著書凡數十萬言有易義性善釋

桐廬通訓桐川語諸集同時如高景遠顧涇陽諸先生倡學東南皆推公為職志四方學者多歸之

蓋桐邑諸學之盛未有右于先生者也詩歌獨宗盛唐以孝友篤行致庭樹有連理之祥稱連理堂

集門人私謚明善先生于大鎮大鉉孫孔昭曾孫以智輩一門忠孝文章煥耀聯綿如先生之遺澤也

阻風

阻風

朔風吹樹黑雲流江濤日夕鳴牀頭荒汀斷岬兼葭秋

千艘萬舶帆檣收雪花零亂不可權對酒自歌還自笑

夜寒孤鶴掠掠飛江門片月寒相照

饑民哀

馮夷頻作東南祟旱魃今年復為厲水田滅沒恃高田

高田焦涸空雲烟農家作苦望新穀播種不收况旨畜

磬懸四壁甌蒙塵拮据木實刷草根草木鏹中無粒米

腸胃雖充脚力痿壯夫貿貿瘠溝渠老稚輾轉更誰呼

閉門僵卧不能出雨雪飄颻風颼颼陽伏陰鬱為災

牙遺札瘥歟蒿萊不及孤鴻飛千里猶能一飽江湖水

浮雲散去即長空殍殣征徭隸籍中追連悍吏猛于狼

鳴鑼連輶馳村鄉小戶逃亡追大戶不嗟此僞還索賂

帝閣萬里阻且迂誰獻監門鄭俠圖君不見太倉紅粟

化為土嗇夫割羊飼罔虎

白雲巖

磴道斜飛瀑巖花半入雲望中孤鳥沒天外一江分竹
柏山樓色旃檀石鼎熏軒然長嘯發清興好誰聞

浮山二首

攬勝入丹丘迂迴石逕幽樓臺浮屨氣風雨出龍湫野
濶天連水巖深夏欲秋坐無塵世念疑是泛虛舟
萬壑迴流水溪源種碧桃樹迷千古洞山接大江潮複
道來仙客高峰采藥苗衰年堪寄跡寧羨十洲遙

再遊浮山四首

麥秀暮春天重遊島嶼邊青山開石屋碧水泛芝田花
前酒茶分樹杪泉老僧能任達夜共竹牀眠
巖巖巖巖下塵氛晝不侵簷簷風韻細陵谷雨花溪絕
壁看苔字清泉撫素琴舊遊渾夢寐追訪只雲林
何處堪棲逸巖深地自偏坐依盤石樹飲對落花天翠
黛春添已雲霞晚更妍寥寥方外榻已覺淨塵緣
金谷岩巖外春花紫翠重漁家明滅火梵閣有無鐘雨
遲來僧屐風崖拄客筇登臨興不極尊酒上層峰

資福寺

官道紅塵暗禪林白日閒山門斜逐水堤柳密隨橋酒
熟花初發春溪夜尚寒醉眠高海曙鐘磬落人間

重登望華亭

石閣遵江渚題鐫憶舊遊晚風重聚纔明月尚懸秋渚

岼蒼茫出華山翠黛流蘆花烟水外隱約數漁舟

龍眠精舍

高林散紫烟刻岫敞青天水下丹崖曲花開石磴邊坐
茵分野鹿鳴瑟應山鵲誰信雲深處蛟龍未穩眠

魯王墩

春晴頻載酒地僻更探玄草密疑無路花開別有天荒
墩斜照裏野燒亂雲邊魯谷空千古臨風一惘然

訪王元善

適國攜龍劍尋真上鳳臺萬竿當席出一杏傍壇開皎
月秋偏迥涼風夜欲迴願從九節杖飄渺到蓬萊

合明山

雨霽虹消嵐氣清乘春攬勝入蓬瀛何來兩片玻璃石
能作雙懸日月明極浦亂雲來野色寒山落木動秋聲
蒲團老衲風簷下法雨開華照水晶

東征

朝鮮海外作東藩長護遼城絕冠源豈謂憑陵愁日本
至勤師旅出中原千艘鎧甲衝鼉浪萬里旌旗散蟻屯
聞說釜山新築壘控弦未許息轅門

左慈丹臺

元放燒丹萬仞臺皖潛深處白雲堆匡廬氣色天邊出
楚澤風烟江上來松老歲經秦雨露壇荒人說漢蓬萊
許昌宮殿空淪沒鳩鵲當筵掠酒杯

天雄別兒大鎮

五載馳驅千里外一官迎養二親來
異鄉難得庭闈聚秋水俄驚別權催
直北風沙高晚嶽江南米價賤燕臺
我行自足桑榆計不必看雲首重回

司玄洞

曉隨飛鳥度山椒洞入司玄敞
碧霄人世已成千嶂隔天家誰美
五城遙到來雲盤參龍馭忽聽仙
宮落鳳韶已謝風塵投鶴鹿便從
黃綺擷瓊瑤

靈源觀

形樓紺殿達雕欄烟裊獅狔曙色寒
洞裏有仙呼玉簪何處覓金丹
蔚林黃鳥啼春晝夾岨紅桃點石
關風塵空在再欲生白羽振雲端

王屋寺

萬丈通王屋烟蘿接上方寒流分燕尾
曲逕轉羊腸地勢雄吳楚琳宮歷晉唐
雲棲禪榻黑日照佛幢黃虎穴依蓮座
丹爐隱竹房雉從經卷度龍向鉢盂藏
仙果風前落虬枝雨後長崖深喧瀑布
林密亂鶯鶯鶯鶯鶯鶯鶯鶯鶯鶯鶯
出金櫻滿路芳嶸岫山作障屈曲石爲
梁磴道盤孤岫丹青落古堂明霞低劍
佩修霓襲衣裳嵐氣浮空翠江聲入混
茫僧臨白石汲客煮紫茸香嘉禾懷巢
父清貞想務光世緣渾欲謝機事淡相
忘

石馬潭

怪石潭中立疑是渥洼駒何當化龍去
逐電馳天衢

滑石河

曲曲龍眠河磊磊河中石步石渡寒流
雨後堤邊立盤雲逕

上歌千仞石下臨百石磴磴道千盤入
青雲似可梯

多角峰

亭亭多一角孤立霜天青聖世無邪孽
幽壑有山靈

雙木岑

萬仞如雙筆噴岬入上台清秋遙對汝
愧我謫仙才

蓮華屋

蓮華屋照芙蓉燥灼青雲裏秋色不朦
情天光淨于水

走馬岡

平陸多覆轍羊腸爲坦塗振策雲霄上
風雨憤馳驅

楓香菴

放杖白雲岫說偈丹楓菴落葉分山谷
一榻自瞿曇

鵝公嶠

員嶠勢入雲環峰莫爲侶不知此嶠嶺
旻天更幾許

黃白嶺

青黛從開闢黃白定有無我來尋大藥
春雨喚蘿蕪

蜿蜒谿

何事桃花源漁郎不再入只今蜿蜒谿
路迷雲滿隰

水簾洞

洞雲長日靜簾水不曾閒坐見寒流去悠然此閉關

楮棚灣

木天詞賦客爭美赫蹏文翻從造楮者鑿破剡溪雲

蜈蚣巒

此山有蟠龍寧受蜈蚣制長日石中眠一朝風雨至

賽社壇

山叟不知春燕來一賽社不采杜鵑紅鹽前問桑柘

幽玄峽

已倦青山屐還開玄峽罇幽谷聞啼鳥寒流咽石門

環流壑

石間千條落環流一壑開胡麻殊可飯莫教阮郎回

育龍湫

靈湫開絕巘神物此中藏何日風雷作甘霖浹四方

澤豹巖

霧雨饑玄豹長日隱溪山但求文自蔚不怨少窺斑

搏虎岵

猛虎負岵蹲匹夫向岵搏虎去石林空巉巖橫碧落

登洪濤山

不盡雲山天際流登臨如載木蘭舟徐生大藥尋難見

浪指滄溟撼十洲

采蓮曲二首

若耶薰風花正飛木蘭舟楫蕩晴暉青春白面誰家子

夜夜放歌溪上歸

采蓮兒女歌不休今年花發倍添愁記得舊年花半蕊

爲郎失却玉搔頭

訪張生

野岍春花刺眼明沙汀白鳥向人鳴榮軒柳絮迴風舞

彷彿山陰雪裏行

盛世承

字以烈號菊泉司徒古泉公之第七子萬曆丁丑進士初授戶部主事尋改兵部巡朔部署高晉爲重出爲諸泉所至多政蹟官至南京光祿寺卿性恬淡恥奔競工詩文尤精書法晚年好道以山水琴咏自怡有遺逸物外之志壽八十八卒之先一夕邑令夢公衣鶴氅揮麈言別升雲入碧漢此寤亟遣存問已無疾逝矣予徵詩集于其家猶公所手錄波磔端好儼然典刑未遠也

葉山人歸賦別

出關渡桑乾蕭蕭帶寒寓邊塞多悲風家山渺雲樹客從桐鄉來乍對驩如故浮生無定踪去來同沫聚感君意氣佳下榻爲徐孺掀髯酣且歌時出驚人句殘局角空庭鳴琴發清暮有術窺青囊烟巒生指顧高談欣素心神隱洽真趣秋溪露欲凝冥雁紛南驚翩翩動歸輪遙向太行度欲留不可攀欲隨事仍忤替綬爲微牽清賞聊自具雙髻今已絲微榮何足慕所願山水間何事苦樊笈憑君語山靈余將返初步待得桃花開谷口挹輕霧

甲辰春余以病甚不能入覲遂得致仕

偃卧北窓靜遙臨計事紛汰除寬病吏休沐荷明君培

柳先春植亭花帶雨分一丘堪任懶隱矣不論文

卧病

濟勝偏逢雨晴天却抱痾山光隨處好心事奈秋何素
壁長懸嶽閒庭獨盼柯悔緣辭客久幾日少人過

辛亥三月山中歸偶夢尊開峰影外一聯因成一

律

谷遂非人境春亭畫似年尊開峰影外棋落水聲邊有
勝疲仍在無喧懶任眠冥棲欣得地長此覓真玄

瞿率甫鄉丈訪余雲中贈別

沙磧無春塞月高鄉書長斷夢魂勞故人冰雪輕千里
暮更風塵已二毛東海未聞平島嶼中朝猶自乏山濤

相違莫話憂天事且把閒情付濁醪

胡子恒表兄遠訪春日言歸賦贈

匹馬和雲度太行相看忽忘是他鄉孤城夜月連榆塞
萬壑春烟隔草堂君到山陰窮遠興我遲彭澤誤清狂

冠裳世路難終老姑殺江南薜荔芳

用韻酬謝山人

懶惰何心諭蜀都小齋閒晝獨支梧蒼生事業輸儕輩
丹磬風流屬病夫瓦鼎茗香烹夜雪紙窓梅蕊綻冰壺
故人珍重棧書問爲報蒲團萬慮無

贈孫真道丈

手握玄圖靜裏通芙蓉冠映野顏紅幾年絕粒寧須藥

何處尋真獨御風書付鶴傳三島外爐教猿守萬山中
燕門當日會長嘯漫道孫登卽老翁

偕段士朴遊南中

八十春秋興未灰扁舟同下秣陵來六朝文物猶存否
四望山河亦壯哉選勝車騎紛水竹追權簫鼓沸樓臺
登臨到處都成感幾樹閒花對雨開

岳太和過訪山居用韻奉酬

危嶺秀入五雲齊俯瞰塵寰萬象低一線石中窺碧落
半窓榻底隱虹霓靜來轉覺玄關近懶去從教白日迷
不厭幽人頻著屐相將笑語度前谿

雅陳道中入淮北

昨日曾此去旋車却喜卽重過北來烟雨迷村樹

南去山川翳女蘿烏倦但思林宿好馬遲偏怪路迂多
寄言亭子東頭竹好遂初衣挂芟荷

春日懷歸 時治兵雲安

五斗羈人未得歸窮邊三月雪霏微雁魚錦字經年隔
麋鹿幽蹤與世違旅夢不覺離竹徑山靈休笑裂荷衣
春溪應度江南道我欲乘風跨鶴飛

方學箕

字紹卿號少洲奉康石湖公第四子以諸生
入成均遊吳越間所交盡一時名宿晚歸
隱梅花館墨石爲詩題曰卷石
山房賦詩飲酒有謝靈運之風

遊龍門峽

龍門之山高幾許懸崖絕壁真無際一道飛泉天上垂

何如瀑布銀河墜林花爛熳烏如歌澗雨溟濛魚引隊
疑是神龍解我來此時故把風雲會

重九前一日登雨花臺

出郭先重九登臨想六朝麗人嬌粉黛清簪雜笙簫江
練迴看迴雲山一望遙興來成酩酊歸路任飄搖

九日再登雨花臺

百年佳麗地九日復登臨黃菊知時節青山自古嵐
光浮野寂秋色澹高林故國江天外長懸萬里心

送錢畏齋歸里

短燭彈深夜寒蟬泣杪秋我忻君暫合君去我仍留南
園三更夢西風五兩舟那堪分手處雲水共悠悠

下第後還家作

上書嗟未達理楫復西歸空負長卿志甘遺季子譏所
憂在出處豈直戀輕肥試看雙龍劍終宵燦紫輝

謝公墩

古今餘勝蹟延佇傍花宮落日千峰暝平林萬象空放
歌吾輩樂逸興幾人同僧解前朝事猶能說謝公

夜坐

愁來慵灑掃霜葉滿風林落日鳴寒杵秋天急暮砧碎
明簾月影雜籟戶蛩吟對此渾忘寐悠然動遠心

幽軒雜意

幽軒每獨坐清澹似禪林踪跡傳孤劍行藏侶素琴檻

雲朝寂寂窻雨夜沉沉斷酒緣多病愁來孰可禁

寄從父可吾軒

爲憶芙蓉叟幽居勝事繁逍遙磐石上嘯傲可吾軒向
日葵生子凌雲竹有孫醉還容小阮狂極肆清言

春日同家兄建菴南阜昆石舍弟學易學守學記

學談學祖學能表弟高繼真姪大有登浮山

共尋浮渡勝喜及仲春時山色分孤石山麓有石可供
盆玩僧出所藏以巖芳得異枝山有奇卉因
得數種歸就幽頻歷險乘興更搽奇

一笑天池上難禁別後思

和之山吳丈長吟閣韻二首

飛閣摩空清晝閒幽人蕭散迴難攀翠微當戶遙開畫

簾驚人總說山日暮不辭筇竹過興來時灑墨花斑

却看僮僕來城市笑指瓶中得酒還

陰符仙籙滿牀閒五粒松枝好自攀杜甫詩名留海內

吳筠逸興寄嵩山江離裊露新繁綠湘竹臨池舊染斑

媿我與君相見晚問奇端擬夜深還

春日訪友人不遇歸宿途中悵然有述

文園共坐軒楹敞改席郊垆酒漫斟小榼愧攜無異味

孤琴遠抱爲知音先生噴樹花籠月寒戀春衣雨過林

卷石初成

良夜已虛徐孺榻蕭然猶覺似山陰

曲檻疎花間碧莎小山學結五雲窩深藏未許神龍蟄

守屈惟教尺蠖過映戶平分紅爛熳迎窓小出翠嵯峨
籬邊莫訝開卷石數仞功成一簣多

廣惠祠

仙壇如洗畫沉沉古石臺階碧蘚深滿樹繁花開綺繡
一園疎竹長球琳風前草磴含新潤雨後山楹落午陰
十二曲欄人不到百年誰共白雲心

綠漪亭

孤亭小敞綠漪隈明鏡浮空照客杯平地衝烟飛鳥去
半谿懸日亂帆來林園麗藻千篇具翠紫生綃百幅開
黃鶴更無崔顥句謫仙空咏鳳皇臺

王愛江招遊燕子磯賦答

尋芳燕子磯江光野色映絳衣千章夏木浮青靄
一縷晴雲鎖翠微亂畧鳴榔看並進鮮鱗出水訝初肥
風流最愛王摩詰結伴攜尊坐晚暉

宿海聲樓

一榻同心慰寂寥五雲清話逼寒宵松風吹簾樓如海
枕簟生涼夢亦潮笑兀沉窓嵐氣合蒼茫浮屋月明遙
酒醒恰似中流柱獨障狂瀾不任漂

午日飲綠漪亭次韻

五兩風搖百頃湖八窓天繪輞川圖朱明漫畜二年艾
綠水聊分九節蒲舞燕掠泥幽自語流鶯入樹巧相呼
滄浪一濯塵纓淨清似渾身坐玉壺

昭君怨二首

歛衽辭天闕含羞逐塞塵此行何敢怨妾命不如人
漢宮花似錦胡地草如銀同是二三月東風不釀春

劉愼吾贈石却謝

怪石從何處玲瓏自可憐感君同白壁置我小窓前

春行二首

燕語鶯啼相和風恬日暖兼嘉野淑堤堤楊柳春山處
處桃花

馬尾河邊春樹鷄皮道上烟村茅店方言估客天涯何
處行人

春日同仲兄建菴及姪大章飲松鶴樓次雷半窓
韻

春草地塘虛好夢竹林清雅愧名流蛟龍未鼓桃花浪
一夜淒涼似早秋

感興

自笑狂夫老更狂相逢一飲累千觴歸鞭不控馬蹄疾
滿路松陰山月蒼

醉後口號

斜日西風青酒旗烏啼花發斷腸時歸來醉度溪橋晚
上馬離鞍總不知

趙鴻賜

字承玄中丞桂野公之子萬曆中太學生性
書汲古師事耿天臺張觀山兩先生與焦漪園管
東溟稱高足又游于羅明德先生之門衍新建良

如之旨關宜秘洞會足致多士為陋巷會約所著
生人海陽吟無甚高論晚石齋稿學者稱從江先

寄衣曲

金鷄何處至浙浙入房幃寒氣早侵面寒衣猶在機停
梭意轉亂罷織淚頻揮漸覺剪刀冷遙愁霜霰飛計程
萬里遠惜別幾秋遠只自密針線那能料瘦肥夢中曾
把贈醒後倍歔歔旬月衣堪寄關山人去稀今年猶寄
衣明年歸不歸

望華歌為清溪劉道士賦

九子九子高插天枝峰蔓經如青蓮九華之名自誰始
是唐朝李謫仙此老善貌雲山態一言出口千古傳
海上釣鯨客生來即有烟霞癖扶搖自得美勝蒼
檀槐相伐悲蟻厄桐帽棕鞋白布袍到處尋幽驅下澤
偶爾從江訪道菴攀蘿頓覺風生腋瞥見芙蓉萬朵青
拍欄大叫江雲驀清溪道士菴中王長揖邀余揮玉塵
把酒談玄興益豪江烟收盡鷄聲午陡然山影杯內浮
一吸九華歸肺腑滿懷突兀不能禁吐入江心為砥柱
須臾霧合滄波立巨靈落魄蛟龍泣駛雨颼颼射疎櫺
飛鳥入庭松桂濕余復長嘯下山前呼童卜築從江邊
買舟理楫凌浩蕩魚為租入水為田清溪道士聞此語
拉余穩住山之巔余曰風波元不惡世途險巇如倒懸
眼看俗子徒擾擾識浪不停心火煎何如垂釣釣寄泊

夢花洲臺笠壓顛囊掩脰共作江湖瀟灑侯請君回首
望天際九子雲端亦點頭

題齊護蓮卷

昔聞蓉川老謫仙雄才逸興何翩翩紫皇召入蕊珠殿
獨掃金華玉版箋袖得雲中白榆種投向碧沼成青蓮
異香淨色闢嬋娟恍如姑射之女湘浦之妃高擎翠蓋
爭鮮妍老仙一去經幾年阿孫風格更超然池上讀書
閒走筆錦繡頡頏三百篇從江浪士豪且顛時扶柳榭
結良緣長嘯鎮日泛舫船藕孔神龍不敢眠與君同跨
凌蒼烟好將金齒昔還栽太液濯清漣

遊茅山放歌

誰作主賴有茅家三弟兄揭來尋舊好猿鳥遠相迎茅
君留我飲欲將地肺烹余曰不然靈泉可釀乖龍可羹
瑤筍為菜玉柱為楹雲中鸞鶴皆簫笙玄談密語忘朝
夕不知人世有陰晴却笑五侯門下客空愁白刺滿頭
生

謁赤帝祠

我亦騷儒輩彈冠仰帝容空階閒走鹿望氣尚成龍父
老留遺山川得舊踪莫悲炎業盡猶見雲封

玄壘樓遲月

把酒揖星辰天風透葛巾雲間將吐月樓上未眠人玉

字看無極瑤華摘已頻醉來吹鐵笛欲跨白麒麟

秋日村行二首

秋風動狂興緩轡作清遊紅白蓮同浦青黃稻異疇山
中雲逐鳥溪上鷺乘牛日暮情無極林深不可留
谷口秋聲聞峰頭落葉繁兒童拾遺穗鷄犬上頽垣豐
歲農應樂催租吏尚喧征輸休厭擾安土即君恩
雨中有懷周存江

聽雨閒清晝焚香伴索居思歸無定日頻檢寄來書悵
望關山遠翻憐歲月虛周郎同作客庭草近何如

白下別周存江之吳江

楚遠月照六舟回莫便耽岑寂明時肯棄才
城草莽與范季直許重卿聽誦經二首

茅茨爲寶所籬菊卽優曇儘可留僧住因之對月談逃

名多是夢依佛亦成貪壁觀寥寥意庭前栢子參
山轉疑無路橋迴倏有堂泉聲傳梵唄花氣續鑪香榻
冷雲同宿庭虛鳥共翔何如蓮社裏蹙額學柴桑

庚子秋日南游舟中遇風作

豈不知藏拙如何復遠遊百年心未了一慙意難留白
浪吹高樹青雲引去舟擬沽桃葉酒醉賞秣陵秋

奇致問

潛夫何偃蹇虛檻澹相依霧散女牆出春深官柳肥拙

難謀鵲印貧不恥牛衣病骨休嫌傲新交是翠微

贈悟圓上人還雲棲兼訊蓮池師

開士遙攜錫遺民久掩扉正逢霜葉落歛見雨花飛半
偈令人悟孤帆計日歸雲棲真古佛投老願相依

春日訪吳客卿太史次壁間何康侯韵

太史高棲誰與論焚香對現沁王身常披短褐能忘貴
兀坐匡床肯說貧玉署才名盧一擲蕭齋生計酒三巡
庭前石色苔花碧不厭過從是比隣

吳臨川寄予懷歸之作尋擢計部用原韻奉酬

仙令蕭然四壁寒只今方著侍臣冠政成百里春猶在
千峰雪又殘勾漏玄情應有託維摩垂手不辭難
計日朝天去莫問磯頭舊釣竿

游浮渡山一

靈境巉峴路不賒峭青危碧巧相遮雲封圓嶠今何世
浪隱方壺到是家丘壑采真惟皂帽盤餐清供只胡麻
紫簫吹得松篁真閒聽崑僧轉法華

對雨

蓬窓面嶺開嶺下雨聲急山人捲箔看一片白雲入

問余堂

問余何太閒烟霞共往還山中少機事古樹當柴關

贈繡頭尊者二首

本地風光徧十方不知何處是家鄉少陵隻履還攜去

脚下泥深路渺茫

尊者西來有意無偏將
添雨潤焦枯如今別我何曾別
夜夜迦毘月影孤

滁陽春遊曲六首

渲染新粧蟬鬢輕香闌愁聽賣花聲
密招女伴尋春色
綵袖翩翩結隊行

千山嫩草可憐春一陣香塵撲麗人
自是妖紅故呈艷
非緣狂蝶浪相親

戲拋文石擊龍潭祇辦名香禮佛龕
共羨野桃能結子
誰憐芳草有宜男

萬壽無處避華筵綠戰紅酣二月天
幽谷開花都承露

錦幃圍春開紫霞山頭醉處即爲家
雕欄國色空零落

翻愛郊原解語花
黑霧粘天細雨飛嬌娃戀景不思歸
恣遊肯惜羅襦濕

只謂山深翠浥衣
午睡

午睡

駛雨打窗人獨眠小童閒捉瓦爐烟
膏騰睡思濃於酒
一卷南華落枕邊

青螺洞漁父詞四首

青螺洞口是儂家古木陰陰繫釣槎
自笑漁郎能免俗
四圍烟水浸蘆花

獨宿磯頭夢亦清波心世界轉寬平
道人近覺交遊少

新訂秋江鷗鷺盟

曬網歸來樂有餘蓬窓展讀數行書
舟中清福難消受
敢望君王賜後車

金藤浦口鎖烟縈縱橫歸來水氣寒
不是漁郎貪利涉
恐人溪上暗投竿

方學聰

字仲達號松萬曆間歲貢兩任學博陞廣
爲後宰會同年六十二矣捐俸修築龍橋成而
子生因名攀龍迨歸囊無長物游詠酒于郡邑
絕不以居問諸崇禎末攀龍與二子相繼死盧一
女爲市伶畧賣鄉家族子子留率家人釀金贖
之擇嫁士人公詩集無存者齊子秋浦
憶少所記誦口授數首亦見一斑矣

秋興和少陵韻

英雄尚戰功壬午城闕野烟中
殺函依舊秦時月

豐沛猶傳漢代風陌上纔看芳草綠
洲前又道蓼花紅
人生易得頭如雪且倒清尊作醉翁

浙瀝松聲撼萬林昔天商意正森森
寒雲出浦紫朝露
疎雨乘風結暮陰酌酒盡談今日事
斷金那見古人心

最憐寂寞西江冷卧聽隣家幾處砧

燕子

雙雙飛上畫梁棲哺得新雛羽翼齊
日暖翻從郊外舞
不知誰爲壘巢泥

方學記

字默卿號松餘主簿松塢公長子師事黃山
先生先生極稱之主簿公官武陵趨庭松署
與楚人士酬唱楚人目爲佳公子歸里居負郭以
家乘授其子娛情詩酒間所著述甚富惜佚于兵

存者

次家君韵挽黃山先生

思義平生孰與同哀情聊寄輓歌中
非干弟子爲私慟自是斯文泣至公
執紼祇緣江路遠瞻雲轉覺海天空
誰云此別成今古見說郎君有父風

方大美

字黃中號冲含萬曆丙戌進士授常德府推官歷太僕寺少卿以奉諱歸家而卒公奉友嫺

一輒歷太僕寺少卿以奉諱歸家而卒公奉友嫺
睦惠遠里開音捐祿入爲小宗建祠堂置義田宗
人賴之其曾孫雲旅接得遺詩
三首要之公固不必以詩傳也

秋日同蔡憲長蘇憲副二使君登伏羲八卦臺

羲皇御世總承乾八卦層臺畫宛然遙想虹蜺流渚日

龍馬負圖年象滿坎極原無極數定先天聖後天

道統揚雄謨帝則玄篇

題白雲寺三首

庚子春日

遙看寺插白雲邊風穴松門敞法筵不住鐘聲鳴萬壑

脩然香氣繞諸天山圍鴈塔浮金界水湧龍宮噴玉泉

顧我褰帷嵩汝地何當重問慧公禪

林陶風掃翠嵐亭簾是珍珠錦是屏僧去池邊看洗鉢

鹿來堦下聽談經瀟瀟佛舍雲垂白漠漠君山雨漾青

向晚諸天烟霧裏聞黎稱有少微星

龍眠風雅卷八目錄

木厓潘 江蜀藻輯

太倉張為光觀文 泰

同里王天璧暄文

吳應賓 一百二十三 吳氏令則 六首

龍眠風雅卷八

木厓潘 江蜀藻輯

吳應賓

字尚之又字客卿號觀我萬曆丙戌進士方伯公一介第四子幼早慧弱冠應南宮入史局俄嬰日疾告歸著書講學深于性命之旨凡有未讀者俾人旁誦公傾耳聽之遇逆句諱字云某句有逸宜若何某字宜作某聲讀按之果然為文數萬言宿胃臆問口授子弟錄之字從古從今辨折不苟天啟初以理學召起病不克赴詔加左春坊右諭德兼翰林院侍讀著有宗一聖諭性善二書學庸釋論悟真篇注方外遊南餘草學易齋集尤精二氏學凡海內禪宗往復辯難無不推觀我居士為法門龍象焉公學貫天人理綜儒釋詩特其駢枝也年七十無疾終門人姚康輩益宗一先生

咸興

南風澹將夕疎竹明殘霞流芳惜餘姿宛轉歸泥沙

念獨往浩蕩隨無涯
以還歡樂為吁嗟根株既不定無乃空中華

送何康侯太史入春明

江山闕靈區高門何鬱葱中有三鳳毛雙飛起雄風康侯綽約姿秋水明芙蓉出入金門下吐氣如長虹筆陣破萬卷咄嗟辦雕龍豈無效步人不如邯鄲工休沐戀子舍家食何從容念我久索居淹留話墻東冥契極立實百慮銷朋從初服洵可樂無乃金臺空長歌續壯遊玉署清且崇丘索傲左史含章燭天聰前席問蒼生片言如發蒙青澤下八極蹇蹇盟初終萬里自此遠把袂心忡忡贈爾秋蘭佩出處將無同蟋蟀鳴清商兼葭應

黃鍾願言頌明德一慰潛夫忠江湖與廊廟未始出吾
宗何必慕攀附寂寞愁交窮

朱邑

金穴多驕癡俛仰歸他人螭首爲山梁狗當誰陳膏
夫老悖翁易簣勞桐民伏臘二千年了不知雲仍

魯肅

昔人重素交紛紛棄如土指廩卽分金高誼驅今古既
興伏龍雲還出鳳雛羽揚益辱齒邦將無固吾囿

陶侃

晨興多苦辛夜寢非宴息利刀以割泥彈指鋒銚失江
寧運甓心中原鬼猶泣志士憂朝聞分陰憐白日

李公麟

居士龍眠圖丹青妙天下盡道畫如真不知真亦畫有
時寂住峰側耳浮山話誰云履半穿天遊卧清暇

葵心歌

杲杲秋陽出盈盈葵花鮮朝東暮復西心與秋日懸千
門桃李何足數向日丹心應自許當堦不解妬芳華窮
簷未敢辭風雨太陽亦何私葵心亦何期古來烈士皆
如此灼灼繁華亦徒爾男兒抱懷凌丹霄忍認君思作
流水

金人捧劍篇

霸王行春曲江水雲物尊尊間羅綺羽觴迭飛羣臣醉

歌呼四座雄風起此時秦王氣正驕旌麾耀日鳴寶刀
刀頭閃爍白虹吐漢陂颯颯生波濤雷轟電掣白日晦
劍光一片西方氣西方金宿來金人捧出青蛇色勝銀
幾點寒星初射斗五山精氣共排雲雲間紫映芙蓉赭
希代神兵憶歐冶何年夜半去東吳此日令君制西夏
炎精焯耀烈燄紅風雨不救咸陽宮千年此物竟何許
無乃化作延津龍安得佩之倚天外橫行沙漠王庭宮
題張洪陽先生閒雲館四首

賦就張平子飄然獨草亭回環一水綠高下萬山青避
世曾金馬焚香對石屏祗疑雲霧窟窟長護太玄經
客士歸來後空齋畫不喧門前自烟水身外信乾坤

色寒江樹山光下野村憑欄何限意擬欲向誰言

高歌流水急長嘯遠雲開山到匡廬盡茶從雲霧來禪

心餘古榻秋興獨登臺塵世居然遠那知是草萊

東山謝公屐今復上西山夜雨驚寥寂春雲獨往還功

名雙鬢在身世一鷗閒願聽無生偈聳然解佩環

月下偶成

夜色靜寒暉空齋敞白扉亂雲當月散獨鳥背人飛詩
思餘尊酒歸心攬客衣殊方對妻子蕭索倍相依

書懷

素餐消未得何以塞明時軒冕真非志烟霞自有期歸
心獨夜苦生計四隣知歲月風塵裏羞將短髮絲

題白燕二首

畫棟巢偏煖水肌色自分名從玄鳥得身是白鷗羣映
水爲雙玉飛空作片雲梨花溪院裏盡日語還聞
不改瑤光色來棲玳瑁梁春疑霜信早衣惹雪花香應
喜巢珠樹偏宜覆玉筐丹青何所有空色欲相忘

月夜同諸子登金山絕頂因乘夜浮舟北渡四首
吾心澹若水況復俯龍宮倒影疑天上飛雲是鏡中月
明銀地合潮落海門通身世俱無著鴻濛不可窮

月色映江流孤峰水上浮龍門開寶地屢氣出飛樓心
與雲千里山如海一漚人間元出世何處不瀛洲

浮丘何年至黃金紀勝隅月當天整迴山借海潮扶四

聲連中流塔影孤歸櫓仍酌酒風浪起天吳

明月引歸舟天空夜色收山將青地斷江入白雲流水
國魚龍冷仙家島嶼浮孤帆疑塔影何事上揚州

宿白雲巖二首

梵界晚氤氲藤蘿夕照分洞中身是水天上添爲雲谷
氣虛相引林聲夜獨聞名山何用買信宿且離羣
地古千年寺山深萬木秋空堂來蟋蟀高樹挂獼猴不
定雲霞色無聲澗壑流昔人遊不到或恐是丹丘

觀珍珠泉二首

畫舫齋中客明珠擬向誰近花分玉蕊無樹著瓊枝弄
影和雲散飛空伴雨遲人歸明月夜懷袖總堪疑

登臨銷客思清巖坐中流驚起鯨人泣還疑神女遊水
花雲影宿浦月夜光投但借龍宮卧無勞圖象求

寄楊惟彥黃明起全幼度館丈二首

病眼何須白逢君尚可青那無千里駕分食五侯鯖雨
別空愁日風流想聚星不知叢桂曲定許阿誰聰
三徑自吾廬君門萬里餘補天知有筆出谷嘆無車酒
入蓮花社山藏梵宇書思需北溟浪珍重一雙魚

板子磯

寶閣臨長鏡龍宮幻碧岑千波搖黛色四壁起潮音水
月無生句風帆不動心偶然遺浪跡長伴紫烟深

贈太虛上人

非塵世相期宿化城已知身不住聊試藥長生雷
雨歸雙劍山川共一鎗祗應飛錫去早晚向蓬瀛

將至來鳳嶺道上口占

偶然乘興出還爲看山來竹外孤村轉林中一逕開飛
流驚雪浪驅石起雲堆莫怪逃名者尋幽去不回

題石玄卷

焚香翠微裏遙對玉宸君月印琅函色雲生寶軸文落
花山寺靜燈火夜鐘聞方外憐真隱幽棲不可羣

春日過體中城南素業登山子入首

不淺登臨興能尋丘綰盟買山將入社呼石與安名寶
引溪溪入雲扶恰行清言誰舉似花下一聲鶯

布置開飛動參差出畫圖亂將春點綴一任鳥歌呼水
月移來有烟巒變處無未應勞象罔寂寞認玄珠
顛倒陰陽得依稀造化同山藏銀海裏人在玉壺中掩
映樓臺雨翻翻簾幙風點頭如有意誰定是生公
自愛小山隱何妨碣石殘遠峰兼霧起空翠帶花看半
吐龍光紫微生蜃界寒主人含秀色指點勸加餐
含漱風濤細枝撐月練斜磴危還曲折林密亂交加素
業知三徑青春共一家尋常行坐處無地著天花
人澹得春偏床頭島嶼懸怒風看鶯下鞭石起龍眠乘
興翻疑夢安心半入禪還將陶令菊開作遠公蓮
登山中意將非物外情一丘賒月色萬卉攪風聲水
聲環出峰因斷續成靜觀誰得似或恐是浮生
正使人人遠孤峰晏坐時放教花上石分得月來池夢
蝶飛難定蠻蝸關不知會心無一事長嘯更題詩
題齊重客小山白社卷二首
作賦能招隱逃禪舊卜居露葵留客饌叢桂襲人裾散
帙清言外看山爽氣餘蓮花開合想莫問夜何如
人澹酒尊空端居憶遠公徑疑羊仲後林似虎溪東妙
偈頻開葉新詩欲滿筒看君歸白法瀟灑六時中
送李景魯給諫南還二首
還家且食武昌魚行李蕭然指敝廬報國尚餘三寸舌
拾遺真賴數行書從來市虎應難問見說披龍總不如

極目浮雲何限意看君吾欲解長裾
回首金臺事已非長安如夢欲何依新詩慎勿緣封事
初服何勞羨錦衣醉後白雲聊共語閒來黃鶴傍人飛
平生底事堪惆悵獨有丹心憶瑣闥
遊石門飛瀑亭
飛流千尺界蓬萊百折疑從碧漢來玉乳總添雲窟冷
水簾遙傍石門開抱琴已覺山皆響覓句俄成雨更催
夜半虛窓驚坐起寒聲知欲破蒼苔
登白嶽中和山
洞門深瑣翠微宮松下丹梯曲徑通玉几遙連雲色紫
樓臺高映月明空鐘聲曉入千崖瀑爐氣晴吹萬壑風
登玄宗何處是霏微烟樹隱房櫳
禮太素宮
赤城丹嶂與雲齊羅立羣真翠不迷共道嶽神司玉檢
曾經山鳥和香泥爐峰自送旃檀滿簾水全欺雨露低
聖代卽今崇漢時小臣應得碧山棲
坐白雲巖
金地虛無控夕陽紫崖丹嶂白雲鄉雨過薜荔諸峰淨
水澗芙蓉六葉香談塵散花成錦繡鉢龍吟樹起笙簧
會心偶爾成孤嘯片片陰雲接混茫
登文昌閣對五老峰作白嶽峰名
步入瑤光翠幾重露華香沁玉芙蓉玄都都是羣仙宅

白嶽今看五老峰杖拂烟霞閑蒔荔袖藏風雨出蛟龍
何年竊得長生藥短髮還憐紫氣封

水中雁字

瀟湘秋淨綠如苔寶墨雲箋次第開顛處最宜波湧沒
妍時偏爲月徘徊分明秦望碑重塌檢點并州剪欲裁
正是鷓鴣啼半渡欣逢胡堦寄書來

讀齊重客越女行有感賦贈

恰恰鶯啼夢未殘仙山一曲浣紗灘而今醉竹成孤廟
當日胡麻且共餐風過雲扶花影亂池平月照水心寒
空華滿日人中意只在高唐賦裏看

羣子贈內

悲歡對盃光憑君結束舊行藏蒸嘗酒熟常盈佐
孟浪書成欲滿床白眼詎能忘魏闕青蓮猶記繞空王
銜杯共聽呱呱泣日到窮途一線長

九麗詩

樓上美人

金屋高居露靚粧芙蓉如面映垂楊遙知倚檻窺人語
取次停鞭惱客腸衣上雲飛鸞似舞林梢風靜麝還香
封侯覓得須臾事不信春來夜夜長

橋上美人

鴈齒參差勢欲翔銷還幾度過紅粧半天高擁霓裳暮
一水橫開玉鏡長華表似邀環珮影凌波不散芰荷香

裴郎只愛神仙窟底事填河鳥鵲忙

馬上美人

驀裏娉婷巧耐寒香塵踏處落梅殘春蔥緊控黃金勒
夜合輕籠白玉鞍汗血乍翻眉月皺搔頭欲墜髻雲寬
躊躇更說豪華夢千騎濃粧曉日看

簾中美人

一曲清歌花下聞花枝人面隔氤氳偶將月態依稀露
細把風流想像分行處影翻雕玉佩坐來光映鬱金裙
如何萬點瀟湘淚灑向巫山一段雲

舟中美人

波角叢中第一仙請來還上若耶船紅蓮低共朱唇語
斜將玉佩牽倒影粧催明月早中流歌並彩雲懸
多情只把鴛鴦美肯信歡娛負少年

鏡中美人

綽約清真失畫工帶顰和笑印心同爭看石色分羅綺
忽訝珠光沁粉紅弄影自憐渠是我觀身誰悟色還空
陽臺雨過長門月總在雙鸞一照中

燈下美人

洞房丹焰晃簾帷正是巫山暮雨期玉映乍疑螭吐火
花羞不用屢凝脂清歌紅燭高燒夜私語銀缸欲背時
恨殺可憐宵太短不教長照合歡枝

花下美人

春風著意到天台，繞樹清平調幾迴。紅藥總堪行處贈，
非桃爭向笑時開。似憐似妬流鶯語，飛去飛來夢蝶猜。
自是無心感榮落，儘教人面暗中催。

月下美人

晝短何須秉燭遊，瑤臺明玉夜光流。徘徊最是迎風戶，
掩映偏宜近水樓。鶴影踟躕迴妙舞，蟾輝灑灑泛清謳。
當年靈藥君知否，滿目青天碧海秋。

喜方壻潛夫秋薦

萬里雄風兩腋生，祖龍金色動山城。花當月夜開時折，
人向雲車簇處行。柱下又看麟一角，樓中真喜鳳雙鳴。
秋年少登科好，只在忠良答聖明。

壽開府體中姪六十

碧油幢下紫烟銷，拂袖仍呼老仲容。貔虎散來還載鶴，
鯨鯢靜後更降龍。千年王氣歸皇覽，萬壑雄風和唱恭。
却憶知非應自笑，相期合在妙高峰。

從子道新三十初度爲詩期之

一別承明四十年，十年猶在仲容前。公車意氣頻看劍，
露布才名好著鞭。下里曲誰賡白雪，驚人詩合問青天。
今逢肇錫嘉名日，叢菊開成筆上蓮。

九日書懷

風雨城頭送酒頻，重陽六十五回人。籬邊看菊圓通耳，
薊北登高夢覺身。冷淡長心諳白社，遮藏短髮謝烏巾。

平生別有悲秋興，一任茱萸滿路新。

浮山二首

驚濤漩洑湧爲岑，閣道氤氳海藏深。東嶺磬聲西嶺出，
上方香氣下方尋。山雲水石年年話，壇月松風夜夜心。
三十六巖何處是，空餘殘局待知音。
山詩有月在碧天風在松之句

雲峰隱約千年寺，蘭若蕭條六代名。挂錫有龕禪窟冷，
布金無地寶階平。碧桃翠竹閒清晝，虎穴龍湫鎖化城。
水月道場聲色裏，誰能端坐學無生。

別浮山

昨來迴車日已曛，塵踪羞說北山文。因尋洞壑留清夢，
暫惜峰巒怨白雲。檻外石龍眠自穩，崑中仙漏夜誰聞。
何年白却看人眼，閒對青松野鶴羣。

別九華山

踏碎蓮華路不迷，出門長嘯楚天低。青山送客忘三笑，
綠樹隨人過五溪。洞裏烟霞晴自散，雲邊鐘鼓鳥空啼。
殷勤更上層臺望，怪得羣峰似掌齊。

碧雲寺同諸子水亭流觴作

巖下荆扉夾路開，中天翠色滿樓臺。人從竹徑穿雲竇，
水遶林亭送客杯。乘興未應彭澤去，前身莫自永和來。
新詩更與山林約，好爲烟霞長綠苔。

喜胡伯玉登第

曾向長安賦壯遊宮袍新著舊風流天從閭闔開金馬
客自雲霄控紫駟雷雨已知龍是劍文章應似屨爲樓
何年玉樹重攜手記得花磚日影秋

贈勿銘弟北上

共道延陵有士龍心華開作玉芙蓉莫將雁字憐秋葉
早趁鷓鴣班曉曉鐘東漢郎官尊刻宿西京邦計重司農
頻年赤地蝗飛急民瘼何方達九重

送馬見岷邑戾北上

拚却空囊贈一錢憐君惟有舊青氍鵬風自合南溟徙
龍氣遙知北斗懸報國尚餘焚草日懷人長似種花年
前殿驚飛鳥共道王郎本是仙

壽盧江張慈人八十

乞火曾驚步步遊斑衣捧出女中仙青鸞戶外窺人下
丹鳳堦前傍母眠散髮自將雲作膩洗頭時滴露爲泉
尊前莫怪麻姑戲領得春風八十年

戊申冬七日從家兄與甫移居西舍卽事

山城爽塏卜居新四壁蕭然未是貧尺地暫爲家食伴
寸田常作耦耕人百年七邑尋常事一往簪纓老大身
莫戀樊中能接翼早追鞭影出風塵

齊重客年滿五旬因賦以祝初度而余亦四十九

矣同心白首情見乎辭

晏坐無心乞大還虛舟原不繫人間獨憐醉竹能同調

何必仙桃解駐顏老太公書休北闕朝來著屐爲東山
莫言高卧無官政帖石開牀未放閒重客以五月十三日生因榜其居曰竹醉

壬子六月二十八日記事

欲向人間老鄧攸還憑遙集起風流耳邊飽聽駒千里
身外真成海一漚清白先臣臨七邑支離盲史祝箕裘
蘭芽桂實爭能料才到丁年百不憂

姚母王碩人五十

轍佩翩翩季孟間饒渠半百侍慈顏儘耕未必常偕隱
捧檄誰能久在山一壁堪爲明月伴六珈應逐彩雲還
前年漢殿廻青鳥須遣雙成報阿環

贈醫蔡濟川五十

五十年來髮未霜每食佛日宿僧房門前橘杏千株秀
室裏芝蘭一味香斷酒更宜歸白社燒丹應爲伴青囊
娑婆五濁誰能療百草頭邊是藥王

輓何仲嘉方伯

琴鶴蕭然使者車床頭空積子雲書遺清豈爲金難守
比德原如玉不如屈指女郎須賣犬傷心官舍尚懸魚
修羅掩却玻璃殿長夜漫漫恨有餘

望九華山

萬仞青冥混紫霄卜居應得傍漁樵空中幻出仙人掌
天上潛藏織女橋驚嶺亂翻蒼玉碎龍宮深駐白雲遙

化城已自非塵劫夜月禪心共寂寥

哭蕭提扶二首

壯士長歌俠客行當時白眼自縱橫已知身合歸塵土
何必書堪記姓名作客半生裘已敝懷人雙淚劍孤鳴
殷勤爲作遼東鶴無奈招魂萬古情

誰云分手易前期遠道于今不可思酒態已隨橋杖盡
交情獨許范卿知十年江海論心地千里悲風入夢時
不用含悽題恨賦篋中猶有送君詩

從孫德常三月而再舉子詩以志喜

蘭湯頻浴弄璋雛服媚遙憐風骨殊天上三回蟾吐玉
人間兩度鳳銜珠起超共許機雲輩咄咄爭傳孔釋徒
便與難兄成鼎足薛家園畔聽郎都

雪僧二首

不二門中色界迷驚看老衲自天西朝供乞食偏宜乳
夜對翻經不用藜舌相誰聞獅獨吼身形真可鶴同棲
寒山一句分明舉莫向寒山句後題

昨夜菩提樹有光齋頭片石坐清涼削成世外崎嶇骨
冷盡人間熱惱腸鉢鎮滿乘天際月袈裟不散曉來霜
亦生亦老君知否幻出空身作廣長

雪姬二首

冷豔空光一倍嬌夜深高燭未應燒樽將滿月開粧面
束就行雲作舞腰纖手不持青玉案芳魂多在白銀橋

瘦來莫把春風恨金屋嬋娟總寂寥

素娥青女兩疑猜竹下池邊絕點埃顏色肯教脂粉汗
風流不逐雨雲來輕盈玉樹含嬌立冷淡梅花帶笑開
一片冰心誰薦取滿天霜月浸樓臺

尋遠公談立巖巖壁有中秋紀事詩

仙源盤谷轉孤峰八月濤聲萬樹松壁石自驚人去後
空山時見虎來蹤洞門面壁蒼苔合月窟臨關紫氣封
千載重逢是今日林間分得飯時鐘

遊仙詩二首

海天東太是瀛洲羽翰翩翩恣遠遊衣重五銖雲自煖
哥輕一葉水初秋丹臺日射黃金鼎玄圃風清白玉樓
仙洞簫銀漢曉蔚藍花發五城頭

聚窟洲前海嶠危天台峰下石梁欹閒將玉枕三生夢
幻作柯亭一局棋寶月金華生碧漢蕊珠香霧滿瑤池
竭來不淺蓬壺興惟許山中鶴夢知

乾寧先生神室二首

谷口先生此息機丹丘石閣擁高扉山中玉粟和雲擣
月裏金苗帶雨肥客夢欲醒千日酒仙遊初試五銖衣
翩翩羽翰扶搖上會見龍光入紫微

石室玄宮倚沈寥藤蘿松桂晚蕭蕭紫霞欲送丹爐暖
絳節紛歸玉洞遙雷雨滿天雙佩劍金銀橫海百花橋
神人昨夜傳消息緱氏峰頭坐聽簫

贈法侶

吹笙引入白雲鄉不及維摩日月長五欲鉤牽爲智種
六根清淨伴空王指揮巒嶽山頭鶴檢點成都市裏羊
憐我遜條有尊足爐邊分得禹餘糧

甲寅三月七日紀事

初度尋常事今朝五十年詔忘金馬待德愧木鷄全官
政南山謝君恩北闕懸沉冥從眼白寂寞爲珠玄僧供
山前粟人華社裏蓮吹塤風六息烹石月重圓鏡解呼
鸞舞琴堪挾鯉仙共將垂栢意拈作散花禪視足猶遺
土存心可事天鍾情遲暮恨惟有蓼莪篇

甲寅元日自壽

舊癡性癖知應少老病心閒笑轉新鵲履未能趨晚列
鷄符端已閱多人拋書直欲超三際看曆俄驚到五旬
敢謂龍文歸舊史翻從鯉對憶先臣家傳忠孝慚無述
道在希夷可具陳射斗尚沉豐令劍彈冠虛佩魯儒紳
乾坤冷落同羈客丘壑畱連作放民報國猶憐來日短
營生每較去年貧圓通耳觀旋諸漏寂寞情根映六塵
火宅總消居士室化城重御汰王輪掌擎妙喜言思斷
芥納須彌意句親本爲祇園呵住相偶將姑射發初因
華池浴處肌如雪玉液烹時色勝銀混沌後光忘守黑
窈冥中信乍懷春醒酬夜飲招金母沆瀣朝餐養谷神
去病渾疑逢扁緩遠遊聊復伴靈均襟裾縹緲隨鸞鶴

島嶼參差長鳳麟寶月深籠優鉢蕊春風偏拂醖摩巾
久諳西極瞻黃面還逐東方拜紫宸二氣氤氳常聚鼎
一腔雷雨足亨屯洞前叱石占符晉臺上吹簫曲似秦
數過崑崙青鳥狎頻添肥膩白牛馴狂顛自覺嘲難解
出處終看德有隣十載烟霞周甲子幾迴衾影謝庚申
浮漚世界俱成幻孟浪形骸莫認真今是昨非滌玄覽
杏壇蓮社等空身

舍侄體中開府西川討逆瀘水蠻微甫靖峨岫早

登遂感佛光彌勒法護聊因雙鯉報贈七言既

賀成師且旌同好兼謝新詩問遺五十初度之

辱凡二十韵

廟廟康樂綰銅符慷慨王陽道上驅躍馬城容人緩帶
浣花溪映客投壺府中金矢供飛輓麾下旌旗擁殿徒
夢破三刀蠻瘴淨身橫一劍戎樓孤戎行鎮定如文國
軍禮分明似亞夫熊虎氣驕能陷陣鯨鯢力竭總成俘
攻心豈必多擒縱得首聊堪罷轉輸刀斗夜閒千騎墨
鄉筒春入萬家醕肯教壯士嗟行役還爲勞民請賜租
乘輿最宜探象窟佳兵莫遣到麟圖芬陀合在林閒社
香積頻開竹裏厨寶鏡影從銀海出聖燈光借玉岑鋪
臺空佛現應先覩樹老僧祥欲共趺餐食每聞新嬰鑠
詩篇猶話舊恬愉高情數問青山隱真宰那窮白眼途
露布傳時忘折屐綈袍解處想懸弧蹉跎忍聽遶東鶴

雙雙難翔葉縣鬼遠餉一雙驚赤棗浮山半百吟菱蘆
翻綠微尚憐稽叔忽憶同叅侍藐姑珍重渡瀘丞相栢
曾經鸞鳳宿來無

代內答嫂

玉壺貯清水揚芬爛雲氣不及乘鸞人吹簫下天際
哀劉將軍二首

喪却飛將軍不知亦流涕那堪行路人更墮遼陽淚
載得巴猿去空聞蜀馬還遊魂擁旌旆猶自嘯天山

太白書堂懷古二首

溪林咽危響怪石互吞吐不知澗下泉疑是山中雨
白麗新霽虛閣流丹霞青山結朱樓復作青蓮花

咏紅梅三首

宮樹生寒簇暗香東風吹錦散昭陽應嫌寂寞非春事
先與桃花試曉粧

小苑離離錦樹斜偏宜白雪護香霞壽陽宮女多愁態
紅玉粧成五出花

胡伯玉水部納壻署中喜贈二首

天上雙瞻龍氣紫人間五點嶽華青須君暫領乘槎使
管領牽牛織女星

一雙秋水沁芙蓉試向藍橋問舊踪從此紅顏生羽翰
題詩多在丈人峰

戴微之觀外舅禮部成讀書甥館喜贈二首

桺絮吟成思有餘仙郎萬卷擁樓居已知臺上金無敵
更道車中玉不如

愛酒耽書俠氣粗青錢三百爲君酤不知博浪沙中事
消得燈前一斗無

代內寄胡水部伯兄三首

家在城中甲第開連枝玉樹倚雲裁大兒文舉眉偏白
贏得絲綸闕下來

青雲萬里一身遙嫁得梁鴻遠市朝恰似豔陽花萼在
啼風笑日不同條

仙舟自合有雲翹不信弘農倍寂寥除却白郎詩思在
還喚作瓊瑤

贈齊重客北上兼呈胡水部二首

俠骨飛揚作遠遊春明滿目仲宣樓莫教花鳥愁佳句
惹得秋霜暗上頭

君到金臺爲重客人傳水部是仙郎經過桃李空相憶
白雪從來避豔陽

閨怨二首

金博山爐沉水爇春盤纖手勸加餐細腰不得明珠賜
坐對空倉雀影寒

君覓封侯妾擣衣曾經折桺尚依依蛾眉不識燕臺路
莫擬千金換馬蹄

甲辰宮詞二首

歌塵纔散舞衣閒，冷看春風幾度還。流出上林多少葉，不曾題字到人間。

一片朝華墮御溝，深宮盡日迴添愁。朱顏自是無根蒂，莫道君恩似水流。

張含之水部數得麗人為賦二首以美樛木

床頭肯把黃金惜，鏡裏爭誇綠黛妍。莫道仙郎渾見慣，一回春色一回憐。

一回春色一回憐

柔柔芙蓉避牡丹，且移芍藥近朱欄。嬌紅脆白無多力，莫道春風送曉寒。

送牧之侄試陪京二首

唐兄文戰入回秋，劍氣干霄尚未收。此去阿玄須努力，

一曲大江流。

射雉偏憐一矢工，石頭城下有雄風。琴尊水月烏衣巷，多少樓臺六代中。

宮詞六首

敢論顏色欲傾城，曾得君王記姓名。一卧長門憔悴盡，斷腸春夢不分明。

萬方頻送天顏喜，五色祥烟動袞龍。爭得監官來引出，暫時隨例作昭容。

懶勻螺黛拂花鈿，金屋高寒象篆烟。贏得一雙團扇手，朝來合十對青蓮。

似曾為雨到陽臺，花外鶯聲却自猜。一種閒居諸女伴，

幾人前殿按歌迴。

曾窺王母殿東頭，擬逐飛瓊事遠遊。莫遣玉堦明月夜，無端常只對牽牛。

試把離騷讀幾行，有時顛倒舊衣裳。妾心自愛秋蘭佩，何必君王賜國香。

吳氏令則

宮諭宗一公之長女方伯虛白公之冢

與左傳

歸諸生何應璩之妻也應璩少負文名

博通經史

少從宗一公學詩聲調婉麗尤能相

再寄玉之

君去門蕭瑟，草徑少人行。躑足差萱信，徘徊夢不成。鳥

思依依蝶舞正，營營迢遞超。一載悶積鬱，曾改集風

帶愁盈盈落，落海常憶送別時。含淚復含悽，莫能生

羽翼飛去與君齊。雁逢春北向，燕來尋故棲。遊興若飄

颺，焉逮還故鄉。逆水蕩孤舟，順風久非長。羅袖斑痕跡，

君聞能慘傷。白晝懶妝束，花鈿沉空箱。

畫倦

日高鳥亂小，窻前風煖花。明四月天晴，踏香堦。紅砌地

倦扶竹几，碧生烟。堪憐幾處春啼血，漸看新荷夏叠錢。

且撇米鹽隨筆墨，好吟詩句二三篇。

返照

值王之初歸日

日暮寒塘落水漣，殘雲歸岫露新絃。蓼花入夜偏能好，

楓葉先秋即自憐。清澗倒垂天際影，夕陽斜墜月邊泉。

那堪千里重攜手回首烟波思惘然

掌珠吟 有序

予之挽鹿車于夫子也廿餘年矣長庚之夢杳然克問之慶難再雖荆釵裙布日操作而前然未託掌珠維憂用老今夫子鑒予淑忱屬爾新占服媚有懷躍躍情見乎辭

七鬯頻占寤寐思謦巢端可博螽斯宵征月映芝蘭秀夜告心將官蒯知夢裏石麟應有種懷中玉燕自多奇桂花宮錦歸來日好爲寧馨問屢屢

春日病起

春色曉悠悠綠柳紅梅不解愁何事離人經眼去
攀折便成秋

龍眠風雅卷九目錄

木厓潘 江蜀藻輯

京口何 聚雍南 祭

同里李 雅士雅 祭

方大鎮 十八首

吳用先 三十一首

齊鼎名 五十三首

胡 瓚 六首

胡 珍 二首

姚自處 一首

方學權 一首

方大年 一首

方大益 一首

方大猷 一首

方大式 一首

龍眠風雅卷九

目錄

龍眠風雅卷九

木厓潘 江蜀藻輯

方大鎮

字君靜號魯徵萬曆己丑進士授大名推官至皆有實政特疏為陳簡討憲章胡布衣於仁請其父明善先生之有親黨毀書院公推得同人于野迷乞休自號野同翁七十廬母墓而終所著有易意詩意禮說文集語錄數百卷門人謚為文孝先生

孔廟

下馬入闕里齋心拜遺像。廟貌王者尊。春秋盛於魯。誦讀空有年。今茲快瞻仰。聖道本日星。如何墮榛莽。酌彼洙泗泉。覆幬無下上。尼山不可攀。攀者非一往。天地作宮墻。金石至今響。

富池驛

龍眠風雅卷九

曾聞山鳥掌中食。今見江鳥帆上集。舟人圍餅擲虛空。羣喙啄之無一失。相傳此鳥似有神。飛舞迴翔長近人。翻笑三更蜀帝魂。萬古熱血啼殘春。

勘獄黎陽值雪

飛旌破清曉。舞雪何翩翩。郡邑不百里。陰晴如兩天。冰從黎水下。雲自大任連。應有鄒陽泣。誰為一解縣。

癸丑余自中州以九月三日解任八月抵舍望日

壽母二弟君節成進士亦以三日履任刑曹不

約同期感作是詩

霜露滿天地。琴書仍草堂。世情危澗瀕。吾意快滄浪。白

髮迎門喜。黃花注酒香。一經懷二魯。羔雁愧元方。

一自登車後。中原感慨多。田園盛朱邸。雨雪散黃河。鴻雁秋歌切。豺狼畫影過。也知人避馬。終不勝烟蘿。

龍冲見趙中丞墨跡

一入龍冲路。因知黎水源。淫雲翻瀑布。陰樹劃天門。訪隱惟村老。逃名只酒尊。中丞題識處。怪石長荃蓀。

題浮山野同巖

天啟甲子並得同
人于野因題此巖

浮渡吾鄉里。虛舟免問津。有巖堪刻字。何處不同人。太古歸高咏。傳家此析薪。天池原易汲。滿酌洗紅塵。

蒼巖

蒼巖萬丈控。陁開一磴巔。屹一手攀礙。日叢林寒玉井。

龍巖風雅卷九

憑空複道駕龍山。香浮几席仙人下。雲接招提帝子間。丘壑煉成牛馬。禿風塵。慎重鬚毛斑。

王乾山之撫州

劇郡誰提聖主封。一封標出舊司農。符分漢殿銅爲虎。

雨過徐州馬是龍。江上烟波憐獨往。客中鷄黍喜相逢。

恒山一道君先度。還踏匡廬第幾峰。

長安春興二首

蓬萊日轂擁天顏。玉殿高居霄漢間。赤汗如雲羅紫塞。

黃金爲土貢青山。繭絲使者貂冠出。露布將軍鵲印還。

正是平坡憂十漸。衰衣曉夜不曾閒。

春風燕市畫蒼茫。何處荆高醉酒場。一筑斜陽寒易水。

千秋俠氣掃阿房。吹光久拭雙龍劍。卧雪希聞七寶床。共道陸沉堪避世。可緣虎鼠薄東方。

贈高景逸先生奉差還

本爲諸公負笈來。祇因飄散各徘徊。使旌北道春三月。請席東林第一臺。吾道自看川上月。天心呼出臘前雷。

惠山登眺應多暇。寄我寒泉可數杯。

丁未十五日謁先高祖天台令祠

百里分符許致身。三春時雨足車輪。兒童九月喧馴雉。天地千秋黯絕麟。霞起赤城標畫棟。雲高玉笥護貞珉。

當年賸有桃花米。歲歲春風入藻蘋。

贈成都諸公

龍巖風雅卷九

清暑優游愧伐檀。星槎歷盡萬重難。人經鳥道雲霄接。吹急猿聲雨雪殘。石竹老知臣節苦。錦江波識帝恩寬。

功高上賞諸公事。做轍無嗟行路難。

壽吳觀我太史

溪社盤桓舊結盟。好掀塵尾聽無生。年深甲子人逢綠。

歲掃庚申誰姓彭。日永上樓金紫秀。春臨高閣蕊珠清。

毫端天地長如此。衝破青雲不附名。

和何芝嶽太史雪僧雪姬詩

原來火宅本清涼。水月成田種道場。天以大青還縞素。

筆將太白攪玄黃。身披祇樹霜前色。骨沁梅花冷後香。

一陣清風朝日出。不妨玉麈掃空王。

尸陀林裏總堪疑空谷無根放一枝冷斷巫山誰是夢
飛來石女自招詩婕妤好純素新裁後學士冰園欲煮時
最是玉堂能白戰香爐紅火莫相思

丙寅七月既望泛白鹿湖不疑先題兒炤繼之因
卽其韵

賦手曾開赤壁秋祇今白鹿卽黃州月從既望收佳客
天命平湖畫小舟山雨送涼堪痛飲晚雲開霽見清流
親依寶鏡裁新句老眼還須秉燭不

吳用先

字體中號本如萬曆壬辰進士初爲臨川令
七年守正不阿隨縣除戶部主政尋改職方
典閣試稱得人景遠浙東爲政平恕晉台布政推
方面第一擢都御史巡撫四川時播爲蜀忠公督
大將劉綎討牛之
乞歸又八年起通政使以樞密總督山西陞辭改
崇禎初特賜贈蔭孫孫所著周易後語寒玉山
行世

重陽日雅州視師作

遐荒多晦雨九日喜晴旭乘霽望茶蒙翠黛迎遐囑溪
流常在耳潺湲無斷續置身山水間宦况詎云俗烹茗
焚異香對酒采黃菊何事復登高几席烟霞足三秋一
轉盼萬事空碌碌浮榮非所懽願以安全蜀商風振鼓
聲寒日照旌纛克敵如摧枯掃此狼烟酷

重九雨阻勝遊酌家芙蓉閣

荏苒秋云暮霜露忽淒零片雲挾雨飛寒風肅肅生佳
序當九日虛負登高情謀婦具杯酒携向家園亭佳樹

牖中列鳳臺堦下陳敞閣暢玄覽清訝發妙音仰霄聽
候鴈窺川俯遊鱗馨香摘蘭蕊斟酌泛菊英雖阻賓朋
集聊與骨肉親林泉有真樂吾欲薄榮名

花朝前五日朱憲昌同林季偉江禎生素園小集
分得裏字

暨稅塵鞅還舊里叢桂幽篁吾所止三徑適然半掩扉
焚香宴坐春風裏臘有木石佐蘭尊時看烟霞生琴几
况值中和節氣佳花事殷殷簇紅紫枝頭一鳥弄新聲
頓滌煩襟清人耳座中有客並琳瑯藻句續紛動盈紙
大言如玉小言珠故侶新知倍堪喜不分晴暉向夕沉
坐待明月山間起勸君有酒休便辭眼見春光似流水
春光已過六十日衙齋不見春消息昨夜東風入絳桃
枝頭盡染胭脂色曉來少婦倚窓紗妝成臨樹自矜誇
豈知朱顏易銷歇安能歲歲如桃花

八功德水

聖水多靈異香生泛沼蓮樓臺三界上松栢六朝前逕
曲花宮敞山溪石室懸維摩與大士說法尚依然

登來青亭

臺迥開涼榭山高擁帝城亭從雲外建人似畫中行翠
壁垂蘿滿青天度月明况逢支遁話頓覺六根清

吳興舟中泛月

早秋問霽色爽氣淨長空疎樹明晴影寒流蕩晚風層
霄無點翳破浪有飛篷對此清虛境扁舟似畫中

苦雨

正月連三月何曾十日晴陰霾花減色冥晦鳥無情虛
室侵書潤閒堦積蘚平最嫌舒晚照猶帶黑雲橫

登虎丘

獨擅吳中勝禪林傍翠隈劍池開絕巘石鏡展平臺嶽
色千年秀爐香萬劫灰碑陰尋古字一半獨莓苔

贈貝林上人

絕頂空山寂惟將貝葉翻梵書窮本末密呪演朝昏世
汰了無染禪心終不言孤雲時獨往流水護柴門

奉命撫蜀川東道中偶拈

自昔空歌蜀道難而今險阻備征鞍天降五尺車還進
路入千盤嶺更攢叱馭王尊惟報國渡瀘諸葛早登壇
此行祇欲遡疆靖奏凱聲聞即挂冠

寄黃貞父

曩與貞父時探西湖之勝御清
而聽芳詞今杳然如夢矣

濯錦江頭看碧波懷人無奈月明何酒間雅調尊前絕
湖上幽尋夢裏過水部風流真慷慨巴川節鉞愧蹉跎
夜郎若得烽烟息竹閣還來訪綠蘿

竹樓余與
貞父共建

過淇謁殷太師比干墓廟

駐馬扼衣謁太師精忠耿耿動人思一腔熱血爲誰剖
七竅丹心祇自知故國舊墟荒草斷幽祠孤塚白雲低

古今不盡興亡恨閒倚春風聽鳥啼

湯養仍貽書以詩答之

不見維摩十數年毘耶丈室想安禪故人離索誰堪語
白日蹉跎祇自憐芳訊入懷珠滿腹琅函展誦舌生蓮
如君交誼凌千古楚水吳雲思渺然

奉祝客卿太史五裘二首

桐川才子玉堂仙謫向人間五十年誼疏萬言珠自貫
題詩一字玉堪鐫長生願效岡陵祝不朽名將日月懸
我亦大羅蓬島客蟠桃遙寄入華筵

蚤從金馬遂初衣鎮日安禪晝掩扉丈室維摩堪示病
碧山學士久忘機心如明鏡同圓照舌是青蓮說法微

願海無窮常住世天天眼目共皈依

雨中登徑山與澹居上人夜坐

碣石開山意若何靈帛千載鬱嵯峨幾盤翠岫穿雲度
十里青松帶雨過寶蓋烟蘿香霧裊珠林鐘磬梵音和
清霄喜對支公話把臂中峰一浩譌

送澹居歸餘杭

方外知交絕世情翛然飛錫到蓉城來時寒照三巴雪
去日春啼二月鶯巫峽迢迢層嶺翠洞庭渺渺片帆輕
送君高卧徑山裏余亦歸尋鷗鷺盟

連上三章仍奉勉留之命歸心如焚賦此撥悶

聖書新見九重來三錫溫綸不許回齋戴愧無涓滴報

樗殘豈是濟川才身非金石憐蒲柳意在烟霞戀草萊
歸夢况驚搖落候不禁秋思滿琴臺

莫春得家太史客卿叔書却寄

處處垂楊處處鶯楚天吳水動離情竹林肯負烟霞侶
蓮社終期鷗鷺盟忽報瑤函青鳥至遙知丹室白雲深
多君已契無生旨九轉何須大藥成

繇采石達牛渚

岸聳江亭入翠微江濤鎮日薄烟霏蛾山對峙天門闢
牛渚中澄玉鏡輝幽樹何心來夕照好風無意入人衣
月明猶自當年色白也風流去不歸

自白門歸雪中齊重客移席祖餞有贈步韵留別

壺榼相將日已斜閒亭對飲聽琵琶寒侵肌骨全慙酒
風攪瓊瑤亂著花譙閣五更偏遣典郢歌一曲自稱嘉
來朝匹馬金陵去寄跡人間不問家

齊重客示除日立春詩索和用庾原韵

居諸荏苒歷風塵六十韶華夢裏身曉漏矍矍驚送臘
穉兒踴躍起迎春椒花入酒陽和轉梅蕊窺闌淑氣新
樓望四山皆白雪歌來郢調倍精神

借眠菴

人世總蓬廬心空境如借栩栩莊夢醒北窓明月射

秋影亭

金風下一葉月光不可掃幽亭堪據梧閒雲過飛鳥

寄大海禪師

鳥語花開憶舊山樓高百尺萬峰間却憐紫竹蕭蕭處
獨有真僧畫掩關

春日署中有感二首

半百浮生嘆轉蓬客意無語對東風春光不管人頭白
楊柳青青花又紅

駘蕩和風颭柳斜龍山雲樹望中賒驚心最是春三月
辜負一年桃李花

送田姬

當筵一曲唱陽關我自微醺卿自還携手下階孤月出
分明照見別時顏

玄墓閣上望太湖

和日晴烟向晚收平湖縹緲水悠悠月明不盡看山興
更上華嚴自倚樓

雪中登五臺山二首

懸崖絕壑幾紆盤贏得山川畫裏看磻底鳴泉千丈練
雲邊飛雪萬峰攬

山色瑤瑤滿四圍霏霏片片點人衣藍輿不盡登高興
肯似山陰放棹歸

齊鼎名

字重客蓉川公之孫與弟琦名並有文譽歷
飽天下佳山水嘗當按方寓賢士吾必不負此七
尺也一時海內名流倒屣延致同里如何相國如
寵吳宮論應賓胡大衆頃吳司馬用先劉大理胤
昌皆樂與之遊詩文唱和風流弘長晚年刊落浮

雜咏

惠施奄物化莊生結此舌鍾期不復生伯牙絃亦輟六
合豈不廣知音寧再得夏蜚難語水蜀犬安識雪

吾愛鴟夷子霸越遊五湖所至營千金將無行李汚吾
幕魯仲連功成賞不居蹈海恥帝秦飄然雲與孤烈士
自有心俱足全其軀悲哉雲夢後待烹何其愚

漂母哀王孫望報非所思浣女憐英雄仗劍決其疑蘓
秦傲黑貂嫂不爲之炊買臣昔未貴生妻請去帷貧賤
士之常知遇胡可期舉世尚皮相促促靡所之

大鵬怒而飛浮雲垂其翼斥鷃槍枋榆翮然亦自適鳳
凰雖苦饑寧爲腐鼠嚇冥鴻無所謀慕者空加弋人生

石火光濛汜何相迫鬱鬱苦自煎少壯頭忽白富貴如
可求執鞭吾不惜

寶劍篇

君不見斗門山高接天鬼母夜哭愁雲烟紫氣搏風撼
牛斗中有神物埋千年由來神物出有時石函迎刃光
陸離龍鳴虎吼文如龜田夫目眩不敢窺狂呼奮擊瑤
鍾折精芒墮地寒雲飛鍾靈無乃真宰忌何物瓦全悲
玉碎雷轟電繞百怪滅芙蓉一片秋空裂青苔日午翠
色流硃砂半漬當年血悲鳴中夜思其雄令人轉憶張
司空英雄意氣貫白虹折衝起舞舞驚猿公君不見晉鄭

興師圍楚國引劍登城士卒惑又不見延平津上化爲
龍沒水求之不可得千金一擲買純鉤豪曹巨闕卬敢
儔只今南北羽檄飛神州我欲提攜四海遊左斫單于
頸右斬越王頭功成畫麟閣談笑取封侯安能久事筆
硯常窮愁

登嶧山四首

策杖度崑崙星辰掌上看丹爐黃葉合碧殿白雲寒禹
貢孤桐老秦碑小篆殘振衣凌絕巘選石坐盤桓
鬼斧何年鑿山靈酷好奇懸崖瀑布落怪石累丸支寂
寞羊車冷紆迴鳥道危不妨風雨惡隨處倒金危
不淺登臨興峰頭坐未還洞疑通地肺人似叩天關海
色虛無裏鐘聲杳霽間雙仙有靈藥乞取駐紅顏
芙蓉削五華雙袖拂烟霞石罅玲瓏出雲梯上下遶秦
皇曾駐蹕都鑒此移家回首人間世秋空落日斜

初度

爛醉酬初度生涯竟輾轉愁隨貧共駐年與病爭多禮
法淹城市山林想薛蘿吾希抱甕者何事五噫歌
同林渡之諸君飲張立夫園得青字

落日登臨好樓臺混紫冥梨花幾樹白芳草數山青谷
應簫聲響風吹酒態醒莫辭明月上春色易漂零

江舟夜雨解悶

青燈黯澹看杯酒不成驢歸夢江聲破孤衾雨氣寒祗

嗟人面薄。誰問客衣單。一水家山隔。高吟強自寬。

燕子磯晚眺

孤櫂殘霞引危崑。倚杖登潮聲連鉞。雲氣護金陵。燕掠江邊雨。烏啼樹裏燈。六朝歌舞地。猶自說山僧。

遊金山寺讀胡虞部詩有感漫賦

如練大江澄空山。翠色凝波心標古。寺洞口引歸僧烟渡。迷楊子寒潮接廣陵。驚人佳句在欲和。媿無能。

吳宮懷古

寂寞故宮荒。烟波正渺茫。采蓮猶有曲。響屧已無廊。葉落黃鸝老。河明烏鵲涼。江流渾不盡。應與恨偏長。

登虎丘寺

琳宮翠幾重。倚杖眺諸峰。靈跡金銷虎。清池劍化龍。雲衣留蔓草。寶曆學芙蓉。頓覺浮生力。西風急暮鐘。

四弟濯龍館成賦二首

市隱余將薄。幽棲爾自偏。庭花嬌浥露。岼岼老含烟。曲水堪浮白。虛窓足草玄。到來機事靜。相對興悠然。平野舟車穩。滄波水檻浮。漫呼石作友。寧藉橘爲奴。接葉藏黃鳥。緣溪狎白鷗。好奇兄與弟。不淺漢陂遊。

上巳前一日清明飲燕及南莊

舊隱南塘處。新營更可憐。翠深楊柳岼。香滿菜花田曲。水先修禊村。酤不禁烟。醉歸幽興暢。纖月馬頭懸。

同燕及遊齊山

來遊三載隔。瞥見柳垂堤。與客尋僧話。當窓聽鳥啼。石奇循蹕轉。帆遠飽風低。合我移家隱。山名舊是齊。

平昌得越石薦章志喜

劇郡勞吾弟。殊方得薦音。似看循吏傳。差慰旅人心。灘險迴波激。崖巉灌樹深。衰顏畏嵐熱。取道入山陰。

池陽旅夜

客舍仍多病。淒涼轉不勝。藥裝全仗友。繩榻半分僧。潮長寒生夜。窓疎雨暗燈。無眠數更漏。歸夢杳難憑。

七夕苦旱憶登衡兒

故里人無雨。他鄉又見秋。雙星渡河漢。孤客限江流。書斷嫌兒懶。年荒重婦愁。不知今夜月。何處照針樓。

遊浮渡山石龍峰

醉倚峰頭跨石龍。仙人蹤跡薛苔封。開前欲墮三門月。樹杪初聞半夜鐘。坐覺水光侵澗竹。行看雲氣入崑松。老僧亦解譚玄意。指點青山到幾重。

送趙生遊武夷

壚頭拚醉酒。頻賒一曲離歌。日又斜。何處憐才無地主。暫時分手。卽天涯。大王臺上雲爲幕。玉女峰頭雪作花。最是閩南名勝處。莫將遊屐老烟霞。

吳斗野白雲巖山莊二首

仙郎青鬢挂冠年。咄咄疏公未是賢。早把身從明主乞。懶將腰折督郵前。竹邊小屋藏茶鼎。樹裏橫塘過酒船。

願得廟廊無闕事北窓紅日任高眠

一丘儘可作生涯事事真如隱者家細雨池塘飛鷗鷺
晚風樓閣護烟霞已裁陶令門前柳猶種潘郎縣裏花
急管繁絃銷晝夜應知不復戀京華

登岱嶽四首

躡屩東來禮岱宗青天一壁削芙蓉懸空飛瀑晴沾袂
度磴浮雲莽盪胸漢祀尚留司馬草秦封猶見祖龍松
由來帝座通呼吸昏黑還登日觀峰

日湧扶桑海色丹峰高四月晚偏寒天門縹緲三千界
鳥道紆迴十八盤無字碑深春草繡屨經石冷雨花殘
倦來濟勝渾無具欲向仙人覓羽翰

高居青帝敞琳宮齊魯遙遙指顧中玉女池邊虛皓月
丈人峰頂起雄風松枝半落龍鱗老華表千年鶴影空
夜半披衣登長嘯一時空谷響玲瓏

倚天御障亦雄哉回首滄桑重可哀誰向烟霞藏玉檢
欲將名姓問丹臺爐香暗自雲邊落練影遙從海上來
何俟人間婚嫁後飄然身已在蓬萊

胡水部招飲任城太白酒樓下有瓮泉

太白高樓濟水濱諸川歷歷抱城闔當年不盡池中墨
異代重瞻醉裏身明月可堪呼佐吏青天何處問詞人
仙郎愛客偏投轄絕勝風流賀季真

將赴胡虞部燕市之約惜別吳太史

春草萋萋烟樹迷同心何事又分離身閒有嶽遊禽夏
母在無田隱介推坐上雨花君自落客中風木我增悲
縱令地主交如石那得天涯鬢不絲

再別胡虞部

天涯節候感蹉跎握手其如別恨何徐底辭劉心獨苦
莊生吟越病偏多愁來雪路迷鴻雁歸太春山長薜蘿
最是郵亭相憶處梅花月落影婆娑

澹居山人閉關天目忽至宛陵以智脫湯太史難

復入燕臺爲之昭雪訪余胡虞部署中感其俠

氣尚存卽席賦贈

遁跡孤峰老歲華偶然飛錫向天涯遠公夢冷蓮花漏
季布身藏廣柳車水風波平指顧薊門霜雪酒漿
看君劍術遊三昧袖裏明珠轉自嘉

朗目大師護勅藏歸浮山復往沁水弔劉晉川大

司空

五載長安事聚沙風塵原不惹袈裟十行翰墨歸龍藏
滿字真文笑鹿車寶手布金成貝葉點頭拈石是蓮花
西行繞罷尚書塚莫遣空山閉紫霞

擬悼隋宮

宛轉迷樓最有情春光夜夜駐雕甍李花雪遏嬌歌響
楊柳風低艷舞輕江上龍舟終不返嘶邊螢火乍還明
東流似寫人間恨猶作遼陽缺騎聲

和何康侯雪僧

亭亭一衲映瑯闌雲際虛誇捧露盤錫振碧空驚鶴繞
鉢澄白水毒龍蟠袖珠玑樂逢人贈指月朦朧好自觀
不向俗塵生熱惱禪心元共水精寒

雪姬

姑射仙姬玉不瑕妝成綽約謝鉛華衣裁湘水雲光逼
釵彈隋珠月影斜漫擬尊前吟柳絮偏宜額上點梅花
冰心一片誰堪許冷落人間繫臂紗

秋日陪仲良寧侯同燕及未沫登投子山

高秋聯騎引行軒寶地曾開不二門隱隱山形留佛跡
萋萋草色怨王孫俯臨城郭千家小遠眺江湖匹練翻
惆悵趙州橋上坐寒雲漠漠鎖黃昏

辛巳初度

壽圖披對意茫然去此于今廿八年滿服孫曾催鶴髮
驚心鼓角助狼烟戴達難戀山中隱蘓晉長逃醉裏禪
獨喜故交霄漢上詩筒猶不阻江邊

燕及未沫王化卿過余溪上觀百節龍燈

誰結飛龍萬錦燈五花池煖濯春水參差鱗甲天然巧
宛轉精神畫未能領下寸珠將月闌頭邊尺木借雲升
技成甘謝朱汙漫且醉尊前酒似澗

吳客卿少余一歲曩以二詩壽余茲當五十初度

賦贈聊酬

悟却邯鄲夢裏身抽簪早已出風塵白牛露地常隨我
黃鵠摩天不近人才掩西園吳質富官如南海隱之貧
茲辰莫遣中懷動往事都消漉酒巾

懷儂歌三首

綵繩不盈尺鴛鴦繫不去柔腸若箇長繫郎心不住
歡心如轆轤一日幾轉移妾若三眠蠶難斷腹中絲
儂憎牛女星阻隔銀河影儂愛雙鴛鴦夜夜常交頸

曹沫

三敗何勞十萬兵壇前一劍任縱橫本貪仲父千金諾
不道齊桓不倍盟

豫讓

漆身吞炭最堪悲意氣由來國士知自是報恩疎劍術
可憐空擊趙襄衣

蔣相如

澠池進銳亦雄哉持壁何須衣褐迴不是龍蛇能幻跡
秦王地下已成灰

聶政

一諾深溪仗劍行暫逢知己便輕生可憐滿志藏刀目
博得人間哭市名

魯連

從來龍性本難馴蹈海辭金不帝秦血濺聊城生碧草
至今陰雨泣青燐

范雅

難將一歎塞深仇忍溺終爲萬戶侯莫道綈袍堪戀戀
公情只爲魏齊頭

荆軻

高歌易水淚沾裳一騎西行犯虎狼最是樊生偏飲恨
誰憐匕首泣咸陽

范增

鴻門玉玦不勝情從此君王獨遠征骸骨歸來秋草裏
漢家分釐過彭城

衡衡

懷中一刺向誰投千載空留鸚鵡洲芳草萋萋江水闊
思君船上仲宣樓

胡

璣字伯玉號心澤進士澤菴公之子萬曆乙未
進士初授工部都水主事分司南旺疏濬運
道有功充會試同考官所取皆名下士累擢江西右
叅政子告歸里聚書萬卷坐樓頭日閱一卷以自
娛所著有史奕尚書
過庭雅言解慍堂集

宿林泉

朝乞岱岳靈暮投泗水濱試問何爲者驅車良苦辛稽
古文命聖大智罕所倫祗緣念方割孜孜迄平成南衡
還北碣東蒙復西岷寸陰差是惜矧我猶衆人帝德通
玄佑瓠子久無薪九州來玉帛轉漕伏波臣荷重遙千
里于役歲三旬入山尋地脉繫有川澤因胡爲懷醜毒
跋涉憚荆榛枕流宵不寐披衣問前津願言助高厚効

此涓與塵

太公泉

靈源泄汶水傳說在山隈泉湧珠池迤流從銀漢來里
名仍舊蹟地脉喜新開我欲乘槎去飄然上釣臺
和太史何康侯年丈南池韵

供奉仙班玉署郎新詩爲寄墨淋浪自憐寂寞分曹冷
誰解炎蒸直閣涼嘉樹敢忘宜子譽亂荷猶襲令公香
雄名漫說塵工部檢點平生累酒狂

丙申暮春倪紹傳年丈約爲浮渡之遊已有公事
不果獨子偕於鼎季何仲嘉康侯四人者往今
鼎季物故又復二年適新志成不勝存歿之感

浮渡重遊爲探奇得來仙仗共追隨披圖忽憶
此太應題墮淚碑

濟上喜逢朗目上人兼呈客卿太史

當年浮渡曾飛錫此日松枝忽向東名理談來知幾許
荒官高座獨深公

署中懷客卿太史

仙郎病後已忘機剩有同心案與齊見說浮山今更勝
囊空不用買山棲

胡珍字仲玉號懷澤水
部伯玉公之弟也

登梁山二首

我昔乘槎海上來青山相對望中開白雲爭負仙人掌

碧漢遙通織女臺

話君擬是十年來醉酒還疑千日杯不向禪僧聽半偈已隨烟霧出塵埃

姚自虞

字智思號似葵葵軒公叔子萬曆初歲貢始舉軒公作感懷詩卒之後公兄弟四人並列舉軒公不及見則益相砥礪以明經久次貢春官因和感懷詩自是和者接踵公實倡之性辛友方正束修率賄諸兄弟弟尤貧爲置產慨然則更置如何符授經某家且辭去及代者事敗乃服公長者子之謫令海澄當校士公願家郵至左右避之舉視則教子廉慈語不及他使民爲之嘆服所著有白石山吟瑤壁語助添心子雜說者失傳

奉和先君子感懷詩

虞以諸生謬與 廷試觀帝京之偉觀九陌三

條堊建章之弘敞千門萬戶心懸昔者意感深

茲寂寞青也慨長轡之未駛蕭條猶免對短檣

以興悲因步先君子感懷詩韵率賦一章言意

不窮欣感并集

澤宮遺制主恩殊對策天人豈漫如雉尾欲開雙關迴

鳳樓不盡五雲孤青衫未敢悲牢落紫禁何緣逐拜呼

獨有蕭蕭風木怨白楊飄渺亦知無

方學權

字聖卿號曉厓詠詩有雅致能詩工書開寫文忠蘆雁彷彿其神人間多秘之父易號石

與子偕老詩

女姪適周子壺山周疾篤女刲臂一嚮進之病

良已姻黨義之爲賦與子偕老詩

我家兩姊能刲股姑有賢婦母有女而我女姪亦能之河洲三淑皆如許

方大年

字德起號桂峰少洲公次子豪邁有文風博學強記尤慷慨好義手藝甚富以尚後不傳

與子偕老詩

古云全歸乃能子然則虧體者何指時而泰山愛一毛時而鴻毛易九死君不見沙場有死臣又不見深閨有幾人都不求生以害仁

方大益

字鳴謙號龍眠桂峰之弟慷慨與兄埒而好施不倦兄猶謙讓未遑也鄉人比之王彥方

與子偕老詩

我室我室君之妹我姊我姊君之配姊也爲君捐其髮室也爲姊捐其淚從來憂悃皆知義何必讀書多同志

方大猷

字思儒號石楠邑庠生能懷慨持大義石洲公家室中祀克振之有詩集失傳

與子偕老詩

仲叔仲叔老且休有妹有妹嬪于周周郎齊眉三十秋有美舍之順而柔妹也賢聲著青史叔有女矣何必子

方大式

字君毅性孝友樂善不修大母與母俱矢柏舟登大壘邑令徐公以雙節旌之

與子偕老詩

何必非閨秀居然是母儀桂林真有訓松石不無兒七肉非長寸心只自知請看千古史博得幾行詩

龍眠風雅卷十目錄

木厓潘 江蜀藻輯

江寧余 懷澹心

同里姚文焱 彥昭

何如申 計三首

何如龍 六十二首

錢志立 二十五首

方大晉 二首

齊 近二首

龍眠風雅卷十

木厓潘 江蜀藻輯

何如申

字仲嘉號虛白棲霞公之仲子也萬曆乙未與弟如龍同舉進士初授戶部主事日毀戶

之督遼東糧儲不與諸遊大司農趙公南宮漢卿重
轉與京行頂爐然香烟罪數十里歷官嘉湖參政
轉浙江右布政使卒於公以名行者聞引疾歸里
清白吏者咸推公為最焉

夜渡淮水

渡頭疎樹晚淮上片帆過津鼓逢迎急漁燈點綴多烟

青浮睥睨水遠入星河兩听荆扉掩空餘月滿蘿

陪劉明府龍眠春省

望望青郊遠行行翠岫深片雲團鳥影一水得琴心

道藤蘿外鷄聲桑柘林何如羊叔子畱石在高岑

登戲馬臺

澤國山河壯巖城鼓角餘奔流交汴泗密樹引舟車日

落荒臺古烟沉霸業誰歌風懷不盡平望獨躊躇

豐沛道中

曲曲堤如織行行水共斜鷄鳴原上牛鴈宿渚邊沙白

日寒衣帶黃塵拂劍花歌風思猛士舊是漢王家

宿桐城驛

極目關河異驚心驛路名已拚千里意忽向一時生寒

雨孤燈色空亭落木聲定知不成寐獨坐夜淒清

遊浮山

珠巖石間畫陰掬水流香谷口溪幻出芙蓉青萬疊
怪來虎豹碧千尋興移危磴苔茵滑步入幽棲花雨侵
何處有人空外語高僧說汰海潮音

朗公護藏歸浮山尋之沁水贈別二首

雪竇雲門舊鶴林祗園重見布黃金蓮開石上香塵近
桃熟崑前寶樹溪白氈轉來忘月指青松別後失潮音
布衫皮履元無恙一局殘碁自古今

薤草當年憶遠公拈花此日振宗風驚聞白馬從天外
會有青鴈入夢中幻得袈裟金色界傳來輪藏玉華宮
五雲衣帶勞相送何日松枝却向東

送徐賓嶽之任衡州

一擁麟符下紫宸朱旛直曳大江濱悲歌此日還燕市
岐路明朝便楚臣對惜離尊同作客相看津樹總懷人
瀟湘獨喜多迴鴈尺帛飛飛莫厭頻

送黃中介年兄謫任黔中

天涯岐路惜沉淪逐客蕭蕭出薊門萬里長風嘶倦馬
五湖明月照啼猿君恩豈爲投荒薄吾道翻因去國尊
屈指刀環知不遠交情無奈欲銷魂

送王旭陽年丈而使琉球

蚤有雙星向海東使臣初出大明宮萬年圭組青天外
一片樓船紫氣中

萬里花旌照海陲殊方爭覩漢官儀衣冠舊是王臣數

雨露新承天語時

范增墓

好向彭城解鐵衣鴻門一失事全非至今草野花如雪
猶作紛紛玉斗飛

何如寵

字康侯號芝岳樓霞公第三子萬曆乙未進士時年方二十風度端凝選翰林院編修累官至國子監祭酒祠部尚書二十年推挽才俊風流弘長天啟五年開仕崇禎元年主禮部侍郎陞本部尚書尋拜武英殿大學士辛未主考會試得吳偉業等三百餘人稱最盛試竣以病乞歸上慰留甚至請益至千告家居癸酉遣行人以元輔召入公力疾就道至臨淮復乞休賜老陪京歲給輿原已卯遣行人存問公爲相以存大體培元氣爲本事具國史詩文春容諸雅得臺閣體筆下祭幣有加所著有後樂堂集行于世

登薊丘憶樂生

薄遊薊門道獨上黃金臺感慨多悲風悵念何悠哉昭
王四顧心樂生千里才君臣相遇時剖肝寧見猜噬燕
成雲霧刈齊若蒿萊迴望莽蕭瑟西北紛塵埃何人掃
氛翳豁我心顏開長懷霸者圖攬衣起徘徊

感懷示趙儕鶴馮景逸劉念臺鄭玄岳及門人劉

青岳繆西溪四首

人生苟知遇天子若僞伍足可加其腹首可枕其股子
陵固無求鄴侯良有取撫今以揆昔昔賢何奔鹵
纖縑與纖素好手無新故故人百矜慎不如新人悞君
恩溪所感妾命宜逢妬爲語雙蛾眉時裁以金鑄
文禽潔其羽中道逢健兒聞其殼弦音高飛影迷離鳥

亦何所苦見亦何所知酸之以叢莽棲之以修枝

少伯遊五湖留侯師赤松君臣僚友間各自有隱衷灌
絳不可伍病亦處所終豈其隆準帝視與烏喙同

新安太守唐我求迎亮功往修志傳

吾孫始墮地雙目炯若電試啼識虎子舞象亦豹變氣
欲辟易人每用戒驕煽所宜慎三命不獨破萬卷蠶腹
絲未老鶯舌語初囀無曰當吾也未之或能先牛鼎函
千鍾犀才貴百鍊太守信虛名馳迎修志傳丈夫志孤
天聊一省鄉甸桑梓與松楸敬恭在親申道逢長者車
辟咎而負劍紫陽有遺書暇日恣漁佃天郭至人數順
風或北面孺子非所急老夫則願見春暉善泥人名山
勿火總茲遊雖有方應念倚間眷

舟中雨後看西山作詩姚康伯來自山中

馬首西山入塵城頭西山雲欲屯舟行一雨望新沐
西山隨舟如逐人停舟遙共西山語嗚瑟峨峨心自許
萬重雲樹千重烟子昨眺聽在何所

讀史

君不見尹臺襟人一斛麥史雲有子遭呵責又不見仲
山奉母新野備歸軒不與故友同古人落落自如此以
視今人殊穎泚吾棄鷄肋若草萊猪肝豈復憂朋儕

春興

春陰溶溶花亂飛柳色向暮黃鶯啼清池落影淨相照

槁首無復朱顏時回頭却共少年語來日之日知何許
莫道流光不負人風雨憂愁半寒暑

水部黃二爲以非罪謫貴陽賦別四首

何緣恩譴重萬里獨栖遲負告非無故之官未有辭時
危雙足健天遠寸心知龍劍雖雄在延津合可期
去國成何罪投荒定幾年情深千里外典盡一尊前地
雜羌蠻語風高瘴癘天行藏應自愛莫負故人憐
爲有長沙謫千秋念賈生官微仍見放裝薄不成行風
雨還家夢乾坤戀主情相看無限意未敢向人鳴
聞道黔陽路千山與萬山古今烟瘴裏天地戍樓間石
嶺兼三蜀盤江散百蠻南征應有賦翻作壯遊還

風阻

小雨飢殘日晁風留客船寸程聊幾許羣策未能前野
埠成孤聚荒燈就一眠豈真同緩急也說近人烟

舟夜

人語靜烟洲更遙古渡頭潮生知近海月滿欲盈舟市
亦有時寂天無如夜幽冷然槎上客銀漢一星留

十九夜看月

月早易于落光遲逾有情最憐初不見無意忽能生影
共宵籌緩輝爭曉日明莫負清輝漸減一減一孤清

出處

出處道之大盈虛理亦微不緣憎美服何以遂初衣有

徑在松菊此生餘蒺藜一冠彈與挂商較悟前非

新月

雲後憐新月生時就好天有光如尚檢其意欲成圓映戶一痕澹窺人半席妍幾家聞細語簾捲不思眠

錢爾卓至自吳百里交書見招余病不能往期以

中秋見過率爾口占

消渴元同病遠遊獨數奇薄遊生計拙久客世情疑飲噉微雙箸懽懽愁兩眉自非親握手何以慰相思

寄荅方赤城侍御

帶若忘腰不減閨年來裾緩素心遠過淮櫂已難乘雪入洛塵兼欲化衣家本灌園機事少道難逢世宦情非

碧山今有焚魚者我所思今在翠微

寄荅謝中隱

時情落落指危冠谷口行吟廡下寒自昔虞翻知已少如今管仲話貧難賦堪取酒非長賣缺縱無魚不浪彈豈馬相逢慚負久休勞天外勸加餐

范質公倪鴻寶各投以詩范云顧厨俊及推爲首

倪云手障狂瀾有大山蓋爲亮功也詩以畚之

吳橋已具千秋鑑剡水全收一代名帝許老夫優綠野天留君等護蒼生鴻文自可培元氣駿業何難致太平孺子頗矜西漢節獨愁黨錮禍將成

歸興

製就荷衣典鵬裘蒿園尊蒲卽丹丘雨暘綠野堪調燮劍履朱門罷獻酬舍宅繆稱蓮社長下堂不廢筭與遊獨餘曉夢聞鷄舞習氣猶懷社稷憂

偶吟

閱盡乘除拙未妨漫將疑事問穹蒼鮮如屬厭惟三韭食不辭豐滿萬竿幻士登場看轉轂郵亭欵枕待吹梁客塵近悟西來意消受蒲團一篆香

杜門

谷口雲谿事可師皮冠已謝尚書期謀生累少家如客學道年深眼似眉微醉罷參長就枕小吟行藥偶扶藜非開墻戶容疎放世法衰齡總不宜

讀史

叢狐僞嘯澤蛇真稽古難全信史臣成敗誤論千古事英雄善賺一時人隆中咍叟評分漢勝下饑兒策代秦捫蝨未應輸借箸不逢知遇便沉淪

憶西疇

襤褸西疇入夢思土膏兼是種花時晝長日下松關鑰渚滿風沉釣閣絲稼圃已添新鶴料園規因護舊鷄時香雲一曲堪爭席寄語隣翁定有期

枕上

天意將霜漏作寒薄裯孤擁思無端偶然得句心殊喜續不成聯夢已酣一枕邯鄲同蝶舞萬緣傀儡付蒼殘

壁燈未盡紗窓白又是浮生隔夜看

崇禎初禩奉勅總裁 神宗實錄恭紀

西崑揆史近宸居領袖羣英典石渠四十八年無逸聖
百千萬代不磨書宵分黎照輝銀管日捧琅函對玉除
繩武倘逢 新主問爲言 祖德邁虞初

自壽有引

聖恩予告兼賜秦淮一廩幸而祁祁十年今不
覺七十老矣春齋行藥欣慨交懷顧影獨哦顏
放自適工拙非所問也時在庚辰閏正上潯賜
老平章恩詔存問歲給典廩龍眠芝岳老人何
如寵識于石城之後樂堂

五朝遺老乞閒身黃耆緋衣綠野民十載前頭周甲子
半生回首負君親人將祖帳賢疏傳或以辭榮羨季真
不道懸車無異意明農自古屬髦臣

嘉平幾望始孤懸澆罷椒觴便灑然已老幸當存馬日
非賢不畏在龍年寒溫厭聽東山語剝啄慵開北海筵
枕畔南華遮眼熟衰齡尤愛養生篇

歷落中台映少微夕躔餘照尚依依許身盛世趨黃閣
投老名山號白衣似蠹謀生惟食字與鷗結伴共忘機
不將晚節污青史洗耳堯天未必非

伏臘園酒共傾長將往事說家聲卿無失德終慚長
弟免非才樂有兄雲外松楸成涕淚霜前鴻雁憶飛鳴

如今素髮歌皇覽自撫孤懷百感生

君恩轉覺重難酬曲爲農臣逸老謀詔賜秦淮如鑑水

家依鍾阜作菟裘再召辭歸奉
旨養病南都草堂幸免嘲逋客瓜市

應誰識故侯却笑古人名累在猶煩十資到林丘

西疇曾擬賦歸兮轉眼花源失舊蹊鷄社漸稀爭席友

鹿門旋悼儘田妻幾年頰尾籌桑土是處黃巾應鼓鼙

何日五風兼十雨酖顏皓首唱銅鞮

待渴曾驚絳幘鷄今看朝旭夢還迷人誰再相阿司馬

古有良朋筭稚圭開閣已難三握髮下堂猶可一扶藜

自非王春容堅卧能免鐘鳴受品題

白板青林大道邊尋常封戶一丸堅身癯得健猶賒老

瘳短能閒亦抵牢不必爲僧顛漸禿未思欹枕意先眠

衰殘習氣應全減萬念消歸五葉禪

羅雀門誰擢雪航自非支遠卽求羊茅峰夜枕丹爐暖

攝頂春筇藥路長痼疾舊持觀鼻偈讀書重搆印跌堂

世兼世出無奢願聊遣餘生一味忙

總貪幽事詎傷廉攬月捧雲日滿簾有地便栽王令竹

無書不挂鄴侯籤開拈楸譜銷微醉卧看榆暉下矮簷

學道未知何所得唯餘永夜夢魂甜

枯菴疇非雨露恩看花榮瘁悟朝昏微疴自便翻辭藥

熱客原疎不署門弔古每思嚴瀨好貽謀應讓寢丘尊

歸田逸老惟圖史免記平泉誤子孫

黃龍枉自說三關白鶴何須煉九還醉客豈真千日醉
閒人難到十分閒清溪水滿長搖艇紅雨春溪一看山
時至便行無不可幾能塵世駐朱顏

儘教任運百無求難可逍遙到白頭墮地一生真草草
從天卒歲許悠悠不須緱嶺思騎鶴自覺墻東好僧牛
最是俗情無遠韻繆猜同樂與同憂

駢駢四牡下仙班帝語親傳問小山捧得絲綸開聖藻
宛從蓬華覲天顏驚心馬齒應無幾稽首龍鱗不再攀
欲和卿雲歌八百慚無表餌佐時艱已非蒙恩遣大行存問

屠蘇轉喜後春筵避世催人白髮賢樂聖好從耆舊社
買山曾賜尚方錢八公地近分叢桂五老峰遙禮白蓮
不是沈冥忘帝力病臣衰及古稀年

遊龍井山房

覓得桃源寄草堂未容漁父識行藏入林人共山情遠
度嶽雲隨屐齒香閒情韻僧司水石倦同癡鶴夢蒼涼
文人不似尋常隱鴻寶書成字挾霜

寄荅友人

西城小市悶丹房坐賦閒居日漸長几借方回妨薜蘿
徑開蔣詡待求羊拚除習氣猶餘癩好讀全書不耐忘
天上故人勞問訊名山一字未堪藏

再過錢爾行草堂

一月茅堂兩度過追歡無奈故人何開筵水近魚蝦美

卜築山溪松桂多不少幾題淹歲月依然塵榻挂烟蘿
殷勤往事重回首黃菊丹楓滿舊柯

過淮河遇雨

西風吹雨渡淮陽極浦蕭蕭大漠荒岬上樓臺窺水出
渡頭舟楫引人忙陰山十丈黃雲合海氣千家宿霧長
故國不知何處是回頭天際莽蒼蒼

贈友人見訪

五載離羣似等閒忽傳梅信款柴關相思各道年來夢
入坐頻看別後顏榻畔添燈挑夜雨墻頭過酒話春山
因將佳興憐晴雪雪權何妨見戴還

戊寅臘日得錢爾卓書言避賊甚苦賣文爲活寒

然賦寄

只言高卧草玄廬誰道干戈正索居盡室依人殘歲裏
一身寄命亂烽餘全生擬學隨陽雁作活思同食字魚
賦罷江南哀庾信牢騷未及數行書

贈鶴

意在凌霄不受憐羈棲亦向水雲邊迂行慣學幽人步
小立疑參禪衲禪露冷圓吭通碧落鄉遙午夢遶青田
風前一瞥聊師汝隔竹人窺盡道仙

謝賜藕鮮恭紀

雪藕折冰房分甘出尚方瑤池含味永太華託根香嫩
節抽新紫柔簪曳半黃擘泥花葉偶應月蔓絲長素藕

藍田璧瓊肌玉井霜中虛還外潔自許魏思光

方赤城新構屏山別業春日同馬六初載酒遊史

伯發謝中隱過訪得春字成排律二十韵

路半依城郭居全洽隱淪始知真避世不在遠逃秦寬
綽纔三畝蒼涼絕四隣梁窮疏水活徑轉轉樓新相地
添亭子栽花揀日辰支分身外累約束杖頭春砌有前
朝樹庭無隔宿塵長吟覘務廣慣驗官貧盥罷卽持
帙朋來方岍巾襟期予共爾脫略主和賓偶結尋幽伴
攜將問字人入門聲已辨過臘酒才醇授簡寧辭陋揮
杯莫厭頻禮非吾輩設交似古初淳密坐歸應晚清言
話自晨溪光晴報柳草意軟敷茵山向疎樵烟隨野
燒勻酬閒僦景物揮別屢逡巡漸暖天逾好重遊迹未
陳笑他漁父拙忘却舊時津

充功讀書清涼僧舍詩以勗之

宿慧汝偏具文心久入微但期謀遠大何必羨輕肥事
到僧虛減身應淨土歸若愚真用智歛翼始高飛客展
休填戶花房只掩扉交多防晚節名重伏危機茂行莫
予毒虛懷知昨非定期繩祖武袖簡莫相違

寄懷何克符排律十韵時充符繫詔獄

六月燕霜未可期三年憔悴一身危從來盡地真難入
况復重關不易窺哭淚始知孤憤苦哀湘方識九歌悲
思熏社鼠原非策欲起冥鴻定有時淚盡迴疑天聽遠

舌存深見至思私遙憐俠氣朱家少浪說交情鮑子知
忽訝論心應已近翻將會面轉相思鄒陽書就誰堪上
黃霸經明志可師福總宜占塞馬浮湛豈必戀羈雖
龍精自古干牛斗傍獄風雲好護持

已卯夏日錢爾卓見訪白門

老不成隴每自傷因君重憶少年場故教僦舍連衡宇
爲可隨時話雨暘星聚豈煩詹太史風清聊與傲羲皇
問囊僅有新詩富對酒猶存故態狂長爲古人增感慨
未容時輩識行藏他鄉見戴知能幾興盡休迴雪夜航
楚中馮僉臬何司理罪狀稅使被逮感賦二章

莫道高天手易捫孤懷今古不堪論爲緣抗疏曾流涕

轉覺長沙負漢恩

消息驚傳一慨懷疊臣相對泣衡湘憑添楚水千行淚
莫作燕山六月霜

范增墓

宴罷鴻門百事空腰懸寶玦恨無窮可憐七尺英雄骨
歸葬彭城屬沛公

又別黃二爲

一杯酒盡數行啼悵望千山落日低春水茫茫春草綠
孤帆人去夜郎西

閒居二首

清齋無事縱朝眠况是辭寒未熱天啼鳥一聲驚乍起

隔林遙見午炊烟

不慕長生懶學禪休從世路問因緣年來一種閒功課

繞向尊前又枕前

錢志立

字爾卓號鏡水萬曆間諸生師事趙公鴻賜
桂間聚徒講易先是縱陽童定夫講學于業閣館
第四方人士多從之遊及公主會館邑令劉公時
仁道編蘇蘇運噫管里李音集白門金音集年七
十四卒門人私
謚敬修先生

田家雜興六首

情景如畫

莫問農夫苦田家也自閒放歌烟雨外休影樹陰間木

長犁轉曲溪流路口灣逢人常少禮拄杖看青山

水轉江南地家家祗稻粱馬盤秋後種蛙卜社前秧黃

米安科發青苗拔草種泥盆盆獨酒神惠火家

渾沌無懷氏依稀自一村層圖拈作畫桑樹紐成門

種時還早歸田日已昏但從耕稼外萬事總無論

春日舒筋力終年免噬臍桃花粗糲飯青菜冷酸蔬動

脚頻呼子蓬頭不問妻模糊月上起辛苦五更雞

山地雖云穩湖田信是寬交蒲還徧野牛豕任拋閑畜

牧看滋息收成儘倍餐十年高下計間道一般般

春夏初云接家家更覺忙照盤早上簾打麥夜登塲下

脚留繞足醫瘡賣是方買蔬兼換酒明日辦分秧

寄懷吳味玄

結髮論交日今經廿載餘如何三歲別不寄一行書世

道隨波下交情自水如會君濠上意夜夜夢觀魚

暑日雨後東方侍御逢吉

避暑曾無計經旬祇負城眉水空結想一雨忽涼生儘

知山色好其奈俗情擾應念支願者乘驄何處行

叢生園酬獨愚過訪

百笑叢生裏棲遲跡似結四圍松樹老終日小山尖

世都堪破開香苦未厭分疏無隱義好待晦堂拈

既別德林微雨寒風愴然念之

容易令君別持杯尚未傾牛毛微雨似馬首北風迎當

此乍寒日何堪前路行未懸西閣榻嫺我友生情

省茶二首

肺病何年積閒居步有遲草芽春氣怒茶笋火前

識陰崖勝新承雨氣滋旗鎗定幾許采焙莫違時

若向東坡去經春茶事興火新知候易雨靜聽泉澄

焙邀鄰叟烹嘗約寺僧淡香應有觸清味阿誰勝

春日遲桓麓阮二封翁渡樅水

自題尺素寄蓬蒿每日江頭候小舸准擬沿河看弱柳

蹉跎滿院見天桃春風草色皆堪賞煖日籃輿未始勞

濁酒一杯琴一曲待君消息慰吾曹

登高懷偉長

潮褪江村淨白沙蕭蕭雁影碧天斜溪邊魚響高僧舍

籬外鷄鳴處士家一帶夕陽堪入畫半山紅樹似開花

不勝秋思頻高望白露伊人在水涯

樊園四首

四園秋水碧沉沉小構幽居稱我心夾岬楓林紅欲染
覆墻竹色翠成陰山間行徑稀人跡湖外漁舟許客尋
一卷道經閒對酒微醺還弄七絃琴

得園名樊久息機生平丘壑願無違鳥鳴溪竹林添靜
龍化蒼松樹欲飛闢地誅茅爲室小隨灣取路傍山微
規圓數畝無多地每日經行有是非

依阿築室小山岑快有湖光穿近林半綠半黃楊柳色
時飛時落雁鴻聲東連高阜堪舒望西矚長松可坐吟
種竹遮門今漸密人來溪路覺深幽

開園分作隱山園學子提孫共此身四面長湖漁唱入
一拳小室道心真風來松檜蛟龍起水半池塘翡翠親
更有梅花當戶植年年春色倍先人

對梅奉酬劉燕及廷尉有小序

予既艱居杜門累月一日偶窺兒輩園中肄業
方觀野梅將放聊命杯酒以謝花神忽燕及廷
尉以雨後佚園梅盛開走馬邀君酬取仲共看
詩見寄便成俚句奉呈

江岬春風去較遲野梅猶有未開枝窺園偶是閒行日
沽酒因成獨酌時條條似鐵疑支骨朵朵如珠欲弄姿
未許孤芳終寂寞傳來官閣賞新詩

江上奉懷胡彭舉兼聞其入閩急弟難

客心何事轉淒其爲爾相逢未有期斷續雲邊鴻雁字
有無原上鵲鴿悲姓名久已逃吳市踪跡還聞入武夷
暫向江頭留尺牘故人尚卧北山陲裝承彭舉贈言有無忘北山之句

過張麗華智井

玉樹歌聲猶未收旌旗十萬滿城頭官家詩酒臨春閣
兒女烟花結綺樓固園原無千載計求生祇爲片時謀
井邊落日遊人度風起鴉啼幾樹秋

夏日獨坐樊園二首

靜對池邊竹影長斜梳短髮竹冠涼綠荷似掌承朝露
紅槿無情墜夕陽已得隨緣觀化訣翻多秘授養生方
蒲團盡日爐香燼時有僧來叩草堂

竹色團團上翠微遮藏茅屋客來稀白雲每見山南起
黃鳥時從樹裏飛忽有好風開我戶乍生明月照人衣
清宵露下蟬聲寂膝上橫琴不用揮

避賊南岬蒙何芝岳相公貽書題詩寄慰步韻奉

答

于今尚說子雲廬舉目蕭條邑里居到處逋亡烟火燼
幾家存活哭聲餘好悲客弔怡堂燕無奈身先涸轍魚
從古淮南多負固朝天望有晉公書

抵白門次何相公見贈原韻

流離到處倍生傷病死那堪住戰場偏側干戈森似雨

蕭條雲漢轉恒陽登樓肯信他鄉美負耜還同載贊皇
嘯舞荒鷄何日夢悲憐司馬向時狂逢車戴笠蒙相揖
歷齒蓬頭忍教藏涕淚天涯無去處依依還耀白門航
方大晉字君謫萬曆間諸生貌魁梧卓犖不群與弟

別含鏡齋

去來三月悲生事含鏡羞人夢裏情壺檻乍攜冬日暖
笑談相對暮雲平極知憲也貧非病莫訝歸與道不行
聚散升沉盡如此書空咄咄爲誰鳴

戊午下第

不是狂夫老更狂偏饒傲骨卧柴桑敝裘肯悔文章誤
短髮慙爲妻子忙滿眼菊黃憐下第兼天風雨瀟瀟重陽

持螯爛醉秋光裏絕勝簪萸夢一場

齊

近字受從都諫蓉川公之季子也三歲失怙能
亦有悠然堂流風躋路諸生問三十餘年數奇不
偶乾然曰吾豈能率蹢與雞爭食耶遂罷舉舉
子業結茅南溪寄懷能咏以子紹興守琦名
贈戶部郎中其孫山爲搜諸遺篋得數首

旅中問陽

客路易含悵偏開柱宇啼新聲橫浦外殘夢斷橋西血
染山花艷春歸芳草萋好隨遊屐去切莫向溪閨

曉發懷友

春風送客波微擊汰東遊趁早暉遠浦菜花黃已徧
新洲蘆笋猶稀流鶯繞樹呼儔語海燕銜泥蹴絮飛
動我鄉園友思先憑雙鯉寄將歸

龍眠風雅卷十一目錄

木犀潘 江蜀藻輯

晉安黃虞稷俞邵

同里方豫立子建

阮自華 七十四首

范一謨 三首

姚之蘭 三首

戴耆顯 二十七首

吳應琦 七首

龍眠風雅卷十一

木犀潘 江蜀藻輯

阮自華 字堅之號潛宇萬曆戊戌進士除福州司理

梓公擢堂三極記之因作懷賢賦以寓景仰再補

獄死公伏闕號額卒得白下祭葬公少時多憂謫

畏禍魁壘用壯之思晚為郡不治吏事賓客壅進

戶屢填咽分題授簡歸咏移日嘗大宴詞客于交

霄臺推居籍真主壇壇集之盛流傳海內文宋

風流照映一時所著有霧靈集行世王司冠世貞

于相國慎行序而傳之居恒謂其從孫集之曰詩

是吾家事宜單出獨樹杆袖予懷以子之才不于

秋是圖而日與某相酬唱吾悲其風之日下也

言已輒相持涕泗久之亦可知其厚自期許矣

飯牛歌

皚如南山石觥如爾牛角日之夕矣牛下來國士在側

牛不知悲歌已闕覆短衣豈有生逢唐禮虞

孤子生行

孤兒生孤子命終不世間苦人問兄弟內開牆外禦侮

丘嫂嚴急校計將若俘虜尚有兄嫂鞭笞此黃口大兄

仕宦仲兄陟天府弱弟能言一朝失怙王難忽然至分

飛在草土南到閩北到金沙十年不得音語使我母無

食子命若縲絲吏為父友視狼胥一日三驚絕夜悲啼

借問悲啼羸子病欲死頽居者凜凜去者恹恹行且

悲 帝德弘一疏被原再疏論功子抱母泣兄與弟逢

就就毫錢斗粟尺布雀角鼠牙取子代室兄與弟此離

原隰飄蓬似疇昔亂日里中一何譊譊號泣于旻天兄
弟不得生面不如從父黃泉

烏棲曲二首

夷光浴罷單紗縵卓女當爐搔玉指五陵年少本風流
安能棄置取封侯

霞帔雲鬟迎風立柏梁臺高月如壁上陽花枝笑早春
瑤林瓊樹避玉人

石城樂

客有歌陽春陽春在石城石城二三月花與儂齊年

枯魚過河泣

枯魚銜索啼作書寄王鮪齊國相易牙慎勿來河濟

江豐短盡四海饒鯨鯢羅網爲天地違之安所如

江豐短盡四海饒鯨鯢羅網爲天地違之安所如枯魚

銜索啼作書寄揚鱗自昔貪芳餌別爾到今朝黃鵠見
揚鱗相戒河水濱違之不敢飲飛遯入冥冥

燕飲歌

飛鳶在天斷雲滿江江上依依遠風白楊綠樹凝盼落
霞窺人高懷厭世雄心汰襟烟塵四塞日有回光豪氣
蕩天轉則徜徉乾坤有身星霜風雨怵懍商歌何如易
水春風絕江歸雁登哀勉強張日眺予登臺環峰入雲
沉影東流河西豹子至今善謳嘒彼小星烈日西沉能
欺扶桑不欺東溟烈日西逝江聲東還雙鬟蕭疎憂心
中寒綠竹琳瑯清溪漣漪丈夫多暇但有杯酒故人滿

眼脰鯉鰭與君爲樂不必多言徂日雖邁詰朝不磨
月駛星流秉燭奈何簡須屢草帶索浩吟青山在戶不
厭吾貧焚車縱驥逍遙德園鳴鳴流水遶逸櫺門宛彼
白駒茫茫春草搖搖憶轂有爾長道寂寞空山浩渺烟
霞道不行兮海有浮槎載歌載笑聊以塞口仙人王喬
則余之友

出歌

橘柚出嘉樹顛嘉魚出丙穴源火浣出炎洲良醞出
溜青甘冰飴雪出閩越芬檇馥櫟出厓門萋菲出輦道
稊稗出籍田

子夜歌

高樓十二重當窓理倩粧明姿詎能掩芳在自然香
是樓當窓芳是香隨風儂是郎所取非關能冶容自
曉日輝凌晨理清眺曉日苦相憐九衢散光曜婉坐懼
懷膝襟袞發紅顏秋露滴芙蓉何處不成蓮自郎有他
心抱持不相助但說勿語儂看郎眼前視坎軻逢郎心
勉強向儂顧霜下梧桐子漸次離本處西陵蘭蕙草是
妾同心枝平日不相見已被霜風吹何處甜香粉頰角
沾口脂有比蘭蕙草明自菰山來雄鳩歡慕侶飛鳴不
能顧隔山誰點頭傍人豈不覩風雲不易合艱難心自
知他家有荆棘郎不記當時不記相逢時絲髮纔覆眉
延陵望石鼓千里斷悲啼宿昔枝難逢今日悔容易不

如夢中雲能使人長憶腹中陰憶汝開口誤向人擁門
十日雨何處得開情歡本路傍人傍人今作儂臨流問
湍水到底不相逢生在黃檗樹四面苦攢心身本是石
闕不畏悲來侵百沸作蠶絲蠶命生繭中悲絲苦纏繞
垂死不相通紅顏每易捐日月每易增黃金繡茵苗那
得蓮子心終日弄殘機獨絲不成匹自恨絲太長繚繞
終如一種花種蘭蕙托根黃檗塢但得春風長不畏多
辛苦相別如昨日相逢未可知投瓊覆座局碁子何時
來郎如地上塵風至便飛揚海底種芙蓉蓮心幾許長
蓮子若高山何時終成藕儂命如郎心亦恐不長久問
郎郎但應欲訴先作嘔朔風上枯樹持底喚知音儂如
楊柳花若泥便成根歡如楊柳花入水潤浮萍欲歎別
後心看儂別後客不敢窺明鏡羅帶圍成雙

行路難

功名豈足爲不見叢蕙與繁蕭擷芳秋亦萎雉惡春還
高智囊有舍卒造化無童旄男兒筋骨盡富貴聖賢鰥
黑誇功勞南過錦飄涇北汎五湖舟高城霜白要離冢
廊門宵擁鵠夷濤陶朱千金委黃土穀城三略齊蓬蒿
英雄苦恨歲不足年華飄墜心期避惜陰視日但有老
何不酌酒盈尊瓢

春林初花時百鳥鳴啾啾長梧離披月慘澹但見飛鶴
走空階山有木兮木有枝久心有媚安可移門施翟綱

無一雀庭著韓爐皆死灰功名在手心戰兢愛惜防檢
畏酒杯一朝家棄擲但聞原思克伐曾參愚無可奈何
坐忘去喪家之狗爲誰戶小星照我命不猶何能慷慨
爭蛾眉西家思婦夜搗砧敷情激怨誰忍聽瀉水地中
終到海男兒能得幾回情

南箕北有斗

客從長安來良友獨無書封題數行去冉冉知何時客
見故人不故人寧見思客言亦相念客言亦相思貴人
多迫劇麗羅盈公車千士一府朝五日亦來歸阡陌克
九軌轂擊不能馳柳蠲不及鳴槐蠶不及絲庭鳥不及
下蒼蠅不及飛見者登龍門拜者登天衢應接不自暇
安知拜者誰庭實何煌煌贊幣旅瑤璫長隱請時
髯生丰姿駿奔鈴閣中佩結墮璜裾但言一問君聽者
神魂移貴人自北斗君自有南箕斗自象斟酌箕下無
糠粃亂中宴且貧音寄空何爲鮑叔與虞卿升沉不獨
俱三復因親言千秋令人悲

擢歌行

戊子北征時剪桐藩潯有詔留司
馬遣將樓船三百入都寓目作

皇圖握南紀澤國流湯湯小馬作舟楫揚舲橫大江
起自龍虎宅言徂碣石宮江海効清晏安流達神京
青虬出溟浦彩鷁飛長甸錦檣對雲時畫艦紛霞倩
將軍師雲樓大璫司水殿旛旄分部曲千里若魚貫
豹尾曉角鳴咎響屈連城擢歌相激越悲涼厲青天

亦有風波民鼓柁滄浪清策艇出葭葦街尾觀上京

六解

錄別詩

海門宿應龍滯霍莫瑤璵輕生得所牧斯焉其取斯江
館臨飛雲父兄前相持其人與天遠其室安可違嬌子
競清商涕下如綆縻牽衣謀往路榮名策所期仰視星
辰散俯觀江海馳岐路履薄冰網繆慎須臾且言戒沈
湎且復酌金壘今日當盡醉明日當馳驅

晶晶江水光若春水製風波散天壤何特復凝結人
如舳艫艇解維自相失葭葦隔江海流連劣相得心懷
萬里知日無兼辰詰日月御飄風况已如飛雪生還誰
當見零落誰當缺我來三履霜同心再磨滅若永神龍
委同爲盛年客遊子慎旃哉青華愛前轍

轉蓬泣海門少時捐所生一往不知還女子如有行婉
嫵尚歡好汚潯圖歸寧我本良家子慊慊懷遠征
背丘壠老大淹浮雲終非鮮兄弟俛仰接他人亮無干
乘爵云胡千古名勸駕重傷離各言保令聞感之雪長
涕披心不能陳賴有盈觴酒悲復得逢巡

擬古詩

淒淒重淒淒戒曉送將征出門無近遠居者卽天垠何
况道路長萬里須臾分海島懷東風隴禽睨西雲音徽
日以絕憂傷日以切遠遊音信斷仰視溪雲缺思君未
遽老空房盈歲月容華坐消鑠征人焉可說

青青澤畔蘭晶晶江潭露矯矯潛龍委奕奕天衢步陽
陽皓日行噎噎雲雲沍昔爲蟠泥韞今爲坎埳涸中情
不見明空珮瓊與璆

堂堂曉日光晶晶栢穗長人生旦暮間貧者積悲涼何
不聘秋駕遊目傾扶桑璇液朝陰暘瓊廢宿春振負郭
醫窮巷雙闕坐相望舍車責屏履入市行相羊冠帶盈
宛洛羔鴈稀津梁敝裘服羸馬無爲居帝鄉

置酒行高會玉帛紛中堂毛褐見肘臂豈敢過金張良
友幸不遺酌醴薦羣芳玉瓚斟金壘黃流在中央祭酒
先屬客筐篚承筵黃盛禮會風雲布衣非所當雖無斗
升活雖難極難忘

高樓擬青天天高正蒼茫飛甍接遊極重樂紛綺窓春
光繞榮廡秋氣積中唐佳人獨遺世繁弦注阿房乘高
送逸響幽聲咽虹梁纖指激柔絲叫宛生水霜征雲凝
不逝皎月淹無光豈爲懷知音聊以不永傷

江水清已寒芙蓉盛華澤從知秋氣深零落橫江白故
侶何時歸衆芳多粟烈歲晏歸何心豈惟恨離索

三星下崦嵫蟋蟀宵征畢人生歛如燭榮華逝將訖連
理不怨枯所貴同照質高冬天沈寥列宿紛翔卽房精
不服轅空名連天駟脫彼腰褊蹄赤汗霑鳬臆終古枉
登阨過都還歷邑已矣勿長鳴一顧終誰及

倚蘭醞岑谷樵者隔溪林女蘿唐宛轉松栢高參天獨

立易以久遠道難爲親賢聖抗青冥賤者恐陸沉浮雲
翳玄景出沒變光榮終風有旋期芳華不再憑軒車來
何濡白日逝何殷君亮不可期聊以竭思情

升車顧衡門英英樊下薜蜺煌不終晡凜凜隨風殞人
生屢盛衰金石同時盡悵悵息鄒操几几居東軫何如
東家婦簪屏籍相枕微躬不遑閔何能慮鍾鼎

雖有千年藥能勝一日憂千歲日以減繁憂誰當收何
况蜉蝣生爲樂已不勤惡能殉俗士瞿瞿捐生平得意
快本懷待河幾時清

明月有虧盈衆星不全莫况時冬氣高深天不可恕兼
葭蕭條蔽嚴霜厲幽境豈謂古君子萬里遙相訊尺帛

數字書言直意已盡長跼再三讀讀終淚如綃言
出話下言絕蹊徑

龍泉菴結夏寄顏質鄉中舍

離別緣侶俗知音乃寂寥獨往甚無籍芳辰自相招簪
筆勒崇嘯采蔕卧東臯下觀流水長上視霄漢高江淮
下滄溟浮雲變昏朝洪忍逐蠅蚋紆身趨市朝垂涎澤
雄肥翹首井蛙驕眷此征途間風電隨奔韶一臂失傳
舍前路迂何遑悲哉白楊樹風雨何蕭蕭惟有王喬侶
可與說逍遙

當陳思王豔歌贈郭建初

馬昇嬌婦宛清揚入塞蔡琰出王嬌危坐枯柳攀柳條

摘芽作飯枝以燒丈夫從軍舅姑老連朝羽檄烽火高
三月不歸想已臥塞下上官按部張綵架奪我柳條仍
詬罵父母饑且病妾常歎妾歎何人報君子含冤愬天
天遠如君門願記虛龍郭小史

鵝鴨行

烹雛危忽衆鷺坐君高堂醉醺醺酒到胡床天地寬醒
餘索飽黃粱熟憐君壽不似青天青天自憐亦復然請
看醉中春電歇庭階狼籍柳花眠

當筵歌贈吳幼元

擔簦歸自長安衣裳裂曳闌干置酒召飲東平封羊剝
棗相烹吳君醉欲罵坐行且歌捉君之袂驅其足君勿
歌高歌不和君當奈何投秦明月按劍歸入漢圖畫出
微丈夫一心但自許河清海運何時幾君吹簫從君
吳市號君擊筑從君燕市哭市人掉臂去吾復何局促
貂破中箸飛逍遙兩舌歸歸來更何如手持數行書君
不見樂遊原上草春風披拂青何早相逢道路五陵豪
七香芝盛飄雲蘿東門黃犬不堪哀北叩黃土幾人回
英雄消歇意氣盡拂拭偏提歸去來

題沈幼玉侍御史宋人寒鵲圖

薊門先冬已飛雪碣石凌兢天地閉正冥直望燕臺沒
淖沱走孤桑乾絕金沙晶耀奪白日吹黍難生玉瑁裂
樓桑枯折槐棘空那得薊蘭可撐結獨看梅樹能雙姍

根抵鍊石高噴吮繁華煜燦叢萃郡鵲望見爭來誰
比翼孤飛翩競集楊翰如雪紛齊入長脰短脰合鳴喙
他山異族何相急銜羽念饑苦未同錦臆毳毼素裳戢
鷹蒼欲化恠不逝鳩巢已據還長貫年華信是戀行羶
莫詫喧闐晏芳歲北地寒深少修竹浮筠旁挺纔如簞
浮筠撲簌空倚倚翠鶻不顧卿何其勁骨肯隨水霰訕
碧毛間覆瓊瑤姿空磧沙飛雲母擊交河日仄琅玕歎
宋人貌此多傷神畫者恐是元豐人沈郎見之發三歎
悵惻授簡資橫陳悲來造化如有意短竹叢梅成北地
春林四面今作冰不知哀風來何事

入蘇州

悲風生故地天道走平沙客路愁爲伴窮途醉即家
烟殘柳色倚馬瘦桃花幸有何姬酒堪賒白鼻騮

夜渡閩漳水

吏事敦晝夜繁星戴古今獨行如有道愁絕似無心風
急海聲瘁嵐高屨氣滯輟窮人不醉海畔一行吟

秋避山中

稀客懶長孺爲園勞辟疆酒從村婦乞徑爲故人荒江
泛舟迎月秋吟句有霜士貧非失職蕭瑟意何長

東林寺

山藏青嶂底刺吐白雲堆溪上虎猶笑社中蓮正開藤
蘿緣古月流濕下晴雷自契無生理長歌歸去來

華清宮

長信黃金屋招商白玉渠蓮花虛布地竹葉不迎車
霧遮馳道青天達綺疏離宮多少月偏不照宸居

寄吳客卿太史二首

內院如兜率君王卽大雄部行天祿閣跌坐蕊珠宮說
法經筵上警書戲論中蓮池過駘盪魔印久塵封
定月護冠紗光音吐翠華仙堊供研滴侍史散天花梵
字藏中秘歌輪教館娃滄洲濱宦海莫惜寄疎麻

微雨

潤自卿雲降絲飛縠霧重近山輕拂黛遠日乍生虹
樹林偏靜蒸花香暗通不知庭草綠霽霽上簾櫳

微霽

淑景凌敵至高齋爽氣生照花增潤澤映日稍分明城
雀遙喧樹樓螢暗出局遽呼雙蠟展吾欲貌始行

落第客塞下代盧龍諸將寄京洛相知四首

朔氣厲高秋將軍洗鋤鏤勞雲出塞暗疲馬傍人愁風
色侵重鎧霜威折丈矛貴人能作賦何不自封侯
合甲凋霜色曼何灑血光犀渠猶暴露虎冠已張皇祗
謂策勲急安知對簿長從征元分死刀筆又沙塲
破斧入洛下樓船跨海濱金騰風蘊積銅柱日生塵綵
筆詞臣富牙籌吏部貧當時烽火急若箇肯捐身
報國惟四體援枹卽九原洗兵星海色漂杵月支痕聖

至如信目孤臣肯喪元玉開誰望入但願少流言

送忍之清兄入天目

之子南方太環聲過雪溪桃花春自放藥草雨偏齊
添座高秦望迦音滿會稽何時開六葉一爲止兒啼

亞父墓

君白入關將如何身不王笑談秦失鹿去住楚亡羊
白壁誰先碎黃河空復長當時絕甬道老大畏鷹揚

經李麗妃陵

夕張佳期迅朝雲昔夢終春生黃竹雪秋起白蘋風氣
接鍾山紫花留桃渡紅祇看藏經處天上刻芙蓉

碧雲寺泉

秀薄聯雲起清流遠寺飛看泉成五色就樹洗三衣
度青城濕杯浮白足歸湯湯蕭瑟意彷彿麗青嶽

融大師百鳥獻花巖

妙巖存古相梵跡寄餘清不見雨花跡猶聞歸鳥聲
寒雲闊溪磴秋樹吐神京物色自如此多情無處生

癸卯九月冬汎出兵海上

据專凌卉服投距躍飛潮弭權經諸國揚舠坐九霄風
隨天將直星逐使臣驕獵取長山鳥羣山歸聖朝

同黃伯傳小龍灣看三十里杏花詩

幽谷春初滿盤阜杏似然連山疎錦障繞澗瀑紅泉雲
煖倉庚化泥香白燕旋鹿車拚荷鍾千載一韶年

又示仲升典周

北地寒何極南冠怨自長青林時見雪紅葉未經霜
懸水宵冰裂滔風野燒黃浪遊不得意空使缺聲涼

將至阻宿城下

歸路數千里斜陽咫尺間角聲斷城堞離恨起鄉關
宿鳥先人入江流背客還月中聽砧杵遊子復何顏

清明自越中被促還東吳

吳山愁水冠南冥羊角扶搖下赤城豈料來時盡風雨
更教歸日在清明愁看堤上弄花去俗殺湖邊折柳行
祇是長年勞夢寐兩高峰頂露華清

送徐荊州再守衡州

瀟湘秋漲五峰涯竹馬先期出九嶷楚昔有已謫自
君行免胄不須疑香多橘柚迷城郭山向芙蓉倒接羅
到日逢迎誰第一前驅蒼水舊玄夷

支劍問趙凡夫不值

洞壑增城一徑留遙聞清磬不勝幽浮雲初散主人出
明月未來山氣秋峰石低昂循辟荔野墻宛轉護林丘
依然室邇人偏遠直是天台賦夢遊

答何長人行至河南見別之作

中區淮海滙揚州南紀今同江漢流瓊樹夜光浮甃社
桃花新水漲邗溝爲梁應叱鼃鼃起避繳空慚鴻雁留
別後相思知益苦莫教風雨在迷樓

送李赤渡道人還茅山

莊叟此生原是蝶茅家弟子竝騎龍白雲早歲還鍾阜
丹水何年向容爾底烟霞更六代煉成鷄犬住三峰
鳥衣巷裏諸王謝誰見清朝有赤松

宿西山

春回黍谷氣初融生事良宵托遠公山鳥夜鳴將吐月
野棠晨笑欲吟風雨收蘭渚浮青玉瀑下花源落彩虹
木末曉鐘助天籟蒼雲應駕楚王宮

詠水網燈

瑤池瀑布注靈安銀漢迴波織女瀾詎識冰純光照乘
翻令火樹夜生輝昏如豹隱含神霧珠似鮫人泣水端
却下羅幃舞彩絃關于

秋飲平則門外呈姚給洽潘馬吳侍御何著作

秋氣由來避蕊宮帝郊物色正籠蔥青原霜露供裘馬
紫陌烟塵亘曉虹柳葉暗添茅屋雨菊花爭傍酒帘風
誰知野外孤鴻至垓壤悲吟九辨中

出守慶陽雜作

入遼苦憶江南好春色誰知塞上多小婦琵琶隨戰馬
短牆楊柳聽燕歌榆關鶴轡遠城度輪海鴻書碣石過
獨少金莖潤消渴不堪縱酒奈卿何

龍山雲從亭

玉嶺山中酒未窮解愁天日若相逢長竿爲出鮫人月

短笛微吟龍女風蓮葉高於三丈石桃花開已十年紅
人間一望蒼烟合情思春深覺轉空

大雷賊劉虞平飲至詩

山城節鉞倚雲隈江浦雷霆動地來部下材官皆國士
帷中素女瞻兵才投鞭赤壁流先斷試劍丹陽石自開
欲笑樓船過漢渾漢風雨射蛟臺

晚步宣氏莊山麓

羣峰迴合鳥爭飛曲徑迢遙送晚暉碧岫坐間明月出
青山行處白雲歸幾家茅屋春多酒千壑桃花晝掩扉
何事驅車窮宛洛無人知道昨非

經錢塘江先公戰場

龍振風雅卷十一
街石西山羽翼衰射潮無力望天池赤城猶駐揮戈
蒼水能知血戰時海氣北來寒虎窟江濤西擁怨鷗夷
我來按壘吞聲哭李廣家門數盡奇

題武夷

初聞鷄犬異人間漸入青霞細可憐蹊上紅泉無徑路
山中香雨有神仙每逢水盡奇峰出若爲天迴曲道前
一鑑澄潭思千古誰當先掃石爐烟

送覺空還五乳供慈公塔

當時休夏五峰陰梵起潭龍似笛吟彼岍南雲千頃雪
下方落日萬池金竹含月影冥幽寺杏吐霞光歛故林
爾踏曹溪得歸路二銖傳納定中深

還石鏡上築堤引水灌花爲老計或迂之賦以答
數陰蘭曲意如何暢許牛衣老放歌玄草肯教奇字少
青山能爲野人多落花座上春相借迴渚琴煎水自過
不道風光同鹿豕肯令歲月讓烟蘿

福唐葉臺山先生大拜問喜詩

象載翔交泰龍文飛應乾榮光河九潤佳暈日初璇有
煥溪衢室無爲悄恣筵升聞遲協帝恭默正求賢神錄
生山嶽瑤光注海壖福唐天鶴下閩嶠夏鵬騫瑞相梓
崑石楨符滙大川挾天胸次濶定命指紋連蘭省探經
富蓬池邁德先金魚銜不借玉鷺夢初圓意瑣春雲映
宮香暮雨闌銅龍披鶴禁玉女釋麋純桂檝浮雲沼轉

建寧八景卷十一

太乙然代工宸翰麗納闢秘書詮曉入班升棘宵歸燭
賜蓮聲華揚北斗師表籍南銓赤日量衡設澄秋水鏡
研璉瑚兼二代桃李序三千雲漢章逾倬微階望益堅
金甌親敝冕瓊簪叶筵尊熊像圖椒震鸞緘出桂櫓五
臣同就日一柱獨擎天納麓風雷靜承明日月便真儒
才命世上相業無前負斧題書謹臨軒絕席專苑花卿
月迴溫樹相風妍馴雉來鳩觀鳴騶副鶴軒對敬資廟
笑奉引亞宮鈿少海陪先路勾陳衛曲旃起居新蹇蹇
書記舊翩翩六曲臻周約三章陋漢駢明良琴瑟御謨
烈鼎彝聯敬勝丹書冊艱知七月篇絲言欣拜手袞服

盡隨肩闕路通寒素擢誠格上立元龜自昆命雕虎敢
分權玉帛齊天會金華馭帝編九疇陳雨霽五石鍊雲
烟作柱狂瀾砥回枯湛露偏裁裁金幣職月損水衡錢
玉券三靈壽嶽圭九錫過股肱司萬國牙爪護諸邊座
有駕雛集烽無狼煙傳江山重禹跡天地入堯年搏石
夔居舜和羹說在殷慶雲困鬣鑿鑿氣煖肝綿斟酌天
漿滿招搖斗柄旋平臺題玉貌石室教瓊仙槐柳依行
馬衣冠繞附蟬散奇伴鳳節侍史熱龍涎虹玉腰爲帶
泥金手作牋問費交彩殿御水切朱絃禮數人間絕榮
名天保全霞尊致醺醺雲堦奏韶淵河馬呈籤軸山麓
具統經珮珞雙珩白朝服五時鮮額俊導三能神奸鑄
尤與旂常銘洽爲金石備官懸吐握逢姬旦疎狂劇耽
宣賞音山水遇威義髮膚捐下吏迷懷寶名邦再割鉛
宮中少前席澤畔忌空弦鳴鴈慚供客操豚笑祝田畏
途臂三折泣路眼頻穿壁別終投楚金兼未築燕食難
畢婚嫁拙似愛連遭木石疲精衛輸枋嚇鳥鳶失時悲
市骨飲恨化啼鵲海運蒙莊憊天憂杞客峻幽篁棲穀
食味谷滯鴛遷土偶行何適匏瓜住亦憊帛書疎建禮
珥筆避甘泉金鉉方持鼎瑜衡念在璫彈冠謝客餘躍
冶負陶甄蘭露朝承飲荷風晚自牽有臺欣樂只無地
望因緣丘壑芳時晏兼葭歲事還近將老片曝何用答
埃涓

揚州內少姬至奉筆索詩就贈廣陵三曲

淮海春高秀色催竹西明月引珠胎前生曾是尋源侶
共拾桃花天上來

玉臺纖指印眉黃桃杏初含臉際光裝罷單衫半銖鍍
佛前宛轉學燒香

廣陵濤上月初生一片琅玕萬里清未解讀書先問字
瓊花莫是昔人名

范一謨

字季直萬曆丁酉舉人有詩名

遊吳鳳達雲華菴

丘壑平生興飄然到白雲遠嵐憑檻得流水隔窓聞淨
入青蓮寺幽隨野鶴羣一尊開礪石對飲更逢君

下第出都

天涯疾病一身還歸太征輪愧聖朝歲月揣摩成浪計
江雲冥色總蕭條人思故國驚新柳馬倦長途畏斷橋
歸太弟兄成把臂燈前依舊話長宵

秋病偶值風雨感賦

幽居風雨氣蕭森落木寒花秋色深斷飲甕餘三簞酒
高眠枕借七絃琴疎燈檻外芭蕉影纖露堦前蟋蟀吟
起坐黃昏待殘魄誰家猶自擣寒砧

姚之蘭

字汝芳號芳麓明經似葵公之子萬曆辛丑進士除海澄令開九都水利寢采金呂宋之

舉返紅夷請市之舟邑人特祠祀之累官禮部郎出守杭江兩郡皆庚桑弗哀既念母春秋高以終養請詔許之仍日無有如江之急久而愛民者晉秩副使以榮其歸公詩集佚于播遷僅接三首

其從孫文燮述之詳矣
豈獨公一門之憾事哉

赴鹿鳴宴步 王父感懷詩韻 有序

予家自司李公宦茲皖上悅麻溪山水之秀因
家焉既給諫公繼其業入侍薇省出襄藩臬咸
號貞亮循良通駿有聲嗣是家業式徵終貧且
窶衙門蕭瑟儒術不彰我王父慨然痛之開塾
延師鬻產不恤而所志未伸欺侮狎至感懷之
詩所錄作也予小子不敏少習書史罔所知識
家大人暨諸父三人雖聲振費序而未薦賢書
每感慨係之日呼予于庭下而訓之曰嗟乎而
忘而祖父之志乎言未竟涕潸潸下矣予小狂
益自勉勵冀得平富以無羞厥紹屆今茲
舉于鄉立馬長于旌旗相望鼓吹振振谿水淪
漪憶感懷之詩一以悲一以喜焉因兼慮繼起
者或承榮貴之資席累世之寵乃逸乃諺罔知
先世之艱難使前人功德湮鬱弗宣其謂我王
父何因援筆屬和言之不文亦庶以上述祖德
下訓來茲傳諸異日有所觀覽云時予兩尊人
遠在龍眠音問懸阻白雲在天丘陵自出梁公
之思有同然矣

先臣名列紫微殊重振家聲敢晏如檻外秋風淮水碧
望中佳氣蔣山孤旌旗欲傍青驄轉笙管遙隨白雁呼

回首層雲鄉信遠龍眠莫似太行無

恩榮宴上步 王父滅懷詩韻是科同弟若水偕

成進士故中及之

燒尾羣歌節候殊譽髦今日慶寧如太丘垂教流方遠
小謝偕登調不孤春水桃花魚乍變燕山杏花燕相呼
願將循吏酬家學敢道龔黃近代無

登浮山

萬經騰空勢欲浮共君一醉勝仙舟望中流水飄巖太
盞上風雲伴我遊好鳥亂啼如有識落花無語總成幽
倦來欲去斜陽下短笛一聲天地秋

記癸未冬月先君子于白門微服偶得叔祖芳龍
公詩一紙可百餘首于屬親筆四指投函寄不遠

空餘枝金麟方取壽梓之西伯父以攝遷歸
嗣亦仙逝熊弟尚在襁褓叔祖詳叔與余共
藏共歸鳥有成生伯父及親族諸兄弟總未之視
也嗟乎余家世稱能詩叔祖父輩所著亦余又幸
及見者而猶苦散失况前此者耶又况先輩名賢
子姓淪落者耶書之以誌慨嘆

戴耆顯

字令徵萬曆甲辰進士授禮部主事早慧能
舉于鄉人以機雲方之惜早卒昌亦先逝公詩有
枕河集今搜若于首以公同好而共兄詩竟無一
幸有不幸也

雪中寄外舅虞部

玄雲何陰陰飛霞彌長薄幽岫封潛頽平楚舞輕穉積
素媚華軒流英綴阿閣凜烈嚴威中姑射失綽約南服
惜若茲况乃偏朔漢宵永恨多懷節易感噤昨遙遙薊

北門悠悠河與洛皖彼高原上寂寂渺展屬夫子盛明
德衆樸被丹腹前陳羅璵璠臂鞬致雕鶚吳姬珠已燦
楚客璞亦鑿獨此居者情焉持慰離索驚飈如可蹇晨
風庶有託

射蛟臺咏古

省方歌盛唐望嶽躋天柱川汜肅迴鑾周覽彌遐宇煙
流見方舟殷雷聞伐鼓聯檣儼叢葦揚帆若麗羽介士
雄俠飛期門力格虎前驅役奇相陽侯屬從扈波臣一
不靖奮髯膏相拒發鏃集中流角崩腦斯鹽衝濤噬戢
威刈枝盡騎怒高臺肆曠矚天塹恣吞吐鳴榔瀚海滋
彌節昆明浦詎如郭杜旁擊解稱雄武

晴雲掩林薄山際澹微曦濯濯池草媚翔翔水禽嬉浮
陽射楹軒隱映紛離披滌潦布餘積蹄涔刻前墀高樹
俯清蔭朱英吐傍枝涼風飄以來巾拂何旖旎爽抱達
神契高蹈謝塵姿觀化意悠然何能束常儀

為邢山人題南郭幽人卷

尋真無遠境一塵聊涸跡悟澹未云遙即趣良可適近
市寡羣塵入室靡交謫蘊此霞外情迨彼區中責中唐
鬱遐眺憑城望南陌清谿抱郭轉繡隴分疆坵層岫薄
晴空參差映青碧平楚隱連岡高雲綴危石欣賞付長
彌曠囑當躡展會心縱條暢觀化忌跼蹐寧畫韓生賈

何藉君平策
發解任天遊
機息免行役
夙契苟莫違
悠悠遂朝夕

查穉莊遊舒六觀潛嶽之勝慨焉卜居乍病南返

歌以送之

查生何地堪爲客
青鞋布襪情太劇
漢聞梅福梁何胤
往往從之卜鄰宅
憶昔草堂夜風雨
余也攘袂生起舞
鐵壺曾擊醉時歌
松枝仍拂譚時麈
長嘯據梧聊隱几
出處浮沉謂誰是
江南江北人無數
白眼處處終相似
挾策探奇春復春
來看南嶽好尋真
卽今病骨陵陽道
篋裏南華可再論

醉歌行飲左生作

郭北春山正淡冶
郭外人家翠微下
平林慘映半梢雲
流泉澆潄殊飛灑
花間葦葉堪爲幄
澗底采蘭可盈把
已驚飛絮憐餘春
况復清輝足娛人
挾客新尊傳酒政
當歌急節起梁塵
搔首青天極塊莽
興來跌蕩如有神
悲吟攘袂傷刺促
睥睨意態何嶙峋
主人爲樂稱不足
羲罍羽觴淥水曲
花枝飄墮山鳥鳴
斜陽欲歛空郊綠
醉裏誰知岬接離
起舞何曾忘鸛鶴
未能一飲空滄溟
且須潦倒聊避俗
跳梁躑躅何爲乎
千秋氣色無時無
亦知蹭蹬憐同病
湖海看人那得孤
君不見城頭風急
月色暈人歸酒散
啼林鳥

括蒼山行放歌二首

扁舟上瀨何潦倒
匹輦却走巉崑道
層崖絕巘迫造天
宿霧流雲莽虛瀨
數傳清谿渺無極
忽斷雙峰露晴昊
大野漠漠圍祁屋
幽經茸茸蔽秋草
懸泉陡注成春聲
六月新禾已束縷
深澗陰霾凄凄若
雨絕頂天光澹如掃
已經路澀數疲蹇
更逐炎蒸漸枯槁
踉蹌就蔭足不前
一秋寒泉吻猶躁
靈蹤異境竟安在
策杖空思恣冥討
不能濟勝凌崎嶇
那得探奇豁懷抱
咄哉遊子勿懊惱
遊子倦遊自言難
山人山居自言好

君不見故山之山
何蒼蒼青葱峭
嵒松杉長谿流
宛轉通石竇
洞門疎豁開天光
平臺空半拂雲氣
深林六月凌清霜
竹石處處鐘磬應
谷響忽來鳥鵲鳴
風簷高梧弄
翠葉
翠葉將飛花塲臨
匡床山翠遠
逾態不極目前應接
饒幽芳自謂呼吸
通閭閻不知此適
非濠梁泉聲嵐色
殊不惡何必赤城
天姥遙翔翔是處
看山亦多致好奇
往往窮遐荒嚴陵
釣臺拳石爾軒轅
踪跡今蒼茫卽今
杖底遍三島猿鶴
怨安得忘已拚歸
作龍眠長男兒
何須苦笑龜茲王

在濟上寄兄二首

不省經時別
眞同汗漫遊
村城梅入夏
風雨麥爲秋
信去慙慙送
書來恍恍投
無將問歸計
來識此淹留
綠樹隔雲疎
陰雲碧草除
下馬入門使
故園前月書
里入誰刻羽
鄉吏或懸魚
大戴傳經處
何如楊子居

南旺湖 古爲陸地云卽大野

異代南湖水猶疑大野名秋風一夕至蘆荻有餘清
漢浮堤靜微茫入檻明時時陰雨裏髣髴諸城

泛湖登蜀山亭

泛泛依堤柳行行界白萍橋鳥狎風浪水馬泊烟汀石
浸年深碧天空日暮青江南足幽賞清興復茲亭

對雨

春殘猶有閨時儉不須餘伏雨淹寒食浮雲擁索居鶯
花殘裏過車馬病中疎不是萊蕪長爲看釜內魚

廣陵孫遂初年兄邀遊蜀岡賦贈

烟水舊蕪城長風五兩輕草封隋苑古濤帶曲江平形

勝驅遊日提攜仗友生興來隨展展垂柳聽鶯鳴

登岱四首

冉冉簞輿十八盤巖巖絕磴迴生寒崖傳漢鑿俱成字
松說秦封尚守官阿閣已餐三秀色飛流遙挂五雲端

中原回首蒼茫際信有人間路涉漫

中峰雙峙劃天門幻出危橋勢欲竄下界虛無淹日月
上方窈窕失朝昏從來嶽主天孫貴別有仙人帝子尊

虛宇玄房如可宅不難丘壑訪仙源

絕頂褰衣氣壯哉層崑石室俯崔嵬遙飛海色青冥合

環擁烟霄白練迴鐘磬靜聞深夜發樓臺晴見曉光開

虛傳風雨來中阪星斗親人落酒杯

海日東從夜半生蒼涼搖曳勢縱橫諸天欲擁飛霞去
萬嶠俱連曙色平探海東梁籠隱見望秦西觀映崢嶸
何須苦憶雲封事直北清光五鳳城

山莊雜咏

谷口陰森處士家遠林長薄媚烟霞看山總遣編籬短
穿徑從令趁岍斜雨近黃梅催秀麥天開青嶂湧蓮華
到來蕭散成棲託鎮日從容挽鹿車

舟泊長山阻風

雨過江風起石尤江邊波浪蕩汀洲天涯滿目悲行役
遠道依人作去留平楚欲冥迴落照浮雲無定逐維舟
迢遙客思何終極淮海清潮正北流

梅花嶺

小嶺橫通雙徑斜俯開江郭蔭晴沙遙分渤海三山色
更假羅浮幾樹花落日登樓過白鳥游人拂袂亂青霞
何郎好韻今寥寂徙倚池臺聞暮笳

喜報恩塔修成贈雪浪師

浮圖巖嵒表長干弘願深心此地看毫相再圓珠網影
金輪重聳鬘雲端簷樞星斗千燈映鈴鐸天風六月寒
說法已令多寶現蓮華半席許誰安

懷清師

竹垣茅舍倚清川長駐支公講法筵舌底青蓮元七寶
掌中黃葉也三玄繙經石案遲斜日洗鉢谿流度晚烟

五月征途忽相憶九旬休夏正安禪

懷海光居士

誰向幽衢轉法輪石堂權現淨名身根從捲葉知亡所
翳入空華表出塵燃就寶燈千鏡合懷來明月一珠新
只今到海觀濤意按指生光可試論

別南旺李判官二首

垂楊南畔綰行舟背指青蓮舊酒樓汶水有情如別駕
分流遙注百花洲

風流作賦想南征憐我思歸更此行若到李侯舊遊地
相思何處寄芳蘅

擬春閨曲

紅雲寂寂掩闌干繡箔香紋屈戌寒鎮日藥欄班閨
落英如霞不曾看

吳應琦

字景韓號玉華萬曆甲辰進士筮仕太常博
史以寒寒為謬謬按南宮之役援十得五羅御
茲土幾不知漢大公不為姑息雲國體民命官方
發情而次第整飾請代不報金龍進象樹監深免協
濟吏冒民安屢疏請代不報金龍進象樹監深免協
望巡按三輔時宜豎隻千姦橫且倍建武諸常侍
公不吐不茹一以按漢之治行之辛酉監北場南
開陳雨大注來議需再舉公不可謂首場無補再
騰錄對諸事以其地生就者遂得竣轉大理丞再
晉少卿乞歸隱南大地理崇禎初推恩三代陰肖
子因乞休自鈞魚禍起同時室垣皆與于難公為
臺長獨超然評論之外小人知其不比昔于亦諒
其無私家食難位登九刻然寒素壽八十有一
奉勅巡演歸過浮山

繡衣經梓里露冕聽松風遠役亦于役俾躬寧匪躬泰

歸塵境外佛在磬聲中野老舊相識環看不避驄

坐石蓮峰用吳兵部韻

擎頂石蓮開巍然傍帝臺色從聲裏出香自味中來廣
以承跌坐高宜照羽杯宦遊難免俗旃節笑莓苔

滇中有懷

南詔春深暮雨昏懷歸畏有簡書存三年鐵面行荒服
萬里冰心答至尊永夜衰親頻入夢何時稚子一迎
門龍眠櫻笋閑無恙短褐黃冠是主恩

滇回住峽山莊三首

墩峰相對澗流長萬里歸人滿鬢霜舊壘燕來巢未改
新晴雨過稻生香苦吟頗有陶潛酒薄宦原無陸賈裝

六詔風烟身歷盡如今丘徑任徜徉
峽口芙蓉一徑幽溪邊衰笠信風流甘為屈雙看遊鹿

謝却乘驄好飯牛老去閒情消白日山中逸興在清秋
從茲北闕書休上數畝瓜田學故侯

不學空門不學仙村居祗祇自年年謀生滿眼看禾黍
懷古隨時問簡編天子青山客老住人歸白社足高眠

但期淡泊成吾志回首風塵意灑然

祝同年閻大參龍門

曾膺簡命靖邊塵乞得歸來未老身勒石勲名馳羽機
著書歲月看松鱗風清竹徑茶烟細暑憩萊階酒政新
我亦行年七十者擬從洛社會耆英

龍眠風雅卷十二目錄

木厓潘 江蜀藻輯

廣陵汪 楫舟次

同里戴 芳令及

劉胤昌 九十四首

龍眠風雅卷十二

木厓潘 江蜀藻輯

劉胤昌 字燕及號清水萬厓甲辰進士幼穎異神童過目成誦萬言立就為文多奇艷才俊世初為臨川令摘伏如神權貴不少貨湯若士有當代名公必欲踞其上而若士亦莫敢與之授卒以豪放為忌者所中三改令尹稍遷廷評為詩不假思索衝口而出往往有仙氣間有似香山者非二種所著有劉氏鍾山學庸口義諸書

出都門留別諸公

滾滾陌上塵滑滑車下泥飄飄蘆荻花嫋嫋楊柳枝暉暉日影薄咽咽河流嘶亭亭頭上蓋怯怯手中杯持杯未忍吞戀我好襟期襟期五六人一心相知忘形處肝胆共體憎鬚眉殷殷勤慰藉切切傾箴規箴規語雖多大要戒脂韋脂韋失故步故步寧可移矯首看青雲四匝浮雲低群馬悲且號僕子各言私顧此難久留高揖牽車帷或來牽我裳或來捋我髭飲我以巨觥醺醺莫教辭對面萬里去去去勞相思

舟次廣川劉觀國計部招飲小龍湫

虛堂敞寥廓不逕達窈窕踈籬護曲欄短閣凭方沼沼水不盈尺黃蘆間紅蓼中臥白雲郎夙結青山好娛賓卻絲竹親人習魚鳥我來悵昏黑讌坐垂清曉高談豁素襟妙義窮立討語次及羅浮千尋空諸島能留脚力健不放眼孔小行矣觸風波勝地紫懷抱草草不得醉即醉亦草草

守閘

河身細如帶河流澁如棘惜水如惜金得水如得蜜百人共一步十步不一尺尺步之難且如此而云千里始一息曉起垂釣得雙鯽小婦手自調薑汁珍惜銀絲莫弄喫來朝水生未可必

增城有大小流杯石余登之蓋天下第一巧絕處也朱季美林坦之張維禎吳外間皆集而黃何六文學爲主人余因誦坡老流水有令姿之句遂分爲韻余得流字

平生淡寡營處境百不憂有官添贅廬有身等浮沤性喜飲美酒獨酌苦不休復抱山水癖探奇憇接贈紅有推石形容類虎丘亦野坐而多塔建興舊蹟天或云鬼斧修仰承千丈泉驚濤變安流壯人好事經年罕來遊我行及暮春風日妍且柔結伴得數子大半高陽儔脫舄坐曲澗谷風來颺颺呼酒命童子杯盂任所投擊撞出盤渦迅使惟中溝夷險不一曉譬彼汎海舟欲去忽復住將沉還能浮徘徊若就人想爲知已留近者招以臂遠徒伸其喉觀者競拍手我亦眩兩眸須臾醉狂發再過他山頭視此車前騶正同麋與猴疾走復善緣我意徒夷猶歎息下山去空坡驅羊牛

釣臺六首

臨江百尺壁並立兩高峰下有釣魚竿上有披裘翁姓

名雖未識物色已不同忽逢漢使者相牽入漢宮漢家新天子詔覓故人光此間有老翁踪跡頗顛狂終日坐危石垂絲十丈長所志不在魚山水以徜徉朝亦一羊裘暮亦一羊裘羊毛已欲落釣竿不肯休一遭萬乘主引之同臥遊從茲罷釣去荒臺千年留

桐江一縷絲南陽一架犁當其未出日爲龍不爲犧士固各有志士亦各有時有用有不用誰能分雄雌許由聞讓帝臨池洗其耳復有巢父牛不飲洗耳水果哉末之難迫可以見矣咄咄嚴子陵對面傲天子

郡以姓爲號山因驛掩名荒祠在江干千年江水清我尚帶微祿出門羅網擾嘆息過祠下日暮孤雲生

滕陽覽古二首

子房素心人弱志無雄才一逢黃石公殺機從此開功成不受爵辟穀何爲哉帝圖既已矣神仙骨亦灰公子形迹人招客乃三千偷兒亦有用何况多才賢救趙一大事功令女子專英雄異舉止豈爲文法牽

羅浮山戲作此問稚川先生

四百三十二君者孰是丹陽老僊子青精先生王朱明源泉治者華子期洞天福地兩無分何能鬱鬱久居此此山南通句曲穴神僊或亦戀桑梓欲覓丹砂求作令到來却爲婦翁止千年南海行炙姬猶說葛洪妻子是

羅浮列在大荒中只作南嶽佐命使我灣已得副南嶽
軒轅錫命良匪侈便欲將君去任灣亦有浮山如小墮
我居浮山卽比隣蒼藤竹杖時從爾

風雨中揚帆疾趨端州卽同季美登七星岩醉歌
海風壓濤濤壓舟舟高濤伏如安流壚邊酒沸作龍吼
一呼已到青山頭山頭有人似招我手捲螺殼吹塵螺
我也赤脚往尋之不見其人見螺麻螺麻視君我與嶺
義畫軒圖抵一丁生年四十百無成綠笠青蓑澤畔吟
昨日束腰往報府蠻胥怒隸猛如虎聞我一嘯辟易走
恨不操篳管我股今朝逃出登高臺衝雨衝烟欲破腮
七星墮地化灰推千年白骨埋蒼苔有酒不飲事也危
有官不作反安逸廣州蟹螯大於鼓持螯飲酒面光赤
高歌欲將雨勢敵雨如歌聲如和笛酒酣歌罷雨亦息
返照入江穿石壁作去聲

村店夜半放歌

人器器馬蕭蕭風刁刁燈搖搖矮樓容得一張口短榻
舒開七尺腰建陽美酒白如雪玉版新抽冬笋苗一官
已似抱九蛙五載長爲捕鼠猫今日放君君莫焦眼前
世事只如此一醉偷將百慮銷建昌二守南城尹正在
提鐸叫野燒

富陽江上口號

江風漠漠吹江樹江水茫茫走江霧潮頭來比船頭高

人影去隨帆影度雲脚垂絲雨欲來龜鼉歲浪逆江迴
六橋只在青山盡不盡青山眼不開

汪公頭上蠅子行

汪公頭上三蠅子一蠅飛墮酒中死二蠅掉翅不復顧
貪生怖死物亦爾劉伶飲酒荷鍾死便埋鄭泉肉骨化
爲陶家餅學坏古來賢達求以醉死不可得嗟爾得醉
不醉何爲哉

瑞鹿歌

癸丑仲秋三日余以事至龍坪有牡鹿浮大江
而下土人漉致之則生鹿也以爲瑞獻之余奇
而受之畜之邑署作歌紀之

爾不匿爾斑斑之毛爾不戢爾嶽嶽之角虞羅杯豈
裂罅誰開一面縱爾脫爾胡不疾歸深幽尋藹之曉崑
爾胡不暫走遙遙廣衍之大壑長江萬里風狂濤惡沙
靈蓋面龜鼉脚雙耳貼波仰鼻以息躡身奮鬣四趾
矜于此時氣盡張兩目微開喧呼語獨漉九死一躍就
羈絡願膏斧鎖克君腹使君聞此事惻然解其繯世間
禍福機倚伏我墮不測同此鹿我且噉爾以稻粱處爾
以華屋爾勿復思長林豐草之優游爾勿復蹈機穽風
波之棘蹙守分全生深居養福千歲而蒼毫千歲而黑
骨長茲表瑞應圖錄不須更作中原逐

大明山得年字

朱旂在極巖在縣黑蜨怒號飛上天王女初傾洗頭水
岡原倏忽成洪川此時小臣方穆然挺牛醺酒祈豐年
明信格神神喜歡鞭起赤龍燈黑蜨義和馭輪迴重淵
須臾白虹千尺自空起叫哮而下飲溪泉堆綿噴雪如
彼璇宮玉宇仙人倒挂珍珠簾纖塵不飛日涓涓微風
動樹梢滿田於是迺有公子夙戒之清醕宰夫割擊之
肥鮮饒州磁盞白如雪百盞酌我無休嫌諸生且脫頭
上冠挂在長橋古樹邊解衣盤礴坐危石禮法于我何
有焉谷中簫鼓正喧闐谷外遊人拄杖看說風流使
君顛流連日暮不知還若教做得西湖長便將公事了
湖船

清平道中

似葉半恍懸如絲百丈牽冥冥烟入浦澗澗野連天拂
岸深蘆拜侵堤側柳眠時時聞聞吏逆客鼓闐闐

再度嶺

歸路重過此驅車赴夕陽秋初猶盛暑雨歇始微涼未
減馬卿病林無陸賈裝風前看短髮添得數莖蒼

雨止寒甚

野澗亂雲屯山橫勢欲奔風驟初歇雨霧失暫開瞰貼
岸輕鯨出爭籬碎雀喧共呼泥滑滑不是學禽言

石屋

中有石橫杆石枕石門
脚黑不可下相傳通海

古洞鬱哈衍平林帶早霞曠叢青莖草壁湧紺蓮花看

局應忘斧斧源欲問槎雙來吾意適高枕卽爲家

符離道中

嘶折一潭澄橋危衆水凌風霜寒泥草初日暖蘇米士
女趨塲集魚羊入市騰淒然感興廣寂寂度車駿

新豐市

黃酒向新豐垂楊繫赤驄石林泉脉脉霜草日熊熊門
巷周迴入溪橋宛轉通家家有鷄犬紛紛起青叢

彭城渡河

天子潯河身大徒十萬人石堤排雄堞沙嘶集魚鱗鞭
督勤州吏金錢問計臣十千供一役猶自說艱辛

河間卽事

一鴈臥沮洳編蘆可渡車堡多知路梗碑沒見河淤日
煖黃芽菜冰偃黑鯉魚紛紛小童子雙脚裹蒲苴

遣懷

漸懶親朋怪長貧僮僕安每拚連夕醉寧問隔朝餐倦
或扶藜杖行多傍藥欄所差頭漸白小髻不勝冠

題小山石壁

峭壁倚城根羣山盡到門白雲屯几席青薜蘿楹軒似
得入林趣都無近市喧時來探幽意結坐已忘言

中隱君酬過余西齋

春思不可禁宴坐看梅開獨樹一鳩語空亭二客來到
稀忘短揖話久出深杯只是尋常意何爲俗共猜

林生山居

谷小纔容屋山空好貯春有書皆授子無酒亦留賓
種竹近千箇分光與四隣看君飛動意轉覺我爲貧

南溪一帶看桃花

淺綠復深紅春郊訝許同開當寒雨後望入晚烟中
閒徑曲穿水編籬遠透峰誰能知此意園叟及村農

左共之侍御邀同何康侯官庶謝無逸山人飲龍

眠別業

蘇李不可作茲山久草萊昔賢圖書意今爲左思閒
邀客看庭樹臨溪坐石苔林泉真我事公等幾能來

潘鎮樓侍御邀同以冲太史共之侍御飲城南別

祗是隔門巷過從殊未能亦知交不薄無那懶相仍
虛閣憑高柳危城垂古藤無嫌歌笑劇轉憶十年曾

過丁文遠新園

出郭無多地湖山堆眼前竹溪全隱日松老不知年
鳥喜鏡人語僧貪選石眠焚香留客坐近得主賢

九華山青蓮祠

九錫重茲山高風代幾還留名寧有意訪道亦多艱
尤物魂應戀荒祠僧不開春秋一杯酒想像醉開顏

秋浦逢重客初度

歲歲竹邊醉今茲客裏過亦嗟兒女別無那友朋何詩

骨年來老鄉心病後多遲君生五載霜髮較婆娑

初至姑孰將訪胡孟修使君

城郭遶江流重來憶昔遊山晴遙見塔湖落曲通舟
生計資黃綬天涯笑白頭當年采石月猶照謫仙樓

夏日飲元甫別業

亭閣愜幽尋參差野迥深當窓來岫色面郭散湖陰
酒白傍花架琴床倚竹林城中盛炎熱此地足披襟

立秋夕飲維嵩園亭時苦旱甚

驚心一葉墮淒氣散滄洲况復遠爲客那堪悲此秋
未聞新穀賤祇賴故交稠采石江邊月時時破我愁

李君一銓部假還胡孟修使君招同飲龍山館

握手憶離別燕臺十載餘山公得休沐啟事近何如
易度夕陽沒蟬鳴秋樹疎使君歡未盡五馬亦趨趨

孟修使君招同邵愚公牟廉飲郡齋含清園因得

晤其長公贊侯牟廉

曲屋連深洞招携酌屢陳主人真好客公子亦情親
越酒青如豆江魚白似銀但知排一醉不覺露沾巾

別孟修

幸得容棲托深秋又別歸馬穿楓葉度帆指荻花飛中
路無彈鋏到家能授衣生平知己淚灑向故人稀

梅川署中秋意四首

霜降明朝是梧桐葉半零窓間眠蟋蟀架上立蜻蜓
鸚

魏來江夏鱸魚感季鷹鎖聽官務少醉卧可無醒
老圃吾真是秋來事倍吟剪葵妨灌韭斷壺便鋤瓜霜
落收麻子風寒護萱花誰知蕪吏宅不異野人家
造物能容懶清閒可縱狂攤書常滿案拄板或登床檢
點新茶具添刪舊題方近來長依佛二六禮空王
白露驚時序蒼霜感鬢鬚無能撫松菊不忍插茱萸久
逸翻成病宜肥轉益癯近來腰痛甚短策倩人扶

卽事

拼取閒身付小舸酸風澁雨卽停篙綰將蒲葉爲衣帶
拾得蘆花比鬢毛已著露葵旋摘葉未經霜蟹數持螯
莫逢楊柳悲搖落痛飲村沽讀楚騷
先與馬君實約同仲秋看月君實舟行甚駛奈追
之不得是夕悵然

自捉扁舟纜柳條黃塵飛盡月如瑁鴉翻瓦屋疑形影
雁避沙洲度沈寥南去北來齊盪槳村兒市女學吹簫
期君共作觀濤賦仙舸凌風未可邀

雙雁爲近河人所弋余買得之縱使飛去翼不能

舉舊之舟中朝夕戲玩爲賦以志感也

尚想南天可避寒清霄集伴下霜灘畏人偏易投羅網
絕命寧辭折羽翰野性未能忘綠浦微生幸得託朱欄
炎荒臘月無冰雪並啄雙棲去不難

挂角寺

罡風碎割切雲冠吹拂梅花片片寒似向雲中騎馬去
擬從天上摘星看懸崖萬里雙峰出古寺千秋一角殘
便可凝眸睇海色白頭騁望淚漫漫

飛來寺相傳自舒州飛來者寺甚剝落

禪扉雙合靄烟嵐絕峽清谿樹影涵白鶴似巢螺頂髻
青松欲破雨花龕玉環久已歸僧鉢金鎖空留挂石潭
飛錫倘能還故里舒州舊徑我曾諳

自飛來峰入靈隱止僧舍小供由此去三竺不遠

僧雲帆治具湖舫誑余遠不可至遂下山矣帆

喜飲酒能與余敵

吸罷羅閣日下春籃輿猶在最高峰一尊湖月遙相待
三竺烟霞已封香洞留雲時裊裊石梁流水去潺潺
我來欲覓無生忍羨爾能傳酣聖宗酣聖淨寺僧也見袁中郎集

夏日莊居六首

偶出西郊理薄田青蓑綠笠意悠然沿堤插柳拚妨稻
連屋穿渠儘種蓮歲稔定收陶令秫家貧常辦阮宣錢
遙思帶綬爲官日決汗握趨到府前
獨自投壺獨舉觥都無醉醒與輪贏偶因明月清風出
一到桃谿柳岸行久別親朋猶識面乍歸僮僕不知名
所忻臘月新栽竹雨後旋添四五莖
尋常傍午方能起卽料頭坐竹林疊石養魚聊適意
剛詩品帖亦勞心客來便酌三升酒興到時搽一曲琴

如此清閒老亦得不嫌白髮日相侵

茅屋蓬門倚郭西新堤近築草萋萋繁陰匝徑桐花落
野水平田稻葉齊旋旆竹林旋召客自燒麥酒自烹鷄
數杯已覺醉翁醉日暮辭歸獨把犁

陶令門前百畝田千株楊柳帶平川圃多蔬菜先嘗瓠
魚滿池塘每得鱸小雨恰臨芒種節微風猶是熟梅天
分畦灌稻無休歇得放閒時即醉眠

田園舊闢非謀隱夏日涼生數過從偶得奇花旋買鉢
但存隙地即栽松行吟出每逢漁父學稼歸將問老農
散髮披襟庭樹下更無一事到心胸

傳仲執博士先以詩見投次日攜尊過訪飛觴賭

奕舉座靡然

伏枕經旬病未除開城何處報雙魚攜來苜蓿先生酒
過訪柴桑處士廬豈有琴書供嘯咏但憑松菊款巾車
看君事事皆無敵衰懶年來總不如

過訪中隱

十年重到草堂前塵榻還看爲我懸家僅數椽仍是借
吟纔一字即爭傳才名自昔能推爾生計于今欲問天
此去莫疎詩酒會白頭感舊易凄然

自九華歸宿五溪橋用吳客卿太史舊韵

老眼猶疑戀碧霄凭輿貪得看漁樵日沉嵐氣生茅屋
風起潮痕上石橋估客沙邊雙艇集野僧雲外一山遙

九峰歷歷杯中見對月招呼慰寂寥

新寒二首

丹楓一葉銷殘暑青嶂千層閣暮烟雲合故知將雨夜
風高疑是欲霜天書催婦子芻新釀手課兒童理薄綿
直北不堪回首望亂帆隱隱是歸船

萬事經營一未成中宵倍使客心驚半年踪跡棲僧舍
儉歲饑寒仗友生始信青山容傲吏難將白髮待浮名
近來又覺依人倦擬辦春耕學耦耕

登黃鶴樓

江空天際敞高樓樓上仙人不可求一自白雲迷鶴駕
獨留蒼樹鎖漁舟洲前鸚鵡千年賦笛裏梅花五月秋
極目長江萬餘里蕭條對酒不勝愁

夏日同張約之袁爾昌萬伯文歐子建葉朱建美
清暉館韓孟郁黃元卿後至分得八韻其一

字五言排律十六韻

背郭開三徑披林過數公幽軒臨睥睨爽氣入簾櫳高
樹翻蜩鳴餘陰指蟬蛩覆塔花灼爍隱几竹朦朧密坐
一亭滿高窺四野空有懷塵壑外得意酒杯中窺寶來
新客飛鸞任小童歸風翔鶴鶴落日射熊熊漸覺雲光
黑旋添燭影紅星尊重徙倚露坐復從容歌嘯催逾暢
談諧俗轉工呼盧驕醉態擊鉢競詞雄漠漠天如拭纖
纖月似弓衝泥驚瘦馬辨影數冥鴻並是青雲客偏宜

白髮翁茲遊難再續勝賞竟誰同

其二朋字七言排律二十韻

高士幽居爽氣澄挈來此地避炎蒸草堂有意藏修竹
花架無心引蔓藤迴轉高叢陰習習窓常絕嶺翠層層
魚翻碧澗嬉芹藻鴻起青冥遠綴燈作賦淵除皆置筆
藏書卷帙必緘勝好奇自署蒼顏史佞佛人稱戴髮僧
率爾揮毫皆吐鳳偶然墮墨亦成蠅生來慕古頻搔首
少壯干時每折肱鑄鐵頻頻驅俗客盍簪往往得良朋
謫來蜃國甘長往望到龍門快早登顧我頭顱非昔好
逢君面目轉堪憎半生嬾嫂同中散一味清狂彷彿丞
調合七賢猶願頌詩成一字會憑陵茲方在昔各多趨
而翰於公亦代興共清揚常楚楚獨憐蒼髮久餐霞
薜蘿處處牽風入杯酌溪溪與夜增短榻最宜施夏簟
空盤祗合薦春冰談諧翫謔金初斷醉舞類唐王欲崩
寂寂天街人盡散沉沉小院月初升酒闌歌罷清言已
一任歸途款段馮

數日索菊無所得偶得之張秋野人本雖不佳亦

足點綴風景矣三首

落日長河好放船汀頭舺尾逐陽腸寒空一片皆秋色
際却黃花總黯然
記得官衙種菊時開花無樹不齊眉如今乞向船頭看
短白欹黃三兩枝

村女妝成也不妍短衫禿袖向人前郎君無意求顏色
只說風標近自然

孔雀

余畜一雙惟雄乃有屏春生冬落見人盛衣飾
輒開屏舞僕婢襪縷必往啄之屢試皆然而墜
雅以爲朱雀自矜毛羽妬人盛服形已誤矣
五色圓文金翠多迎尋應節舞婆娑靚粧袿服宜相對
不似時人茹綺羅

白鸚鵡

余養之數年矣頭上淡黃毛一撮大喜大怒輒
開如玉蘭花嘴距俱作純缺也

曾住宮中號雪兒海南尚得儔瓊枝清霜皎月琉璃架
學唱仙郎白帝辭

五色鸚鵡

從粵中得二隻毛兼五色而赤獨多猶疑是五
色鸚鵡也

絳幘朱衣海外來銜書赤雀莫相猜謝莊自擅江東秀
袁淑非無作賦才

綠斑鳩

綠衣丹喙小半凡鳩初養八趾旋殞其四縱使
飛去數日輒還

翠竹叢中籠不關碧荷池上步閒閒尋常一宿簷前樹

飲啄親人去復還

白鸚鵡

土人云鸚鵡千年變白色非也卽秦吉了耳有
赤黑白三種視鸚鵡稍雄大能言一日料奇
寒臯踰海亦飛翔使者重逢劉景陽莫向夷酋誇漢鳥
曾同雪女侍開皇

番禾穀

小鳥來自西番羽毛整潔灰白相間嘴似一塊
紅玉珣琢成者間月一哺雛每哺輒十餘雛以
大竹籠貯之每籠可畜百頭和媚可愛

楚楚衣裳善媚人輕紅兩隊玉妝成碧窓朱戶筠籠滿
變時聞啼子聲

山呼

以音得名宛轉多變聲雌雄隔懸之兩兩相答
丸土爲彈彈之接取巧捷轉相搏擲爲戲也
自譜新歌自唱聲巧呈百戲解人情若逢秦漢登封主
山谷應多萬歲聲

木客

羅浮山五色雀狀似鸚鵡而小一羣常數十輒
有二鐵冠者長之號爲功曹衆視功曹爲飛集
有異客至始來一環翔旋卽飛去山中人亦不
得其巢棲處余一再見之

長守仙人馭鶴臺時因覽德一飛迴遊人漫自誇標格
且看山禽來不來

五距鷄

卽天鷄也一歲一距至五而止羅浮山三更見
月此鷄輒鳴故曰天鷄鳴而天下之鷄始鳴形
色俱如孔雀而小徭獺人畜之如家鷄然一名
玉鷄一名金鷄

扶桑朝旭正三更已唱人間第一聲白澤圖渠作龍種
老獠時或煮藜羹

無底螺

羅浮瀑澗中附石而生後穿如朽殼也手拂之

者

迴佛縮余撈數十枚歸育之金鱗池中今有存

無漏翻成有漏因朽形元不朽精神縱然負甲藏眉目
肝膽明明露與人

接臂猿

行羅浮溪林中常有數百爲羣交股接臂緣藤
上樹噪嘯不常人從樹下行不相驚怖則已稍
取木石投之枯枝敗柯如雨飛下與人相斂人
舉火作烟熏之輒逸去故山行者率種火

絕巖懸崖自有隣嘯歌時復與人親峽中老衲能相認
不與山公作後身

沙溪卽事

處處垂楊繫小槎
叢叢竹裏著人家
魚罾界破青霞影
水碓春開白浪花

初至淨慈望湖上

入眼湖山大槩奇
著些烟樹總相宜
不知何處題詩起
攪亂詩腸似藕絲

龍井雜咏

高依銀樹結琳琅
不向東家覆苑牆
裁作老僧香拂子
為龍或伴費長房

右木香藤

匪石匪金亦匪木
無聲無色亦無塵
琉璃自熟旃檀火
長供如來清淨身

右辟塵爐

龍眠風雅卷一二

潭底老龍曾結伴
簷前香樹近為隣
何年欵識誇神運
力士輪渠八十人

右神通石

怪底峻嶒聳處尊
飛空巧作亂雲屯
醉來倚嘯雲根下
指點蒼苔碧蘚痕

右一片雲

石池乳滴慢流泉
陸羽茶經品最先
若使親嘗龍井水
中冷康谷漫虛傳

右咏泉

老僧摘葉小僧熏
五百銅錢買一斤
剩得些兒殘茗裏
烹來與客解餘醺

右咏茶

少年船三首

巾子低眉袖子長
妖童艷妓列成行
船頭載酒船梢卧
空著船艚作賭場

郎撥銀箏儂唱歌
搖船盡是美梢婆
一杯一櫓一聲曲
得到湖心月幾多

包家新舫畫樓臺
千貫青蚨雇不來
覓向西湖載西子
一聲齊唱錦帆開

赤壁懷古

百萬豪兵一炬空
小喬初嫁在軍中
英雄得意須酬歎
何必瞋瞋恨卧龍

古意

妾身家傍學堂居
上大紅兒墨建除
除用條次寫建除等
日用瓜子磕來人字樣
衫兒摺作一封書

龍眠風雅卷一二

龍眠風雅卷十三目錄

木厓潘 江蜀藻輯

江寧張 惣僧持

同里姚文 贊存 參

左光斗 一百六首

龍眠風雅卷十三

木厓潘 江蜀藻輯

左光斗

字共之號蒼巖萬曆丁未進士初授中書舍人擢監察御史視屯多所興復督學順天逮

才別類有真御史之目先是神宗不豫中璫劉朝等矯奉密旨索賄光宗登進李氏以還待私乾政奄黨深銜之及光宗登進李氏以還待私乾疏劾忠賢二十四大罪公草疏繼其後未及上而

同逃尋後逮與楊公同死杖下其前後疏稿及須

都御史再贈太子少保予三代誥命賜祭葬謚忠毅公大節炳青史不必以詩傳然觀其墓

車之微時慷慨悲歌亦可以知其志矣

咏懷詩示繆西谿宮論四首

芳樹臨華池其下多芳草埃風吹歷亂嚴霜亦何早芳

草既已摧芳樹亦云老宮中有佳麗儀容多窈窕封狐

競妖冶蛾眉不自保青蠅點白璧棄擲何足道

飛塵避白日天地失其明曾參不殺人慈母胡不驚願

迴若木光一察葵藿情墉鼠牀下語蝙蝠梁上鳴黃鵠

摩青天不與世相爭哀哉險側子用心何怱怱

老狐戴幘懷夜拜北斗神綏綏曳長尾頃刻化為人我

有龍頰劍欲殺投水濱丈夫報國家鴻毛安足論擊之

一不中徒為鼠雀嘆多彼寒蟬草教我守沉淪

玄鹿遵長林白鶴舞晴雪山中有神人避世修隱訣呼

吸通神明坐對忘寒熱出世君何長入世我何拙煩師

指病根迷途頓悟徹長路進雙履霜飛水凍冽

題友人卷四首

我聞巫咸氏復聞歐絲野耕織固所須衣食多優暇既已無艱辛亦復無教化春彼徐之翁詩書起躬稼不寧開子孫永勸來者駕

龍蛇在蟄時往往風雲護何況神明人而無天佑助無趾尊足存寒翁真不誤玉汝亦何勞行矣翔天路

崧山有流膏著處結珠顆黃帝既以饗君子以禦禍積善貴積源冥修戒無頗照者亦非榮明者亦非火美哉雙璧人取券豈云左

小盜盜如鼠大盜盜如虎鼠竊猶可防虎殘不可吐嗟哉南海民賴翁得安堵翁去惟使來茶苦十倍虜螺蚌無生胎波神無寧守何當叩至尊令珠安合浦

哭萬元

黃霧四塞遮薊北浮雲滿天蔽白日道上狐狸走入宮壯士聞之聲慄慄西江萬公真人傑手攬斧柯伐三葉上疏直數中官罪一時羣小皆咋舌胡爲矯旨杖獄中血肉淋漓聲音絕義士擗面各吞聲不覺唾壺盡擊缺果然恭顯殺賢傳中朝之事尚何說我有白簡繼君何能已與君同遊杖下矣丹心留在天壤間沒沒之生不如死

九日懷親

故園秋色好三載滯歸車問節驚初度思親數歲華場應升晚秣霜漸老寒花莫便登高望蒼茫思轉賒

壽伯兄五十

老丈看余伯追隨似昔時衰從今日始非自幾年知秋色驚加瘦黃花發故遲莫辭桑落酒原上正參差

小築

卜築龍山下蕭蕭只數椽客來頻坐石鶴唳欲驚天花竹分隣圃栽培問長年月明乘興返曳杖度前川

築成無花

避俗聊爲爾時花不可圖秋風當晚落黃菊未全敷拳石淒淒無色雕欄勢轉孤春光應爛熳貯想欲狂呼

九日遲赤城不赴有作賦答

似爾情就放偏余禮不苛一觴遲老友隨意出新歌山水尊前合風流醉後多東籬與北郭秋色定誰過

吳繩之有約不尋詩以徵之

客裏誰相召愁懷直到今狂歌驚驟雨瑤瑟待知音一再占庭日悠然見汝心轉憐暝色好無計破孤岑

題邢子冊

薄俗誰當近君真大隱人眼前俱鹿豕生事信風塵醉敢辭同俗窮來有一身轉疑吾道拙卜宅作比鄰

王化卿方玉成共遊浮渡永夜有懷

秋入浮山好興言已自饒詞人清並往松月淨相招色界空中靜窮愁醉裏消慙余雙屐齒咫尺一峰遙

壽家君六十

生我今三十知年是六旬
斑駁將野服祿仕本居貧大
藥扶身健諸孫繞膝馴寄情雖一怪猶得戴皇仁

出鳥石岡

漸喜空囂遠旋驚野色明
鳳山青欲送桐子鬱相迎
場岡牛羊下村籬鷄犬聲
幾年還薜荔底事悞浮名

出孔城

歸途曾滯此三載又重過
村巷還相識兒童拍手歌
片雲高岫出荒日古城多
去住身何主驅車晚渡河

過浮山二首

五載浮山路經過復此隈
芙蓉當面出鳥嶼泛湖來
丘壑吾將老風塵爾故催
最憐秋色遠行矣首重廻

未卜吾處處偏難此徑宜
好山圍四面曲水繞千池
寺隱僧時見源溪客自疑
不堪樵牧問應動向時悲

遲諸弟試音

夜起魂難定行吟再展文
我疑皆失學人或擬空羣
雁影寒江並燈花永夜紛
幾時欣握手酬唱壯風雲

山居謝山人過飲

念爾山無色相逢闔市閒
添爐遲白雪出句見青山
春好還通屐尊慳略破顏
同遊惟我共未許厭躋攀

雪霽道中口號二首

出郭舒新望牽帷對夕暉
濕雲留野樹晴雪照宵衣
寒力催梅發春情入草微
故山有郭曷能日未開扉

已霽天猶雪離離樹欲低
寒喧衆聲異向背一溪迷
凍犬迎人靜機鳥下食齊
墻邊攜犢叟起曝夕陽西

除日訊謝山人西寺二首

歎爾長年困前途轉迷
羈栖依病衲操作賴荆妻
弔影將無醉排愁合有題
平生關切意歲晚轉淒淒

兄弟動相念君貧日更增
計寧謀食拙道自固窮能
野外春陰寂街頭酒價騰
倒囊無長物買醉共山僧

穀日飲隣翁二首

入夜雨濛濛侵辰日漸融
潤知春隴足占得歲時豐
艱食身何慮留歡酒不空
鄰翁深命醉欣賞亦應同

愛客隣家舉酒歡
古今勸酬隨意到語笑仗人通
述舊存亡半語難
公肯呼頻共飲相隔只籬東

君節畢嫁有作

歸女營曾竟啼兒淚不乾
世多勞嫁娶君更屬艱難
瑣屑隨人面周旋稱婦歡
一嬌吾漸長先此欲眉攢

園遊

不乏名遊處曲心愜老農
雜花蔣野菜繞屋種長松
蒨葍吾廬似蕭疎爾輩從
莫辭深酌酒那得數扶筇

送友人

可惜春明道春光三月間
故人何事別行色有餘閒
言上五臺去經游二竇山
何如僧結侶獨往悵難還

九日對月

亦自尋常月食看轉覺新清依雙白鶴照定三愁人對
面慙思婦低頭愧覽辰年年當此夕小酌共雙親

同中隱訪化卿談禪

滑嶺來容易慈雲出不輕經秋繞一面索處可爲情肥
瘦驚相問存亡歎屢更坐溪聞妙義近得解無生

化卿別後復別蓋卿

不堪搖落盡次第故人行老淚乾南岳系腸斷赤城
蟬侵素榻黠鼠上幾杆門外偏車馬將迎不稱情

九日懷方玉成

生事何爲拙深秋滯遠歸黃花隔鄉縣鴻雁故分飛何
處登高酒集時到衣因君余閉戶無意蟹魚肥

高墩

薄酌寬能醉寒燈見不明苦吟村媼厭無寐旅魂清囑
僕勤宵秣呼兒試早晴聞鷄先接浙客路少嚴更

寶樹菴與松公

恰可稱初地千峰一室藏誅茅種雪蓋種栢與櫓長苦
衲剛三衆真經只數行便疑超器界不復問西方

問楞嚴畢遂征車北上別松上人

到此巖頭熟須防歸路生幾年飯老衲何添斷時名白
業心須淨丹楓眼倍明世途真可畏勿過虎溪行

雨宿

小雨疎林淨虛堂老衲閒夜深官燭短病後酒杯慳起

和壁間韻行看窗外山一聲鐘磬寂明月滿林間

上陵

小雨忽新晴今朝眼倍明九陵青出葉萬壑鬱相迎恍
接風雲氣真從龍虎行飄飄忘所適回首失昌平

九龍池

削壁嵌山幽池平過雨收青天萬馬驟白日九龍游湛
影涵金鏡深源接御溝萬年芳澤在不獨共藏舟

長安口號四首

亦自稱中翰何曾博大官汗能滄馬臂飽不足猪肝衣
破還須典冠陳且耐殘休猜作兩殿不是這般寒

自不預人事朝開也自開經旬一報謁長日是溪山貧
病差相稱

薄宦卅年併長貧百鍊兼虛傳高位俸不養小臣廉過
雨煤錢長將炎水價添可憐官樣子博得自家嫌

曼倩饑能慣袁安卧且便偶傳百斛米載得大官船妻
子牽相笑凶荒尚可全更聞捐俸詔不到小臣邊

西山六首

何異龍眠路所殊未有樵野墻藤作瓦村落樹爲橋向
背溪流轉有無嵐氣饒好風吹向夕滿路發松潮

望望碧雲峰嶙峋萬石封一筇通曲徑數里發溪鐘種
杏溪成巷栽松盡作龍池潭清絕處尚隔幾重重

山市自成村山家薄有垣花邊溪繫馬橋外雜攜尊痛

飲酬佳節游閒見主恩口廬何處宿高枕老松根

磴削天全潤梯蟠地轉半一亭環積翠巒巒秋毫白

日入林礙青天過易勞自從經御躡置是五雲高

地主何曾問相逢但酒杯依人憐薄宦戀我是香臺婚

嫁期難畢風塵眼暫開俗恒清咫尺極望思徘徊

又復悠悠去翻憐草草過源迷疑不冉降接竟如何新

句攜囊少清思入夢多堅懷寄絕處歸語舊鳴珂

憶親

賤貧奚不適何事急兒官老眼燕雲破鄉愁楚國風
書聞歲儉多病况秋寒欲擬雙興養無端委住難

憶龍眠山君

小築傍龍眠山君過穿源窮境見屋山盡忽開田
栗新栽得芻蕘任往還笑余緣底事無聊動離魂

九日同友人開武場尋首余以是日馳援

坐卧俱無著春秋總不知榮更逢此日孤矢憶當時侍

子當關喚觀人立馬期便須強飲酒再追隨

帝夢急非熊徵材萬國同重臣親作暢多士儼臨戎

氣侵聰馬風聲怒角弓勲猷公等在吾亦厭塵

送何虛白民部督餉遼東

風雪暗雙旌籌邊此一行地官應特簡天子壯長城飛
輓終無計隨田可勸耕會看方略上不獨慰呼庚

送劉燕及嶺南四首

把酒不能前問君何處還蠻方鬼是國炎微火爲天小

吏誠何罪驕人不作緣到時檢謫籍曾亦有臨川

自爾矜行危偏余好服奇高馳能不顧此道復何疑偃

蹇有今日艱難負夙期忍將新刻畫倒置舊鬚眉

衰衰皆兄弟如君獨此行羽分雙鳳闕心折五羊城朝

議方如沸人情正好兵無爭是絕域君或厭春明

最是宜人處偏宜是廣州梅花萬嶺雪桂子四時秋舟

有西施並門多鮑靚遊從來仙作吏莫減舊風流

送汪彌雲之粵

久客無歸緒飄飄又粵州過門能不入此世欲何求白
石終難煮丹砂不可謀從來鮫客淚未免向人流

遺瑤遠寄懷三首

豈料陰初盛沉滯畫不開傷心惟枳棘觸目長蒿萊爭

說朋爲正難令鳩作媒呼天問清霽直待有風雷

幸未遭嚴譴居然許放還願難成栗里禍恐續椒山空

有安危計誰開語笑顏龍眠舊上築長在汨羅間

暖曖浮雲障冥冥妖祲繁疲蹙衝道路破帽出都門抗

疏功全少埋輪志尚存君王如可悔幸有老臣言

別雙親赴詔獄

再別不能去高堂有老親殺身成令子養志學忠臣涕
泣都成血生全或仗貧白雲如可望雷電豁青旻

畿北道中士民攀轡車持金錢相贈詩以謝之

車指燕山道徘徊感故人相逢莫下淚何事尚攀輪生
死成今古風雷任鬼神一錢從未敢幸不愧焚身

廿四日懷舊

風雨寒宵旅寺深濁醪清共老僧斟追歡強自隨燕俗
怨別難禁動楚吟十載浮沉餘傲骨百年生死總關心
殷勤後婦能謀酒一酌沉冥不可任

除夕與化卿中隱共酌

荒庭曆盡夜猶長談笑依依尚爾行賈島苦吟淹古寺
長卿多病滯他鄉無營轉覺家爲累得醉須知客不妨
翠髮明朝看又改莫因牢落負春陽

正月二日對雨

金花彩勝滿明窗滿目陰雲四野橫元日先愁無望日
雨聲早已是春聲沾泥弱柳行將動寒逗流鶯不肯鳴
獻歲空齋無一事舊編惟命侍兒擎

送賀長君侍太母還東

共君纔得飲屠蘇何事風帆便道吳餞餚總深王母戀
升輿各得冢孫扶江梅冷帶官衙色碧草青分南浦蘆
遙計回瞻知不淺重來共醉酒家胡

人日城望歸飲諸社兄

春陰寂寂眺吟違斜日當樓一放暉宛轉垂楊新濯濯
啁啾語雀試飛飛粘天晴雪千峰駐繞堞寒烟萬井圍
鐘動歸途詩半就尊餘栢葉忍教揮

戴令微計至得化卿霍中書

兄弟當年意氣聞于今雙劍一時分招魂心向蘭前動
埋玉情從書後慙塵市不堪重買駿窮交况復歎離羣
遺編好在爲珍重老淚休令盡北雲

赴葉君管鄉莊途中作

荷盡新涼久注情幽期曉赴及秋晴盤堤萬柳高低出
亂眼千峰向背明稻熟天風農自得路經鄉國馬全輕
到來景色應逾好不惜清尊百盞傾

中隱習靜慈雲蘭若寄懷奉答兼呈石公上人

新著青州不耐寒梵鍾深處露華殘逢人強自呼居士
誤我將無是等官縱酒清狂容惠遠多聞結習似阿難
聽來妙義猶難忘獨步階庭嶺月團

同化卿隨喜靈泉蓋卿許攜榼不至

無端秋思下平原有客邀歡共款門倒屣急須呼勝侶
抱疴強欲盡深尊破雲月色分香桂送雨風颺度野村
笑我空依梁上柱何人刻燭待王孫

秋日送化卿之霍山

天空一雁渡檐陰執手河邊送客心奔走爲憐高馬骨
姓名無那重鷄林雲鴻正值歸途背霜葉偏從去路深
莫謂桐雲渾不念故園還有白頭吟

同化卿君節以冲集戴允孚樓宿余僦居北城

北郭東牆咫尺聞風流當日見殷勤登樓再值新秋啟

握手偏驚累月分
鷄犬幾家仍戶
歸弟兄強半隔風雲
多君無酒能酣我
一任沉冥到夕曛

中秋夜雨

高閣經秋爽氣開
擬逢今夕共徘徊
無端殘雨收還落
不定鳴蟬去復來
益睡世情聊剪燭
貯愁胸緒且銜杯
坐看滿目陰雲起
風響高梧一鳳哀

贈孫鏡吾

鏡吾氏久精釋那脫習韜鈴遠赴秋防詩以送之

筆花落盡劍花鮮
悟得塵緣卽淨緣
憑取金剛百八子
更攜家乘十三篇
烏藤玄塵渾成轍
漢月胡雲總是禪
不信防邊有尊宿
新題妙偈在燕然

宴益壽西園

龍山孤嶺據仙居
別閣西開爽氣舒
玉額金題深護竹
雲繩霞笈靜函書
秋風有客過叢桂
授簡何才不予虛
盛事歸傳欽帝業
定知招和在美渠

寒食道中卽事

二月春風楊柳烟
一庭花事尚茫然
幾家舊恨斜陽外
無數新愁高塚邊
塞俗耕墮似耕墮
燕人乘馬不乘船
逢迎官吏紛持牘
問道閒曹不肯前

謁陵二首

皇圖天保九陵雄
宛轉潏蟠見壽宮
王氣總纏窮塞北
雲封高接大江東
珠襦雨地山河壯
桑土千秋爛戶同
鎖鑰只今誰可寄
憂天空自歷孤忠

晝漏鐘鳴寢殿張
漢儀周禮飭冠裳
祠官帶珮承恩重
刻辟徵金薦耐忙
雲護四蛇常出沒
月明獨鶴自翱翔
總然盼嚮通呼吸
未必尊親似上皇

送王璽卿館赤城

驚秋旅客動歸程
何事蕭條更遠征
客淚總翻霜葉下
馬蹄直逐塞鴻輕
逢迎到處傾新釀
欣賞同誰喚落英
清夜赤城回首望
鳳山秋老可爲情

燕邸送友人歸里

薊門九月雪霜深
短褐臨岐淚不禁
逐電孤騶迷去影
沒雲高雁失遺音
到時黃菊尊仍滿
別後青山夢屢沉
爲謝故人夢國風
塵早晚急抽簪

新詩三信父時訪
知白兄却寄

秋氣蕭蕭萬木疎
茂陵遙憶病相如
北窓風好仍殘夢
南極星高不照廬
伏枕懷人還骨月
杜門燒藥枉圖書
欲陳七發憐才少
暫把金藤易子虛

過馬院屏侍御古唐山莊

近郭圍城景色新
烟蘿繞逕可藏身
隔籬風雨花迎客
傍水樓臺鳥伺人
抗疏傳經休足慕
買山遊嶽總無因
與君試步長堤上
霜滿青天月滿筠

飲吳體中觀察

鬱葱佳地敞高筵
尊酒相看雨後天
五木祥開星欲落
萬家烟淨月初懸
玉壺寒至侵河朔
銀漢秋沉逼酒泉

漫飲平原過十日還期夜載雪中船

盛菊泉方伯招飲却贈

一灣溪水一篙船炎夏何勞款綺筵君自蒲團甘白石
我將酒德訪青蓮籠中道士原爲佛眉峯先生夙是禪
此後彫胡堪作具相逢但可煮清烟

送文湛持翰輿南還兼寄姚孟常太史周蓼洲吏

部時以狀頭疏叅中官降調

曉露花深紫殿高爭看春色暖宮袍承恩便欲誅常侍
初服相將報聖朝阿閣誰能來歎鳳大江歸去怕聞鵞
中流若遇羣鷗侶如此風波不可招

贈方亥未侍御

才子名高早著聲西臺一入想雄風乍聞鳴鳥驚處閣
早見批鱗出漢宮獨樹當陽輝北極五花嘶雨遍關東
同鄉何幸逢同調吾道如今竟不窮

楊大洪歸里後感示惠元孺給諫二首

痛殺龍髯攀不及障天毒霧滿朝危觸階流血君方見
叩闕排簾宮始移北闕雨風號二祖西山霜雪致三疑
至今永夜傷心事空向乾清涕淚垂

孤危少至自堪憐姑息翻爲婦寺牽利口果能昏白日
杞人只恐墮皇天行吟無地終懷楚擊筑增悲竟去燕
一死一生原是幻肯同舉國飲狂泉

送孫愷陽閣部督師關東二首

一天殺氣滅秋色四面悲歌變漢聲忍見鯨鯢腥鴨綠
可無籌策返遼城袞衣急借周公出簞服還勞方叔行
報國有心常似擊只將龍樹乞神兵

丞相胡爲遠鎮遼痛成兩表出師先龍蛇原自推車騎
驚鳳何能混鳥鳶若過燕然應勒石倘平回紇望朝天
王庭那及人心險只恐回車不肯前

酬趙儕鶴蒙宰

東山鹿豕經年卧詔秉銓衡正百官憂國可憐雙鬢白
焚香爲告寸心丹身留一剑霜花滿話到三朝夜月寒
自分驚駘無足道何緣得願便交歡

送魏鄴園出都門

征車遙指下荆扉長安木葉稀淚洒九關俱是血
烹無五斗且牽薇忍看毒霧黃河暗一任雄鳩白晝飛
我亦蹉跎從此去相期悲嘯採芳菲

寄葉臺山相公

黨錮將興便乞歸如公當日號知幾江湖何必分清濁
牛李難明孰是非生計青門瓜正熟功名白髮願同違
西行大禍猶能解莫戀灘頭舊釣磯

檻車至濠梁時楊大洪書至

荒郊一帶慘風烟緹騎徵車江楚聯含淚開書猶罵賊
同心共請祗呼天此生莫作無家別萬分惟知有劍懸
寄語故人須早發相期折檻聖君前

與晦軒居士

拓落看居士風流想昔賢忘機鄰野鳥息踵伴枯禪性
喜愚公谷情宜大士蓮戶盈彭澤柳花滿辟疆園卜宅
纔三畝開池可一拳厨烟雲杪出山溜石中穿嫩綠紛
初染嬌紅半欲然叢林陰拂拂疎竹媚娟娟引鏡添華
髮張簾繞冽泉牛半日夕下鷗鷺晚風旋孤客床頭酒
遊逾杖底錢不知城市變那問谷陵遷士畏題門外風
高折屐前雙兒齊鳳起諸子復蟬聯坐對河陽縣開歌
桂樹天懸壺寬日月搔首傲坤乾鶯語堪簫鼓書聲雜
管絃相皮猶溷俗揣骨已成仙漫以三都賦聊成招隱
篇

初從金山自然師訪其兄松和尚

已過金山尋寶樹更從無著問天親山晴一井猶看雪
盡處山頭是上人

出塞曲二首

陣雲橫卷將星高獵獵秋風動羽旄揚旆平明屯渭北
銜枚薄暮度臨洮

羌火燒雲塞草枯翩翩獵騎海西隅解鞍卧鼓平原上
胡馬千羣不敢驅

入塞曲

大漠高空塵不飛新秋塞上草猶肥石榴紅綻葡萄紫
博望遙馳宛馬歸

龍眠風雅卷十四目錄

木厓潘 江蜀藻

松陵朱鶴齡長孺

同里趙襄國以贊

姚之騏 四首

林胤朝 十四首

倪應睿 二首

謝逸 三十五首

盛可藩 丁四首

林胤瀘 二十四首

吳善謙 七首

方大璋 三十二首

龍眠風雅卷十四

木厓潘 江蜀藻

姚之騏 字汝良號濯源萬曆丁未進士博洽精理學

補博士弟子官子怡然自樂及作令湘潭以剛介廉潔
有存諸門人及楚閩所拔士所後收輯遇幸林携
入山梓遇寇難與林所著述一時俱燼此詩亦從
外家藏帙中覓出者文
人之厄不獨公為然也

故婦怨

新人初入門君子猶念舊妾顏誠已改獨恃君心厚為
君常正色守禮爾中弄那知隄防疎衽席生讒搆東髮
為君婦恩深怨何驟驚雷劈長松黃霧塞清晝妾冤亦
何苦妾亦忍後欲語忌投杆恐復歸君謬吞聲下庭
堦妻風拂羅袖

王昭君

羞澁貫魚末詎當明主意生非健兒身遠代和戎使闕
氏失顏色誰道漢宮棄天子念蒼生畫工豈必偽琵琶
抱私泣胡雛皆澀淚為訪蘓子卿昔年毳雪地

舟行

扁舟惟所適幽意托滄浪夾岼峯翠臨流葉葉香潮
生消暑力吟冷助波光遠浦青帘出溪杯待夕陽

喜汝芳弟秋捷

風雨相師閱歲年豈長貧賤久相憐半生枕被公超市
千里音書祖述鞭自信漫誇逢此日苦心端賴有高天

錦叢堂上秋花發爲報孫枝次第妍

林胤朝

字獻美號下石少風惠一目十行嘗與戴封君龍門前日曆試之不與年三十一即

春夜飲礪中

華館清溪曲東風二月時人從花下醉簫向夜溪吹古
戍鉦聲急明河星影移樂遊殊未已遙認酒家旗

春晚

寂寞窮愁客蕭條春晚時東風吹野草宿鳥綴危枝地
僻來人少瓶空得酒遲浮雲他自散五柳是吾師

次韻答石浪上人

廬峯真卓絕霜對白雲隈古木四圍合飛泉一逕開觀

東風雅集十四

心天籟寂謫添雨花來向子猶家累何時得共陪

縱江坐雨

一雨春將盡餘寒戀布袍山橫雲影亂風急雁聲高運
甕懷先哲開門望太初謀生甘守拙鎮日坐江皋

山堂春雨喜友人過飲戲贈

投子山邊春色遙東風習習雨瀟瀟雲流石磴蒼松暗
水長川原白鷺高但有花同金谷酒誰家人弄玉樓簫
郎君欲去還休去牆外桃花故放嬌

遊偃月巖

桃花宴罷日將微策杖春泥草色霏雨潤山頭猶帶濕
烟籠石底若爲衣黃鸝幾處鳴低樹白鷺數行過淺溪

攜手狂歌新月上鬢邊斜插野花歸

人日讀鴻烈解有感哭渡之弟

曲巷蕭條晝掩關淮南讀罷淚潸潸當年意氣從君長
此日凋零剩我孱白雪有聲成古調青尊無計對衰顏
惠連何事歸泉早流水高山只等閒

得來字

丙午秋日過弘濟寺徧尋沿江諸洞晚登燕子磯
高閣憑虛逐水開清秋躡屐破蒼苔江聲捲浪潮初到
山氣蒸雲雨欲來客醉漫隨玄鶴舞僧閒未許白鷗猜
狂歌莫笑忘歸去明月還登燕子臺

過木樨庵

斗室倚懸崖勢急向水開無緣登彼岸心上有如來

過五谿橋登眺

細雨霏霏侵客衣樓頭霽色隱斜暉青林犬吠無人跡
遙聽鐘聲出翠微

邀友人賞芍藥

翠葉紅苞滿院香主人終日兩相忘仙郎肯賦名花曲
那惜千觴與萬觴

春日宿思貽堂值伯兄兩弟肄業別館

萋萋芳草徧天涯嫩柳新篁翠更加春色滿園誰作主
月明閒照紫荊花

無題

細雨和風三月春嬌紅嫩綠一時新可憐夜半窻前月
夢繞巫山枉斷魂

席上吹簫

月明清簫響天風萬里寒雲一碧空吹殺玉人聽不得
相思今夜更誰同

倪應春

字中之號吉庵萬曆丁未進士餘上抗令爲政平易近民推察御史光宗晏駕引春諫後講學勤政納諫相六事及楊公達去國抗疏請留楊左被逮公亦削奪歸矣崇禎元年起南太僕正卿未幾乞骸還里年八十考終贈工部侍郎

元日集慈雲菴

曾無隔歲約元日集禪宮樹色寒暄裏年華新舊中淡

知疏味永原可俗情空生事歸昂怒還期靜者同

雨晴登西山

但得層巒霽攜節卽共躋風和知近解野迴覺天低尊

煖燒枯葉盤香發舊壘數聲山寺磬已過竹林西

謝逸

字中隱一字無逸少貧從黃冠遊一日見其師登壁步置作扣齒戒鬼狀遂大笑棄去折節讀書以能詩各里中先達如何相國吳宮論方中丞葉宗伯皆樂與之交詩筒往復殆無虛日洵盛世詞場之美談也性放達不羈嘗題詩藏云一竿買得屏西地生用登臨好與兒孫集題題三

美人

美人坐池上池水清見底照見池上人盪漾綠波裏鬢

影亂浮萍面色香流水借問洛川神風流得似此

元旦過慈雲菴禮佛同史長惺夏廣生兄弟集雪

公方丈有作

力疾過初地齋心禮梵宮僧鐘殘雪裏鳥語亂山中林
僻春先集人閒念已空年年當上日蓮社喜能同

無美將歸欲賦詩以送之

新詩曾幾日容易便言歸近夏方思葛過春未換衣窮
途淹客遠末路借人稀相送樵溪去茅齋暫掩扉

盛少府櫬自浙中歸厝月山余往哭之

死痛張元伯生傷范巨卿青鳥應有光白馬竟虛迎壠
木悲秋色河流江雨聲空持懸塚劍恨未贈生平

寄倪同成棗衣

秋氣日蕭森偏於瘦骨侵曾無入火術長有履冰心曝
日寒難送迎風病不禁綈袍憐范叔古誼見君深

喜雨獨酌

已向烟霞老前期信自然以詩聊玩世用酒且消年寒
氣兼雲度風聲雜雨懸欣欣蘇萊麥時聽路人傳

何宗伯招同石上人林塘休暇

上客歸田後林扉晝不開每同僧寂坐長到鳥飛還往
事澹流水高懷洽遠山叨陪日何幸消得念塵閒

春日同楊蘭似過慈社

東風先客到逕徑柳條新啼鳥爭求友遊魚不避人一
乘間妙法半日寄閒身賴有招尋侶年年肯負春

獻歲後二日過楊蘭似小酌時新移西郭

擇里不違仁追懷得所親椒酬迎歲酒梅發隔年春地
近西疇僻家依南阮貧論文如不媿茗飲莫辭頻

遊披雪洞

絕巘翠蘿上飛泉倚石看穿林虹氣落振谷雨聲寒洞
曲雲回合品懸樹倒盤緬思濠上意千古此同觀

雨後賞月

豈不尋常見難于雨後看影纔離積濕色已逗微寒照
席燈光淺侵杯酒興寬薇花高出檻宛在水晶盤

過胡寅甫山房

長林延野色一室枕其間雅性原遺俗溪居且就閒靜
分隣寺磬清猶到巖山祇恐楓花發秋風送出關

訪汪林叟山居

泰山貪趣涉路在鳥聲中古木圍重嶂高崖閣遠空到
門流水白隔岬野花紅飽聽桑麻語塵寰了不同

東楊蘭似

昔擬芙蓉作心將往哲同可堪年近老無復句能工好
尚人情異悲歌吾道窮君家有玄草名已遍楊雄

葉允男惠詩兼邀過集次韻賦謝

謝盡交遊賦索居剩將貧病老隨余追尋不但河山渺
音問還從歲月虛花徑漫勞存倒屣席門端望款停車
新詩字字珠同潤更乞分輝到草廬

同宣城劉鶴亭暨齊寧族兄弟登投子寂桂峯誌

慨二首

驚嶺蕭條鎖墓丘誰從燒劫問沉浮六時禪誦無僧住
九日壺觴有客遊苦卧殘碑餘字跡松埋廢址失春秋
趙州橋下無情水似感興亡咽不流

捫蘿重上柱峰巔吟興休爲往事牽白馬談天知有舌
黃金布地惜無緣遠峯對酒如相約新月留人不待圓
更向山靈盟一滴與君遊賞自年年

同何宗伯重過如意結夏分登字

路入烟霞紫翠層塵心先與磬聲澄犬迎花外曾來客
鵲報林中久定僧雨過前溪纔響瀑春回絕澗未融冰
松風竹嘯堪留客況有羣峰逐勝登

遣問效長慶體

一丘一徑雖云樂捫葛攀蘿亦自勞但得草堂連竹塢
儘於行坐好逍遙眼昏字細書難讀骨痛尊盈酒莫拋
老去關心多少事可能不向醉中消

幽居卽事

茗椀蒲團可伴閒門無將送不須關天教老去身差健
人說秋來口盡還酒量近從謀婦進詩篇常以課兒刪
日長剩有牽藤事不是尋僧便看山

答姚康伯過訪

簷梅忽忽又經春覽鏡重添白髮新覓睡止因時事懶

典衣不爲酒家貧病于兒女關心切話到交遊冷夢頻
莫問別來生計好如棋著著總輸人

入郡訪何咸仲儀部話舊

風雨江城秋易陰西堂剪燭坐更深人于久別今重見
夢自中宵不再尋片刺已疎魚鳥字一尊共辭蘿心
因思往日梅花發誰共何郎倚閣吟

方侍御玉成何宗伯康侯晉秩志喜時有遊捷

忽報幽燕靜塞塵老夫愁破是今晨從前下盡爭腸泪
向後全多馬齒身調鼎特推名宰相安邊新拜大忠臣
務農銷甲堪行樂採賸鋤瓜不厭貧

登穀

門外初晴見落花一年遊賞負春華共邀絕頂看雲坐
莫放深杯醉日斜江上龍峯青宿雨城隅一水白平沙

子規爲惜春歸早故向尊前喚轉賒

送方侍御還朝兼寄何康侯宗伯

已向龍眠葺菟裘書無夢到林丘曾因諫草聞新主
未許鋤瓜老故侯禁苑君高槐棘色山屏子掩薜蘿秋
寄聲曳履南宮客爲報爲漁困直鉤

楊蘭似約遊投子人力不便詩以辭之

濟勝曾無具探奇負夙心明朝重九日籬下就花吟

送楊蘭似應試金陵因念舊遊五首

後湖側畔憑虛閣覽勝當年記一登半壁有題塵土暗

君行但問六朝僧

城外清溪接御溝秋風曾繫木蘭舟長思燕子樓頭婦

緩引春纖弄碧流

碧峯寺裏西廊竹憂雨敲風幾萬竿避暑昔同僧下坐

渾身分綴碧琅玕

傳聞舊日烏衣巷世業崢嶸屬謝家曳履我曾尋故事

古槐秋燕夕陽斜

家散金陵已十霜送君心逐楚雲長別時人醉槐花月

到日衣香桂子香

雨憶無美

關風伏雨作荒涼就枕攤書懶下床想得天涯未歸客

不因風雨亦思鄉

戲東楊蘭似西山看紅葉子以事不果

聞君郭外看楓葉每日攜朋買醉歸爲問驚人誰得句

坐中應少謝玄暉

盛可藩字屏之號蓮生光祿初泉公之季子也萬曆
有勞績督運昌密二鎮以疾卒于官其子翰林苑
監署丞邦孚上疏請卹贈光祿寺少卿所著有枯
吟集行世

題林中尊所藏織錦回文卷後

幽懷一寸通天地璇圖錯織傷情字機杼依微離怨聲
錦絲綜合迴旋勢穢寄安南見亦憐香車過返漢江邊
頓教歌舞陽臺女又逐行雲各一天後有朱媛能作解

千里丹青梗概二妙應令今古存
妬完趙璧知誰在
仇生繪事當時絕補畫能全化工缺彩筆深涵離合心
尺縑具寫悲歡色筆縑仍譜錦璇璣蘇蕙朱真兩兄之
始知套閣幽芳韻賴有芸意慘淡思君侯博雅耽遐異
購得精妍吳錦製退食鳴琴晝下簾邀子鑒駁同遊戲
展卷徐觀三嘆嗟征人思婦意無涯陽臺若也嫺文錦
更有詩圖出寶家

劍川下溫處州舟行

山夾水無盡洲遮溪欲窮吼頻湍觸石洑急溜迎風村
閣多依云川雲自向空樓船勞艤待小艇興能同

聞直指劉公錄薦

疎庸何得此簡說感還疑精覈方嚴額孤微乃特知羣
賢惜有漏常道信無私果爾復奚羨吾今可量移

李氏槎頭小閣宴坐

小閣溪聲裏長橋山麓邊洲分兩河色岍簇萬家烟翻
激中流確奔衝下瀨船檻前青玉案凭對日臨川

舟住

樓船不可上停待小舟來望裏澄波迴看時疊嶂開人
家隱烟樹僧寺隔山隈卽事堪留繫風帆任往迴

漫遣

年來數行役半在枵甌間孤泊每深夜小輿多險山風
塵雖獨苦客味亦曾嫺逆旅嗟人世誰能一霎閒

維舟交江散步玉峯山寺聊志所見

野寺亦幽趣山名額玉峯視泉茶竈側甃沼法堂東此
日深松竹何年創梵宮因緣無處問惆悵翠微中

途中漫述

半是山腰半水涯橋頭著屋樹邊祠行人拄杖無車馬
柿店懸茅代酒旗柏老千疑梅吐早藤稠葉認柳彫遲
嶺高礙日陽光薄嵐霧終朝上客衣

燈下瓶梅

折取寒芳置坐隅倩教銀蠟夜相扶蕊開密雪明細帙
萼襯微霞映玉壺落瓣似從風宛轉浮香不共月模糊
怪來素壁無人書水墨疎枝自作圖

謝鄭中書借書舫

溪峯四面擁歸舫彩鷁衝波錦纜牽我自汎來仙冷宅
人誰信道牽廉船風生忽覺身如鶴夜靜時疑案有絃
寬納烟霞遙載月惠人何羨濟輿賢

冬至夜飲甌城主人樓

向夕樓簷生月光錦屏紅燭照清觴客愁欲起王能醉
日晷雖添夜自長江蟹幾螯盈口爽土瓜一味沁心涼
劍川還往剛千里何必并州憶故鄉

聞量移南雍報

幾載棲遲溪嶺叢偶傳移席向江東頓教夢斷春官榜
還許班隨太史公寒地偏宜容措大散才長合老閒中

白雲咫尺江山麗不羨浮沉金馬翁

歸署

草裏籃與沙裏船兼旬還任意蕭然何如繫馬堂階下
一枕殘書放脚眠

舟泊苦竹

潮近灘高鼓櫂艱好風只許到山灣夜溪一片霜和月
彷彿蘆花淺水間

林胤瀘

字汝之號鵬山萬曆間諸生僉事未軒公之
次子也幼而穎敏神彩秀徹性恬寂不事家
人生產掛極萃書厥棄舉業好爲詩歌與豫章王
化卿宜同里方玉成大任業以冲棟方君節大鉉
友善唱和之盛比于元白皮陸年四十二早卒子
萬爲錦其遺稿行世集中有與鄉人飲送孫逸人
遊楚二詩兼經三誤

秋日清泉寺

嵯峨雙峯秀攀躋陟其端湖光浩蕩蕩山川何鬱蟠鐘
鳴上方塔月色逗林密山僧遺我酒錯落盤中餐交立
兩盤石流水鳴珊珊黃菊遶石生颯颯松風寒

元日雪

同雲垂四野獻歲滿千山古樹衡門外寒鴉落照間獨
酬今日醉長願老夫閒向晚無車轍呼兒且閉關

春遊

絕嶂千峰合清溪一逕通舊曾來石上春引到山中瀑
布晴飛雪桃花晚帶風前村歸路遠明月影朧朧

春日同錢修甫野酌秣陵妹聯望久之

遲日山多色春風客見招花邊同醉酒松下坐吹簫宿
易翻飛急佳人聯望遙無情還有意愁殺董嬌嬌

道中駐馬流觴作

駐馬垂楊遲因過賣酒家輕杯浮野水听幘坐平沙雉
雉依芳草鶯啼出晚花試看流幾曲獨醉日初斜

晚遊偃月巖

無復浮雲色春山極望遙鶯啼遠溪樹馬影怯危橋石
溜晴飛雨溪聲晚帶潮沉冥邀月醉遮莫盡今宵

春晚

寂寞村居叟蕭條花落時好風吹野色乳雀上高枝地
僻科頭慣疎疎黃酒遲考槃吾豈敢養拙是予私

溪行

古徑微風度閒雲逐馬飄芙蓉開野水楊柳帶橫橋
下窺潭淨鶯啼出谷嬌此生無所用且得伴漁樵

夏日與朱漢卿飲萬松溪處

孤峙一亭小清陰萬木攢到來無復暑坐久欲生寒放
眼頻浮白搔頭懶著冠醉來移枕席明月卧中看

七夕

今夕爲何夕他鄉酒一卮星河低北戶烏鵲繞南枝乞
巧傾都邑懷人隔水涯遙知愁織女夜月冷機絲

秋夜訪葉以冲

偶乘明月夜來訪故人家露氣侵衣濕山光帶郭斜橋

鳴流水急路轉辟蘿踪漸覺幽居近青松一徑遮

懷化卿

江鄉同作客旅館忽驚秋露冷蟲依戶天清月近樓蓮房擎葯小桂子落花稠不見高陽侶令人起夕愁

九日山中

微雨秋山淨朝陽射却迴空庭槐葉下滿地菊花開一卧維摩室長閒靖節杯今朝清興發可有白衣來

化卿玉成見過

對酒不肯醉無爲空見思寄書如昨日入夢憶前期下榻山堂裏懸燈暮雪時悠然無俗韻相與一題詩

春雪憶化卿

故人晚歲移家鄉千里羊城已到無候入新年時物換舟淹遠水客身孤青峰迴見匡廬色白浪橫行彭蠡湖

風雪滿村酣酒處遙應分念及狂夫

送化卿還金川

白雲滿谷留君住何事年年輕別離細雨村頭沽酒路微風船尾釣魚時匡廬山下桃花水彭蠡湖邊楊柳陂取醉一迴歌一曲就中應有和陶詩

中秋夜餞別玉成之古田

秋風嫋嫋動林端霽色初開嶺月圓十載故人成遠別一尊濁酒罄交歡知音海內憐子寡作客天涯見爾難何處扁舟相憶切蘆花楓葉暮江寒

夏日與漢卿飲

蓮院長松十萬株高風設設滿庭隅花間啼鳥聲多少郭外青山色有無纖月乍生依古樹明河半落轉浮屠蒼苔石上堪趺坐一曲清簫酒一壺

友人攜酒問病山中

山居鎮日無巾櫛寂寂柴扉晝不開噪屋頻驚乾鵲喜叩門忽報故人來草堂自此生春色遠道何勞載酒杯力疾從君拚一醉不知明月上寒梅

九叔宅逢李舍之

牢落長憐李白才琴尊漫擬共徘徊秋風江上扁舟別歲晚山中匹馬來萬里雲陰橫地合千崑雪色擁天開嗣宗頗愛清狂客不醉無辭小阮杯

清明東孫對之

細雨東風春草萋桃花灼灼柳依依孫郎獵騎城東過薄暮應歸猶未歸

卽景二首

山下青楓楓下烟人家茅屋兩三椽蕭蕭馬食平蕪地啞啞鷄鳴近午天

藍蕪青山橫郭外翩翩白鷺下溪中輕蓑短笠歸來晚兩角黃牛一笛風

李太白酒船圖

紅錦宮袍綠玉杯垂楊拂岸酒船來遙知詞客江頭醉

夜向金陵權月廻

吳善謙

字伯亨號黃嶺萬曆己酉舉人其父為壽寧令嘗攜之行能佐其職及釋得為台州推官

康平不改父政者有三台平反諸條二錄台人至今戶視之崇顏初以卓異擢南京監察御史巡視下江居言路門甚奏議凡三十條上諸帝致言皆有所裨固是不附毛舉鵲之習尋引年致仕卒時七十

狂歌

男子未成名藏器在空谷所傷知音希終日長頻願朝看金烏飛屑霄晚看蟾蜍照我屋流水年華容易衰兩者分行何太速吁嗟乎古來賢哲遇合各有時誰定英雄誰碌碌欲將此意問蒼天風雷夜吼蛟龍哭

哭盛蓮生年兄二首

曉來若惜草堂前哀眼難禁涕淚漣 榆社交情能有幾

竹溪詩酒竟無緣夢迴夜月期招鶴老入棧春怯聽鶻最是傷心言不得餘生風雨有誰憐

十載故人零落盡孤忠此日為君悲西山爽氣今無主

北闕名臣更是誰庚癸頻呼勞仰屋庚申失守竟騎箕挽郎莫唱丁都護朔北風號萬馬嘶

遊飛來峰

層峰疑豹復疑獅靈鷲飛來面面奇逗得壺天繞一綫
滴將鍾乳已雙垂樹深不覺雲歸晚逕曲翻嫌月上遲
絕頂欲登苔蘚滑重遊還勝却何時

憶天台鴈蕩

五載霞城輟簿書桑洲卓嶼一肩輿玉京敲竹陰森曉
古寺觀濤瀑練舒石罅寒泉吹澗聲巖前清露滴襟裾
歸田忽憶曾遊地悔未桃源早卜居

楊白花二首

二月春光好楊花歷亂飛清明風漸至飄泊更何依
義重猶難信情多休浪誇願郎心事定切莫學楊花

方大璋

字君直號玄圃萬曆間諸生有問空學使一時名公卿皆提調以為弗及尤好為大言風發泉湧輒傾其座人卒以負才要忌有姻戚謀殺人

慨然身當之遂抵罪病死獄中讀其寄人詩有何人打破豐城獄取出龍光舊鐵磨鳴呼可悲也已

擬古二首

稟賦鳩將徙不如變其聲揭竿逐愈重請鴉作鳳鳴美
言以市尊神聽終和平居室千里應至哉感物情勿以

細微故蟻穴虧金城勿以陸離故豹皮藏函兵白圭玷

不渝磨堯堅以銘空文可馳騁稱衡至今生

五尺紅珊瑚芙蓉嬌子都一朝不得意俛首藏溝渠金

石猶可泐榮華那得俱丈夫不識丁面孔乃如屑作使

三月十六日間鵲二首

桐子去江一百里山頭日夕杜鵑呼土風不與江南別
惟少遊船行酒壺此物鳴時候春作田父宵征蠶起箔
小麥大麥青未黃煖日秧針揚線絡出門入門各有營
火耕水耨事生活筋力乘時不肯閒偃息蓬蘆纔睡著

君不見鳳儀布衣長松山有田一頃南城間一朝豪雄
結大姓殺人放之野水灣犁鉏筆研皆塵土展轉春風
六載還妻子有情應化石女兒無父亦垂鬟不復上書
能叫帝祗應啼血淚痕斑

二月紅英飛雨餘周啼向五更初哀哀失乳兒聲似
東叫西呼泪滿袂人生乘時要努力機會纔差悔何及
紫殿王宮不肯居竄枝跳葉空嗟泣冤魂怨魄遶蓂莢
破抵開誣須直筆君不見明經白面身七尺唇如激丹
眼如漆子虛妙麗壯無雙客難洗洋肆罕匹一朝漢法
用傾斜注眼韶光虛九十

行世苦

男兒行世苦落生平在蛇虎十尺珊瑚斧作薪
照水芙蓉色如土七聖襄城具茨迷陽羨書生口中吐
昨日西秦御史來烈烈霜威行緇斧黃犬牌移黑犬項
郡士義義看成堵各言自秉軒轅鏡誰能更擊登聞鼓
聞道秦關出死人更道秦坑沒迂腐亦有應侯數三罪
亦有商君問五殺亦有牽犬咸陽嘆亦有懸書陽翟買
亦有鹿馬使詐奸亦有機壁身繫組嚴刑峻法削元脉
賣國欺君成毒蠱卽今漢法行大明長安滿令收閭閻
不天不日肉在俎非人非鬼魚遊釜諸公補牘舌欲敝
虎賁叫閭聲獨吼列缺豐隆間不聞玉皇高拱尊神武
何況區區問巷間么魔威福專明主自憐追琢魏章相

靡甕匪漏多苦竄馬醫夏畦賤不如兩道行天日征午
五世卽爲疎遠人小宗子名懸牒譜日下之燈不可然
棄市非辜亦何補有笄婉婉訓公宮六日懷中絕母乳
白頭獵獵西風吹腸斷不曾歌別浦御史卽欲燭隱幽
九鼎神姦格神禹

齒豁吟

青絲紫游年薜蘿林陵金柳細藏鴉烏巾白面跨緱嶺
紅袖朱唇溢若邪當時擬就唾爲珠吹氣勝蘭清徹膚
玉杵玄霜知有分銀鈎數水豈無夫那惹蒼交佛手香
錦盆文石浸高堂愛把蜀箋臨小字爲寧湘并理新粧
韋門全盛換華衰對浴鴛鴦飛背時掌珠遺挂心期碎
無復邨林第幾枝歸却富人欺倦馬長安老成厭新賈
鄭立不省橋下追服虔寧能夢中啞失職詩書穩覆盆
猖狂落魄坐鉗髡聖朝空下求言詔甲族羞當殺士冤
歲月蹉跎髮色皤涼風吹落桂花多齒豁眼昏心上熱
何人入室問維摩

將以是月日渡河對酒作爲此詩得四豪

薰風卷江天怒號五月十日吹銀濤吳蠶出繭桑枝高
美人織手爲蠶線我今買得如瓜舠欲行不行空伏曹
橫劍羞殺五陵豪酒後還看弄寶刀

八月十五夜

閒卷古人成往跡罷卷不飲胡爲平腐儒關爾吏何事

忽然反接成幽拘小奴烹鷄淡無汁簪燈瓦缶然枯
百錢日費不一飽飯行即與愁爲俱徒御強作解事語
暫成寬辟翻向隅云是八月十五夜布衾斗酒何人無
英雄豈是悲兒女蟋蟀要見青松癭骨肉大半復爲土
桑榆幾何鳥鳴哺劍南博得意氣酬鬚眉七尺徒爾殊
咫尺南山二頃田何時歸種豆一區終然精衛銜木石
肉芝不復生秦厨試看今宵秦淮橋上飲繁霜沾袖幾
歡娛

有鳥

有鳥有鳥遭網羅雄乎雌乎兩相過玄雲決鬱霜氣多
中夜彷彿河奈何不能對面航黃河洞庭咫尺如層波
枉看文章五色絕漫言紅粉粧娥娥羽毛栗列風塵
窺影潛形伏水荷相見長鳴歎亦和不求此翼天雲摩
公子何人爲挽戈臨風一擊驅其囹雙飛起食芝田禾
報爾千百白玉珂

畏鵬

每到春花發隄防鵬一鳴紅英三月盡青鬢四時更
麥收平隄風烟護野城寧知湯火裏執熱變凄清

寄衣

只是和衣睡何曾解帶眠春寒中酒夜夏冷長湖天兀
兀還如昨懨懨不似前裁縫舊針線破涕一潸然
咏白苧帳子

鄧雪扶湘簾陽雲汎月鈞氣凌姑射去神到洛川遊玉
像朝烟燭梨花暮雨收耶溪兒女手濯素亂中流

月出二首

月出燈花喜天晴鼓角清幾家燒短燭高燕擗香橙並
面千秋樂同心五夜盟少兒無限好隊隊遂生平
芙蓉方泛露橋柳已含霜那得尊前見難從醉後忘荷
箕催絳緯涼月照空床妾別君何處三眠蠶待桑

聞報三首

承恩非讓後賜歎敢辭先祇爲蛾眉悞誰將鴈足傳一
身都是舌萬字不如錢早識羊腸險何須美執鞭
生殺朝家事直心尚轉圓祇緣成虎市遂復置魚笮殘
害安無惡債猶大有權避嫌翻得謗發覆是何年
慣以薰蕕混何曾黑白懸放麀任獲罪脫免故能全影
射機關巧風聞呈誤連九閭不可叫雷鼓正關關

見桃花

錦瑟粘多恨紅茵覆有情看花三月泪垂歎半生入草
木餘妻子風塵託弟兄本根却不異何自變枯榮

留別內弟二首

不是尋常見殷憂共歲華帆檣勞霧雨衣服帶泥沙餐
飲君還健他僑我獨賒江前那可別會面卽天涯
魂苦蛟龍引名驚齒頰餘陰房流熠燿宵露滿蟾蜍海
鶴存清唳原鵠斷素書踏拖還對汝習氣不曾除

家訊

一浪通江濶魚船可厭鳴順風呼水鳥轉語蒹葭漢
上一樣近河遙兩宿迎天街多勝事人世恨難平

暖口

暖日將雛叫乳鴉玉人衫袖澹黃斜桃花放盡天無雪
杏子生成穀有芽汴水歸軒臨大道曲江遊馬趁晴沙
布帆海舶牽陽羨憶汎金錢煮雨茶

七夕

郝生庭際阮生竿標領新奇與衆看瓜果懶隨兒女意
蜘蛛恥結小人歡中宵情字難透半世私心話不瞞
鵲散杳然雲滅後人間天上兩漫漫

無咎家來送衣之六題問

衣裳寄取重封裏慈母西風老泪連姊妹一雙操寡鵲
弟兄千里聽啼鵲荒涼廢圃行虛雨黯淡空厨學禁烟
更倚狂夫成蕩子不堪憔悴問天邊

雪後別李寅之中弟

如掌飛花撲酒香煥金鸚鵡喚人嘗丹楓曉角催行旅
白雁青霜別故鄉殘月帶星橫樹影斷雲將雨濕衣裳
溪聲山色長無恙龍岫還能憶鳳凰

得家訊

枯樹烏啼落井簷池州平濕地形偏三年賦鵬徒傷賈
六月飛霜苦憶燕雀啄含桃江樹變魚嘗寢廟大官鮮

故園小妾婦姑獲黃耳音書太損眠

五日

我本楚人能楚歌況逢湘纍問湘娥薰風是日牙樁合
錦色當年綠樹多伐鼓揚帆知自好渡江投些欲如何
潸然一慟來千古掬淚遙添漢水波

寄人二首

昨夜天邊紫氣多司空悵望欲如何何人打破豐城獄
取出龍光舊鐵磨

春盡雨殘風力寒遙憐騎馬出長安下邳古道迷芳草
把酒中原落日看

又讀爲絕句

弱冠詩經太守知受書府舍衆人私不堪鳴躍虛耽酒
憔悴江干自賦詩

春思二首

花信春迴蝶翅嬌探春三月柳烟饒鬱金小婦薰香久
芳草王孫恨不銷

齊山女伴踏春回水長平湖浸綠苔莫向翠微堤上過
東風吹雨濕江鞋

龍眠風雅卷十五目錄

木犀潘 江蜀藻輯

黃岡杜 潘于皇 參

同郡范又蠡小范

張秉文 二十七首

方氏孟式 四十二首

方大鉉 三十首

方氏維則 五首

錢巨明 八首

方大欽 六首

錢志道 四首

吳用舒 一首

龍眠風雅卷十五

木犀潘 江蜀藻輯

張秉文 字含之號鍾陽萬曆庚戌進士由徽州府教

海冠李之奇等功尤俊偉崇禎丙子擢山東左布

政已刑春城肅毅然以身殉職遺書太夫人有身爲

大臣自當死于封疆之語與妻方氏陳氏贈一品夫

人公年少登科文宗廟祭方氏陳氏贈一品夫人

以淡定功成而退亦無矜容詩歌清逸幽遠與克

舟中阻雨

一艇泝空明榜人爭荷笠寒雨響兼葭浩浩水聲急怪

石奔渴猊拳攫向人立舟師駭經過得失懸呼吸風緊

客衣單竈冷晨炊濕撫景百慮煎勞生嗟靡及漁燈照

遠浦望望漁舟入曉夢續烟霞暫同鷗鳥集

過習家池

宴遊無滯淫勝寄托幽僻酒中得聖賢踞茲高陽宅山

公賦遐心劈沼疏泉脉石鏡水粼粼空明倒天色想見

酩酊時影落寒波白人遠池餘清來者迭爲客愧無一

石腸坐待殘陽夕酌水漱餘馨寫照浴水魄外懼兆殷

憂躊躇弔啼昔

驚白髮

清晨起梳頭髮短不堪櫛少婦從旁窺星星時問出當

時美好人面肥髮如漆風霜換朱顏盼往猶昨日名淡

易生疾防身苦不密安能染鬢髭徒工婦人術山雉息

丘樊飲啄全生吉免官豈待年萬事良已悉亮無金石
固起視歸雲疾

夜宿山寺

日午過溪橋日夕投荒寺馬行蒼靄中征衫潤嵐翠丹
葉警晨霜空中成雨墜淙淙繞澗鳴奔泉如渴驥山僧
避客深石戶長年闕剔藓讀殘碑不復識文字崖空得
月全萬峰同一視鶴鶴如老人欬笑令心悸幽賞破寂
寥遠志于焉寄

出郭望岷山

遠城灩澦波紋泚十里香風散蓮子火盤細縐跳雨珠
爛熳紅蕖嬌莫比隔堤一抹峴峰青秋淨雲霞弄餘綺
青山無恙閱人多年公去後龜苔紫此日來遊淚已乾
百年誰信魂遊此鴨頭江綠潑新醅如灑酒熟宜城美
暫留鴻瓜印寒沙且煮鱖羹爓活水不須回首恨無聞
今古消沉夕陽裏

席上醉歌贈孫子長

昔時長安聚知己二三兄弟交如水翁生陸沉金馬門
往往迷名酒杯裏李生磊落性難馴掀髯如戟坐中起
自言經術能致身丈夫不向兒女死惟君淡泊性寡營
靜對琴書一室清予時衆中推最少共許聰明畏後生
荏苒風塵牛馬走屈指幾人名不朽嗚呼翁李相繼亡
吏蹟悠悠寄人口君亦倦羽擇幽棲泌水衡門聊樂饒

藥欄啜啜禽聲合花逕青青荔子垂愧予一官徒小草
何意闖遊績舊好相憐死者不復生可惜生者亦俱老
憶昨策馬入皇州清時人物偏風流經過絲竹陶情地
寂寞當年舊酒樓

秋夜歎

修竹捎雲曳龍尾桂陰橫拖一池水簾前橘實布黃金
餘香時逐西風起客裏秋從落葉催寒花一枝兩枝開
流螢乍與繁星亂急掃遙連畫角哀主人支石惜清景
水荇參差竹中影仰視銀河耿耿清鶴唳空堦一聲警

襄陽無蟹戲歌

桐水湯湯輒魚豕生縛蟬蛭如縛虎九月盤饌饒老饕
家弟傳觴送賓主糟粕撲鼻佐清醑爐頭酒鳴急風雨
竭來湘漢擁旌旄三秋目斷吳門買忽驚有客致一筐
大婦生歡少婦舞掣筐氣溫色轉惡流膏潤刺汁鹽鹵
吁嗟萬事難預料眼前得失何須數江南秋老稻粱肥
此物村墟賤如土自是使君不肯歸空使持螯笑千古

泛小艇由曲堤入江

細港容舸小逶迤緩楫行客情隨地得病况逐年生斜
照鋪江色輕帆發水聲蒹葭空漫漫搔首重含情

茶洋夜泊

荒驛停孤棹遙村接暮烟湖寬全受月窓小半窺天涵
酒蠅無賴欺燈蛾可憐清光盈一水流恨此年年

齋中閒咏

敢謂官如水傳家清白餘
漸調人吏性盡絕故交書
砥俗新栽竹鋤蕪學課疏
忙中頻檢點雅尚未全除

山行

獨步尋幽徑殘花泥屐香
山空雲影薄澗合水聲長
溪女花盈髻漁人罾聚梁
濃陰如翠蓋儘可挈胡床

署園散步

小園寬數畝儘可縱閒身
洗藥占晴日栽花記早春
政惟捐太甚官不厭長貧
如此安心法無勞歎積薪

遊白鶴山

徙倚高原上茅亭住夕曛
寒泉長浴日絕壑欲吞雲
客至分林影僧眠下鹿羣
隔溪山響急落葉已紛紛

過南華寺

雙屐耽幽興禪家日月長
綠溪依淨地黃葉走長廊
入座窺僧定穿林度佛香
不持三昧法除俗更無方

郊行

野望青難了長堤樹色連
馬聲留去路鶯語入新年
雨足田家喜風晴牧豎眠
留心爲客盡惆悵落花前

清晨入郊園

乘閒聊出郭春色與人宜
帶雨蔬堪摘籠烟草欲滋
花眠風定後犬吠日生時
羨爾溪邊叟持竿理釣絲

登聖因寺

平郊芳草合春水自潺湲
尋寺不知遠逢僧相對閒
牆花分半面螺幘出雙鬟
如此幽清地何妨日扣關

偶咏

一生能得幾開顏風雨窮
愁客鬢斑不愛熱官都是
假能消清福莫如閒書因
眼倦收燈坐花爲頭多帶
月刪安得數椽丘壑裏孤
雲半榻掩柴關

棗陽道中

十里柔條柳線垂撩人芳
緒緩征羈高原麥秀牛眠
穩晚社桑稠犬吠遲入境
漸占能吏色微風不廢野
人詞但看秧馬沿堤舉二
月應知未賣絲

訪客黃華山中

小築穿雲事事幽人間丘
壑已全收秋花落處香成
徑夜雨鳴時聲滿樓品石
羣峰分甲乙著書一榻換
春秋分君清景無多日自
笑殘生愧白鷗

九日登虹樓

百尺危樓暫一凭異方客
緒若無憑石橋水靜潮初
落草樹州勻月漸升人赴
淺莎爭晚渡漁依寒浦聚
秋燈江南風物頻堪憶欲
見黃花苦未能

舟泊建溪

畫橈斜渡曲溪灣霜剝丹
楓慘客顏秋水落時恒見
石暮烟生處欲沉山澤鄉
市近漁蟹集瘠土場空村
犢閒風景不殊人物異歸
心時逐片雲還

蕭然巾烏靜閒門丘壑姿生物態繁風裊茶烟來竹外
石喧泉溜過松根煖波春漲添魚子微雨宵沾長竹孫
不用逃名成隱吏眼前山水亦清魂

閒倚危樓看遠峰
鱗鱗丹雘間青松
稚兒初習堦前步
病婦新蘊鏡裏容
碧水跳珠秋浪重
青山潑墨暮烟濃
黃花歲歲知誰健
泥飲擎杯到晚鐘

嫋嫋秋風入耳清
空庭初見月輪盈
松枝澹寫交加影
竹葉微乾秋脫聲
童向花茵成夢寐
客同露坐說生平

夜涼無數
夕陽起
半里嬋娟
此情

寥落天涯客思綿歲荏芳草報新年漸驚白髮堂堂至
敢羨青雲步步先細雨烏啼芳樹外斜陽人靜落花前
故園隔歲無消息坐領春風倍黯然

方氏孟式字如耀張奉常鍾陽公之妻也父大理卿大鎮弟兵部侍郎孔炤幼嫻女史備

有婦德年二十餘無子爲夫廣置膳妻舉三丈
大子崇禎己卯濟南矢守奉常殉節與其妾揚
州陳氏同赴大明湖死事聞贈一品夫人所著
有叙閨問集十四卷行于世其同年生孫昌裔
妻鄭翁爲樞妻吳翁之女佩玖嫁蔣玉君各
有序跋錢虞山以爲庚戌榜下一美談云

翩翩者騅蕭蕭其羽王事靡盬以風以雨琴瑟在右我

檀車憚憚悲風四起父母既遠維予與子相隔千里共飲江水

南國發蘭芷青青媚幽獨以之比佳人芳氣同馨馥良
觀洽遠心令儀鮮不淑葛蘿托高枝羈邸好逾睦然燭
繼宵光寒風吹落木清言未及終永漏噉僮僕子行赴
雒陽翟服炫車輻邂逅帝城懽人生難再卜願同黃鵠
飛千里遙相逐

秋將就夜半寒信杜無衣清砧新弄響愁緒倍周饑悲

霜啼頰潤怨露凝粧稀嬾嬾腰如束瘦影月光依懶撲
流螢扇暗壁淒蛩蟻縫裳漸無月徒寄遠心微金鎖遙
天合閒時客淚肥風吹不到地願逐白雲飛

灼灼桃李妍飛向雒城邊東風無百日錢枝戀啼鵲人生非草木有時固綿纏智障蟲語水華悅馬奔泉生死七堪內沈冥五濁前千金聘碧玉難買一心堅宛轉爲情癡如蛾投火然守錢一毛吝醫貧半菽廉富貴不可常胡爲膏自煎流光如逝水壽命匪山川堦前看走肉癡骨埋荒巔

古薄吟

雲薄陰霾曜不開咫尺青天失斗魁白衣絮絮千縷令
宛似丹楓障楚臺葉薄黃金桑下意秋風亂逐桐葉字
不量相思情淺深有心負心落何地酒薄攢眉厭味酸
春風無力倚闌干斗酒溝頭人意別可憐生世合歡難
水薄兢兢那堪履三冬不見盤中鯉寒江一片玉壺心
春來化作御溝水繒薄皎潔製齊執動搖出入佐君歡
秋殘粉砌凋梧葉棄擲西風篋底寒墻薄負壤作良輔
依依時恐遭風雨不憐負築效勞薪別插槿藜作門戶
絮薄章臺楊柳花隨風時復過隣家黏紅點翠凌空舞
到頭不惜委泥沙紙薄寸膚白似玉錦字細研展心曲
迴紋機上怨流黃不及相思書一束秋雲一薄難重來
却似人情薄不同

百思行

君恩如日就之竊餘輝海底紅輪出當心萬象爭曜靈
追渴敢恤生歟力君恩如雨微雨百丈絲颺空濕林圃
潤物無聲天地心莫教零落胭脂苦君恩如露溥溥濺
圓琮雙莖雲外鋪玉女掌上傳消息不愁畏濕金蓮步
君恩如山白雲天可接佳樹若爲攀石田不種穀與粟
勿使空倉饑雀慳君恩如海海深尚有涯君恩豈中絕
柏舟汎汎涕中流人間多少傷心血君恩如扇滿面春
風生經秋不可見花落花開尚有時冷客能奪詩書賤
君恩如鏡光若蟾蜍圓照人肝膽清三年不磨人面異

從前空自說傾城君恩如衣肯遣黃裳怨冷落六珈緋
東風葉葉噓楊柳故人羞著嫁時衣君恩如樹拂披清
且陰殘暑變涼素垂天百尺廣庇人一枝曾借烏啼聚
君恩如瑟鼓琴如鼓瑟相思難成匹玉樓曲引鳳凰鳴
三峽猿聲流水泌思淺思深可奈何長恐思多怨亦多
憐香惜玉有時盡消得春風幾日過

惜花早起

窻月影扶疎綠葉冑衣裳羅襪繞徑行燭耀海棠光露
滑嬌凭侍女臂玉釵攏鬢含殘媚欲折翻愁蝶意茫無
言桃李拋紅淚攀條倚喚憐春姿不知鴛帶生香施千
蕊片時隨水落年年護花情較癡

松濤

何處春深好寥天洞外峰白雲奔似馬明月放如弓碧
水環叢竹幽崖立怪松茅亭經一卷鐘度暝烟中

松濤

夢裏打流鶯窓前弄態輕雨深疑濕落風至宛潮生枝
偃鶴無影天清蟾乍盈漏沈聲漸息龍女細吹笙

缸中小山

月明難取影風靜半浮烟草樹依峰活品巒映水全一
拳疑積雪半勺肖平泉隙處遊魚戲依稀濠濮天

寄女

瘦影怯風寒炎天冷素紈倚窓千葉動伏枕半篇殘

泣藥爐沸絃鳴絲雨彈良宵耿不寐辛苦倩誰看

美人梳頭

深院小桃叢紗窓春色籠鳳釵橫上下鸞鏡舞雌雄秋水凝波綠湘雲剪袖紅錦屏嬌欲倚不語向東風

待月

遲月淡籠烟欺人較可憐荷風疎雨後螢火亂星前烏鵲生殘影梧桐隱半絃巡簷聊默坐花上色娟娟

病中思歸

嵐氣爐烟合疎燈素影凝愁生零雨後病值落花期夢裏鄉音近天邊雁字遲床頭閒月色心事薄光知

寄妹

江國成輕別花開兩見新桃陰依逕遠柳絮入簾親南浦逢寒雨金陵值暮春淹留吾妹在何日靜風塵

哭甥女二首

憐吾雙鬟短愛汝及三春俊逸過男子婆娑慰老人拈針分線巧剪紙繪花新一旦秋風瘁悠悠恨不平

寄去衣猶在含情怨莫宣吟詩依母側學拜向人前流水消春骨深山識翠鈿蘭帷悽弱息添我淚如泉

春日隨任建寧過東林寺

東林今夕暫停車彷彿當年醉月華絕壁青山星斗落環溪雪竇水雲賒荒村沽酒和松葉茅舍疎籬繞菜花六十六峰連翠黛門前五柳是誰家

山路雜興二首

活活泉聲到處疑衝人怪石恰相宜悠揚彩旆迷蝴蝶宛轉青帘映鷺鷥世路花間驕白眼浮生鏡裏落紅脂馳驅不附青雲客海闊天長那得知

繁絲急管雜清笳篠簜穿林日欲斜春去柴門餘綠柳香來籬箔遍黃花珠簾噴雪垂千尺茅屋封雲隱數家烟景參差迷客思殘碑古道帶流霞

寄盛夫人

繁霜百歲冷春幃常共寒燈泣落暉黑鬢已辭泉下路白頭尚著嫁時衣烟籠竹葉涼生紫雨濕梨花靜掩扉杯酒樓頭明月夜迢迢夢遠楚天微

晴川春樹鎖眉頭問道君登黃鶴樓鸚鵡洲前分江水漢陽城外泊孤舟萋萋草色春闌怨活活江聲夜客愁捲幔躊躇看不見空憐新月曲如鉤

寄赤城嬌母

別離兩度月華寒遙憶空山薜荔殘秋調轉悲絃上急霜花漸向鏡中看種瓜野蔓荒牟徑羅雀高軒靜豸冠此日梧桐憐夜雨相思寥落碧闌干

燕剪

春風猶記到柴扉碎草開花生事微剖月若分初破鏡裁雲似劈未成衣穿簾難斷輕狂絮帶雨偏侵冷落幃

來往空中如解恨年年不爲剪愁歸

田家詞

榆錢不濟饑柳絲難織絹木棉背上寒蕉葉作團扇

雨中惜花

小院春光好閒看宿雨過最憐枝上色偏帶淚痕多

覽鏡

我有一片銅不令紅塵黯相對寸心清何事容光減

田家樂

松下柴扉茅屋籬邊竹徑清溪菜花蝴蝶一色野雀山

鷄亂啼

鏡中美人

玉臺難得看秋月長圓遠黛輕桃李春風多少恨

那堪對面靜無聲

芝城寄女二首

莫問花開花落時幽芳不必問濃枝晝長無事香銷篆

朝誦楞嚴暮誦詩

常思雙鶴駕長虹紅袖偏爭刦海中有想但看無想日

消沉恩愛付東風

題牧童吹簫圖

青山影裏夕陽斜終日騎牛隔水涯到處春風橫吹盡

如何四季落梅花

憶舊

一別江潭月幾圓相憐人面不如前依稀舊日芳菲在
秋雨梧桐十二年

重感

髻綰綢繆已半生秋風梧葉聲邊驚料君豈似潯陽柳

到處隨風舞絮輕

江上聽潮

乘春畫舫一溪雲獨宿江州待月明陡覺潮生驚夜語

南天寒葉盡飛聲

挽張翰秋思

遊子何來渤海居月將花影一床書江南秋色知多少

何必相思只鮎魚

悼女五首

寂寂空階細雨霏愁人無語月無輝東風不肯留春住

花落重門靜掩扉

杜宇年年叫月殘啼痕終日濕闌干可憐畫譜移山水

繡就裙拖寄我看

天涯佳節淚成行風管蕭條怨玉郎畫舫依稀殘月影

誰來波上數鴛鴦

自從結髮伴殘更歲歲咿唔侍短檠十四年間風雨夜

憲鷄鳴似讀書聲

寂寂孤燈獨掩門三春桃李苦無言不知死後相思淚

他日何人招我魂

方大鉉

字君節號王岐明善先生之中子廷尉魯岳

矣初除刑部主事張差獄起所保全甚衆年及父
諱歸服闋補戶部主事卒于官先是明善家有父
祀連理之祥人以爲徵在二難迨廷尉公弱冠釋
褐至御史臺公雖久田舉場卒魁南宮所著有聽
峽齋草堂集與葉宗伯相何相國如龍左少
保光斗劉廷尉昌相劇切爲詩文士論歸之

題王將軍世忠卷

縣布不作千年餘空留英蓼一片土何來王家父子猛
于虎殺賊捐軀等鴻羽已巳年間有流倭潢池之內弄
干戈阿父草間拔劍起挺身直擣窮山阿先驅不戒奈
若何有子昂藏身八尺眼光掣電髯如戟手提整弧兵
四集猛氣雄姿紛辟易牂牁屬酋么鹿爾負固公然犯
王赫官軍嚴悍卻不前奮臂一呼聲震震六千步騎當
面四十人戰血戰黑臺諸洞枯株摧江津一路盡
漿偏披吭徑入青龍關鯨鯢授首呼吸間鄙夫妬功絕
後援嗟哉長子與尸還人生百年俱有死死如君家父
子疇堪比南嶽棹楔聖恩新婁山廟貌千齡峙矧也
將軍斬蓬蒿天子開疆乃千里安得閩外盡此輩海夷
邊寇俱面內區區狐竊鼠偷何足慮

寄周子

爲容無時了依人更遠遊番王家浩渺投子信沉浮生
理憑朱綬風沙送白頭邊雲日暮起愁殺薊門秋

曉出峽山口

斜月催行騎荒林亂曙鷄白烟一峽起蒼霧萬峰迷松

霖次人面莎珠滑馬蹄莫愁江雨至旭日已前溪

投子山二首

驚峯佛子地馬鬣侍郎封漆炬爐中火虬枝殿角松碑
鐫新勅重翠補舊時濃遷轉悲人世迢遙任野節
磴險凭童僕松欹挂綵衣江湖絕頂盡城郭下方微泉
閨珠襦飾山空寶樹暉趙州橋底水日夜咽晚磯

遊浮山四首

巖峯仙人宇幽深大士居青蓮涵月淨紅藥傍臺舒橋
水傳曉洞樓烟納遠墟此間堪煉骨鑿石小爲廬
羣聖棲真地躋探結趣長竹還嘉祐種塔是遠公藏苔
色紫仙井雲陰曳石廊洞門聊枕用空翠撲衣涼

蕭辰臨丹壑石龍繞翠微風聲羣壑怒雲氣萬川歸勢

翳仙人跡翻翻客子衣結跏雷洞口崖溜咽斜暉
勝槩雙眸有天奇千界無峽痕驚鳥浪泉顛詫鮫珠背
日崑樓穿雲石壁孤兒童解取樂蹲踞學猥呼

泊牛渚

江上秋風夕蘆邊獨客舟雨檣棲斷港野火射寒流
酒懷高詠宮袍憶壯遊夜深雲霧散白月滿滄洲

天雄道上

洩雲高拂樹西日遠銜波鬼廟孤村火牛車異地歌風
帆纔白下霜轡又黃河飄泊今如此生涯竟若何

金陵歸舟

薄暮蕩孤舸江雲四望停烟連紅樹塢潮冷白萍汀峭壁懸殘碣荒臺傍古亭謝公千載後高咏屬誰聽

浦月

浦月臨船淡村鷄喚枕煩權聲爭遠發客夢只頻翻水下天門急風迴海口昏披衣問前渚蕪縣挂朝暾

舟至泥汊二首

一望雲連水孤舟繫晚陂斷圩初露埂破屋始編籬粳稻鄉村急荏苒江路危東南有封事何日荷皇慈
濡須溪上柳偏解繫行舟江月清相逐天風妬未休漁燈穿樹小雁唳入雲愁枕楫三更夢飄飄白鷺洲

宿僧舍

僧榻眠堪穩秋更聽轉長草蟲吟砌壁松鼠啣書床窸冷芭蕉月鐘清殿角霜風波驚乍定早欲問慈航

遊大龍山

峯攢磴聳雲霄迢徑仄林昏車馬愁翠嶺松風翻虎穴蒼崖瀑雨吼龍湫寺殘僧榻埋蘆塢日晚湖灘艤釣舟延眺莫揮今古淚閒身應傍鹿麋遊

伯兄侯旨都門遙寄四章

鑣鑣紫馬入都時鷄鶩清班指日期豈謂銓章違聖主翻令待詔久形埤桂薪珠餽家何給霜響風珂路總危一別鄉園十二載那能客鬢不成絲

野老江湖恨未捐每從邸報問幽燕不聞鶴禁歌鐘鼓

但見貂璫上權錢徐泗黃河漂萬戶那裏赤日惜三年至今臺省無消息極日錫原思愴然

庭闈白髮日稀疏弟妹蕭條尚草廬萬里風沙雙淚眼十年心事幾行書雲陰鵲鵲迷仙掌日色桑乾冷客裾獨把屠蘇驚節物登樓搔首賦何如

每逢朋好薊門還盡道吾兄憶弟顏對酒但嗟才落莫傷心不斷淚潺湲舊交書札蓬蒿懶小徑茅堂烏鵲閒日倚南雲望北斗幾時聽馬出燕關

送王化卿之霍山

飄泊誰憐王粲才年來私喜切追陪擬延峽逕花間展忽把河梁柳外杯鄉望轉隨開嶺渺客懷聊向野人開

陽平

陽平十月苦冰霜客舍風高冷鵲鵲亭菊孤開沙日白樹鴉羣噪野雲黃囊琴匣劍俱含恨城柝簷鈴總斷腸向晚題詩搔短髮豪華空負少年場

春日偕友人入龍眠

野水桃花三月天興來小騎入龍眠漸漸麥秀勻鋪隴穢穢香蔬軟護田寥嶺瀑泉松杪落華厓晴雪中懸忽看峽柳經年長把酒攀條意惘然

憑虛閣

虛閣嶙峋倚鸞峰下方雲樹幾千重臺城岳色窺簷靜

壁水槐陰著眼濃
宮闕晴霄搏鶴鶴
江天風雨挂虹龍
六朝舊業餘荒草
聲底寒烟濕暮鐘

子夜四時歌三首

燕飛入儂房
花飛撲儂面
無奈春情何
拾花去打燕
因風脫羅裳
蘭湯新試浴
能使儂身涼
難解儂心熱
揚舠盪清江
鶯鶯雙雙起
共歡劈蓮花
中心貴憐子

閨曲二首

灼灼朱榴照畫溪
幾行鳩婦竹中啼
陽臺五月多雲雨
郎在瀟湘何處迷

一日頻將一線加
弓鞋繡得過年花
牡丹都繡雙飛翠

接繡寒梅獨拍鴦
新紅猶似舊時紅
人面桃花相映紅
春風吹綠柳絲中

通江新則四
生公之文儒生吳都史之妻也
非他與老姑同地共一子復因失
三節疏請于朝三節一為張放伯
為姚前妻維儀與氏鼎峙而三也
藏于西郭之桑耳山與夫同穴卒年八十有四
所著有次
松閣集

庚午生日感懷

十四適君子三歲亡所天
一身事孀姑于今四十年
始意填溝壑有孤存目前
不幸襁褓兒又復歸黃泉
此時賜欲斷苟生安可全
抱志松筠潔銘心金石堅
神明或默佑他人豈見憐
東溪桃李鬱芊芊西山孤
墓含蒼烟古來聖賢俱已
矣惟有清風萬古傳

樓中野望

微雨晚瀟瀟
山雲何處飄
羣鷗藏野渚
乳燕入溪條
雲外晨鐘暗
湖中春草凋
涼風聲颯沓
一似海門潮

關山月

秋月照人明
關山萬里征
旄頭天上落
風聲海邊生
鼓角兒曲銑
歌漢將營此
行何以報願
築受降城

隴頭水

馬首望長安
春風隴水寒
堅冰開上谷
游沫聚桑乾
烽燧雲間合
旌旗雪後殘
君恩猶未報
不敢避艱難

寄弟爾止客白門

夜月光輝滿
柳華風鳴落
葉冷江沙
征帆一片隨
流水故國千山隔
曉霞司馬定知探
禹穴仲連何處却田

錢巨明
號鶴汀邑諸生居家孝友
內唱和甚富存者不多見

為宗人陽谷賦

蕨山之山高
突兀山中更有春
陽谷千尋巖聲走雲烟
百道泉珠散林麓
春日春風暖律回
春草春花媚幽獨
主人本是王侯裔
避秦應學綺與角
移家幾度谷口春
歲歲山花壓茅屋
鐵券金章眼底明
詩草床頭牛腰束
風流更渡江東來
使我見同本竹
今歲家園有同錢
本竹此其驗也
塘幾年策勲名而
今爾我各封域
披圖細玩話重新
淚洒盈盈眼見骨
固知百年瞬息間
幸茲芳踪傳尺牘
安得盡聯吳越之舊
封千枝萬派同雍睦

竹石圖歌

誰向壁間寫拳石石邊更染瀟湘竹濃淡掩映枝葉分
風雨時時生我屋不攜妻子升秦樓不裁鳳管吹嶰谷
閉門獨坐縱冥搜對此微吟差不俗

暮春書事

把酒尋詩近若何遊人隊隊試新羅風前斜燕空中舉
天外征鴻夢裏過草木葉稠花事盡園林果熟鳥聲多
無端却憶西湖上畫舫頻催十里荷

春盡

一聲杜宇喚春風蕭索園林幾樹紅紫燕雙飛朱桁外
黃鸝百轉學陰晴

青精欲飯山頭赤黃獨空抽洞口芽枝出不聞鶯百轉
庭前惟有燕雙斜

寄陳喻簡山中
幾歲移家谷口東亂山深處雨冥濛揮鋤不問山前路
喜識千今龐德公

雪中看花

二月春風賽社神桃花零落起詩人花開莫訝江天雪
著上枝頭總是春

梨花

佳人隊隊惜年芳百合香分淺淡粧不爲收殘紅舞袖

爲君月殿舞霓裳

方大欽字君與號唐山郡諸生也母疾到股以進秘不使人覺迨易簪之夕諸子見其髮痕始知之兩兄貴顯公授經自若年五十九將貢于鄉而卒所著有盛唐山人集藏于家
中秋宿松山舍弟大璠大城宅

爲問山中酒相知共幾人特來看月色不是逐風塵夜
靜山空鳥秋高白滿磧與君渾一醉何必問鱸蓴

侍御兄按河南歸喜賦

半百看兄弟搔頭髮欲瞻萊庭看舞綵曾日漫揮戈貧
室貂裘傲華堂鳳吹多歡呼乘暮景莫遣歲時過

廬江劉蓉江善書梅客桐寺東詩以懷之二首

百里披裘新書梅花數幅傲春開何當一下東窓榻
上方清寂綴梅花汲雪焚香自煮茶却笑浩然何處覓

不知春色屬君家

中秋三潭泛月五首

樂奏鈞天玉女班青雲綠嶺作重關不知法靜緣何術
傳得霓裳在世間

隔樹疎陰綴影寒平空一鏡隱雲端分明似有人來往

莫是文簫戲彩鸞

錢志道字爾卓俱有詩名
初秋同紀三江劉若殿何康侯汪偉長於道安飲

眺卽同泛舟遊羅漢磯是日三江移尊

共說長林好偏宜避暑杯雲間雙鳥至湖上一尊開松
色延秋駐江濤噴雪來高談推叔寶卽此勝蓬萊

外舅明軒朱翁秩滿北上賦贈

青綬原鷄肋紅塵散馬蹄風烟迷去住萍梗各東西
帝里晴雲滿人家綠樹迷去天應尺五寧復事卑棲

下清溪

片帆高挂片雲低千頃湖光萬柳齊日暮酒醒成遠望
家山無數下清溪

訪友

騎馬平明任所之雙溪下馬日低時美人家在雙溪曲

列得門前柳

又言以長辭好詩又好遊足跡半天下歷歷山
水必有佳詩史歲遊燕市遊死干燕詩亦身有矣
洞庭舟中酬鄧覺字外生

君得江山助烟雲筆底供歌聲原是風隱德信如龍碧

滿洲水青迴十二峰片帆相晤處新月上芙蓉

龍眠風雅卷十六目錄

木厓潘 江蜀藻輯

泰州鄧漢儀孝威 叅

同里左國治子周

姚孫榮 三首

方氏維儀 八十首



龍眠風雅卷十六

木厓潘 江蜀藻輯

姚孫榮 字前甫贈光祿公芳麓之伯子也性有友誼

於一閱百餘書十歲遊世父湘潘公之門其指

授所作詩不下數百首俱論生不啻今按其一

都門寫懷

花開漸菊正霜天遊子都門倍黯然聽徹漏聲金闕外

望殘行色錦鑣前鄉心夜月三千里病骨秋風又一年

聞道渚庭多薦士可緣筆札賦甘泉

和韻奉慰外舅魯岳方翁

山風蕭瑟動關門歲暮相逢病裏看山月乾坤誰補袞

此今詞賦自登壇陽回玉璫梅將發霜老東籬菊未殘

主聖固宜稀諫草淹留好共酒杯寬

病中不寐

獨臥空齋裏塔前樹影偏已愁蟲語砌更是月當天

方氏維儀 字仲賢廷尉公文奉之仲女姚前甫公

芬蘭與伯姊孟式婦吳令儀以文史為繼經

教其姪以智嚴如人師手定古今宮闈詩史主

于刊落注陸區明風烈君子尚其志焉若有焚

江吟歸來歎諸稿與從妹茂松問吳節婦俱守

貞至八十四而終節婦之為吾母序松聲集也

託寄

死別離 普聞生別離不言死別離無論生與死我獨身當之北

風吹枯桑日夜爲我悲上視蒼浪天下無黃口兒人生
不如死父母泣相持黃鳥各東西秋草亦參差余生何
所爲余死何所爲白日有如此我心自當知

訓女童

燕子在高梁仲夏二日長園中桑麻成歲月殊未央
始教女童紡績以備寸累丈匹可以作衣裳

伯姊之別

昨歲長溪來今一夢中去此別又數年離情何語明
曉曉城消山川區區霧皓月臨蒼波春風滿汀樹

弔古

陰雲蔽白日殘照明堦前饑鳥鳴無棲北風滿霜天多
悲苦人心虛憫然

晨晦

終朝無所見霧侵白日不相照何況他人心枯
梅依古壁寒自靜坐孤窓中幽響成哀吟春水
一已平楊柳

贈長好

女子年九歲失母余撫之成人莊孫有禮居數
年今適孫氏余不忍或焉爲是勉之

九歲依吾居朝夕未離側傷爾早無母撫之長歎息天
寒視爾衣日暮問爾食常坐清芬堂花月照窓北宛轉
教數字殷勤調平云儉朴古人意由來重四德馬后著

天練敬姜務勤織班昭作七戒萬代閨中式承順在貞
靜言語宜簡默近俗尚繁華遨遊嬌顏色弁髦內則規
遵禮如荆棘新春爲人婦金玉光滿飾蘭蕙發東風雲
霞飛比翼百年爲娛樂日月未極雖云已成人家昧
無知識諒

寄弟

閩山多瘴氣不往烟雲隔千里思皇皇空望南天白別
久易羅襦鵲鴝鳴春詔向來窓前梅于今高數尺

北

綠蘿結石壁垂映分堂孤心在遙夜當窓明月光悲
風何處來吹我薄才

長年依父母苦懷多感傷奄忽髮將變空室獨傍徨此
生何處事事安可詳七喪其夫十八孤女獨舊居

在東郭新柳暗河梁條下霜雪臺閣起荒涼人世何
不齊下命何不常鵲鴝棲一枝鵬鵬搏風翔焉能忘故
地終朝泣斷腸孤身當自慰鳥用歎存亡

贈新安吳節

嗟君凜峻節聽我吟悲歌霜門久寂寞荒堦秋色多孤
松刻寒嶺歸鴈度長河皎潔獨自持甘心矢靡他聞之
一何苦歎息淚滂沱金石亦云堅乃能當折磨感遇從
佳召惠顧得相過置酒望明月集衣寒薜蘿幽窓芬黃

菊白露下庭柯坎軻同苦辛薄命更蹉跎白頭逢世亂
飄泊涉風波老大不足惜亂離將奈何

秋雨吟

高樓秋雨時事異往昔骨肉東南居田疇稻不穗樹
紫色將變寒蟲語幽石孤愁多苦心四顧成蕭索雲暗
遠山峰獨坐苔階夕

贈方姪女鳳儀

深嗟吾姪久慧質乃天姿閨閣十餘歲蘭東能咏詩父
母祝將來富貴肇厥基鸞鳳翔霄漢雙飛連理枝豈知
歸六載與君永別離獨幸生一男狀貌頗岐嶷兩女未
垂髫朝暮膝前嬉孤燕回梁飛匪石志不移努力勉勵
勤無推歲月過莫負嬌婦苦孟母無兩兒機斷
賢範古今師爾子學成揚顯當有時峻節垂
世爲母儀

擬古

八月天高雁南翔日暮蕭條草木黃與君別後獨徬徨
萬事寥落悲斷腸依稀河漢星無光徘徊白露沾衣裳
人生壽考安得常何爲結束懷憂傷中夜當軒理清商
援琴慷慨不能忘一心耿耿向空房

南浮十五夜

望龍山月生秋華光飛白鹿至我家我家山半翠微宿
常跨蒼龍乘白鹿晨上高樓捲紫烟晚風菱刺緩舟前

隔溪楊柳綠深綠野水自漾湖中天休嗟南浦流聲度
隱落西園好花樹桂蕊飄香滿院幽氛氲何處廣寒露
人間星漢遙相期迴望清光不住時霓裳羽蓋今何在
渺渺江天一雁悲

有感

枯樹蕭蕭北山曲北山墳墓西山屬登樓直視空踟躕
從來壽命榮與辱千古聖賢更相續塵沙已掩顏如玉
黃金萬鎰焉能贖富貴繁華人所欲母寧庸愚侮世俗
一心區區常結束四十餘年甘局促十月床下鳴蟋蟀
庭前冬青子長綠憂來撫膺歌黃鵠苦言雖多爲誰告
嘗聞老學如秉燭日月詩書聊自易庶幾不慚徒食粟

抄冬贈別汪姑姊

山高樓深月出遲寒夜三更叙故思執手斯須不能盡
歸家又是數年期荒村杳杳霜林白野外哀鴻獨蕭索
殷勤聊復片時歡別後故園風景易江城二月柳如烟
鶯啼燕舞舞清明天門前桃李迎春色湖上鴛鴦繞畫船
倚閣層臺連苑起美人含笑紗窓裏淡粧嫵娜下庭除
斜照芙蓉新出水芙蓉的的碧欄干寶瑟金尊尊典未幾
釀成初和薔薇露冰麻先開琥珀盤沙渚輕風吹杜若
亭中香滿羅幃薄紫簫繁管遏行雲微吟一曲餘花落
歡娛永夕賦同心曾憶歲寒清芬閣

短歌贈從姊方夫人

百卉萋萋春日遲觀書喜誦漢人詩每逢知己慰疇昔
念我寒燈靜夜時高秋日暮空房裏蒼山寂寞西流水
英英白露下梧桐獨立傍徨老無倚君家玉樹發薰風
一曲瑤琴芸閣中夜半子規枝上月欄干斜照碧池東
人生聚會光陰薄錦筵紅燭蘭堂灼對酒斯須當盡歡
留春莫遣餘花落

戊寅隨母楚養得娣倪太夫人書賦以寄贈

二月杏花春雨寒天涯愁思望江干千里故人入我夢
遠遺書札慰平安去秋別却故人面不知何日重相見
老大殘軀瞬息徂光陰豈肯與人戀自從年少至于今
顧復恩情歲月深憶昔亦園名園常憶聚牡丹臺畔聽

南秋吟

山高樓深月出遲寒夜更叙故思執手斯須不能盡
歸家又是數年期荒村杳杳霜林白野外哀鴻獨蕭索
殷勤聊復片時歡別後故園風景易江城二月柳如烟
鶯啼燕舞舞清明天門前桃李迎春色湖上鴛鴦繞畫船
綺閣層臺連苑起美人含笑紗窓裏淡粧嫵娜下庭除
斜照芙蓉新出水芙蓉的的碧欄干寶瑟金尊興未殘
釀成初和薔薇露水賦先開琥珀盤沙渚輕風吹杜若
亭中香滿羅幃薄紫簫簫管遏行雲微吟一曲餘花落
歡娛永夕賦同心曾憶歲寒清芬閣

短歌贈從娣方夫人

姊兮無間然白髮蕭蕭兮悲斷絃操作勤勞兮鮮安眠
庭帷閑兮月空圓寒松翠兮露雲烟齒已暮兮言難宣
能爲闕範兮垂千年棟宇秋枯兮多才賢彰聞于朝兮
奕奕傳旌雙闕兮永無愆我聞歎息兮同可憐

貞節行

青青湘竹謫庭柯浩浩東流揚碧波蕭瑟秋風花落盡
高山樹色白雲多孤別故人林節嫗深思老病持齋素
清操苦志數十年知心衷曲能堪訴月下驅車問爾安
驚看白髮心悲酸片時難罄寒惟事林茗窓前更漏闌
今宵別後三冬速霜雪松聲響幽谷倏忽歲華佛日新
誦經香爇蓮臺重

龍坂帶長流關山古木

龍坂帶長流關山古木悲絕漠馬識邊州戈
戟玄霜冷旌旗白日得君恩無可報誓取郅支頭

出塞

辭家萬里戍關路隔風烟賦重無餘餉邊荒不種田小
兵知有死貪吏尚求錢全賴君王福何時唱凱旋

曉庭

東城溪水曲遠岫滂烟霞曉笛引愁淚秋風吹落花白
雲當戶隔碧沼暗兼葭寂寞雙燕徘徊顧我家

晚步

幽砌深梅徑空陰涼氣賒閒來尋白石隨意見黃花巷

老將飛葉林孤未息鴉曲欄寬薄暮柳色淡烟斜

暮秋

一夜深秋雨山林天色青攬衣出房戶落葉暗堦庭寒
露沾枯草飛鴻亂遠汀蒼茫河漢沒惟見兩三星

暮春伯姊召登心遠樓同諸美人宴飲玩月

柔桑布穀鳴引袂叙平生松月迎樓靄臺花綴露清綺
羅嬌國色檀板雜歌聲不忍零丁妹相邀慰苦情

三歎詩

余四世祖蜀斷事公名法當靖難時不肯署名
賀表被逮至望江上遂自沉焉夫人鄭氏德

華抱其不髮歸而守志有女育於川遂名川貞

許聘盛及集繼郎卒其翁姑欲更嫁之川誓以

死乃依母而終年八十屬續之日異香滿室

三晝夜紅光照耀不絕端坐逝焉吾家諸子弟

聞以內外事莫不稟成而後行宗族鄉黨化之

皆尊稱曰老姑云湮沒至今表揚尚闕家廷尉

以論蜀之羞訟於當道於是金陵表忠祠成都

顯忠祠皆奉斷事姐豆駿駿乎遺風較著矣余

哀老姑高節爰賦三歎云

嗟公當靖難不肯署名逮詔由巴蜀沉江近皖城招

魂空自弔剖腹向誰傾惟有秋潭月年年照水明

兩都歆姐豆斷事豈堪嗟輔轡存新淚衣冠肇舊家生

前臣節苦死後主恩賒今日繩繩者遺風連理華

當初歸皖邑腸斷不堪聞抱髮悲昏日看江思故君家

門寧寂寞兒女共辛勤母教風聲遠千秋皎白雲

涕泣分江口傷情入故林小臣爲碧血女子亦丹心孤

幙風霜重荒田雨雪深門前墳墓在松栢至於今

忠臣配節婦生女亦奇人未嫁歌黃鵠終年守赤貧雨

風常暴變組練自灰塵誓死庭前栢相看八十春

時抱匹臣淚能縫老母裳人生誰不死苦節倍堪傷臨

沒猶端坐中庭聞異香一門有如此誠可對先王

獨歸故閨思母太夫人

故里何須問長懷不休家貧空作詩賦重更添愁遠

樹蒼山古荒田自來秋蕭條離膝下欲望淚先流

居慈親故樓有感

孤幼歸寧養雙親親喪老年衰客如斷栢薄命似浮烟詩

調淒霜鬢琴聲咽暮天蕭蕭居舊閣還似未歸前

哭五姊倪太夫人

特贈高名傳應憐拙似談栢舟成愛女樛木行才男寸

榮身齊苦三槐手澤甘更誰借筆墨孤鏡照霜鬢

塞上曲

馬上干戈常苦饑邊城秋月照寒衣風吹草木連山動

霜落旌旗帶雪飛永夜厲兵傳五鼓平明揮劍解重圍

功成雖有封侯日老將沙場安得歸

秋日與弟姪論詩

南山烟樹遠蒼蒼雨後雲開天氣涼風起寒階吹昨夜
蟬吟衰柳動斜陽池邊野鳥從榛草竹下溪流聞畫堂
高論不隨秋色盡爲留明月發清光

已巳夏王母卽世殯天馬山父大人年七十廬墓

側如孺子爲才舍曰慕亭

慕亭寒苦歲將過手植松楸亦已多盛夏炎蒸驄馬嶺
嚴冬冰雪木樨河壘中七十徵連理門下三千廢蓼莪
女子不能隨墓側焚香日日誦彌陀

空庭

涼氣初開八月滿階梧葉落紛紛一簾疎影含秋怨

孤鶴清音切夜聞最月淹留花自老霜風吹織雁成紋

中庭寂靜無殊玩坐對青松拂白雲

高樓

野岬危橋水不流秋山楓樹對高樓心傷滿目無同調
年老看花憶舊遊返照入林催宿鳥長空淡月隱蒼洲
庭前古樹雲烟積戶外三星天漢浮

送客之姪應試

槐花滿眼望江濤努力南征意氣豪月夜吟哦雲樹靜
星河燦爛曉帆高鯨飛萬里乘波浪豹隱三秋澤羽毛
我老零丁惟望爾秦淮馬上莫辭勞

病中作四首

生來薄命老無依風雨蕭蕭獨掩扉病裏流年將髮鬢

堂前設席見人稀雙親賦淚憐孤女一弟攜醫問素幃

長夜鐘聲清露冷于規夜上起歎歎

清池綠竹送微涼七月淹留卧鹿床庭戶久違生草色

山川不覺異秋光落霞花粉蝶傷春夢血巷玄蟬噪夕陽

休歎殘身多局促且看經卷悟空王

二十遨遊燕與吳長虹霹靂過龍駒皇門世子垂雙鬚

陋巷顏生掩獨樞霜月塊苦悲錦席燈書史照寒爐

豈因孤苦恒湮沒地修碑謚我夫

河水分流入廣川糾糾葛屨履霜天單身未逝隨荒草

一女無留托老病暮慈烏號秃樹松寒孤岫積清烟

人生倚仗猶難保英雄多不全

病起

空齋無事晚風前雨過苔階草色鮮遠岫雲開舒翠髻

新荷池畔疊青錢衰年轉覺多愁日薄命何須更問天

閒坐小窗初病起西林明月幾回圓

秋後作

天高露下菊花開朝夕餐英對碧臺落日綺窓陰草木

多年朱瑟委塵埃歸寧淑緯誰能識守信貞姜誓不回

閨閣少年多貴達蓬門白首獨徘徊

過先翁故居

憶昔東村傍翠微春來花發滿黃扉門迎朱紫三千客

堂舞斑斕七十衣對月金尊歌壁樹彈琴玉柳拂羅幃
只今故閣生荒草唯有空林帶落暉

姪女子娛失母余撫之今年十五述此有感

多才買石爲金鑾矜佩銷環首著弁綺檻讀書臨皓月
幽窓刺繡對芳蘭去年膝下如吾出明歲江南作婦看
遙憶綵鸞如意舞溪梅影一枝寒

思姪女

長堤一帶翠微橫永夜孤舟惟月明空對寒林黃葉下
回看江水白雲平雁鴦迢遞他鄉遠兒女分離故國情
隱几徘徊無限意荒林叢薄起風聲

思林節婦

知君太息盡餘情清淨焚香學坐趺夜見枯桑還再拜
朝吟苦竹復長吁山溪澗後花猶發道路人稀書到無

病眼自傷流寓老且從閨閣賦南都

看花

東風昨夜到蒼苔忽見枝頭次第開花發一番人面改
天高幾度雁聲來羅敷陌上桑猶綠越女溪邊春不回
惟有松峰江畔月清光常照碧蘭臺

六弟爾止歸舍有贈

當時文苑擅才華誰信東門學種瓜祇爲乾坤變桑海
遂令木石老烟霞蕭條生計嘗爲客放浪形骸不顧家
最是騎鯨人去後永懷蘭玉帶交加時姪之姪初歿

求合墓詩二首

自君別後苦傷情六十餘年獨守貞蘭蕙由來多損折
松筠差不愧平生當初顯夢常尋憶今日遷墳敢背盟
薄命若成同穴願挽歌無復斷腸聲

壬申卜地魯王墩發酉修成雙墓門只待年時求北首
焉知兵火逼南奔靈堂既燬難重建碑石曾鐫幸尚存
泉路莫悲無後苦未亡人卽是兒孫

看黃葉

風雨催寒色惟看落葉多可憐花樹下不見美人過

寒夜

獨坐南窓下無聲未明愁懷言不盡歸雁莫哀鳴

愁雨

朝朝寒氣侵鳥聲倦無力細雨滴空階林花落顏色

聽雁

北雁過高樓南湖起夕愁雲山千里斷此去又經秋

月夜

幽亭溪水碧惆悵撫孤琴夜夜湘潭月清輝滿竹林

寒菊

葉落滄江晚秋隨斗柄回黃花如有意更向老人開

柳

垂枝依碧浦翠色映江樓不管離情怨朝朝繫去舟

讀蘇武傳

從軍老大還白髮生已久但有漢忠臣誰憐蕪氏婦

丙辰紀夢詩有序

予年十七歸姚于前甫一年前甫逝有遺女亦復不育至今餘十年矣朝暮禮靈惟默訴而已昨夢前甫來不見其面但見其身枯衣裳濡濕予問安否乃相與抱頭大哭曰吾向者之沉痾也子能盡孝駕齊耳爲吾醫藥吾之歸山也吾母之卽世也子能盡禮而盡哀吾安能一刻忘子之情子僕矣吾所居未寧誰爲理者子淑女也吾將請于帝益子壽用成了各子對曰所不如君言者有如此日予忍死備嘗荼苦爲誓無後後復作君爲子以奉翁姑又不幸姑逝此心痛何極耶予父亦老旦夕定省以報天恩必長力短抱恨無涯至于墓事當隨力經營爲同穴計必俟翁歸請命而後行不敢遽也既醒而枕上淚痕淋漓因援筆爲之記

與君一別十餘年誓比陰山石更堅長燭亦含今古恨照予朝夕此臺前

感君入夢隔幽明轉憶姑嫜鞠我情母子共悲泉下月傷心孀婦欲無生

楚江懷節婦吳妹茂松閣二首

空林隕葉暮鳥啼雲水迢迢隔皖溪發蒼梧寒夢遠

楚天明月照樓西

薄命同罹骨肉哀天涯書信遠難來愁心不似歸鴻影能逐湘江夜月回

從軍行

玉門關外雪霜寒萬里辭家馬上看晝夜沙場那解甲報君直欲破樓蘭

老將行

絕漠烽烟起戍樓胡笳吹徹海風秋關西老將行無力駐馬聞之掩淚流

田家行

桑婦辛勤二月天星河未曙視蠶眠堂前姑老貧無養

織就新絲直幾錢

征婦怨

霜凍圍河風暮號征人薊北枕金刀從來皆識沙場苦誰惜春閨夢裏勞

同二美人文莊溪望

前村新柳拂烟雲一望南天野水分日落芳洲春色遠滿溪桃李不如君

落花

空庭寂寞暗香殘葉上春光畏曉寒傳語東風莫吹盡還留一片與人看

次新開溝

江邊晴樹拂雲斜三十年前過此家回首故鄉思夜月
忽聞吹調落梅花

看梅

春風何事到江關寥落蓬門髮已斑惟有溪梅花意好
年年開放舊青山

別金陵諸夫人

日落橋邊車馬催故人分散水滌洞江關聞道多貔虎
且盡斯須腸斷杯

題畫上紅梅

一幅紅梅一樹花四時開放似丹霞不愁風雨吹零落

常在高樓對月華

龍眠真筆卷十六

春日同鄧何二妹飲

姊妹相逢老大哀須教暢叙盡餘杯春風不管愁人恨
昨歲桃花今又開

春水生

三月朝朝聽雨聲南溪春水漲烟平關河遠道無舟楫
多少離愁不得行

九日

自少艱辛至八旬黃花休笑未亡人雖無肴酒能酬爾
也對幽芳晚節新

龍眠風雅卷十七目錄

木厓潘 江蜀藻輯

吳江徐 崧采之

同里方中履素伯

齊琦名 三十三首

齊萊名 七十一首

方之壁 二首

李正時 二首

吳廷簡 一首

方學御 一首

李遇芳 十二首

龍眠風雅卷十七

木厓潘 江蜀藻輯

李遇芳

字德林號庭賓萬曆中諸生博洽多才豪干詩酒所交皆海內知名魏道多金輒緣手付

去家徒四壁幾破風雨而賦咏不輟時以方之孟襄陽所著有桂玄閣草

席上荅胡賓甫問余隱居

君問儂居處新居古道傍短牆茅屋淺野圃豆花香村

釀提壺醉松風到枕涼柴桑五柳宅此地或相方

初秋集孫烈卿齋頭同古度尚玄賦

雨歇生涼月言追卜夜娛市囂容大隱彥集著山癯叢

桂滾清露名香冷博爐成樓驚曉角似欲索詩述

古道菴晚眺

龍眠風雅卷十七目錄

龍眠風雅卷十七

東南山色鬱龍從蕭瑟高臺落照中江上橫連三楚樹

愈前遙注九華峰到來絕頂塵氛遠坐對秋風霜葉紅

向夕不堪鐘磬度山都是白雲封

次韵和鹿野上人贈別上人產黃梅久遊吳越晤

于蘭谿

浪遊漫擬是遊仙邂逅何緣花雨天楚國舊憐家不遠

蘭江新共月初圓鉢傳午夜黃梅渡錫挂三吳白社烟

何日再來揮塵屑法筵親見吐青蓮

春日送楊古度嶢谷遊皖

伯通應下共杯盃一日分携起再吁驛路春晴調鳥語

石塘風暖挂魚竿烟薰陌草抽詩思柳引山村問酒爐

想到練潭分手處。春令原上兩相呼。

寄陳九旭開同細君病

望盡南天思不禁。蕭條惟有托長吟。愁聞司馬多消渴。
莫遣東家效捧心。稻蟹正肥杯未把。江魚初割字難尋。
相期雪色梅花夜。覓爾村醪細細斟。

晚眺

千林朔氣正蕭條。筇路憑高四望遙。晚照氤氳飛野鶴。
寒空颯沓下霜鵬。訪僧客去穿松徑。送酒人來渡板橋。
歸到山房薄醉後。餘燈隱隱與脩脩。

水中雁字

一抹蒼江譜帖留。淋漓潑墨點清秋。欲將古籀藏龍窟。
故遣盟書到海鷗。畫破先天摹混沌。翻倒影映幾樓。
雨痕釵腳都奇古。却讓翎鋒別樣遒。

初晴飲村中

一春閉戶愁陰雨。今日初晴喜出村。好鳥變聲競報節。
老農留客快開尊。欣然一醉無寬主。倏爾高歌忘夕昏。
瘦馬衝泥歸路怯。牽衣兒女笑迎門。

訪林渡之山中

朔風吹雪事孤征。駐馬山中問友生。自啟柴關相笑語。
旋呼村酒話生平。風塵念我常爲客。詞賦看君定主盟。
鎮日淹留拚一醉。杯杯都是歲寒情。

美人看花圖爲袁聖基題

羅幃恨無侶。早起對花語。妾心那負花。不分郎愛汝。

南舒踏青

招呼姊妹出城遊。踏徧城南柳陌頭。共道春遊消百病。
那知翻去惹春愁。

齊琦名

字越石。號翠玉。嘉慶進士。以大理寺評事。出典其門。轉戶部。著有清忠堂。略出知紹興府。請
生杜經問。雖接侍如家人。寒暄中。宿學或賦。異
才者。皆尉。爲之。世。如。不。絕。公。重。呼。爲。上。官。所。詩。此
投。効。而。歸。其。爲。詩。天。然。不。假。雕。飾。古。文。辭。極。爲。清
具。區。湯。省。林。張。洞。初。鄒。臣。也。諸。者。宿。所。推。服。家。居
不。事。生。產。深。衣。幅。巾。與。親。舊。劇。談。不。倦。後。生。罕。門
有一言之善。龍借不置。每兩夜。起于弟披衣
起。討論古今。寢寢達旦。所著。有。慕。草。諸。稿。

鳴鶴篇

昔前有病鶴。籠自北海海。脩脩六翮短。卑棲無修林。瘦
影聲淒涼。月白松森森。嗚海。天。高。再。鳴。海。水。深。羣
不敢叫。有子和其音。如聞訴。倦飛將歸九臯。陰胎仙。非
弄物。龍者。獨何心。

晚途遇雪

屈指長安日。浮雲復許同。饑鳥劇作雪。倦馬怯嘶風。白
漫千谿失。暝分一徑通。轉憐憑軾客。詩思在其中。

飲米仲詔古雲山房

積想湛園勝。良宵快此尋。蟾光淹暝色。石氣散秋陰。顛
合三生具。交從一往深。不知朝市裏。別自有雲林。
輔兒加冠詩以醺之。

尋常見總角。倏爾摩加冠。已責成人禮。那能弱齒看。命

名翁鄭重著代祖艱難况復需才目嶄嶄慶有端

元振浴佛日舉甥命名佛護詩以祝之

佛日佛須送佛前乞護奴門占龍是種蕭引鳳將雛勞
女甥能慰弱孫弟解呼最憐湯餅宴偏得老夫俱

潘石孔都憲開府兩浙卽會稽舊吏與有光寵感

知惜別乃不知情之所至而作是詩

此際易成別羈懷難具陳臣無當所主君不避爲親舊
履聲猶戀新衙夢已頻應知開府日勤問拂衣人

寄贈王伯穀二首

和府推才子清朝假逸民黃金揮結客白首不依人隻
字遐荒購千函洞壑珍江湖元浩蕩詎必上星辰

龍眠風雅集卷十七

字遐荒購千函洞壑珍江湖元浩蕩詎必上星辰
字遐荒購千函洞壑珍江湖元浩蕩詎必上星辰

秋閨

已識征人苦翻驚朔雁時明河趨鵲駕纖月隱蛾眉寶
牀情無力疎燈影自疑歸期不自擬瓜苦正離離

哭亡姪君求太史二首

流雨厭浮世偏爲夙所親濠洲長往客栗里獨歸人杖
屐呼無謂門庭顧自嗔棧經成絕筆拖袂泣窮麟
家以一人重身于萬累輕強年遂敢死晚節欲何生大
慰固公等垂憐或聖明向來書囑付蚤慮特時名

客卿太史南遊還慰訊

盈盈烟水帳菰蘆太史名遊迴自孤蒼狗繁華空六代
雕龍詞賦失三都浮沉金馬甘岑寂湖海真人覓有無
浪迹只今成一笑郁輪可許謁吾徒

遙憶王化卿方亦遊浮渡

浮山六六鬱崔嵬遙憶登臨二子才霞起石龍秋不斷
鶴凌金谷月同迴千年勝地開新賞一日留題失舊裁
自是少文遊不淺設嗟籬畔獨徘徊

贈豐城譚端甫

子虛賦手舊登臺新識遊印司馬才一榻古今高士重
雙龍風雨大江迴尊開海月排空上歌動峰雲擁戶來
莫向秋深悲故國客中猶有弟兄杯

龍眠風雅集卷十七

去越吟王首

覽轡東巡課績年暮年報殿聖人前陽城幸免催科考
卽墨何須左右憐轉眼清堂輸是座驚心白簡署爲權
休言逐吏無根底博得殃名總憲傳

風流畫諾事全更悔說山陰道上行賭墅雖然望謝傳
飲徒不解與劉榮鵲巢撤去由他侮馬角歸來便我生
好是錢江遶道叟底般還說使君清

蕭然官閣倚巖岑到是雲巒負夙心據几長年無得句
抽簪此日但行吟丹楓疊畫應難指黃菊江邊不費尋
總爲歸田饒勝事肯從海郡問升沉

元日卽事

長樂疎鐘喚客遲。天心清切小臣知。韶光瑞應堯階茂。
春氣溫回漢省枝。盛有恩華分上苑。將無寒谷挺幽安。
只愁雙鬢經年換。不似東風問嫁時。

送王季孺太史冊封代府

西北諸陵氣鬱蔥。詞臣飛旆入雲中。經行土木前朝恨。
指點山河刻鎮雄。桐葉遠銜天子詔。蘭臺還賦大王風。
勒銘無事燕然石。九塞今稱五利工。

送陸從事赴遼陽

御苑東風送客過。共看芳草有離珂。西山晴雪鴻邊盡。
北海春雲馬上多。地險時窺玄菟郡。天驕夜遁白狼河。
知君幕下參高畫。諸將何時議止戈。

龍風集卷十七

元日卽事

王春春色媚先春。敬聽春陽詔布新。天語早聞閭闔近。
丙寅朝罷自庚寅。萬曆庚寅元日始擬卽事

常年隨例祝元正。此日重闔隔火城。遙拜袞龍瞻瑞日。
依稀車馬散朝聲。

黃鮮生得吳姬感賦五首

此姬予先鑒定以他故阻若留待鮮生然

尋得仙源路不賒。女牆樓畔是他家。瞥逢無語深溪拜。
半怯人前半掩遮。

鄉土儂家記渺茫。阿娘常日話吳閭。儂心但羨鴟夷子。
不問香塵響屨廊。

瞥辭女弟瞥辭娘。嫁得仙郎自主張。一語出門娘記取。

尋常小燕入雕梁。

三朝梳掠慵無賴。鬢髮堆鴉淺淡粧。長日背郎消底箇。
爲郎結就錦鴛鴦。

睡起朦朧喚女工。催粧佳客點新茶。側聞客語郎相似。
是否前朝過妾家。

余承賚御馬倉差將告竣適奉帝后龍輜之役于

雨水河督放芻豆故事草塲計郎側不督放此
中耗蠹益難言之撫時感事輒得五首

御驥無由問一毛。額芻歲歲委南裝。卽今委吏勞監放。
知道誰塲馬脊高。

國計年來借箸勞。倉塲鼠腋長兒曹。不知市駿金多
粟北黃金臺更高。

龍風集卷十七

上方駿裏控金羈。賒得中官醉倒鞭。似債軍轅下骨。
一羣斷送一羣錢。

天馬天心況內家。驍騰高傍五雲車。如今萬乘將巡幸。
不比長年望翠華。

飛龍添馭左驂多。列觀今番政若何。計日大宛徠汗血。
小臣願獻執徐歌。

輔兒試琴

轉弄何曾雜履霜。娛親直欲引高張。誰能寂寞烏啼夜。
不向清徽命一觴。

方學御

字名卿萬曆間歲貢少者學夜讀倦小憩取量覆燈覺則啟之讀如故以諸生久次貢干

廷授廬州府教授而費者鄉之從子大吏代
河南道經廬州郡守方張具延款徑屏入廣文
舍食歷五豆酒醉而歸從子中丞大任自執經公
門終身弟子禮惟謹即公之行誼可知矣升臨朐
知縣清惠著聲試士躬自校閱拔五童子薦之主
者皆獲其父以匡篋進公曰吾薦若子以文若
願報我以願乎有童子劉弘功弘化僑寓監利或
以肩箱託顧公力得免卒補弟子有聲場屋其銳
意作人如此卒于官舍士民奔哭者數千人至為
罷市所苦有春秋左傳類編微龍門紀傳之例惜
遺佚詩亦不傳孫若斐若琮以絕筆詩
一首見胎猶七十年前署中手澤也

絕筆詩

薄宦乞骸無早見諸兒執手倍傷情湘中那有鬱林石
贏得輕舟載月明

齊萊名

字朱草萬曆間諸生紹興守萃王公之季弟
也公故名家子慧悟風成讀書過目不忘年
十四為文驚其長老學使者深激賞之試舉升
多士以教齊屢遷諸門不枚積德無窮

人之善至其風神所集雅溫麗白成一家其子山
致素善病體弱如不勝衣詩文甚盛惜為兵燹委
散塵存者皆散館集雅溫麗白成一家其子山
捐資鑄版于為叙而傳
之而節存其尤者如左

秋日同重客越石兩兄飲中莊

小酌緣青岬分題坐水濱荷溪全隔暑樹古半摩雲收

壁喧風笛溪農亂晚耘興新忘聚久看月醉紛紛

雨中集陳席之草堂

衙雨貪幽賞閒搗叩午堂稠雲寒抱戶砌草綠齊牀李

綻初舒白鶯穿小閃黃高談雙耳熱跌坐任徜徉

病臥遣悶二首

清齋高伏枕風雨送春回曲檻葦紅藥空除繡綠苔覆

棋辭客去問疾有醫來獨渴何方可檐前正熟梅

竹院清陰合朝來爽更增露涵花石淨沙煖水雲蒸服
氣從方士談空傍老僧稚兒教寫字臨得趙吳興

泊觀音港

纔脫籃輿苦孤帆坐石尤風鈴喧寺塔漁火綴隣舟落
日千崖雨寒江二月流十年飄泊恨此地復淹留

望金陵

瘠馬驅還却金陵睇不遙江山高王氣臺榭賸前朝燕
掠城頭雨人穿樹裏橋大堤春月柳濯濯向人驕

中秋偕諸從諸兒小園坐月

好月知時節微陰作意晴初從雲隙破轉詢夜探明
外摩鴻影沙頭落桂華空看清不厭涼氣隔梧

壽吳客卿太史先生三首

視草承恩別紫微早年天放遂初衣青蓮白石窺禪意
鳥倦雲還悟息機高適詩成名久重葛洪丹就願非違

蒲團客至清談後如意天花信指揮
拋却鑒坡訪碧溪應身真是證菩提朝修玉液仙人露

夜校金書太乙藜人卧經床雲共寂月明松徑鶴閒棲

憐余慧業慚成道可許金鑰一指迷

圖懸五嶽卧中看直作烟霞老簪冠禪榻木魚歸後課

石渠金馬舊時官竹間饌客厨烟碧花外迎僧夕照殘

聞道東山勞 聖主可容強起下蒲團

雪姬

粉膩輕描暈未乾裙拖八幅是水純玉腰怯向風前立
素魄偏宜竹下看滿月新開妝面好落梅倩點額痕寒
夜深無語凌波濕似爲傷春獨倚欄

喜聞越石兄捷報

徙倚空庭側耳重驚傳天外寄泥封十年千鎔憐孤擁
一日風雲訝忽逢喧戶隣朋爭雀躍衰顏慈母失龍鍾
應知得意長安日夢繞池塘恨未從

暑中飲黃石環齋頭

路轉林塘卜築溪參天古木畫森森花亭間局風聲細
石嶼張尊草色侵忽散浮雲窺檻霽何來片雨入簾
酒酣遮莫催歸騎扶醉看千倚竹吟

別康侯

文酒纔聯白社盟對君未幾送君行人從藩邸窺龍種
客在臨邛重馬卿雨歇江亭看遠岫花溪驛路聽啼鶯
石頭城外娼樓柳莫遣長條繫客情

晴

舟居數日多風雨昨夜嚴寒忽放晴石貌水紋生氣色
汀花岸柳弄鮮明漁翁曬笠撐船出山鵲梳翎踏樹鳴
萬舸揚帆齊伐鼓饒他病骨也應輕

夏日村居六首

清溪一曲遶橋流小築依村事事幽草色沙痕描壁上

茶經藥帙滿床頭起晴貪看將雛雀呼雨旋愁逐婦鳩
丘壑端宜置病骨箇中滋味任撥求

多病年來似馬卿團焦獨擁澹無營泉烹蟹眼防茶老
香熟龍涎引榻清石竇流雲深出沒池塘夏日半陰晴
醉來赤脚磯頭坐不盡天風兩腋生

移家剛得一年餘常日偷閒髮不梳款戶幸無結駟客
攤床時有換鴉書衙門沁水身偏適菜圃瓜畦手自鋤
不是清狂學慢世得吾簡懶得吾愚

卜居底事水之涯喜接南塘路不賒聞經縱然新地主
錯居仍是舊隣家逆牆新笋輕含粉炙日朱榴爛著花
出對快從人面熟閒來尊酒話桑麻

半畝林塘景物饒暫將生計付漁樵日暄蒼藻綠魚
雨潤階除長藥苗宛轉曲房通細路參差野樹出平橋
凭欄夕照千峰外百道霞光應接驕

林烘暖日午鶯啼拉友扶筇信所之纔向溪頭聊命釣
偶來松下一圍棋風搖竹翠侵髭几雨約荷香逗野陂
却愛隣翁能好事開尊饌客劈江鱗

斗門山莊

日長常是枕流眠袒跣山中事事便埽石隣陪池閣飲
開軒烏掠竹厨烟輕雲出峽屯花塢細水迴村灌稻田
曳杖微茫青箇裏半規小月吐峰巔

刈稻

水耕火耨經年瘁女鉅男輸又一秋露白莎鷄吟草底
稻黃池鴨繞場頭溪村日午烟初薄遠浦農歸雨未收
徒倚柴門舒野望微吟獨酌坐溪流

梅花四首

澹抹輕描取態工肌膚姑射許能同半痕淺映簾前雪
數朵清飄笛裏風夢繞香魂迷夜月妝嬌粉額點深宮
漫言庾嶺枝頭色也在村家曲塢東

管領春風隔歲寬開時偏向竹松殘爲憐素魄移尊近
欲折高枝出手寒雲暗烟縈光暉暉水圍電結影珊瑚
香霏野館尋春路清殺襄陽雪裏看

鏤冰剪玉淨無瑕綠萼紅苞未擬誇不是孤芳

龍溪雜錄

誰偷嬌艷殿年華雀衛薇舊穿花落蟾挂枝梢

爲問封家諸姊妹一年春信阿誰家

山閣幽人分外宜霜華浥浥護春姿幾回杜老吟中興
多少何郎去後思清入小窓拈酒夜曲殘別院引歌時
更聞開落同林異分得南枝與北枝

送張鍾陽出守撫州

含香宿昔星辰近輯玉新從水國過挂席彭湖秋雨歇
停杯皖口暮雲多賦凌匡嶽芙蓉色政擬漁陽麥秀歌
十二諸侯君上郡青春出守意如何

劉宋沫許攜馮姬招飲竹園向晚不至走筆戲柬
書來昨日邀今日起坐朝陽又夕陽石路輕雲供曳杖

花亭細雨冷飛鷗豈憐病骨衝泥怯故掩柴關看竹妨
餘興晚來復不淺肯燒銀蠟出紅妝

夏日同方玉成劉燕及劉未沫鴈先飲汪君酬館
郭抱堤橋水覆田炎林實集午張筵幽亭避暑深閒徑
曲礪通池好種蓮雲閃石床篩竹翠風縈花塢起茶烟
酒酣目送千峰色牧唱漁歌夕照前

夏日村居再述二首

市遠晨眠覺不通夢迴應日試初紅開軒烟鼻孤村外
倚杖禽鳴萬竹中溽暑乍收穿澗雨微涼忽動隔林風
桐陰匝地獨兒睡三五柴門坐老翁

掠面紅塵日苦煎放歌枕石覺安便晴窓品

月樹延僧坐焚烟符籙半生甘學圃身心近

青溪遠舍問垂柳一幅天然是輞川

苦雨四首

翻盆雨勢漲簷流電霍雷轟怒不收紅女花間齊浣
老翁溪上罷垂釣昏荒坐看沉村市陰晴誰從辨馬牛
笑摘小桃如彈子簪前拋擲打斑鳩

晴陰十日只高眠喀喀鳴蛙上几筵出戶久穿東郭履
閉門空挂阮宣錢涎螭屈縮沿窓寫濕燕呢喃掠水旋
安得女媧真復由倩潔煉石補天穿

百尺奔濤樹杪浮朝來釜甑看魚游顛風彌雨花脂卸
宿露縈烟柳黛愁仰面乍驚虹挂屋攢眉旋恨黑當頭

東隣咫尺謀歡飲剛得街泥信宿留

昨聞水變西鄉劇鄉語今傳信不乖截屋蛟龍宵作語
振山霹靂盡常靈千家萬竈沉魚窟溪女村男渡竹簾
率野誰歌鴻雁什笑予空切杞人懷

燈夕飲趙伯先馮虛樓

喧騰簫鼓滿城闌月榭燈輪獨駐春繞砌危廊藏洞壑
撐空高閣近星辰妝成獅子欄街舞放出蛾兒綴火新
胖濕年來苛酒禁十千今夕爲君頻

子夜歌

儂似池中藕懂如瓦上霜日出霜不見藕斷絲復長
涉江采芙蓉采采是並蒂撫背笑問郎兩人可自傷

儂儂歌四首

儂面卽儂腹。儂腹可如面。露露隱關干。花心不可見。
儂情如橘性。等閒有變時。妾似三眠蠶。夜夜獨抽絲。
儂愛辛夷花。何如荆棘競。儂情雖可憐。人言亦可畏。
凭欄夜候悵。望儂儂不來。安得如春風。時時入儂懷。

贈吳體中中丞四首

曾提鐵騎控繁方。節鉞霜搖錦水光。帳下健兒俱死士。
簾前粉黛盡生香。
暫解簪纓寄水雲。黃冠白氎謝座氛。星階靜卧銅牙弩。
震閣閒搜寶笈文。

玲瓏洞壑嵌瑯房。肉奮絲飛競舉觴。竹下香風花下月。

夜深絃管醉汾陽

西園讌罷坐屏蘿。火照香臺映芡芻。收拾歌唇珠一串。
舌根龍得唱南無。

夏日東園遣興三首

槎枒病骨愁經暑。敞閣虛簷夏日宜。宿樹涼雲深覆屋。
繞花流水曲通池。

丹葉碧蘿漾波錦。石島空虛窳窳圓。盆水日暄魚子長。
錦鱗齊出撥紅泉。

齋西舊種千竿竹。嘯雨紫烟秀可餐。昨夜橫堦新迸筍。

一枝風折壓欄干。

贈馮姬五首

紅衫雙丫燕尾尖。新妝別樣入時妍。傍人莫道羞羞。
鏡裏卿卿也自憐。

十五青樓早擅名。楊家婉麗趙家輕。可憐半醉工挑撻。
爛注秋波百媚生。

病中猶記蹙雙眉。無語闌干袖半垂。漫說千金輸一笑。
惑人偏是捧心時。

天然膚骨逼人清。

流盼含嬌燭下情。酒正闌時歌正劇。

夜深玉指恹銀箏。

珊瑚寶枕印紅腮。蘭室香飄繡幕開。羅襪一鉤鞋鳳窠。

灣灣纖月入懷來。

七夕嘲聞不句

薰殘螺甲月西流。閒却鴛鴦繡枕頭。天上年年猶七夕。人間能得幾廻秋。

張鍾陽娶雙姬。聞其閨中有唱和之句。歲東。

蠹蕙百合夜調絃。按入閨中繡句傳。定想承恩雙粉黛。

深深暗祝小星前。

意前小立拭初妝。的的蛾眉看斷腸。笑殺入宮偏不妬。

還山次第畫張郎。

蟬

曲曲朱欄橋半欹。藕花村裏水流澌。長堤高柳蟬吟急。

帶却斜陽過別枝。

人日獨酌

龍民

深村風雨朋過少。老病呼尊興不孤。種麥何須笑。

如來禮罷拜笑姑。

無題四首

湘簾斜挂碧交垂。戶外青青柳若絲。陌上游郎鞭白馬。

戲將桃葉寫新詩。

是處歌樓喚客遊。女娘二八慣當爐。金卮纖手殷勤進。

拾得春光綰得愁。

風臺百尺聞歌喉。柔曼纖腰舞未休。按出崑腔齊喝采。

齊齊拋擲錦纏頭。

樹裏鞦韆俯碧流。朱繩繫得最高頭。一聲笑入雲霄落。

半曳長裙露月鉤。

錦帳詞戲贈程盈之六首

朦朧銀燭白光殘。繡被花紋是合懽。首揭紅羅羞半掩。

明珠的的掌中看。

何事閒挑綠綺工。秋波屏後識英雄。香塵滿路喧清吹。

疑是飛瓊月下逢。

臂綃繫得下樓臺。錦帳芙蓉並蒂開。露淨一天清似水。

黃姑昨夜渡河來。

鈎簾暖日暖游絲。嬌倚朱樓袖半垂。漫道郎君看欲死。

憐他蜂蝶也相隨。

鏡裏新妝時樣工。同心絲綫闘春風。請看戶外鵲鵲身。

池泊雙雙碧洞中。

淡掃雙蛾綰曉鬟。銀筆閒攢坐花叢。朱顏原自如花好。

笑取花枝沁酒紅。

雨後東燕雲兄

吾家大陸住湖邊。湖上春光年復年。昨雨夜添三尺水。

可曾顧得泛湖船。

吳廷簡

字顯三。號樸隱。世居桐之桂車山。為吳將軍後裔。少好擊劍。既長。攻書明經。張欽之公聘主家塾者三十八年。子弟皆受業焉。公不慕仕進。傳經至老不衰。所得俸悉舉贈兩弟宗棠。誦之。

宿練潭對月

村店主人舊相識。殷勤扶我下車揖。酒纔傾三五杯。

茅簷忽訝月光入。月映澄潭素影寒。野風吹徹客衣單。

須臾酒盡月亦暗。醉卧焉知行路難。

方之璧字完卿號藍石培竹公子也貌魁梧修辭美
中丞公大任少貧歲晏自村塾歸公遇于途雷之
宿厚其餽遺資僕馬以返萬曆間歲大疫公出困
累為病服饑全活禁衆至宗戚之問符以舉火完
公大任讀書小楓樹莊之東梅園詩文淵和互相
錄年四十二早卒大宗伯果文莊公厚誥公行
諡曰盛德好學君子也予采詩未滿其爲人而微
信于其孫逢月之家傳以舒來與于交最久文行
皆卓然自好有古人風必非
以溢美之辭誣其先人者也

母山晨墓

一望松楸動昔悲先人荒壠草離離雲邊水繞龍蟠遠
雨後風翻鶴返遲第五竟無垂淚日麗家原有上墳期
果然積厚多孫子齊向臺前酹酒卮

浮山卽事

何年天造此浮丘徑盤空萬崕幽秋老葉落
春溪潮長似孤舟讀書頂上重興剎賜藏堂前好構樓
獨有層巒絕處從無人跡鳥來遊

李正時

字布白萬曆間貢士祭酒諸生四十八年凡
貞素食貧如飢造風雅範至今猶在人間卒年
七十有三爲詩不期餘亦如其人惜傳本

岳陽晚景

木末秋風起青山送雨歸日低真見落雲遠不知飛夜
色烟中淡鷗羣沙際稀倚闌情未倦寒氣濕人衣

夜坐聽雨

聽雨山中寺蕭條對佛燈春懷偏惱客野興未嫌僧雷
似千峰動泉應一夜增壯心方激烈靜坐欲飛騰

龍眠風雅卷十八目錄


木厓潘 江蜀藻輯

太倉唐孫華實君

同里吳易久可

葉燦 三十三首

方大任 一百六首



龍眠風雅卷十八

木厓潘 江蜀藻輯

葉

爆

字以冲號曾城郭子舉人爲秀廬十四
年教授鄉里經其指授悉有繩尺登癸丑榜

進士官翰林院編修較書秘閣多所撰奏還南京
因子司業倡明古學士風爲之不變已後召入克

蕭官遺魏在董籍崇祿初起掌院事兼習庶吉
士文章學術粲然有所成就轉南京吏侍首禮部

悟遇人好畜書家藏數萬卷皆手自讐勘裝潢大

聚書若城坐卧其中甲戌里中盜起至公宅惟牙
叢克棟而已他無所得盜亦悔之其學靡所不窺

尤研究性理詩歌古文皆真氣渾渾自成家數南渡後儀部顧公瑞屏爲請于朝賜謚文莊所著有

天柱集館閣試草南中稿廡下草讀書堂稿東語
西話圖眼錄若干卷公與先曾祖少司馬鎮樸府

君同舉于鄉相友善集中贈鎮樸府君詩四首贈
先祖楚星府君詩一首率得之他本而讀書堂為

中皆未及登豈無記之失載耶先

公所贈詩有云何我吟新句呼童耕

其林居一聯云行行看竹木生意朗朗聽兒孫誦

以志

餐菊

紛將盡氣候何悽惻宛彼東籬花獨耀黃金色挺

霜中孤芳別有植恰與幽人對素心似相識豈徒

賞兼之資服食可以制頽齡可以蕩穢慝所以士

餐之故不惑豈無灼灼華慚爾清貞德

野老行

不見城西野老皮骨苦前年薊門昨江潯南奔北走

無力北風吹面如土少年意氣取卿相只今三十

木葉紛將盡氣候何悽惻
定彼東籬花獨耀黃金色
挺然嚴霜中孤芳別有植
恰與幽人對素心似相識
豈徒供玩賞兼之資服食
可以制頽齡可以蕩穢惡
所以古哲人餐之故不惑
豈無灼灼華慚爾清貞德

成朽腐計拙無求妻子饑顛狂反遭俗眼怒頭上之巾
胡爲乎腰間寶劍光模糊醉來起舞歌聲麤白日慘淡
浮雲孤鳴呼男兒讀書萬卷踏踏流落有如此不如歸
牧西山家

赤城行

故人家住赤城頭故人讀書赤城樓胸羅武庫世罕儔
家無帶石心不憂雄飲百斛江湖酒落筆千言神鬼愁
左手持螯螯右手把吳鉤自稱絕代豪唾手取公侯不
然拂衣江海去三山之上訪丹丘安能悵鬱聲啾啾酒
酣耳熱高歌發春雲淒斷成悲秋鄉里小兒不解識傍
徨四顧驚且咻掀髯長嘯神自若熟睨世間皆獨叟
然痛哭復嘻笑觀者疾之如仇讐丈夫昂然其氣壯
能俛仰隨時流相如子雲可爲友劉伶阮籍真吾儔白
眼茫茫向九州拚教齟齬罷卽休夜光翻遭田父咤天
龍頗駭葉公眸古來英雄寥落不合自如此流俗悠悠
安足謀

李襄君節玉成漢卿過訪同賦

我生三十數不偶單衣短褐何其醜面孔羞將兒輩看
生涯甘落他人後薄田一頃城西偏飯牛牧豕自年年
荒僻漫滅懷中刺塊壘高挂杖頭錢方生朱生與絕奇
一日訪我來茅茨科頭赤腳走相接長歌短調同追隨
滿眼悠悠世上兒風流爾輩真吾師八斗五車無不有

詞鋒筆陣從驅馳相逢但醉不須辭安能醒覲常贊
君看古來豪傑士千秋萬代垂虹蜺

贈玉成

君不見赤城山人貧欲死破裙單衣混混泮書成瀝盡
胸中數斗血世人視之不直一杯水昨有一奴被人奪
生也垂頭袖手無力爭不得狠吞虎攫氣力盡使我聞
之三嘆息連朝北風十丈雪俄斜晝嗥人跡滅忍饑抱
腹口微吟男啼女哭聲哽噎百責無辭子羽頭三寸尚
在張儀舌丈夫失意不足恥窮愁何必成瘡痍君不見
鴻漸木鳳棲枳一日驟雲排霧羽翮高鳥鴉尚啄園中
矢

早春訪石浪上人

野靜烟光淡悠然散步時僧瞑一峰下客到夕陽遲妙
偈增松識開心春草知對床無一語性寂本如斯

抱病

別業空山裏孤燈獨夜身交遊江上淚風雨病中人宿
鳥翻深竹溪流響亂棒居然成小隱日日白綸巾

首春送潘鎮樸之京

春氣動平野紛紛物意滋可堪尊酒別及此艷陽時子
有飛騰策子傷羽翮遲驅歌欲相送哽咽不成辭

贈玉成

坐卧空齋裏行吟溪水邊野橋山路細幽澗石泉澌
澌

語風中斷僧烟竹外連偶然故人至對酒興翩翩

春興

杜門甘避俗伏枕自經旬忽見桃花發方知二月春村農事蚤日日鳥歌新乘興尋芳太長吟作醉民

雜詩二首

霜雪年光暮圖書夜色孤窮來失肝膽老至厭頭顱酒熱故人到尊開新月俱淹留添燭跋歌倒任狂夫貧病人情嬾逢迎幽事妨晚雲寒聚浦山月淨依床對奕頻燈燭深吟費酒觴護窓梅竹色瀟灑到虛堂

同王成作

放歌當落日散髮對秋風遂爾忘身世

疎嬾

秋到雨能報伏歸熱尚欺多時剝啄少只是晝眠宜行鳥窺人屢山雲送色奇但吾遂疎嬾從世喚愚癡

同潘鎮樸望北山

出郭兩三步千峰面面惟近身雲不覺頻看鳥如知返景催詩駛薄寒借酒支悠然下樵牧應共爾爲期

晚望

緩步高原晚哀蟬萬木深黑雲吞衆嶺紅月迓東林將老憂端並多年病苦侵浮沉底意緒回首一長吟

將到河間

大風號白日滿地捲黃塵泥屋屯征馬爐糕坐土人天鳥下一聚官柳著深春兩度班班苦河間到感神

早發定遠

月斜征馬照春入曉鷄寒早厭朝朝飯遲喚日日鞍嘶山天有色平地水無端千里歸三日雙眉破一攢

潘鎮樸過訪

幽棲人不到乘輿爾能來向我吟新句呼童發舊醺鍾偏得雋追琢愧非才但不嫌麤糲蓬門任往廻

自響鈴鋪宿良縣

牛畔亂眠底風俗近南嘉高下勻田麥青紅亞圓花枯塘春破水晴浦鳥行沙良縣今安睡

由蕪湖進東壩

愁殺掀天浪紆廻東壩穿湖灘船屢問魚笻凍相纏肉銷江海舟車擲歲年銀壺對金鏡一破旅情牽

觀音寺柏公房

客子誰相晤寒天古寺中閒房兀坐掩幽意與僧同鴉亂日將夕鐘鳴月在東浮生亦如此吾欲悟真空

早發棲霞

出門沙草氣一路撲人香山僻日遲見秋初候已涼籬間數花赤鳥外亂峰蒼處處泉聲激猶疑在上方

送夏伯孺遊杭兼謁章會稽先生

東南名境冠杭州藜杖親扶屬勝遊一鏡天開魚鳥色

萬花春含霧烟流雲封禹穴金爲檢潮湧胥江玉作樓
千里起居寬縉綵漸予猶滯剡溪舟

戴微之有吳越之遊詩以送之

勝絕東南今古名片帆雙眼密崢嶸黏天海色晴吞樹
捲地濤聲盡撼城女映越臺衝客宿馬含吳影犯龍精
未辭峰頂鸞留約一寫奚啻錦盡驚

寄題朱太常園林

碣石滄江借不難千章萬箇碧琅玕花間白墮青絲舫
郊外籃輿紫籜冠礙日樹交晴自暝當窓瀑灑盡長寒
相逢莫怪如泥醉齋禁歸來喜得寬

贈朱憲昌卜居廣陵

七閩才子佳揚州夫子繁華數此上
名珠翠羽賈胡舟詩篇驟奪濤聲壯客宿長懸王氣秋
莫向蕪城城上望吳烟隋柳喚人愁

送潘鎮樸明府之官縉雲

一官氣色呼吾黨廿載綢繆別雨難天意越城新雨露
人家禹裔舊衣冠如江文彩波元濶進郭花開錦復攢
爲政風流今不淺好音莫惜憫加餐

贈王成之閩

送君遙向嶺南行粵水吳山萬里情白日樓臺高屋氣
清秋風雨亂猿聲荊州登眺悲王粲梁苑文章見馬卿
醉舞龍泉多慷慨江湖飄泊愧儒生

江上逢潘楚星覲省句章時偕舅氏同往有贈兼

束其尊人鎮樸明府

一權寧親慰倚閭可煩歌咏涓陽餘逆風雙挂灘頭鷁
買酒同餐江口魚語共阿戎真自足好成宅相竟誰如
明朝爲報而翁道大雪王猷興未疎

夏至齋宿

何日焚他學士魚又來隨例事齋居陳三決不堪同俗
歐九惟嫌欠讀書野蕩新荷紅底若柴門高柳綠何如
故山政好不歸去谷鳥溪花應笑予

雜詩二首

何妨衙舍冷如冰似此清閒幾個能
異書羣賢却喚僧此下清閒幾個能

烏薪向盡裝難至白粲須炊載不迴數喚平頭候風色
今朝江上幾船來

方大任

字玉成一字逢吉號赤城萬曆丙辰進士時

縣史會逆璫預營生壙但崇禎初起河南道御史
而歸旋被都御史巡關最承眷倚故事巡關僅節
關內公獨出關千餘里與總督袁崇煥經書方略
康督撫某拊危召變歸爲上言宣之公已巳以
副都御史巡撫順天出守通州久之園解該傳工
力深厚原意鑄詞務極底實會自序其詩云生而
有吟將未嘗一日廢每歲必哀成一帙故其集甚
夥若震起樓詩草十卷強舌吟音靡吟歸田草出
塞吟後出塞吟皆盛唐之流響也公薨已五十餘
矣吾友程奉常立卷有李女嬃揮毫而夢曉以字
新安某嘗與子論粉榆先正喟然曰方中丞凝氣

介性朝野具瞻官至開府而家無千金之產吾知其孫已成立不知其猶未有室也惜不以吾女妻之嗚呼奉常之為是吉高義固出千古而公之餘風遺澤其被後人者遠矣公與大宗伯葉公曾城志趣新合自為請生以迄解巾登仕挂冠歸田膠漆之誼始終一致其唱和之盛比于長安松陵而名伯與出處大節亦復相埒于故排中丞之詩于宗伯之後都為一卷以明其契分之分深交相切劇如此

詠懷四首

束髮慕奇癖讀書萬卷餘游思緬邈場削跡夢華途舉世爭捷徑听然笑其愚稟氣固已然改轍將焉如孔生恥溝壑原千安桑樞素志亮有託斯人豈盡迂掩耳謝時賢一心抱區區

徘徊芳塘上微風扇輕波連岡蔭青松深林綠莎見時秋候深稅稻菰陂陀腰鎌朝出圃暮歸家園樂嗟嗟啄場圃牛羊散崑阿曰余無立錫鼓腹行謳歌拾穗既窶問一飽不願多嗟彼攘攘子鼎食終如何

漢武雅好文酷慕相如辭本自當代士翻恨非同時向微狗監薦白首不相知瑟鼓齊客叱璞獻荆人悲經耳等瑤瑤涉日成沙泥至寶不易售古今同此疑何世無英雄蓬蒿常見道

孔雀遊赤霄牛角何由觸麒麟可繫羈縶為大羊辱伊余類窮猿投林不擇木悠悠長傍人顧影傷局趣百鍊忤時好統指乖素欲犂鋤倘可給誓息西山麓

與朱漢卿葉君柱葉君嘗登投子絕頂

絕嶺何岩堯力疲與不禁霜融草根滑風疾松聲勁雲霞薄衣袂驟覺青天近葱鬱楸檟林穉篠狐狸徑石柳與裸葬世遠同一盡達生苦不早在再霜侵髮逝將辭紛綸酒伴時相命

古意下第後示以冲君節

妾容愧不麗君心苦不長結髮事君子荏苒三十霜金石有銷泐恩愛篤不忘一雲忽一泥末路渺相望君行如翔龍妾意同寒蛩啾啾憂荒草際予于枯池傍傷哉復傷哉永夜守空房

雄縣

北土饒塵衍茲邑乃廣湖恍疑過江行一碧萬頃鋪長堤貫其中蜿蜒蛇虺舒搖搖柳堤堤上風聲起是日風聲起少驅犢生業半捕魚蝦菜入市鮮鳧傍近人呼聘望烟水間目爽心與俱恨少數青峰點綴湖四隅

任丘縣

膈膊鷄初鳴磊落星猶存僕夫促進餐瘦馬已在轡騰行十里東望見朝駁取次近城郭馬嘶人語喧誰言茲邑鄙冠蓋乃駢蕃邊街悉制府京秩皆台垣棹楔塞交衢甲第凌中天豈無藿食士環堵不得完懷抱瑾瑜質困頓疾藜葵升沉分虎鼠踴望不敢攀我本失路人念茲切辛酸

河間府

天地初睢盱人物亦約略無端書契興巧競乃攸託周
絲既紛綸孔緒轉糾錯發塚抉口珠人各奮椎鑿念茲
禍亂俯緊惟神聖作快哉秦皇帝一舉付燔灼天下盡
聲聲漸得還滌漠多事河間王蒐集仍浩博流傳復漫
衍萬世遭韁絡我生不佞然放曠何不樂一入觚翰林
憂患遂相縛奔馳訖白首多弋少所獲今朝過遣封撫
往氣充膜想其初購時真宰神亦懼矢歌詠同侶雖狂
諒無愕

雜詩四首

秋暑轉復亢日久氣不蘇夜央涼稍生枕簟聊自舒晨
鐘忽破夢百念來紛拏君看突梯者竟得修硬高軒

擁大蟲昂藏展天衢平心抱硬硬神志自舒身不

自謀何論後代歟拙黠天所縱鞅轍終難紆仰首望時
彥誰賢與誰愚緯繡莫能辯往問江潭漁漁父笑不答

鼓楫凌碧虛

夷路同一殉豹毅竟誰是如彼緣督者亦未得所底我
觀廣道流身完名則毀悠悠千載下痕痂難湔洗人生
一涉世憂患相終始緊維川崑棲超然絕塵滓曦汗雨
不受堅缺莫可指來者猶可追誓勿蹈前軌俯仰今古
間獨慕巢居子

陶公雖不仕頗亦懸短組本自甘固窮豈真爲五斗玩
世有深心自晦長沙後所以邂逅間不辭王弘酒徘徊

晉宋岐此意人知否慨焉念黃虞蕭然詠五柳試誦荆
軻篇方知中所有

齋居深閉戶悄然多所思聞道苦不早良爲至人嗤神
龍用以潛鳳鳴維其時攘臂撩虎鬚幾成虎口飢惶惶
一寸心幸賴皇天知百死而一生得遂此初衣返情遊
溟津研慮窺希夷願言終吾年永葆杜德機

五老峰同化卿放歌

廬山之高出天表西有漢王東五老千崑萬嵒競鬱蒼
積廬古剎相縈繞窟溪潭底多神虬巢安林曲無凡鳥
我來直跨華蓋峯下凌倒景乘罡風是時秋清天宇空
目隨灝氣俱無窮吳楚羣山如聚散雲霞變蒼黃
指揖每恐礙車馬飛過絕頂離地勢自高不可攀
却看身世等浮烟攀蘿徑度學猿捷轉石不懼驚龍眠
須臾雲出表靈異泉泉一縷穿衣袂消散依然還齊景
九壘屏風轉明麗嗚呼匡遠去已久周顒天眼骨亦朽
神仙佛子同沉淪富貴功名復何有與君壯觀良不偶
勸君更盡尊中酒明朝塵土各飄零嗟峨五老空回首
夜雨懷以冲

我生骯髒無與偶但言俗子便疾首白眼常橫天地間
青袍獨落風塵後眼底交遊能幾人葉生於我情最真
傾肝吐膽無所惜痛飲狂歌驚鬼神年來苦負道路債
南奔北走無根蒂故里雲山長渺茫天涯歲月空逾邁

相思入夜雨沉沉檢君贈詩吟復吟何時更坐桐坡上
細話江干夜雨心

車箱歌

作馬不須良馬強半服車箱作士不須才才士強半
困塵埃龍翰鳳雛或餓死牧兒賈豎登鼎台憶昔韶年
總角時矢口落筆無不奇里師一見誇英物父老流傳
美可見三冬轉益富文史萬里雲霄日可俟那知折
歷風波到來半世淹泥滓歲歲年年一卷書東馳西走
無寧居幾杯冷灸潛酸楚穿衣破履行躊躇出門俗子
多嘲笑入室妻孥常嗟吁里中少年人所羨貂裘駿馬
金玉饌腹內何曾識一丁氣軒

醉時歌寄以冲

閩之山崔嵬險巖不可攀閩之水迅急喧湍流不止我
本淮南抱甕人何來作客孤城裏孤城物色非故鄉臘
月園林未見霜千山萬山晝霧合但聞樟樹遙含香孤
猿嘯時白日澹野鵬飛處青天長君不見前者葉生送
我時銜杯握手重致辭勸我加餐復作賦相和玉粲同
襟期我聞閩中美酒出建陽主人購之千斛強一日一
醉一狂嘯安能鬱鬱徒懷傷

徒步嘆

三月三日天風輕欲晴不晴花霧橫輕純駿馬者誰干
而我徒步泥中行君不見丈夫有錢始作人馳街驟陌
多精神青樓十里飛紅塵隔牆一望前驕喧

登東崖歌

九華有層巒東坡在其內從內視外如刻屏千朵芙蓉
遠相對我來春霧苦作惡盡收蒼翠入冥漠情知攀涉
只徒然終難欲趾坐空閣衣沾履濕不辭苦力疲脚酸
更鼓舞小憩太白祠直上海藏蒼螺髻昏霾了無見東
窺惆悵復西探菴中老僧笑來迎指點雖詳竟不明閩
園茶美且一飽隱几細聽巖泉鳴屋裏松栢屋上出龍
鱗斑駁苦薜蘿橫孤高冥冥易推新

獲鹿界上植柳夾路左右各行十餘里不絕蓊鬱

特異愛而賦之

新栽高柳夾道傍一往十里翠帷張搖搖猶令行者愛
況有弱綠當春陽我車迤邐過其中垂條拂拂颺微風
誰人風流能爲此云是獲鹿賢令公黃昏班駁暗西北
迷茫不見恒山色塵眼爲君聊一開斜日穿烟射寒碧

立春前一日郊行

郊南春意早無物不堪憐水次三家市沙邊數畝田繁

梅全破雪嫩麥已鋪烟沽酒聊停騎乘酣又舉鞭

春日泛石湖

石湖好山水春光况復新輕烟天際鳥斜日渡頭人放
艇隨輕浪長歌採綠蘋網魚復沽酒慎莫負芳辰

定居示思拔思實二弟

幽意聊堪愜青山已定盟溪邊饒夜雨隴上動春耕芳
樹葉皆暗閒禽時一鳴秋來林米熟尊酒日同傾

寄以冲

念爾京華客文章近益雄已齊枚氏捷原並馬卿工意
氣凌梁苑聲名動漢宮慚子真薄劣追琢未能同

夏日幽居雜興六首

茅舍深松裏白雲層復層一身清似鶴一室靜如僧
卷每兀坐愛山亦獨登莫嫌無過從野鳥即吾朋

檢點幽棲事拋書出棘樊山妻親供茗稚子學應門帶
露晨分樹披星晚灌園瓦盆有濁酒作苦不須言

雜樹孤村遲殘花四月春魚鰕翻沼荇雉兔狎林榛得
酒便成醉無錢不說貧絕憐來往少閒殺白綸巾

古道今誰在高人去不還釣竿落吾手流水自潺湲雲
澹赤城寺潮生楊樹灣興來何以遣爛醉翠微間

十日閉門讀偶行新霽時夏雲一以淨林木翠參差忽
過水邊市還尋竹外陂老農何處至倚杖話遲遲

勺水盆池內相忘沫自濡未論得雲雨何異在江湖清

淺容卷石芊綿長細蒲吟詩坐無事投食引羣雛

望浮山

幾誤躋攀約徒令悵望深天青一鳥去雲起衆峰陰歲
月淹塵事烟霞負夙心山中桂花發遲我鼓瑤琴

懷化卿

滑嶺是何地王生爾寓居開門見山鹿佐酒有溪魚燕
乳花飛後鵲啼月上初相思春欲盡不見一行書

江行

日出權初發風斜帆不懸孤橋綠絲轉百丈拂蘆牽野
樹籠秋色江鴻下霽烟忽聞漁唱起逸興坐翩翩

以冲七夕戲于席上二首

入懷驚冷節摩頂悟前緣珠並雙星出月是良辰
衣裁異錦瓜果趁華筵他日論聰慧應知得巧偏

的的珠隨掌浮浮酒寫尊試啼驚坐客抱送即天孫長
定爲英物賢應大爾門他年存父執爲話席間言

瑞洪道中

秋日澄潭曲悠悠泛短槎鷗鷺漁父業樟樹野人家候
煖饒新雁霜遲足晚花風光堪自耐未覺在天涯

建陽舟中

不到天涯處誰知行路難舟危穿石罅山峻出雲端帶
月汀洲瀾迎霜橋樑寒鄉關杳何許相對且加餐

開元寺

一迥秋花合諸天曉霧深迴廊緣曲岸古塔峙危岑飄泊身何定風塵易侵安能從惠遠結社日登臨

延平津

蒼山南紀郡白水晉朝津獨鳥飛何意雙龍跡已湮波光搖落日雲氣澹秋旻轉意張雷革西風重愴神

寄內

龍嶺三秋月憐君祇獨看鳥啼千樹夕霜落一庭寒曉鏡愁中掩春衣別後寬屢情不忘飄泊媿儒冠

正月四日葉允男見過

時允男初遊洋其翁以仲方訪潘鎮樓于慈谿未歸

楚楚通家子青年意氣殊歲時存世講風雪歷遙途才美名初就顏腴病已蘇若翁繁客思曾肯好音無

易道緣崖去人烟久望賒客愁孤店雨春冷萬山花高枕溪聲急凭欄樹葉斜征途方此始前路瘴雲遮

天界寺

曲運叢青靄孤亭敞白雲山光樹杪出鳥語竹中間壁有高僧偈碑留上相文坐來塵思淨花雨自紛紛

崇隱菴

招提入翠微曳杖步晴暉路自雲中轉泉從樹杪飛林間片月上洞口一僧歸安得依瓢衲徜徉此息機

春夜

缺月依然落疎雲過雨涼風柯初息響霜葉亂凝光老

怯兒童大貧嗟缺畝荒夜分仍不寐獨立咏蒼茫

晴

久雨春愁鬱新晴曉氣鮮遲遲雲出岫脉脉水穿田昂竹淨於沐溪花煖欲然何來雙白鳥作意弄暄烟

由故華嚴寺登金谷崑絕頂二首

流憩屢丹石窮探竟碧空虛無惜古搆指點喜村翁巖澗層層水嶁孤面面風卻公錢寂寞躑躅翠微中

寺問元開處崑嶠乍得時寺址後有小崑絕幽峭遊人自來莫識春衣鈞

棟破屐齒躡苔危轉石山僮樂窺人野鳥疑上方昏黑

徑始和故人詩丙申秋余與化卿輩遊此

送靈上人入之九華

吾心九子勝九子九芙蓉同爾從今共棲禪

聲萬慮雲影伴孤踪應念迷津客風塵事懶慵

懷楊鶴舊居寄諸弟

莫學三車地須識廿年情營築心為破荒蕪手自耕艱雖有今日付與見平生最愛松林色休令剪伐輕

過漢卿墓

汝骨遂埋地他年攜眺頻業緣兒女幻交契眾生親拜起若沾袖低回風墮巾哀深反無淚短些黯摧神

遊廬山過太平宮作

廬嶽望無窮行行及此宮山門一繫馬谷樹亂鳴蟲碑仆苔痕古鐘流松磻空前朝何限事回首但秋風

鉛山舟中

川路豁新晴搖搖一艇輕水清真見底山好不知名小
墅青樟匝斜暉白鷺明隨眸無限好暫得緩鄉情

泊瑞洪

復雪愁仍在歸舟行復停鄉程空默數客睡幾曾寧絮
語鄰人艇微燈何處汀朝晴欣有兆雲際出疎星

自康山抵鸞子口

晨發康郎麓都昌忽漫過乍暄融積凍遠渚送微波風
正舟師靜湖晴漁子多匡廬行又近雲裏辨嵯峨

以冲過訪山居四首

君來猶未後籬菊尚餘英磻道子登公關壽侯吳興
雲寒少色澗經夜多聲借問山房何處如松蘿

種竹纔三箇分蕉只一科荒蕪全未葺蒼翠自然多盡
日閒雲駐無時疎雨過悄然人事絕石上共婆娑

莫道茲遊易相期已半年壺觴分石坐風雨共衾眠野
性吾真癖幽盟爾亦堅朝來晴色好更上最高巔

小徑層層樹虛窓面面峰詩將蕉葉寫書借石龕龍跡
栗童新打家醅婦遠供酣餘日未落溪上步從容

遊龍井

傳響雲峰遠尋源樵逕微淙泓如紺碧飛灑作珠璣木
落見山骨沙平上水衣留連數呼酒林麓已斜暉

寄答謝中隱二首

一官垂老得百感上心多謾道風雲好其如霜雪何勞

君舉室喜貽我遠途歌肯信金門意朝朝在辟雍
美爾能超俗械投只一詩寒暄雖不悉貧病自應知句
老神當健年豐食可支故人纔薄宦何以慰相思

燕河憶兒二首

京國傳來信爭言汝貌奇精神踰往日聰慧足新知
筆常師側含脩割姆私見時摩頂問誦得幾篇詩
憶昔林居日提攜不暫離偶拋繞畧刻相隔似旬時何
物閒簪紱令人久路岐傳來思父語聽罷淚沾頤

野泊

解維纔五里風阻便停舟屋影搖搖水色流
危頻駭浪思罷不禁秋忽喜中宵見月倚樓頭

范范

范范片心事寂寂向誰言江閣愁看月僧齋早閉門安
危開社稷明晦任乾坤一掬孤臣淚何須灑野原

宿古道菴

舟眠嫌踣躅借榻道人房星漢垂簷近江山繞檻長
明不借月地敞自生涼清坐渾忘寐呼童屢續香

元日雨中同王化卿林渡之登北山飲

元朝阻雨稀遊客逸侶攜壺獨看山崕峭寒風猶瑟瑟
冰融飛瀑已潺潺醉倚短筇青松下坐望長空白鳥還
折屐不辭前路滑杜鵑峰上更躋攀

入宅咏懷二首

三年不見老萊云，屢向滄江泣落暉。荒歲流離幾人老，故鄉丘壠一身歸。庭前烏鳥依然宿，天外孤雲何處飛。獨上高堂悲寂寞，晨昏徒倚欲何依。

異國歸來還此春，那堪骨肉奔沉淪。一身暫托鴛鴦宿，諸弟仍隨車馬塵。深谷長饒吾獨隱，遠天孤劍爾誰親。回思攜手兒童歲，夜雨青燈戲彩頻。

以冲將有白下之遊，許過草堂，言別寄此訂之。

鄉關猶未罄交懽，况復天涯握手難。白下秋風催汝去，萍城明月對誰看。許停行騎過茅宇，准擬題詩滿藥欄。野外雖然供給少，懸知不厭故人餐。

夜雨

秋山風動暮雲低，三徑荒涼草樹迷。斜日下時歸鷗鳥，蒼苔合處響莎鷄。簷前急雨連深夜，洞口寒流漲野溪。自古詞人怨搖落，楚騷賦就一淒淒。

以冲自金陵歸見過

故廬春隱水雲深，玩水探雲醉復吟。裘馬厭看年少態，綈袍深見故人心。新詩共向花間覓，濁酒時從竹下斟。世務相牽還復別，何當乘月重招尋。

湖夜

綠水遠隨平野濶，蒼山高與暮天齊。風前牧笛歸何晚，月下漁舟去不迷。禾黍登塲人露宿，松筠蔭戶鳥叢棲。

獨看秋色渾淪盡，夜堤迤倚杖藜。

閩中再寄君重弟

幾年高卧故園秋，此日飄零擁敝裘。俠氣自慚非季布，游揚還賴有曹丘。寒雲萬里關天遠，夜雨空山楚客愁。聞道嬉湖霜落後，網魚攜酒正堪遊。

春遊

春日遊行春色賒，青青芳草遍平沙。老僧供茗來山寺，稚子提壺過酒家。湖上輕風翻燕子，隴頭細雨落桃花。殘尊更徙前溪坐，纖月遙看帶暮霞。

戲君重弟

何處香風入翠樓，樓頭小婦抱琵琶。已聞秋氏名如顧，復道盧家字莫愁。蛺蝶俱飛還曉夢，芙蓉正滿隔清秋。吹簫且莫乘鸞去，結綬還期躍馬遊。

酬化卿見寄

落花飛絮曉陰陰，三月江南春色深。獨客醉眠蒼水曲，故人遙寄白頭吟。疎狂真側當時目，偃蹇徒存千古心。知我只今惟鮑叔，結交端不爲黃金。

宿北峽關懷林渡之

當年訪舊此曾遊，屈指于今已十秋。玉樹關情埋已久，金蘭回首淚難收。筇峰寂歷含雲暮，黎水蕭條帶葉流。後死風塵空碌碌，羞從隴樹挂吳鉤。

偕君節兄登黃連山宿龍隱卷二首

江上黃連碧萬尋
撐雲踞水石森森
峯迴轉殊天地
瑤草琪花閱古今
半壁忽逢金布地
六時不斷海潮音
坐來諸相俱岑寂
但覺旃檀氣滿林

流水桃花瀉石谿
卸鞍扶杖踏春泥
諸天共簇松篁色
下界回看州水迷
雨黑蛟龍終日立
風腥虎豹或時啼
到來淪茗沉沉坐
萬壑鐘流暝色齊

廬州飲名卿叔齋中二首

又名學御于受業師也今爲廬州學南

落魄歸來羞可論
何堪曳履向師門
奔馳自覺容顏稿
辛楚空餘皮骨存
驥老愁深伏櫪吟
鮑新望起講堂尊
燭花屢燼寧辭倦
六載離情繞一尊

負笈從遊童稚年
揮毫矢口得師憐
當時立擬雲霞記
今日空慚霜滿顚
泥水春風歸路隔
門牆桃李紛如錦
憔悴如何一樹偏

同君靜君節兩兄遊胡水部莊

負郭從來愛此居
幽期曉起忍徐徐
何須問主方看竹
倘許爲隣擬賣書
小舫橫陂閒不纜
長溪送瀑直通渠
晚涼亭徑佳何限
短杖輕裾進所如

化卿來自霍山

遠道歸來鬢尚稠
知君客思未全愁
黃精自破深雲屐
白帽時同野老遊
去住一裘俱異國
悲歡隨地漫登樓
羊城兒女聞無恙
莫倚西風感敝裘

送化卿歸金谿兼柬劉臨川燕及

少小綢繆老不殊
嗟君今日尚窮途
思歸惜別燈前淚
雪岬風江病後軀
詩好自堪銷日月
囊空何計飽妻孥
臨卽令尹能延客
肯使相如困酒壚

南歸四首

久信吾生自有涯
晚圖活計不須奢
案頭書少從人借
甕底醪乾喚僕賒
耽睡偏宜隨柳蔭
無憂何必種萱花
所須日用寧多少
一炷清香一椀茶

山中此去樂婆娑
倦即高眠飽即歌
無事邀人談鬼怪
有時策蹇訪禪和
橋頭樹密鶯聲好
溪口沙明鶴跡多
童子拾薪吾注水
手燒石鼎試松蘿

長途日見柳條青
春氣薰人睡不成
擬展起雲天夢
書看塵霧忽冥冥
征鞍好卸邊城月
妓喚臨清了
晷至藏鈎唱曲伴伶俜

自我辭家行作客
冬初忽忽又春終
上書北闕志不遂
歸臥東臯計轉窮
恰值一百五日節
已過二十四番風
好把新詩酬麗景
莫將愁淚灑花叢

山中訪左共之兼送還朝

逸勝開居疊嶂阿
年來松竹轉婆娑
安鶴糧已道新田足
花事還聞別圃多
正好閉關甘隱几
其如補袞促鳴珂
知君未忘雲林色
直省清宵夢屢過

壽吳客卿太史五十

銀魚焚罷廿年餘
嶺月溪雲靜自如
鷄舌香銷一爐火

龍鱗松老幾編書眼通寧藉蒲桃采心淨真樓蘭首居
說法從前四十九只今一字不關渠

黃花路輿中作

黃花古路萬山稠雲物凄清盡著秋徑窄僅容單騎入
林深只聽亂蟲嘶鼓鉦暗自雲邊落阿殿紛從樹裏投
怪得荆榛狼虎穴使星昨夜照嵩頭

晚眺

石磴秋涼晚試登水光山色抱峻嶒斜陽欲落還未落
皎月當升便好升澄碧要看千里盡太清莫著片雲凝
興來扶杖翩翩進更臨危巖第一層

癸卯夏金山作

浩劫迷疏鑿孤根截混茫樓臺各各金碧倒江長
險侵蛟蜃意虛俯鵲鵲時時霞綺綺面面鏡涵光萬象
無遺囑三洲非異方山川會淮海雲物盡荆揚滅沒天

遶樹參差烟外檣西流傾瀨瀨東逝切扶桑乍睹神爲
聲深遊興轉翔頓停浮客程穩宿老僧房卧榻琴書冷
交庭梧栢蒼旃檀聞寂歷鐘磬落蒼涼步散風隨杖束
移月在廊石泉清自汲貝葉靜相將留玉人何處藏金
蹟已荒世輪真駭電客髯敢辭霜白社身堪老紅塵業
未央鷁翅京國近騎逐少年忙宮菊饒秋色陵莫足晚
霜勝遊或不乏東眺意難忘

濠梁逢業師名卿叔時叔新除臨湘令

孤館寒燈客興微仙鳬何意忽來飛殷勤杯酒休辭勸
明日瀟湘書信稀

飲以冲館同賦

青山高枕世情疎閑戶窮年獨著書不是侯芭能問字
寂寥誰過子雲居

席上逢妓蘭英

紅粉青蛾進玉卮錦堂華宴日遲遲夜闌客散聞薌澤
正是淳于一石時

臨城驛壁間見吳體中方伯題句有感

塵昏風緊夕陽天繫馬郵亭意惘然頭白只今還賦賦
看君倦宦十年前

歸及北峽關志感兼寄以冲君節
腰圍全減鬢全稀空有京塵滿素衣關吏相逢應笑殺
年年持得故繡歸

第後納妾袁青瑤年丈枉詩爲贈依韻答之

求夢巫山屢未成齋居常白學周卿多君贈我風流句
誦與粧臺引笑聲

清明日與中二絕

薄書堆裏偷身出花柳叢邊瞥眼行天借佳辰寬俗吏
春將芳景媚閒情

尋常干役嘆勞勞此日何緣與轉豪喜得行車逐樵牧
絕勝堆案對功曹

席上代人所贈

村家粧束裹芳心乍譜霓裳學未深誰道無聲難悅耳
淵明曾撫沒絃琴

遊浮山往還俱值雪歸途漫成二首

石氣松香尚染衣回頭何事不依依小僮亦有看山興
並馬相呼得意歸

雪中來往未悵悵穩坐巾車足自排還記當年徒步處
凍泥滑滑曳芒鞋

出塞有懷

村莊漁獵日蕭然間道霜華益滿顛夜夜池塘空入夢
連牀對雨是何年

龍眠風雅卷

卷之十

詩

七

龍眠風雅卷十九目錄

木厓潘 江蜀藻輯

吳門張遇恩天一

同里何永紹令遠

方孔炤 四十三首

吳氏令儀 十四首

吳叔度 十首

方大階 十三首

吳紹奇 二十二首

王曰都 二十首

龍眠風雅卷十九

木厓潘 江蜀藻輯

方孔炤

字潛夫以家有連理之祥別號仁植萬曆丙辰進士初任蜀之嘉定調福寧府有封跡入

為職方郎會魏瑞欲封其兄子良卿為伯固執不

世之學歲甲戌里中倫兒揭竿起賴公計嚴其渠

魁餘黨將散撫按皆尉薦之起南鹽卿以副都御

史巡撫湖廣時總理熊文繁力主撫議公條上入

策言撫之誤與督師楊嗣昌忤任楚九職入捷以

督師調守襄陽聲援不及致有香油坪之敗逮獄

楊死賜環隆見屯撫河北甲申南歸著周易時論

與東節互相發明母喪終

于墓側門人謚貞述先生

棘廬述 辛未丁廷尉難遵命

斷事死靖難其女遂不字以此啟桂林閣閱十三世我

祖開講堂我父善繼志錫山相頌號首善誠盛事通籍

四十年強半丘壑置晚筵號歸隱

逸篇啟予早自記悲歌以當號不孝恐負累晨起誦孝

經一行一灑淚

一鳴示兒

焦明生三雛憑虛振其羽一雛巢阿閣一雛罹網罟一

雛能高飛下視歎苞栩黃雀謝少年青島報阿母鳳凰

來見稀一鳴遂千古

召對之後謹獻芻蕘感而書此

當今第一病所教非所用巖廊相期許但可稱麟鳳比

之宋韓范便謂禍機動有司慕臺省臺省論資俸別是

上流人巧享鈞天夢壽兵計何饒故事畢倥偬外吏久

假寒塞責謂采葑偶失疆場機文深不輕縱安坐講虛
無圖通暗相奉所以談兵家目爲含口咽捨攘皂白寒
奚補素絲縫委蛇好容身忼慨傳言諷驕將賴白駝卒
誰肯饑凍十庫可改折首荷與民共海運可召商屯田
宜募種監軍徒掣肘建牙當專控所言才數事左右手
惶恐突傍忌直言植根善隆棟諸葛躬太輕胡廣道太
重袁安但飲泣賈生安敢痛條對稍切骨他端定巧中
廟堂不虛公唐虞枉祝頌天下岌岌矣坐見庸人送

新設屯田

廟議既不與屯田徒有名河北山東地水利難與爭當
先布賞格有司乃奉行隱匿民種亦須三年成守墾
恐不及不如先議兵兵既不墾田亦何由墾

訓孫

繁霜被燕麥孤松憐兔絲墓門有梅棘維芥以斯之生
長亂離中父母皆乖離苦我一遺老旦暮不可知人情
如灑頤誰誅傷蛾眉刀俎相魚肉破巢難支持汝等既
失學何以當波靡祇足以負藥噓血以吹鑿努力作貧
士勿謂公卿兒

四重行

爲蜀孝廉高守恒出獄也生題樓曰四重兼名
其集有才使酒同里宗伯范醇敬構陷死罪予
守嘉定鏡身爲之雪出上簿臬司閔公夢得識

活之蜀有雪冤錄

高生高閣題江濱四重取法楊子雲二十萬口編且
鄴架圖史何紛紛壺邊如意卽時酒蕭然野鶴棲鷄群
世人欲殺正爲此翻雲覆雨迷榆粉瀝鬼彈沙賊射湧
泉飄風溺灰下生來骯髒千九霄耻與魑魅爭幽夜飲
章楚毒漢庭魂鑠金碎玉寧論價哀郢懷沙豈獨今今
朝意氣還千尋拂清蛛戶簡奇字拔開鮫匣磨新鐔戚
干會向常羊舞木石愁湮東海深君不聞沉寒不結風
炎樹難流影卻曲吾行影與風天地虛舟亦何梗又不
見岷濤峽浪奔谷王隨流不礙蛟龍藏期君再衍太玄
策雲雨滿天纔觸石

錦江懷古

君不見公孫掌文王建毬錦江電激瞿塘流又不見孟
家花蓋李家髮子夜絃聲咽明月惟有市簾留得青城
春垂崖峇拜懷綸巾西川本是回翔地幸喜欄牛愛文
字時人但覺司馬琴臺艷人眼不如杜陵草堂澆酒盞

易水

田光先生齒已衰舞陽少年膽未煉碣宮之社方欲灰
滴池之識方欲燄漸離之目可母薰於期之頭可母獻
此是司馬子長自作歌至今易水風揚波

雍門歎

冬風肅肅迥長安朝亦寒暮亦寒馬上何人輕鞍而貂

冠邊朔多狂沙凍甲何攢攢番戌日以久雙糧不足餐
客欲上書筆墮地雍門有琴誰與彈

香油坪行

川沅楚三路進勦房縣賊楊世恩羅安邦先進
戰勝貪功深入而余又奉閣部調回守襄相去
八百里鞭長不及川沅近而不抹二將陣亡裂
哉哀哉爲之哭祭特疏自効請卹

三龍久淬荆江水八捷一敗敗即死死尚殺賊嚼牙齒
恨無救兵發一矢余調回襄八百里夷陵歸州持重是
香油坪鬼夜鳴令箭掣電如風行可憐不用平穀城是
無獻于
殺而無

龍風集

楚人歌秦人舞檣檣衣傳兩杖鼓殿上伏機多危語密
議知與外廷忤外廷不知乃連章以爲朋黨飛嚴霜如
先歎建乃可勦賊而楊機部爭之督師起復而黃石齋
爭之適符先中之言而君子又畧于經濟時宜之策故
宮中切齒朋黨
邪正不分云

八月四日廷杖黃太史石齋解中丞石帆送獄

天衝久遏閭闔門霜飛電毀華林園梗楠十圍莫能存
叫號地洞搜山根夜來伏蒲縈清魂至煩午闕屯虎賁
一呼千諾摧崑崙棟梁溝斷斧鋸痕熱血碧湧丹墀翻
咫尺萬里帝者隔白布裹身頭戴盆欲絕不絕心微溫
公卿卷舌失聲吞走卒爭獐來追奔兒童霑淚如泉源

不然魁盜駝降幡金綃魚服傲王孫不然大帶虱不捫
癡披白哈擁紫墩不然吳門春市髡草枯僻壤呼窮猿
吁嘻聞海濤晝昏墮顛淮上哀朝食紵足廣莫愁羊藩
棘簷偷陰泣窪樽刀圭一七趨趨賢士階自築處我禪
須知剝落天成碩果恩雷聲殷殷吾道尊

一歎

市井得官口如劍東上門中草一綫厥衛日尊公卿賤
一緩一書下詔獄黃金夜光袖相見

大梁決

賊圍大梁六七月百姓守城力且竭夜決黃河浸三板
內外一聲同嗥囑中間知者先造船轉木乘桴如奔田
向憐居民百萬盡魚鱉脫者得獲獲者得獲
解圍千古大變休歎歎

一掃

一時太宰識履聲鄭玄獄御史府堂傳三清劉念臺張
極民稱班行顏色不幾日斗柄一掃紛流星內有主父
偃兩家啖酒飯君子報壺餐小人舞杯槃江南人下楔
江北人出血究竟江南人賜帛止落江北一場雪賜美
吳鹿友入拜已姊之出督未幾陽羨
賜帛走放吳還籍于是并研當國

蒼天

萬歲山折蒼天崩金鰲社鼠同一坑撞碎九閣北斗裂
烏號射日弦斷絕增兵勦賊年復年七百萬餉如流泉

既蹕西安躡山右三關宣雲遂不抹盧攜張鎬喪天下
依倚中人嚇仗馬問監國問遷都驚破膽徒摸餉請內
帑請倡義總不許但咽氣九邊萬隊皆潰降不降便走
淮渡江蒼天蒼天來此一月看石田倒地哭死張空拳
哀罪

天王聖明人臣之罪八捷一敗以鉤黨逮武陵既壞赦
之召對裂火燒心流涕可惟擊縣鼓丞卿怒河外募兵
請不許嗟乎驚在梁崔在林土崩瓦解不自今勞人知
此病深矣今日何責諸鼠子

我父一生一卷易首善書院開講席高顧鄒馮合金石
厝向歸衍徽皇策遺書半被焚燒死此業承竟漂零
風波至今未厭在進退生無非亦亦悲悲悲悲悲悲
毀毀惟不自欺常不改

有母有母在故鄉獄中兩載憂傍徨不孝上累含飴之
高堂顛連至今伏地何心屏風篝火空草檄悲風刮耳
血滴滴

監國後席稟以請

濟南聞變一慟絕新設巡屯無寸鐵招義反爲奔帥劫
老母獨子夢難訣聞建行在趨伏闕請死出使虎狼穴
呂司馬薦樞貳缺東微臣惶懼求自雪母乃擁戴餘前
被一片心不敢說盤水照見犬馬血

井中鐵

崇禎末吳門浚井得鐵所南書

連江鐵函書似漆吳門浚井一旦出沉埋一十三萬日
現鬼嘶叫風雨溢男兒之血本不死蛟龍蟠護千年紙
威栗塲中羽變微咸淳淚激三江底淚無端江且乾防
江不難防心難丸泥難塞圓通關天使井水澆人間至
今首陽山不生周草木此語歌之古今哭

讀石齋乙丑甲申諸賢合祠記

乙丑狐鼠盜城社賢者慘死桁楊下甲申蛇豕突周京
東序數公能結纓天鳳四十萬人後乃有屏風圖上壽
閣門衣鉢暗相傳金甌坐喪此輩手下爲川嶽上日星
衝霄匹練轟雷霆彼揭柄者不早計旁觀惟死垂天經
最歎瀛公一杓水溫陵錯等失群孤孺懷臂謝
金口沐浴早切齒請看斯民
記者何如人

難易

左則黃金萬鎰嬋娟十封侯鳴玉食千邑右則鼎鑊沸
油火熠燿哮虎叩刃四圍立慨然脫衣右邊烹不肯回
頭左邊揖執難執易執緩執急以視公理之田園王官
之詩集鹿門山民已作郎陸渾絃歌不相繫況復五都
華轂時出入况復素妝牙板餐玉粒家居不出太平常
何用傲人頭戴笠

餓

烈嬭易節婦難啼咲鏡中難久看子弟呼不應僕婢逃

匹盡北風刺人骨南風薰人肉織布隣家不與錢換人
屋角喧鞦韆衣裳破守碓磨日復一日忍不過所以珍
重此一餓

乙丑忤璫削籍

不即膏唇舌猶承浩蕩恩瓶原難假器鋤只爲當門鹿
馬工前轍鳴梟善叫魂埋憂惟抱甕滅迹此荒園
辛巳出獄自訟

撫楚一年陵藩鞏固城池無一失者八捷一敗

敗將且卹之而撫臣遂成命也越一年而兩藩
俱失皇陵震驚城邑潰敗以視前者何如乎官

中念之惟有刻滑

自從畫地後始更測天寬後罪惡重古跡又掃而無
機雖曳屣臣志竟衝冠髀肉將消盡何曾一據鞍

別黃石齋太史

百六遙知候三墳罷石渠藏經身作壁貫械血成書苦
節徒賓戲譏言過子虛金商門下對直諫又其餘

兒來
五月九日至

萬死不汗賊銀鐙間脫身齧城棄妻子潛竄爲君親兩
慄骨猶見三號生不辰 孝陵前叩血摠是劍鋒人

太恭人葬白鹿舊穴

通天皆是罪適送北堂終老迸千年淚哀攀兩世松枕
戈同塊土護穴得隣農白髮如何括眞無地可容

水舍子得放還
壬辰冬

白頭餘獨子萬里一瓢回歷盡刀頭路親齧池底灰
天皆北塞抱膝卽西來哭咲咽喉并連吞瓠葉盃

齊山同王虛舟姚康伯用杜牧韻

蓬壺累落手中飛隕石奔星網太微九子連雲從袖放
一杯浮渡隔江歸羽陵蝕土看碑字磊塊澆天蕩夕暉
洞底潮催風雨出山生鱗甲挽人衣

塞上曲

受降城月海西雲劇幕歌兒美酒醺監院蠶尊愁帥輓
擺邊牆曲苦兵分山前獵火衝星直樓上雲笳靜夜聞
肺附繇來思澤重侯門氣凌雲

謁方正學先生祠

鍾陵松柏對蒼蒼近代南山祀太常寧可紙灰埋十族

不將銘志屬三楊髡緇江上人何在縞素軍前獨發喪

斷事只今依俎豆吾家書種托門牆先五世祖伯通府君諱法中洪武應

天巳卯出正學先生門爲四川斷事聞靖難投江今補祀表忠祠

金陵懷古

吳楚乘城戰未休莫輕鼎足破神州諸人盡責王夷甫
生子當如孫仲謀已借荊州休接妹縱遊華里竟忘仇
入公草木勞呵護聊藉東山一局留

春興長安三首

露井桃花始半丹南行千里已春殘土龍乞灑黃榆水

木鳳初垂白玉竿投壁大梁捐印綬沉金石瀨報壺餐
相逢緩急嘗如此昏黑門頭劇孟難

漢代輪臺未詔前螭蛾狗馬雜神仙成都諛伎茅三脊
曼倩帳諧肉一肩巫客竹書通博望羽人芝草混甘泉
金甌日卜原無缺四海空虛倍可憐

太液池邊早望潮食春弱柳晚垂條仗前芻豆仍供馬
苑內金花賞射鵬拘處未虧蘇子膝瘦來非屬沈郎腰
泰山道士誇符力關豹威威守絳霄

毘闍同曾二雲作

新亭白袷淚雙流萬斛風烟一佛樓鐘鼎有圖皆題
衣冠無地不野婦人情爭利年堵吾道增披五月
看破金身亦猶狗傳真惟在

雪月梅

天公撲鼻歲寒知凍醒明光夢後悲大窖盤根藏月窟
沙場枯木有花時白頭客倚江邊樹銀漢槎傳嶺上枝
誰謂封條留絮地東風珍重臘前吹

江閣送劉赤存還楚

危閣臨江枕石流風生蘆葉送新愁薄寒中客單衣別
帆影吹來九辨秋

和客傳言三首

多選中涓辦隊裝明光甲片日爭光原來第一安邊策
只在新開內教場

百戶原酬征戰功中官子弟盡安籠少年白領能搜獲
俱得長鳴鳥扇風近年中官子弟得爲金吾又市井

先時毀像鑄銅錢後悼靈王說九蓮皇五子病中言
苦陸遂手適遇蓮花生壁上西庫有事佛者壁上現蓮
金鷄竿挂赦書傳

智兒作激楚而黃東厓宋九青諸公序之

去歲空持虞顙幡公卿爲汝試啼痕楚聲一發何堪讀
痛哭無非天地恩

吳氏令儀

字棲倩宮諭宗一公之仲女兵部侍郎
夫教子具有儀法喜讀書史女傳作長短句
其遺稿若干首

嚴陵釣臺

扁舟過陵瀨富春入雲外懸崖十九泉蒼松發幽會
竿有餘樂雲臺何足繪天子本知心故將軒冕賚

次幔亭道中有懷何氏女兒

新雨出多峰舟來鏡中沐美人自遠方三春隔幽谷與
姊妹寐時老親有舐犢而今各差池忝命劇華轂杏花
奈何殤蘭枝有淚哭陰陽于賢人亦已太百六今秋聞
有秋料不怨饒粥福澤自因特鱗次聽寒燠我之所傷
心落霞與孤鶩誰復惜鳳凰朝朝任簌簌大椿多病年
見姊爲啜菽何時賦歸來山車挽雙鹿千里涕復洩輕

霜薄黃菊

寄潘夫夫子時謁選王爵

君去覓封侯金閨第一流文成知虎豹價重得驂騑詩思春歸錦鄉心月在樓素琴隨綵鷁忘却搗衣秋

遣懷

幾樹孤村外空船倚暮雲風來衰草色日蕩去潮紋羣雁江邊語淒猿雨後聞無端鈎月小人影各單分

三峽寄伯姑張夫人

三峽孤帆憶楚蘭丹崖翠壁墜雲端欲將鏡裏琴中意巧畫裙拖寄好看

舟發江陵潛失卿將自

去年西蜀兩遊人春入江流復見新今日與君分

却從歸路淚沾巾

寒風峭急雨聲長珠淚千垂不盡行莫恨石尤江泊夜只愁容易到襄陽

江上久泊

三暮三朝下峽愁解維還繫楚江頭鄉關有路應須到只恐明年又遠遊

夜

新月不來燈自照江天獨夜夢頻驚長年自是無歸思未必風波不可行

琴倦

獨坐舟中彈玉琴絃中山水自清音遺愁假寐驅閑思夢入愁城愁更深

呈姚維儀姑姊

與姑爲伴十年餘膠漆金蘭總不如憶得我眉山下住相思惟有一雙魚

從家大人祇謁鯤池神道二首

細雨斜風拂面吹杏花欲謝柳新垂此行不爲憐春色也學清明上塚兒

一望鯤池幾斷腸與中不語淚千行自憐身是裙釵輩

無復年年拜墓傍

奉和伯姑張夫人如

尚方拔劍羨卿卿曾聽樓中

紫芽初見一株榮

吳叔度

字勿銘號青芝萬曆丙辰進士少孤貧力學

杭之南開杭人聘權政編以紀其績出知黃州府

公處劇郡若無事與起文學黃人士蒸蒸蔚起盜

起黃梅梅令叩方畧公曰此烏合易與急之則散

者堅矣單騎往諭果即時解散有同年生修小隙

中黃語左官光州守光故公族父一介公舊守地

治聲前後輝映人稱爲大小馮君云再入爲工部

署中雜咏

赤壁高千尺寒峰對曉衙日閒調鶴息官冷看梅花楊靜三湘客棠生六郡家自知庭少訟誰遣鳥爭譁

歸興

明時并隱計吾道未全非宦影雲千片棠陰樹幾圍青
山尋夢穩粉黛入園肥滿篋捎雲錄有課士何煩載石歸

入黃州

五馬春星帶日華頻呼父老問桑麻江黃剽習難爲吏
琴鶴輕裝易挈家濡筆近摹蘇氏帖登樓好看雪堂花
懸知署靜多休暇臥讀離騷懶放衙

別黃州

海門濤湧接扁舟攜得詩瓢自唱酬寒碧野棠留縞帶
竹樓新雨別黃州秋尊宦味三餐穩滄海人情百折流
莫怨軒鴻飛去疾公麟有約在林丘

紅梅

坐對晴光絳色分淡烟疎雨點窓紋竟將瓊玉山山雪
幻作臘脂片片雲霞起赤城翻素笛步搖金谷壓紅裙
珠簾月下珊瑚影桃李無言早讓君

采蓮詞五首

早起辜芳戲淺沙低聲密約早還家回船休摘雙頭蕊
怕對孤鸞鏡裡花
一番秋色蕩溪光荷葉田田花更香采得滿船姑舅喜
空拋蓮子落儂房
郭外蓮花勝若耶村粧寧敢競容華不知堤上人如許
只看儂身不看花

夫遠家貧藿食難剝將蓮實代姑餐更憐蓮葉清如水
照得儂心徹底寒

落月啼烏喚小蠻沙頭步步印花斑誰知風起逆舟疾
望却金釵碧水灣

方大階

字景玄家貧以筆耕糊口始于桐鄉歷都閩
承公雅推重之所著有逆雙龍爭鋒自爲序云老
夫二子長補諸生一孫十有三歲粗習經書後先
俱歿其什一足延姓各于不朽然必附之門下之
康成否則亦歸之可哀也

讀潛夫太姥山記

高手駕山形山形爛滿冊竹樹半隱嵐層疊如列戟閃
爍仙靈居崑崙發來脉大巖巖以峙小巖巖以峙
六峰頭拽奇更可索捫蘿下天交壁露微隙下
中泉早潦滴繹繹又見蓮花排可觀不可摘藍溪水潺
潺皎潔如白石摩霄頂上看海日東方赤昔有維舟者
忽夢風雨夕消氛爲前驅鸞笙聲奕奕乘龍上碧空蟬
蛻凡魂魄荒塚沒烟雲千古太姥宅

月夜與吳士新閒話

空庭酒一壺萬事都脫卸丈夫貴知心語言却似鯨金
蟬滿屋梁銀漢挂臺榭謔浪與何窮那知過午夜

悲秋

涼氣滿江城蕭蕭落木聲一年秋又過百事夜偏生遊
子浮雲意飛鴻故國情獨嗟雙鬢短羞逐少年行

能仁寺訪奕子

問訊能仁寺雲山一徑深松風吹客面池月印禪心
殿搖幡影瑤龕響梵音經年坐城市到此愜幽尋

過黃陂湖

連朝留古岸風送過黃陂迎權荷爭媚依堤柳通移浮
光天更遠落影鳥還遲此日鄉園近何須歎別離

漁父

自在江頭對落暉垂綸終日坐苦磯片帆風挂青山動
一樵烟含白鳥飛楊柳溪邊尋醉處蒹葭裏放歌歸
四時不定陰晴日預剪新簑織雨衣

樵叟

筋骨雖勞不肯閒懸崖絕壁斲柴忙將利斧斲蒼苔
擔得生柴帶月還忽發高歌喧谷口却驚宿鳥噪林間
老妻稚子休相問來日鷄鳴又入山

夜與姚汝碩飲賦此

宴坐書堂興未闌故人今夜劇相懽風迴疎竹秋聲細
月照高樓夜色寒四海風塵愁裡過百年意氣醉時看
連牀已見情無限流水如今不浪彈

舟中卽事

暮春三月水東流落日乘風下石頭有客却思張翰
何人能共李膺舟愁聽積雨鳴江閣興到攜錢上酒樓
瞥對晚霞幽意愜佇看杜若滿汀洲

九日喬莊寄奕子

去年白下好登臺此日荒村雨未開數雁分行沾濕
群鳥列陣過林來何辜落帽開懷興難售衝泥濟勝
應有江州刺史酒離邊共醉菊花杯

愁吟

江北何多難連年不解兵可憐蓬髮客愁向異鄉生
天上看明月人間對落花相憐只一影那可更無家
三萬六千日百年七十春嗟嗟吾老矣欲傍是何人
春郊傷亂

東風習習日荒荒野外凋殘空畫長到處人家烟火
只存桃李弄春光

江上吟

颯颯寒風拍岸秋一行塞雁落沙頭烟村樹裏人行
且喚停舟上酒樓

吳紹奇

字叔甫號雲間大希皖山公之孫也少失恃
荆湘湖武吏歷錢塘渡淮泗入京師客內弟齊太
史君求邸中問爲太史捉刀錦課見賞于振華
公承宗一聘各滿長安鉅公碩輔咸折輩行與
交未幾丁艱歸會里中兵荒流落杜門掃墓以
味口適或與二三義舊往還唱和家無擔石晏如
也年八十四歲終所著有撫松集二十卷藏于家

冬居漫興

日短過牆速山家冷不嫌含風飭果脆帶雪菜根甜
老多無律書殘半有籤焚香室將暖獨生好垂簾

忽向籬邊遶還從井畔飛雨昏光不滅露重影猶微伴
讀來書舍窺眠入翠幃黃花秋老後未識汝何歸

浦口

水市千門列江村萬井通馬嘶流水外人語夕陽中雪
浪高吹樹蒲帆軟趁風故鄉天際遠雙目送飛鴻

閒窓

嬾只支頤坐閒惟展卷看字昏愁眼眩髮少覺頭寒濕
爽侵虛檻陰雲抹遠巒放歌聊自適漉酒共誰歡

舟次桐廬

劃水惟蒼岫環村盡麥田沙明雨嶺日犬吠一林烟
夢莊周蝶浮踪范蠡船故園消息斷漫賦遠遊篇

初度

仲夏槐陰結蹉跎暮景新懶從天怕慣家是昔年貧
郭無遺畝臨流有釣綸不知懸矢後能得幾康辰

汪羽年見過小飲

霽日蓬扉啟忘年畏友來淘沙炊午飯剪韭佐春蔬
草心猶壯餐霞志欲灰香山如結社選勝日追陪

編籬

負郭幽居僻編籬接短牆種瓜看蔓引栽菊待花黃犬
吠驚殘月鷄栖起夕陽貧家隨分事世外得清狂

飄泊

飄泊渾疑泛五湖吾師漁父是吾徒雲開遠岫青螺出

浪靜平江白練鋪聽去晴鳩啼麥隴望來野鶴下平蕪
江南處處棲遲好嬾問桐鄉舊酒壺

移居

啼鶯換谷欲何歸壁立蕭然祇四圍一任題門皆鳳字
誰言居巷是烏衣雪殘荒圃新蔬少火熟貧厨敗葉稀
獨有蠹魚書數卷擁爐披對送餘暉

焦山

酒酣藜杖任携扶大壑藏山石壁孤地擁靈珠明寶像
江搖匹練漾金鋪帆檣掛影龜鼉避浦樹蒸晴鶴鶴歸
便好一窩淹歲月采真何處是方壺

毘陵客興

終朝生事付棋枰四壁歸來似隔卿帆席空隨流水
鼓鐘偏向戍樓鳴夢回草榻三更雨興盡芳園幾樹鶯
悵望靡蕪何處綠遠峰別淑正關情

八旬初度三首

八十年華轉曉過回思往事惜蹉跎時危楚璞徒含泣
老去秦箏亦罷歌雪月半窓堆蠹簡羲皇一枕臥烟蘿
叨逢弧矢嘗懸戶晚景徜徉欲挽戈
少壯無成老不如喜存筋力屈能舒登山不用頻扶杖
拂紙猶能細作書好句敲殘窓外月閒杯摘盡園中蔬
康辰得再邀天假飽讀遺編學蠹魚

世路多艱獨掩門一廬終老竹爲樊春深圃甲頻除蔓

雪霽庭欄亦負暄
薜荔衣成勝製錦
松花飯熟當蒸豚
數餐飽後含飴弄
遠勝知誰袖簡存

秋晚山尋

手携鳩杖入林巒
約晚芝房次第看
竹外生烟迷鳥路
寺門秋水狎漁竿
芙蓉泥露花全放
躑躅因風葉半殘
箕踞一尊懷欲遣
恐驚搖落不成懽

述懷

星霜歷徧歲將除
老至誰憐未定居
借去綈袍甘自擁
得來好句倩人書
床頭金盡難沽酒
雨後園荒欲種蔬
往事低徊無一慰
長門空擬賦相如

雲岳山人久住獅子山詩以送別

爲中獅子久淹留
惜別神馳五載秋
三秋一葦渡雙孤
金輪峰轉溪聲壯
石砌墻開竹樹扶
翹首雲山成勝事
風塵還是舊頭顱

同友人飲秦淮酒樓

秦淮水漲鱗魚肥
滿店楊花作絮飛
日暮酒闌無箇事
渡頭閒數畫船歸

初田

三四郊白一片再
來兩眼綠千疇
田夫諍得新來種
媿婦歌翻別樣謳

咏遊女二首

並肩倚步踏歌來
色色羅襦稱體裁
誤入狹斜逢俠少

齊統掩袖一時迴

桃花映日柳含烟
少婦明粧送佛錢
踏徧香臺情未已
相呼又上武陵船

王曰都

字合虛邑諸生博雅能文制行淳直鄉里以方歸之

秋望

自覺與清秋新來多
意况天雲淡淡浮
潦水陰陰漾冷露
白人烟晚暉紫疊嶂
杖頭萬慮消遊目川
原上

秋夜

清秋明夜月影入伴
孤眠幽意爲誰愜
閒心應自憐雁聲秋
露冷梧浥帶星娟
起趁空明色徘徊竹
樹邊

登齊山

爲探齊山勝扶鳩過
大堤蒼翠引青崖
色分嵐影江雲掠石
梯登臨興不淺沽酒
入清溪

客中雜咏

信陵公子昔稱賢
七十侯嬴慕執鞭
豈謂荊州慳一識
自將甫老入三川
來思江上飛蝴蝶
歸去山中喚杜鵑
何日錦堂將進酒
虎頭萬里勒燕然

旅夜

客子滯他鄉夜來思
百疊簷頭側耳聽
雨落驚風葉木蘭花

白玉仙姬出紫房
齊宮統袖越羅裳
星姑月姊偏相傍
愁殺封姨十八娘

春遊

強扶筇杖入春山
柳碧花明事等閒
拚飲屠蘇消磊塊
醉時遣去醒時還

曉夢

幽棲懶性恰相宜
曉夢從酣日上遲
門外應無車馬跡
綠陰深處嘯黃鸝

江上二首

短髮蕭蕭仗短筇
潯陽江上看廬峰
江州司馬今如在
淚濕青衫定幾重

不識廬山真面目
只緣身在此山中
子瞻此語誰參得
試向東林問遠公

早春

南北山頭雪未消
天風猶自帶寒囂
前堤恰見青青色
何事春光愛柳條

卽事

蕭蕭夜雨酒杯傾
擁被酣眠到五更
枕上夢回無事
竹林啼鳥雨三聲

春遊

三月春光遍野城
花飛蝶鬧不勝情
杖頭解出青蚨百
載酒西林往聽鶯

美人曉粧

鸚鵡樓頭喚曉粧
雲鬟委地稱身長
蘭湯洗却殘脂膩

簾外風來別院香

舟行

彩鷁西飛青翰歌
東湖風景夜如何
黃頭不識歸情懶
咿啞齊聲罵孟婆

贈友

故人何幸古稀餘
酒滿清尊架滿書
好向堦前弄明月
天風桂子落前除

迎春二首

招招叩友向堤遊
春日迎春皖水頭
摘得柳條鞭樣大
來朝約共打春牛

瞥見梅花臘盡開
遊人爭說探春回
山翁亦有睹然
可道年光頭上來

漫興

無功不爲學士戀
嗣宗豈是步兵才
五斗當年如是酒
淵明應不賦歸來

竹枝詞

翡翠雙飛不待呼
鴛鴦並宿幾曾孤
生憎寶帶橋頭水
半入吳江半太湖

龍眠風雅卷二十目錄

木厓潘 江蜀藻輯

梁溪錢肅澗硯日 叅

同里方若琮宗玉

姚孫架 三十八首

姚氏宛 二十二首

齊心牽 二十首

胡效憲 六首

倪嘉善 十二首

左光先 三首

吳用寬 一首

方孔時 一首

戴時翔 八首

錢潤 三首

龍眠風雅卷二十

木厓潘 江蜀藻輯

姚孫架 字心甫號石嶺天啟壬戌進士副憲方麓公

為民忠公力請停之仍蘇其賦再補晉江瀕海公

多斤齒水漲為鹹涼所淤田蕪民饑公捐募賑賑

全活甚眾擢監察御史章奏悉中時弊錦衣項左

副都御史公立訊服辜而震為樹國私人觸忌左

遷尋傳兵章南故相國林鶴濤道產為勢家所奪

於鄉知無不為賑荒籍隲尤其大者官至尚寶

卿與其弟樞部孫集同日記替宗鄉里榮之

久雨新霽喜殷氏兄弟邀飲

閉門十日陰門前喧辰齒已聞前谿漲更見屬垣圯曜

靈胡匠輝風雨橫如駛暮霞從東來欣然報晴美翼日

親朝駁羈懷粗可理散步不憚極邂逅逢之爭相邀醉

魔頭到院鳴聲喧狂譁盡 因真遊笑相觀醉飲意不

在歌者聲且止把袂未能別初月射軒几

雨中旅况

春色看將盡離情兼雨天掩扇無一客堆案有殘編急

溜苔全損繁陰花欲眠關心惟斗酒時解杖頭錢

車中漫紀

鷄鳴盥櫛罷小憩待晨曦荒歲時聞戒征途敢載馳流

亡官道通號涕夜猿知歎息驅車去風高木脫時

海饑生計盡百室坐難支兒女含悽嚮鄉關忍淚辭荒

原寧有粒野樹半無皮不及翔空鳥尋巢返故枝

馬上逢人問前途利往無撓鞍聽告誠結侶貴招呼世

亂裝寧儉時，路莫趨纔聞。兵使者選銳出車徒，
晨興寒氣肅。行李倍凄清，非雨還成濕。雖霜不易晴，郊
原分馬色。村落辨鷄聲，冥坐了無著。幽懷任所生，
辛苦黃河水。蕭條遠客情，望涯催渡進。迴權避水行，碧
漾波千頃。寒連鴈一聲，七年重過此。心緒百端生，
斜陽猶在樹。暴客閤前岡，世事寧堪道。民情轉可傷，亂
荒關氣數。險阻惕行藏，衰草寒烟際。驅車怯路長，
稍覺霜威解。郊原靜不風，平蕪嘶倦馬。古戍掠征鴻，帆
影寒流外。人烟落照中，徐勝雖劃界。艱食恐相同，
四牡曾聞咏。今應廢此詩，安居郵吏傲。野宿使臣危，博
節虛宵旰。追呼仍怨客，煩裁省詔會。否益公私，
清月多兵氣。蕭蕭車馬間，未定雲影自能明。
老泥封字溪，寒凍作斑臨。街先問酒相，仗慰愁顏。
驅馳朝復暮，車轍未遑停。人閒開河登，山凋齊魯青。
藤依砌老歸鳥入烟，其于役偕家情。風霜怯乍經，
早歲行鄒魯。今猶負此山，峰容窺磊落。人事隔躋攀，放
過慚身到。吟成造夢閒，春風歸策蹇。好入翠微間，
觸目見荒殘。無嗟行路難，王程方恐後。旅食敢求安，月
黑孤村冷。星移獨夜看，小臣趨獻壽。應說外邊寒，
茅店孤燈點。繩牀旅夢安，不知一夜雪。但覺五更寒，際
曉山山白。因風樹樹殘，憂時應紀瑞。朋輩勸加餐，
雪霽寒威在。稜稜透敝裘，客懷鄉縣積。汶水古今流，所

至皆虞寇相逢。盡說愁夜闌，村犬吠鈴柝。開前頭
行行還且止，兀坐奈愁何。人語驚風鶴，村扉掩薜蘿。
來寒乍緊天，意雪居多倚。榻時看劍，余將發浩歌。
隔宿邀同侶，平明盡去諸。日高城啓宴，風急馬行怯。
怯過前嶺頻，頻問後車薊。門千里道極目正愁予，
大索元兇得聲靈。仗九天機槍，今始掃烽火。昨猶傳鳥
啄殘枝，雪人炊破屋。烟艱難需善後，僉曰大夫賢。
野曠路沉沉，長征罷苦吟。暮天殘照影，荒歲遠行心。
寒犬吠深巷，踈燈出曉林。一枝欣可借，塵土各盈襟。
朔風吹曉雪，野望入蕭森。遙憶閨中語，應憐陌上吟。
隨枯共切寒，與夢方深。夢能習寧忘，寄遠音。
勢深趨谷水，痕淺綴柯昏。昏連曉暮歲，月感蹉跎。
歲晏寒威急，自然銷旅魂。懷多紛有觸，緒渺冷無言。
集烟邊樹人歸雪，後村獨憐橋畔寺。車馬閱朝昏，
殘霞帶深霧。彌天障客程，蒼茫見人影。斷續聽車聲，凍
鳥飛還墮。危橋踏乍驚，高林徐辨色。夾道玉粧成，
初日照高樹。前山霧始開，怒飈一以發。寒氣轉相催，野
色遙難卽。羈愁養欲來，故人居不遠。去去好銜盃，
四載與君別。離懷相向深，晤當冬杪日。交本歲寒心，呼
火對行色。開樽披素襟，前軒方掃榻。剪燭恣高吟，
颯沓狂飈起。彌空十丈塵，晦將迷曠野。寒倍集征人，躑

獨嗟行路浮沉媿此身何當謝簪紱江海任垂綸
漠漠長堤晚霏微雪意勻釀寒凄樹色飄濕浣車塵天
近年偏稔人閒興不貧酒帘欣入望得句亦清新
庭際月初上少焉盈我衣待看傷遠別欲睡奈清輝靜
覺更聲徹寒驚酒力微連宵光漸滿幽賞亦相依
呼嵩來萬里城闕晚烟屯雪逐勞人駕塵封蕭寺門僧
閒堪假榻友過恰呼尊執手家林話平安首一書

同友人携酒遊龍山作

榜尊出郭喜初晴佳氣時從杖底迎山色千重青藹藹
水光四面碧盈盈人留逸致碑長在羅近溪先生舊詩
鬼幻奇工石怒生中流薄暮迴船逢勝處故亭
樵徒歌聲

九江雨中呈計部石軫餘年丈

粉署平臨雲水間使君不媿古爲關千重帆影看無恙
一帶波光相與閒杖履儘同盈座客匡廬指是對門山
尚憐蕭寺愁風雨爲報晴遊慰旅顏

贈別

自憑忠信閱風波轉以咨嗟發嘯歌左省久傳新獻納
中朝猶問舊催科露雷摠載君恩重烟月還供吏隱多
同病天涯離緒黯商量出處却如何

上虞道中

舍轍登車亦自閒郊原歷歷當躋攀山俱入畫青千疊

河僅容舸舫碧一灣楊柳斷橋窺馬度薜蘿幽徑見僧還
便將解綬同漁父松月谿雲枕席間

午過月珠菴時旱甚望雨

四圍山色萬疇田小築禪林拂午烟竹路逶迤人不覺
草堂虛寂坐堪延黃鸝聲裏銷清夢碧樹陰中引暗泉
邂逅老農蒿目甚只將雨澤望高天

行

江城楓葉晚烟勻好友先予到幾旬握手各詢經月狀
開尊正值降申辰園林秋老黃花醉山水懷多彩筆新
天氣殊佳君且住自憐又作遠行人

西塞山絕遊同吳祭谷邢愷之朱右五正攝卿叔

姪若侯

危崖孤峙碧嶙峋古木陰森俯白蘋繞徑雲深龍窟寺
琴林霜冷鹿皮巾亭銜大磬波光遠竹引層梯艸色新
不是石尤延勝集輕舸誰問武陵津

謁五祖道場

山標千載勝花衍五枝遙至理本來寂寞真身出外超林
深風肅肅洞古日蕭蕭問訊來幽鳥參宗及野樵層臺
高出峽飛瀑暗通橋吳楚當窓接江湖一望饒遊人遲
晚景老衲話前朝



姚氏苑

子脩碧壘卿石嶺公之女進士文熊之姊
國學張茂稷之妻也幼讀書史好吟咏端

莊桑順不經言笑年十五結茂樓閣中唱和如
良友焉年二十三而天自署所居曰絳秋閣有
絳秋閣詩稿其病中別
夫子詩最為莊林傳誦

送子莼入都

四隣唱鷄聲紗窓報天曙何事心慘傷遊子今日去別
緒分亂絲喉咽不能語目送出房門中懷似刀鋸淚下
掩羅衫兩袖無乾處

小年夜同子莼侍飲北堂限韻

兩兩青春伴依依白髮前燈花開半夜爆竹送殘年換
酒黃金鏤題詩白玉箋羹湯親手作頻到小廚邊

初春

妝成離曉鏡簾幙日遲遲書帙成堆處茶鑪自煮時雲
穿窗戶影風弄隔牆枝

倚欄

倚欄渾不語何事轉愁賒畏病思身後傷情隱所家遠
山屯暮雨細溜濕輕紗靜裡翻書帙篇中夾落花

隨子莼遊石門冲

同挽鹿車去行行渡石溪三春花事畢一路杜鵑啼樹
合青天小山高白日低他年卜偕隱此處足安棲

晏起

風雨凄凄繡幙垂霜鳥鳴遠寒枝愁心不耐醒來早
病骨難扶睡起遲休把鳳釵重理鬢且將鴻案效齊眉
凭欄多少庭前樹一陣風來葉盡離

賦得秋天不肯明

單衾初怯五更霜遙聽清砧泪幾行落葉捲風聲慘切
哀鴻啼月夢徬徨短檠欲續經宵焰燄火猶溫隔夜香
盼得曙光驚坐起自憐弱影觀繩牀

堦下孤梅步于莼韻二首

和華和花壓短牆已經殘雪又殘陽影眠紙帳隨琴寂
魂入蘆簾拂袖香瘦最可憐非是病寒真無耐不成妝
曾聞三百林逋樹此似林逋第幾行

斜對牕檻正對牆一枝初放占春陽倒垂入鏡窺鸞影
低亞侵書染蠹香卧月漫勞留夜夢因風誰令點梅妝

自知不畏封姨妬結伴無嫌姊妹行

秋風日病中送望侯弟歸試稊陵
文星熠熠下江湄喜極關心淚忽垂好事暫離離恨
危病相送覺堪悲臨行叮囑無多語努力功名及少時

笑指庭前雙桂樹此花爛熳是佳期

病中呈子莼

強下匡床曳布裙頽然一拜道慇懃今生未必能偕老
有子須知不負君好樹著花花著雨韶光如夢夢如雲
哀鳴欲學辭巢鳥先自悲涼不忍聞

雪燈

素影移來玉斗寒光凍破明珠皓月庭前螢火琉璃瓶
虛瑤瑤

蠟炬翻嫌有淚銀缸何處尋灰寶鏡朱顏獨照芙蓉
水初開

讀小青詩

數首新詩雨夜聽卿卿夢續牡丹亭天公做得風流巧
不妬何由見小青

代子菀悼小鬟詩八首 集唐

杏花疎雨立黃昏金屋無人見淚痕風景舊曾多少恨
殘陽細艸哭新魂

今日殘花昨日開野塘晴暖獨徘徊憶君淚落東流水
一寸相思一寸灰

碧意斜月露餘輝物在人非無限春愁莫與
杜鵑啼處淚沾衣

寂寥珠翠想遺聲未及酬恩隔死生三尺孤墳猶有
烟花零落過清明

零落殘魂倍閨然不知何處是西天紅顏未老思先斷
繡被焚香獨自眠

洞房簾幙至今垂春到人間總未知誰道五絲能續命
留君不住益凄其

金屋無人螢火流夜來携手夢同遊鈿蟬銀雁皆零落
埋骨成灰恨未休

泣雨傷春翠黛殘更無人倚玉欄干此情可待成追憶
想像精靈欲見難

齊心亭

字君求號木菀萬曆壬子舉應天鄉試第
天啟壬戌成進士官庶常時與遼黃石
鴻寶皆嶽嶽知名士館試擬冠其上少敏
童稱與人角苑雖長老皆退避三舍每得
疑思繞彈指間便伸紙疾書文不加點
誦陸翰林院編修卒于官一子早世

初至夷園

閒雲舒素朝爽氣麗初旭英英出榛莽待我西山曲
心自時昔放意何局促幽窺尋曲蹊高臨展追驢芋
藉晚芳檀藥蔭深綠鳥弄管絃音泉振琤琮玉煩
勝區持此遭暑溽

翠微亭夜坐

薄遊乘暝色坐久夜初交娟娟上弦月亭亭高
影落衣上宛若盤蛟

雨歇空山夜高館有餘清涼風起襟袖嗒然坐前
宇淨若洗皎鏡月初生林端衆鳥靜草際孤螢征方此
謝塵累適我幽居情

女郎沙蘭英夙有從予之約丙辰冬承過白下因
題鴛鴦枕示予予亦漫賦答之

題鴛鴦枕示予予亦漫賦答之

妾本水中蓮蓮心如妾苦君比水中鴛越在寒江滸
言藕絲長長繫鴛鴦羽
密彩文其身淡綠寫其鬣汲汲相隨心丹青描不徹流
水落蓮花人間好紅葉

牡丹亭次坡公韻

東坡把筆東風時東風散入東坡詩東坡一去何時
東風千載空相知山水清音無窮已琴操如花恨已矣
我來亭上弔風流烟雨茫茫愁萬里

題武陵主人壁上

三尺青萍氣欲吼狂奴扶之風塵走霜花雪花拂劍花
山魃海怪不敢吐長安兩度未雄飛斗牛光暉空盈肘
朝遊秣陵暮武陵武陵青嶂換賢酒痛飲千讀離騷
生平肝胆向誰剖正爾浩歎作悲歌倏忽大叫開笑口
主人視之太顛狂予曰噫嘻君知否予出無車食無魚
予四無壁十無畝予墨乃莊筆乃耘予筇在腹翮在手
鷄鵲聊借一枝棲神龍豈是喪家狗兩字馬牛任人
雙青白眼如斗且猶爾爾衣犢犢富貴於我乎何有
悠悠世路孰深交司馬長卿予良友

下第出都門遇雨

霖雨堪同濟泥塗悵獨歸黃金應散盡白璧詎知希
昔文章是于今時代非如何天下事偏與壯心違

山齋雨後

信風調麥候東雨急梅天几席侵嵐氣房櫳澹竹烟
前群潦集樹外一泉懸兀兀過清晝棲遲託地偏

酬姑蘇王克仲年丈携女郎章文玉命酌昭慶僧

院賦詩索和

穉生痼疾阮生途賡得昂藏氣不孤此際相知惟子晉

生平得意是酴醾怪來酒衲衝歌席斜覷花姬倚玉
多少寒梅愁瘦骨也應妬殺舊姑蘇

輓曹伯樂年丈

懸弧四十事何如倏忽居諸化子虛屈殺肘邊三尺劍
可憐閣上一床書千秋駿骨埋幽草萬里愁心命素車
永訣卽今成隔世空餘莊蝶夢蘊蘊

翠微寺分得依字

日坐西山之翠微冷冷拂拭黃金微音高暗逐閒雲遠
曲盡還看衆鳥依正喜開尊邀竹韻何來黃杖叩荆扉
故人多事猶憐我始信年來病懶非

酒中得論榜首疏

花向長安次第新
解嘲今年榜樣人

與廣陵三兄還南徐州見別之作

得意桃花映曉暉彩雲還逐杏飛殷勤但有長堤柳
繫得青春伴我歸

贈墨客

草樹雲烟籠別思相知莫漫悵前岐百年潮海清流在
都是游人洗硯池

宿益堂

閒邀明月過仙家網戶沉沉暗碧紗去日濃陰渾不改
可憐新發斷腸花

答女郎沙蘭英貽鴛鴦枕

含情少婦倚紅缸繡罷鴛鴦日滿窓解得世間離別苦
故將好鳥織成雙

贈女郎章文玉

杭州姊妹解吳歌歌罷吳儂可奈何夜夢姑蘇韋刺史
後身即是宋東坡

思

余得章文玉纔一夕耳有友人憐而奪之歸此
章姬試看章臺柳眉葉腰枝為誰有一度春風永不離
今朝暫落遊人手

答麗人贈梅

紫絲頻護趙家粧花去斷腸若問枕邊誰解事
多情惟有蠟梅香

胡效憲

字吉父號毅山萬曆間諸生長身垂立儀觀
之崇組崇若劉鴻乙雁先姚孫森綱先相友善里
中育六駿之目公其首也造諸公多貴顯彌敦義
舊雖難飲必登公上坐躬行酒炙公亦無所不
當時論兩賢之生平好學汲古不吝以口腹累
九苦獎引寒素如吳同鄉國璋張侍御孫振皆
幼失意時察拔之者學士季標樓岡侍御等咸
行昔哀然為朝著眉目見父執行必徐坐必起立
必侍左右其敬禮如此所著山居詩樓岡為之序
曰先生博學如倚扣知人如德操道廣如陳實獨
辭如屈平詩蓋出入于曹劉陸謝李生之間者論
者以為知言

和坦菴

南郭驚魂亂西州旅夢猜瞻鳥欣有託化鶴笑重來雲

物帝鄉異霜花客路催不謀今夕面到手莫辭杯

義烏東署

西閣留人久東風送雨頻好花應怯醉岐路轉憎春雁
右將窮越龍眠豈避秦寸心悲復咽不肯廢吟呻

戊戌元旦

七旬又八到柴關烟火叢中語大還栢葉尊開初獻歲
菱花鏡寫舊顏顏素書一卷供奇賞柯局千番縱老頑
膝下有兒孫有子窮來何必買青山

書懷

懶慢耳為太瘦生一回攬鏡一回驚掃除白髮無長策
領畧青山有遠情到盡幾云聊爾爾偶然伐木咏工

因悲投老不更事渭水難忘釣玉璫

別雲翼

老至情癡不自裁幾年懷抱向君開心傾似灑壺枯雨
耳熱如聞破柱雷釣講磨何接刺水屐追康樂躡重苔
歸途十二巫峰渡不信離腸只九迴

孫魯翁招晤湖南

片檄遙從天際裁點雲愁霧一時開多情欠絕粉榆想
覓路先從猿鳥回古辭難封康樂屐斷鴻初過子陵臺
南山吹盡天吳洞蕉鹿何煩夢裡猜

倪嘉善

字受之號復岡大啟壬戌進士太僕寺主簿
假養親崇禎初起翰林院檢討召對疏論君德
甚悉朝鮮極廢立上命草檄討之義正辭嚴雅

爲得聖已巳上幸太學命生講易泰卦爲目
進講益者三友上問孰爲益孰爲損對曰堯舜
爲益非堯舜爲損當寧爲之改容陸左論德卒于
京邸所著有
南陽微雨

舟行多喜霽偶爾連陰霧空濛乘烟艇亦具滄洲趣波
流漸瀕洞風帆復馳驚天際逗微峰蒼茫遠樹村落
傍水鄉每每狎釣具捕魚馳鳥鬼揚舲驚白鷺群生各
有適余亦隨所寓清夜靜無喧聊以托毫素

許芳谷獲蘇公天然硯題贈

長公風流稱獨步筆精噴薄吞雲霧相傳紗縠少年行
惟石琅玕驚一顧不用巧匠鑿山骨形質深窪天然具

徑尺平傾萬斛泉梨花霏屑照縑素斗牛寶氣漫騰

神物應許蛟螭護我公重來揚清芬落月屋梁疑見君

角巾紫髯揮玄塵風生草閣天語聞解得三坐石非偶

玉芥雲斤出林藪物色沉埋曠年代一朝爲之洗塵黜

糴資錢冶躍有時竹底瓶開書未朽千秋勝事擬靈光

什襲携來比璫玖越石應徵使君廉拄笏不數南宮友

愧我輪却墨池通輕翰流就滴成枯何當叩玄亭秘

兼把瑯環玉局圖

署柏

華林舊傳二株樹香葉曾經鸞鳳駐移來丹地深處栽
百尺干霄玉墀步紛披秀質自龍葱影橫長庭舞碧空

翠濯金莖朝吸露烟籠玉署晚臨風不隨繁葩易俗色
絳佩群仙毀其實最喜托根閬苑中雲氣藍謁接漢宮
古幹盤踞如虬龍明時方資柱石功泰嶽盤頭千尋起
武侯祠前枝靡靡何如洞府栢蕭森應是三株產赤水
寒月早朝

形闌徹曉鐘玉佩盡朝宗露靜清暉冷雲凝翠蓋重氤
氲天雨近縹緲御烟濃願得吹寒谷輕陽護六龍

郊遊

積雨澄初霽春郊草欲齊離塵當勝地小憩愜幽棲澗
淺新流漲峰高薄霧迷芳菲紅蒲岸疑是武陵谿

偶過吳明之息園

故聞新臨水開軒山與齊客從無意至花下喜相携石
砌通流曲雲陰覆樹低放歌歸路晚烟鎖小谿迷

九日

牢落家居久頻逢令節過秋聲聞雁少霜意入林多幽
思驚時換山遊奈雨何韋生高臥穩黃菊寄誰歌

元旦寓歸義寺同姪君符

未謁金門帝來棲玉板禪僧猶傳舊臘人已識新年法
喜厨中供鐘聲客外緣屠蘇聊應節酌爾莫辭先

楓林

挂帆遵遠渚夾岸遶村家欲墜風前葉猶濃霜後花晚
寒澄落照野色散晴霞自得深秋意毋將春色誇

雪厓南歸

數載心期爾共予無端此地欲迴車白雲夢遶親闈冷
紫陌塵分故舊疎病骨應須求藥餌征途好便寄魚書
從君別後空惆悵夜月寒光落照餘

玉河水泮

東風吹律早寒收天上盈盈一水流夾岸朱舒宮柳色
微漸半逐浪花浮光搖素練澄金掌響梟鳴珂繞玉樓
此日陽春占淑氣好通太液待宸遊

堤上曲

平原一望水天迷行過淮南柳滿堤不見長條吹絮起
還餘古幹待鴉栖

先朝

代巡兩浙廉嚴官方勤道以興行取監禁御史
避艱險不憚威勢在忠義之風未泯如神守道
還邪有古大臣寒謬之風至于在浙清肅國守道
罪收折弓矢顏料及錢振苛派諸屬又其舉職之
小者晚節情松菊未寄隻字入公府古稱卿先
生役而可祀于社
者公足當之矣
自祭 時乙酉春作

伊余具鬚眉朴誠素所積早讀父兄書筮仕聖明季循
良媿古人徵車至外吏踰格入西臺葑菲幸不棄一飯
尚難忘曠恩兼大義隨膺直指命出為兩浙使兩浙財
賦重凜凜勤蒞治殖禾與稗秀頗勵澄清志自惟盤錯
中或可別利器詎意期及瓜侯代久不至撫軍復無人

潢池哭為崇

謂許都也

東陽義烏間聲鼓喧動地

兵亦誓戮醜類半月遂蕩平元功歸將帥捷音馳京師

咸謂命得寄年來誤國臣誤於一撫宇帝曰合機宜稽

勲紀其事星軺遙望闕紫微忽焉墜群議趣南渡忍死

方共事半壁僅如綫內賊猶竊書君仇既不共兄仇且

安避抗簡擊首輔渠逆似知媿封事竟留申借題恣行

臆反坐殺已降惡聲徒爾被小人媚元克贊者張公議

却賴徐與和奸膽竟無異徐公廣求此時天壤間何處

容我輩魑魅必難消舌爭必不利容我輩固生我果

何為嗟乎鳥覆巢遺卵俱在地我兄先中禍復仇未

遂曾弗登前車跳子孫弟痛哭拜禹湖空平不存

成聊祭影爾久憔悴

祁世培具謁為言白免當時端跪公前惟恐舊

方之持兩端觀望者不獨祁一人也書此志感

仗威成掃穴事定議縱橫大義竟將廢秋聲應不平幸

存知已辨其被黨人名追理伏波謗古今無異情

同姚休那及八弟九弟守歲

蒼顏白髮共堪憐臘盡知春暖老偏好友最難借此夜

濁醪還復祭新篇華燈影耀遲朝日爆竹聲聞逐少年

回首不應思往事餘生守歲故人前

吳用寬

字體嚴中丞公之弟性雅淡無事見所
知輒軒然撫掌雖笑此河清者莫不笑其笑

崇禎甲戌民亂以身爲中丞袁諸孤藩屏之
受仇懷憤志至不欲生宗一休先生云好修力學
出過人吾于體嚴則國士之休那先生云體嚴在
都門偶集唐句初不長書排韻但默位所聞觸境
輒就觀者咸服其巧令兩先生
之言觀之可以知公生平矣

壽客卿叔五十

談經虎視舊知名坐愛清流老濯纓自是蓬壺天外迥
可知簪笏夢中輕駒雖伏極心猶在鶴但鳴臯骨自清
爭說新詩勝高適詞壇誰復敵長庚

方孔炤

字叔茂號紫岑明經唐山公之叔子以諸生
舉國者壯之南渡後知時事不可爲遂老丘園
年八十餘邑令以大賓執事相與人而觀有
苗足剛德之稱侯泉祀山如紫岑道人歌而云
老成典刑欣在座古樂聽來不敢卧海籌論也

甲辰重陽前一日與齊兄七十有四矣賦寄山中

皓月永壺桂子開香風拂到蓬萊久辭腐廟補
尚憶羊城錦製才兄曾宰焉垂老弟兄憐嬰鑠娛情

經任徘徊合明深處蒼生祝好咏南山歲歲杯

戴時翔

字需之號鳳阜少業儒數歲于歲遂隱居教
授英六間張明經謝美滿東陽生瑣汪總戎
里黨推爲長者爲詩下耐苦吟取適意而已

雜詩

壯士未遇時弗爲人所齒繡文刺雖工市門不可倚南
越復北胡豈不戀鄉里擁篲掃王門懼爲知者鄙但可
輕浮名那不急知已不見鍾子期琴以知音毀伯牙不
復生此琴不復理不見韓淮陰胯下甘受恥漂母何人
斯進食猶如此千金一飯恩聊以愧俗子

述懷

相士不在貧相馬不在瘦一顧遂空羣伯樂誠難避駿
骨已云朽猶煩千金購愛物既如此名賢競輻輳富貴
非不願勢利那堪就王門不可掃曳裾行亦陋所以有
心人美玉不銜售著書歷春秋俯仰任凋茂伏櫪但需
時千里志終副何怪駑駘才老死戀棧豆

偕吳貞甫伯仲游龍井

繞澗來廬谷依山入書溪逢僧多問訊坐石且留題幾
樹梅花發數聲野鳥啼林泉幽興在惆悵多陽西

登天門山

天門雙峙砥狂瀾上平江流聲異觀水國東連吳會瀾

湖鄉南接楚天寬雲光入戶衣裳潤石磴盤空杖履寒

避暑擬來分半閣漫將主住問黃冠

謝門人趙長人見贈阮臨江花卉並歸先叔父元

泉公草書

繪事爭傳大阮長揮毫臣叔亦差強開緘盡染烟霞色
展軸猶聞翰墨香先子政憂無手澤草堂今幸有春光
他時過我同幽賞半壁琴書擁竹床

寄表姪周重禮山中

欲晴不晴雨已淫欲放不放梅有情尊開美酒醇且冽
戶刻遠峰妻以清世情反覆仍泛泛吾生得失何營營
終須徜徉樂山水奚必浮暮公與卿

蟪蛄

漢賊江東笑仲謀
歸阿姊索荊州
豈知磯上魂棲處
也見降帆出石頭

長孫刻讀上論

赤子潢池敢弄兵
及今教汝學須成
莫言此日惟弓馬
半部還能治太平

錢

潤字澤之萬曆末諸生柳溪公之曾孫也少惆悵負大志造門者戶屢恒滿尤慷慨尚氣節有懷甚畏齊兩公之風

不寐

愁心不成寐
不寐轉成愁
露冷客憎夜
月明人耐秋
螢聲依砌出
螢火傍簷流
更值村春急
柔骨休

晚歸

遠山銜落日
驢背夕陽中
塞裏城烟白
田間野燒紅
鴉寒爭噪雪
樹老不呼風
醉看前路遠
依稀似不同

醉登城樓

城樓乘醉上一步
徘徊水向東南去
山從西北來
樹頭霜月小
沙嘴晚烟開
何處人吹笛
聲聲過敵臺

穀日郊行

偶雨踏春行
欣逢穀日晴
草鋪歌席軟
花落舞衣輕
雲影虛沉閣
山光澹入城
老農占物候
說是有秋成

龍眠風雅卷二十一目錄

木犀潘 江蜀藻輯

江寧宗章峻無齊 叅

同里左國棟子直

孫晉一百首

龍眠風雅卷二十一

木犀潘 江蜀藻輯

孫晉字明都號魯山天啟乙丑進士初授南樂令

間詞繁清操潔工科給事中督學巡按成化九上
至清後山陵請罷河漕請防及請嚴長下請嚴
楊忠節謚典尤為敢言因忤宦宦遷秩轉大理
卿特疏出意臣劉宗周金光辰子獄人對以江北
兵荒力請于上得賜祠邑恤賻什之七適宣大
總督乏人上曰卿祠也特簡一行受事宇戴
以善兵恤憂瘵成疾自歸公為人白晳美髯登
之省神仙中人初為童子時左忠毅公一見器重
之妻以兄子卒相繼登朝若傳衣鉢所著有東隱
黃山詩山曹溪楚歌諸遊草友人吳道新方歲華
節先生為序

黃山浴湯泉

遊事歷深秋高天白日速策杖入寒林息駕山之麓仰
睇壁間詩苔封不堪讀蘿月浸空堦松濤響幽谷間徑
晚烟迷欲效步兵哭沙門前致辭且就招提宿何以永
今宵携來酒一斛連牀無俗人夢醒風敲竹鳥鳴曙色
開趣就溫泉沐丹砂蓄此間山靈有深祝欲觀軒皇顏
先洗塵埃目為解芟荷裳波光淡盈掬炎涼一水分坐
久媚幽獨強起誓再遊築室從此卜

哭宋九青

溟海之北泰山東君才大雅接崆峒焚藜讀書蓬萊閣
東髮獻賦明光宮董筆共推如弦直河陽小試名花叢
雒陽年少真第一噴噴奏最由吳公天子曰都用作礪
拾遺補闕呼吸通胡為生瑜復生亮咄咄兩賢橫相攻

茵茵葉間金芙蓉奇峯何止三十六倏忽二儀闕精光
失却黃山真面目開來拍手叫秋旻揣摩名象渾如真
如此奇形兼異境山靈豈肯多示人

宿南陽

綠樹晚烟微南陽今是非山隨河勢轉月帶雁行飛忽
憶三年事真成一夢歸今宵應盡醉買得鰕魚肥

再宿南陽

二月水漫漫無端春色闌深杯嫌夜短久客怯衣單未
見干戈滿誰知道路難憂時多少淚不敢向人彈

渡江達金陵

虎踞石頭城居然漢兩京野雲隨草沒瑞月帶潮生驚
鴻盡如訴江清鏡似留往來皆此水悲喜不同情

聞閩事有感

佳氣日南望王孫且勿哀安仁閒作賦司馬病登臺草
色先春綠梅花未臘開本無軒綬意鷗鷺莫相猜

伯氏初會語及姜端公幽居絕勝兼出所附書却

寄

十載事何如故人今索居鴟原三嘆後雁陣五更初山
水園花場雲霞擁素書亂離如聚首不敢負鱸魚

哀江南

不見烽烟淨徒言憶漢京雲深春草沒雁去斗杓橫鐘
鼓沉長樂旌旗滿石城何堪風雨夜陵樹起邊聲

樂清署中雪夜

雁宕陰風急芙蓉夜月寒王程天一線客路兩千盤夢
斷屠羊肆腸迴唳鶴灘何堪頻頻首不敢望長安

舟發樂清入東甌二首

方舟非故國舉目不勝情赤樹分霜重饑鳥掠水輕風
塵還到海廊廟正論兵齊色先春至依然白髮生

環城行未遠已在數峰西水入河源渺松依石磴齊中
原誰逐鹿長夜不聞鷄何日畝南畝悠然憶鼓鼙

送萬別駕之閩

落日嘆離羣孤鴻帶雪聞江沙連越岸嶺樹入甌雲二
水分官道三山擁使君有才如鮑照豈合老參軍

靜對無懷氏怡然忘百憂亂山黃葉滿一水白鷗浮橘
頌誰能讀鶴鳴祇自求河陽重攜手玉甌爾同遊臨行有同

遊玉甌
峯之約

陽湖還舟

仁王峰下水清淺石磷磷天暝雲歸岫山寒鳥近人潮
來先得月花發不需春何處堪逃世相逢問子真

樂清道中

鳴橈催客櫂歸路晚烟迷千嶂猿啼切孤帆月影低風
吹鴉滿樹水嗽石成梯不道錢塘上猶然競鼓鼙

夜櫂

微明空外火一點似寒星流水迥長坂高山列翠屏舟車無定跡身世總浮萍夜半繁霜裏孤鴻不忍聽

入曹溪禮六祖暨慈大師塔瞻諸法物并似天拙

和尚次龔芝麓先生韻四首

四山傳密諦常借紫雲封香剎溪邊水青來天際峰林間常見月市遠不聞鐘祖意隨人授何分南北宗

光消世態身語靜禪心十載南華夢真源何處尋衣留有相後法悟未生前一語真空現三更密意傳腰

間萬古石壁上五宗禪雙塔如相望朝朝護紫烟重興佛祖地宗派此中分舍利光常現木樨香共開法

身還慶嶺匡岳只留雲未是金剛在居然老筆

再入曹溪禮塔兼輓天拙和尚四首

重遊真乘燭谷口尚苦封揭日標雙塔驅雲掃衆峰溪聲喧宿鳥客夢冷晨鐘但識西來意何須問五宗

僧出門常閉空留一院陰林疎螢火亂秋老薜蘿深攀陟遊人事提攜古佛心千峰曾識面初地許相尋

扶筇諸子後結夢十年前佛相如垂示我心難遠傳重來爲問法豈是學逃禪泉竭人何在空飛石上烟

受譴緣何事人天多杞憂羊腸雖九折龍骨自千秋袖落香還在烏啼夜未休雲端推月出塔影漾溪流

唐寺和壁間韻

咫尺廬山面雲封盡欲迷春風留古社秋雨漲潯溪羣色埋幽徑車聲進大隄老僧分半榻吾意愜衡梅

送戴甥山民之任成都三首

慈母縫千縷何須嘆絕裾但茹西嶺雪莫寄錦江魚飲水同清白焚香對碧虛扁舟吾已矣書信勿教疎

西蜀優閒地何緣得此鄉去時穿棧道來日下瞿塘談笑三年過徵書萬里翔賴君辰事好到處有輝光

北地操刀拙渭陽何足師雲山看紫樹驛路聽黃鸝玉壘杜陵宅錦官丞相祠到時應俎豆爲我一題詩

思還龍山

三秋鴻雁至喜得故人書雪糴迷新渚雲裝遠舊廬但期居有竹莫嘆食無魚

居庸關出獵示諸將

熊旂十萬擁京華韃韞朱殷碧玉駟大漠有閒惟校獵寒邊無夜不吹笳棘門雕羽休驚雁畫帳金丸莫彈鴉

印綬累累懸肘後諸君何以報皇家

入關次易水道中

此日春風度玉門柳條微放鳥聲繁燕山橫隔江南夢易水新招塞外魂秉鉞未能窮虎穴投簪何以答君恩

低徊北望頻搔首薄暮空村閉小園

懷王鐵山

君恩本是再生身冊府書勳閣畫麟鐵騎秋高空射月

玉關春老倍懷人，匣餘一劍酬知己。朝列千章任積薪，回首十年滄海事。跂予東望欲沾巾。

閔郎報曲沃視師，天子親臨宴餞爲先是。所未有

滅賊朝天其在此行乎，鄙詞以志祝云爾。

元臣奉詔出金微，玉帳郊臨亘古稀。司馬已寒西賊膽，汾陽會解鄴城圍。飛黃矯矯分天駟，祁父桓桓盡錦衣。推轂年來何太易，領都爭祝相公歸。

恒南道中

聖主今朝許乞身，東風昨夜拂征塵。羊腸夢斷恒山路，風落歸殘白水春。問道何人開赤幟，中原到處有黃巾。憐予不武兼多病，豈是忘情學隱淪。

過澶州晤張元白

廿年不見老同門，聚散榮枯未可論。滿眼風塵何日定，當時故舊幾家存。莫言海內無知己，俱有今朝是主恩。此後相逢如夢寐，惟應飄泊任乾坤。

春懷三首

關塞深防刻漢旌，春王歲表絕西京。轉輸久見司徒急，經略新看相國行。郊壘烟迷官路草，鼓鼙聲亂上林鶯。宸遊何日臻同樂，四海惟應不請兵。春風無計霽天顏，社稷殷憂泪獨潸。西北烽烟猶近塞，東南虎豹已當關。修文不輟三冬講，閱武頻臨萬歲山。草野何知欲獻頌，長沙先召賈生還。

寧遠孤軍憂斷海，西秦巨寇欲憑河。神州僅恃三關險，故輔空張十面羅。是處青山埋戰骨，幾人綠水聽漁歌。天涯戎馬三年客，獨解征衫種芰荷。

次清河

湖南草色日霏霏，遠樹人家入翠微。壁馬至今沉汴水，舟航依舊祀天妃。晚來白鷺乘潮下雨後，紅梨帶血飛。息駕無勞傷茂吳，秣陵猶及送春歸。

三月三日

溪邊士女秉蘭新，云是今朝上巳辰。盛集相傳三代事，清詩應數六朝人。華林曲水知何處，南澗東堂空復春。此日夜除誰最急，天河一瀉淨邊塵。

冬懷二首

寒宵屢起問欒槍，曉鏡爭看白髮生。河北新開通貢道，江南久築受降城。車徒歷亂軍書急，閩越縱橫寇蓋輕。欲賦百哀哀不盡，援琴翻作百憂行。生計飄零塞鴻陽，羽待春風已知駿骨埋燕市。更說蛾眉出漢宮，結綬有人推貢禹。草玄何地著揚雄，從前浪跡經行處盡在黃塵紫霧中。

懷仙居時伯兄奉太夫人居此，千分三子以從。

海雲天外擁孤臣，偕隱焉文介母倫。裾遜太真無易絕，情如令伯自宜陳。椒盤夜進他鄉橘，菽水腸迴故國尊。兄弟二人能報主，中郎應得老垂綸。

三弟括蒼書至二首

當場結客少年行，膽氣巖豪軼兩兄。
金盡牀頭無咬色，月明燈市最多情。
射穿七札真餘技，賦就三都早擅名。
聞說中原鼙鼓出，門便欲請長纓。

靈鵲朝來報喜頻，果然書到汝為人。
蘆中乞食烏衣敝，座右狂歌白髮新。
風雨鴒原同作客，天涯菡萏倍思親。
馮生且勿悲長歎，辛苦從軍已上陳。

別吳遠菴於陽湖莊

渺渺懷人天一方，狂歌短曲顧周郎。
孤舟綠水潮三尺，兩岸青山樹幾行。
我自傷心看北極，君胡蒿目卧南陽。
功成繪像凌烟日，莫惜飛書到草堂。

懷何玄子

李勉西來壯帝居，霍家盛氣爲君鋤。
比肩七貴無私語，正色三朝數上書。
嶺外白雲堪自悅，窓前紅樹未應疎。
萍踪他日能相訪，天寶山中好結廬。

江心寺

宋高宗曾駐蹕此山上有碑刻文文山題詩寺名中川

萬里間關髮數絲，中川默坐獨銜悲。
江山宛發金焦夢，風雨重吟信國詞。
三變桑田龍去遠，千年華表鶴歸遲。
潮聲夜落猶堪聽，最怕春來喚子規。

南塘夜坐感懷

寒夜孤吟見客情，白雲峰下一燈明。
潮平內海漁人卧，春到前山杜若生。
有酒不知今歲暮，無家自覺此身輕。

憑欄忽見東方曙，古樹啼鶯報曉晴。

渡江

碧天無際海雲低，挂席乘潮日已西。
秦望至今惟帶水，仙霞自昔有九泥。
嶺梅壓雪紅初綻，汀草含烟綠未齊。
莫更中原詢擊楫，等閒勿照太真犀。

贈許霞城先生

尺素俄驚青鳥傳，開緘珍重問龍眠。
已知梅福非終隱，始信維摩自解禪。
垂釣獨邀三泖月，濯纓還泛五湖船。
白頭知己惟君在，遙望參辰意黯然。

出居庸關

驅車直上古輪臺，五月風清霽色開。
山後黃毛爭北徙，關前紫氣自東來。
健兒倚馬斜看劍，長笛催人數舉杯。
生入玉門應有日，自憐不是棄繻才。

至懷隆

高旌裊裊動懷隆，舊是人避暑官螺石。
已隨春草沒，飛池宛在夕陽中。
析鳴漢堞憐孤戍，日落天泣晚鴻。
咫尺華無百堵，只今誰念始皇宮。

黃山道中

驅車永日鏡中遊，傍岸清泉足下流。
塵到山陰無世味，香生蔓草亦芳洲。
村前古樹千重碧，嶺上閒雲一點浮。
晚閉孤村談逸事，砧聲何處動人愁。

初抵黃山湯寺

參差翠岫插雲中雨洗芙蓉艷許同自是仙居通帝座
誰知鬼斧奪天工娟娟月出千峰曉謾謾松生萬壑風
顧影却憐塵土面十年身到梵王宮

湯寺晨起聽泉

五夜鳴泉聽不窮夢回疑雨復疑風
曉傾仙鼎飛丹液孰挽銀河倒碧空
壁上詩篇懸日月雲中劍佩倚崆峒
朝來獨步寒潭側長恐青天起白龍

投恒大師

憶別桐川三十年雲鴻海鶴任蹁跹
桃源洞口光常現采石峰頭月正圓
側見三珠成我拙能除一切讓公先
何期邂逅新安道白雪樓前繫鐵船

錄老公峰陟文殊院

千盤萬折入天門獅象當關叩九關
撲面雲霞知有意摩崖草木似無根
如聞仙樂遲青鳥欲見精靈憶白猿
直至文殊高卧處老人俯視又兒孫

三姑峰

玉女飛瓊角立時輕紉細綺步遲遲
霞裾露濕芙蓉綻雲髻光搖瑪瑙披
待月迎風常作伴淡粧濃抹總相宜
朝朝織就天孫錦不假人間五色絲

石楠樹

不知此樹種何年楠白蓮黃兩地偏
幹倚天門迴鶴馭根盤石竇飽龍涎
草生福地皆成藥人到名山卽是仙

未入玄元金闕裏先應下拜老翁前

歸途雜咏

胡爲留滯大江東探勝尋幽覺未窮
野色嵐光仍在眼新詩漫興已盈筒
人間誰識三山客雲外親陪五老翁
何似塞鴻忙裏度年年高叫夕陽中

入曹溪三首

十年躑躅曹溪夢此際踰躔入寶林
雙塔峰高懸慧日一泓水淨印禪心
松杉盡帶旃檀氣獅象如聞鸞鳳音
天柱飛來堪卓錫同公靜對碧雲深

竹樹菁葱一徑斜入山砦布盡僧家傳
燈不斷還留火說法何時更雨花
半點靈光鐫姓氏千家寶勅燦天葩
焚香再拜空王後細看袈裟五色霞

雲山四合擁招提古樹森羅蔭碧谿
偶借鏡臺空萬有轉將肉相示羣迷
人知紫鉢求龍骨我向南華悟馬蹄
他日西窓重剪燭洗心池畔作衡棲

夜雨飲僧寮有懷

輕雷動地破蒸埃雨過雲峰四面開
澗水流將新月去山風吹送故人來
金微信斷千家夢玉笛聲搖五月梅
南北有懷懷不盡強從僧舍一銜杯

僧舍咏懷二首

暮倚層軒零露漙依然明月上闌干
梧桐樹濕秋光老蟋蟀聲微夜色寒
塞北健兒吹畫角終南隱士夢彈冠

誰知蘭若能高卧不問人間行路難

獨坐危樓樹影斜伊人咫尺碧雲遮晚鐘齊送千聲梵
結魄平鋪五色霞宿鳥高飛羣似雁野藤秋老葉如花
來朝擬就成都卜始信今隨八月槎

答友人惠詩

望重先朝老夕郎追隨廿載俱蒼蓬人怕說開元事
避地惟登選佛場勝會歲時棋一局畏途風雨話連牀
知君欲爲蒼生哭莫惹移文到草堂

懷二龍山莊因東住僧田石

堤柳枝枝渡碧波一春紅杏雨中過雲迷白嶺桃花洞
泥落空梁燕子巢俗駕山前停信宿幽人林下笑蹉跎
殘書幾架封蛛網歲歲勞君護薜蘿

秋日偕友人郊遊

此日登高慰所思往來江上片帆遲故園菊放誰爲主
四國兵銷幸有期月色遙連鴻雁影秋聲低入海棠枝
明年準擬尋芳草又向春山聽子規

小孤

不知鬼斧何年開玉壘儼成金粟堆危石已分匡阜色
孤峰豈自羅浮來江光激瀨千帆下山勢奔騰萬馬回
我欲摩崖登絕頂恨無奇字拂蒼苔

潯陽道中

風聲謖謖柳條疎搖落西江歎索居春去初逢彭蠡雁

秋歸仍食武昌魚雲開石室青山出露冷蓮房故苑虛
五岳有懷何日遂卧遊且讀職方書

再入廬山

十年又至曾遊處喜踏巔峰夜未闌屐跡乍隨秋草沒
書臺常對夕陽寒長天漠漠銀河落密霧沉沉玉露漙
勝境幾人能再到老僧招手碧雲端

山行苦雨

登臨何必泣窮途參差雲山入畫圖五柳曾瞻陶令未
白蓮還拜遠公無天低處處迷鴻雁雨急聲聲咽鴈鴟
十里松陰行不盡此時惟有客心孤

僧舍喜晴

小奚意外報初晴誤認魚聲作雨聲艸際鳴蟲迎露出
天邊過雁掠雲輕占星側聽西風急待月斜看北斗橫
此去青山饒黛色客途何異到蓬瀛

社日鄉思

兩社清酤恨未同遙遙鄉夢隔西東月連萬頃水鋪地
雁叫一聲秋滿空何日能從桂樹隱逢人輒問菊花叢
江天寂寞招提客黃葉翻飛嘆轉蓬

復生松

周原平樂數歸宗客夢初回曉鐘墨寶爭傳逸少宅
佛光長護復生松枝繁日暮廻高鳥地僻雲深隱卧龍
最是經過人下拜千秋幸不辱秦封

宿寒谿寺

橫江擊楫拍寒谿靜扣禪扉路欲迷共說高峰曾試劍
我來中夜不聞鷄清泉只許山僧汲白石偏遭御史題
更有西林蘭若好懷坡亭畔草萋萋

宿黃鶴樓看月三首

江漢滔滔二水回萬家烟樹擁樓臺一從鐵笛乘風去
不見仙人跨鶴來浩淼千年淹日月虛無半夜絕塵埃
堤邊秋草依然綠舊苑空存麋鹿哀

巍閣凭虛俯碧波仙人鶴馭幾時過帆檣晚泊依茅舍
棗樹疎枝帶女蘿木落風高秋色老天空氣肅白雲多
幽棲倚檻饒愁思不寐長吟奈月何

仙翁心事幾人知縹緲靈蹤繫我思霧擁層樓迴過雁
臺標湧月拂殘碑黃梁枕上功成後白石亭前棗熟時
天爲山川增秀色不經風雨未全奇時微雨復霽

贈鐵佛寺僧

一入招提興灑然羣塵不到任踟躕琴心欲作無聲解
醉意難爲醒者傳勝事莫談空涕淚故人何在各風烟
多公能說無生法長願拈香鐵佛前

野泊螺山

荒臺側坐送斜曛嘹唳孤鴻不忍聞天外晚霞紅片片
窓前寒月白紛紛偶吟鵬賦愁難竟載讀離騷夜已分
沅芷澧蘭無可採我來何以弔湘君

泊城陵磯

鄂渚三秋日似年溯洄又向酒香泉慚非范蠡五湖客
喜泛瀟湘萬里船水落江流隨地轉雲回星動與天旋
岳陽咫尺愁難到欲假東風夜扣舷

湖泊

曾向瀟湘看畫圖等閒得泛洞庭無江湖客祀柳公子
荆楚人思屈大夫疎雨淡雲瀾澤國殘花落葉滿征途
連宵野泊難寐危坐頻聞雁唳呼

湘陰曉發

信宿隨風范蠡船湘流九轉似登仙谿雲欲吐波先綠
山月初銜人未眠兩岸凝霜湖上草千帆帶雨水中天
今宵定就長沙泊有酒惟澆太傅前

羅鎮侯道弟上舍詣衡山相迎

風聲雪色伴孤征裘馬翩翩負弩迎西去靈丘曾折柳
南來緱嶺忽吹笙雲山千疊旌旄擁湖海扁舟氣色生
百里先驅煩介弟絡絲潭水故人情

衡鎮羅副總迎至衡山先回賦贈二首

陽和城北聽烏啼輿疾南歸指釣溪只道別來新定遠
誰知猶是舊安西東洲出獵牙旗繞南岳憑陵甲帳齊
却憶關前曾躍馬長圍合處見天低
行間心事有誰知意氣如君儼貳師濶別廿年書偶至
重逢一夢見還疑兵戈塞外同甘苦雨雪山前共喜悲

最是再生人易老春光猶記玉門時

祝高嶺下逢霧雨

祝高嶺下且盤桓再拜蒼天借日看長夜何時開混沌
南荒所至見凋殘千層鳥道溪聲澁一帶霜林樹色寒
俯視樊羅成世界此身宛在白雲端

立春次日喜晴

僑居卒歲此心閒向子初從壽岳還雪色終朝凝屋角
春風昨夜到人間蟲聲餒臘和羌笛客夢衝寒越楚關
陰雨連旬方見日軒前曝背破愁顏

懷徐鶴洲中丞

一日丹書到水濱八年湖海謝風塵不知前席爲何事

豈是荒唐說鬼神

旅宿四首

日暮停車碧水隈羈思無賴獨登臺山高雨後紅塵遠
夜半開窓放月來

遨遊今日老閒身此去桃源可避秦明月忽來山鳥沸
隔崖驚起不眠人

計程明日到丹丘夜靜涼生月滿樓活活溪聲撩客夢
故將水碓作更籌

河漢西流樹有聲高樓獨卧不勝情黃山頂上神遊徧
客夜秋天未肯明

看月

清溪曉夜送潺湲拍葉風迴滿目斑薄暮只疑初吐月
不知落照向前山

題禪院內甘露

味比瓊漿甘似蜜陰同荷葉大如錢任他祇樹二千尺
只愛窻中小綠天

過員橋湖

平池細玉任輕風艸膩花香漾碧空南北高峰看不盡
只疑身在望湖中

冰樹

豐隆昨夜吼前峰疑向空潭起螭龍靜倚山窻看玉樹
未凋誰復辨寒松

冰竹

卧聽筠枝聲颼颼近看可是風敲竹一朝晴日照寒空
方見此君真面目

冰花

萬朵瓊瑤簇畫圖齊開不待曉風呼看花只趁春三月
桃李芳菲得似無

冰草

饑驅無路泣糜豨大地芸芸盡吐芽瑤草滿山拾不得
欲將何物煮烟霞

南岳後山舜井傍有舜洞

蒼梧一去不知年古洞烟迷萬仞顛九點青螺何處是

至今湘竹向南天

水簾洞

簾外微暈影不流
陽光何日似三秋
星搖澗底金千點
月挂林端玉一鉤

絕頂

上倚青天許作隣
下睨紫蓋實無倫
若從雪後登高頂
我亦峰頭一玉人

龍眠風雅卷二十二目錄

木厓潘 江蜀藻輯

太倉周 肇子俶 泰

同里陳 式二如

方拱乾 二百五十七

龍眠風雅卷二十二

木厓潘 江蜀藻輯

方拱乾 字肅之號坦菴弱冠負文譽經史一覽不忘

崇禎戊辰進士館選第一假歸十三年授編修稍

遷至左諭德分發禮閣得人稱最歲晉少詹光

東宮講官甲申不屆南歸無意仕進順治九年以

江督馬國柱薦起補弘文院學士轉少詹典修大

訓等書著歷從世祖駐蹕南苑天語溫問一時

傳為異數晚以舉場事被誣出開二年旋得白放

歸年七十二卒門人謚和憲先生公偉貌修髯風

神秀朗生平酷好為詩每製一篇必經百慮手浣

花一稿探其意與雖流離播遷無一日輟吟咏凡

其憂喜悲憤感概開通以迄文章聲氣尺牘郵筒

所不能抒寫者悉寓之于詩故其詩獨富所著有

白門鐵轡裕齋出關入關諸集予讀其自序何陋

居集云他日知我者不知我者當亦曰此白頭老

子尚能千萬死中自寫胃腹幾與少陵他鄉問

遲暮不敢廢詩篇之意彷彿其百一乎觀此可以

知公之餐食于詩矣集中錄舊作幾篇計餘首

卷之六于美楚州之句東萊海外之篇皆得

自暮年詩律益

細良不虛也

雨中偶思飲酒適藏醕殊佳偕兒輩盡醉

秋霖蕭晚窓遠心忽及酒老妻指敝厨一甕藏已久膏

厭兒喉饒叫索說無有開瓶爭雨清香落梅花數薄斟

答簷漸紅上衰顏後須更散書堂展齒響廊廡望筵意

吞且趨几脚奔走初嘗規矩循鞠躬長稱壽兄弟揖讓

間始恭而終否拜跪雜探搜巾袍漬餘溲倚柱漉殘壺

取笑破老口心愛父母權益盡餐餐醕喧聲燈燼搖盤

空尚濡首瓦盆貧家常意不在升斗

聽家僮述長安諸老慰問殷至感贈

有僕長安來告我長安事
皓皓白髮翁馬上頻致意動
口說前朝停眸強制淚屈曲問眠餐周旋到童稚簪笏
共旃幃鋒鏑借途次經歷已他生入耳恍夢寐一感故
人情一悲身世異生非稷禹才復乏巢山志空慕五岳
遊難割向平累拚死終偷生避荒隅然遂豚犬代馬牛
皇天謝位置旅食苦田荒江船拾殘穗破屋當深山方
塘網薜荔栽花雜榛莽高吟抵歌吹竹載隔城峰鐘落
前溪寺門巷閑春秋杖藜潤屠肆既許高春眠亦客溪
夜醉茹芝太荒唐種瓜翻滋媿本無束帛羅誰言草木
棄脫俗京洛書書空原無字栽我枉石陰下逮烟霞丘
古今膠漆身出處每易地白雲懷袖多異騎難將寄

烏

黑鳥不白頭
背巨翅掀翻滿人間
聲喜云是祖先魂
禿搶繫布絲
葳蕤短牆根
招招下來拜
懽呼慰子孫
瓜肉食必飽
陳設如祭膳
鳥獸識本性
猶知天倫恩
不聞杜鵑鳥啼血
來蜀門帝王化羽族
到今稱至尊

白蛉

白蛉是何物中原初不聞
出關見種族極東遂芸芸
逐如野馬塵集如殘敗軍
其毒甚蜂蠆瀰漫等浮雲
殺之既不武縱則飛無垠
清霜昨夜零性命安足云
吾庸猶沃若啗吮何殷勤
千古小人態生死空紛紜

補籬

柴籬雖微賤難與去者留
誰道屬吾物皇皇議增修
既避車馬喧復爲鷄犬謀
離山不百里柯條亦易求
指揮先僮僕枝撐審剛柔
仍餘屋角地種柳東西頭
意中結方塘蔬菜繞清流
忽念故山居青青松竹幽

早春雜興

春氣穉未壯悠悠動林莽
不見斑鳩啼流膏欲潤土耕
耘在何方妄指城南塢力作
性不能低頭愧場圃典衣買
丁男越境購健牯吐食慰朝
饑炊豆飯夜午寸鐵未入田
望已盈倉庾笥翻神農書長
謠學太古平生慕老農今日
成田父

啜茶

靜啜泉味曲乳花生舊磁
童子怪舌靈遠汲不敢欺
清器還審火不假他手持
笥中穀雨芽又及穀雨時
風霜不改色猶如初脫枝
俯以沉水香坐對古人詩
窮居寡羶縲至味含辛夷
飲茶如飲藥倏然堪扶衰

育盛買得讀書几請詩

印次尚未安先買讀書几
讀汝途中詩知未荒經史秋
清場圃畢高山多杞梓斧斤
視厥力構屋甘陋庠蔬園霜
欲滌西偏足容趾誦讀三冬
餘樹藝明年始我來行李艱
殘篇雜泥滓合汝今所攜分
披頗不鄙重複繙尤經繁郁
逮諸子問字老夫堪師友柴
門裏高吟鳥獸羣是亦伊洛
里

煮麥

煮麥堪作糜，剝豆亦成豉。瓜茄荒未鋤，朝園如市肆。舉家大半齋，不齋亦蔬食。親朋偶然飯，無復主賓義。中厨隨所供，不辭亦不愧。自食還食人，生理慙惶遂。

驅雀

雀莫啄我蔬，我蔬種已遲。老貧事事鈍，辛勤還後時。聊用悅衰眸，寧獨療長饑。甲圻纔如豆，不及隣家肥。肥蔬啄甚飽，瘦蔬啄成泥。饑我不飽，汝兩傷。將安爲欲驅，不忍擊短竿。護疎籬，我蔬肥有日，除竿任汝飛。聽汝噉噉，音生事同我微。

漢槎示子金剛經乃子乙酉春手錄寄林子可任

不克壬辰復檢識界兒章持誦者慨而作此。有客朝梵餘示我貝葉字，心知是子書。蒼茫迷記憶，前後筆勢殊。年歲分適，媚前書乙酉春嘉興般若寺書爲林溫州同難許相寄時，纔歷滄桑，痛矢入山志。後書壬辰冬白門重作記，聯遞已八年。殘函塵廢，置雲樹不可攀。徒漚書空，淚那制又十年。華夷三歷地，萬卷盡飄零。蓮花端在笥，衰睛勞摩挲。心傷魂欲墜，如出他人手。如憶他生事，甲申雖啞凶。偷生猶偶遂，林子雖別離。關山猶同類，只今天何方。踪跡胡然至，生平好臨池。工拙等兒戲，流傳夫何心。仗茲無上義，疲腕對琉璃。筆墨抒微斷，百感歸一空。義盡融榮瘁，經歷歲月崎。佛眼應無二。

中後所遇長孫雲旂迎到

潘陽聞汝來，星馳急一見。開外塵裏身，拜起驚目眩。願願生鬚頰，勝別時面。結塞口難開，引馬近牛羈。老兄七十三，欲問膽先戰。委宛餽以言，高聲報善飯。庶母已八旬，奉佛晨昏健。次第及諸孫，行止各鄉縣。紛如破巢鳥，饑寒幸平善。汝素工文章，對云疎筆硯。應傷陷穽深，豈徒奔馳倦。旅孫乃錚錚，行七玄成學詩口如諺。老友嘉其才，愛女成蛇變。姚榜翁乃子竹馬弟兄以女字旅餘各依母居，脫粟伴殘卷。雖皆豚犬資，頗有父祖念。汝子生四齡，吳儂音皖，眼曾祖衣上環。時繫臂間線，語多令路短。斜陽憩茅店，解我舊狐裘。同兒土牀薦，夢醒摩兒頭。心疑使手頭，誰料萬死餘。再慰舍飴，願情定緒。稍紓問答，理後先細述贖罪書。西曹膝欲穿，爰同驥。行三有盛若曇行五第一艱辛，歷萬變。弟兄插口血，淚濺盤珠霞。思及龍鍾骨，頓覺黃金賤。周詳歸孟浪，危情恃天眷。語罷痛失聲，屋梁燈如電。自傷薄德翁，負累兒孫徧。遐哉陳太丘，車中坐羣彥。

蒲團

蒲團小復敝，甘苦十年隨。綬禿經緯錯，敗缺不成規。浸淫塞外塵，繡領如苔衣。山僧乞不與，殷勤重所貽。昔年古堂頭，闕僧說法越水湄。仲兒作縣令，國典苛且危。力護龍象衆，曲霽獬豸威。名山終法席，脫贈等牟尼。本時

陳夫山俱罹害血指移版若嚴兄力護持終其法事別時以此爲贈老夫客長安朝夕

伴琉璃遭難趨北轅此物亦流離土龕石佛泣松火軍
持悲間開還故國行李勞提攜故物如故友出險忍遐
遺紉以新布裳跌坐增威儀舊杖斷還續對峙生光輝
王恭少長物子敬青氍微人生順逆境新故心依依

濟水

濟水行地底曲折隱見勞出與汶泗會乃能通漕艘黃
河走其上濟身薄不牢往往河底陷擁檻沒飛濤膚濟
以載河版築天吳操始知趵突泉激流所由高舟行值
積潦聞見晰秋毫水性本就下今則洩蓄消禹功且不
及羣黎胡嗷嗷

泊宿遷陸汝七貽惠泉烹啜聊志忻慨

汝七年家子

飽啜惠山泉十二年前事提攜到長安已怪出山異龍
荒豈無泉掬泉如掬淚誰料黃河濱雙罍故人餽白門
六安芽兒子秋前寄兄育六月寄到翠雲耳蓄筍不忍烹恐爲凡
泉累及茲試乳花水上松風吹如逢久別友如醒沉宵
睡再拜謝瓷甌一啜千端至飲啄事最微重亦不以地
所忻白髮翁萬里生還遂

寫懷

日月有晦息人生無止休役役疲心神聖愚同白頭動
極必思靜靜即動所謀窮達迷行藏歌哭澗歡愁韋布
鄙軒冕心則覲公侯荷頓營銷銖窮不異黔婁誰能生

不死誰能樂不憂帝王鑄金穴狐兔貢荒丘曦光不反
景逝水絕迴流春園昨日花可爲今朝留八荒大局促
千載長悠悠

題于翔九所藏老夫庚辰年字

翔九爲舊中翰安之子

汶上故人子手持縹緗字驚是老夫書廿四年前事藏
者人琴悲作者市朝異回思落筆時子生纔墮地珍重
孝子心家聲同不墜干戈風雨交緘滕豈容易急湍今
日筆更爲當年誌拙腕衰彌僵經歷見老稚新舊徵歲
時他年重披示

喜陳子二如至廣陵特晤

百年幾十一堪此離別長生還踰三載見子仍他鄉前
歲長安路錯迎繆相望只道縣縣老秋風當汝七年家子辨功名
不足言傷心在文章春江深千里感子孤權將料子多
白髯披拂猶半蒼子衰勿過悲身在卽身強往緒千萬
端欲理紛無方惟有少陵詩細論口長張老妻隔帷聽
喧笑開書堂衰寒應酬備今日神何揚

得仲兒平陽書

游子遠道書所貴平安字老夫今日情平安猶次義仲
也梁晉遊秋鴻千里至書言裕舟車書言強寢食故交
多忠厚窮途足糗糈口口長安函告急意中事高堂勿
過愁兒甘任其勦旅况豈真權飾辭娛親志憶遭患難
來侍側未垂淚作態學嬰兒神傷顏益瘁中夜號天聲

悲鳴感異類生還肩重荷萬端勤寤寐父母語艱難對
曰亦容易口甘衷則苦髮髭白如刺伯也性狷謹臨事
心多悻悻兄如娛親百計相寬譬遂令其神壯驅馳有
餘地叔季充四方學步忘憔悴薄德值衰貧撫躬慙淵
墜或者幸友家皇天不終棄生平恃蒼蒼來復占溪意
亨咸爲其孫世補乞書扇

津門纔晤已能成易語爾父昨年來之無云能數爾
祖乞予書臨風將寄女爾祖書勝予學曾還學祖爾弟
亦及肩可能解笑舞何時繞膝前相攜老農圃

衲舍菴老僧過江問病

老僧眷衰疾遠涉長江道相見纔五十年頗輸予老病
緒對僧言自然歸幽討僧雖禿盡霜蒼宿多枯槁佛且
不能留萬物安自保予懷無一絲共僧爾浩浩但聞舊
菜園新支蓋頭草濟檐瓜蔬香口說已堪飽

荒田行

旅食不飽退而力田荒十斛收三斛縣吏騎馬大聲
叩門索租錢租錢入官什取五租錢入吏什百且什千
五月糶穀從來苦今年新穀賤如土鉛銅錫鐵雜爲銀
官爐大鑄烟成雨莊奴貪莊農點公空倉私狼粒計窮
只得賣荒田舉手贈人誰人憐富者不肯貧者不能賤
者不敢惟有抱硯确而顛躓號呼於五風十雨之天亂
曰種荒田不得粟賣荒田不得金搔首長饑不識天心

我饑猶可民饑勝我荒政十二兮首蠲租大臣不問兮
吏如仇春風吹雨兮青我疇蔗蓂蓂古人不我欺今夜起
視牛

還卒歎

西湖自古無明月錢塘門鼓黃昏發十女奔拋簫管船
水壺冷浸湖光歇近來新添騎馬兵湖烟未黑斷人行
土音全學滿州字金丸亂射鳬鴨驚矚目湖邊三里寺
豺狼畫號狐狸睡上墳籩豆遭擒烹杖藜敢理遊人事
富家有租收不得田夫捉主賣送賊五金十金百千金
贖歸還恐官司識高樹柵門防賊走賊反鎖門置人守
前宵橋東殺牛兒昨夜溪邊賣米叟城中有兵雜且都
賊去山中兵在衙煌煌鐵馬四十騎縛得倡家兩博徒

敝觚行

市有古銅物陋不可玩敬不可食歷十朔望矣
無一過問者時之宜之物自審哉問之賈賈不
能名強曰觚乃作敝觚行
敝觚千秋土花古青崩紅剝堆蟲蠹荒田牛脚絆鋤根
驚風怯日膠泥雨如癸不方鼎不圓耳折唇缺壅腫肩
鑄工各餽欸識昧揣摩籀篆存當年長安廟市改爲寺
金錢捆載籠高騎貂皮狸鄴左撐天番珠闕玉右委地
中有僧父凍欲僵抱觚鵠立倚冰牀莖草颭風拜復定
云是瑚璉發古光日斜棚散無人問觀者等閒抱者忿

吁嗟乎此觚日月何人知黃帝成仙照鏡時露盤峨峨
高千尺歐冶陽精同手赤環斷珥竊苔紋百寶侯門
裝冠烏昨夜蒼龍吼子孫不若宵迷離水渾上帝不收
義必貢后土難銷川清痕吁嗟乎置觚宗廟嫌鄙朴蒼
顏敢受鸚鵡濯琮璜瓊氣蒸雲丘經冠裳觚不樂置
觚賓筵嫌龍鍾利角偏腹貌蒙茸爪指纏觸冷欲脫扶
持秩秩勞虛恭吁嗟乎識觚既難用更難長松私語拂
闌干我昔身同霜雪峙只今面逐勃漫寒四座莫喧聽
位置高不至亢卑不墜萬壑香林施食盤百年農叟楓
根醉

俘妾行

陳氏廣東香山何相國
之婦父御史夫人令尹

宮廬有婦醜還壯內家半掩啼痕樣含悲約略說家門
阿翁曾拜前朝相父刻壺班夫令尹鬼妻血刃長加頸
衾綢偏受妬婦噴赤腳擔柴手汲井早知人生一死難
父翁悔作常年官孤兒寡婦徧天下豈只區區何香山
薄命不獨紅顏女地老天荒恨何許羈人萬死自甘心
轉爲閨姓淚如雨

賣牛行

駕車老特門人贈毛疎骨健性遲鈍負重致遠不萬里
一石兩石差堪任艱辛跋涉已半程土人東指路難行
泥深石峻病牛足不如留此事秋耕中道棄捐客心苦
賣牛買粟充朝釜猶幸不爲文繡犧餘年晚食終場圃

君不見黃鬚健兒昨朝饑生啖牛內剝牛皮牛生不長
生斯時

古城行

去寧古塔百里遺環俄
然土人呼爲寶龍城

野外有城磚石作七里三里堪尺度聞見雖多登者稀
斷碑殘瓦迷荒落土人口說何王地揣摩知是慕容宇
符堅敗後燕再興國分南北堪雄視相去遼陽二千里
高麗幅員不至此只今落落鳳皇城漢唐舊壘全亡矣
矧此彈丸安足齒不毛不臣天所委豺虎尚苦孤無隣
帝王安肯爭都市吁嗟乎腐儒手眼勿深怪循經據史
多拘礙君不聞地行天中天包地外天高地厚地小天
大地中皆水水多土隘惟土所居如蟻穴如鳥巢不知
其幾百千萬億都鄙城郭如天宮之三萬六千戶耳目
無可稽而劫運不能壞唐虞三代亦不過就其力所能
圖成爲衣冠刑政之疆界此外芸芸而生者凡幾唐虞
凡幾三代輿圖曠不能窮史冊莽不能載然則此一區
地又何必問慕容爲何許人強憑弔而發深慨吁嗟乎
芳草濃霜冬復春巍巍閭閻久成塵莫傷踪跡孤窮極
城裏當年有佳人

玄成以讀書凡請作歌書其面

讀書不問地窮荒卽衡泌讀書不問几榛棘卽梗梓勿
言禍患樞咎不關讀書勿恨遭逢苦讀書娛今古寒空
閒畫清霜屋端居何以遣幽獨縹緲出寒轉精神蝸涎

蠹蝕增金玉笑予老鈍一無能
眊摩挲抱膝吟汝年
正是讀書日丘墳以外當何營
蒐討冥搜無二理屈宋亦在開
源裏饑寒彌見聖賢心千秋多
少流離子憶汝三歲識難字鷄
埵鑿坡如夢寐名姓長勞旃幄
呼燈膏難醒毳裘睡吁嗟乎挂
角驅雞安足論箕裘舊物百年
存好恃一片光明木留印雙趺
萬卷痕

輯今年所作詩

老鈍詩篇無拘束客愁絕塞才
思縮雕鏤既覺衰顏羞
潦略復恐先賢辱持此兩柄將
安從汗漫經年倏盈牘
長吟掩卷不示人吳子漢槎時
來共兒讀丈夫僅以詩
文傳已負平生悲鹿鹿况復荒
榛絕見聞江左鄴中只
茅屋萬事心灰一卷勞性情陶
冶娛幽獨千古文章自有神光
芒豈在登青竹

遊東京舊址

荒烟平斷七十里鬱葱樓閣雲
中起心知村落無此觀
云是前王故宮址馬近萬象漸
虛無觸眼頽牆長荆杞
衝城車軌滑於脂崩橋留堞橫
流水天街蕩漾接龍樓
右垣左个分明裏明堂居然南
面存階墀陞城紛堪指
寢殿回廊領六宮瓦破鴛鴦疑
墮珥平臺柱礎布基明
野杏花殘新結子金刹忽聞南
市陌毘盧百尺嶙峋碧
蓮花刀削太華峰想像莊嚴如
滿月石塔玲瓏八面虛
金莖孤峙天山雪萬井周遭車
馬痕青苔細蝕琉璃屑

鐘鼓依稀畫漏聞狐狸睡處鷄
鸞刻宏模不讓澗瀝雄
匪同草昧蝸牛穴惟餘閭闔缺
災方似避當陽守臣節
不然事事等帝王方隅割據那
能測步步披尋步步真
遍地榛蕪無字碣吁嗟乎今古
興亡原等閒閒見離湮
猶史冊如斯宮闕屬何人稗野
差訛文獻絕岩關一線
斷梯航金匱粟死摧鹽鐵憑誰
雲構誰星羅六丁縮手
公輸拙朝鮮疆宇本荒唐指畫
金元亦渺茫烏絲分封
曾闢土東京或恐是臨潢此中
大抵樂浪地洪範千年
寡記憶土人掘得正隆錢揣摩
摩難合當年事譌呼慕容
爲賀龍阿房更始多茫昧書生
耳目何內外信其所傳
置所怪豺虎有口不能言青竹
幾曾蟬蚪在六合奇離
何不有洪濤益見乾坤大吁嗟
乎楚殿秦宮盡野蒿
九何處問前朝莫悲萬古無人
境多少英雄向此消

降凡行

塊爾無靈方寸木交橫十字如
車輻截筋簪頭似珥毫
輔以書籤斷紋玉竹皮條子澹
朱書頃刻風生兩腋如
龍蛇畫脫平沙案大者如椀小
如珠碧落黃泉莫適主
鸞輪靈駕隨心舉李夫人自帳
中來楊玉環同樓上語
昨宵皓鶴王喬壇今日蒼麟帝
子渚呼之若應聽無聲
不待不咒自然靈有時鸞嶺蓮
花座驚地山魘辟荔城
筵尊不事事文字建安才子褰
裳至滕王閣上落霞明
玉樹歌中鵲血淚不知胡帝復
胡天作者當時未必然

董威束手靈均啞情狀參玄更格，虛室無人疑自動。
睜眸白晝黃昏夢，若有憑焉何處神。函關誰挽青牛鞋，
懷疑有客頻搔手。六合內外何有不聽鬼由來，亂世情
筮短龜長皆敝帚。

葺茅屋歌

茅屋雨小茅尚存，茅屋雨大茅翻掀。雨片如刀茅力弱，
茅斷屋破驚傾盆。少陵猶有茅抱去，我茅已腐歸泥淤。
天晴急向比隣謀，家家屋漏無尋處。故人憐我書床濕，
胡子明遠屋上分茅束百廿補束遺西迥難支力到窮。
時視所急公然几硯位置安，窓紗碧映護花關。暫晴未
敢矜茅勸赤日爭看露地乾，雨過誰家不營構。營構誰
能長不漏片時，適即廣厦樓綢繆。風雨需先後君不見，
乾清天子萬年宮。鏤金削玉水衡空前年雷雨，際墻壁
司空鎬秩勞翠工吁嗟乎，人生寢食何醜好。阿房圭竇
同草草，懷居戀土自常情。大地猶如一枝鳥。

水盡頭憶顧見山

顧子尋山如尋書，過峰必登石。必拜告我清溪石，皴奇
李唐荆浩爭靈怪。我來直溯溪之源，石光水光相吐吞。
持子筆墨印水石，始知手腕元氣存。曾許老夫絹半幅，
與高盤礴溪山曲。最愛臨溪青蓋松，好爲孤根添茅屋。

淮陰釣臺歌

吁嗟乎此卽手奪西楚霸王之天下，擲授沛公之韓王。

孫所乞食而垂釣之臺，真乎否耶。淮水千年流不絕，消
涓疑是龍且血。真王假王竟寂寥，荒榛斷瓦棲殘碣。相
背相面豈不知奚待文通掉舌時，信善將兵帝將將自
知。大事無能爲當年，募傍留萬戶規模不過公侯數。游
魂雲夢尚未蕪，曉曉絳灌羞爲伍。吁嗟乎重瞳鯁鮪呂
雉則熬釣而不獲，轉授以刀豈徒不及任公子。膂下相
逢羞欲死，帝本無情假婦人。吞釣卽在登壇裏，吁嗟乎
古今幾箇渭濱翁。嚴子灘高七里風，文叔心情類而祖。
垂綸良是善藏弓。

偶簡舊西洋眼鏡戲題

眼光寧假人功作，西洋老賈好穿鑿。煉石爲之爭鏡明，
波生銀海浮而薄。老翁入市搜如鴛，少年嘗試翻添霧。
我衰萬苦百骸摧，雙瞳落落還如故。門生贈此已十年，
攜之出邊復入邊。老妻書上數蜂蝶，偶一取照青燈前。
將來明暗審目力，自然灰墮不及昔。置此尚能作字能
讀書，始留箇中以備他年不時需。

偶爲張伯頌歌

憶昔詩酒塲，君壯予方少。予今已頽齡，安得君不老。吁
嗟乎八十老翁何所之交游，莫問盛年時古今。賤老况
此日黃金散盡無還期，所欣狂奴態如昨。筆底青山囊
底藥，高歌不啻鬼神愁。醉鄉千載同溝壑，我貧恰有賣
字錢。買船沽酒急須顛，昨日桐城姚樗叟。少予三歲已

黃泉

龍舟行

龍舟只合依江許窮荒幾載無端午每逢佳節必心傷
翻笑靈均何太苦今年端午廣陵城廣陵江接瀟湘清
競渡流傳風俗舊絲絲書舸紛紛爭白龍初試那溝水
噴珠撒浪潯蹄裏龍尾高懸十歲兒弄九波上平如履
相期明日鈔開亭簫鼓喧闐粉黛屏家鳧約束纏頭錦
鑄鏤封題撮口瓶再生老眼驚喜物力猶堪裕桑梓
但當努力開口爭逐衆人懽勿問龍舟當年因緣所自
始

四壬子圖爲爾止弟題

開闢以來四壬子支干若爲詩人使曹劉沈宋幾時生
茫茫歲月誰縷指哲弟稱詩世共傳墮地同符豈偶然
衰愚莫怪難方駕自悔先生十七年

羅漢佛珠歌

兒標湖上寄奉老夫

桃核鏤成凡三十六軀備極工巧

吾聞天台阿羅漢凡五百尊搖山履海雲雷奔誰使比
肩連臂入予腕三十六軀龍虎蹲諦觀當是蟠桃核橄
欖之實疑太窄斲刀歷歷太分明鬚眉飄飄高格兒
子知予老無爲詩聲長與佛聲隨佛眼佛身同佛號肅
肅諸天大樹時衣袂深藏留細字衰眸持向陰檐試料
汝瞻雲慮我眊只茲堪慰晨昏意記得湖南淨寺相貌

我指爪莊嚴較若何六橋三月懷遊子今日如偕湖上
艤

蘇金行

王于自牧爲林茂之束
裴歸同人感而作歌

嘗讀少陵詩安得廣厦千萬間心笑此翁迂且頑當今
眼見王夫子始知古人脫驂指囷事等閒九十詩翁貧
帶索手援頓起溝中涸舉世賤老更賤詩屑雲特爲高
風薄目前豈少石季倫肉臭誰憐路死人一錢能令造
物轉萬古黃金今日神吁嗟乎黃金益貴仁義寡感恩
不獨一受者

六月六日兒輩集張郭王唐朱席諸君琵琶篴
說事度曲竟日以解老夫病乃爲之歌

龍風雅集

兒孫侍病心彌苦百計爲權到歌舞善才琵琶秋娘喉
供奉詠諧龜年譜大槽奔雷小槽珠低聲嬌鳥高聲虎
海內好手不數人一時羣集如風雨四座瞪眼靜不喧
破顏微覺哀容嫵吁嗟乎老夫伏枕百有五十日昨日
三女郎飄然來問疾今朝絲竹豪聲遶蘭花屋尚能持
幾杯尚能操短筆枯木甘心世共捐藥鑄檀板爭眠食
只此已拜天公德君不見昨朝江干皇華子樓船駟馬
趨珂里中宵無病平明死

程穆倩爲老夫刻龍眠方某一號甦菴圖書

程生爲我鐫奇石秦碑漢篆渾莫識但見古光一片挾
雷霆雙睛萬象登時失中間龍字號字更橫肆蒼頡搖

頭忘記誌程生自言生平得意章揮畫則狂心則細程
生經年經月不動手盤礴偶然呼斗酒飄風驟雨頃刻
成不向人間覓蚪蚪用刀如劍公孫大娘常相見用
刀如用筆五岳峰搖鬼神泣老夫七十賤名字得君聲
價增瞻視不忍塗朱三摩掌程生程生奈汝何

綰買得茉莉盆

種賤因時貴香從鋒鏑生見希應共惜枝弱不輕榮衰
影分朝夕叢蘭識弟兄常愁江路梗今日信銷兵

松山

前朝諸敗績此地乃松山一戰傾明祚千秋輸漢關濠
深流水咽石冷血花斑舊鬼終年哭誰知丞相還

募僧收枯骨

敗亡二十載枯骨尚如麻中豈無才智生原有室家啼
魂昏白晝掩面乞黃沙何處煩冤盡觀空仗法華

晤刺和尚

羅浮何國土強說是君家誰謂三韓舛偏殊五嶺花道
心增馬齒佛眼小龍沙疲茶原無恨何勞代我嗟

寧古塔雜詩二十四首

異俗難爲悅平衡亦寡猜忘情遊鹿豕隨意侶蒿萊塞
北猶回顧江南豈易哀報難兼齒莽吾道合塵埃
勿言老死近只作受生初是地卽成土何天不可居鴻
荒隨手眼今古總遶廬一室心同遠千間誰過予

萬法了無味瞿曇畢竟賢相經風雨好燈借爨薪傳依
託八千里顛預六十年蒲團相對笑開闢此中禪

輿圖既軼考聞見復沉淪廣袤凡萬里秦燕絕四隣安
知千載上不有似予人愚智同黃土摧頽莫損神

英稗公然熟瘦瓢香色多非關珍異種久矣賤嘉禾腹
果無餘味神充具太和含哺疑聖訓惡莠欲如何

同來二三子錯落佳山樊風俗隨鷄黍榮華足瓦盆烏
棲柴棚巷驅背夕陽門何必愚公谷粉榆已是村

向使買山隱那能如此深只今塊土外獨具沈寥心皂
帽還言近黃龍安可尋惟餘簷際鳥不譯有華音

但作前因解猶非素位心勞生原自古任運復如今底
事成完好何方不陸沉遞荒還遞老華路亦山林

怕作鄉關夢生憎京洛書冷灰原喪我絮語轉愁予塵
鹿豕長聚蟬蛸總太虛象王絕回顧久是厭離餘

侏僂何處子指此是中華魚鰲長充米貂狐欲換瓜衣
冠傳自異風土較來嘉益感君恩厚投荒亦有涯

出門隨所適不問入門愁漏屋睡常足荒厨飽卽休照
臨同日月金石幾王侯土著猶羈旅長歌塞外秋

狼狽何生理經營徒自煩先來諸長老浪指野田園菽
豆他家園柴桑明歲村意中堪眼飽饑餓忍朝昏

販築規模隘鉏鋤牧豎驕蝸涎驚廣廈象教學孤瓢茅
淺霜先老籬疎市不羈擬將河畔柳傍戶插山腰

少陵夢李白詩苦不堪吟顧我才名媿何人寄托溪常

懷天寶恨難問夜郎心寂寞青山路千秋猶舊岑

一几同兒坐分頭各讀書衰年遮眼目旅食答居諸難

字休輕過危機莫浪吁古人終不誤沒齒愛三餘

飯罷扶筇出兒隨恐力疲閒情愛獨往信步寡前期屋

外清溪水霜餘黃葉離來迴途漸熟僕僕復遲遲

霜重風還善秋晴暖似春有聲飛過鳥無事獨行人緩

步成幽徑新居認舊隣坐談淹落日不厭杖藜頻

動卽良朋屋許彭交稀地更偏沓來眠食共一道往還

便久坐能淹夕如茲可送年曩時桑柘社尚覺費周旋

紙貴揮毫澁蠅頭細字餘豈無兒代筆聊試老能書得

句憑誰和懷人寄復虛敢言才未盡吟嘯當秋歎

降家邀麥飯信宿已相期不速寬朝粥因循減午炊窓

街霜煖日堦剝露殘葵老鈍歸途晚蒼蒼明月隨

何處山查子名同味亦同故鄉霜落候童稚摘盈籠入

口如逢舊傷心是轉蓬神農應憚遠詮註有時窮

溪清魚可鑒不得亦怡然共愛舟如筏還矜鯽似拳沿

洄依岸廣欹側倚沙眠莫笑爲漁慣予家江水邊

已結此生局登車如蓋棺偶然餘一息何事尚更端不

絕星辰閨無垠天地寬饑來隨匕箸非是強加餐

殊方第一節中秋天似眷羈人圓月正中地危逢初

身饑厨催杵急殘帙試燈頻客睡常愁早今宵坐達晨

飯後步階下

坐久思扶杖衰筋屈待伸青精何處飯便食荒飽此時

身簷際無多步經聲試百巡憐惜還汨汨又度一宵晨

兒亨雪中遣小童持史記向吳漢槎易漢書

柴門開東徑雪寒送書童亂世斯何物清晨涸乃公校

書當日義斟酌幾人同共笑雕蟲技窮荒益覺窮

九日

愁鬱連朝雪蕭蕭九日晴異鄉誰送酒令節但存名目

斷天無極風高臺轉平莫嫌人跡遠雁亦罷南征

移居

總一萍蓬地安居復徙居倦飛無定鳥微沫且游魚茅

短山依牖床高雪映書不知誰結構強說是吾廬

早起

長夜準朝眠霜暾到枕先家無煩老事人愛早晴天研

洗和水墨爐溫隔夕烟星星平旦氣孤坐倍醒然

聞江南寇信

浪說樓船變江氛接海氛大廷正神武小寇乃紛紜孤

跡迷青嶂全宋隔白雲難餘輕世亂消息任傳聞

喜通鑑綱目到

縹緗祇舊物邊地卽奇書義誦新蟲鳥丘軻老蠹魚古

今歸瞬息日月等空虛乍到矜初獲孤燈積雪餘

棟燈

名借糟糠重光爭螢火微空教照部屋誰與助清輝化
燭心難問懷珠願入遠夜深霜際月相伴影依稀

崇寧錢

古錢命如客一樣嘆飄零日月當年鑄山川何處經昔
痕爭蠶蝕夜氣伴龍腥金盃三朝變猶存肉好青

玉階怨

雖貴原因色容華敢自傷悔先當寢室恨不隸平陽掩
鏡思流水開門迎太陽還疑天上顧萬一到殘粧

蔬食

經旬未肉食却不以齋名佛亦難容世人惟安此生何
願心自好齋晉眼長清夜靜風如碧新詩作梵聲

壁間供佛

淚隨膜拜落斯地見斯容累佛知身業依僧學律恭回
思千月影遍對六朝松誰信蓮花界萍蓬與客從

劉重顯卜居沙嶺

自嫌荒漠極猶有佳城名獨去躬耕地纔窮遠竄情就
車隴草近繞靈澗泉清同作辭鄉客離羣恨亦輕

得家書

尋常烽火裏不易是家書况復關山外更經憂患餘情
危徵字澁緘漬計時疎今夜燈前眼翻疑見面初

挽廣和尚

遠竄已如死翻憎會面多十年隔江水一月聚遼河喻

法寂無語論詩耿不磨雙趺何處見夢裏示維摩

寄懷赤公

撫順河邊別心傷色故懽至今關外水猶帶去年寒禪
入交情古空開絕境觀懷人應有句莫作棒頭看

三月十六月上僅半輪久而知其食

月食不聞令驚虧既望輪占天寬外服修政貴羈臣太
史傳應遠朝廷德自新春秋何數數筆削亦勞神

兒育兒膏至

是亦名團聚何如離別愁周詳勞聖澤踪跡豈人謀勿
問稻梁計聊紆道路憂夜闌休秉燭留夢守江樓

寄張堦濬之二首

漬血浮書面淋漓弱息情老夫開忍視而母痛無聲誰
識皇天眼空勞搶地誠悔教曾讀史動口說緹縈

作書
寄子

臣罪勝喬固寬恩感法輕嬌孫如李燮半子即王成善
後何長策從前信積誠茫茫理數外猶自說平生

辛丑元日二首

殊方兩易歲節物轉尋常自顧鬢毛定翻嘲日月忙眠
餐馴土俗梅柳自江鄉蘆酒隨斟酌偏先年少嘗
兒鬚看半白老子老如何罪籍天倫具顏齡道氣多麗
公法眷屬杜甫句婆娑經歷回頭幻休驚歲似梭

愛閨

老人翻愛閨甲子有紆籌萬事成餘計浮生何足謀閒
心不記日異域又經秋佛火無盈縮朝朝照白頭

拭梅根杖上座

敢借危途力難爲塞上塵渥緇留本性撲直彌衰身香
發經冬雪根蟠故國春葛陂千尺影時欲度江津

偶得生雉奇之二首

呼吸判刀砧藏身悔不深幸充君子玩聊稱道人心歷
險微微命全生託梵音好同施食鳥旦夕繞香林
莫作羈縻恨應懷飲啄恩平生負文禾物色感溫存柴
柵依花靜霜畦落粒繁秋風吹羽翮還汝舊山樊

負暄

霜日竟如春義和厚老身豈無狐貉煖難及太陽仁破
帽欹頭白殘書過眼新低欄忘刻影不厭欠伸頻

辛丑十月十八日得召還信四首

驛騎傳何語生還竟是真猶疑平日夢難信醒時身搢
臂却知痛飲顏轉訝人喜狂心倍苦不覺淚沾巾
亦是意中事尋思轉覺虛誰教天上雁真活轍間魚魂
斷招纔續形衰命似初神搖還手戰怕讀寄來書
嬌孫書十紙一字一啼痕新政懸天澤書生排帝閣共
憐黃口力能雪白頭冤慙愧升卿視淋漓洗覆盆
灰心甘異域不敢夢鄉關每怪兒曹語長懷故里山果
然無安福竟賜再生環繞膝燈前笑加餐看老顏

月集南池

爲問南池勝名因杜甫傳我來當暑雨一樣晚涼天老
樹閑游客繁荷弔古賢娟娟明月下流水幾千年

偕凝齋兄過鐵塔寺登準提閣

夕陽過古寺鐵塔映危閣總角弟兄老他鄉杖屨難登
高矜力健天廣盤胃寬鄭重追隨意家山遠近看

遇戴葭澗欣爲老夫寫照二首

自恨身多累那堪身外身灰心三大業說面一庸人久
識衣冠誤誰言瓢笠真相看成爾我筆墨感前因
衰醜世爭東偏勞顧虎頭翻言得意筆待仗老顏留筆
表是非鶴滄洲來去鷗嶽崎鈞畫外更獲解人不

偶出

野服不驚市兒童識老翁時常獨來往只在徑西東水
釋梅應圻湖融艇自通青山在屋裏步櫟幾曾窮

過道院逢浴竹

竹體本鮮淨何須拂拭溪雨生童子手青出道人心頓
異空塔色還留靜夜音羈棲爭尺五分得此君陰

客至

翟門客不乏晴雨破蒼苔豈爲文章頓應憐老病來貧
無投轄井坐有落花臺剝啄聲元靜崑扉長自開

雨夜簫聲

秋燈明細雨何處度簫聲斷續芭蕉響依稀蟋蟀情客

心隨老靜夜氣逐涼生不必聽終曲簷楹本自清

老妻六十五初度二首

老妻偕我老辛苦信同遭五十二年內百千萬種勞翟
珈難重憶井臼至今操鹿駕幾時遂蹉跎懸髮毛

羣兒席不暖菽水自然難聊借門生酒恭承堂上懽萊
衣宮錦舊鴻案客厨寒桃李苔空色移同松栢看梁子

外甥孫齊子升如特自桐顧老夫于廣陵

我正悲同氣方抱先兄之戚爾來添淚痕因兄追痛姊似舅只

遺孫千里江濤易十年顏面溫他鄉驚聚首骨肉重根
源

東杜于皇

客裏還憐客孤身值歲終年輪衰叟老詩信古人窮酒

攪屠蘇醉春生墨瀋風元正新試展先合過墻東

謝稚恭惠鱖魚盤二首

持筯勿輕下應憐推食心同經患難後益共苦甘深舉
網矜誰得臨流羨至今老饒忻指動飽德感清礎

轉是吾鄉產廿年驚未餐腴添邇水味色重故人盤張
翰思徒切馮生缺漫彈白頭叨口腹飲啄見同懽

朔日于皇見過留小飲適堃人舟次來共集

杯酒齋期供情緣詩更真何來門外復是句中人旅
徑罕求滿衰齡文字親城鐘催客醉不爲濁醪醇

別陳二如

問字得吾髓分霜及爾髯驚看弟子老莫怪歲時淹絮
語燈重接狂歌酒漫添積懷憶既見路近別何嫌

晤林茂之時年八十五矣

猶是丈人行相看若鼎羹別時已屢空近日尚能詩賓
客前朝事聲名同輩誰對君忘我老白髮快追隨

再遊桃花塢三月十四

再到桃花老窮探悔後期誤看已謝樹認作未開枝衰
眼禁榮落浮踪任合離成功春事足敢怨晚風吹

忽憶

蓬門忽記憶昨歲此時來梅子坐看熟萱花仍舊開久
羈忘土異拚老任年催庭樹新雛鵲相依政不猜

因仲姪歸簡陳二如問其註杜成未

共姪論詩數興情必及解人寧易得作手幾能兼學
杜經年久同心立格嚴拈毫析微義應爲老夫添

螢火

莫嫌螢火小此地古揚州曾伴隋皇帝長爲永夜遊至
今星月影猶帶綺羅秋殘卷無勞照車生已白頭

研齋自毘陵來

奇氣降難盡清言入道微從來歸宿地自有合離機學
力隨年長空華著眼非最憐鞭影疾對面泯依違

爲宣爐謝辟疆

爐傳宮鑄舊得子品題真物亦感知已情非諛老人千

秋爭璞玉一顧幾麒麟久笑囊如洗今朝頓不貧

喜晤吳見末論詩

詩人不厭老白髮及茲強海外何山水歸來舊草堂不須詢險阻終只愛文章試讀夔州句偏勝年少狂

喜晤施愚山

就亭傳結構

愚山官舍內亭

江水遙孤城恨我老難到如君清更貞古來峴首地寧異宛陵名此去新吟滿應添邦上情

立春日買得蘭花

土鼓朝纔擊山蘭入市盈易生驚物理微貴感人情裁向梅根瘦閒同客眼明閒心寄草木又見一年榮

吳楚人見過關展待

偶爾看花去虛君踏濕來尋常艱一出今日又空回豈爲前期寡難將風抱開古人訪窮巷不遇亦詩媒

鸚鵡歸二首

張去五十一日凡三返樓庭樹白歸巢上

拚與樊籠別誰教去復迴飄零何樹木揀認幾樓臺懷舊凡三顧同儔不一猜渾如江海上遊子賦歸來

稻梁寧足戀應感主人知毛羽憐殊衆聰明親授詩鷹鵠原滿眼天地亦多岐歷盡人間路纔甘穩故枝

瓶蓮

膽瓶堪眩眼身況在花中勝事遊人說穠華昨歲同分香通枕密借艷作顏紅好向溪橋語留芳待病翁

于皇從如臯來見過

知子念予病知予念子心衰年危白髮客路貴黃金撈得水雲色由來湖海襟呼兒停煮藥傾耳聽新吟

題亨咸爲奕箴書家山讀書圖

書山原不盡書自具山奇樹石歸形似樓臺任意爲彌增當日勝益重客中思舉目邦江壁桐溪秋曉時

移居後謝楊視蓮

授餐兼問藥不獨一廬私只此頻移跡追思三匝時平臺低衆經叢竹隱深池幾度看明月依依戀舊枝

答程端伯

端伯和老夫初度詩十二章賦謝

不見故人作于今十二年幾經猜面色何得挹詩篇好

句忽天外全身現眼前喜狂呼欲絕把卷復潸然

朝眠甚適

夢醒微睡足窓紙上微明任舉世間事無關檐鳥聲敦願徒有術禪悅亦空名何似灰心叟濃霜布被情

同兒膏小飲

怪我忽呼酒挑燈一舉杯梅花今夜霽遊子昨朝回絮語同詩吐寒籌信市催比來空斷飲涓滴本能開

瘦

骨已無堪瘦顏猶借酒紅老妻心口裏明鏡淡濃中自古清虛貴難言秦越同春花不相厭宛轉伴衰翁

五日開家醞小飲

亦有四方酒偏就家醞嘗記從笏臘雪卽指待端陽作
手親開快微醺病力當老妻偷眼笑不爲醉客狂

忽得同年解拙存書

休沐峭函尚未兵幾回消息問柴荆

拙存以壬申假歸里予先三年別

及予再出朝廷亂念于多虞虎豹橫久病轉全殘木體
周饑難悉雪霜情比來惆悵停雲歌乍得音書心反驚

宿遷有西楚項王廟弔之

赤圖縱屬斬蛇人非項那能獨破秦權絕島江餘大勇
鐘翻王斗見深仁歌雖有血還勝荒涼狗雖功不盡麟
成敗皆天誰敢議黃河聲帶萬軍噴

詹鵲

龍藏風雅卷三

詹鵲刷羽靜不下堦空晝永時一來盤餐分食若有意

書卷長把良無猜繞砌乍馴忽驚顧呼雛遠引還飛回

羽毛饑飽亦分定人生拈拾胡勞哉

寄鐵公

山氣四時清獨秋老僧住山秋更幽桃花長憶杖藜徑
木葉候鳴城市樓廿里騎驢豈遑遠經年懸榻何夷猶
松間片石知頻掃明月崑屏幾夜留

新月

新月羨高落日上微風下引清光涼蘭花不吹香近遠
梅子欲雨實青黃野老竹徑抱琴至故人郵筒詢藥方
北窓偃卧盡旦晚晚色獨起轉空蒼

保障臺

傍海孤臺荒且危昔人築此欲何爲千門望斷平安火
五夜聲號骸骨悲成敗敢言軍似戲興亡自古局如棋
獨憐疲蹇開尋處想見當年萬馬馳

廣寧城頭

豎巫問是望中山指點殘黎疑信問北鎮神誰憑亭殿
南冠人尚戀榆關光熹往事傷心久劉杜征魂帶血還
慙愧高岡祠李靖紀功碑斷蘚花斑

晤赤和尚

贊公杜老同羈旅尚在輿圖版籍中嗟爾窺身來絕漠
問予去路更蒙茸孤藤卓處心調象片笠擎來雪印鵲
撒手幾回還執手誰言別淚凝虛空

雜感三首

淮海高牙仗虎臣舳艫萬里接通津尚書履正留天閭
漁父歌驚問水濱豈有杜蘅終古恨空看蘆荻大江春
轉將憔悴荒原淚灑向從龍授鉞人
金焦浪擁陣雲寒恹薛鷺看戰鼓殘狹狹未曾歸右鉞
麒麟早已墨南冠三韓血染槐槍赤二水膏流肺石丹
縱使王章寬介冑那堪大樹折江干
繡衣爭道出江東貫索俄縈御史驄省咎幸無鉛槧重
遭時亦迴網羅工掃山羞問狐狸窟煮海愁聽魑魅風
眼見榮枯曾幾日殘生猶剩鹿皮翁

給官糧種子至

公田野園分春種，突荒烟飽暮飧。不到千山十死地，誰知一勺九重恩。雨過牛力寬砂磧，日落鷄樓闌瓦盆。自分生餘豺虎吻，官家猶似護殘魂。

過兒玄屋

偶作詩書其几上招吳漢槎來觀

別院兒居時過訊，晴窓坐久雨冥冥。棲鷄樹隱籬根綠，牧馬山歸枕上青。梨几墨酣留句老，蒼筤香靜識經靈。隔牆求仲招尋慣，踏濕應來戶莫扃。

五日

湘鬼當年怨骨寒，誰教末俗轉爲懽。只今萬里孤臣淚，灑向千秋五日看。柳葉旌旗空薊北，沙棠簫鼓自江干。茅檐白水菖蒲泛，醒醉無勞問佩蘭。

聞李吉津宮詹奉詔入闕

時以旱禱肆赦

桑林詔出玉門關，八載纍人此日還。臣罪寧甘六事責，君恩豈獨一人環。荒陬浩氣窮通際，溥海天心倚伏間。莫向蘇卿爭伯仲，丁年甲帳尚堪攀。

聞季天中給諫奉詔歸省

批鱗當日已無身，碧血寧須塞外燐。帝許孤魂依老父，天將一死表忠臣。若敖有姪承簪笏，詔蔭賈誼無年對鬼神。慙媿同行多白髮，龍鍾水海漫垂綸。

九月十三夜月明兒輩就許姚諸子酤飲吹簫賦詩詰朝向老夫稱說亦爲勃然用漢槎秋字韵

月朗深憐霜夜秋，少年襍被強遨遊。洞簫聲變難吹市，吾土心非肯上樓。未必佯狂全是酒，也知歌笑甚于愁。三更魂轉茅檐靜，白髮丹經坐未休。

悼古二首

休將玉樹泣西風，自古蛾眉幾命終。飛燕粧銷歌月冷，當熊人去獵雲空。珠銷何處連痕赤，金冊前年帶印紅。料得帳中留半面，漢皇長許夢魂通。

天銖雙樹護長庚，王母中宵冷玉笙。壽聖幾能留國色，死生方得見君情。夢隨簫鳳無還羽，歌到關雎有斷聲。猶記葭飛雷擊日，特爲並輦祝瑤京。

夢遊廬山

衰脚中華再往難，况當絕域路瀾漫。他生緣結名山癖，長夜遊忘水履寒。索句崑頭僧面熟，濡毫江上墨池寬。冷冷枕畔清音在，猶帶松風漱石湍。

感時

鐵甲爭鳴鐵鎖聲，檻車一夜徧邊城。春風淚濕將軍樹，野月魂銷韞韞營。自古弓藏誰帶礪，只今盆覆幾簪纓。衰愚忘記來何事，散髮狂歌感聖明。

移窓前梨花

庭花似解居將徙，曉露繁苞故意開。宿土輕移兒子屋，濁醪依舊主人杯。艷疑南國難名種，香落東風不染苔。自顧浮踪同草木，聽誰撥棄聽誰栽。

基子

意在楸枰未落時，纔分黑白已披離。
影移長日疎簾靜，聲合寒泉澗石遲。
爭識負中還具勝，誰當雄處肯知雌。
納奩以後何消息，袖手蕭條倍可思。

得周櫟園書二首

蠅頭小字語紛披，更覺寒暄不及詩。
格老應憐年共長，才多似與數爭奇。
驚濤百折神嘗壯，清雨重緘光陸離。
自笑衰疲難遣此，一尊酬和是何時。

平江吳子

茲受

知同權河內張公

坦公

獨出關爲話艱

難生死狀渾如寤寐別，離顏忍將血淚拋。
荒塞不負餘生是，舊山白社正寬黃。
犢健遙憐應接未曾閒。

偶讀唐人白詩戲而爲之

夢花汀畔白蓮叢，素翻晶瑩映碧空。
立處輕分秋水綠，飛來微點夕陽紅。
鵝行玉陛疑曾共，鶴影瓊臺訝許同。
肯羨九苞多綉米，越裳貢羽色朦朧。

晝長

長夏衰年無一事，清陰寂寂掩柴廬。
移花偶騎細雨馬，刈圃親操斜照鋤。
獨自怡新得句，摩挲隨眼舊藏書。
燕雛翻長辭巢去，客散還能伴起居。

章鉞生于喜示

曾孫長汝且五歲，汝敢公然命是孫。
累極所生幸男子，難餘誰更說家門。
山川氣稟遐方異，弓冶傳惟舊物存。

名字筮來鴻漸吉，好惡刷羽向中原。

買魚

漁人不識齋房意，魴鯉頻從赤目攜。
自愧直鈎輪渭叟，猶將老吻累萊妻。
米薪餘憶秋風飭，小艇絲收明月溪。
莫怪何顒無定力，疾鱗寧異甕頭鯉。

將別寧古書茅屋壁

莫言萬里無人境，兀兀三年認作家。
甕牖光微閒畫字，菜畦土潤手栽花。
聽殘北屋嘶風馬，數盡南雲落暮鴉。
宋玉宅同王粲井，長留名姓在天涯。

灰松園舊址

塊石居然成國土，當年爭長亦雄哉。
椒花不醒君臣酒，相國城頭荒草猶餘部曲哀。
未必輔車開大統，也知氣數合寒灰。
腐儒踪跡還踰此，王會圖中去復來。

將至瀋陽四首

冰窖殘魂復見天，此生疑是再生前。
殊恩豈獨叨今日，薄罰還應感去年。
鵬鳥敢希宣室召，羝羊空泣茂陵烟。
相逢怕說浮踪苦，只作乘槎星斗邊。

四月營州青草城

子以已亥夏發瀋陽

旗亭簇馬送長征，同罹亦

痛孤臣遠

素菴諸君子甚悲

別後死生

音幾斷重來悲喜緒，難鳴清宵自撚拈。
看披雪凌霜

莖復莖

平津梁有讀殘書，公子城南小結廬。
陳心悲極祇將歌

代哭交貧不礙步隨車經過一飯愁霖裏悵望三年落
日餘孺榻懸來應待老月明肯使雪窓虛

只道頑軀老玉關那堪跌印示千山劉公寢門難作桑

門哭塔影長隨峯影開鄉國百年惟塞外鬚眉何日不
人間珠林曾讀傷心句知爾今朝快我還

懽喜嶺二首

懽喜嶺頭懽喜色恰逢話旦是元正記曾立馬吟春柳
今見開關捲幕旂捫石知非前日夢命名益顯古人情
酒泉有北踪雖異白髮書生一樣明

曾將尺幅圖山水兄亭曾書懽喜嶺每一披尋倍惘然

只道黃沙塵粉本誰知白首理歸羈疾驅更上回頭處

暫停還思落筆先此去家鄉丘壑滿金憑嶺接江天

將至都門三首

但瞻鳳闕已魂飛况是孤臣絕塞歸黃髮玉環恩再續
立宮金盃夢長遠遙憐趨走烟籠地自顧吞殘雪裏衣
黃英春深堯壤近此生重飽北山薇

去國歸朝道路同迎人風異送人風三年夢醒黃梁客

萬里魂還皓首翁脚底自憐無險易人間誰更有窮通

舊居賣盡隣菴在一鉢聊應伴遠公

記曾貫械逐征塵掩面灰心別故人只道旗亭分永夜

誰知禁苑邁元春楚囚猶有重冠日遶鶴居然未化身

城郭夕離疑路熟龍沙夜夜夢魂頻

寄陳二如二首特以 廷對入都 以 子歸之 兩日而至

陳子五十纔獻策短驢入都子已歸川陸齟齬僅隔夕
音書還往寧多違唾壺到此愧怨華表只今忘是非

衰軀猶存中國近咫尺誰言會面稀

學杜從來詩句好八章懷我當如何二如書來云庚子 有懷子詩八章未 達

深情歲月敢磨滅往事山川費揣摩爾足憐子行無
地吟梅知子撚未皤景疊篋底還留字相見當尊須放

歌

津門五日

白頭羞對五絲新節物關心倍此辰三載往還何郡縣
千秋遭際幾君臣蘭歸故曉留餘蒂潮滿清江縱涸鱗
簫鼓莫思桃葉渡行吟已是再生身

答姚彥昭

故鄉情急似忘情書到生還眼倍驚杜老七歌常憶妹
郝家幾葉見賢甥新詩宛轉高堂語良晤參差隔夕程
縱水不遙淮水接秋鴻計日盼南征

南池席上示蛟峰姪

官舍欣傳河朔杯蓮花似爲竹林開只疑羣從吾盧會
却上古人前日臺飲啄政隨池水冷夢魂時帶塞風來
生平寢食夔州句藉跡捫碑亦快哉

楊聖喻伯季招集因園

到門高樹墮雲涼園自先貽不厭荒靜凡人同圖史古

種梅手帶雪霜香廿年事往蒼江渡甲中同見兩世情

深玄草堂却笑離鄉迷世眼叢蘭疑比月支芳階前金

千年不見矣

答靳茶坡

老遇詩人老益親况經絕域再生身祗緣道里傳來苦
轉訝鬚眉別後新佳句披雲微晚節衰蹤印雪仗芳隣
浣花溪裏羊求徑扶杖分題莫厭頻

仲姪別孔歸桐二首

共榻連船凡一月廿年難得此宵晨已經同老憐猶子
况復稱詩獲解人驢背凍深長路雪梅花香冷獨吟身
不因歲逼寧容別莫負前期江水春

縱陽曾有少陵句昨日同仇口尚傳姪辛未冬有松

燒柴說少陵之句益懷子尊酒此回論更細老年相信

骨應堅揣摩千古人在閒歷諸緣詩最賢知爾還家

貧自得狂吟好續四松篇姪齋中有松適四

寄長兄孝標

阿旃江上幾時來標次阿旃毘陵應暫回標三少子詩

中掛柏酒老僧定後散花臺張伯畫山人過時評帖程

賣藥翁閒共訪梅張伯淮水已同邦水綠春深漁艇

恣沿洞

春寒

脫裘纔覺早春寒手撥爐灰香未殘韞上鳥音如致訊

研頭花色竟堪餐健忘書只供遮眼坐倦行惟繞藥欄
幾日雨晴容易度新流應上隔籬灘

作敬亭友人書二首

海內故交半零落傷心更是敬亭山嵇康遺息摧殘後
張儉餘魂生死間禍患豈關文字孽風塵難記別離顏
題書雲鳥應相訊望七衰翁萬里還

同降丙申惟老友徐接三與聯達動復十年餘不知筋

力誰衰健長就眠餐憶起居江上口傳消息亂貧來路

遠信音疎遙憐書到生驚喜白髮還如竹馬初

上巳日外甥姚彥昭自桐入都道過淮上同步止

園

爲到園林知上巳恰逢猶子渡江來相攜且盡東家勝

回問何如故里臺荏苒三春花底眼祓除千載水邊杯

鶯聲似解遊人意未許明朝別艇催

繡山弟自白門見過

南風吹送惠連船悲喜回頭別十年前日傳書來白下
幾時知我到江邊鬢毛顧爾逾增老蹤跡遶心怕問天

話久連床翻錯亂但言重會是奇緣

蕃釐觀尚存現

蕃釐觀斜在隋前誰遣瓊花大業傳自是君王耽國色
遂教草木竊神仙玉鈎夜泣雷塘月金蕊香消閨苑天
何似舜陵松柏茂菁蔥霜雪尚年年

兄南之青州簡周櫟園二首

龍荒三載數遺書千里雲門轉渺如自是萬端繁吏事
遂令兩地帳典居曾將短句風人手黃心妄冀新題退
食餘兒子寒裳今見面老懷無用說當初
傳聞宿土爾吉師白髮門生感益悲隔世根
繩還累子同岑甘苦欲憑誰萍蓬歲月塵中換桃葉衡
芽夢裏期種種牽腸難舉似老夫畢竟重論詩

落梅

梅花半落不勝落細雨當檐色尚繁童嬾徑留苔欲積
易銜枝動帶還存柳絲綠處繁殘影石罅沾來帶濕痕
細數開時看到謝冬春不負化工恩

寄陳三姑

陳髯應不憎新法貧死何如低折腰嘗怪鼓車難駕蹕
果然鳳羽不棲條授書錢供高堂老按部人寬野谷樵
聞說鳩江虛絳帳且將奇字慰飄搖

兒孫輩齊作字

諸孫擁乞仲兒書阿季臨池鈞畫如繞膝魯魚無小大
喧聲詩史徹庭除几攤敝席爭謀筆筋飽空盤更益蔬
共笑腐儒貧且老將雛嗜古樂蓬蓬

廣陵城懷古

孫輩及研
齊皆作

廣陵今古此危城豈獨隋家興廢明晉宋疆懸南北鼎
梁唐角倚漢番兵只今烽火悲凋瘵倏爾笙歌答太平

衰眼懶拋憑弔淚忘情直似不關情

吳楚人自海甸來

海風吹客客顏秋詩瘦那堪更倚樓木葉到霜天地肅
菊花遇雨戶庭幽懸知靜夜無他思莫說騷人只善愁
屋裏登高高亦勝茱萸似爲白頭留

寄五兒章鉞長安二首

天涯又歷一年春遠緒千端挂老親嗟季望徒憐雨雪
在公勤可報昏晨波遙邇水梅難寄水半西山柳亦新
問闔從來陽德近條風應許拂勞薪
書來滿紙客平安不道爲山一簣難詞到飾時心倍苦
行當半道膽翻寒鴿原竭力應輪急鶴髮加餐強作懽
歲月回頭堪慰藉春光莫向別離歎

春歸日雨

送春風雨解留春花柳成功色尚勻綠蔭紆條纔蔽日
露華拂檻未經旬閒看義馭如流水老戀東皇似故人
別亦有情來有信曉鐘聲裏漫逡巡

事事

事事都從病起懽小齋十月尚輕寒瓦盆手煮山菰白
枯幹眼看金橘丹試筆書經不計字焚香驗火亦多端
霜天晏醒畫還卧日送蘭花過藥闌

雨後雪

凝陰十日錯昏明雪補愁霖屋有聲山鳥不來梅樹凍

蘭花初放篆烟清老妻話舊如前世稚子能詩驚後生
莫怪空街淹屐齒潛夫晴亦寡逢迎

途中卽事三首

水凌萬壑昏霧隱層巒曙風日自生寒暖在還鄉處
谿斷虎留跡山危雪作梯勿嫌雲嶺峻家在萬峰西
星垂幕火燦月入井水關曉卜霜華重眠知雪印乾

張毛道中二首

東渡埋樁古樓烟落日荒島巢晴墮雪馬銓晚銜霜
日歸樹散花溪合雪成石記得雨中來征衫凝舊濕

冬洪道中

經底後騎迷木末前車見日午不聞鷄烟生卽鄉縣

雨湖二首

積潦壓平橋市小人稀渡一艇挂輕蓑直入烟生處
巨浸欲浸天移船向屋裏網罟有豐年稻花結魚子

靜泊二首

燕濕偶一飛魚深時復躍誤認夕陽明漁燈傍溪爍
水樵無定聲靜起蒲團色鷗鷺認作詩標音學平云

野泊四首

高岸奔流急茅簷接浪層門維沽酒艇兒守捕魚
遠堞如輕帆御風見還減手飛鷗力窮墮水紛爲雪
策蹇上漁舸百里川光練目際眩明霞意中說鄉縣
細篠棲鳥鬼踪蘆卧白跳星芒垂大野月影失危橋

入閘二首

韓莊以下

羣力恃孤椿驚濤挽船褪古今捷徑爭亦有時求鈍
舟駛如鳥飛回頭失邨落當磯立釣翁移時不動脚

秋階二首

黃葉如黃鸝隱露枝頭綠籠鳥忽流聲秋階恍春谷
梅葉先衆凋知爲花時地似有微苞生枯榦含香意

雪望二首

隔江山巋然雪映山逾遠金焦祇意中白鷗去復返
古今梅花多豈獨揚州早何遜亦何人能令東閣好

閘中卽事四首

鳬浴半陰天魚游落花水詩成爐色中磬入經聲裏
老去無非病閒來轉自如山妻燒藥罷對坐簡方書

教孫摹漢印形貌爭是似爲問義頡前乾坤可有字
摘花人膽瓶野色盈几研居然苧蘿村迥出昭陽殿

卽事二首

瓶花落研香暗與蓮花注持墨不輕研嚙液花心露
梅謝成繁陰轉勝開時好歷歷黃鸝聲乃出枝頭鳥

中元步虛詞八首

坦公德惟黃樵琢之及見亭綺壇頌三官經五百卷日以刊冥

絳節丹書散沈寥步虛聲徹五雲霄遙知滄海龍銜處
精衛填成白玉橋

幽遐路不隔天閭閭開時無覆盆玉版須來銀字榜
頭行先寫汨羅魂

皓月天壇鶴羽鮮王喬玄馭自青田琪花香裏金風度

恰是新秋第一圓

適以是日立秋

赤金茵苗玉麒麟沆瀣長敷四季春莫怪靈章多秘教

上真今日是文人

還荒亘古不聞經金字琅玕照火青玉女收來譜牒異

玄都新攝幕南庭

莫問沙場事若何荒塵枯骨逐頽波煩冤此輩猶明白

不及無端刀筆多

函關消息問菩提清磬聲迴地軸移東度西來無二義

月明江海共琉璃

地下同文有重輕人間湛露共生成但教臣罪容三宥

萬古天王都聖明

京口竹枝詞二首

短艇無波也自遲橫風急槳過灘時不知冷笑緣何事

郎試搖時郎自知

鄰舫無心似約同水程有準不須風船頭男子遙相對

船尾喁喁細語中

惠山竹枝詞三首

金谷平原名舊傳荒池殘榭尚嫣然當門笑捉遊人語

耶要看花儂要錢

雙鬟灼灼彩簾邊知是威儀不敢前唐突貨兒偏自若

昨朝賒得小花鈿

青帘斜映玉搔頭笑指明瓊作酒籌酒品尋常無甚別

躊躇爲揀最高樓

看花卽事二首

幾日看花愁烈日雷聲時送薄陰寒過招吳老

詞御辭

多病只此閒情伴亦難

黃門

陳京尹

曾許嘉茄種瞥見惟詢雨後薔怪底殷勤

漁家曲四首

南陽湖所見

結伴連船趁晚風幾家老幼浪花中情知婚嫁不離水

小婦呼郎隨阿翁

不事耕桑不受厘無乾無溢比平川滿州昨日拏船急

一葉端然斷岸邊

風鬟綽約綰雙纏出衆爭言最少年貪看鴛鴦擲蓮子

不知冷眼落隣船

簪髻學試手習強爭攫魴魚二寸長襁褓呱呱扶槩泣

白頭姑喚竈前娘

戲爲三絕句

于皇屬拈

玉螭梅

從來香色亂花梢幽格孤撐絕衆叟似惱滕王春筆詭

特將粉翅裹霜苞

紅梅

羅浮絕代玉爲姿不向朱顏乞露滋生怕六宮嫌冷淡

舊家姊妹借胭脂

綠萼梅

明珠顆顆綴還疑
香入寒烟月上遲
子未結時先似豆
黃鸝誤認柳深枝

漫興

枕上寒知霜落早
未明先問屋高低
曦光不用黃金買
東出闔閭看到西
病冷最嫌生炭貴
硬枝猶帶出山烟
鷓鴣紋別居奇貨
添却門前賣字錢

龍眠風雅卷二十三目錄

木厓潘 江蜀藻輯

吳門章 詔鶴書

同里陳 光季白 索

方大普 十八首

方若洙 四十五首

夏承春 九十七首

龍眠風雅卷二十三

木厓潘 江蜀藻輯

方若洙 字無聖一字劬生號通江崇祿間歲貢年十

善先生源器重之性端重簡遠不倚治家人生明
于定古今文數千卷約之泰領也晚年因冠通危城嬰
枰固守苦軍城歌一卷論者有詩史之目俄以明
經公車卒于道門人謚貞隱
先生所著有閩津江誌諸草

潞河鈍牦

百丈兩岸牽百瀨一線通川途從此始問程何時窮宦
遊不得意有時亦書空僮僕雖則親數口寄隨同登仙
杳無分榜人難為功跳波若運弩褰裳復轉蓬篙舵爭
石尤海光矐矐中暮艤渡頭歇曉仍平沙叢籬獨坐復
起日月去且忽辛苦多如此誰訴焉夷宮不問濡軌盈
不問蒲帆風倦極還無賴悠悠數征鴻

懷杜少陵東屯

人重少陵情代傳詩史名篇章接混沌意匠入經營屈
注歸雄渾波瀾動老成狂無可告訴吟乃得平生錦白
曲江濯清隨灩澦驚幽居先萬里癖性老孤城故宅烟
還斷荒坵樹更鳴依稀臨草閣彷彿到柴荆服習風流
切景行意氣橫千秋嘆驥老三峽助猿聲親炙光堪挹
寤歌神已并舊基遺像在江上有餘清

怨婦詞

君如北楊柳嫋嫋春風邊妾如北轆轤用汲容瓶泉春

江上新秋偶然作

望連雲棧諸山

將歸入綿州

踰風波奄忽歲已邁冬心抱寂寥遠雁雨雪稠薄日澹
影沒寒渚微烟收縱爾迅歸楫問程轉生愁况逢凌峽
險將戒垂堂憂朔風淩以厲銜訴哀江頭蒼蒼徒極目
吾安罷所投

西陵峽

咏懷三首

草木榮先鳴死鴟鵂秋冬憐風霜孤根

獨出門派

集 98—283

語窟穴混漾目自眴千峰逋客留朝夕暝色變攬結拾
海月可以爲餽饌會枕卽烟霞星漢在鄉縣垂綸靜者
心漁父無所羨我有山水心遐矚庶不倦

北岸吟

北岸長柳浪青以齊北岸濶麥秀黃以莢北岸高泥塗
千家屋上茅北岸低纜牽百丈瀨上谿大髻兒女少顏
色短衣歌曲無音節上弦插羽夜隄防打鼓吹簫水幽
咽行吟澤畔有孤臣况逢支離飄泊風塵客夢想舊山
歸去來半酣坐待波上月

題馬道院九枝柏

劍江之陰盤渦曲老魚潛潭瘦蛟窟濺沫奔流異響來
山腰迴谷藏石罅中有古柏蒼虬龍九條鐵幹枝將空
下成澗道俱歷落明皇駐蹕馬不祭土僧傳語碑字間
遺基古寺蒼苔沒奇木壽巨茲代聞抗壑昂霄參入雲
世廟訪使殿材闕構之從此凋顏色惟餘雙樹作龍鱗
森森奇鬼欲搏人一株空腹直至頂柯葉孤蠱無冬春
一株石裂拔根起九微蘭燈藻珠似吹香迴風遍女蘿
枯枝半峙百卉死石泉淙淙流清澌危橋敬側老桂枝
我遊坐臥當其下窮山寂寞遇賞時柏梁歌罷續招隱
青霞覆合丹霞滋乃知凡木不敢窺常傍灘聲龍吼無
窮期

和潛夫弟舊嘉州歌

扇頭贈我當劖緱主人曾失在嘉州仗劍不辭萬里去
烟霞滿袖訪古遊一笑燈前重回首巫峽劍閣常在口
峰峰指點奇絕處弟勸兄酬齊拍手吊古同傷白帝秋
供奉拾遺稱風流爾我後先成快事令人搥碎黃雀樓
浩歌長嘯復何有遙接三巴雲外酒爲問司馬意何如
江海易名一釣叟

午日泛潞河同潛夫弟時弟初罷官

舟滯潞河陰蒲觴聊共尋絃聲撥水面燈影映波心喧
客看爭渡解官成獨吟乘流隨去住不必弔冤深

晚舟對峴山

晚星江上出峴首獨踟躕遺蹟人多感古情山豈殊昔
紋片石沒秋色音亭孤尚想羊公事還存勝槩無

秦川雜詩三首

舟子還相報水程凡幾千雲中時露嶽山外不盈天井
邑人烟少荆榛後鳥懸登臨縱有興失路豈能堅
一夜沈沈雨秋天半浸川水痕侵樹杪屋瓦出橋邊草
濕寒烟起沙虛亂溜穿濁醪不自遣相對亦徒然
滿目愁烟閉天涯轉自迷樹橫千嶺直山壓一舟低秋
葉將成城晨鷄不肯啼船窓聊縱望片片欲雲西

蜀江冬夜對月有懷

漢江雨未已巴水月多明滴破獨何意照來如有情未
臨初霽色乍見冷松聲愁對還成寢相思竟夕盈

蜀江雜咏三首

人家半翠微烟樹萬依依竹覆女羅帶苔侵薜荔衣石龕古佛出山寺野僧歸偏是黃昏候鐘聲搖落暉

蜀江多出霧一霧幾朝晴有月迴響淨無風去鷁輕還看松蓋偃復見石臺平獨喜依人樹枯枝冬亦榮
巨石排高岸玲瓏得一臺琉璃積水挂珠藥帶潮來駛溜當其下雲波相委回幽人如譜此片片手中杯

北舟對酒

五月南風水曲吹歸舟此日去遲遲洗晴雨氣來偏驟入夏雲峰看屢奇長路關心千里外踈燈共話十年時
那憐潦倒羈孤意枉勞支願有所思

夏日舟中贈潘夫弟
遙遙南國阻行舟消息平安解客憂司馬由他傳北檄

農人告我及西疇水涯窮處將辭夏丘壑看時恰對秋却想此時清興發不妨遊子坐中流

謁諸葛丞相祠

遨遊漢沔瞻遺像肅肅祠堂一獨尋司馬虛推名士壘定軍留得使君心出師不動綸巾色顧命真成梁父吟
因誦少陵題咏句滿懷慷慨未能禁

入蜀喜逢胡康生

天涯無復怨離群帆影參差若待君共說家書猶寄語更憐客路豈愁分同舟擬宿關前月並馬期驅劍外雲

官署寧親知色喜殷勤爲報故人聞

寓寧羗州山口又逢重九

萬重山裏坐秋身驚物驚心重九新弱泥滑滑纔細節脫葉紛紛正落中却接故知初熱面還成幽獨轉傷神
村醪野店醉來晚不及菊花籬下人

經上亭驛次羅隱韻

見說明皇蹕上亭霓裳翻作雨淋鈴玉環睡起猶圖畫金鈿橫分忍淚零紅荔春風千騎笑青梧秋夜一聲聽
傷心莫是啼鵲血古驛流成點點螢

冬晴入射洪縣

蜀江初渡冬枯水一片輕灘下不窮暖暖遠村浮薄霧
鱗鱗細浪照晴空鳬群出沒平汀外樹影參差接岸

落日孤蓬殊未極偏憐風物與鄉同

喜入夔府醉後却賦

澄泓山水復崔嵬將盡川原首重回地控巴流三峽下天分楚色九江來黃堆橘柚盈村市白剝蹲鴟入火灰
醉取少陵題咏遍遙看皚雪下瑤臺

采蓮曲

荷花欲語歡許妾面相似妾意驕荷花含情照池水

雨中舟入鄧諸山

灘與雨相亂喧聲動枕席曉來問榜人水高漲幾尺
擬子夜四時歌嘲舟妓

紅裙船上住非是欲凌波倚橫江頭望瞿唐賈客多

青雀當青樓年年水上浮儂如江上水滔滔向東流

船尾可烹茶岸頭可買酒歡心若肯留許却莫搖手

儂西亦有船儂東亦有船歡心何太劇只在儂船邊

昨夜江上潮曉起衣裳濕拋鏡慵自照斂眉凭櫓立

江水作鏡面分明照不得風波易憔悴只說好顏色

舟人催解纜歡心不自由含情唱巴曲重維一日舟

相逢胡太忽相別胡太早歡似江上雲儂似江上草

歡看三巴水常自柁中轉儂心願如此與歡常相見

紀遊集古六言

瞿唐灝灝古諺夔府荊州勝遊行雨行雲巫峽三朝三

暮黃牛

黃陵碑側禹廟白帝城邊武侯舟過江陵一日猿啼巫

峽千秋

滄州

莎草蛙鳴暑月清長楊蟬噪暮風輕雙燈夜照孤帆影

津鼓聲殘點點更

秦蜀竹枝詞

船頭船尾任高低欸乃聲聲各不齊削竹一條聽打鼓

急聲灘上緩聲蹊

方大普

父君周號中渡切風惠授書輒解管窺魯大
速火城見之則史記史記然不驚也崇禎庚午舉于
鄒五上公車不第晚授建寧令廉潔慈愛滋事精

勤邑故多火民緣爲利公屬薄尉官選發命運卒
守衛隘悉捕奪之還其人居官僅二稔挂冠歸隱
梅花館詩酒自放所著有歸田錄指南諸稿門人
私謚文節先生公性脫略詩文較隨手散去其極
口授記憶者若干首

清明同倪君符姚戊生彰義門曉發次戊生韻

帝城春色好淑氣滿城邊獨有羈愁客歸逢禁火天雁

鴻來往路詩酒友朋緣並逢佳節風塵莫黯然

兩度長安道龍顏在日邊上書憐下第短劍倚長天燕

市留無分錫窻夢有緣與君歸去疾膏火尚依然

暮秋看月有懷素心大姪

秋和夜暖樹初懸望滿清輝念逸群未擬大兒真是我

忽思小阮有如君素心久已邀三益青眼何曾盼五雲

遙憶疎狂當此際標嚴月下與誰分

歲正二日喜大兄舉孫

屠蘇飲罷冢孫生五十纔看三世人月朔幸逢正甲子

年餘猶是臘庚申太丘膝上居然著荀令門前次第新

遙想鬱葱佳氣夜知兄把酒不辭醇

途中苦風

倦馬長途行路難况當明發涉間關地分瀛海滄沱界

風入燕南趙北間嘶柳驟鳴徒聒耳村膠屢熱不酡顏

鵬程須借扶搖力置我春明玉筍班

水中雁字次舅氏吳客卿太史韻十首

秋空振羽破蒼苔片片輕雲雨嘶開海外霞標同應接

江邊虹影共徘徊關心繪綴憑人設得意文章祇自裁
漫道波紋時隱沒須知一畫水中來

瀚海歸來拾字奇連篇累牘類張芝形牽符帶如臨草
影透鯨宮似勒碑每到霜晨憐羽翼更逢月夜整容儀
就中欲宿驚還起寫盡離騷天不知

高鶯猶未聞青雲鎮日江干校典墳但把雄詞驅萬鯉
也如健筆掃千軍縱橫還傍波紋轉肥瘦聊因水勢分
料有馮夷供飲咏臨流豈作送窮文

數聲嘹唳影沉沉汾水相逢好論心似我十年工入法
何人一字抵千金米函浪笈供誰賞春蚓秋蛇祇自臨
禿盡中山顛未已齊紕髮漬愈難禁

長鳴曉渡玉門關恰趁金梧葉落還傳得江南霜信早
帶來塞北素書閒墨濡唇市千年氣筆倚蓮花九子山
興到如椽頻點染蘆花萬里盡朱殷

學得王顏體勢新換我乞米莫愁貧翎編羽貫皆成帖
露布雲封不離人周史篆特文異古秦皇火後字無真
漁家款乃初驚夢急就章成若有神

波紋清徹數行斜自許臨池別一家萬斛珠泉奔渴鱗
千叢菱芡走驚蛇乍疑韓氏溝中葉轉覺江郎夢裡花
莫訝遺文天外散才人自古在長沙

海門秋夜月清虛陣陣奇文映碧渠蝌蚪篆形應未似
鵝池筆法較何如千行莫比紛紛檄一字猶勝咄咄書

但識天南人尚在鸞箋不必付雙魚

春深斂翼自南歸涼氣乘秋漸北飛旋轉或辭蘇蕙巧
韻頗肯令右軍肥千封墨勅何須紙三易麟編不用韋
若使聲聞同皓鶴紀官未許列罪微

禹穴幽探載九疇江皋題徧幾春秋魚吞墨氣松烟集
月照銀波玉筋流不羨鷄班尋次第還從鷗侶共沉浮
著書終日緣何事好待鷄林倍價求

七十初度從子且易以詩見貽次韻答之
松梅格韻鶴精神敢曰今人非昔人赤管媿無臺史筆
白頭羞過孝廉春王計武陵家漸薄握符離水老還貧
幸有封胡與遏末嘯歌不厭往來頻

再用韻自嘲
臣生正月甲子朔辱在泥塗已七旬竹韻夜敲清鶴夢
松濤晨起奮龍鱗常翻貝葉開心眼時進香醪送老貧
麋鹿爲群雲作侶飄然世外一山人

重九喜晴
一秋何事雨侵尋喜報朝曦恰向晨重九難逢晴戊子
七旬不必守庚申支離病骨蠶眠後脫落丰神蝶夢頻
更笑禿頭無帽落杖藜野望任吾真

夏承春
字廣生存廉愷公之仲子也弱冠文舉
起與弟統春偕春俱有聲貴序年康公故遺
清白而公昆季風流儒雅輕財好客有秦川公子
之風賓從棋酒之盛歡劇彌日晚乃落拓出遊有
所獲輒錄手而盡性喜蓄書尤精于鑒古凡法書
各書以及彝敦器物之款識皆能辨其真贋不爲

苟同司寇龍驤公獨賢時一見即目為棟梁獨
以其子妻之其博雅能知人如此所著有聯發集
數十

從樅川歸里門

輟櫂樅水湄直趨里門道亂後無居人阡陌蒙荒草避
難難方殷言歸故山好故山暫小康幸脫鯨波早望中
廬舍空孤城寒日杲塞裳過舊墟投淚訊遺老殷勤爲
致辭歲時好相保

不寐

閤夜閉窓眠殘燭光猶耿天寒虫已蟄四壁虛且靜散
枕苦不寐鄉遙宵更永側耳曙雞啼簷日逗線影風吹
木聲枯霜覆山殿冷歲晏孰華子浪跡如漂梗賴有鐘

梵音可以登派省

餘姚河水拾舟登陸

羈人昧節候留滯海東島歲晏無知音薄俗賤衰老悵
然理歸楫束裝苦不早垂野多陰雲彌望但荒草水國
值霜宵堅冰結殘潦舟停不得前去任縈懷抱大力難
負趨長年面如槁近寒陽氣微旭日空杲杲凝結帶洲
嶼晶瑩涵待藻待冲屬何時登陸就前道自勉勉僕夫
岐路煩探討

姚若侯新買山莊奉尊人併伯仲往游余與張仲

友亦與詩限洞字

同心得向禽忘年交伯仲山水挈我游登臨浣塵夢淪

泉沛寒流披榛搜古洞霜鳥聲啁嘈竹風影搖動村翁
解祝雞狂客喜歌鳳買山豈畏嘲招隱可托諷磐石坐
多時瑤琴思一弄日暮酒莫沽且盡携來窺

歸汎彭蠡舟中望匡廬

夙昔慕匡廬挺秀甲區宇背江面向湖山澤氣吞吐蠡
影薄霄漢措趾卑培塿翠峯連綿傾欹石支拄絢想
康樂鞅更憶遠公塵法會集群英玄風暢千古一抹黛
色濃青生夜來雨衰年雖力疲餘興猶堪賈死葬骨也
清三復昔人語

同江向若戴東先吳湯日赴姚戊生瑞隱窩之招
分得樹字

積雨霽山城簷日忽已露忻赴山澤招藍輿不待具
葩耀陽林纖草侵樵路主人候荆扉慰客停芒屨高軒
映朝暾前峰開宿霧緩步聽潺湲披襟抒情懷林間酣
花蜂溪閒窺魚鷺漉酒憶陶潛投簪美疏傳既秉嘉遜
心無復當時務倦鳥歸遙墟流雲胥高樹觴咏最怡人
淹留不覺暮

悼亡二首

及笄登我堂便爲姑舅恤賦性能宛柔束身常栗栗
勉五十年萬有八千日數歷寒暄多寧怨居諸疾夙締
緣有期訣絕在倉卒見雖達鼓盆情實慘慙瑟霜葉隕
梧桐秋聲動蟋蟀腹悲惟自知含悽向誰述可望不可

親安得少君術

曉起拂靈床黯黯流塵積淒風吹總帷陰壁寒螢泣宵
燈焰尚存露下庭蕪濕日月忽不淹修途追莫及觸目
隨所之宛宛多舊跡乖別當暮年哀至淚反澁更無同
心人與我性相習彷彿想音容倚杖時獨立落日下簾
櫳空堂愁復入

冬日過若侯山齋同其尊人戊生諸郎魯齋敬齋
夜坐深談明日齡若始至復有寶山之遊二首

畫家評冬山黯淡形如臥我來自城郭淒淒谷風高
林葉已稀寒巢影欲墮撫景何蕭條游情愈無那徑轉
見精廬雲烟生几座少長欣已集珠玉生咳唾淳之與
敬弘物外交情播日暮閉軒窓待燭擁爐坐盤餐薦竹
厨蔬酒熟山稷欵欵話中宵天明又唱和

隔嶺有蘭若凌晨同一過墜葉聲淅瀝霜氣滿山阿逶
迤沿溪路路盡石嵯峨飛泉界蒼壁冷如鳴珂陟巖
窮其源雙檜遙婆娑老僧解憐客圖蔬挑霜科爲我壺
觴佐不覺癡顏酡歸途喜幽峻援葛更攀蘿濟勝具猶
健少憩見庭柯驅寒更命酒遑問夜如何

亡室再遇

日月逝不停歲運復再遇含淚寒素帷黯黯烟煤浮果
蔬薦時物魂兮歸來否撫几發一慟中心怒如抽有生
苦未足殘軀爲我留追念平生懽恍惚如夢游前期雖

有待觸目多煩憂但願偕長夜逍遙松柏丘

重九雨中集姚翼侯齋頭得志字

山城夜風雨散枕杳難寐曉起樹披離黃葉紛委地中
心悵有違阻我登高意華軒幸見招盆菊頗明媚雖未
傍芳叢亦自有幽致日暮簾旌搖蕭蕭來朔吹初寒易
中人曲室聊可避爐熾熾炭紅杯浮竹葉翠夜深秉燭
遊寧與清暉異一觴一咏問老人多壯志

壬寅元旦有述

昨宵歲云除茲歲又首旦昧爽攬寒裘耿耿銀燭燦起
視星在天畢昂何凌亂四序自推遷萬類任合散人無
九仙骨安能保恒幹余年今七十祇見流光換挈爾子
與孫出郭一臨眺新果猶未嬰身輕如離絀路轉杖不
顛風故憤仍岸輿盡返吾廬庖人方舉案樽內湛椒漿
爐中然獸炭醉咏南華篇語語非淒漫

九日與仲寬弟及諸子孫輩登西山

西山在疇昔比屋環山聚舍北一徑迤邐風景必赴吹
管復彈絲曲悞周郎顧寒食與重九不肯令虛度爲樂
正及時戎馬東西驚塵市民居空彌望榛莽濩嗟陵
谷遷人匪金石固捨攘十餘年天運方回步茲逢落帽
晨還尋載酒路雲烟不改色城郭亦如故兄弟兩人在
子孫四代具衰宗賴有此觥籌莫教任黃花發廢墟紅
葉翻高樹更喜日晴和從朝又至暮

初寒

四運何密移殘歲又相逼蕭蕭風異響黯黯雲一色微
霰下疎柯棲禽亦斂翼荒居畏飄搖繁慮無寧刻爐炭
燼爲灰簪日曝欲晏天道愍悠悠人事亦默默欲就仁
祖餉慚乞淵明食老大空復悲年少不努力

秋霽同李未盡當衡家弟仲寬過無作上人

遙墟散積陰霜空何明迥出郭紆幽踪展喜至友並白
雲帶峰腰丹霞冠楓頂巖阿有頭陀茅堂屬新肯朝誦
簪駁遲夜禪龕燈炳對之肅心形玄言資苦茗日暮渡
溪橋歸路烟未冥

借李當衡訪山利因留宿卽事

信宿欵柴門踐罷雞黍約主客與猶踪前峰共探索丹
葩覆溪流綠葉蔭林薄風度笠影散磴轉筇力弱危巖
拔地起勢可並盧霍迤從一徑通三面形如削屢休方
得躋老僧見喜躍午鐘聲未殘清齋絕藜藿少憩陟高
層四眺天宇濶衆山如培塿嵯峨失所著地際露湖光
烟中辨墟落巖深日易沉可以理歸屨同來三五人留
者我與若逍遙石巖畔乳泉當一勺踟躕暇色昏竹扉
早已縛緇叟寬僧律共客有杯酌環論返齊諧微醺勝
魯柏樹迴無棲禽離跡見陰燭中宵千仞嶺一榻忻有
託耳聆磬梵音夢洗塵土惡曉日忽瞳瞳寒霧尚漠漠
安能久作緣悵然返城郭

澆糟行

律窮晷短逼殘年東雲驅雪飛翩翾欲覓酒管無一錢
何以遣此寒宵天適有餽我糟且鮮不覺對之口流涎
呼童搏取握且堅指縫流出何涓涓須臾盈缶色泯然
誰論清聖與濁賢煨向爐頭松火煎陶然一醉穩余眠
喜吳莘卿彥先昆仲携網得魚

已有臨淵羨何期載網過舉觴忻有佐彈缺可無歌宿
霧收山寺涼風起薜蘿好朋殊可戀况復在巖阿

雨後厭蛙

蛙聲喧雨夜曾未片時休聊作公私判難堪鼓吹幽不
離三步外直達五更頭明發呼童子敲針作釣鈎

對月

霽月圓當戶人生能幾逢一廬居是餓孤魄照偏容林
繞風枝鵲叢吟露草虫雖無酒堪醉靜對托微悰

煮雪

驟雪忽盈堦於貧况味宜握來輕有質煨後漸無漸候
沸投仙茗隨香淪古瓷玉川三啜後習習腋風吹

新燕來

江燕何微渺能諳節候交一從余卜宅兩見爾營巢簷
敞雙飛入梁空對語啁物情深可戀門掩畏人敲

苦雨

春晚雨綿綿寒裘著欲穿絲常縈樹杪雷不斷簷前巷

僻無人跡裴空負酒錢悄然無一事趺坐疊青氈

乘潮至慈谿

晚泊舸依沙遶窓月影斜權幾蟄水國鴻不到天涯半
夜聞潮起長年解纜誰乘流飄忽去已見曙城鴉

喜逢潘若狷勸其歸里

逆旅相逢夜風寒城漏微自言五斗累不遣一身歸細
酌忘憂酒兼商出世薇盡隨予返權同掩故園扉

同李未盡當衡尋河東諸新建蘭若

出郭沿溪路僧寮隱竹籬雲昏防雨驟筇弱怯橋危久
沒荒榛闢方新梵宇垂冷冷鐘磬接何惜路逶迤

漱石亭同諸友聽李葵陽說楞嚴二首

竹塲已幽絕於談法更宜溪雲度雨去茶鼎傍泉支不

復嚴僧律堪付入社眉縱言難了悟殊勝未聽時

士謙推往哲君克紹前徽博識通無際微言會有歸澗

聲喧講席竹氣薄絺衣聽罷還山郭孤亭澹夕暉

游披雪洞

並屐衝蒼靄游情一往深日摩高岫頂酒置半巖陰流
時閱終古登臨逝至今石鐫荒蘚合讀罷恣長吟

抵饒州寓永福寺

僧寮榻許借暫可憩身心帆影過城堞塔端巢水禽鄉
程春樹斷旅夢曉鐘侵不悟無生理塵緣空復深

看歸雁

嘹唳春初雁歸聲不可聞群離南浦雪行逆北風雲路
向胡天闊情於澤國殷倚簷聊送目那禁思紛紛

過姚戊生山館看桃花

陟嶽見茅屋主人倚杖斜寒蘿掃石几留客看桃花水
濯一溪錦雲蒸半嶺霞翩翩雙蛺蝶來去意無涯

清明登西山

不期風雨霽相與快良辰日暖尋芳徑天憐香老人顏
酡春酒冽岫碧晚烟勻還憶百年內茲山登幾巡

城外觀劇還過李當衡齋中留飲

觀止逢場戲歸筇爲爾停晚來深巷靜雨過小窓聽殘
竿依紅燭鄰家續綠醺恣情談往事不覺醉還醒

望外孫姚注若治其邀過古塘看荷花

高樹午陰繁筇停郭外村溪風涼解帶荷氣馥迎尊白

鳥翠微映綠疇新稼盈夕陽西漸落峰影到籬門

仲寬弟携酒邀同過瑞隱山房

雖是秋爲氣茅堂肅更閒白衣先載酒紅葉已盈山歸
壑泉聲小迎霜穡事刪前峰忽送雨歸屐任蹒跚

姚戊生以遠寄花露酒分惠賦此答謝

昔爲於越客花露酒曾嘗其味別來久餘香入夢常多
君分遠貺遣使到荒堂正及春寒夜溫生琥珀光

夏日遊姚若侯山齋

新篁翳谷口樵徑達柴關峰翠四圍合雲陰一片閒衰

顏宜對酒暑氣不侵山去郭無多路何嫌數往還

雨後同李當衡東郭眺望歸留小飲

年衰無至友杖喜與君并山色青回雨溪流白繞城欵
扉留倦展却塵盡餘觥更戀紅薇蕊垂垂照眼明

姚駕侯涉園茅亭落成二首

爲亭聊寄傲日涉有餘閒坐待城中酒飲看簷際山池
萍風定合林鳥日哺還好與園丁約余來莫掩關
傍郭營三畝誅茅葺一丘引來隣苑竹靜對此君幽疊
石堪爲几臨池不必樓縱橫十笏地儘可錯觥籌

夜喜李未盡見過

僻巷犬迎吹知君過我廬杖語三徑熟扉啓一燈初促
膝逢遙夜高談慰索居荒樽殊未竭城月滿前除

姚東朗邀遊爽園

緩步秋郊外秋風吹鬢涼葉聲霜後厲山氣晚來蒼飲
量隨年減吟情逐景長爲君拚一醉不負菊花黃

出門遇李未盡同至城南蘭若

老友出門遇招提共叩關日行冬至緩人到古稀閒衰
草夕陽路遠天殘雪山沙彌能淪茗啜罷數杯還

哭姚戊生二首

青陽纔獻歲桑扈返其真暮齒寧多日傷心哭故人風
颭三徑竹書掩一床塵惆悵軒前月清光空滿輪
六十年來友交情晚更真溪山不獨眺肴核待予陳精

爽嗟何往追陪跡尚新生芻聊一束不媿故人貧

午日前一夜露坐有感

日落衡門掩空階露氣微年衰諸病集交久故人稀白
髮刈將禿青山顙已違泛蒲觴罷後又復檢生衣

七夕立秋有感

立秋逢七夕兩節忽交加榮落看朝槿喧涼促歲華筭
無衣可曝隣有酒難除戚友凋零盡徒將往事嗟

歲之二日飲象九姪喜左子兼至限春字

白髮翁遲暮烏衣巷早春恰虛未滿座喜到解吟人事
往嗟無及時危族可親暖將和杖屐飲取歲華新

過北園有感

隔岸過橋路依然跡可尋主人成異物遊侶少同心樹
色團青竊亭簷列碧岑獨憐霜髮叟薤露爲君吟

苦雨

原憲貧非病江淹恨本真何堪半月雨似窘暮年人潦
集庭前地徽斑架上巾茅簷纔任雷又響一番新

閒眺西山

蹠屐雙塘路水涵嵐翠沉漸衰疎柳影少韻病蟬吟蘭
若過橋近秋光入院深不知投老客惟愛白雲岑

同李當衡家仲寬弟南郊卽事

一筇隨所適到處愜幽尋綠竹暗晴塲黃鸝逗午音家
家面疏圃岸岸引溪潄更值同心友閒恬半日心

贈李當衡

平生二三友世外締交真相與謝開達脩然學隱淪我
叨一紀長君亦六旬人著述千秋事諮詢莫厭煩

冬至作

歲殘逢至日且喜一陽回雖未嚴寒減應將弱線催酒
沽來隔院火爐撥餘灰待雪融山路看梅到水隈

雪中憶李未盡

不知宵有雪曉起壓柴關照我室中壁憶君門外山擁
爐看不厭曳杖意何閒一片凝寒色千巖萬壑間

送四弟之建寧

汀洲草樹歇春暉送爾心隨去鳥飛時值麥秋艱旅食
路經梅雨潤征衣家貧骨肉團圓少世訛間開音信稀
到日若逢賢地主買山錢足早言歸

過姚戊生新營別業

羨君一榻寢于千無復鳴騶向耳呼花萎殘紅春欲盡
林垂濃綠日將晡纔依籬落開三徑未得增頭過一壺
却話故山從別後東風幾度長蘼蕪

過林生洲舊居有感

竹林游散邈何年人事天時幾變遷廢苑有花猶爛熳
野泉無主更潺湲黃公墟畔餘黃土白社池頭空白烟
此日經過倍惆悵不堪聞笛夕陽邊

哭內兄倪玄度

避難歸來情更親尋常雞黍亦論文何期白玉樓需記
遂使黃泉路獨分桑扈返真寧有友遠公開社恨無君
可憐垂老知交盡又見天風折雁群

次韻和楊蘭似雪中見寄

雲暗千峰鳥絕飛朔風吹雪犯簾衣寒將逼歲歲云暮
我亦懷君君盍歸敲吟瑤華篇有致益令丘壑願難違
黃虞世遠人安適好向春山學采薇

同姚戊生泊東梁山登絕頂

來往風帆曾數過遙窵徒羨勢嗟峨忽逢倦櫂停江渚
得趣殘陽到薜蘿絕頂老僧供茗椀橫江孤雀掠漁蓑
踟躕未盡登臨興無奈烟光向夕何

雨抵東陽暫憩隱竹菴

楚雨淒風欲暮天禪宮遙羨隔林烟新篁蒙翳藏雙徑
行李沾濡息一肩磬罷溪聲喧到枕櫺疎月色冷侵氈
驚魂栩栩回殘夢猶在危橋斷岸邊

同諸友登北山

故山風景尚依然此日登臨憶昔年一自里經多難後
幾人星散老夫前閒雲漠漠籠殘照遠水潺潺咽逝川
扶醉步歸城郭近晚鐘浮動萬家烟

別方爾止歸桐留飲

草堂尊酒屬離筵話及行藏倍黯然在世忽逢天地閉
論交還訂向禽緣冥冥鴻路高侵漢謾謾松風冷入絃

別後相思何處切夜燈秋雨滴窓前

同姚聖幹左子兼家弟仲寬過別峰菴

秋樹陰森葉未摧精藍遙在碧雲隈犬如華子岡頭吠
人在山陰道上來鐘定僧閒供茗椀天青月白照香臺
陶潛入社難除酒許我携尊看早梅

冬至

孤筇轉徙向天涯旅食悠悠節候移却喜陽光添一線
難教霜鬢減千絲夢徵還筆猶就句年近懸車尚履危
慙是饑來驅我出半生容易與鄉離

喜友人見過新居

每向青山去意多不期髮白竟蹉跎雖無俗韻驚猿雀
時有閒情到薜蘿栖覓一枝仍是借徑開門仲僅能過
向平五岳空存願共奈桑榆暮景何

連雨喜未盡見過留飲

堦草纔除雨又滋殘編拋去倦支頤盤空飡欲添藜藿
薪盡災將及展屢蹀躞聲離落外脚踟躕霽色夕陽時
多君好我能來往小酌西窓豈預期

歲暮還家

墟里蕭條歲欲除遙瞻衡宇意次且數千里外歸無恙
盡一家中慶有餘不諱屠蘇分少長已拚霜鬢付居諸
雖然旅橐稱羞澁春社徵錢亦可醪

元夕飲姚翼侯宅共燈宇

雪映長廊月漸升華堂垂幕集親朋人矜歲以茲宵重
酒較壽於往日增銅漏頻催猶把盞銀花屢燼更挑燈
君家樂事予長預春至青山又可登

同張仲友家仲寬弟過古公禪房

緩步秋郊葉未黃相携共叩遠公房暫乘半日身閒暇
靜聽彌天舌廣長一簇雲山晴入戶數竿風竹影搖牆
爭緣於我何無分投老猶難與世忘

左子兼兄弟治具邀同廣陵周驤伯梁子武遊龍

眠暮宿獅子社

同人竟日探幽去山色秋深覺更妍一杖高低黃葉路
千峰向背夕陽天僧能借榻堪留飲客解吹笙可廢眠
林月滿除尊未竭不知今夕與何偏

同楊蘭似過爽園賦得看竹何須問主人

郭外園亭山半橫新篁初引綠陰輕此君即可供酬酢
幽境那從覓送迎門掩閒僧爲啓鑰林深野鳥自呼名
偶來嘯咏殊多致誰道王猷不近情

遊釣魚寺

寺背山椒面向河岸邊盤石更婆婆不知垂釣人何代
猶有遺踪客可過霜葉隨風飄水際灘聲終日響巖阿
淹留莫羨歸林鳥已有閒心眷薜蘿

吳雲間有詩見贈依韻答和

因十芳隣徙宅來不圖三徑果予開酒於暮夜偏多典

和屬陽春不易裁
秋老踈籬黃綻菊
霜晴暖砌綠留苔
衰年萬事都捐却
無復閒心賦七哀

除夜

雙燈焰冷總帷垂
薦罷蔬羹淚滿顰
榻上浮塵留鼠跡
壁邊僵瑟脆風絲
柔榆不恨流光速
泉路翻嗟晤語遲
白髮蕭然當此夜
癯形只欠一披緇

暮春同李當衡過未盡山居二首

青冥路入四山虛
十畝閒閒隱者居
薄俗與君同厭棄
幽棲先我得蕭疎
繞籬抱甕捐機事
踞石看泉挾道書
從此便爲嘉遯客
多情猿雀莫踟蹰

一泉宛轉漱哈呀
飯罷提壺徑未賒
石上蒲根流不動
巖端林葉蔭全遮
就潭挹水烹新茗
隔岫看雲變早霞
尚可比隣分數畝
綠溪青嶂卽移家

張伯頰別四十餘年偶過桐飲我賦此贈送伯頰
在前朝曾爲副總戎

別久事多天寶遺
與君細話淚交頤
相逢顏面俱非舊
不道姓名知是誰
酒注杯深春晝永
雨沾裘重客程遲
青門好卜歸休地
設說曾驅數萬師

祝山如以新刻佳稿過門見示恨未及面作此謝之

老向騷壇學息機
賞音識道竊心知
已憑時論推何遜
不復逢人說項斯
深掩荒扉休夏日
朗吟秀句動涼颼

微才何敢當遙擲
調絕深慚屬和遲

初冬送李未盡之豫章

江澄如練淨寒姿
五兩風兼雁影遲
潮落岬高舟泊處
村荒酒遠月斜時
家貧未免餓驅出
歲晏無爲醴設羈
到日滕王江閣上
爲予一拭舊題詩

予以壬寅三月十八日初度七旬鬢嶺李未盡於

次月初五亦是七旬予不耐人事邀同李當衡
家弟仲寬造鬢嶺避焉有作

春夏之交廿日內與君俱是古稀年
不堪禮法繩稽阮
聊向雲烟伴僊佺
室內琴書樽內酒
籬邊松竹澗邊泉
一觴一咏騰騰醉
漫擬吾儕是葛天

偶題

支離病骨慵朝起
拂罷琴書試啓關
三徑草深無客到
一林烟合有鶯刪
區區禮法寬吾老
落落襟期與世閒
更喜鬢髮純是白
不留纖黑雜其間

秋半過姚戊生山堂

孤情久不樂人間
每向幽栖喜叩關
霜近紅先獨樹葉
雨餘青匝四圍山
繞畦曳杖忻秋稔
對酒論心到夜閒
地迥免聞城漏促
溪聲枕畔益潺湲

秋日苦雨

天時人事不相謀
宜雨宜晴乖所求
入夏平疇逢旱魃
及秋下濕怒陽侯
打門畏有催租吏
問字嗟無載酒儔

僻巷泥深三徑沒綠苔滋蔓上墻頭

姚翼侯携具招同蕙若上人遊投子山

風葉颼颼秋暮天扶筇遙指翠微邊
沒來古徑無完砌墮後殘碑失舊鐫
因嘆禪宮亦銷歇何疑人世不推遷
山僧清論同支許說到忘情復惘然

冬夜同李太素祝山如集石逋宅

歸自山中歲暮天俾來聞信意欣然
一尊話戀二三友半榻書分內外篇
說有長星當夜見便將殘酒醉筵前
數竿簷際蕭蕭竹亦解敲聲到耳邊

聞蟬

古木森森蔭四圍鳴蟬何事背人飛
嘶如猿嶺吹笙刺豔似湘靈鼓瑟
驚風恬勝自便涼生暑退韻應微
可憐遷去情難默又弄新聲送晚暉

壽與疎禪師

空門雖不貴長年遠慧精勤老更堅
入夜觀心蓮露畔及哺送客虎溪前
偶隨甲子週僧臘久住林泉謝世緣
丈室可容獅子座應知獻瑞有諸天

過李未盡山莊

未至君家方里許嶺頭風雨妬山行
衣燎松火迴身暖門咽溪聲到耳清
呼取隣翁堪對飲擁來蠻翠正浮觥
中宵已有疎星見明日應邀一日晴

送春

四月一日春告歸榴花綠蔭荒園屏
明時好友舍我晚節末路與心違
拚老何用流光惜航空聊將釋氏依
惟有苦吟習未遣驚人猶憶謝玄暉

送曾孫入塾

手挈衰宗四代兒殷勤託汝隔垣師
時違朱紫非吾願年富青藍任爾爲
勉赴笈書趨北面好拋竹馬挂東籬
可憐士子常爲士嚼蠟明知不忍墮

同楊蘭似拜謝中隱先生墓三首

一從桑扈返天真高塚纍纍春復春
可嘆人間多事日不如泉下穩眠人

烟草風榛絕四隣誰能到此不沾襟
他年往事同流水此日餘生哭故墳
爲嗟人世都如幻幻到君邊數更奇
身後兒隨同伯道女離鄉去似文姬

立秋日喜秋葵便開

忽聞高樹曉啼鴉蝶散空床幽夢賒
種得秋葵期不爽

龍眠風雅卷二十四目錄

木厓潘 江蜀藻輯

京口程世英千一

同里周孚先信臣

張秉貞 九首

吳紹廉 十三首

方象乾 二首

戴君擢 二首

方元芳 八首

張秉成 十首

葉士璋 六首

周法祖 十二首

馬懋勳 二首

程冲然 十三首

齊登閣 八首

方聯芳 三首

倪自清 十八首

方孟圖 六首

胡學華 三首

方叔 三首

龍眠風雅卷二十四

木厓潘 江蜀藻輯

張秉貞 字元之號坤安崇禎辛未進士除戶部主事

體累官遷憲所至職辦順治初以祠部擢通政使

隱年拜刑部尚書公以名家子播染典故善推情

尚書與校卜者再時極政繁劇以運籌勞率于

遇之渥莫與爲儔公端凝厚重深於經術早年樓

心禪悅與古德者相和擊晚嗜程朱之學古文

解詩歌皆有根柢所著卽心卽佛說及石林問答

草諸稿行于世

感賦二首

皇國弘汲引恩禮被南冠刺缺延渠屋珠炊給大官嬾

就賓客少疎倖網羅寬獨張清酒瓊瓊家淚不乾

寺尋花太隣家貴酒歸倦禽遭戈慕卑敢言飛

君出予留辨屢睜眼憐同病落狂花不知灰價何人債

只覺生多夢裏家矍鑠殘年扶壯氣逗遛香骨掩平沙

朝官設遣重壇祭更晉崇階下白麻

長歸可有歸欣喜大別應無別苦辛七尺昂藏甘報主

四知精爽合爲神衣裳後閣還諸妾絮酒空庭哭故人

生死眼前誰得啜多君貧老未閒身

卜居

爲卜閒樓且退藏荒除野性共蒼涼衝簾雨氣疎燈濕

拂座花風散帙香蟲急殘吟依近戶燕遲三宿戀空梁
飄飄久客居初定只有移文愧草堂

官閒

浪跡都忘進退身曠懷自覺老能真淋漓酒興難言去
曲折禁思嬾應人天幸已多休服藥此生猶剩敢辭貧
官閒更許叨休沐衣布長安一隱淪

秋懷

短鬢微霜已半侵不將分寸惜光陰便逢伯樂寧辭顧
縱有鍾期亦罷琴高閣束書憐病眼蒲團結坐護殘心
日來偶爲重陽菊閒去籬邊一再尋

和薛大司成署中竹韻二首

雲根移種綠筠深曲榭時氣清涼翠幕容嚴暑到
蕭疎偏引惠風臨當軒頓洗驚塵眼橫月時開問夜心
長日貪看官是主平安應憶故園林

一徑莓苔別院深數竿修竹影森森坐緣獨對成良久
客爲來看屢過臨涼氣曾通仙史夢青陰猶見故人心
幸逢封事稀旁午疑是閒身入故林

吳紹廉

字不食號無咎邑諸生大衆晚山公之孫也
好古博學工吟咏屢困舉場年甫四十從子
國琦舉進士夢其祖告之曰貴不及子矣遂棄去
帖括研究理與天童博山相印證緯有領悟以
冠觀南渡半騎走京師客從子所歲元正忽戒裝
起歸抵舍三日卒戒妻子勿哭曰吾適旋非無意
也所著飲泉亭集
漸先正多稱之

憶家

谿山既點藹松杉亦不疎繞屋皆稻田清渠灌有餘昔
擬偕妻子樂此衙門居詎意扁舟情辭我舊門閭林寂
鳥應笑徑閒花亦舒交知無一過酒盞塵未除思兒時
說夢生女貌異初昨夜秋鴻來遺我天際書窮達固有
命去住當何如

葛嶺

岩峩出衆嶺樓閣空中開天風振脩羽忽上初陽臺落
霞動危石古井迷青苔想像鍊丹人跨鶴時復來對此
澄湖光心迹曠無埃似擲浮丘袖暢焉臨九垓

觀打鰮魚

五月鰮魚來皖口橫江日出船齊走細網輕絲網不
雪鰮渾入漁人手入市賣鮮俱一空得錢爛醉抵蓬
待到晚涼搖舫健妻兒飽飯從長風

維揚古意

春風吹野花如雪柳花自與桃花別柳花落盡江濤深
江波到有江頭樵江頭客子趁殘春踏遍維揚古陌塵
芳草不留朝代跡錦帆牽水是何人當時行樂逐妖冶
朝朝暮暮迷樓下今日新城非故城夕烟望斷隋宮瓦

早發

潮褪江門曙歸舟不肯眠星疎低拂水樹遠澹依天省
議前洲路因辭一港烟去來帆上月飄泊幾回圓

金山寺二首

古寺江心出洪流倒案前雨花紛浪沫雲葉過爐烟水
逝空長住山擎石盡懸嵌崑逢老衲春到始知年
霽景澹如秋平波漾不流海門雙闕峙天塹一營收古
殿盤馴鴿危欄狎野鷗山川望南紀處處拱神州

雪僧

久事參尋歷百城如今立地證無生衣幢盡脫風塵垢
瓶鉢俱涵水乳清香象截流元是悟白牛露地本非情
何須日出看獅子色卽是空當下明

雪夜東謝中隱

一室爐存銅雀冷疎林雪淨玉繩橫閉門不見先生迹
高卧誰知處士名臘凍到盤畦菜小陽生入手酒杯清
故火咫尺山陰隔憶兩袖思臆已成

漢陽峰

登嶽還奇峰漢陽爲絕頂座上漢陽來望中楚天迥

綠羅菴

清公宴坐處繞屋皆蒼苔冉冉石上雲朝夕待君來
爲傳遠度畫扇并題

峰明可數葉堪聽幽徑無人戶亦扃誰汎小舸來問訊
湖風吹過浪花腥

上七絕句

獻歲連朝總是晴鴈行歷歷過空明作書似亦知今日
牽起江南塞北情

方象乾

字聖則號廣野一號聞菴岡卿冲舍公之第
三子崇禎間恩貢初授監紀通判以督餉勲
冠升廣東高州府海防同知退後復有以督餉勲
府同知督師海上有散花神女助陣之異歷任至
兵備副使未幾解綬流寓廣州韋村病卒公慷慨
負氣節振人之急不憚殫身營救有古人風義惜
其集不傳

廣州懷四弟明菴五弟坦菴

嗟余同氣剩三人異地應憐多難身棕水可容垂釣叟
鍾山猶有種瓜臣頻年獨夢傷池草萬里分飛感鴈賓
極目樓槍何日靖蕭然百口累風塵

喜弟姪登第念幟戡兩兒

間開貧病厭餘生南阮驚傳北阮名豹變共推新國士
貂寒應滯舊江城忍饑還用開荒畝守拙寧辭困短檠

歸老但能循吏志長將興姓答昇平

戴君擢

字傳卿號懸壺水歲貢生早孤母趙年二十失
節教之成立以年資貢禮部授和州訓導改
建學官科名蔚起
和人士至今誦之

思鄉

老年猶作客念念故鄉懸廬舍何須計松楸最可憐四
時新孰薦三鼎亂全愆不爲兵戈阻歸來掃墓田

冠警憶兒

傳聞羣盜躡濤陽西望枌榆最可傷負郭原無三畝宅
渡江又怯九秋霜汝真進退皆成谷我亦行藏枉斷腸
蕭寺掩門清晝裏霏霏雨雪倍淒涼

方元芳

字郁枝性敏嗜書學家有松鶴樓多藏書假者
難之公曰據先人之書者未必請讀先人之

書者不必有歲必計筆耕資購
書數十卷卒之日積五積焉

題天筆山房爲從兄壺山先生賦

吾生耕以筆數口苦經營天公筆不耕萬仞掃烟雲上
凝星與斗不以蘸滄溟不畫金粟影不寫黃庭經問汝
何所益植立亘古今答曰爾何識兩儀自吾闢日月點
天晴山川充地質太極既分明故向此中立蒼秀撼千
峯高寒攝太乙若爾三寸管碌碌供人役惟有壺山人
握我如椽筆

天柱峰如椽筆伐穎原不自中山更名更不循不聿混
沌是視雲烟爲墨絢出文章自一家繪成江山生五色
亘古猶然潤至今亦不禿不向夢中授江郎惟與壺山
相對抱我謂而今無巨靈一枝高插與天橫幾欲搗來
紀三品無才應似鍾繇等如君意氣自非常萬仞揮毫
筆力强紫霧彩雲都助趣投向玉關殊快意

過小關

故鄉容易過出境便增愁紫氣關前繞晴雲望裏收山
高天欲落日暝鳥知留前路無多少停車怯阻修

讀桂林公詩

從來臣節幾人昭忠直如公翊聖朝繡斧不成無罪獄
文旌能格逆行苗桂林八月風何遠松鶴千齡雲自飄
七世未泯君子澤誰將青史著芳標

讀李廉石洲公詩

天欲李廉爲砥柱先生故老不之官一經地僻塵霧遠
六逸名齊賓主懽公與何宗堯吳用宣趙子恒養志豈
窺遺橐事詳厚張以韶彭惟善以理學倡孫子松鶴梅花寄羽翰

過五溪橋

佛在須彌頂誦聲響如雷天台良可度度此卽如來

舟中美人

自信心如水身輕一葉舟風狂猶欲渡到處逐郎遊

出家美人

卸却紅塵路空中色更殊莊嚴花上像若個不如無

張秉成

字欽之大參懷琴公之仲孫也崇禎間歲貢
舉授縣令兄方伯公不肖過之入歲日

黃幾萬餘卷九酷嗜濫洛之學纂輯四書性理大
全稿凡數易嘗語人曰此千古聖賢相授受精義
外此皆糟粕耳年五十有五以諸生久次貢大廷
未及對而卒所著詩有學未草甲方正學先生其
也

夏日同五友遊菁園

種竹近千竿三五可盈把隙地結茅亭客來亦瀟灑坐
久欲生寒沽酒命杯竿樵叟世情疎老衲塵緣寡相對
有餘懽安問俗與雅遲遲今日遊林下且繫馬試問五
人中誰是能閒者

懷汪君酬

杖策出門去于今越兩旬早霜堆短鬢層雪滯征輪客

况親僮僕鄉心問友人懷君不能寐此際向誰陳

送別王化卿

十載顏依舊因知道氣全萍踪能混俗跌坐且逃禪
何多留越征鞍恰返燕如何又行役孤櫂入風烟

逢野老

偶逢野叟日將斜笑指前村是我家春罷新秔堪作飯
汲來活水便烹茶開門翠借羣峰色掃徑風來隔岸花
草榻躬躬新月上且同兒女話桑麻

秋來

秋來閉戶卧茅茨不似從前掃軌時少婦整粧慚我老
明師捲卷嘆兒癡未知何日忘愁積難得閒懷想舊詩
樂向佛光消宿業却同野衲誦新經

有感

青絲鏡裏已添霜何事續紛尚著忙不笑眼前安塞劣
還愁身後更郎當有書慵讀空懸閣無客同遊恹舉觴
却怪牽衣雙穉女鉛花猶索過年粧

貧園懷陳文若

俠骨凌千秋山川供爾傲爲看日暮雲空傍竹籬笑

居菁園

隙地結茅亭亭前梅與竹有聲逐耳來活水流空谷

孤憤詩

三十年來學草真筆頭瘞冢太嶙峋猶同兒子爭歪正

幾路紅描上大人

弔方孝孺先生

先生不草奉天詔正見 高皇大用時始信讀書爭是
字却令十族盡誅夷

葉士璋

字允男號玉山大宗伯曾城公之長子也以
習屢試于主司技藝先登不知其爲長者家兒也
好讀書手把一卷至老不輟見人文字一語之善
輒揚弗去口尤獎引寒素不惜解推單門後進
其成就者甚衆晚歲自訂玉山課兒草先正典刑
至今在人口頰間有娛
竹山房詩稿藏于家

寄贈董孔昭

宰官身是寄禪悅味猶真不必離塵世居然現法身庭
除皆淨土杖履亦禪因欲學無生理從君一問津

寄贈朱子葵

只道玄亭遠那知咫尺間相思不命駕徐步即開關弦
誦聲相接雲烟騰一灣抱琴如有意來往未爲艱

體元寅丈之任詩以餞之

輕舟猶未發想像已登仙不但之官好兼知遊興便青
徐雲亘野吳楚樹含烟繫艇聊舒望悠然別一天

容臺署中作

悠悠冷署動經年徙倚庭除思悄然風送鳥聲垂蚤讀
月迴簾影待遲眠柴荆晝閉非耽寂步屨閒行亦懶旋
我自迂疎成小隱休言俗吏是神仙

送三弟還里門

聚首長安已一春
翩翩喜見錦袍新
花看上苑名纔曉
路入家園夢轉頻
駿市千金渾得價
囊餘孤劍莫言貧
如何此別難分袂
寄語高堂倍怙神

李士雅方漢士見過

幾載柴扉只畫眉
憑他剝啄不須聽
忽聞二妙閒相訪
令我雙眸猛覺醒
簡點庖中無宿物
揆牢甕底有清醅
挑燈細話天南事
指日投戈好勒銘

周法祖

字則貽號合明少篤志問學淹貫羣籍流輩皆肅然日課二子以吟咏自適其著述甚富

歸舍

暫息柴門下疎籬
繞徑斜城頭餘落日
樹杪見棲鴉
氣寒村落秋容老
菊花自今安在處
拙生計託桑麻

夏仲喜雨霽

初晴間一望四野
水平天山色畫中出
溪聲鳥外傳暮
雲深樹掩斜日小
窓懸呼我高陽侶
清尊祝有年

秋夕

空階鳴促織秋意到孤幃
桐葉飄新子荷花墜故衣
天清河影淡夜靜鶴聲微
起舞愁難寐懷人與欲飛

立秋

清風來樹杪涼氣動柴扉
嘗稻知年熟浮瓜賴圃肥
饑鳥依母宿乳燕護雛飛
雨後添秋水容余坐釣磯
清明郊遊

東郊一以望春色
政嫣然香惹遊蜂鬧
風催去鴈翩
遠山青入畫野水綠
平田牧豎誰家子
驅牛領暮烟

清明偕潘緋郎維南登玉屏嶺

春色蒼蒼點翠巒
山城宛作畫圖看
草鋪翠帶今方艷
花理紅粧尚未殘
林密偶招同偃息
蘭芳恰喜共追歡
堅頭誰把驚人句
搔首還憐一鵲冠

初夏有感

綠樹逶迤隱夕暉
孤雲天外自依依
鶯如舊識隨人轉
燕似新知傍客飛
痛飲儘堪賒夜月
無炊尚可典春衣
忘名久許甘丘壑
留取初心未敢違

春日次韻寄友人

論文每恨不同堂
夢裏時尋薜荔牆
百半能治村酒熱
一盤可煮野蔬香
花容過雨紅猶嫩
草意逢春綠漸長
料得幽居誰共語
閒吟還憶老夫狂

幽居

幽居樂事敢言賒
曲徑疎籬到處花
早釀清醪秋後秫
時烹活水雨前茶
庭迎松竹成三友
隣結漁樵渾一家
惟有賤貧依舊在
老來豈復計生涯

庭前桂樹不花

露下天高別院芳
風飄到處散天香
低徊待爾開蓬戶
冷淡虛予植草堂
爲謝繁華羞白髮
應嫌攀折惱紅妝
誰知寂寞秋深際
枝葉還留傲雪霜

除夜

獨酌終宵看曆新曉鐘又報一年春空囊總我惟詩句
衰髮逢人任笑嗔世事已隨商陸盡交情還覺酒杯親
不須掃徑延佳客誰扣蓬門問隱淪

登栲栳山題止心菴壁

捫棘披荆陟峻巔須知呼吸可通天望中白接三江浪
野外青浮九子烟谷口草芳招牧唱山腰薪爛縱樵眠
倚看城郭紛紛客誰似蒲團一老禪

馬懋勲

字四明寧海縣人若河朔壯士家酷貧挾兔
以書上從父太僕公公一見嘆異以粟四十斛與
之有素所善其生以冠軍博學士弟子同儕競索
其經義讀之四明獨不問與某疎居數年旅進
應童子科猶某生冠軍試題也乃始悔之卒不售

現歲授使南都翰林院庶吉士意詩道不少
其懷所作詩佚于兵火從孫聯公口授二首又記
其警句如放後還家云多情惟燕子還傍草堂飛
石上藤蘿月影有似先子狀貌云痛知貧未傳遺
像自寫真來上梓麓弔友人友曾有所許云當時
漫許徐生劍今日仍懸季子丘皆秀拔可誦也

山行

過山聞大吠望望有人家瞥見翠微裏開門掃落花

湖上卽事

一聲欸乃破蒼烟驚起沙頭醉客眠酒渴正思魚作鱸
問渠可是賣魚船

程冲然

字盈之號五嶺郡諸生而夙慧四歲能屬
之取冠多士願童子試太守林公覽其文大奇
卽以是秋赴鄉試主司甚賞異之復以小青不見
錄又明年遂卒年僅三十有六死之日素筆大書
云生死塲中老手煩惱法界積慣任他朝晴暮雨

一掃盪滅醜淡縱然幾件不足總是司命註判明
知久客當歸風急難解船穩書竟齋筆而逝論者
以爲古德再來云注者酒不盡醉不止醉後縱談
天下事成敗古今人物高下如數黑白益記于酒
而越焉者也所著詩古文詞多放失不存吾桐自
甲戌民亂乙亥寇至而後兵火流離志懷安散文
獻之厄凋乎
有悲思焉

龍山歌

龍山鬱嵒天中起雲車時過美門子崑崙九府半嶺開
海上三株溪林裏中有仙人清且奇手扶百尺珊瑚枝
青泥一片吐石室紫芝千載浸仇池憶昔武帝好神仙
徐市入海幾經年我今日覩青毛節肯向閩風空手旋
君如霞蓋入天門爲我殷勤安期生桃花落盡川水笑
那能負爾相望情

東左綏之伯季

公子重雲外書來惱殺人相如猶喻蜀張祿未歸秦筆
禿五經笥弓韜千里城饒知招隱意山水有餘春

立春

去年別我去今歲逐冬回應知識面久莫說是新來

題黃檗寺壁三首

氣逆千秋雪裏光搖萬丈雲端百歲僧敲石磬千年仙
老金丹

黃檗山頭佇望紅萍水面稀傳鷓鴣不肯停立蟻虱那
堪惹烟

白頭頻回蕭寺絳唇微展潘郎蛺蝶眉間沁粉遊蜂翅

底傳香

白公瑾之鎮江

與君同作雙龍劍今日翻成孤鶴飛
雷秋江濱無限月可能分贈故人歸

秋怨

深閨兒女年十五未省空房獨宿苦
秋日勸郎覓封侯別郎初解梧桐雨

春閨

征人一半在遼陽舍北半田淺草荒
杜鵑枝頭知雨足子規聲裏識農忙

夏閨

龍眠風雅卷二十四
沐罷臨池荷自香水傍風熱却歸房
夜分獨解鴛鴦帳贏得羅文簾子涼

秋閨

欲寄秋衣轉自哀重雲知是爲誰裁
無心更把雲機上促織何須夜夜催

冬閨

縱擁重綿夢不成何緣却遇玉關人
殷勤寄語梨花雪凍損明年三月春

次張欽之短歌

純袖羅裙醉紫觴綠楊堤畔晚風香
錯將郎比芙蓉面不看芙蓉爭看郎

齊登閣

字理侯紹興守越石公之第三子也六歲受

雖儼然華胄無膏粱習展之習殆濁世之佳公子也讀書攻苦論於寒素小楷規撫義獻咄咄逼人至六十餘歲而終鄉黨稱其高行請于邑宰旌之

家兄員倩仲符遊投子分得客字

春光忽已過急著登山屐投子有良朋趙州無俗客吟泉咽曲谿荒草埋幽石回首夕陽斜詠歌出林陌

曉出峽山口

斜月催行騎荒村亂曙鷄白烟一峽起蒼霧萬峰迷松聲吹人面沙珠滑馬蹄莫愁江雨至旭日已前溪

登古道菴感懷時有宣城之役

龍眠風雅卷二十四
客意憐桑梓歸然古道存魚龍餘舊邑鷄犬漸荒村長薄園秋色高陵出水痕念茲經歲別未別已銷魂

同諸友飲女郎樓頭

草率隨供帳相攜出郭行村烟低暝色水碓亂溪聲畫扇嬌歌倚芳林片月清酒酣情易觸今夕定平生

秋閨二首

正作遼陽夢天風徹夜號寒聲催玉杵霜氣入金刀淚伴征衣寄情牽塞月高何當看候雁得意向南鄉已識征人苦翻驚朔吹時明河催鵲駕纖月黯蛾眉寶曆慚無力疎燈影自疑歸期難預卜瓜苦正離離

贈豐城譚端甫

子虛賦手舊登臺新識遊印司馬才一榻古今高士重
雙龍風雨大江迴尊開海月排空上歌動風雲擁戶來
莫向秋聲悲故國客中猶有弟兄杯

送教宗歸終南

蕭然一鉢卧南山翠壁蒼苔意自閒欲覓高蹤何處是
白雲千載在秦關

方聯芳

字杜若與兄元芳齊名制行剛正有獄獄之
載書與俱它賓不問年三十餘即不求仕進肆
力詩古文詞家壁立瀟灑自如所著有錦洲集

大雪歌

吳二怒頗萬竅吼海門不守蛟人走冰絲組織夜光寒
羅剪綃裁天孫手撒鹽飛絮擬未工賦形肖象鼎鑊同
瓊枝瑤幹賽金谷砌玉簪銀雕玲瓏若檐占得此繁華
燒酒澆筆破凍花一觴一咏酬豐兆酒興詩豪兩闔奢
騎驢老友望不回僵卧癡人喚不來叱退肉陣遮寒輩
讀盡陶詩酒百杯

陳友索和竹枝詞二首

儂家住在水灣半捲湘簾桃柳間儂年却似新春柳
桃花那得勝儂顏

多少春情未肯降歛眉終日倚晴窓起遊纔及看鸞候
愁見花間蝶舞雙

倪自清

字景北崇禎間貢生少負才名篤學好修厥
不苟以年資貢禮部由寧國訓導遷興縣教諭所
至發云升堂頌禮肅括簡習季秀希風問業者戶

履恒滿此歸垂素而旋不能構一椽也晚年手
不釋書猶教授鄉里以著作自娛有逕度遺稿

陳朝雍作巢許祠詩

燥髮讀南華景仰許由躅遐哉出世情隱處在箕谷箕
谷豈不深韜藏猶未驚天子聞姓名使長九州牧富貴
如空花達士非所欲不受未為奇洗耳翻成俗言固聲
之塵水亦塵之屬堯言誠汚耳堯水亦能汨耳根本圓
通垢淨由心觸強汝側聞機解一可忘六所以巢父高
最得禪家骨聆言飲上流惟恐汚其犢因念伯夷賢扣
馬多勞碌何如采藥人至德千古獨世界亦微茫滄桑
常反覆有形都有盡那得無盡屋云何作此祠平地妨
遊鹿吁嗟許先生清風未如穆良因一念妄留此簪笄
痛我今過居巢夜半野亭宿晨起訪遺蹤拜瞻如有應
公意或不安令我徒僕僕我亦學先生投澗洗雙目

過閒雲菴

故山回望遠此地任追攀出郭無多路看雲已獨閒竹
敲遊侶字花隱定僧關去溪旋過相呼一笑還

拜廣惠神祠

神姓字不傳雕身附梓木或曰梓府

府君何代起高廟古堤邊姓字留疑信精靈迥佛仙雲
霞棲冉冉風雨應年年祀事春秋肅爐香萬井烟

聞鐘

疎鐘何處發如共客驚秋響入庭梧亂聲傳巷杵幽漏
遲風在枕天淨月當樓直躍雙龍吼遙遙貫斗牛

長庚星芒特耀占云吳人多壽漫紀

賴息夜涼生蟲吟砌草橫憂危頻看劍微警靜聞鉦月到花沉影風來樹作聲槐槍何日掃把酒醉長庚

同年生抱一西郭野眺

西山不可望遊鹿逼城荒來往樵人路高低牧子岡名園封野草刺碣冷微陽回首風流舊淒其忍斷腸

亂後呂亭感懷

官道夾蒿萊猿聲到耳哀竹因無主俗花向路人開使客還來否神仙安在哉劍泉遺可問定有泛槎才

周重禮見寄山居二章賦答

十載風塵面越牽骨月情遙人勞問字誤我媿浮名林

隱山無價處舟野自橫放懷何必醉諸得醒來醒

盡道儒官冷難偷冷處閒單衣歌白石解印傲青山路

僻時通塞隣疎獨往還新秋場圃近暑雨課農艱

感時

籌深帷幄事成非黑壓城南王氣微萬馬忽驚迷虎帳

六龍猶說肅鑒旂冰山有恨金空盡雪窖無文淚忍揮

秋日昭關懷古

迢遞山廻嶺路分昔年曾此度臣丹楓故染臨江色

敗堞猶祠覆楚身兩地興衰爭去住一腔忠孝判君親

祇今剩得孤蹲石七字碑題萬古新

清明無酒

山村春早杏花殘雨色冥濛問酒難烽火儘知烟不禁

泛巢湖歸里

八公誰善渡江軍回首巢湖失故羣長缺久懸猶作客

重禮詩來見招入城和答

幽棲聊寄此山居徑僻人稀一草廬倚樹陰森聽語鳥

敬亭山

國難鄉心盡官貧客意閒眼看雲起滅羞對敬亭山

松鶴菴三首

石門曲徑斜通小院爐烟自封爲問埋忠何處風號謖

設長松

澗僧歸

松挂石門影落鶴歸聲表聲初鐘動纔知寺近雲來未

許林疎

方孟圖字無言一字義先家邑東之楊樹灣拓落爲

蓬棄去舉子業蔬羹食泊如也里中有不平
片言折屈靡不就公亦引為已任多方警
曉待其愧悔而後止至同學表馬相過有避之若
免每月夕花及一鰲一咏折然忘世間浩然南山
之盧承靖節東籬之菊時代雖遠有起若符
年六十有四有權國遺稿若干篇藏于家

燕

暫時離故國誰復識鳥衣竟作尋常客因知王謝希低
飛春事得幽語夜深微幸自無拘束秋來尚可歸
道遇姚休那有贈

來往無勞問忻逢老逸民淡懷清似水衰髮白如銀賣
賦能忘世茹芝不厭貧市城雖偶憩三徑尚荆榛

九日無菊

已覺秋光老黃花尚未開到門誰送酒扶杖懶登臺娛
目惟楓葉顏顏共草萊東籬一片地行坐獨徘徊

奇族弟明農

此日猶容高蹈身滄桑閱歷一遺民烟霞寄託惟工賦
耆舊招攜任結隣心史流傳應有待長編著就豈無因
式廬間說饒詩句翻恐郎官累隱淪

贈還山家從

不戀簪纓戀芰荷雪鴻踏徧任蹉跎門餘桃李成蹊徑
交割羊求足嘯歌鎮日問奇翻却酒對人揮翰豈求鵝
即今仕隱誰兼得萬卷牙籤勝已多

過丘魯瞻齋頭感賦

相逢老大易悲傷短髮星星徧點霜生事都從貧裏失

流光偏向客中忙殘書幾卷非長策薄祿頻年足戰場
便欲與君商活計青山綠酒一茅堂

胡學華
字耀卿邑諸生遊方文學之門稱高足與司
馬忠貞善公善獎經張之象竹園多所編纂

杏花

東風開遍上林花文杏參差也自華綵幃半含朝露濕
緋衣輕褪午風斜翻堦色奪千行錦綉屋晴睡十丈霞
最喜託根猶得地莫教紅粉如窓紗

夏日過黃溪渡思歸

黃梅時節雨方新愁殺江頭楊柳春夢與漁翁頻定日
停舟莫誤送行人

方

穀

字子桓明經連江公之中子崇禎中籍邑諸
生嘉慶通春秋門傳諸史手鈔三易藥古

龍耳風雅卷三

人各姓里封國悉錄成快睹記摩造父殺于公
車佐伯兄千里歸報管竹山借廬築側年四十
早卒屬孤與姪三分共產迨遠祖天台迨風子
桓與范世子明趙相如又漢從兄以元坤承以
智密之相友善文名頗顯同僚有洪敏中慧生者
亦工詩今求之不得僅存集唐詩無由據入惜哉

白帝子歌

四維茫茫渺難極載方舟今沿水入神女璇宮當夜織
倚瑟鳴絃聲清歷知音娛樂恣歡翁遊放滄海何所息

壽春訊大兄客熙城

永懷先墓竹西山山柏森森兄所攀纔得展塋同歲晚
忽驚滯迹已春闌談經濠上非吾志載筆司空慰母顏
觀省須謀歸騎早鴛原悵望白雲間


龍眠風雅卷二十五目錄

木厓潘 江蜀藻輯

繁昌魏壽期朋三 祭

同郡汪宗周瑤若

汪國士 七十四首 吳國琦 七十一首



龍眠風雅卷二十五

木厓潘 江蜀藻輯

汪國士

字君鵬號曉公崇禎辛未進士起家閩縣令

值海氛未靖嚴飭伍勦賊氛入關最收揚賜

山東旋移疾乞休公老于公車岸然自異其為詩

江瑤也所著簡軒十一卷皆恒心琢磨刊落凡近

不府行墨間崇禎十四年冬賊蟻聚吾桐澤近

幾不保其除夜詩云望外忽除茲歲久眼中猶見

立春天未幾變于陌賊憂患以終門人謚端簡先

生後之讀其詩者

可以論其世矣

丈園醉歌

蟋蟀感涼夜志士悲秋旻黃金百鎰苦易盡有酒不得

清軍輪兀兀復兀兀彌空商色來停雲何曉黠無庸開

新夢欲吐不吐香悠悠侍兒呼我睡我醉且欲舞手裡

青龍好自羞多少鉛刀刺殺虎造物小兒不我予不我

予其奈何霜宵冷瘦鳥叱叱安得美人挾琴嘶清歌雙

手送過金叵羅願教一飲伍天河

贈李德林

南原雪勢不可劼獻歲十日無逢迎忽有平頭長二尺

短衣大叫聲砰砒被禍出門一相向李子蒼顏有詩相

當風佇立截兩肩宛在灞橋驢背上自言薪炭一無餘

擁被蕭條也讀書年來諳得貧滋味水到渠成轉自如

獨坐

獨坐對南陌悠然來遠風烏啼清晝裡山隔綠烟中動
極不知病靜時方悟功此生隨物理何事哭途窮

出門

出門無可語徒步且歸來日暮西山色悠然當酒杯牛
羊下嶽頂烟火起林隈寂寞霜天意孤飛一雁哀

簡軒成

端居樹人事簡出賴幽房月色方當牖鴻聲正度墻把
杯觀化理撫劍借行藏若問窮通事束籬菊又黃

散屨

奈此憂思迫聊爲散屨行平田荒日色遠剎度鐘聲歲
月難在雲霞高自征西山一翹首又見草芽生

雨後

雨後山光翠晚來風氣和綠腔聊散步吸履更婆娑漸
老因知命棲遲且放歌古人稱達者得意是烟蘿

處州

又復趨山路嚴州到處州問人行樹杪逢女只科頭縣
小無城郭村多有店樓所嗟薪米貴行李亦堪愁

臥穩

臥穩簾帷靜醒餘耳目清近庵鳴磬午小檻曬書晴榴
熟珠相亞荷衰蓋只擎秋容稍於芭憺恨若爲情

高齋

高齋無所事蕭瑟對重陰客裡僅年易秋來帶恨深斷

杯銷酒病攬鏡撥狂心遙睇橫雲雁行行度碧岑

肺氣

肺氣何時好霜寒逼節侵臥慵知老態酒斷出愁心雁
過星移舍虫鳴月在林自驚幽興苦新句怯長吟

寄沐陽令潘灼

念爾昔情親他鄉是故人飛騰別後事撥棄往時貧坐
月彈琴暇行花映殺新千秋一漂母憑弔亦堪論

飲吳中丞園林四首

鎮蜀嚴公去征蠻馬援還家園繫舊開花竹是新刪匠
逕添欄好迂池參鶴閒更堆山一座城裡日躋攀

總是出塵意都來點綴佳梅看花在閣竹聽笋穿堦面
面樓迎爽深深水到涯風蕙兼雪洞著處巧安排

地即平泉里人同白社禪莊嚴諸佛像瀟灑小壺天日
醉七賢竹時看九品蓮此心要不染歌舞任留連

忽憶一瓊日而今十五秋高楊原拂砌密竹近遮樓
賈東山妓仍寬北海籌飄零猶在昔接宴思悠悠

書園

西道望山作

驛道山根出西行與畫隨澗泉流不覺霜樹落先知茅
屋藏何處沙田刈此時眷言好棲隱奈乏買山資

返照

返照射屋角片陰生遠岫客心異庭草終歲有榮枯漸

老身何得長吟興已孤儵然一歸去作計守樵蘇

西館東示中隱

不知何所爲驅走十年餘天亦憐衰暮人今守故墟舊
貧通雀鼠新懶狎禽魚若問逢迎事如君迹也疎

醒餘

飲酒但宜醉醒餘悲故貧一瓊偏滯我三泣未逢人枕
快銷華髮封書隔老親賤賤何事聞更益睡中嘆

孤坐

諸情都欲罷孤坐自能堅對竹娟娟色看梅漠漠烟俗
人教僕謝酒債典衣填外此渾無事閒心然似禪

題盛屏之爽園

松中有榻衆鳥外無喧何必拳花卉居然景事繁

雪讀

丈園三尺雪映讀一床書貧極反無債病添閒有餘軋
青看蕙發苞紫認梅舒却笑南原上琴歌是我廬

臥雪

獻歲雪逾積千人薪炭難從來耻東郭聊復效袁安日
午閉孤室炊遲減一餐固窮應自昔不敢起長歎

投子

投子東陂路經行一惘然翠屏飄敗葉青鏡感流年牧
唱夕蒲地花開晚稻田予心終不遠無計住山邊

病中午坐

冬日影迷離焚香強坐時案書無次序爐火有威儀老
病醫難効妻勤婢豈知菊花黃負我少亦一千厄

病後

病後淡無念乃知身本閒就檐烘日火展畫玩家山戒
酒新開限疎交不掩閑近來惟習懶于迹似爲慳

誕日

誕日不延賓偏于簡淡親自持衰拙意難與少年論戒
酒銷多病栽花過小春世途無限理諳久亦須真

庭菊

冬寒喜新雨潤茲庭菊枝廣檐聊以晤孤酌亦能詩得
爾道今日與予同後時不知高暮者千載說東籬

長廊

儵然奚所務獨倚在長廊未晚天懸月多風夜作霜酒
因添歲戒菊自後時香漫漫思行逕胡爲咏太康

同吳湯日過訪公良邸寓

耿耿夢園邑茲來匆遽同笑烘春夜冷書寄隔年窮
柳疑青外鄉梅是白中看君初一榻無事不清通

清朝

清朝坐堦廡盥櫛不勝情鏡裏頭偏禿梳間髮易盈病
添兼病減秋雨復秋晴只送年光去中懷百未成

出簷

出簷步明月月光清衣襟初雁不成字百蟲相與音端
憂弭晚節長意軫中林拚飲那能醉徒令白髮侵

客眼

好是江邊地猶令客眼醒鴛鴦宿岸白榆柳入冬青漁
舸寒烟擢夕陽荒草汀兵戈都不到相對掩柴扇

靜海縣

極望荒原外旌旗轉自悲東田枯樹盡旅雁斷碑詞有
雪牆陰刺無僧殿屋墮下車詢父老憂旱兩年爲

雨中過訪中隱值別出讌詩以謹之

出郭訪君子西山徒一迴應門兒當僕老屋柱生苔濕
竟久無火推窓剩有梅却多寬意緒猶戀五侯杯

飲何咸仲署中

筋骨亦云健不然勝此勞故人好顏色猶未失風騷入
境喧清政開軒飲濁醪相詢五年事仍是一綈袍

擬過瑕仲東齋

窓鳴鳥聲碎枕上報春晴陂柳日搖蕩東風吹我情懷
歡苦時短立節恨各輕櫛罷多閒思還尋阮步兵

初夏想虎子

遠樹紫烟帶新荷疊水錢子規爲夜鳥麋麥是秋天盡
漸長無賴人於睡有緣他皆不作想時一想留顛

醉甕蓮邊

落日過墻去微風到戶薰亂蟬成一個新月正三分穀

貴炊宜儉蓮開賞獨勤晚遊能徙倚香露襲餘醺

入春

入春雖未久春意已蜚微雪瘦添溪飽花艱讓柳肥長
衢車蓋溢小市賣人圍不見高樓外雙雙鳩鳥飛

姑孰九日念兒

有何佳節序作我負黃花天只高難問愁無再可加似
予那用老怪爾不思家楊柳衰殘意瀟瀟領暮鴉

首夏共瑕仲小飲

高簷靜閒人無事首夏晴和氣復嘉荷葉如錢漸如鏡
杜鵑爲鳥又爲花長鬚奴賞清明酒折脚鎗衝殺雨茶

不提郭林宗一到不須常客涸停車

道中卽事

已賁弓旌使事終王程猶自及丹楓驅車摠在千崖頂
望遠飄如一水東蕎麥有花方賽雪豆棚無寔已淒風

看它茅屋人家意亟戀西坪小桂叢

桂花

桂花欲吐復不吐時一暗香來坐中看到枯榮皆至理
誰言消息盡秋風人閒得雨尤添靜詩老憶情莫論工

往事幾堪回首算鬢毛稀禿漸成翁

雨晨

曉起披衣愁不醒望中烟雨復冥冥迷坐失山峰綠
洗濯轉添堤樹青得水鳬驚來近浦起春蓑笠滿前汀

何年老作郊原客把酒農謠只自聽

病中栽花

鑿甕栽花簇倚楹城中閉戶一先生近來養疾兼調性
只是延醫尚採名坐就太陽筋稍展行扶小婢脚初輕
親知莫怪交酬廢盥櫛經旬亦未成

日長

日長常是抱書眠百事紛拏耻作緣老至漸看人淡
向來都避客蟲聞移花蒔盎初承雨糴穀支厨乍起烟
却笑王修齡一箇賴誰乞與作碑錢

卽事

蓬簪孤步意于千日影升堂桂影俱自喜身從貧裏出
却將詩作老來娛人閒戶靜雙僮子髮少巾欹病體
不是招邀時出飲居民不信有潛夫

清明

晨起蕭然絕送迎兒童挿柳報清明自驚興懶忘佳節
也恨春多溷雨聲遶檻只看桃謝盡捲簾又擬燕生成
東皇不合無拘束一任韶光逝水征

暑中晚酌

不以行藏強問天不須夔足遞相憐終朝事過皆如夢
偶爾詩成亦有緣掌大蓮花高出葉肩高竹笋大如椽
看他嬌雨嬌風意欲傍清尊那惜錢

借得

借得王猷種竹居便同陶令愛吾廬臨堦日曬壺中藥
到戶風掀几上書固已能成暑不出但猶未識死何如
雲天晚暮牆陰落祇辦清尊賞棄葉

萬里橋舟中

一葉容容掉小舸郡城歸去趁歸潮江天自可閒紗帽
簫鼓何勞咽石橋四野黃雲梗稻好幾枝紅映菊花嬌
焚香令尹無公事挾卷看山意轉饒

寄喬菴吏部

自笑慵多與世違巨源知我勝吾知而今老豈能爲佞
此地官猶得賦詩瘴海望鄉如望雪嶺梅憂寄不憂遲
煩君并向龍山道只倩心情鬢益絲

晚泊高要縣鎮

日銜山尾變山容都受深藍淺翠封一片月來臨瀚海
許多帆到落雲峰隄村犬吠徐收旆野寺僧閒早報鐘
紗帽也隨陽鳥住苦勞簫鼓震魚龍

東莞河口

永夜孤舫海國程水將天共一時明波紋不展因風死
櫓唱初停待月生船上鼠姑何所嚙岸邊魚子若相榮
喚人開著蓬窻臥只到聽雞夢未成

博羅江舟中乍寒因懷林二酒徒

粵江風雨驟凄然浪冷蛟宮蜃宅偏夜永子京無半臂
寒深孟浩有雙肩却思雪白楓丹地舊是非詩卽酒天

買得百壺煨得煖，奴一吸似鯨川。

偶醉題壁

老來作吏日波波，歸到深堂頓綺羅。
卷耳細斟連葉酒，霏烟低唱竹枝歌。
腮邊月映花光靨，頂上雲盤黛色螺。
不向夜中銷一醉，不教人奈暗香何。

多病呈李雨然年兄

多病微軀強自持，侍兒搢扇寫新詩。
山人見餉茶方受，僚友相招酒盡辭。
群鵲噪簷家信近，一鷄啼樹午烟遲。
紀綱共笑貧無俸，入市新茄乏買資。

懷齊二公遜

折簡紗巾舊溫袍，曉簷孤竹意蕭條。
人過半老從頭苦，官負分司徹底勞。
京日漸重玉曝背，好天都未放登高。
却思北郭呼盧地，各別雲山首禁搔。

夜泊

何處漁燈一點懸，孤城茫昧泊孤船。
白頭浪浸先生桺，赤脚夫喧種秫田。
際曉始知彭澤縣，隔江猶望馬當烟。
石尤滯我胡滋甚，日睇桐廬若個邊。

寄瑕仲

此地重陽不解憐，今年空過菊花天。
終宵聞有鴛鴦唱，十月書無鴻雁傳。
龍嶺已知冬欲雪，鮑江猶見瘴爲烟。
新來莫問潮城吏，一倍絲侵兩鬢邊。

肇慶回泊三水縣鎮

冥冥天際絕飛鴻，入望遙看杳靄同。
海外一峰偏受日，夜中孤舸若凌空。
猶嫌鼓吹驚漁父，自燕爐烟喜令公。
歌罷擲巾燈影裏，如蓬雙鬢遠成翁。

官審江

桂楫蒲帆不肯開，審江閣淺待潮來。
正逢一陣雲中雨，隱聽數聲天際雷。
畫舸轉將官作客，閒愁却趁老爲媒。
蒼梧寄酒白如雪，買得依然懶命杯。

無題

斜月雕欄許罷凭，微風繡戶掩毛氈。
一爐溫煖龍涎火，半盞昏明鳳脰燈。
待解研羅衫未盡，只鬆金紐扣猶曾。
此時已傍紅鴛枕，喚著名兒却不應。

一家骨肉對銀缸，共酌新槽酒一缸。
柑柚火添紅入座，玉梅花噴白當窻。
頭衰廢柳絲紛墜，眼暗看人影亦雙。
自分太平無我老，且拚醺醉令心降。

辛巳除夜

銀盤送酒燭光圓，一首詩成又一年。
望外忽除茲歲夕，眼中猶見立春天。
城頭不住鳴鉦鼓，座上相於捧豆邊。
憐取兒孫當亂世，頌椒傳柏亦潸然。

偶題

春意未酣猶濕柳，鳩聲便好不離桑。
泥中盡著紅梅瓣，天上初排紫燕行。

清明與上作

尤雲瑞雨徧山窪小婦墳回一醉譚息隸不須呵斥起
看他頭上杜鵑花

六月菊九月猶開

庭前野菊勝真菊六月花于九月芳可是天憐陶靖節
不教無菊度重陽

十九日菊

重陽已去經旬日菊影初移照酒杯
此花元傍戰場開

桃源洞二首

盈盈相望武陵津可惜來時不及春
不見桃源花片水

何緣得遇避秦人

我來解得陶潛意不是仙源杳問津
能此誅茅居洞口
便應都是避秦人

蜈蚣嶺

噴吭直撼天關出宛轉真盤地肺來絕頂到特無所見
紀元降慶一碑開

吳國琦

字公良號雪厓崇禎辛未進士莒州人
詠至今以爲美後轉漳州司理政寬刑簡漳人立

祠祀之升兵部主事公學該墳址援據與衍允洪
于經術所著渡江九策皆切中時務惜無有知之
者爲詩歌力去陳言持擇珍慎與汪希憲皖公同
出何文端公之門授分最深而詩品亦在王孟之
間有懷茲堂集八卷閩中曹能始爲之序而傳之
春曉禮佛偶憶東湖儘休

幽芳襲我戶鳩婦呼我簷朝曦啓前林披帷不能眠素
襟厭塵軌閒庭殊靜便龕火有餘輝石鴨生微烟春昔
靜者居與我同林泉今獨往東湖湖水澄且漚曠望渺
無極九華落窓前柳青潮日白崇情感推遷

勞勞亭送所知

春日勞勞亭勞勞畏芳草以我今日情臨此古人道不
逢董雙成容顏豈常好青絲繫馬蹄君子行役早一聞
杜宇聲柳花不可掃願言盈青尊努力以自保

石浪上人見過值他之

幽壑團松篁古澗亂魚鳥時有薜衣人穿雲度山表我
亦厭塵紛玄棲頗好道忽爾過前溪溪聲何浩浩藤蘿
候谷口城烟淡何有萬物俱有緣孤心獨無偶低徊日

云暮幽芳湛輕露之子得無歸猶是來時路

河上林男夫雪後看月

雪月夜一靜衆星亦寒徹對飲各興懷照人偏照別千
里爭光同南舟與北轍河草年年青河流年年折遠道
不可思遠道不可說

采藥行至西厓

所住非所營種藥安盈園臥疾起櫛沐幽禽時一喧策
杖出門去得枝如窮猿桐林吸晨霞旭日并高原露徑
入盤磴澗湍何潺湲上有青松覆下有兔絲援服苓益
入壽密葉欣其繁水碧不可飲靈芝不可發達人守微

和呼吸通天門不以動息累冲夷寂無言羨門與王喬
還齡復誰論

同王生生石卿入褒禪山作

池草一朝發東風昨夜生遊子動歸思好鳥繞屋鳴友
生意有適牽蘭釋羈情去郭逐流水石壁香閣橫閣門
開沉潭野鹿潭上行小桃映修竹山僧出懷迎孤塔攬
入極遠色來滄溟淡然忘日夕緩絃遺世榮

再至蒼山草堂東歷陽諸友

雙峰夾澄江孤帆入江口東風何處來綠徧堤楊柳記
我別子時不謂如斯久一一訊所欽所欽都在否昨夜
隔江遙寥寥到峰後一片懷人心聽之不飲酒東風與
我同懷送人老友

喜胡躬未至

子從賊中來絕無風霜色知子氣力健交子固有識年
少束髮時其益乃在直直爲交性命此道久失實前者
聞賊來問子獨不亟貧賤百年心何不能守塞子其詳
觀我得無情不抑率爾命盤蔬願言爲我食讀易子之
素於賊著一抔

郭門西橋垂成予歸囑諸父老

損益還自知川流懼其變壑雲易爲雨江波改拖練往
來爭渡人胡越視鄉縣使君常淹留意比飛鳥倦欲速
殊可慮有生焉得賤憂患切予懷深潭湧鐵牽鬼神樂

啓人亦復助小善誠哉浩淼中沉溺豈難援百航聯手
足兩岫青山見努力圖厥終無徒牽衣戀橋蓋牽舟爲之忽有鐵竿

七月十五夜隨喜問公施食惠應寺

生生不知歸大覺振寶鐸紛然世網中坐令憶魂魄能
子彈指頃慈雲布寥廓季子心無已青懷泊冥漠不暇
計存時善著無有惡仁者更惻怛惠弗干我著生死日
無數豈必皆極樂征戰悲蠢茲恐怖難銷却種種良不
齊安能爲解縛遺教云自恣施食所利博古德來何方
勝因欣有託鐘磬驅繁音明月度高閣長松散庭陰露
下寒雅幕終始集晝夜罪福誰造作斯義本尋常輪迴
等空明梵語未可解解亦汰穿鑿置身香光內浴蟬蛻
可畧諸天如不遠瓜餅來飲酌始悟息塵情鹿門宜堅
約

桐江望釣臺禮嚴先生

客星墮地成雙石懸厓直挽桐江碧欲去不去江淙淙
石有青松皆作龍雙石卽爲客星坐何處堪供帝子臥
古人交情澹如此一絲長挂桐江水我來正值千峰雪
桐江上下人行絕桐江東流無盡時哲哉先生真可思
中秋明月篇有寄

明河倒瀉幾千里大地橫飛玻璃紫雲母屏前細剪雲
水晶簾外頻傾水武夷鹿脯曾孫權文蕭鶴馭彩鸞喜

瑤井金吹瓦色霜連薨瓊戶生微涼六街昭回疑練白
萬家燦爛擬珠光楚袖吳歌弄雪濤嬌娥浴玉秋空高
肌骨香飄佩桂子醉人潦倒如葡萄秉燭不須煩過客
銀橋直接東南陌洛陽笙管繞風塵自爾水壺可濯魄
可濯魄飲文露羅帷不寢舒毫素星芝曳練斗橫斜還
邀來夕芳暉駐

午日文天夢先生見招阻雨歌答

欲曙未曙東風高雄鳩呼婦何勞勞欲眠不眠窻復黑
風雨突飛撲簷亟巨鼇震撼三山失雲霞倒捲翻蛟室
杏子黃時潮水多螻蛄鳴來今幾日小兒拍手牽綵縷
洗生邀飲五月五湘沅招魂魂弗歸天吳地號江妃舞
空輟火龍玄鳥入帷愁艾虎我渡東溪應難渡
溪霧溪水連溪樹遙憶銀盤剪玉蒲獨酌高懷託毫素
恨同野老扶杖藜水田漠漠無高低烏送夕陽影橫疾
柴門共倚看虹霓

水燈作歌

長安正月燈市喧水雲空鳥何飛驚亦作花枝紅朶朶
海岳嗟峨人騎奔其材裁竹與縫縑或貫明珠手纖纖
農家剪麥似呈巧高樓笙管輝青帘物各肖之吸皓魄
永夜炯炯遍街陌我來同客照眼明樸而稱工取剪麥
中有垂英尤覺別如日出海月出雪冷韻宜人特矯矯
麥奇在樸此在粵東風欲歸尚難呼童買携捲文幔

酒力雖微對讀書寒波點點春星爛

赤曆行

前山有虎後山狼不知溽暑與繁霜一亭兩亭紅未遠
半日十度等尋常茆屋倚暑風雨周門前尺深牛馬渡
劍松燃膏夜成晝吁嗟擁吏乘小兜與中人聊無聲音
叱咤瓜牙笑生擒燎原一身需四炬蔗門蓬戶皆搜尋
年來歲惡饑饉兼下粥無豆湯無鹽載芟載柞阻力役
皆黑馳驅覓酒帘昨聞發粟倉廩開呼鄰却走城中來
市兒鬼域粟貸盡夕陽咽咽徒空迴雖是瘡痍仁者獨
亦戒寅年支卯年千錢給我吏索百重門虎守叫難前
東村有米西村春五百里外舟車供開津鐵觀容易解
一龍一虎一風一雨一雲一水一機一策一術一術一術
而宵稽留漏纔下亭長提去那無鞭

開雁

今夕寒林外能生一一心既明千里月尤急萬家砧燈
火孤裝薄秋聲何處深張弦思譜入茲意却難尋

鴈懸采爲集開士誦華嚴經于毘尼庵予讀書處
草草出關者函經翼一開機無乞米處寒自寄衣來松
色深紅燐溪光映綠苔山空偏久住纔見住山才

雨泊

計程纔百里舟幾住菰蘆江氣潮方動詩情雨後孤邨
酤逢暮好遠雁入雲無望望彼漁者風波殊不虞

晚霽之虎丘同叔父無咎胡躬未兄公著用情字
歸飛看鳥疾聊以起初晴古寺危橋隔人家溪水明
茶空客供逸火肅山情未及跣趺坐歌聲接櫓聲

殘月

殘月如新出征帆急早潮雲平不辨樹霜滿欲迷橋客
久思睎髮心慵畏折腰柅聲如水鳥啞啞度寒宵

南郭有所遲

東峰連洞府雨水護孤城更有一山秀朝朝與送迎燒
青官渡亂沙淨埜鷗行委曲郭南路遙懸驛吏情

雪意

雪意驚高鳥風聲疎暮林邨烟衝水渡孤磬隔峰沉翠
北窗初曉江寒夢不深勞舟沙岸泊漁父莫相尋

泊舟

人語疑城近綠陰邨舍低水光翻白照烟路轉青迷隔
岸群峰色沿堤芳草齊江南三月裏處處鳥爭啼

舟暮

夾听青峰裏翻翻白易光晚風吹小艇竹屋枕荒崗樵
影破山路灘聲喧夕陽印文封薄暮好月欲琴張

晚泊錢塘聞鐘

一櫂夕烟外霜鐘何處鳴忙心江听歇佛火樹邊明微
入魚龍藏偏宜吳越城良宵應美睡喧莫問潮聲

新月

練文生歷歷臨鏡擬江妃邨樹忽孤出水禽相命飛非
關添客况亦是樂寒威何處懷人切開簾恰上云

坐趙澈陽先生蒼漪閣

高亭敞木末此意與秋生當戶一峰出雙江夾月明藤
蘿封洞壑河漢接簷楹坐久絳衣薄懷人已二更

關居

尚記春初至鶯花已漸深難持惟淨戒不了是名心兀
坐書空字懷人作越吟窮通窺物理客夢得無侵

雨中坐龍眠山房

入林關未啓石壁動雲陰微雨上峰色焚香欲定心蛙
鳴知夏久衣薄覺山深永日無人迹相看不厭吟

龍眠山房道中便訪姚康伯時康伯抱病
去郭適來訪衡門映水邊文心堪對竹詩友易逃禪孤

坐凝朝氣千山散暮烟所居青嶂裡君聽幾迴泉

中秋前一日登西山便尋爽園靈泉寺

林色到山淡將分天地秋暮雲橫寺冷爽氣入園幽雁
路憑空闊塵蹤倩葉留閒情渾不厭殘照散峰頭

夜坐

起視此何候虫如促織鳴我衾亦厭薄山雨又來生夢
緒牀燈暗雲窻代月明遲遲猶不寐未免遠人情

經良鄉輿中誦金剛經薦陣亡者

歷歷驚心骨非過古戰場經聲如有覺兵氣倘無傷鴉

亂孤城暮烟吹幾竈荒承恩俱不賤爲鬼亦擒王

初至長安喜汪君酬及家湯日見過

半榻予初下門因二妙開故鄉人問雪新竈僕愁煤瓶
冷梅魂韻簾疎雁影迴細論春夜靜好月莫辭來

山尋

荒荒寒雨外隻隻鳥飛還我亦從茲去斜陽渡口山花
村春正急草間奕初閒逸勝煩隣里千林定許攀

寄姚康伯時避賊秋浦

避賊貪難遠蒼茫僅盡江家山千萬岫風雨入吟廳病
骨餓偏瘦談鋒老不降客愁常獨立歸鳥自雙雙

寄姚康伯時避賊秋浦

避賊貪難遠蒼茫僅盡江家山千萬岫風雨入吟廳病
骨餓偏瘦談鋒老不降客愁常獨立歸鳥自雙雙

雅文章在孤情古鑑存明時予努力端不遠寒暄
甲戌先母

在新安片城不遠
百里拜之于堂

蝗

何期兵賊外爾復早秋生渡水移雲色騰空亂雨聲迎
神喧戰鼓欺客蔽行旌畦畔勞勞者呼天愈不平

自漢興至建安郡舟行

愁客紅亭泊懷人穀雨天叢蘭芳到市茉莉白盈船淮
水深南國鄉心結暮烟橫空接雁字爲寄草堂前

郊外

窈窕尋山徑參差賣酒家短籬傳宿火初日映朝霞新

水魚竿直微風燕尾斜經旬身懶動處處欲飛花

寄題劉元敬水簾居

長堤草色已成茵更有桃花樹幾春月冷犬聲渾似豹
庭空鶴影却疑人三竿潮上時乘舫半畝烟深靜理綸
偶憶天台君梓里水簾相召只西隣

玉河聞春水聲有感

恰瀉昭陽二月春馬蹄初暖響偏新頻催花使先風信
又滯歸期後雁臣聲動玉堦消積雪色分銀漢淨浮塵
不須流向人間去曲曲飛光映綠蘋

送方君周倪君符南還

帝城朝雨蚤啼鶯可耐名花別長卿驛路柳深牽遠夢
故鄉人到值春暉書于再讀如逢友酒可消愁即養生

盛世桂叢無隱者重來長樂候鐘聲

汪君酬約同里諸兄集高粱橋

春深如許未開扉邸苑紅桃昨欲飛爲愛遠峰因命酒
但隨流水便忘歸異鄉茶信期僧切故國方言入字違
暝色觚稜啼鶯鶯郊風寒食且寒衣

雨止

夾岸殘楓亂埜燒江雲風後疾如潮漁舟爭未移紅蓼
病骨防寒晒紫貂汲漸不渾茶事濟絃初能勁譜聲調
漫愁入粵人千里夢出篷窓半六橋

江漲

鷺鷥灘上濕雲昏白雁灘前浪打邨
護郭圓沙全隱春
嫩江高閣畏空蹲却知花沁蒸黃蜜
但祝堤開散白豚
田不勝山千澗落迎神穀樹四郊喧

湯日辛未春南還最遲別之兼寄同社諸友

去去移時又整裝此中情態費商量
得無戀國兼懷我不分難沽便易藏
馬倦夕陽河水濶人歸春老燕聲蒼
萬峰深處多兄弟再拭干將更有光

內子白門除夕與男弘安奠先母

皤皤俎豆好親治此夕椒漿婦獨持
膝下每聞傳父訓
衰年最喜弄孫枝帝城簫管千門徹
子舍尊羹百代思
爲憶新齋逢吉日慈帷屈指早朝時

詩見寄答之

木瓜香老度茅茨靜對新詩坐起遲
行路久知經杜甫
道心差可共王維唱酬白露蒹葭外
簡點黃花風雨時
最喜友朋耽慧業一尊深夜足歡持

孫本芝招集郡齋同郭完赤姜青門

細雨黃昏芳草齊鷓鴣啼處海天低
鯨人待月占潮信
荔子凝香踏馬蹄臥閣閒推汲黯裁
文鯉徙重昌黎
十年遼瀾看星聚深坐高燈聽曙鷄
關帖云

蚤發信州東花君御時君御先之婺州

五年人識使君丹遺却青霞費夢遊
新箬編蓬全障雨

曉烟渡水不驚鷗梅花歲晏懷鄉國
橋市霜寒開信州
世路參差徒謁屐山靈應自笑王猷

雨水日大雪

長廊雨響雲俱黑頓止雨聲雪漸明
春事一晴一動盪
梅花不冷不縱橫老夫憂患生煩促
大地蒼涼對水晶
粗糲舊醅高臥美江干幾日少將迎

飲雲樓自咏

竹院藤陰傍水涼危樓高坐目偏長
古人啼笑誰關我
老眼悲懽自許狂善病閒憑鳥几隱
讀書便是白頭忙
從他剝啄生嗔得少小殘編不肯忘

送伯兄入白楊山中并示諸姪

水邊金水亂交柳蜂蝶影上松梢舟
藏壑裏師莊與
天在山中占遯爻先世爲農僮勿情
此身耽懶子須教
予年半百勤堂構簡得牙籤手自抄

飲雲樓無題

客來客去草堂虛自是先生交接疎
長餓厭書乞米帖
閒齋肯煮放生魚蕉心忽動怒雷作
虹脚仍垂佳雨餘
高枕簟涼圖美睡綠陰誰不愛吾廬

遊報恩寺

在家常住出家遊瓦鉢芒鞋拄杖頭
倘得坐忘應歇脚
譬如興盡也回舟袈裟欲綻裁荷葉
塔廟難支學鴉鳩
最愛匡廬陶處士纔聞鐘響已歸休

圓通寺曉霽

初日上前檐雨聲何濺濺披衣重側耳乃是山中泉

宿嚴灘

徹底無纖翳一絲牽淨淥始知釣者心不落風波局

答孫宇周送秋海棠

紅于霜葉兩三枝斜寄東籬雁到時睡足小意偏憶尔

西風吹入少陵詩

宿樟樹潭

山雞知不昧風雨啼在深林醒在舟人語隔江呼早起

西山黃橘已千頭

千思古榆菴東諸上人二首

老樹虬龍知歸墟裡枝枝杏子肥洲燕撲簾與夢醒

香風吹綻野薔薇

花山茶煮茶如花泥塑伽藍渾作家竹院半陰能坐客

又餘隙地曬袈裟

指諸同行與中望浮山

小窻曾緝青螺髻此地蓮開佛面花翻是與中全見得

倘行山裏覺山遮

蘭江至錢塘三首

江風漠漠山風寒亦有鯉魚來上灘不必桃花春水闊

溪香兩岸總多蘭

祝年原不異三農千日勤渠此日逢沙白江青齊伐鼓

家家負米急流春

鼓櫂吳人歌覺喜滿江細浪生圓文青霞奕者金華牧

許我成僊定幾分

荔枝詞二首

微啓丹唇貝齒香水晶宮殿飲瓊漿煩襟頓醒渾如醉

笑舞風前十八娘

珊珊移出小欄干鑪爐沉烟午夢殘不信稱他情性熱

纖纖著手雪肌寒

浮丘山人索贈

縹緲雷牙挾雨飛石溪草綠犢初肥鄉人老亦惟鄉井

日日雲歸我未歸

過春穀懷戴叔度先生

海東纔到復江西一路烽烟亂鼓聲不似當時春穀上

綠楊深處聽黃鸝

漳南楊漣漪憲副書來並寄普賢開元寺僧書及

名香一瓣書云諸寺刻檀爲予像祀之至今屢

遭兵火歸然獨存予感而作詩寄答漣漪

四千里外一枝香遺愛思如流水長慙愧我身猶肉食

琉璃鐘磬普賢傍

龍眠風雅卷二十六目錄

木厓潘 江蜀藻輯

武進董以寧文友
同里左國材子厚 祭

姚康 八十八首

龍眠風雅卷二十六

木厓潘 江蜀藻輯

姚

康原名士眉字康伯萬曆末諸生弱不好弄專

公所重以天下多故不求仕進肆力詩賦古文辭
自出諸籍不踵昔人畦徑崇禎中有以賢良方正
舉者謝不就史相國撫院時單騎造訪延為記室
飛書走檄皆出其手而絕不干以私生平重行誼
慎廉隅諸當道爭以禮幣敦聘不可得也晚歲益
苦貧與左侍御三山公研究禪乘往還扣擊所著
有安危注借紅亭本草籌策堂稿宋史改本江准
小阜掌慧軒集健太白劍二卷行于世先生沒已
十餘年方繼山民都復序其貨殖傳論而梓行之
辛年七十六國其石曰休那鄉人稱休那先生
懷方素心

天之窮方生其窮窮于死既殤僧虔弟復奪履道子但

餘張義舌空有待詔齒賣文三十年所得薄如紙途窮

歲復看瞻鳥將安止與君少相歡警采蘋水汕安得

食人一一盡嘗此我歌以當泣君詩可為史千秋萬古

情灞橋風雪裡

哭方克壯

吁嗟乎克壯靈鬼觀匪夷談當碣石宮醉當采石磯狂

當撾鼓吏雄當捉刀兒快當寄奴奴擲怒當博浪椎成當

大風歌敗當歌虞兮所為汝勿悔一往方庶幾

寄方小白

明妃夜看單于帳霜月滿天角聲壯酒闌燭滅聞悲風

琵琶一曲思漢宮佳麗三千隊幾人得賜青羅袋要識

娼門也自強語笑知音多姊妹

弔亞夫

漢信爲能用三傑乎曰未盡也楚信爲不能用
范增乎曰未盡也夫千載至今知有居巢范亞
父者以楚用之也漢之于淮陰無論卽留侯亦
云上數在困急之中幸用臣策今天下既定雖
臣等百餘人奚益則帝固亦用之未盡其用之
盡之者獨一蕭相國何顧後世之士有志者將
爲留侯乎抑爲蕭相國乎故楚於亞父正不在
用而在用之不盡夫羽之用增之用其妙皆在
不盡盡之而爲高帝蕭何一部廿一史中鼎鼎
諸項背相望也又何當於予歌

天爲予次布算寧寧之楚不子漢予之以漢交荷
嗔人但作蕭何看位次之爭胡爲乎丈夫當賴鄂君無
我來乎古極千里往往百靈皆可呼見說沈伎能翻泉
下曲又聞陷城時現氣中闔此類當時無此苦神怪何
從得如許迺知若滅若沒之中間是公君臣立命安身
所世間幾道作英雄局格門庭各不同楚能用公不止
此止此却成范老子

再弔亞父

此初作也以其入議論故去之去之復存之者
或議論亦不可少也人之有羽有增自是天地
間一種奇岸俠烈之氣所生成所配合極相知

而微不能相用微不相用而終不害其極相知

如陳平之閒行而羽內疑增增大怒曰天下事

大定矣君王自爲之當其時使以高帝爲羽既

疑其人矣其人尚得返之以怒激之以歸歸尤

及爲彭城之鬼乎然則增決非高帝所能用明

矣能用增者羽也予嘗謂秦漢之間政由羽出

其將相多豪傑史當特取一二人別爲立傳季

布雖有傳其事漢者傳事楚者不傳也如增年

七十好奇計則五年之間所効之羽羽所不能

用如高帝之言者必大有事在今惟一鴻門之

會不聽殺帝其它皆惡得而知之一吳王濞不

用桓將軍策其策尚附見而史獨手增何

邪有史之略于傳則有予之詳于詩

丈夫之生長有以微天只在一知已天之爲公營此人

先營其目重瞳子三日之糧秦就纍六王之復楚爲紀

有何一事發縱指示不由公以此抒吐平生亦足矣觀

公之氣亦何激獅子堂堂見胸臆鴻門玉斗觸手碎彭

城歸車應聲飭嘆喜去住只自由此事漢庭寧可得意

見同異有聽爭陳平草具何曾靈爲問彭城范亞父何

似鐘室韓淮陰劉季徒大言得時誇好手以不用公爲

楚詬此語決知公不受公之不受不爲公爲知我者一

重瞳

重瞳

或作謝逸中隱
詩未知孰是

妄死歌

我妄死君妄悲悲者雖妄淚霏霏君妄悲我妄笑爲君
更述平生謫憶我飛騰佻達時涕泣塲中舞柘枝三十
之前二十後看看惹得眉頭皺萬事傷心叠叠來剛腸
百鍊恰成灰月缺花殘都是淚酒闌人散便興衰此情
此景真成幻樂極悲生君自勘非關我死漸漸重當由
君悲漸漸濫君不見霍家竊珠妾和蓮又不見新公棄
妾悲漸漸得君幾淚值幾時寒砧若使君淚深猶未
盈能滴向康生邊

絶命歌

莫嗔骨肉先阡畊來路原分暖與冷崇報汎酒共追懽
幾見團沙得成餅轉眼卽滄桑何處認爺娘分指卽吳
楚兄弟在何許虎皮座上談孝弟直似元宵打燈謎有
緣鞭影度良馬無緣棒喝皆聾啞

紅梅

嶺上東風急枝頭剪絳紗居然桃杏色不復雪霜華玉
骨多酣酒水肌盡染霞燒空烹夜月流血濺寒花

燕京寄醫士張心恒

薄遊同一味其味不同嘗郭隗非吾事并州亦汝鄉無
驅竈鬼力有養喜神方眷屬多相託時煩過草堂

清明後至第墓

地下今安否人間竟有斯更無天可問只有死堪祈急難懷兄弟飄零感歲時清明寒食事自此或愆期

宿雙峰庵月下聞潮

琴尊淡然夕林臥遂忘還山鬼或同夢世人無此閒遙
岑導鐘路素月素霜顏此際問潮響誰能靜掩關

送相明燕回兼簡玉和

賈勇同來此移時興已違恐傷持鉢意不悔出門非作客無全好因君當半歸社中能見憇早覓嫁時衣

身外關何事胸中自不平
竟無千日酒澆我百年情
天地俄今古親朋隔死生
蕭蕭北邙道風雨近清明

寄僧可鏡

鏡公禪坐處。但到覺情。忌動是幾年。別端爲何事。忙僧
于孤。易定花。以衆成香。最好清明後。新茶待我嘗。

獨酌

獨酌不成醉獨吟恒苦悲生涯渾在客先友竟爲誰飽
我家常飯輸他國手棋逍遙無小大鵬鷗等忌機

舟中觀奕

擢入三千浪杵開百一州幾行盤雁字一戰割鴻溝世

界浮家潤風帆坐隱收羸輪千古事誰問海東流

夜飲朱子山齋

出殺紅塵裡剛憐此夜談口逢知己旋句恰古人耽看
月休辭午傷春已到三浮生多感慨落落與愁愁

祝吳客卿先生六十

十年踪跡寄樵漁彩筆曾經冠石渠赤壁舟中蘇學士
香山社裏白尚書字翻貝葉卿雲繞漏刻蓮花佛日舒
自是稱觴多勝事春風絃管譯真如

長安道中新月

野寺鐘聲野客情簾痕喜見月初生謾誇京兆眉能嫵
纔出春明眼較清茅店相依憐夜寂花朝欲近得天晴
相與待垂楊听夢裡江南路幾程

送周恕行之越

感逝傷離共一堂觴行酒政肅如霜貧因穀日知農事
老學梅花避衆香題鳳極知求友恕公羊莫負讀書長
只今披褐還何往玉價從來妬歲荒

濡須贈吳旦門

千章夏木倚窓清黃鳥相呼喚遠聲自是主人應勝竹
得因吾友與班荆亂餘對酒皆兵氣老去論詩盡史評
爲問武陵今在否好將此地報淵明

樵子歌

薄霧輕烟靄竹扉露華香透芰荷衣半生苦節居丘壑

一曲高歌出翠微展齒不嫌山雨滑擔頭帶得嶺雲歸
仙人相見如相問莫道人間是與非

漁翁釣

華髮蕭蕭雪滿頭平生無計覓王侯百花潭上三間屋
萬里橋西一釣舟短笠輕蓑烟雨曉白蘋紅蓼海天秋
醉來懶把羊裘著怕有君王物色求

遊會聖巖

會聖堂開石作城多年浪跡漫經行蛾眉月自天邊盡
崔舌香從洞裏烹巖上談棋歐遠法堦前竹韻陸陶名
同君嘯傲清涼域今日追思寄友人

慈雲庵坐雨暮歸過芳克壯齋頭值諸君劇歡時
爲克壯初度同汪偉長即席贈克壯

雨出偏於物對宜聽殘僧磬下簾遲更經文舉開尊處
便是裴休託鉢時我已確明生是累君應未向老前知
憑將此意參靈運爲趁桃花正滿枝

答幻度先生

半生多病半生貧妝點風流一種人約畧夙因惟好怪
近來新懺在除嗔炎涼遍閱初逢我魔佛交參等是親
太史壯遊吾豈敢不甘蛙井竟沉淪

中秋夜飲

河漢微雲淡欲流開尊幽興轉悠悠嫦娥漫惜三分月
宋玉俄驚一半秋桂子寄來黃正好秣田無歲白難浮

關山不盡平生意橫笛何人在戍樓

壽吳本如中丞

珠履如雲酒映嵐相看重理舊時談先庚共喜占年二
雌甲何論避舍三綿上有田稱報母堦前種草得宜男
平泉花石東山舞記取逢場著老憨

南中雜咏

次松陵
潘氏韻

詠史中丞

獵獵朱旗映紫嵐劒光十里雪霜含中丞真有渾身膽
父老時爲隕涕談馬上幾年無洗沐鷹揚一面護東南
袈裟浮渡猶關夢暇整應知自老曇

浮山嘗有庵
事類公而靖

憶先師宗一先生

百尺竿頭憶共談爲法如旋軍袒左觀根先以我圖南
祇今無可將塵刹是則名爲負老曇

與吳孔星

元規塵起失烟嵐孤鶴哀猿意滿含四海盡然何處隱
六經以外幾人談識田有影惟浮渡口業多生坐汝南
悲是漸生生處熱更從鄒魯問瞿曇

哭吳無咎

我輩如山解起嵐但從山起復山含平生大有胸中事
究竟纔餘紙上談三傳雄文從癖左兩宗公案晚依南
傳衣小謝堪相慰噓氣能回鉢裏曇

憶方小白

十年晤笑散如嵐靈物都教造化含求食無由爲鬼畫
小白已後
其子復也脩文未敢信人談楚囚對泣憐江表汲冢無
碑憶澗南偏是逃虛增感逝此間痛哭有羊曇

呈何相國

非時命駕向烟嵐賭墅安知意所舍洛下兒童皆有問
山中宰相作何談關門羽檄俄從北銓部除書已重南
靈鳥不聞聞醉象金毛五指仗瞿曇

過左子周息園

即左侍御
歸隱地也

泉聲幾派幾松虬十里香光杖下籌已到輞川知畫是
更看裴迪附詩幽論交淡共梅言臘學道怪如夢望秋
別有峰消息在鵲鳴一曲石低頭

春過大寧寺

山山爽氣與徘徊況在莊嚴七寶臺未許將心論不住
且容以色見如來病緣有種當春發慧業如燈或夜開
只爲荆高求懺度梵音都作雨聲哀

遊黃園

黃園二月草芊芊悵望東風自歲年漫向標題求館榭
頻將水墨看林泉松如杜甫耽詩瘦石似劉伶中酒眠
洞口一龕還供佛色空成敗問香烟

寄方爾止

人事天心揔亂絲高陽猶自酒成池醉中竟失雷驚耳

別後頻經火到眉避世貧無三窟想借君讀補七分詩
憑將此意存公案尚似旗亭貰酒時

浪公五十

支公一衲老巖扉課靜時忝向上機已證此生原是幻
未言今日始知非安禪石上雲同坐出定峰前月送歸
世外交遊誰得似問難玄度獨依依

答何令遠

白頭無可副春妍飲清言揔病緣人事盈虛如置閫
文心并苦自因年相看東野投金瀨爲憶西崑暖玉田
枕上得承詩句好長門幽恨亦嫣然

贈朱西長四十

水山利此身歸來聊慰草堂春馮唐未及爲郎老
鮑叔何堪對友貧得句祇因存甲子觀空無可避庚申
麻姑眼底滄桑事但問樽前四十人

從李師游浮渡

諸天歡喜奏雲烟臺上清言曉更玄九品幸分蓮供奉
三生愁聽石因緣澆人壘塊黃花酒見佛津梁白雪篇
鼻孔文殊拈得出靈山一會尚依然

答友人作

猶記相逢雨意寒應門見報始呼冠友朋以外吾何樂
文酒之間世所寬閒亦不無窮鬼力老纔知學古人難
朝來伏枕方無事佳句清新得細看

寄何相國芝岳

賦就新看雁幾行平分秋色自明光雲泥未敢言同調
甘苦相關在異鄉千里定知添警悟兩年不及論文章
救時雅有長源癖暫領龍眠政事堂

同何相公歷陽除夕

王氣相迎雨雪遲官梅香倚燭花枝江城供具因民俗
相國鄉心待客持歲不與人天有老愁能隨我地無私
未知白髮還公否大抵星星自此時

自壽

是詩也成于丁亥之七月二十有九日是爲予
七十初度也時在儒須之鐵山鐵山者予友吳

汝爲讀書處汝爲諸兄弟爲置酒召賓客甚

客之歡終不足以釋予之悲故有是詩詩之所

以名自祭也祭之名生者之施於死者也故事

皆當有言時從予者獨予孫兩京宏彞則予言

固卽以代兩京子孫之用此於父祖者禮也亦

卽以代汝爲朋友之用此於朋友者誼也皆以

述其悲者也昔有人問蓮大師得了死生否師

曰出家三年已了生死所未了者名根耳予嘗

深念此言自祭之名昉于陶先生淵明淵明之

言人生實難死如之何真爲達矣其言自予爲

人逢運之貧貧豈足累先生者但拈一貧字得

無與幼安揮鋤之意便小一塵至先朝何大復
臨終語其門人有我生多辛苦之言先生得年
三十有九何以不及死生也嗚呼此兩生皆千
古高士文人其廓然生死者如此而獨似不能
盡置貧富盡置甘苦如予平生所歷兩先生又
萬不足盡之獨大運之傾始於名場最予所深
痛雖足跡遍四方而姓字不出一室槁死草間
於予自足顧雲栖聖人且何以處我哉客之歎
不足以釋予悲迺予言之悲遂足以盡予心之
悲予予雖未死其去死亦復能幾時兒輩皆失
學不能言不知青蠅之外有吊我者何人
之悲不盡於予言而或得盡於不知何人之言
即又代予言矣夫所謂不知何人者必有所謂

可知者爲之導則汝爲兄弟是也

大事未明憐此日古人所死是何時友生好我能張飲
老子貽孫更有詞聊擬陶家爲自祭敢將虞子問人知
有情應怪天難老無諍憑叅地用卑世自一壺爭貴賤
我經三鼓識盈虧到頭是味皆成蠟轉憶初生得擬塵
正值聖人方在宥欣逢道者詫岐嶷三生石幻緣難結
八識田空慧有基浪說明朝如掌果透觀重戶若琉璃
子兒時或前知數日事嘗臥中遙見舅氏吳從肅至門
外先大人怪之時隆冬天未甚明急起驗之果然凡隔
重垣路以茲大父虞蘭脆反較群兒後管窺始授書揆
百步也

藻未從文選入受經已對尚書疲嘆談自此時通史駢
語因之偶入詩謬想玄黃前有我習從青紫外詢師縱
心四部良無畏學步三塲亦不辭牛鬼蛇神聽部署天
吳紫鳳任歲筵錦分散騎嫌經剪玉簡平原務盡批公
子投竿須用海將軍置陣必臨泚執及自詭爲王導肯
播尤懷畢父糲質業無時常傍竹課工計歲視裁橙能
爲左傳何妨癖不讀南華未盡奇先大人有南華癖予
童子時節經指授
禦寇風疑堪傲鷄壽陵步豈得超藝此書政復何須注
卽事隨拈竅在疑未及藥成爐遽圻共傷薪盡火仍貽
龍門有恨書需續犬子迂情病復支起色欲徵金液幻
括焉還破石田欺天倫絕終因游少世法生疎與性
始信宗文仗母慈誓日共爲萱草色驚颺忽折紫荆枝

舍弟陳仲才而天子常
前禱于關廟願爲之代
曾祈漢壽靈無應擬與王猷算
正比七尺精匹仍苟在多生障重固難離深慚鬼錄垂
三宥轉向人間嘆百罹朝氣頓銷憑見獵昔賢如對只
交綏肯爲童子因人熱得不孤軍見敵罷以此讀書多
外傳但言服藥憶中醫予與仲皆善病自
仲亡予罷服藥行求避債臺
安得爲賦無衣人是誰因悟編摩皆係福恣談遊覽正
須費後車偶托平津契何相國
芝岳五岳因諧向子私客已
散梁尤寫鴈婢能蔽魯欲原龜黑陵檜柏神靈集青嶽
雲霞造化爲七十二家無掌故三千諸子尚壇墮携愁

更踏長安道乘輿曾窺太液池民憐兩篇稱玉府衡山

十首亦珠麗文章隨世仍相和俠節何人許更追易水

衣冠千古見劇門壁壘四朝遺劇門邊城堡皆營自

漢凡經四朝金湯屹然予嘗金無樂教聞風至律憶鄒

生月雪吹天語竊從東閣悉捷書幾見北門馳誰人為

漢陳三表何事如齊有四維雅坐口窮深自艾可禁心

齋烈如葵當杯尚斥金盤露持論寧輸鐵蒺藜錯智弗

遲晁氏計劇謀先為魯人危總緣秘枕承鴻寶豈必高

冠著駿驥詎意竟成戎馬識無因聞託史魚惟史相國

此公真有愚難及相士偏能誕是謠頗為窮交籌米價

忍助吏更作檀施雲泥偶共三年事海蘇蘇

蘇陵無寒秋塵飛四面合元規龍竟龍

八駿終為阿母羈席上憑看茗事酪釜中試聽豆呼呼

村烟也學孫公寵野火如爭項氏祠安得圖書皆入壁

小為語笑亦須蓄虛疑政用論兵失畢竟風從識字廬

秩秩廬陵丞相第翩翩中壘大夫兒昔慚徑借終南捷

今美舟經灤瀕歌療鶴何由人得血殺牛亦任我為尸

金銀仍有彌天氣香火全無隔宿唯辨愛贗書嘲屬國

事疑重幣贖文姬榜花譜映齊諧志視草文高石鼓碑

凌厲燕臺俱是驥保全昌邑不如鴟英雄何處歸吾毅

廊廟當時有將戲十目橫爭朋字正百身何救帝圖興

蘋端瑟瑟風方始蕉底情情覺已遲不在我前真自悼

何關君事與人畸苦衷似共窮為約勝事偏于老不宜

建業水耳空託鉢龍眠莊在未沾犁豺狼伴經千里

鷄犬同歸共一壠人鮮瓮中圖骨肉昆明灰裡縛茅茨

君臣蜀國鵲相爭伯仲金城柳在斯逐日霧增工部眼

連年雪漫子卿牌鷹揚以後無興渭狼戾何方尚提耶

漫向葛衣論世態從來敝袴計功差皮囊作祟能無待

般若為糧倘不營曾有一人從翰苑先師吳客為拈五

色出摩尼浮山風月開生面遠錄機鋒見豎簪解後三

三無異帶著前六六是枯基因張末法先空觀為度初

根用忍持勇猛首遮明日埃慈悲更展隔生期先師宗

勇牙立志者不敢懷姑待之心去來不過爭爭

相為何承願慈業反憎靈運雜行問須印普賢悲悲

漏為光陰惜貝葉文緣憾悔提居士門庭原澹泊如來

鞭影在離披遷三痛負深陶鑄噫五遙憐舊唱隨風對

見尋聲赫赫童烏相望塚壘壘春屬經亂先者甚衆如

陸凡五孫多以傲死小陸但甫疑筍隊旋來如何處蘭

得一升米可救而不及悲哉

盆可告飢只似隨緣同傳舍應教思過向嚙噬放言昔

豈容呼駟反舌今疑可貸鵬德遠獄翻平鬼責予讀宋

解張魏公之為人頗深舟州夢斷見吾衰平生數夢舟

求之今與相忘大造矣

擁書只當逢絲管博古何從辨鼎彝眼底笑看三豕度

胸中穩貯八蠶絲是非有說憑臧穀工拙無端任惠夷

話到聲華俱露電算來遊好幾鍼磁津津尚憶論心燭

落落都成折脚翁
孫子來能同噉麥
出入痛愁急難數也

張郎死不負名芝
表弟張芝字仲英亦生年知異

同左右皆爲手存歿
春秋抱在皮玉塵
尾埋良可恤靈

光殿在亦難稽間吟
杜句寬兒懶備述
符姨助婦癡但

同品題移小草莫尋
滋味到蒸梨偶臻
小悟因知歇時

抱幽懷欲有遺最愛
延陵人奕奕即看
河朔事孳孳苦

墜若在投金瀨豪舉
應標瘞鐵吸鐵山爲據
魏武武爲

今日急米顛顛被昔
人啞米當官無爲
足明別調時時

少況復窮人局局嶮
踏地踟天尤巨測
浮家泛宅果安

艤降心久借耶鄆枕
下酒何消博浪椎
靜理定能靈肺

爾壽神端可潤威儀
兩端從與予無分
百歲應難命

何寶不靈均爲共降
甲方中並取無雌
其時爲時

種松成嶺邨常住編
竹爲棺不誤伊今
古輓轡書甲

人天階級鏡妍始官
中漫作襄陽約島
上空爲履道治

欲學無生知不易也
從一滴學無涯

戲作五首

世無武陵漁安知秦
可避桃源雖不開
祇園幸不閉

十日並出時后羿亦
何神舉頭但一日
六國莫支秦

恒河沙數衆無淚餞
崇禎如何臨赤土
怪他天眼晴

不知中國中佛定何
時有便却淮陰侯
得先見佛母

激龍當以虎誰能入
虎穴如今封使君
正擁旄仗節

祭脩慧

才及十齡身倏忽却
于七字意纏綿在
時曾讀書多少

文字綠深父子緣

四十初度有感

浪裏回頭四十年一
生撐盡闢風船于
今已是隨風打

船到江心任老天

有感爲孫夫人作

種得天桃一樹紅爲
他愁雨又愁風東
籬不聽金鈴響

輪與陶家解事翁

祭九如

舊鬼見尋曾有說無
言新鬼倍傷神情
知來意饒相告

其奈力當乞食人

夜啼可似晝啼情屋
角長松借汝清歸
路應憐予未徹

相邀常不過三聲

人情寧與汝情通若
箇舍情在谷中只
有昭君歸夢切

可憐不度未央宮

茶花

西施俠節容遮却逸
少文心字掩將恰
與此花同一命

世人只解較旗槍

題丁蘭廟

秋風江上客衣單天
路何由借羽翰一
日三公無換理

憑將此意問丁蘭

題赤壁

黃州夜月蘇坡艇赤幃秋風飄
魏武旗幟是當年親見事
江聲便是感懷詩

哭猶子西曙十七首

海上飛來一字新海風海浪失
機因但將家事忝天意
事事堪疑此事真

一家猶在夢魂中信到江干獨
我逢應是多生爲骨肉
蜀山先報未央鐘

何病何時忒渺茫招魂有賦向
何方吞聲欲下昌黎筆
此恨難同十二郎

賦哉幾得叫天開偏以脩文去
者繁地下論才超六代

建業城邊一醉呼幾年消息粵
耶吳西來萬里長江內

寄有懷鄉淚點無
脩文地下已經年消息才從萬
里傳飲酒讀騷千古事

從今刪却遠遊篇
天外蒼蒼更兀天浪魂何處
叫荒烟一腔正辦慈烏血

可得餘紅化杜鵑
自提斑管卽昂藏兩度剛腸
見悼亡若得多情同奉倩

一杯猶得衆鴛鴦
文字漫誇巴蜀檄聲名敢問
會稽章一杯欲乞家山土

如望瑤棺下帝旁

曾上珍珠海客船可能一粒作家
緣他生得托烏衣巷
死價猶贏百萬錢

家學稍於史傳優時時卽事有
尋求如何各爲浮情誤
竟未深談馬少游

憐予薄福得長年萬事紛紛到
眼前因悟不緣情字盡
何人敢學做神仙

四海彌天氣自殊不知絕筆有
書無毫端字與胸中淚
一一憑添合浦珠

兔耳山前泣落花女兒橋復嘆
空華憑君慎作揆環想
別覓襄江太傅家

家世因緣分草萊五言八韻卽
人才東陵瓜地寬何許

總角荷衣有雋名但看落筆見
才情向來錦段還餘幾
乘夢來分弟與兄

孤懷應自衆香來只似襄陽咏
不才雪窖冰山經歷遍
到頭却作嶺南梅

寄方小白
長生殿裏舊商量碧落黃泉竟
渺茫萬死阿康終不死

欠人眼淚與肝腸

春茶
春盤細剪碧叢叢消息于今鼻
觀通却憶平生孤負處

木樨花下海棠風

哭張仲英二首

劍躍延津終得侶
琴辭王子頓亡神
將爲劍化爲琴在
可想人間活死人

荆高以後酒人劣
汝共方郎素心
欲造端何事未逢燕
太子便爲我輩換衣冠

漁父

籃裏無魚欠酒錢
酒家門外繫漁船
徘徊欲把蓑衣當
又恐明朝是雨天

贈段山人

博古圖中見鼎彝
囊千金一擲爲耽奇
不知誰是波斯眼
解定惟西第二碑

何次德

自笑狂夫老更狂
但憑機穎避三郎
我生定辦荆軻事
不比當時得舞陽

偶題二首

京兆雙鸞久逼真
成都十樣又爭新
菱花照裏成惆悵
付與東隣二八人

錦幔金幢隊隊開
三郎閒伎上歌臺
十三絃裡聲何壯
好避花奴羯鼓來

自感

鴻雁無家春也歸
堂深燕子傍人飛
頭顱帶得江湖雪
仍是桐山老布衣

龍眠風雅卷二十七目錄

木厓潘 江蜀凜輯

吳門沈旦初翔生

同里姚文燹聲侯

王杰 四十四首

李文華 九首

何應璩六首

吳用鈐 二十四首

方若坤 四首


盛氏
四首

方若素 十一首

汪百谷 二首

趙連城 二首

方叔猷



龍眠風雅卷二十七

木厓潘 江蜀藻輯

王杰初名卜字不疑萬曆末諸生已更今名號廩坊以所居城西北隅爲魯子敬指廩舊蹟也

家素貧分產給諸昆友愛最篤居恒有志用世嘗謂子弟曰蟬街所以經世務此外復何事乎公天

性磊落所蓄大耳堂集皆蠟強自好獨出手眼士
林爭推服之購請詩文者趾相錯也又遊于鄉先

生方文奎藥文莊兩公之門同學淵窺才力構驚
歿三十年仲子天璧宰陽穀爲刊其遺稿行世而

屏中醫中執王珣爲之序詩古文皆百
叙千鍊特有真詣其諸古之振奇人與

方斷事公幽忠錄

黯春陽郊壇禿緇髯吳鐘咽不鳴蜀土血漬涕川

氣匄英靈孤光細身沉名冷然蛟螭怒裂背百年

弔伯羅讀之陰霾霽

THE
JOURNAL
OF
THE
ROYAL
ANTHROPOLOGICAL
INSTITUTE

樂府詩集卷之六

翁歸文若武雀華子

江左六朝風王謝驕門戶地輒奪天鑑宛如夫長姥

得靈簇冠纓人儻衣無組滿城里鳴珂而獨倚市賣青

青一子衿蟠桃花乍吐衰一簾瓊錢謂元於今兄作福

潛城累金穴而擢壁四挂乏二十親久伶仃廿謀九齒

葬厄三行不採朝堂姓不挂壽軒微四履懷迎才

鹽任散弄面錢愧易汗勝錢強藥仍做五六月毛髮寒

生事暗官警第三赤手拳兒三黃口乳吾似臙膏升仙

時耀亭午高門廣田區外駟撫難弭子屏占世間纔容

登牒譜而吾六痛哭一淚一塲雨唐皇閔雞年何堪出

胞肚唐宗崇慶日何堪設膜脯八字未安排何勞排八
股髮短心髓枯勿藥焉知瘡哭愁仲兒發狂言六哭爺
何取六笑笑其哭戲當斑斕舞門衰清白貽比隣勝德
宇王謝在筆腕楊廖來丹廐家乏昔曾饒近且粟充脯
仁儉煉鐵石賤貧天缺補遇厄屈雙伸名微伏雌鼓疎
傲龍性昂愁病鵬飛怒骨肉皆虬螭男亦跳地虎我開
拍案叫口海成笑圖眉山名二子吾亦知諸豎才可木
向榮志非草同腐芝蘭已根荄晞露各有主侯封萬頃
田廟食一杯土朝奪文章標暮記功勲簿千秋壯業牢
百齡童顏古庭前種槐人槐黃秋自睹吾健骨稜稜自
壽期莫數卽估七十年尚能二十五

其三學師於西山老君殿

兩山似醉晴山醒日脚翠微珊瑚影道院香空融氣紫
仙來函谷開中子薊北風烟淮南水一堂西爽都清矣
松濤呼起蓮波笑其中浩歌當長嘯薜荔無陰寬晚照

中秋出闌遊吳開府園

投筆問園林清疎御史心周遭千景好秀第七篇溪松
石僧同古花魚鶴太淫不關今夜色池老六朝陰

畫船秋月

萬里星河白那應坐樹樓只須平舸小宛在上方幽蟹
陣鋪燈面蟾光接埠頭最貪三五夜不寐學垂鈎

許開府案石

公昔紹興太守

鬼斧何年琢奇供御史丞檀香雲出岫蛛網石何留土
繡從靈壁水聲似紹興水晶融五色知有補天能

上何太常二首

聖治宗東魯賢門世大夫功名纔百粵禮樂又三吳銅
柱標如馬金甌覆是虛青毡王子敬坐閣縉紳圖
大小桓君號曾傳漢太常公偏超綠綬千復盛青箱衣
履如鵷序簪纓定鴈行豈關師訓力家有辟雍堂時仲見天

九日

節到秋何晚年當老亦豪畏風頻按帽防雨早登高亂
後鵲留陣荒殘菊帶蒿酒腸饑未損膽氣敢題糕

何處羽衣客飛來冰鏡中細翎融濕雪朱頂潤明虹素

影人間水高情天外風若教盤遠勢清露舞虛空

白下歸贈吳漢章聞曰唯

擊楫渡江南歸來伴又三筆殘仍噴彩衣老故拖藍雪
浪江吞盡風霜菊戰酣一番秋氣概只與壯夫談

西天寺聽齊員倩琴

翛然僧榻畔人共七絃清對月聽經意臨風作謔聲彈
教花雨落坐覺水山生安得蓬瀛處隨君弄鶴笙

橙山訪汪大年

入疑霄漢盡鸞處忽鬆開秋野丹成片陰崖綠阜堆舞

鴉將客逐嘆似兵來丈石高無恙山靈許共陪

福興道中

海盡盡奇峰園多荔與榕日晴惟雨夜雲暖不寒冬塚
久偏多貴田開始見農但逢佳麗地林氏已栽松

雲半間

一間僧屋半間雲還讓青毡半裏分燧火然燈諸物候
石泉洗硯照人羣蜂鬚釀蜜香能惹鹿角披衣賦欲紛
鐘漏不知何處盡滿空天籟獨先聞

來夷齋

爲園三畝屋三椽不放簾時萬里天林雨瓦間敲碎玉
石苔月下繡連錢書成西嶺來春色報到投山出暮烟

十里青溪楊柳綠黃鶯都在鶯鶯邊

寄葉大宗伯老師丐子詩序

時爲南
雍司成

草茅何以上鑒坡京邑文章舊價多

師昔貢
選南雍

自到木天

欺撲邀又來花雨沐菁莪歷泰王氣金聲賦擁晉風流
白服歌說向壁橋新弟子吾曾冠帶此婆娑

邑侯臨生社諸先達陪集次吳宮諭韻

一水無絃響自彈冰心到此共清寒幾多皂蓋漫天礙
猶覺蒲團片地寬不夜有心臨彩燭無風自霧出香檀
疎鐘斷處清歌發半是騷人半達官

秋日同殷梅源李慶岡警

不堪秋字亂時時曉塞馬初肥劍血腥藥裏寒溫成慘淡

詩中平云失句停黃河未漲思春雨銀漢無氣望曉星
酒到得君揮筆陣龍蛇聲勢帶雷霆

史進士監軍

兜鍪粧點進賢冠半壁乾坤借一撥進士兵書猶自讀
將軍戰字不須談杯中月共啼波嘯劍上星將血海含
欲挽銀河無洗處蝶隨花氣過江南

答杜德機

酒間索句笑難應詩豈君家杜少陵鐵鑄俠腸羞傳粉
珠懸慧眼識傳燈酒如李白澆三斗墨似張顛洗數升
一寫不知吟下泪原來字染血成冰

梅花次高啟韵二首

瘦如僧老澹疑仙韻與騷人趣作緣黃菊曾留酸澗雨

桃未破團圓烟媚娟紅白遙江外隱隱青蒼古峽前
自入羅浮清夢後陰晴不惹百花天

暗香寧許蝶蜂知地老池荒出一枝洗霧瓊姿天共色
曄霜玉骨月相思粉粧鶴唳更殘夜信報鶯歌歲早時
化作美人林下見自然標格過於詩

白燕

斑襟紫吻任尋常縞素偏宜玳瑁梁穿入玉釵纔是夢
舞添紅縷不成粧波紋翡翠機梭淡箭尾芙蓉剪綵長
語似舊時王謝認海風吹卸皂衣裳

竹醉日遊燕子磯夜還宿蘭若

每望嵐陰未到雲到時同竹醉南薰不堪道院迎急客
何可僧房缺此君畫舫難描江上彩青娥爭賽水中紋
笙來簫去喧明月受用清鐘略幾分

遊石洞庵

老健登山不杖藜廊榭穩步更樓梯夏秋風轉雙吹入
南北天交一望齊燒盡劫灰高結寺鑿開石乳溜成谿
故鄉點點猶何處江窄雲寬樹影西

訓孫

十載兵南千里客冬寒況是老貧儒地遺寸白晨梳髮
閣亮微紅夜擁爐痛父堂兒身內切登官拜將眼前無
平生未了知誰補手撫孫頭笑復吁

善仲弟來軍歸自定

昔因燕園幸賺開松山城破又偷回皇恩不屑山林歎
官況先揀驛路哀行處父魂應護劍到時兄手忽鬆杯
天涯骨肉何緣聚喜轉如癡作夢猜

吳子嗣山房呈其尊甫先生青芝太守

石間山靈借翠微啼聲舞鶴共忘機不知吟客思多少
但聞煙仙影瘦肥楊柳鶯啼晴嘒啞芙蓉燕尾雨依稀
曹公倘酌青梅酒可數英雄到布衣

菊花限九佳四十一韵

一味冷官街一葉閑客齋低枝或掃逕奇幹欲摩崖五
色開玄帝千年煉女媧香令檀麝穠粧覺粉脂指六尺

高逾嫩三分媚已佳蕭疎天自好寂寞地偏靜對應
疑俗歡呼不用俳諧宜被灑落詩忌調淫哇老圃寧嫌

澹新時只恨垂未逢春色圖却傍晚陰捱朔氣初生楚

寒光遠在淮蒲根見陣陣梧葉鳳嘴啣淚濕霖霖雨腮

凝點點靈華芳霞暈吐瘦影月痕又近夜留餘蕊藏冬

煖剝荻蛛絲菱玉塵蟲蠹剔銀釵風戰掙將竹霜欺護

以柴移株須粉鉢分種各牙牌盛友尋唐士名姝比越

娃古稱真隱逸世賞盡徘徊北海尊多酒江南菜有鮭

朝餐木蘭並秋採薜蘿借忽到過頭杖還遊軟步輦隨

絲閒玩弄好事巧安排似舞黃皮鶴爭來白鼻驕始知

方外侶正合物中儕爾艷無蜂蝶吾狂任虎豹爲國

侯西戚足生涯携子看芸草呼奴拾稻蕪問予何所樂

觀此卽其懷桂子嫦娥遣荔奴中使差豈如君子境常

是至人增白露清爲骨黃金散滿骸錦茵諸彩練錢朶

幾緡緡濃映千蓮燭孤凌萬樹掇愛惟元亮獨騷興屈

平皆原憲貧非病劉伶醉可埋幽人知己者花譜咏模

楷

指廢坊

富貴交中見英雄亂後尋而今多長者只換指困心

夜

空月似無天松陰閒自引西風東北南那得秋聲盡

送友人試廬陽

昔我飄零兩到廬詩脾泥足雪風驢五陵裘馬鞍頭笑
花匣綾韜展四書

新月擬古敲枰交韻二首

聽得吳剛鬼斧敲廣寒偷斫桂枝梢致令桂魄無全量
晦朔連宵補不交

素女疑將銀燭敲燭媒雲影畫眉梢十分黛色三分淡
兩朵蛾痕一朵交

亂後喜遊

雨春長得避兵蒿有債多因是賣刀紅杏恰來鸚鵡嘴
綠楊都上鷺鷥毛

不卧捫心對藥床痛酸都在此中央吞刀緩忍忙書記
好取兒孫淚幾行

訊仲兒襄陽邸中

二千里外斷腸情只候吟聲與笑聲消得一行書上事
夢中白髮黑三莖

七夕友人之六

野堡荒灣我舊過今朝不合唱離歌晚粧樓下人猶去
豈有天孫肯渡河

舟夜二首

睡過江東無數山醒時忽笑水天間一江詩思隨空去

題過菰蘆幾個灣

聽風最喜激聲流槳擊空明蕩不收掉破武昌魚子浪
蕪州春色在黃州

自皖城回示仲兒

老去重來未可知衆山相送似相辭少年赴試消魂路
今日吾兒半笑時

曉聞吳歌

夢裏吳歌作楚腔渾如兒女語雙雙此身已屬蘇州月
夜半何緣到皖江

小孤阻風遊石鐘山

東坡曾試水鐘鳴我怯鐘鳴浪阻行兩月從無風一順
等閒消得逆中情

李文華

字質卿號芝石崇禎間歲貢生家貧力學教
授鄉里所入館衆皆以明宗黨之害者天啟
甲子赴試白門有友人父子卧病僧房爲延醫療
治之既子坐歿經紀共喪遂攜孤扶柩歸不歸
省門其教尚氣誼如此所著有清音集

奉贈何相國歸田

頗躬辭北闕畢志赴西疇致政緣明主歸休戀故丘堂
開裴度野瓜種邵平秋日夕江鷗至偏隨畫舫遊

秋前二日懷王玉鳴讀書靈泉寺

溽暑侵衰髮高齋繫我思溪廻清溜冷嶼寂綠陰垂鳥
語窺朝帙蟲吟響暮帷惟最宜秋月近皓魄倚欄時

寒月

朦朧雲際月淡漠樹間暉窺影霜威肅驅寒酒力微簾
開清襲幕徑轉冷侵衣何處疎鐘至凄聲入晚扉

對雪

剌刺寒威迫空齋隱几時亂風飄雪片昏晝吼霜枝偃
蹇生涯薄凄清病骨知蕭然徒四壁孤詠少陵詩

過朱公墓

望望名賢跡樵人指碧林荒墳經雨斷殘碣隱雲深漢
代循良政桐民遺愛心甘棠應不遠謳頌到于今

一夕夢中有云中怡老白雲層因成一章

久欲買山恨未能山中怡老白雲層饒他萬里乘船客
輸都三更入定僧結宇振林堪獨嘯攤書還石便閒凭

燕中別胡鶴鳴

天涯分袂思茫茫偏惹離情憶故鄉驛路雲山欣並轡
薊門風雨喜聯床心搖別後花頻放目送歸時鴈幾行
過我草堂偕二子莫辭把酒對疎篁

春日同許胤伯諸子登鎮皖樓

危樓峻絕倚江邊極目風帆春景妍汀草離披迷檻外
楊花歷亂舞尊前風吹梵響諸天靜雲繞鸞啼孤塔懸
醉倚夕陽歸未得最憐漁叟宿殘烟

懷瓌山甫

溪掩柴荆獨委蛇白雲縹緲繫相思劍光射斗曾占氣

壁價連城久待時銷夏綠荷舒淨沼辦秋黃菊倚疎籬
同來顧我西窓下好共論文酒一厄

何應璩

字子政方伯虛白公之仲子生而淳重不爲
應璩同居友愛如兄時應璩父文端公秉國鈞公
界諸弟公一切斥去不問從父文端公秉國鈞公
督家政有愧遺皆封諸無所苟營從公執紼引喪
倡導怡園之會同社生焉懋業死爲執紼引喪
之盡哀有范張遺風晚夢異人授以石硯共鐫乃
淡然若石四字遂自署淡石居士有據梧軒集

山中小蘭若

竹根連蔓草轉路入蒼藤地古多奇樹山深老僧樵
青蘿遲返春瀑水田崩自有禪堪悅何方是大乘

岳少保墓

廟堤黃龍府燕雲一望深千秋三字血一片兩宮心遠
事田夫說荒碑野燒沉春風吹湖水如作渡河聲

亂後寄江外友人

亂後浮家異相思寄碧筒雲深山色暝石靜野烟空戰
血腥秋草殘陽急斷鴻年年二三月時有可憐風

田間晚穫

蟬鳴秋雨霽晚景足田桑故草抽新綠嘉禾曬淺黃占
雲衰笠苦對酒非萍香野老閒無事當門看築場

粵東別張鍾陽按察

南方瘴嶺淨風烟共羨張君爲政年防海預嚴合浦市
泛洋先禁廣州船荔枝紅映三春雨梅子圓齊五月天
幾曲飛觴消永晝那堪茲夕是離筵

羈人旅思消何處狂瀾爲君傾巨羅
暝色寒烟相與劇
罡風陣陣催遊屐金勒玉鞭馳後先
別墅濃陰森肘腋
濟勝之具喜有餘競上元龍樓百尺
主人愛客客忘還
顧曲敲荻永夜閒
殘醉莫辭新醉續
城裏重看城外山
却憶披雪洞中樵
隱者曷爲匿影峭
嶠菁蔥間

朔

七夕同朱開之吳衆香呂日章分賦故事得東方

元封元年七月七天子齋居宮禁密
承華殿裏盡無塵
通靈臺上風吹日想像仙真欲見難
歛有青鳥來正室
離離峭骨相姝舉朝錯愕無人悉
滑稽侍從東方生
首信天上長遊佚吉雲五露琉璃青
芝田步景雲光凌
那知江表幾枯榮鏡火明華屢轉
苗憶昔經過翠水濱
玉闕承霄迥萃棹紫蘭宮侍王子登
別來千載成異質
朝朝暮暮瑤池飛肯填銀渚渡靈匹
阿母會須暫下來
將翔將翺爾警蹕麟駟駕雜喧衡百
和九光仙儀秩
琅璈湘瑟薦天厨阿環通訊懼未畢
庸主對坐非仙才
靈官嚴車不可尼始信先生豈凡人
從前相對徒相失
臣饑欲歔應自知一十八年笑狂獼
丈夫翫穢都如此
白龍魚服悲蕭瑟何當掀翻天漢波
淨洗世間肉眼漆
歲星光芒萬丈長射令俗子寒慄慄
痛捶蒼虎歸去來
年年七夕挂雲霄

蚤過礪磯

苦酒澆愁愁難掃寒燈無醖玉山倒
酒醒燈盡夜何其
雄鷄一聲東方杲伊伊啞啞槽初搖
旭日流紅穿牖景
磯停滯急應不留舟中無聲暗祝禱
長鬚把舵勝長年
始信江湖余已老

獨山湖阻風

石尤嚴水氣淒緊到虛舟黃熟梅初
夏青寒麥未秋
淙多知赴壑山獨不驚流對此理孤
緒飄飄似倦遊

暮秋理歸櫂

正值秋容老行行客思賒江湖一蕩
子南北兩浮家
岫遠雲添峻楓丹松映斜因知歸去
路是處有烟霞

峽山道止仰古

十里峽山道山陰定弗如朝嵐相映
發竹樹暗扶疎
怪石迂前路奇雲隔後車桃源卽此
地吾意老樵漁

贈鍾伯敬儀郎二首

海內文章伯翰君久擅場登壇南國
士典禮盛朝郎家
學竟陵體人傾通德鄉我來時握手
潦倒與何長
生平傾倒處只在楚雲邊沽酒憑文
價看山損俸錢每
揮名士座時共牽廉船時與友夏往還深幸延陵子頻來問艸

曉冷

曉冷秋衾薄霜鷄送五更數櫺留月
色一枕受鐘聲
聒耳意蠅亂驚心簷雀鳴却憐多病
眼炯炯向天明

寄肥水令熊公遠

豫章才子江陵俊鞭弭相從憶昔年展倦石頭同作客
烏飛金斗獨疑仙已知白雪輕城壁還許清風折俸錢
爲問鎮淮樓上月可容分照到龍眠

訊耿師獻甫

不知絳帳近如何戎馬年年轉徙多家比仲容惟嶺鼻
人同甫里只漁蓑惜陰亭上攤書曬避世墻東扣角歌
門下貴人今秉鉞斜封白絹慰烟蘿

三山姚家園

參知舊墅枕江濱舍權幽尋向晚曛石上荒臺蹲老柏
尋前外沼綠新秋平疇香稻當窻滿古廟疎鐘隔坂聞
熟客佳逢清美儘可能不待月紛紛

賦得滿城風雨近重陽寄懷石生兄

天高風急雨霏微此夕年年客憶歸紅葉翻堆聲歷亂
青燈綻蕊影依稀倦遊自笑空彈鋏忍凍誰憐未授衣
爲報難兄多藝菊遲余九日欵荆扉

送明經方爾唯北上公車

醴酒新亭送客車今朝去住各天涯二千里外紅塵路
四十年來絳帳紗虎觀譚經風滿座龍墀射策筆生花
相逢擊筑如相問爲報園成五色瓜

金陵懷古二首

一曲歌殘王氣銷臨春春盡草蕭蕭軍書席下函仍閉

鐵騎城頭檠已調玉璽驟驚歸北國美人猶自說南朝

賞心亭畔孤魂在寒雨淒風自寂寥

孫家兒子仲謀才大帝江東霸業開形勝一時推虎踞

英雄半壁盡龍媒中原巨艦終成燼西蜀連營旋作灰

但使後傳饒勝算樓船容易上游來

燈花

剔將燈蕊去莫遣傍粧臺如何虛報喜不見阿歡來

蓮枕

新編紅蓮枕雙花垂弱蒂刀環知幾時空擬並頭意

閨詠二首

春暈長于春暈長偷拚一枕嫁裴航可知幽夢多撩亂

雙鳳頭雙鳳凰

綵扇搖風病欲癡擬將一葉寄狂夫無情最是秋宵雨

曾到狂夫枕上無

方若坤

字號陀嶺李廉石洲公曾家孫桂林公
藏松鶴樓公世守之丁丑冠至人曰可以去矣公
日累世於物俱藏斯樓舍之去先靈吳依脫有不
諱亦惟效國君於社稷之
義及樓焚而公以身殉

與子偕老詩四首

昌黎刺郭人吾曹誦周姊此義一何幽古來無明紀然
而慷慨捐其生猶勝束手視其死聖人不易吾言矣

男子自刎者杳杳女子自刎者皎皎女子仗節死義多

男子仗節死義少君不見粉黛乃男子鬚眉皆婦人胡

爲乎周母不制禮隋主獎不均

啟期自幸爲男子而我自恨非丈夫聞葺負此昂藏軀
寧不媿我周家姑

松石雖無子壺山尚有妻樂機三載割梁案百年齊九
死天難額一生肝可披此之謂自慊非以博標題

題天筆山房

奇峰突兀小窻前靈氣都從造化傳雁字幾行雲際渡
長天萬里作霞箋

方若虹妻盛氏

氏本名家女適若虹嫻于婦道間
以其暇攻吟咏里中女士爭延致
蘭閣佩其瑤璫之訓不獨涉獵詞場也方子且
易曾受業于若虹之門爲子滿其詩如月一
聲流翠落空碧鶴唳不成眠螢火亂飛星欲
落波光一片月生塵惜不記其全者不備也

寄方姑

柳盪千村綠桃開滿院紅水流拋夜月山靜拂春風
宿枝忘倦雲飛天欲空故人百里外常在夢魂中

秋夜

別怨驚花夢離愁斷月魂砌荒虫恹恹冷窓外泣黃昏

雨夜

一夜寒生萬樹風白雲飛出幾千重隱隱樓頭三陣雨
鷄鳴催動五更鐘

古意

此首且易記憶
未真姑存之

滿斟碧酒汎菖蒲先醉婆婆後小姑婆醉有僂僂有壻
小姑醉殺倩誰扶

方若素

字小白一字素心少風慧田讀數千百詩
終身不忘補邑諸生屢應京兆試不售長于
詩古文與同里桃士晉吳錦
康流龍發三珠樹爲金石交

題周壺山姑丈與子偕老詩

周君舊號壺山矣我亦謬稱壺山子我有大姑能事君
侍御椽筆旌以文家諸父魯
岳翁有序諸君有詩詩幾首我亦狂
歌續其後西臺入對者何時首採斯文爰及詩

讀桂林公詩

公詩藏松鶴樓百三十餘年矣天啓五年仲冬
朔日不肖若素始發而抄之將梓焉手彙還之
樓上姑宗子若坤世守之

若老歸來尚黑頭田間計有二春秋暫登五馬驄先觀
千今無以繩其武他日胡然貽厥謀

讀孝廉去病公詩

公手彙甚富諸孫各守其一丙寅臘日不肖若
素乞而抄之起戊子迄丙辰三十一年間無一
字以逸紀之以詩

落落孝廉三十載天官汲汲不能官干旌罔識濟臺面
袍烏空傳范叔寒松鶴韻中多遠調梅花氣外有餘酸
三千禮樂承光寵依舊邸鄆夢未殘三千禮樂承光寵
五百英豪佐聖朝

至靜山詩

有序

至靜者若素從弟曠世逸才也初事著述生來
頗多靈異晝夜有從帷外揮扇者窓月微茫見
之曉行有兩人翼衛道上兒童駭然也其未生
也北堂夢金甲神送梁太子爲之子無何至靜
生將逝之前至靜又夢金甲神五輩以鼓吹幢
旛迎至靜與之抗禮坐五將軍之上訂以行期
云其捐尊人之養也尊人思之不置捐山十畝
爲漏澤園成至靜未竟之志山麓擬爲庵以祀
太子統仍以至靜之字字其山庶幾山在則至
靜在乎至靜之前身在則太子之後身在乎其
尊人吾從叔別號龍眠

勒石墓然至靜山蕭梁太子有芳顏皖公不是尋常
楊子寧知第幾關一去六朝文物滅重來廿載唱酬怪
此中公案誰能勘前後身原不等閒
從來至靜者惟山舍却山尋至靜艱天半雨風君怒態
路旁卉草爾懽顏琅函大展山千疊鐵硯平磨水一灣
南國重來根界別前身火熱後身閒
後身端的勝前身拚却千年種宿因地主入王經歷遍
宰官居士往來頻雨餘徑滑團蕉遠風際烟疎香火新
天抵四時皆一氣鳴蜩非夏鳥非春

楊樹灣

月影疎疎風力和玉簫遙和女郎歌西灣一路看楊柳

況是東灣楊柳多

斷碑

一代聲名如斗山斷碑千載在人間雖然添改無多字
已落名家第二班

與姚休那論詩

萬戶通侯刻印刊十年不敢拜公安如何七尺昂藏骨
老大隨人學瘦寒

從父舒江招同柱峰龍眠景濂中渡諸父及陟嶺

怡情堂下牡丹花富貴于今第幾家但得諸君俱善酒

一年一度不爲賒

牡丹花下不須詩縱使無詩花自奇堪羨竹林情興
東隣芍藥折千枝

汪百谷 字克下一字上善與同里方素心友善

送方素心

送送不成吟風光慘客心貂裘分雨濕潭水斷腸深茅
店荒山繞楓林晚霧沉天涯從此別魂夢好相尋

秋日飲方素心

白雪才名爾大方蓬蒿仲蔚意飛揚論交豈獨盟車笠
作賦還應贊騶驩蘿月一丘浮枕簟松風千樹灑衣裳
茲宵一話成今古明日相思託雁行

趙連城

字聖生一字十五籍學攻文尤尚行誼每歲
元旦立一簿逐月日登記所爲以攷功過

數奇屢別
不及中壽

贈隱者

千山圍一屋滿目白雲飛自食惟憑力恒年不苦饑萍
鋪新木面苔結古牆衣莫下悲秋淚霜林已賜緋

別友人

尔我論交久知心夙有年韻分明月下酒對綠楊前麥
湧田田浪榆飄樹樹錢春風催判袂欲別已潸然

方叔猷

字克壯邑諸生明經月恒公之冢子予之婦
翁也少蒙放縱達自恣獨與姚休那先生善
嘗曰子謂姚先生曰此子異時必能任重致遠姚
先生嘗為予易之晚乃游于酒人酒肆議論風發
目無生客比姚先生為詩哭之曰對酒風生方
克壯此行如以酒還真祇因不是中山酒近日常
時憶故人即公之襟期可見矣所著詩予猶及見
全集指疾卒之年及三十六而卒內多前著此
友人詩帙中得其片簡云

題石大士

一切都非夢石真佛亦真石
二月豈成因半

夜法王話千年童子身區區說石者何至又何費



龍眠風雅卷二十八目錄

木厓潘 江蜀藻輯

錫山王仁瀨時大

同里方中發有懷

白 瑜 八首

夏統泰 十三首

張秉彝 三首

王夷吾 一首

葉士瑛 三首

白 筠 三首

白 篆 一首

何 棟 四首

都克任 二首

何應璫 一首

高日光 一首

光時亨 三十首

趙士先 十六首

方 鯤 七首

趙士先 十六首

光時亨 三十首

高日光 一首

何應璫 一首

都克任 二首

何 棟 四首

白 篆 一首

白 筠 三首

葉士瑛 三首

王夷吾 一首

龍眠風雅卷二十八

木厓潘 江蜀藻輯

白 瑜 字取仲崇禎間歲貢生好學有識量博聞強

欲大用之為執政所擠僅授雲南府推官值昆不

果行服闋轉登州甲申之變棄官歸里隱居大龍

山紀惠仕進方貞遠公為作七樂先生序亦五

析之遠意也卒年六十學者益日靖識先生

浮海南還

魯連蹈東海田疇入無終節義各有適英名千載同志

士豈為名心如白日中炤徹黑水底餘光散成虹憂來

不可罵怒濤自生風風濤有時息此恨長何窮

哭汪皖公二首

詩酒交誠快與君俱偶然醉醒期自適江拙豈須傳

往者都棄此心真可憐暮年剝髮子腸斷亦嗟天

老友云已沒誰念我馳驅化鶴終當返騎鯨應共呼

於燕陰 近采石 至情兄弟外白首海天隅後死知何託魂來一

慰吾 官登州

漫興

莫逐群芳怨歲寒秋風原自惜齊統孝經一部隨玄晏

白布單衣老幼安交到暮年無可絕酒雖獨坐亦成歡

閒閒十畝龍山下不向清風賦考槃

送方仁植撫楚

於今元老推方叔仗鉞來威及壯年雲夢已知吞八九

鯢鵬何但擊三千雄風坐嘯揮長劍明月中流敞別筵

蚤晚卽傳職賊報大龍野老抱書眠

五旬偕門人農父爾止密之江口客度

苦思少壯亦何爲老去龍山舊布衣
潮落海門搖客夢雪開霜樹弄晴輝
百年如寄已過半十月嚴寒尚未歸
博得諸生稱祭酒且將末契暫相依

喜密之成進士

總角城東稱古堂高冠長劍自稱狂
凌雲當日惟司馬流涕今時又洛陽
海內讀書知有種山中函丈亦生光
夔龍寶篆曾占夢佇聽賡歌爾拜揚

長至平原道中東李繩抑年丈

漫事陽回一線新天南海北正愁人
儂爲躡跡永爲蹤已知官舍寒如我好
共煨爐說隱淪

方

魁字慶名號羽南少爲名諸生長而傳經史
尤精易學得萊山先生先天圖學之秘傳
推河洛縱橫之圖以測古人制樂用兵之法
歷合既乃取繫辭八卦相連經子加一倍之
爲卦義振易一書實官詹石齋何侍郎玄子
而激賞之以爲得未曾有姚子經三爲梓以
先生與姚樞部戊戌生爲醫能交諸子皆執
自號石門易隱卒年八十學者私益爲文潛
所著有其旋堂詩集

孫烈卿招飲賞月

秋風吹我衣秋容忽已老况值授衣時
歸與胡不早物態令人悲愁緒爲君掃
竹葉清如泉菊花开正好招我醉明月
夜永還傾倒

夏日同趙五城遊石牛古洞

泉聲響絕澗山谷何清幽古木鬱蒼翠
好友相綢繆洞深迷曲徑溪環遶石牛
黃公昔流連蘇子繼遨遊勝跡杳難攀
孤韻獨長留興來偶一往月出若相謀
披襟夜生涼對酒心何憂梵音下林際
塔影蕩波流萬籟忽已寂曠懷無所求
歸歟聊可咏來往往任悠悠

山寺感懷

疎林雨過氣清絕科頭坐聽泉鳴咽
倦來新汲谷泉香煮茗啜之望晴雪
男兒生不逢明時莫向侯門覓相知
侯門冠蓋紛相逐往來何人不朱轂
七尺骯髒氣吐虹咀學山中老浩翁
古洞清泉流不盡長歌樂亦在其間
風急晚催權驚濤起狎鷗岸陰連雨
合山色帶烟收鳥語前村靜鐘鳴野
寺幽如何歸欲速燈火炤前舟

旅寓感懷

杏花開欲過散步怯春寒沽酒偏難
醉攤書不耐看家貧勞客夢老健覺
心安擾擾人間世何妨訪大丹

夏日飲榮園

主人臺榭俯連漪夾道層陰暑更宜
怪石穿雲峰斷續蒼松蟠谷影參差
荷舒綠翠迷苔徑花吐清香到酒卮
飲罷欲歸猶未去開窓趺坐聽黃鸝

雪僧

禪定何須更掩扉
臨風却自耐寒威
珠宮湧現頭陀相
瑤室光浮釋子衣
纔覺散花身業淨
旋疑杖錫月中歸
白雲片片皆相護
彈指雙林柳絮飛

夏統春

字元夫宜黃令惺寔公第三子生而岸異年
舉賢良授湖廣黃陂縣丞居官廉能有聲直指江
公特薦補麻陽令未赴任賦而股肱之聞其素得
民心每以信字公怒叱之曰吾家世清自官雖小
吾子也肯從近賦反乎賊怒殺之事聞下所司議
人職職重各節所著詩有碎玉集行世

夜半過壩

河流捷高原水為堤所障不有以防之其勢易奔放
客舟泊其旁中虛乃得上篙櫓無所施枯棹轉相向幸我
東裝輕行李無兼兩登岸夜何其村鷄猶未唱衣犯五
更霜客抱空惆悵

村暮

晚雲飛不盡孤鳥去偏遲
樹密留人處山昏欲雨時
漁歌歸別浦松火隔疎籬
刈得前畦麥朝來飯可炊

西山

花殘春欲暮莫負郭西山
野霽連朝雨人乘半日間樽
閒青嶂通易拂翠屏還留得
謝公屐年年共雨攀

春雪懷謝中隱

雪滿荒城山可知
凍雲封處樹披離
苔涵素影搖虛幌
峰斂寒容逼短籬
比舍翁邀春酒罷
隔溪僧至午炊遲
憶君清況應如此
不學袁安臥不移

建德道中

風散空濛宿雨絲
客程今日不為疲
寒驅耳峻溪橋窄
僮僕肩敲石磴危
松逕陰濃行恐盡
酒市搖颺到偏遲
老于詩律吟殊苦
撚斷霜髯尚未知

早泊

欲霜不霜天氣昏
作客憎客旅思繁
路險泊舟未及暮
囊空貰酒難盈尊
一林楓葉紅將墜
兩岸草虫寂不喧
薄寒中人殊可畏
何日翩然歸里門

初秋喜姚振先見訪

蔣生三逕屬初平
惠我良朋倒屣迎
曉起藤花鋪石砌
夜來山雨過柴荆
敢言俗駕無停轍
轉覺荒居不在城
尋梅何妨時一醉
蕭蕭梧竹又秋聲

春盡偶閒

得得居閒不厭貧
晝長軒靜款殘春
落花輕颺常過院
乳燕低飛不避人
寧獨善忘書懶讀
亦緣貪臥枕常親
年來薄獲無餘林
對影多慚漉酒巾

渡口阻雨

渡口風狂雨驟飛
且投山店坐燈衣
欲寬寒夜羈愁劇
莫厭荒村酒力微
灘會衆流聲入市
雲蒸千嶂濕侵扉
如膏春雨雖堪羨
無奈前途客去稀

九江晚泊

斜風一葉入江村
臨水人家早閉門
翠鳥浴隨輕浪去

百魚取起小舟喧
鐘煙漠漠連天際
溢草萋萋過雨痕
最苦夜深鐘定後
短蓬殘火向誰論

道士湫

漁歌隔浦晚猶聞
烟景迷離向夕暉
樹直鳥棲峰頂月
溪清魚戲水中雲
幸無風鶴眠何穩
賴有霜螯飲漸醺
蘭漿又催天曉發
江花清馬各紛紛

月湖晚泊

瘦筇輕屐暫徘徊
洞宕漾湖光樹色開
細草潛生疎雨過
危橋欲斷驟潮來
爭巢燕子迎風舞
緩櫓漁人落日迴
寂寂芳洲春漸晚
青帘動處有香醅

落葉

半窗餘條半已垂
紛紛無奈晚風吹
非關黃葉陰偏晚
不獨梧桐信早知
山客掃來旋煮茗
佳人拾得可題詩
分明濃綠深深見
珍重明年二月時

趙士先

字元振萬曆間諸生性至孝鍵戶不修研究有承思錄晚研堂稿孝思經緯贊勃行問尋入太學尚不仕號辰石山樵所著有鏡園集卷諸集邑人私謚貞靜先生

蓮花憶有序

無蓮而憶有蓮之時
其情傷情傷而不容默也
于是乎詩嗟乎西園而有勺池也
勺池而有蓮也既多歷年所矣
復于龍眠再築玉淑使遠近一色
薛君孟常爲繪玉淑圖而以二美人居之

今事往景虛恍如昔夢賦曼聲烏鳥其能已乎

主人爲園貯傾國
百花深處驕顏色
覓得菱荷種滿池
年年歲歲稱相識
凌波照影一勾幽
左顧右盼兩悠悠
明月飄飄香入夜
涼風披拂艷臨秋
壺觴四座歌聲度
宴賞渾忘新與故
枝低葉密巧扶持
淋漓無言薌澤慕
更向龍眠開野塘
玉淑方廣儼中央
群峰翠嶺皆爭勝
一水淅泓暗襲香
畫圖八幅鋪生絹
茵苔影現光涵練
低徊流連聚如雲
繞堤緩步窺花面
本無情處最多情
漫道看他百媚迎
惟知樂在隨緣是
未審愁從何處生
描取宮鬟雙美女
笑對荷花嬌欲語
茗椀爐香几上供
並蒂同心訂幾許
物換星流幾度移
伊人宛在伴芳菲
蓮花爛熳玉淑竭
兩地花開未可期
空懷往事堪憐
病骨支離對荒草
藕絲欲續情誰聯
紅顏委謝青娥老
滄桑變易等浮塵
何須苦憶畫中人
蠅螟世界都成夢
九品蓮花佛座親

庚午放後述懷

射策緣何薄
追思淚不禁
易消三載日
難遣一時心
南國空探勝
西窓仍惜陰
歸舟從鈍滯
羞返舊山林

襄兒八歲初度又漢姪賦詩見贈酬之

童年看漸長
佛日照無私
初度爲浴佛日
何意彩毫彥
還將黃絹遺
詩書須早授
堂構可重期
舊德于門遠
吾宗望自眉

眉

集西郭園亭

西郭偶乘輿園亭坐竹園樹梢黃鳥語峰頂白雲飛
桐葉枝密蓮花嫩幾稀壺觴行處樂須待夕陽歸

除夕又雪時在園中

又雪晴難必寒意更覺寒重飄書卷濕倍促酒杯乾
命定愁何益身閒意儘寬夜深無爆竹只聽柝聲殘

白門對月有感

仍是西樓月寒宵淮水邊有情將執遣無夢向他園
風冷簫聲徹更深樹影偏病懷憐久鬱踟躕楚王前

臥病

臥起心情懶晴窓耐索居春光忽已暮人事總成虛
曉夢何堪拈毫瓶著書文園方病渴誰復念楊妃

浮山禮本師朗目和尚塔因懷先徵君

宵山秋晚現優曇當日維摩幾度參曾向林巒竊六六
更從雲水辨三三全身殿裏圓珠額丈六像充君施珠貝葉書

中法寶函馬藏先君襄事踏蹬自慚龍是種胡師有自欲尋殘

局禮香龕

自秣陵歸抵家藉花齋尚爲人所擾感賦

只說羈棲不若歸豈知歸日尚無依家鄉乍到猶如客
舟楫雖離未啓扉亂後一枝誰復有貧來百事總成非
翻思白下居停處愁看庭烏繞樹飛

次韻答又漢矩金斗見懷之作

寂寞衰宗落魄同竹林兩地悵途窮青蠅夜半慚王敬
甲戌民亂予遭賊掠絳帳春深憶馬融又漢投經金斗新寄瑤篇真大雅
遠胎統扇是仁風更兼松雪工書法不信君才老桂叢
前湖看菊

採菊沿籬傍水涯澄湖秋晚老蒹葭節過九日登云暮
人尚他鄉感倍加但得有山皆著屐豈因無酒不看花
扶筇到處添幽賞且賦新詩紀歲華

下第有感二首

老我風塵半百年名場潦倒興蕭然况經世亂家無定
只合蒲團了淨緣

秋闈五度泣長干別足徒嗟行路難自是衰宗門祚薄
無從得桂枝看兒偶成

觀助兒瓶梅

老我支離又見春花前又喜一年新吾兒解取瓶中趣
猶有梅花識主人

觀玉淑芙蓉有感

秋山如畫映秋光空憶龍眠舊草堂十載未尋巖壑勝
芙蓉仍發在橫塘

初度

浮生又是一年期白髮參參滿鬢絲幸有庭前雙玉樹
臘梅香處酒盈卮

張秉堯

字汝之號拙菴崇禎末考授別駕少事二親
婉容愉色訓子弟以淳謹勿營分外之求蓋

大泰公之家教然也崇禎十五年歲次庚子
所服活莊泉鄉里德之以子英貴封翰林院庶吉
士年七十有五生平不多作詩其子杰口授
三首黃鐘大呂古音風韻猶見大雅之遺也

歸田述志

我性本恬靜輒爲外物牽誤落塵網中荏苒五十年形
氣因以慙夢魂亦不全思欲脫纏縛謝此塵區緣選僕
得壯健乘春耕瘠田買山供樵採茅葺舊椽葵菴蔭
後圃桑柘羅堂前同心三兩人日夕相周旋禮法旣不
設臺榭復不鮮讀書任意解彈碁隨手捐穉子拾橡栗
山妻治粥饘策杖憩危石啜茗煮流泉洗心飯靜業長
嘯揖金仙焚香待明月孤村起暮烟寤歌動林木幽興

詩雅傳
友人過五印寺舊址喜槐公卓錫初至

荒蕪南郭地昔日有高臺借問興者誰香刹朗公開紫
衣頻闕下白馬帶經來書棟凌香漢金像迴塵埃劫火
一朝起崔嵬安在哉村墟殘夕照塔影落青苔斯道豈
淪滅禪師得古槐妙契人天旨夙本龍象胎誅茅接故
址葺屋構新材雲霞生戶牖蒼翠滿庭階濁蒙耳作雨
振聵吼如雷至誠能動物群趨破蒿萊飯飯常恐後陶
鑄愧非才

讀春陵行有感作苦桐吟

天高未云高聽我苦桐吟甲戌亂民起乙亥賊騎橫殺
人如刈草百里不聞聲四郊盡焚掠歸然峙孤城連綿

十五載無歲不稱兵少壯離鄉國老弱填溝塹青燐徧
原野白骨積嶙峋死者旣不甦生者更惻惻異地不我
顧愀然懷舊村歸來望城郭涕淚滿衣巾相逢皆鵲面
話久始知名親朋寧有幾十室九伶仃野葛蔓露井落
日照山墳資生乏長策努力事躬耕青苗未覩上符牒
躡我門官司教頻下三稅一時并豪吏猛如虎鷄犬那
得有鬻婦免撈筭含悽未忍云得錢不到手餅壘依然
傾富人糴新穀穀賤賤賈人輕銀鉛互難查還將活火烹
烹來滅其半捫胃自酸辛猶慮生填怒斂錢巧要津嗟
彼中澤鴻嗷嗷向誰陳豈無歡樂家孰獨非其人欲言

不意請讀春陵行

光時亨字羽聖號含齋南門外進士初四州判累官
縣以卓異考選縣尉對左掖門署言近事之弊

莫如撫賊又言諸將野戰不講陳法條對幾萬言
上爲起立佇視除刑科給事中疏陳忠鯁多所
匡救會同臣李明府議清親征爲南遷地公特疏
奏之時上已明府議矣京師府邸墮碑不得死
僅折臂又見死不得南歸馬士英等以
阻南遷殺之所著有素堂集愛忠集

齊山孤眺

山齊石不齊齊名何自始字斷千年垂烟寒四時起奇
不在崖面幽寧爭谷裡登陟吐光靈夕照入城市携琴
聽湖風來往吹未已

西湖懷古

湖光何靜樸山色與逶迤四時但一氣日月空烟裡迫
聞無餘欠細竊領終始倘然身若夢遂令魂魄止東南

靈與區天地殫其美術仰百千年咄嗟僅彈指古人歌
舞處城沒成荆杞不見吳山峰遙隔關門水

丁丑寇警微鄉勇守蜀榮昌城

中原多戰伐披猖及孤城虎豹有瓜牙所以威其聲下
令集丘甲荷戈皆我兵賊情變風雨勿畏雷霆轟死賊
無死法審處敢不明清內防伏莽禦外詳遠偵更番休
爾力纖悉揣微情守堞如一體節節務相生我亦有子
弟與爾稱弟兄不用誇三略惟祈堅一誠至誠物所服
山岳亦爲平定志安膽魄夢寐毋自驚

南樓誓衆

臥臣既委質食祿當不苟受事令一方此身豈我有卿
遇管葛倚尚須爭勝負矧今逢小敵安能遮却走仰視
頭上天俯視腰間殺我心如恒怯有劍甘在首讀書懷
古人夙昔恥人後睢陽與常山不成亦匪咎瀝血矢神
明強劍作鳴吼

遣子廷瑞赴郡請兵

疇不喜言兵譚虎輒變色賊衆數萬來聞者空嘆息我
爲天子臣焉敢溺厥職安岳業報陷搗勢亦孔亟汝年
甫十六何忍離父側人生達義命少小鍊膽識我心捍
封疆汝亦志家國小思可不全何用空悲盡速出効包
胥忍辱耳匍匐師來勿遲遲往返七日得我暫張疑兵
賊至莫我測日昨發虛符聞賊少挫抑浮雲蔽西隅陰

房風雨黑丈夫存鬚眉豈徒懷黑塞愧我非智勇猶能
無懼惑汝行勿弗疑所期往必克

庚辰冬再值寇警誓衆

去年戰城南敵血尚未乾今年再寇郊從容理征鞍登
埤矢萬衆繁憂集千端妻孥出視師奴僕環執干閉門
令束伍司馬法難寬擊鼓起暮氣鳴鉦催漏殘城外流
水急城頭風日寒月色照霜甲爲我壯胆肝我民未半
飽忍辭粗糲餐我民弗寧處忍畏衾稠單不自親鋒鏑
安知戰守難願言圖剪滅長驅築京觀我亦爾軀命勿
復徒心酸

揚兵却敵

昨降下新邑今聞陷瀘陽虎賁十萬衆何事空戎行
難集田衆慷慨諭多方城郭衛爾身困廩裕爾糧縣官
爲爾帥七尺亦相當所難剖示爾區區此肺腸萬衆環
戟立屬耳領端詳張眉指白日噴血瀝秋霜開門出巾
幘使我兵氣揚人生勿憚死馬革庸何傷結陣郊鵝鵲
揚旌擬順昌忽爾賊遠遁爲衆數舉觴田衆告成功各
歸事稻梁

泣黃淦

天地亦云廣一區空爾存江北未返骨江南孰招魂
棲不得歸日夕悲恨吞僅餘數莖髮未忍全爲髡留身
將有爲反負怙恃恩干戈塞道路况鮮弟與弟荒丘生

妻涼蒿萊蔽孤墩夜夜如寒食燈火不復溫感此溪頭
月分輝炤樵門遙爲禮河伯竈恩莫亂翻遙爲叩山靈
猿猴莫頻喧恐驚雙親夢益痛遊子冤遊子冤莫雪有
冤那敢言涕嗟忠孝事千秋將何論安得死親傍永守
枯樹根

寄內

結髮三十年別離恒十五昔日別離難今日別離苦感
子明月心炤我同終古不怨此翼分匪差北門棄我生
寒義命王事徒靡鹽門祚多衰薄那得封萬戶恨不從
於陵偕子學種圃南園日以荒春蔬不可取蔓草彌空
山孤誰與撫二三僮僕散群兒靡安堵嗟此北門驅
驅光州土朝驚飛鳥度夕畏室鼠侮耿耿埋青鏡兩
地浮雲暗不敢尋歸夢路恐逢豺虎閉閣斂樵烟前簷
墜微雨

示諸子

方我讀書初慷慨輕七略不傍李膺門寧慕公孫問其
如時數違有懷多舛錯昔人重知幾何事競誇謬匪同
機與雲寧嗟華亭鶴惟念立身難今也更非昨群兒負
氣誼所勗在靜約不見數尺羅能下屑霄鵲祖父耕桑
業自我成零落獨有架上篇終古聚英魄當存貧賤懷
富貴毋鄙薄嘗樂忠難想居恒無就樂嘗念衣食艱出
入毋浪作嘗畏人賄險寸心毋漫託海內亂未平聚散

如隕籜勿言善可恃汝父亦不惡念之愴然悲此身何
飄泊所以古之人不非黃老學

懷姊

姊年今六十屈指設帳辰有弟不能晤迷遠慚情親豈
曰骨肉疎奈此羈縻身嗟我作廉吏令姊長食貧嗟我
攜禍亂令姊倍傷神吾甥寄書來道姊意諄諄姊猶欣
我在旦夕解眉壘豈知寄來書如語泉下人憶昔一日
者爲我說來因長大必壽考王家爲賓臣父母喜動顏
姊亦愛如珍而今回首思星緯總不真家園五百里隔
在河漢津陰雲夕夕秋岩桃空自春欲回吾甥緘恐姊
知難辛吁嗟同蒂花飄零成梗萍

東海之水何湯湯我欲蹈之遠難翔西山之薇不可食

我欲採之空太息自古聖哲良可師此身不死將奚爲
吾君吾親恩莫報誰家誰國忍相隨侍中血常山舌寄
書友人先與訣議無補恨轉深題詩血淚在衣襟城頭
城下與城中一里荒烟吹悲風吾志已決畢義命擬承
浩氣歸太空

月關獨坐

園小得匡坐無人覺自幽護花多購石碍竹欲移樓榻
靜常隨月詩寒可敵秋蒼苔深徑裡落葉至今留

秋夜聞琴

庾陵誰謂絕餘調滿江城落葉一何靜月明如有聲動
採群鳥下觸手孤雲生我亦移情者長歌洽海清

別楊錦仙父母之蜀

未陟盤龍路逢君話遠人片帆江上夜三峽夢中身薄
宦皆如水殊鄉憶比隣海棠香倘在遙贈故園春

皖江競渡弔靈均

騷魂憑不盡角黍禮潺湲是水皆湘水何山不楚山江
空歌棹疾風靜芙蓉閒嘆息千秋內深波落月殷

西山碧雲寺留宿萬公房

秋山如靜友攝坐自清心向壁領泉氣隔林聞鳥音竹
樓樓影暗松徑落陰深咫尺帝城近登高星漢臨

署中偶成

小心罕所適荒署間鳴絃選筆刪花譜安床縱鶴眠吏
惡閒案牘官拙少周旋欲學陶元亮踟躕乏秫田

秋夜同方五雲在虞胡子寧吳陶義飲士新勺園

散髮步西原雲平澗不喧壑泉秋自落山翠夜忘言坐
迥情逾適談深道自尊枯藤隨手折帶月掩柴門

將之昌元別史館諸年丈

尋常較古未能寬纔得登車事已難同籍幾時身北面
一官萬里路西盤玉墀香篆披雲近劍閣芙蓉徹夜寒

此去眉山視仙草遙知蓮炬滿長安

入蜀

三巴文教阻荒遐此日飛流溯遠槎竹枝頭秋色老
杜鵑峽裡月光斜因多疑字思玄草爲洗詩腸到浣花
安得輪種無訟芋海棠香滿萬人家

因籌兵過妙高寺謁馮少師化身

石自爲供花自茵鳥聲啼亂夕陽春尋常紀夢多疑事
今日叅山識幻身香氣滿林烹白水虛堂一榻倚金筠

青龜古柏年如此何必桃源學避秦

預懷瀑松巖

眼前巖壑曠多期矧復孤踪任所之七載塵勞空有骨
一腔血熱自憐癡赤松黃石知誰是白馬青牛幻我思

安得烟雲收剪尺常將瀑布濯鬚眉

瓦縫參差蝠鼠飛枕邊箕斗欲浮衣百年國事思仇壤

半世癡腸慷慨非鴻雁畏人書不至干戈入夢願多違
相逢問姓無相識幸值窮交舊布衣

贈休上人

亂光圓屋暗香穿幾遣詩魂寄竹邊予有此心難贈子
佛教如是好叅禪斷岩餘翠飛殘焰小野新春碎石烟

所事茫茫誰足信草堂獨宿意飄然

山居雜咏

日下藤暉剛滿樓兼聽整水走筇篨烟迷蕙谷遊仙夢
風亂香汀送客秋嶺寺霜鐘客鶴管清林竹月引花搜

詩盟酒賦酣如此携手重尋洞口舟

山居醺咏二首

高齋有餘閒牙軸蒲床積焚香憶古人讀書深幾尺
鑿池通山泉流水何朝暮因風蘋藻開中見明月路

食蓮

採秋須採香食蓮須食心食心勿云苦幽香正耐尋

素堂紀懷

戶外蒼涼積翠通饒餐明月立宵中文章別有青山價
却訝昌黎說送窮

王夷吾

字爾須崇禎間諸生家于西郊之官莊橋好古篤學以教授生徒為業予兄弟皆出其門性豪放負氣慷慨高自位置詩文皆有骨于時當其命薦染翰雖斗酒百篇不足多也予初學為詩

生於崇禎間之秋其父為縣令時其母不可得為脫痛歎者久之崇禎丁丑以賊殺其母與賊聞遇害事詳都邑乘中不備載

賊退後潘九莖過訪賦贈

主賓離亂孟春餘偶爾俘來却夏初我已山中辭客舍
君仍湖上借人居清晨楊柳鳴乾鵲向午門庭聚寒驢
沽酒淹留須盡醉黃墟且喜未丘墟

高日光

字合其邑諸生

山居

避俗貪高臥深居愛掩關逢人惟命酒無事祇看山月
小疎林淡風輕野水閒夜來常夢雨處處響潺湲

柴士瑛

字潛之號藏洲崇禎甲戌進士大宗伯曾城公之少子也播桑家學詩文皆有根柢同儕

遇學行可師者擇而後交匪是則終歲罕見其面俗儒如也以恩選遊北苑舉于南宮觀政未及終而卒公出賣我雪太史之門沉博絕麗不置空閑而未究其用士論惜之生平愛清茶方袍巾履坐一室無隙隙隙之容登其庭者比之郭林宗北海舉所作詩力摹初盛不襲郊島惜少有傳者

西山別業

結廬在空谷非敢希園綺愛茲山水佳且未遠鄉里歲
時定省暇囊書即來此編籬借荆榛拓徑除棘枳簷楹
有餘清空翠到窓紙幽堪鼓素琴靜復親圖史面几即
青峰繞砌聽流水恍見貞白心如洗巢由耳孤雀司戶
庭長鬚足炊醺溪鮮既芳潔山蔬亦甘美披衣入翠微
置身圖畫裏無計慰老親一歸春明履愧乏賈董言猥
蒙主尊齒衆人志飽溫烹意薄金紫歸來落柴扉重
自喜輯我未完書事業母乃是丈夫重功名謀終盡慎
始

舒城道中

山行朝雨後一路翠微天烽火纔過眼桑麻喜在田人
家春柳外鳥語落花邊了却邯鄲夢投閒問輞川
都門留別劉湛六殿元諸同年

金門柳色動驪歌早有西山爽氣過自飲君羹思切
喜聯仙轡鳳毛多風烟不斷黃花茂雲日常懷太液波
欲向龍眠尋舊業鷄聲還與聽鳴珂

何應璫

字指之方伯虛白公第三子少華文與兄應璫同食餼于郡庠讀書至丙夜不懈久欠諸

生以年資制得真體部
合疾作未及行而歿

暮雨

磨澗翻盆夜有聲
案頭燈火倍分明
雨來汗漫窓前暗
詩費敲推枕上成
抱膝自憐寒到骨
掩門終日靜無情
特危祇合茅齋坐
不向人間浪得名

白

筠字子皮號述岑
詩云四方當之司
空訪李潛林先生
方子竹西贈之
友廿年別一處征
鴻兩處飛朝覆乾
坤嘉會選飄零
海北心遙音因有
母求微養不憚塵
沙棄食衣其風期
可想見也竹西又
言子皮者學弄強
宿根病盲者三載
遇異人授方藥復
有城南之遊孝
弟而身先歿前未
遇母後

楚中初度憶老母
斗旬將近赴期歸
道遠行難

香遙拜母計日
好飛航明發扁舟
去江風瑟瑟聲

雪後早發

乘凍食朝發水堅
喘履穿酒無一舍
力春有半江烟母
老惟求粟才微願
執鞭年年携襖被
不待曉晴天

高座寺同無可師咏梅下僧

鶴夢何須到書堂
珊瑚還整舊霓裳
渾疑衛叔風前立
更託荀郎座有香
薄命紅顏曾並蒂
多情白髮也生光
棲鴉正好南枝穩
不負樓頭一夜霜

都克任

字子居邑諸生
青田令諱昌之
曾孫年二十
食餼于庠常註
易詩書二經又
善秦漢篆刻

七夕

佳夕常年引興遙
如何此夜轉無聊
不知有鵲填空澗
但見流螢照寂寥
月落遠村人語靜
涼生小院晚香飄
步檐幾度呼童子
指點明星看斗杓

同友人納涼文昌閣

高閣層欄俯碧霄
解衣施簟坐逍遙
人來不覺涼隨至
語久都令暑漸消
何處清霜飛六月
前朝航閒莫問興
區事只當逢僧憩
竹寮

白

篆字子教邑諸生
子皮之兄也

客中聞布穀

忽聽布穀動春聲
喚起征途客子情
驢背西馳六十日
忽驚南隔二千年
少年悔不遊徧亂
世休教然諾輕

我欲捲書還故國
龍山從此耐躬耕

何棟

原名永棟字克上
號退齋銓部尚書
公之子棟也天啓
間諸生試輒領軍
才名蔚起善臨池
得晉人筆意性豪
俠揮千金如弟嘯
晚以吟咏自適與
二三老宿度臘無
虛日有蓮溪詩稿
年七十餘終

獨酌

小窓懸翠靄簷際
落晴雲密蕊蜂穿
樹香泥燕啄芹焙
茶秋露碧曬藥夕
陽曛獨酌無兼味
葵蔬入口芬

訪山僧不遇

寒山無客到破寺
有僧存數折入松
徑一籬開竹門畔
牛閒曠野饒雀噪
荒村託鉢空應返
霜天煮蔗根

從弟三江集飲

竹裏寒香臥老梅
移尊花下恰初開
黃柑摘取留青葉
緇侶追隨破綠苔
茗椀趣從魚梵得
詩筒興自酒杯來
殘冬倘發山陰櫂
爲掃柴關雪夜陪

懷從弟方屏

池塘草色戀斜暉
鴻雁驚秋陣陣飛
夾江漸愁荷葉破
隔溪猶喜藥苗肥
燈青墨榻詩瓢滿
露白苔痕屐齒稀
風雨情牽如過問
衙杯待月夜深歸

胡如瓏

字木夫崇禎中諸生與兄子克即公皆貢才各而木夫性尤溫雅有汪汪千頃之度士林以大成期之年三十餘早卒

懷陳二如

都人臺笠曳瓊裾
獨校蒲編閉石渠
一去弟兄同海運
幾回烽火問鄉書
迎軒花氣香無價
戲馬芳郊興有餘
早達長門買詞賦
千金寧不富相如

送家即公之淮安

子參幕府赴淮陰
百計難牽頃刻心
萱草春秋歷霜雪
棠華南北自蕭森
庭空似水愁無賴
命在如絲老更侵
好學攀龍頻努力
莫將衰鳳起狂吟

龍眠風雅卷二十九目錄

木犀潘 江蜀藻輯

梁谿薛信辰國符 參

同里陳 焯然公

馬之瑛 一百五十五

龍眠風雅卷二十九目錄

龍眠風雅卷二十九

木犀潘 江蜀藻輯

馬之瑛

字倚岩號正誼崇禎庚辰進士授廣東陽江知縣用廉卓行取值亂道梗棄官歸里順治九年以縣令馬國柱薦起佐長蘆幕歸遼山東

河抵曹縣縣令四十里許道遇曹父老問曹民安否曰噫嘻曹何敢望陶天堂也詢其故曰陶自馬公下車來上官但以教下縣督課不敢至即至亦休令清嚴無敢犯者陶熟地多加空糧半為榷木駟僧雜稅之類歲不下千金公為罷裁之夏鎮壩夫舊有協濟若于名演河夫柳富者脫而貧者倍公為請于上釋免而盡剔之陶天堂也呼觀曹民之嘆慕如此即陶民可知矣公為太僕六初公冢孫早失怙育于祖代父養志執喪盡禮凡皆太僕公之教也公口不言詩卷帙盈尺從不示人予嘗乘酒酣徵言恬之則面赤墮謝無有公歟後始得林莊詩集四十卷于叔子繼融之手為節錄其什一益吾鄉實學率尚經義公尤深自歛晦不賈虛名者也

感念亡荆若在初歿

結髮二十年柔順執箕帚踰闕戒內言端居不出牖名閨類貧家操作親井臼常嘆生不辰未及侍姑舅純嘏喜方降堂上大父母色養貴逮時婉約從我後盥櫛雞初鳴寢門問安不緬懷太僕公亦嘆為佳婦我幼頗不羈落落牛馬走飲酒可千杯讀書期二酉下帷倦窺園經月一聚首為我設壺飧為我浣衣垢肅肅禮法中嘗笑亦不苟時內肯烹雌尊前懼叱狗粧畢自畫眉案至常舉手相對敬如賓耳語無喁喁太息為我言閨閭貴貞守中箠或墻茨在梁或敝笱副笄縱六珈可奈言之

醜男兒正少年努力三不朽主饋寂無聲不時藏斗酒
知我清白貽黃金無一有脫珥佐朝餐交謫未自口止
泣卧牛衣良璞行且剖維時急小草天未依五斗園葵
止勿裁饋魚勸勿受洗手自作羹晨夕慰紛糾生子方
比肩長者高及肘嬉戲常怒噴熊九和座右嘯嘯約家
人動色不答培氛瘴海上多何意三年久瓜期奉璽書
奏最報元后擬微徽佩榮爰酬屢屢厚妖夢起長嗟占
者曰多咎甫病卽支離鳴園內柵異路從此辭蓋棺
正重九荒服無良材狸首愧廣柳一命未及膺礎露晞
朝阜嫻嫻來何遲招魂殊不偶總帳懸空堂塗車委荒
莽已矣難爲情終身矢不負

龍眠風雅卷三九二

塞上曲

塞草盡燒荒秋防已孔亟募卒僅三千兵法方部勒偵
諜託降丁真僞未可測暴風自何來吹我牙旗踣平安
人不傳吏士色如墨殺人近邊牆監軍猶諱賊

稅穀行

筭緡及舟車開征久爲厲抑末寓微權五穀獨無稅一
自秋場登千艘憑鼓柁天災動流行有無庶相濟加權
壅何年吏公丁丑歲維公惠且廉清風襲兩袂但以兵
戎典偶出權宜計本擬沔小康權罷關母閉未敢聞度
支正恐沿爲例何意逮今茲恪守如王制私糴動經筭
闕出必追繫使者自監臨會計誰敢戾持籌析釜區汎

舟依次第賦歛雖有程輪納實無藝估客豈急公求贏
計纖細緩急善持人恫喝能游說操艇自逍遙我稼日
留滯鼠雀苦益多催科求早貫金粟不相權徵賤乃其
勢立汰本征商農夫反受敝履亦何殊况常早曠際
公庾頗告盈母乃非豈弟澤未霑遺黎利仍股季世奇
言創制者經久畫利弊

長夫嘆

使者頒嚴檄屬邑徵長夫長夫何所爲軍糧資轉輸料
民閒丁壯遠役懼其逋齎送責閭里亡匿罪妻孥各言
軍法峻未敢試微軀臨發復前却恒聞吏怒呼力役雖
古義歲不三日逾調發越百里流離實載塗軍校少矜

龍眠風雅卷三九三

怨責辦在須臾我本良家子蹴踐如人奴日落莫得息
馬鳴更刈芻大府憫勞止已下免役符恩命誰復阻空
繪流民圖戶口漸見少井邑更就蕪通衢莫敢議監謗
有妖巫

農家

晚禾喜秋暘晚蔬喜秋雨拮据各自私天地誰適主寒
早禾既稀婦子徒作苦嘉蔬摘復青改田藝作圃

喜客之至匡山

所思杳無極萬里藤峽陰忽聞遊子至已入廬山深盈
几皆貝笈放歌悉商音惟有彭澤宰千載知此心
示室人桂氏

抽簪非不早僕僕復奚之我行方自訟女子未易知何
以佐晨炊埭內有伏雌歲暮當遠別百物無一遺惟爾
安我貧緝繡勉自持布席禮金粟精懇久不移諸孫爭
繞膝含菽代我飴我常獨循省僮僕私語時夫人雖不
祿擇者幸亦慈我生飽憂患四十鬢如絲食指日以繁
有田蕪未治幸告立門戶經亂無化離征徭井邑迫行
矣當託誰開塞逾千里未敢定歸期歲時感霜露采蘋
湘釜竊

故山

無邑無名山邑遠山不附丹樓自如霞青翠若相赴望
望總不遙惟我龍眠路帶郭雖有河沙淺不設渡村烟

龍眠風雅卷三九四

上田廬春榮敷草樹時見樵子來亦與香車遇野徑人
嶢峰平阜開廣圃夾岸多居人不患桃花誤一從京洛
遊空令芳菲度何處望雲峰荒烟遮古戍

寒蠅

秉質非歲寒撓夢無昏曉適從何處來素絲汚其皎止
棘一營營類聚旋擾擾承謂炎風薰寧計秋霜島氣候
既乘除撫翼非昔嬌弱老自依塵不待塵尾標耳目雖
暫清生成更不少

讀達夫詩達夫滄產也

常侍磊砢姿才譽籍天寶篋中人日篇傾倒杜陵老一
出卽名家學詩何在早佳句杜寄高詩有佳句添如何至今傳遺蹟

無從考英爽鬱名山風流委蔓草後起有何人大雅還
共討

出塞行二首

輕兵度大漠日落黃雲集軍壘壓敵營月黑防潛襲康
居道未通餽餉遠莫給萬里乞援師死生決呼吸銳馬
如游龍渡河不沾濕東南塹已填西北攻更急風起忽
揚沙敵勢稍稍散夜半突圍歸黎明及馬邑吏士倖生
還驚定猶飲泣越國非萬全懸軍忌深入但保玉關回
何必功名立

提師三十萬主將好用多鳴弓朝夕馳前臨無定河帳
下無人色帳內舞且歌經華約流澌水堅士暗過轉戰

龍眠風雅卷三九五

十餘日腥血橫瑯戈殺人非所願介冑取言和軍吏翻
見推刀筆恣譴訶封侯誠已矣其若戰士何

讀鄭所南鐵函心史

筆削古所難況在勝國史嗟彼陳氏愚好惡滑本紀所
以百載後發憤習鑿齒先生宋室遺一命未及被錢塘
潮不來厓門艱難艤或溺亦或俘天意可知矣坐上揮
公卿忌諱慷慨指灑血紹興陵切齒宗室子厚德侔乾
坤自視若犬豕奮筆數萬言言皆力譬書中力詆吳興以宗室屈
長跪白世尊宋臣爲宋死耿耿不可磨臣心如此水書
成身可捐鐵燭書方燬世代幾興亡汗簡猶未毀呵護
有鬼神蛟龍爲之徙先生恨既平先生書乃起謝子皇

羽生同時志與先生比徘徊吳越間其意固有以設位弔廬陵慟哭不能已得士如兩君誰謂未運否至性自天成豈必衣金紫維彼夏與留早已聞風靡

贈程丈

君住山中久山中奚所事吹火汲清泉耕田驅瘦犂村降雨三人淳朴不識字荷蕢亦相訪濁酒時共醉經年始入城生平未見吏繞舍種桐梓歲久可爲器白髮秋來生冉冉老將至非不念男子多男乃多累卜隣每負君避世良匪易

書情

行散無名園避人依土室聊以謝譴訶敢曰希高逸邑

龍眠風雅卷二十九

里盛金緋我獨下士秩餘祿得幾何復自渡江失哀宗多男子問字齊繞膝存者六丈夫所生乃踰七天寒裁復襦大布裂數匹雖與各山期安得婚娶畢短髮固蕭蕭與不廢柳悲來卽作歌積久亦成帙霜下掇菊英秋後收橡實被褐更何求負暄就冬日

詠燕

羽族爾雖微導氣亦能蜚春至體始輕雨迅飛偏急舊巢留雕梁翔集未嘗入徘徊更擇楹層累泥猶濕趨舍豈無心隔戶欲自立却笑鳩何貪鵲居暗相襲

少年行

殺人邯鄲市亡命赴漁陽軍吏募趨勇拔我列前行牙

旗朝忽折敵銳不可當將軍迷失道麾下盡張皇躍馬稅長弓辟易左賢王論功推第一衣繡還故鄉天子賞前罪意氣何揚揚讐家不敢問盡室反潛藏閭里諸俠少匍伏進酒漿人生等死耳不如死沙場

定陶小邑人易爲豪成賦額祿不知自何年隱千七百餘頃額不可少乃加賦小民曰均實不均也予力釐之衍古井田添引繩丈算隱者盡首實所虛加者可削矣數年後能無復去其籍者乎爲之愾然曰吾以盡吾心已耳

兗州隣徐豫河濟流所滯作十有三年民力甫得舒屬邑陶福小城中百室居任土肯定賦萬頃猶有餘豪強

龍眠風雅卷三十九

肆兼併籍爲害已除計頃十損一則壤亦成書富室避夫征鮮民其勞與河決常蕩析賊至多丘墟皆嗟九式制不及萬曆初我來百年後經界法益疎焦心獨荒度尺寸未許虛前驅無吏騶暮宿必僧廬疆場稽舊畝耒耜辨新畝引繩億膝接披圖萬井臚原隰相裒益丘賦溯權輿田疇誰喜伍法立始躊躇庶土忽改闢積巧乃盡祛畝略增豪右稅實減里閭稅減耕自沃比屋漸有儲雖增亦未增按籍適相如敢望與人頌因回使者車兵使者督視馬邑爾未至陶但恐歲月久抗法復恣睢民事安可緩平政卽衣衾

上林行

武皇上苑雄畿甸外立周廬中幄殿芻蕘有禁人行稀
草茂泉甘雉兔戀一朝講武事蒐苗千隊貔貅明組練
設施畫地縱韓盧先布長圍環四面射聲只數羽林郎
生駒亦解騎宮媛舉幟候人報兒來至尊命中無虛箭
壯士爭求瑩獸多圍場萬馬如飛電侍臣皆進詰戎詩
行在還開飲至宴相如諫獵屢陳書武帳深嚴未召見
長技猶傳下大綏散樂空勞徵近縣君不見射雕伏虎
幾稱能皮革羽毛翻不賤

一車上見

彼妹十五來誰宅學抹胭脂髮盤額駿馬能教柳葉穿
弓鞋不遺蓮花窄引車入市簾還揭雙轂深埋三尺雪

龍眠風雅卷二十九

管然舍弟一回頭似笑書生衣百結

看市中書

雲峰封積雪投林寒鳥飛將滅一幅輕綃數百年
宋末元初未易別我欲求之惜無價彷彿溪山都不差
自有天然一畫圖歸家但坐龍眠下

答隱者

軍府迎降先署狀寧肯副車椎博浪彥回名士壽偏多
子卿足下歸無恙故國千峰可寄家兜鑿原不如袈裟
金陵舊恨空沉鎖宰相新隄自築沙國成誰秉邦離析
黨禍亦由君子激林宗何必獨仙舟賓碩纔能共複壁
烽烟幾載歷江湖萬仞全憑佛力扶游子尚堪依母隱

仇人俱已仗天誅素心自指井中水任是波瀾風不起
入社何妨有白衣誤人不信皆青史我亦雲林學駕車
風塵翻令業因加爲語山靈休見拒從君還一轉蓮花

罪言

我昔解組粵江天松楸急欲謀新阡霜露奄忽近十載
三春猶未歸黃泉偏使灾祥憑術數遂因慎重成連遭
時平已獨悲暴露一聞風鶴尤顛連不知禮教誰相尼
自慚便宜未敢專誤人最是青鳥說龍耳牛眠豈偶然
君不見賈人贅婿之孫子馬鬣猶能祀祭田

長安種花行

君不見長安戚里好蓄花園丁助長催萌芽培土却防

龍眠風雅卷二十九

風暗入幕窓尤恐雪交加一朝淑氣轉南陌姚黃魏紫
何芳華直令天工移節候却憑人巧闢豪奢紫絲障內
翻新曲白玉舟前舞落霞俱誇造化予能奪歲歲枝頭
花可掇詎知生意已潛枯翻教本實因先撥轉瞬繁華
得幾時敗莖殘葉徒轆轤過客留連異昔年主人惆悵
恒天末珠簾空捲幕空垂甘井自胥膏自割試看種菊
在東籬節物相催獨願遲秀色不因涼露改柔條偏與
歲寒期凌霜陽月英堪餌封土明年茲又滋紆餘自飲
天和足遲暮非關人力衰白衣但肯常相餉任是飄風
亦耐吹

哭孔璋弟

別汝已久期汝至欲商無限家園事三老未葬最關心
我擬松楸爲汝累汝身原健汝年強醫藥經年從不試
兄婚俱畢且生孫四女獨餘三未字亂後田園尚盡存
林間伯仲差堪侍不知何故動懷懷喜場中亦憂悲
常勸此非適性方我別誰人復寬譬我年略長身倍衰
柝質恒愁先墮墜何期門戶忽凋零汝竟匆匆忍我棄
易簪自於陳饋時視珍諸兒同汝季白悲祿比嶺南微
不似前分慰汝意永訣那堪無一言相待鴿原在夢寐
一友人釀飲設樂感賦

春風花落紛如雨夜吹簾築朝鳴鼓羽書城上自張皇
刻燭華堂徵歌舞十千斗酒偶成帷短髮鬢倚檻看

龍眠風雅卷二十七

惟有梨園諸子弟威儀猶許偉衣冠

叛兵

開西壯士金僕姑三百汗血青驄駒縱轡彎弓向城罵
椎牛醢酒奚爲無不知虎符發何處叫城未啟入村去
丁男被逐婦女悲安得鷄鳴天即曙

棄婦吟

空房張燈婦獨泣車馬皆在門前立上堂掩涕別姑章
還君聘時衣一襲憶昔十五嫁君子三朝拜堂六親喜
妾貌難比枝上花君心還似溝中水溝水東西無定流
青絲轡頭黃金鞵尋常門戶非君匹須得盧家女莫愁

魯孫睟日作示敬兒

曩在 神宗已未時我祖五袞髮將絲顧我斃斃九齡

耳捧莫子立常傷悲怡園惟課書多讀絲竹車騎非所
蓄聞信于公久必高賦如枚子偏能速維爾之生歲一
周錦襦翠襦金鏤鏤別業甫成年尚健曾孫已見祀何
憂風木相催詎相待薦食惟餘遺像在當年膝上尚含
怡此日庭前多戲綵我管舉爾方壯時爾之抱子亦非
遲孔釋敢云天上送桑蓬亦向戶前垂湯餅炊成賓客
至攤書試指之無字英物誰教溫嶠知阿翁初就張憑
戲萬里歸田已數年洗兒無復得金錢宗衰豈望克間
慶身老先將主拓傳楚楚清錫差兒喜人生寧必衣金
紫但能分授十三經莫問飯牛與牧豕

龍眠風雅卷三十九

定陶地近黃運二河額夫歲辦不敢告勞惟夏鎮

協濟初止輸金尋復輸夫歲糜民間數千金者

十餘年矣于引舊制請於朱大司空合邑惴惴

謂必致嚴譴不意公利病久悉即報如舊制則

公之大有造於子遺也式歌且舞聊代輿頌云

爾

自昔濟河惟兗州厥土平行無崇丘隄防有時薪竹竭
井邑到處魚龍遊河伯壁馬雖虔事尤恃人力爲綢繆
由黃入運更淺趾新河夏鎮控中流或濬或築諸大役
歲發屬邑丁男修陶丘相距五百里畚鍤日下臺符搜
初止金錢助災患後乃力役恣誅求維時守宰爭不力

迄今征調猶貽憂健吏皆如石壕怒單戶翻甘土國留
工程卒歲方終事爭避公命如仇讐痼瘼幸達司空聽
輿革容抒小吏謀輸錢以外不輸役十人已造八人休
符檄縣堂少旁午耕稼場圃常優游省謠既免石人懼
娶婦何必妖巫投仁政當爲百世守與頌敢告東諸侯

夜賚行

守臣告災六郡同賜賑新恩出兩宮已許丁男具舊釜
夜半忽聞城上鼓襁負及城猶未曙傳舍咸空使者去
爲問燈前大賚誰偏是城中輕薄兒

征馬行

衙鼓未鳴胥未集驛騎傳旗幟城以將軍昨夜宿吾州
龍眠風雅卷二十九

緩轡平明亦抵邑百隊犧牲萬束芻主掾張皇怖且泣
前驅幸有聲隣方乘韋境上猶堪及從者先容盡得懽
道傍長吏惟長揖頗催征馬不留行隣邑今宵愁更急

寄爾止

克問欲叶商瞿願常將弓鞬爲君勸遊踪經歲滯他鄉
翻令宜男姬抱怨誰能好客客如歸老矣常披舊布衣
往苒漸忘何代臘飄零寧辨故山薇才名未易齊江海
封非何訪亦就採莫待奇章來謁時贊詩偏在人前改

簡李仲臣疾

不見李生久秋風夜漸寒故鄉今幸達獨爾未來看壑
薄酬醫儉城孤抗難掌珠何日合抱病動長嘆仲臣

爲賊掠去

望父老爲先祖所樹碑巋然魯靈光矣

舊園依邨近豐碑似昔高凶荒人必賑裴馬族誰豪社

爲樂公設鄉從魯相褒數年雖賊過未忍犯秋毫鄭中丞

禮碑下久之

喜弱息至

信至驚相問江干果繫船縫衣慈母線埋玉茂陵阡見
面能無慟焦心不記年分離兵甲裏骨肉幸都全

山間雜作示友四首

散髮依豐草風林靜柯柯力耕瘠莫勝採藥誤常多次
第羣峰暝參差衆鳥過尚餘遺烈在片石忍重磨先太僕公

龍眠風雅卷二十九

碑在竹城

石米半千錢皆思萬曆年野空兵大掠人徙若誰聯植

竹成籬弱編桴試渡堅燎衣薪復濕寒雨暮山邊

名園誰可借別園擬常過適意非絲竹縈懷止芟荷宦

情元亮薄酒債少陵多種樹何年長吾衰鬢已皤

簪滿江南夜天如塞北秋塋因將徙廢墓及未崩修譚

劍蓋檢次坑降快杜郵理生何太晚種橘一千頭

哭馮夫子

烏屋瞻誰止龍髯望易遐君亡寧就隱國破自無家宅

刻新栽柳村餘舊種花讒人猶未殛目不瞑懷沙

江程阻風

驛路將千里風霜客自疑附舟求就逸衝浪悔乘危市
小儲蔬少帆欲展簾遲不如驅款段猶可踐歸期

旅中送爾止返京口

客舍相依久秋聲又送君孤舟從此別哀笛未堪聞有
磯爲生結無金許仲分焦山還待我亦擬櫂江雲

舟中

雨止風猶逆舟人亦懶操近江潮忽長艤岸舫微高野
市懸帘晏關征警夜勞喧應聽盡日巨石激狂濤

野泊

永晝惟高枕長年倦拮据那堪連日雨幸有一床書避
浪依高舸尋庵入廢墟最憐江口泊晚食尚無魚

龍眠風雅卷二十九

飲鄧毓之舍

未秋先刈秫斗酒爲余藏往事思猶悸浮生在轉傷渡
江同返里警夜必登堂落木紛紛下天心漸欲霜

返里旬日卽逢初度二首

四開庚寅揆皆從海國違猶能留室在獨未見城圍吏
忽抽簪早人憐受祿微班衣如鴈序兒子塾中歸

白露零庭樹高眠擁舊氍毹山留芳草徑皇覽菊花天塵

尾常懸壁狐裘數改年傷心皆健在遺挂獨堂前

赴毓之招因步城外

常作俘人懼江南共避兵有才仍落魄無恙幸歸耕倚
岸看新漲移尊就晚晴誰樓知不遠戍鼓最分明

過友人舍

曉色息羣動人聲市忽虛尊非沽得酒床有讀殘書借
屋如期燕垂綸豈在魚編籬何太隘惟恐駐高車

山行

地僻兵稀至良疇近尚蕪草深牛背沒河漲馬鞭濡問
俗山中朴求隣野外孤百錢雖挂杖村釀向誰沽

贈許弁

尋紫聲如虎行間久識君望塵知敵數飲羽失鴈羣
士皆經戰投戈亦學文鴈門烽火急推轂故將軍

贈姚休那

相國不復作山林意轉親笥衣無適主園笋可分隣志

龍眠風雅卷二十九

校同鄉怨詩編自祭真道中誰守劍是昔盜牛人

寄來元成

一自投簪去吳門不再過孤桐淮甸阻修竹越山多讀
易知憂患傷時廢嘯歌至今遺愛在天柱共鬼衰

過惟聖蘭若

高樹陰常合窻開不斷風繡旛存亂後淨地得城中月
色三更正秋聲萬葉同玉簫吹未歇居士住牆東

過校及

買山尋復出山內亦風塵塾啟收微費詩成質故人身
知學道健家悔避兵貧此巷居雖陋因君俗更淳

宿莊上

舊樹惟存礎新筵已及簷
闌開風亂帙庭淺雨沾履
行動遊魚過枝垂宿鳥添
宵長偏易醒攬慢月纖纖

追憶李仲臣

昔在河梁別憂君病益羸
餉分安邑少書報秣陵遲
孤子雖趨塾生妻自去帷
簾開先拭淚人日草堂詩

示兒

吾鄉雖古處兄弟共居稀
念有老人在兼之舊業微
因貧常得聚無母更何依
但省原鴒意誰能卽背飛

感舊

名郡多靈藥從來可避兵
城方分磔守刃已脇箋迎
欲死人翻校雖歸獄亦成
悲歌何所向島上弔田橫

龍眠風雅卷二十九

王柯城移賀令卽贈

才大無盤錯南詔警漸平
權從三楚去吏在九疑迎
民徙還依砦商稀偶避兵
橋山奇絕處待爾徧題名

贈孔方訓

九域塵飛白靈光亦廢垣
斯文天未喪閭里伶偏存
古學兼高第家聲卽國恩
長身誰不識奕世聖人孫

子三十八世孫長身而白

曲宴

客自先期至杯從密坐寬
晚花微動影羅袖獨知寒
明月高臺迴清霜落木殘
遠山難得見向爾兩眉看

寄姚若侯給諫

拾遺非不達三徑力求歸
老至猶人役田園頗久違
書遙難卽報兒幼幸相依
一自投林後危言漸見稀

示日思方思

相送無親戚孤舟未易回
極知江路險故待汝兄來
舊帙休潛失寒衣已豫裁
持杯毋再泣翻觸暮年哀

憶省齋

相送憐雙鬢流光鬢倍殘
事忘須夢補宦薄作遊看
告子身粗健兒歸室暫寬
微聞新詔意舊學憶甘盤

一唁爾止讀禮

好遊還似昔遺恨果終天
寢疾誰膏藥奇溫定廢綿
舊遊千里遠多難一身全
指斥皆時忌新詩莫浪傳

龍眠風雅卷二十九

邊詞

侍子催猶待輪臺壘未成名
王秋好獵壯士夜能偵青
塚傳宮怨黃金致敵情
傳烽都上馬十里鐵衣聲

野次獨遊

振衣無定處縱步信春風
小市數家接雙塘一水通
犬聲茅屋下人影落花中
欲挽乘軒客心期恐不同

示校及

庾嶺雄南服孤舟路幾千
君曾來蒞下我每卧花前
粵女眼常跳猺人耳盡穿
春風停馬處飲水亦留錢

送南行者

左掖經過處銅人泣盛盤
可憐遊子夢猶作帝京看
京

楊依僧借新書就市觀京疏皆自購安敢舉園官

采石磯泊舟有感

憶昔龍飛日鷹揚第一功恩深三恪後運盡百年中天
險猶堪守偏師不待攻雄圖頓寂寞松影偃長虹

寄里人

聞君新徙宅種柳似墻高試浴看兒長呼芻節犢勞挾
書兒散盡守箔婦成繅春水塘將滿憑懸舊桔槔

送友南回

下詔徵求日猶聞獨乞身始知明主意原不强留人別
墅花逾昔歸程麥漸新送君因自省誰負故園春

挽外舅次魯潘翁二首

龍眠風雅卷三九

丈人雖官達貧不減諸生令子多猶聚悲觀亂失迎聰
明真太露服食竟何成好神仙總帳懸中寢賓朋有哭

聲

同坦王郎腹恩情異館甥開客之也何人爲問阻至成莫分
明旅殯歸難定兒婚壯未成百年皆有盡荒誕是蓬瀛

朱斐

朱斐通署落邸第一時新開國威儀簡功宗燕寶頻旅
葵堪試獵名馬不驚塵優孟衣冠在束來入使臣

集方爾止潘蜀藻談詩爾止將有遠逆

已作河梁別還從鄰果車避兵舟暫憊下妾掃方加吾
黨多高步初唐幾大家空簷風動燭寒色上梅花

偶成

曹簡何煩假名園任自娛賈偏乘怒馬俗尚祀妖狐土
壚謂之孤仙勝蹟惟毛井能詩止達夫故人誰善釀愁問酒家

運艘

古制存民力淮船未入河却因疏鑿久益致轉輸多吳
楚千櫓下幽燕五月過常平遺法廢歲歲漕風波

寄秋浦所知

本謂移家近俄成失路悲人因流寓賤里自聚譁危山
秀銅官台魚肥太子池閒來盤石上濯足畏潛知

閒作

龍眠風雅卷三九

漸悟窮通理何妨我添疎閒情寄花鳥鄉思及茶蔬堞
曠宵愁守樓卑暑畏居牙籤雖較溢中有未還書

贈于丞

將母趨微祿才名渤海間幕依王主簿坐異孟秦軍晚
出常徒步齊居偶賣文報衙今忽早訊牒長官分

追感

秦督潼關一失機坐看賊騎兩河飛連營禁旅登陴散
列省援師入衛稀寧鎮龜貅當北撤鍾陵弓劍可南

依不知國計誰相阻空對雲山慟落暉

與左三山侍御談次偶成

蓋湖南別圖經驗牛渚方通歷數終讐至父兄寧忍共

議開軍國敢求同亦知有徑歸元亮自信無書託子公
時事既更文物改誰人還識舊時聽

王幼公得寶應司訓

薄祿何如一逮親知君強仕本因貧從來淮水與王氏
此去揚州作貴人甕社蚌光聯曉月射陂鶴背掠秋旻
東南佳麗稱茲土不必抽毫賦洛神

金陵懷古

建章宮樹晚婁婁木末亭前積甲齊狎客詩成新綺閣
相公吏散舊沙隄晉人遺事多江左李氏家聲墜隴西
冷落狹斜諸女伴采蓮不收到青溪

懷包長明

龍眠風雅卷三九

二月歸舟別小孤至今音問隔江湖建安名士餘龍尾
沛縣功臣半狗屠曉漏催絳黃浦布高秋先納鶴沙租
東吳饒有葫蘆種陸子曾攜入洛無

賦答友人

室遠誰能命駕勤僧廬伊邇故期君吏呼偏自春疇怖
遑警潛從客座聞惶恐灘中文信國浚稽山下李將軍
何言當日家皆破青史於今必有分

寄方爾止

客居難得草堂成又向寒江欲戒行且載老親歸舊里
還將荒畝募春耕依人終有登樓恨授簡翻虛賣卜名
君愛杜詩憑取讀惓懷何限故鄉情

偶遊

秋聲纔過小車遊新黍知君尚可謀病後故園容抱膝
愁中明月畏登樓竹松半剪猶侵徑鳬雁羣浮不避舟
欲使荒疇今盡墾勸農先拜富民侯

晤何次德即留小飲

午車載藥禁城過神武門前雀可羅此日舊遊名士少
君家賜物御書多入朝江令青谿宅懷古劉郎西塞歌
蒲黍來朝看節序秦淮燈舫近如何

辭辟上馬督府

野浦霜寒衆荻鳴挂帆小艇御風輕屋中白袷皆卿族
江上青山是客程祿似晏容常願免名非枋得亦催行

龍眠風雅卷三九

獨憐井邑多灾苦寬貸煩公緩二征

卽事

專閫將軍又渡江平林新樹碧油幢師行十里稱持重
謀散千金誘受降牧馬秋原分鹵獲椎牛山郡乞封樁
不知楚國諸耆舊一犒還須壁幾雙

懷古

鍾山虎踞接龍潭誰道金埋王氣含神策既監軍始橫
南陽不問吏尤貪強藩茅土容多請秘閣絲綸許獨參
一自景陽歌罷後無人烽火隔江探

懷王子瑛

江關舶稅月逾千奏記惟君力請蠲病起卽登看展閣

宦歸僅買載書船每逢國諱臨郊外欲報親慈跪佛前
猶有鄉園遺烈在冬青潛記舊陵遷

呈何省齋

相國諸孫少好奇輶軒偏喜載鉛隨兩朝制作君家事
一代文章帝簡知豹尾車過常獻賦鷄林賈至獨求詩
遙聞院吏私相語彷彿端明視草時

記閨二首

薄遊天末南渡事一無聞知投効以來問與客
語始聞所未聞因悉次之以律

樞密維揚代治兵歸朝僕射各班迎馬以定冊功還山
中宰相書初至阮時恭幕下衆軍計竟成入幕幾載

龍眠風雅卷二十九

緒衣徒有恨滿廷華履盡無聲寶刀夜吼朝須試先試

橋門太學生時捕吳大

榮感光茫掃御屏華林酌酒勸長星八風肯作欽明舞

三日愁看僕射醒主器至尊酬擁戴避兵文母報居停

太后新一時鵲印爭承寵不辦宮弓不識丁

漫興二首

鯨鱓日道守黃河刁斗無聲任譟過漸上軍還空議戰

會稽使避未求和舊招猛士封侯少新附降人入侍多

辛苦督師誰與應書生誓死不投戈

拚遷誰實誤乘輿纔出宮城衛士虛雙闕獨沾遺老淚

千官分侍貴人車會稽邸內新垂綬光範門前幾上書

不是王師飛渡早江南黨禍不輕除

室無長物呼者盈門誰云吏廉可爲乎然亦未敢

悔也

醉抱離騷揖酒徒春山安可負蘼蕪端溪憑載多按硯
合浦能還幾去珠展墓三喪愁未耐避兵百口懼將俘
殷勤使者徵求急長物今來一簞無

讀爾止詩却贈

嘉遁惟君志獨堅舍山自校十三編帙分便可成年譜
梓投還須待俸錢偶向隣封看渡虎每逢春暮拜啼鵲

送錢亦友之曹州

時與王曉文同行

龍眠風雅卷二十九

杯酒諸藩盡釋兵旅程無警送君行蟻封試騎同王叔
犢鼻當墟別馬卿雲起岱宗碑就讀館隣稷下座常傾
耦耕濟北逢子友何限嚶鳴萬里情

山家

春風曉日歇鳴鳩芳杜芊芊徑轉幽野澗援蘿徐偶聚
荒畦撒棘虎羣遊若平猶有頽垣繞客至方將舊轡求
我亦草堂思小隱故人未見寄貴修

惟聖擬歸山居

卓錫秋雲問所如欲安金粟必精廬泰山自聽幽人擇
漢網惟于老衲疎溪靜藥苗乘月採雨過菜甲帶烟鋤
前楹多種芭蕉葉待與懷師乞草書

雜作三首

分闢無如黃鎮銳師貞移赴荻江招誰沉北固千尋鎖
不上西陵六月潮景略心猶存晉室子山家尚在南朝
一開告密多收捕夜夜青燐遍內橋

恤緯無人不隱憂猶將罪已詔潛收移宮脩怨先翻案
定冊論功盡許戾內地止聞添禁旅上流空自忌江州
試看堂阜三薰沐誰祝君王記射鈎

燕去還存舊草堂北窓引枕卽羲皇敢云白社尋高士
差並黃冠老故鄉小婦止爲司饋聘衰宗多自遇兵傷
橫爭休唱開元曲鶴髮宮人欲斷腸

示友

龍眠風雅卷二十九

漢殿每逢佳節至于官醕集午門前祝釐溫室班隨仗
綺雪齋宮樂撤懸原廟忽遷諸帝祔遺弓僅耐舊妃阡
茂陵寂寞驪山伐銀海金龜更可憐

古塘

不到郊西歷歲時忽驚土木肇淫祠令威敢信求仙易
伯有原爲立後遲蓀壁未昏還拊鼓筵尊任客自稽疑
翻憐前代功臣像荒草高臺廟享移

感作

五夜微行勢已危世臣猶令守閭辭元妃自請霜絃憤
貴主親揮血刃悲下吏百官輪犒薄勤王諸將渡河遲
官車卽使圖遷早侍從先愁馬力疲

川張珩事

金陵雜感

煌煌玉牒本分明捧日何勞定策爭切齒同朝多異已
快心天子亦門生大權欲久先通內秘獄雖成適召兵
無限恩仇皆代報受降原擬一箋迎

南郊

祠官祀典肅南郊燿火宵明豹尾交雍時瘞埋陳木駟
江淮包匭薦菁茅靈旗畫斗秦風誕秘祝移災漢史嘔
九奏旣終鳴蹕遠都人臺笠望雲旂

漫作

春晚原期卽附舟東籬短褐尚離憂倦遊益自慚借計
左授何如許乞休蟋蟀影寒霜下月梧桐聲減雨中秋
龍眠風雅卷二十九

茂陵女子無心聘切莫懷疑賦白頭

偶成

官制頻聞輦下更兜鑿出牧尚專城諸藩歲犒留常賦
萬里軍機授本兵貢舉漸清愁汰變逃亡益峻激延爭
魚鹽以外非吾事使節雖過亦不迎

別無可

南朝古寺盛威儀結制偏隣正學祠才子自來知事佛
高僧無不喜吟詩客歸行者收茶具院靜袈裟挂樹枝
鐘磬堂中燈火夜惺惺惟懺少年時

樓船

樓船將發詔重催使節新從諭粵回事涉禁闈無史筆

地隣豐沛盡卿材朱厓興起舟難渡錦石春添瘴未開
但恐功臣銅作柱伏波終不畫雲臺

山晚投宿

空山烟樹漸歸鴉悔不前溪早駐車野碓自能舂橡粉
樵風偏易落梨花鐘聲縹緲雲中寺鹿跡分明雨後沙
欲學烏衣堂上燕飛棲處處可爲家

挽沈開府

纔泊東吳萬里船青衣軹道上降箋老臣厚祿身先殉
小邑重圍守未堅陸子空傳黃犬信謝公難度白鷄年
向來國事相稱許何日生芻拜墓前

弔古

龍眠風雅卷二十九

王風初降黍離離衆輝偏忘在莒時萬里戍烟橫威築
千村寒女廢機絲東山猶奏葦功伎丞相常圍瓜葛棋
此日池頭誰灑淚大酺惟有樂工悲

示諸兒

白髮初看易怡神燕居爲爾若綸巾豈無玉璞頻題石
莫托金根妄收銀盡秋未堪思往事落花差可悟前因
江潭我亦行吟客遐慕何曾怨美人

呈客

花發方知二月春柴閨竹徑盡生塵仲卿久已無知己
叔子何嘗解鳩人稽古不勤悲歲晚菲親獨儉憫家貧
誰將封事裾還引災異新聞冊大臣

挽詩

曾阻中樞浪出師橫挑強寇羽書馳國危誰請圖遷早
事急方言用子遲受命獨於兵敗後全城偏在敵增時
如公大節難更僕此日人纔一二知

過張子猷舊居

甥幼竟嘗矣

因君不到酒壚邊每憶風流動泫然重見蓬蒿開故徑
尚餘楊柳似當年素車誰是生前友薄業惟存郭外田
最是斷腸霜露久孤墳還未卜牛眠

過大羅菴贈與疎屈遠兩上人

疎林忽度遠鐘鎗無著天親共一龕幾次瞻依傾悍賊
獨留松檜護茅菴鹿馴講座呼常至泉涌香臺煮更甘

龍眠風雅卷二十九

清磬數聲催入定西來大意靜中參

衆謁

三年重入皖江城城內居人尚未盈却笑王孫先白鬢
敢如馮子忽青盲松舟暫繫誰懸榻簪笠常敲自正纓
欲畧逸民愁見譴舊時官閣備書名

期遊

積愁惟有遊差遣幾日春光變柳條村舍牛羊歸牧晚
獵場狐兔逸園驕山迴孤嶂深藏寺溪澗諸流驟溢橋
猶與江南風景似知君乘興不須招

甲午初度在滄寓作先祖以御史視長蘆時子

生於燕署

初度問予皇覽處桑弧原就邸中懸偶將蒲柳餘生數
亦在魚鹽小寓遷已佐司農捐薄俸誰爲京兆表新阡
先太僕公蕭蕭白髮休嫌早晝夜平分九十年

宋尚本以新集見貽兵艘旅泊未及趨候爲帳

貍貅千艇擊冰過萬里蛟門盡倒戈尚本從大將軍帳入浙平角山返帳

下亦招諸劍客集中更續古鐃歌受降始嘆兵容盛飲
至惟廟略多欲向仲宣還借問從軍苦樂近如何

招友

卅今城下春方啟武帝臺邊月自來治行尚推龔子卓
詩人偏數達夫才河漸近雪官艘阻獵騎爭鮮畫角催
此夜剡舟如見訪敝廬將近勿輕回

龍眠風雅卷三十九

憶江南

花飛已在暮春先樹樹黃鸝與杜鵑到處詞人攜錦瑟
有時遊女墮香鈿戴顒肯阻雙柑與工部曾傳再拜篇
此地自來何寂寞鸞鳩乳燕滿林前清無黃鸝杜鵑

自滄抵津皆先大父視離地俯仰今昔感慨係之
司農雖鐵漸難供議賢良未見庸三命弼思我祖
百年桑土賴神宗泰壇常悲銅人戒岱岳猶餘玉檢封
縱使甘陵爭似虎垂衣何疏不優容

放歌

舊遊零落今如何一喜一憂兩鬢霜簡書人畏我亦畏
婚娶子多孫更多馬牛且應漆園叟弟妹獨悲同谷歌

秋後平安信不至側身南望愁黃河

子昔吳遊同門張環生令武進誼甚篤愴然有懷

琴堂君獨爲予望幾度書來始一遊餓似淵明何必諱
食惟仁祖不妨求各天風雨三年別古寺鶯花兩月留

此日隣人未吹笛山陽猶自淚恒流

卽席漫占

高城擊柝飛晚烟明月在地亦在天客至因有看花約
官貧寧無沽酒錢詞賦技小動千載南池以杜名疏淪功堅
難百年人生聚會行樂耳別後相思徒惘然

無題

朝罷常攜衆婢行綢繆名士悅傾城小垂手接大垂手

龍眠風雅卷三十九

前綏聲催後綏聲戲折桃花留呪面教馴鸚鵡倩呼名

燭烟香篆珠簾捲太守唐書漸易成

朝城陳公贊化向令子桐惠人也距今三十餘年

詢其里人竟無知者爲之志慨

我生備見諸循吏豈弟惟公政更平祠下幾人猶墮淚
碑陰當日亦書名掖垣大節歸尤早盡室長齋果自成
故里此時無一識膏夫留葬有深情

示兒

敢如花石平泉記漫擬松筠給事莊別業自應依古蹟
畫樓翻不稱山房酒旗市近能求夜蔬圃渠通必傍塘
數卷圖書容膝外蒲團須足奉空王

都中友人長律見貽步韻代簡

草堂常晝掩雙鯉至江南落拓憐同學浮沉問寄函食
貧惟尚儉習懶遂成愁客路憂懷壁君恩免負擔經年
玄間秘一枕黑甜酣夕浦潞時泛秋高雨後探焦心天
早魁抵掌吏廉貪奉倩常悲婦延之豈易男繁纓皆短
袖繡襦更垂髮看竹過隣苑烹葵宿野菴擅青姝足慰
衣白復何慚曾遇危礁巖旋揮瘴嶺嵐聲名荒服陋典
故漢儀諳久願驚駘老兼愁麴蘖耽陳情如李密問佞
恥顏含物態門前雀殘緣帙內蟬吳宮埋蔓草晉室誤
清談質愧伴蒲柳材誰似杞楠華予名第五不慍已無
三管帽方裁皂陶與舊是藍種瓜開別圃洗藥近澄潭

龍眠風雅卷三十九

客散因彈缺轡捐莫泮鐔采芝唐綺季岐麥慕張堪谷
口青菰飯遊人碧玉驪鷹饑始附虎乳怒尤魁製菱
孤臣許茹荼棄婦甘狂奴猶故態此子亦新奈澤潞烽
初舉荆舒亂正餒乖厓聊自况雙喙且須涵循省生前
業飯心禮石龕

和姚休那自祭詩百二十一韵聊以述懷

中天萬國衣冠會憶是神宗恭已時我祖受知繇赤
縣至尊常許進青規理輪貴戚投簪早執簡貪汚解綬
遲褰幔爾時無墨吏省風到處毀淫祠邪邪郡內方行
部御史臺中正誕岐先祖出按縣政子生於燕邸每以平反邊母喜
止留清白可孫貽羣鳴燕市驚鷗鳩千仞吳雲謝鷄鶉

槐柳恥齊和氏宅芙蓉聊擬習家池閔予少小遭多難
有弟伶仃共百罹三世四人炊火慮隔年雙頰蓼莪悲
鹿車坐膝忻相慰鷄骨空床泣自支里社詎爲孺子罷
高閭翻令邑人疑曼曼豈曰無同姓了了端能不好戲
席接華生旋待割園如董相未經窺揣摹記室三都賦
上下黃初五字詩犬子當爐惟犢鼻孟公自况只鷄羹
家聲恒懼卿慚長客難何妨否復唯生事一肩供俎豆
文心萬頃淨琉璃孫登縱達隨箕踞匡鼎談時最解頤
飯犢溪山朝扣角篝燈小閣夜懸帷紉蘭休羨荊州橘
種竹寧殊蜀郡橙橫逆孤身嗟集蓼飛棲數匝嘆無枝
先祖見背于要歲口者數矣舊題幾屬偷兒有寒谷誰將短律吹已

龍眠風雅卷三十九

恨頭顱良偃蹇不禁戎馬遠流離戎樓宵徹村村火春
聖燐荒處處犁効死竊憐懸磬室圖遷那得渡江貲治
兵孰肯遵程尉殺我誠愁是太師從此鄉園通海亂遂
令生產更難治長纓猶切終童志白水何期仲姜知憑
魯鴻文三策就遙瞻翟羽五雲移李公門下登真幸蕭
傳闕前署勿辭勞竹漢江偏叱馭梅花更嶺獨牽絲才
迂敢厭專城陋腰折微嫌小吏卑下下道州先自考平
平定遠竟無奇三秋寡婦權遺秉百畝公田懶樹葵舉
策愧還數御馬省謠忻未謗裘櫛颺來海上雲如墨瘴
起山頭草不鞋夢到思鄉常慣淚體因運甓便成疲故
人頻枉臨叩駕邑子誰爲定國私惹改半車疑象齒屣

屢廿載慟羊皮計偕奏最方高第洛朔傳聞有異詞孤
懼畏衝千峽險輕裝笑度萬峰巖倭屈忽捕平原弼賢
責新行相國斯處子果然無弔客坡公總不合時宜灘
生空泳雙飛鴻印鑄難成左顧龜宗慙片帆風浪裏阜
通一廡大江涯味同鷄肋真堪擲路過羊腸更覺熾秋
清攜筇看落鷺齊山枕石聽鳴鶴兩整倘得杯浮卓三
弄還邀笛奏伊堂處久知焚漸及厦傾瞥見本能稽
寄廬池州時左神州蠢爾皆多事天下絲茲莫可爲周
兵北師爭下室東遷因徙洛宋家南渡幸留磁雖排山後憑飛血猶
莫淮南再卜基惜也鋤蘭專服艾傷哉種豆轉爲其中
書饒貯斜封勒宰相都同沒字碑冷尹但思求蔡佩孟

龍眠風雅卷三十九

明毫不愧殺尸謳歌頓忘吾君子開府偏酬謁者兒詔
獄株連悲范博江潭搖落怨湘纍臨春艷曲競翻樹羯
鼓名園總號梨廊廟但知同譏笑關河誰與問盈虧全
淮刈鎮旌相望小隊揚塵轍卽靡百雉莫能九解守兩
軍僅得一旬持師行未敢鳴刁斗圍合纔令布蒺藜房
琯古圖迷八陣韓原戰士奮三施王師時謂爲南復
先兼南卡報之也惟
中秘畫僅遷蜀場內金錢類築郿而縛行間俱管敢身
捐江上僅桓葵黃大將
華元步寢園盡撤增荒草社木全刊止
廢墮易服忍看李若水從亡惜少子家孺共歡曆數移
丹穴始信驅除借赤眉追迫不清丑父飲救遲未擊信
陵椎義均袍澤矛空作闢等鄉隣髮莫披倏忽竟更新

龍眠風雅卷三十九

節序依稀不覩舊威儀眼前陵谷全非故身外浮雲詎
可期爭瘞爾知誰夢醒卜居我欲問龜著但憂下溟田
難壑尤誠高堂坐勿垂薄祿旣殫仍衣葛傲廬尚在且
誅茨陶潛甘就潯陽隱徐廣寧辭晉室遺頗怪雉置尋
密施却聞鳳德又將衰臣年方壯還無似客語俱佳未
敢訾燕故依人猶舊棟鷄皆作餌只空峙他時致餉公
忘少今日乘騎叔不癡門閭果應羅有雀家貧寧覓酒
如抵慵書咄咄深源字最愛汪汪叔度陂搶攘幾邦爲
樂王陸沉誰處乃安轡沈公不與何公似馬氏難將陰
氏比曝日喜分田父暖御風期託庶人雌鞠齒至此生
偏值夙業伊何願每畸聊以役車休蟋蟀試看和響促
噉噉東陵瓜熟矣安在北郭薪多負亦罷世事通都驕
題題浮生永夕證菩提焚車悔靳比隣借出獵愁逢醉
尉欺遠道懷人惟撲滿荒年計口各蹲鴟久無坐客羞
文舉擬把琴聲學季尼半豹甫窺才遠竭一流將盡色
全臨褚淵游錫貂蟬珥江總重居獻替司蚪篆分曹同
載筆馬融初耐共調燕遐方遍遣崇班撫述賦嚴催健
更追隸籍二庭多甲族酬功五部悉名姬見知驟駭刑
書峻放逐專憑廟筭慈謬想明堂開左个屢勤天子下
前綏無雙漫道曾推信一足徒云已得雙老我于榮凭
澗石避人秉耜理春耨座容逆旅常爭席法倩高僧偶
說基巒漸向蒼緣作客肱通未折勿言醫筵筭虛諸靈

氛卜蒼蒨真憐季女饑林下諸賢任放誕謝家羣從互
追隨珠投明月須防閭玉種藍田本是玳餘有壯心空
落落雖教執手不憊製成初服歸歟早彈出高山聽
者誰鵲唳霜臯殊寂歷魚書天末易參差千金寶劍交
遊俠一束生芻避繁維此際汝南誇月旦何人江左繫
安危輕紉自分臨秋鄉章甫翻因適越咍養性務效形
似本持盈頓悟器如欬莫云瘠土艱糴黍但是名山便
乏馬角可能生一哭蛾眉從昔詠羣姬遍觀烽火魂
先奪回首瘡痍痛入脾白袷漫勞虛左席素絲奚以界
明誇吹求始識聲名累在并難揮歲月來寥沈憂天還
浩浩宴食力固孽孽河清共幸人能俟試看扶桑日
曉東陵瓜熟戾安在北郭薪多負亦罷世事通都驕
颺颺浮生永夕證菩提焚車悔斯比隣借出獵愁逢醉
尉欺遠道懷人惟撲滿荒年計口各蹲鴟久無坐客羞
文舉擬把琴聲學季尼半豹甫窺才遽竭一流將盡色
全隳稽淵海錫貂蟬珥江總重居獻替司蚪篆分曹同
載筆馬釐初附共調鼎遐方遍遣崇班撫述賦嚴催健
吏追隸籍二庭多甲族酬功五部悉名姬見知駭駭刑
書峻放逐專憑廟筭慈謬想明堂開左个屢勤天子下
前綏無雙漫道曾推信一足徒云已得變老我于茅凭
澗石避人秉耜理春糶座容逆旅常爭席洽情高僧偶
說基巔漸向蒼緣作客肱通未折勿言醫筵等虛諸靈

道半鋪

農耒全荒駐戍旌深村虎跡曉猶明兒童生長千戈裏
不信從前有太平

卽景

橫笛誰吹出塞行新辭但聽更傷情不如吹作甘州曲
猶是梨園舊部聲

宮怨

羊車隣院久承恩月色中天獨閉門夜夜守宮何用搗
金籠鸚鵡自能言

友人許見幽莊訊之

山半斷橋湖止阜數間茅屋滿籬花隔墻隣舍憑多少

題長卿傳後

待詔何人帝不憐書能諫獵更稱賢爲郎未久文園免
得幸同時亦枉然

演劇偶感

排場勿遽問團樂試向悲懼取次看大地此時皆是戲
却憐悲後更無懼

有感

白楊樹下石碑前族葬人人隧可遷獨有江南風土異
青烏動誤百餘年

龍眠風雅卷三十目錄

木厓潘 江蜀藻輯

吳門王 吳惟夏 參

同里方嵩年東來

蔣 臣 十八首

潘映斐 四首

錢秉鈞 六十一首

楊胤昌 六首

吳應珙 十五首

龍眠風雅卷三十目錄

龍眠風雅卷三十

木厓潘 江蜀藻輯

蔣

臣字一个初名姬胤字子卿少負才名風貌岸然

舉者公乃著書辨其不說五叔十三等聲樂都下
試之至京撰得邑令辭不就未幾大司馬范公景文
行大司農倪公元瑤見而嘆服上書請授官賜
召對平堂數對詳練便經數千言退乃稽首所著
書以獻授戶部主事甲申京師陷走樊倫堂自經
以所知教之不果遂歸史相國鎮淮上留與
共事公嘆曰奈何以羊將五狼乎因爲策淮上
情形數事相國欲以監軍薦固辭之公爲人孝友
淹博事父母相國欲以監軍薦固辭之公爲人孝友
讀所著作散失什九晚多病益伶條不合時宜迄
未一展
共用云

吳門逢劉憲石次原韻

龍眠風雅卷三十

魂歸楚招餘與子重覲面范范噩夢中未審何由散憶
子時昔時汚泥深念亂傷哉彼何人大權迭以擅安危
利其災淪胥若奔電渺渺望河山啜泣通宵倦后羿殪
陽鳥昂精燦炎漢今我復奚爲盧敖遊汗漫相見不能
語但悟朱顏換蒼松摧作薪勁頂應難變哀衷勿具陳
別袂行當判俯仰終古心還同六如觀

白門逢張素民值其初度慨然有作張爲余同庚
生

瀨氣結空雲天地亦窮碧貞婦掩幽窓燈昏忌夜永不
悟梅已花靜聽悽風緊義取久蒙塵照臨其曷忍含悲
撥篴篥調苦絲亦紛陽和既啓蟄芳緒紛相引登樓瞰

城市繁華盡朝菌及期崇明德礪齒相勉毚君子保終
譽高歸方射隼

贈止水

止公不相見歲月未云久昔爲青獅兒踞地能哮吼今
來眉髮蒼相對成兩叟緬懷三十年駒電騁虛隔廣照
層城隈水雲斷塘口香焚清梵餘經行屢拂手帆影度
禪窓漁習挂楊柳得句夕陽下質疑鐘定後未知惠休
輩得似今人否別去東西馳逆社慚終負持論物不遷
天運忽陽九井甕十萬家寥落歸何有狐狼塞路衢荒
榛野隴畝一二敗琳宮彼狄聚群醜腥風白晝昏匝地
青燐厚對此淚沾襟嘆息踈踈走豈意靈光殿猶逢舊

龍眠風雅卷三十二

時友倚然一枝棲結構大如斗床頭挂瘦瓢儲粟不盈
缶心同出岫雲暫住亦成偶我來日已暮雙扉徒倚叩
淒淒話平生炊羹具藜糗驚我罹百憂始哀適黃耆慰
我嬰瑣尾緼絮不掩肘問我近來况婆娑視余首向平
累尚除陶潛已斷酒所差少年日妄意三不朽不朽亦
何爲幻夢誰當受孔墨空筌蹄是亦窠臼任運委形骸
脩身齊天壽末俗安足嗤白賁乃無咎道味別有親
萍聚良非苟

登招寶山

日薄風政騶濤勢壯于天穹窺何其隘混濛一氣連仙
人不可求神禹泣蒼烟我欲往從之寒漿徒迤邐長鯨

潰微沫崩騰沸百川動植無復寧夫誰使之然本期曠
觀覽翻令百憂煎感彼東逝波何時復西旋天吳奏妙
瑟調急皆哀絃愍茲濁世士徒欲貴生全運會有終極
瞬目成桑田澄穢決其流置身黃虞前當軒數息坐一
矣萬慮捐

苦雨吟留別吳幻澄父子二首

谷風何颼颼積雨何濶濶陽和一以逝霽景杳無期毒
霧沉山川夢寐懷嗽噦晨起支頤坐北屋斷朝炊居人
不自聊况乃恒苦羈因之懷鄉縣別已逾三時家累廿
餘口巢棲艱一枝城郭豺虎橫坐臥慙慙隨瓶粟久告
空安冀命如絲欲居無羽翼悔由亦驅僂千慮集寸臆

龍眠風雅卷三十三

徘徊竟何之

浮雲無定馳飄蓬無膠枝蹙蹙自古然悵恍心恐迷何
意鏡湖隈遇子成心知蔓草欣邂逅緇衣愧改爲天運
政玄黃志士皆蟠泥譬如枯魚泣濡沫恒相遺又如穴
樹偃念友忘其肌始悟陶公旨冥報各有私謀歸久踟
躕又欲與子離歸思絲絲無緒離愁脉脉悲執酒不辭傾
淚溢如泉滋世亂苦別離徘徊竟何之

柳生爲余作天台四威儀圖詩以酬之

衰年汗漫游誤入天台路七月苦炎蒸巖巒沉濁霧性
僻耽搜奇數破山靈妬流雲無定依歸權將西沂寄語
謝山靈逝將從子任縛荈棲妻孥糞火煨新芋倚杖華

峰巔經行朝復暮巖頭惟晏坐有時寒拾遇倦卽枕松
眠靜聽溪聲度鑿空窮地脉凌險回天步與爾爲一身
秘與誰能護今覓與爾離去矣勤復顧有客撫掌笑笑
予疾何痼人生如幻影意適卽成趣何必几席間寄形
皆有寓吾令子神游頻仰來寐寤經營方慘淡意微體
亦具或如瘦鶴閒或如蜃龍怒或如木全槁或如缺生
蟬余意所偶到楮墨已先注旭日東溟生萬象莽回互
幽澗笙竽哀風驟神靈雨劍氣耿熒熒波明自吞吐塵
俗寧可偕顧盼生毛利握荃采椒蘭遂復掩群嫺沒跡
久藏身遭子頻露布子能貌予真予亦爲子賦

一 感遇贈劉伯宗

龍眠風雅卷三十四

夙昔秉選尚託契依丘樊烟戒師明哲息機謝群援山
月照蘿薜偶開松下樽素業發清籟宿鳥時高飈斯際
穆懷古孤緒於焉存時艱亦念哉含藏道所尊感彼萃
實滋獨寤永弗諉至主上撫鴻運九載未濟屯絃綱遍入
挺翹車賁苗園是時無留良與子同見掄天路苦榛棘
豺虎彌川原關洛數十郡戰哭皆新魂子也隨微管奮
翻必驚驚余方戀南陔藝黍供晨昏出處各有適素節
諒自敦不聞莘渭人姁姁效公孫三復沔流詩末俗誰
與論

寇石招游虎丘次韻奉答二首

木葉亦已下蕭蕭墜白波橫空旅雁急向稅野燐多殘

息愧猶在名藍喜共過相看絕勝地朗月照羽戈
山川猶昨日金虎氣全凋萬事蹤跡盡千秋涕淚遙寒
蟄依畫舫歌柳臥平橋異地暫相見何年復此宵

投贈王念尼兼用惜別

故國荒烟外經年猶未歸雁聲寒更急木葉靜還飛江
上悲戎馬客中逢投衣踟躕臨岐路但覺素心違

庚辰秋杪客清湖所期不至留滯數日戲拈陸問

韻意緒無聊偶爾成詩索詩題不得也三首

歸去猶應熟空山答浩歌裝傾陸賈盡圖列少文多生
計如鳩拙閒庭任雀羅佛場能及第名起照賢科
榛蕪悲故國垂老更無家寄壘如新燕爲閨學浣花昔

龍眠風雅卷三十五

痕深沒屐萊甲淺含沙卽此堪終隱人生會有涯
微霜被衰柳轉覺客程難候歷四時變所經千萬山稻
畦空翠冷藜杖野烟閒寥曠看鴻雪羈棲亦破顏
讀心史偶題其後二首

萬古共葵倫肩承仗一身稟膺惟恨事開眼盡驚人歲
月因循老河山涕淚新敷天井北面之子獨含辛
吞聲無可說淚逆自潄潄易朽千年骨難灰一寸心重
泉埋積憤白日照孤吟止畢生平事寧論解到今

贈人

晴雲曉靄盡陰陰仲蔚蓬蒿一徑深自領寂寥奈鼻觀
未忘孤憤動悲吟陸沉畏見河山影蒼莽難明天地心

予亦寒巖倚枯木肯容蠅屐漫追尋

雨歸三徑

騎驢踏爛古城東笠子遮寒借牧童只在望中開小徑
翻從畫裡喚山翁平疇茶麥稍宜雨隔岸桃梨尚却風
拾得墮巢薪一束掠衣炙火地爐紅

潘映斐

字次魯號復齋先司馬石乳府君之仲子也
若甚珍賞之天啓間授貢崇禎丙子已卯兩中副
車入太學會朝廷方銳意求才力破資格將欲大
用之忌者揣上意所嚮預騰謗言官以風
聞入告乃召而面試之公伏地起草進獻上覽
而目注者再御批文理平通蓋直之也順治初以
浙江台州府推官擢兩浙鹽法道爲臺使并罷復
以副使兵備福寧州皆旋起旋罷未幾廢其詳
載予所輯家譜中爲文淵博學奇不羈名進士
詩特其緒餘晚年指還閩浙亦與其制義
詩然無有此江所爲益堅而數借者也

龍眠風雅卷三十六

從子玉芝二十勉之

記爾生時我十八爾今二十我自髮人生駒隙竟何常
雙九肯把流光歇轉憶爾翁病革時病中猶望產佳兒
父歿三月始摩頂試啼果然非愚癡爾祖小字命曰念
家聲清白知無玷尚擬焚黃樹隴碑豈徒留硯攻鉛槧
卽今霄漢爭攀躋期爾姓名榜頭題區區終軍素縞何
足學當學日下五色雲見韓稚圭
韓魏公年二十
登進士第一

壽光祿盛羽泉先生

今上龍飛日明公鶴算年三朝留柱石幾歲暫林泉望
久蒼生重尊應綠野偏小儒滯南國遙上紫霞篇

酬何司空大瀛

大雅將誰託斯文宛在茲曹南多風譽水部最能詩月
俸存官米風塵伴旅葵珥珩頻贈我慚不是潘尼

送友人遊江東

江上楊花似落梅輕舟遙向武林催赤城霞氣朝朝見
滄海潮聲夜夜來此地山川猶不改故人樽酒好常開
况逢靈運鳴絃處春草池塘夢幾回

錢秉綺

字澗之別號桂莊老人晚年棄科舉業以詩
自娛弟兄唱和盈紙臨歿作詩一首而逝

和舍弟秋聲詩

虫聲

新秋搖落後窓外有鳴虫切切孤燈裏淒淒細雨中如
衰終歲苦自訴別來窮不寐通宵坐愁懷若與同

龍眠風雅卷三十七

葉聲

秋聲何太早忽已到庭柯井幹隨風起山腰挾雨過客
懷成感易人老觸悲多滿耳亭前葉蕭蕭奈爾何

春聲

納稼新秋日春糧薄暮天高低聲不斷遠近聽猶連響
入中宵急風從隔樹傳何如深澗裏水確任流泉

紡聲

寒衣初授役村落紡聲新嫋嫋鳴通夕悠悠接四隣
勤忘夜永辛苦爲家貧隻影孤燈下虫音暗自親

和舍弟秋村詩

除架

蕭瑟園中架傾頽僅半餘豆開花漸小瓜臥葉先疎老圃刪殘蔓寒虫悲故居一年時一換此日不妨除

補衣

畏冷寒偏早三冬尚未過裘溫原不羨衲破却如何線綻重縫固襟殘著補多水田衣樣似人道老頭陀

篝燈

孤館當秋杪清燈此夕篝戶於將黑掩虫不向明投偶起觀書興何勞鑿壁偷添談有好友挑盡語難休

茸茅

蕭然斗大室草覆已經年濕爛苦多積披離瓜亂纏蛛茅乘白晝補屋待晴天從此床無漏安心雨夜眠

龍眠風雅卷三十八

錦覓二首

初裁猶是覓彩裝擬秋間何意霜時色偏於暑月殷因名悲老景一名老來紅對艷愛朱顏好護東籬下相留雜菊

斑

鴻雁何時到一名雁來紅秋光滿院賒淺深黃間赤舒卷葉

為花拂砌千重錦依牆一片霞凋零容易事飽看意無涯

黃鸝

入夏樹陰陰中多黃鳥音雙飛穿細雨百轉出疎林靜入閒人耳愁添少婦心幾迴聽不厭幽意坐來深

百舌

積雨空林畔枝頭聽鳥鳴如何一樣舌翻出百般聲琅琅喧盈耳紛紛巧弄情細推通物候護口不須驚

惜老詩

老鷄

幾年籠下畜未曉報窓前登樹新晴日栖峙薄暮天勇猶逢闕見啄每讓雛先自有故人約聞他嬾著鞭

老犬

亂後荒村破年年一犬存迎人常在路防盜獨當門尾短愁貂續心雄見兔奔早留帷蓋報真見主人恩

老牛

終年全仗力最苦一春忙卸輓纔成熟加鞭又墾荒及時乘小雨歸巷在斜陽舐犢情猶戀誰將問喘償

龍眠風雅卷三十九

老馬

原無千里足况乃暮年時伏櫪心徒壯嘶風力已衰垂垂雙耳帖得得四蹄疲款段稱鄉曲惟堪野老騎

春雪三首

夜聞風動地曉起雪盈臺老病終朝臥陽春隔日回次立煎茶留臘水問酒有新醅忽報園梅折呼童即看來

已乘青帝令底事白霏霏食稻開正盡炊烟逐日微喜催梅蕊破惱應麥苗稀銜冷亭前立餓鳥向我依

五日元宵節陰晴總未知寒天增酒價濕路阻燈期衣薄艱晨起炊遲忍凍窺尋梅兼訪友不似少年時

小年

一年幾節度此節亦佳晨曆日將辭臘枝頭漸近春傾
裴酬債主技淚憶亡人無限淒涼事何心更厭貧

老景

嵒然六十叟散髮咏江天食少思常食眠多不苦眠心
慈翻受累口直易招愆去死知無幾紛紛底事牽

夏日訪元蒼上人

精舍相違久偶然乘興來山深人少到水漲路重開屋
角垂瓜蔓墻隅種芋魁遠公留一飯雨霽踏泥回

喜老僧園中種田

厭乞人間食來耕園內田火燒除蔓草水灌引山泉力

龍眠風雅卷三十

作從時令豐收仗佛緣更期多種秫釀酒醉逃禪

九日同愚公暨諸弟登高限山字

不盡登臨興扶筇步履艱秋光深到樹江氣遠浮山老
友吟詩苦高僧對酒閒賦成推伯仲酬唱夕陽還

秋日長河堤土

天寒霜落後秋色滿堤賒是港皆通水無墻不臥爪人
疲趨野店網集識漁家驢背沉吟久詩成日已斜

思歸

避亂深山穩經年兩度過殘生雖得免薄業却荒多白
日看濤雨青尊發浩歌題書江上問賊信近如何

入浙訪五弟幼光

時弟有黨人之禍

浪跡傳聞到越城相尋岐路却魂驚祗云飄泊同王粲
不道踈狂罪禍衡兄弟睽違千里隔妻孥瀟別兩年情
寒風細雨吳江畔難聽孤鴻天外聲

六十初度四首

痛哭滄桑此日情近來懷抱對誰鳴百年幽憤空衰老
萬里艱危屬聖明禾黍尚青先索賦逃亡未復又徵兵
兒曹休向筵前舞杯酒還留祝太平

天道誰言往復還竊愁如我自年年披裘五月當風快
絕粒三春闔戶眠到老木疆終不改趨時瓢落止徒然

三生微賤同牛馬肯受他人白髮憐

雁字同行僅半存休誇馬齒一門尊髮成雪色終難變

龍眠風雅卷三十

眼現金錢久已昏孤苦相依憐寡女癡頑不去弄屏孫
十年筋力猶能健野外優游學種園

人事紛紛無了期閒中樂趣老纔知浮名過眼都成幻
生計關心亦是癡婚嫁粗完聊稱意糟糠尚健喜齊眉

山中此日逢初度恰好鷄肥酒熟時

秋日懷幼光五弟吳門

吳門底事久淹留日日江干望爾舟鴻雁影疎三易歲
桂花香散雨經秋阮途何處垂青眼謝夢于今賦白頭
一醉他鄉明月夜可能不動故園愁

方君則有石屋再宿之約因何荅巷見招不果追

送江干

與君難見却輕離千里長江酒一卮日落丹楓愁去路
鴉棲衰柳動寒思蘭舟不負朱門約竹榻還虛白社期
此去欲歸須及早梅花臘月是開時

哭李文若二首

時危抱影在江沱頗向深山問薜蘿書集亂餘留舊業
田開荒後畏徵科箇中久秘義文訣壁上猶傳呼吸歌
倏忽九原成死別曾無永訣痛如何
天道沉沉若未知斯人何事數多奇種蔬易米家常乏
賣麥輸糧服苦饑此日孤兒思未斷多年親柩葬無期
可憐生死誰相念交義于今愧昔時

三喜舍弟樂易堂初成三首

龍眠風雅卷三十一

五架三間新草堂梅花達屋竹編牆向陽開戶冬多暖
依樹開窓夏有涼中座森嚴祠父主偏隅僻靜置兄房
亂藤野棘都刪去莫礙山中好月光
汗漫從前老未休歸來築室小山頭草生池上謝家句
竹滿林間阮氏遊自破窮愁書一卷欲除渴疾茗三甌
于今永斷紅塵想招隱無如此地幽
我鬢蒼蒼君亦然餘生只合此堂前悟來周易人難領
註就南華世已傳山色遠看渾似畫松風靜聽不須絃
自憐倘得年年健早晚相依伴阿連

田家晚春六首

項下髭鬚總是絲委身丘壑政相宜光陰似客留難久

閒適如僧睡起遲灌圃種蔬央老婢沿階擲果戲童兒
草玄亭靜人來少惟見梅花結子垂

陰雨三春路不乾冬衣未減尚餘寒踏泥爛熳憐花賤
行路迂迴讓水寬愁濕黃鸝深樹嶺窺魚白鷺夕陽灘
江邊芳草連千畝獨上高臺徙倚看

斗室閒吟老影孤松風引步杖藜扶園中春色時方好
江上軍書可盡無歸雁窓虛乘月過落花地滿作霜鋪
寥寥人靜難消遣隣店常沽酒一壺

風花烟柳艷陽天自古閒人興較偏極目忽來山店雨
賞心那問酒家錢筍簞林下行邊嫩魚買江頭上水鮮
却怪世間名利子笑予老大只徒然

龍眠風雅卷三十一

荒荒數畝水田低戴笠披蓑趁雨犁殺草莫如先布種
防潮惟在急脩隄時年妄聽村巫斷人事常因候鳥啼
麥熟家家爭釀酒何妨一飲醉如泥
終歲生涯在小園爲因性僻避人喧老來倦眼饒春睡
病後調脾罷晚發茅屋拂塵招燕子短籬插棘護龍孫
讀書有會心難禁時兒諸兒一講論

夏日園中卽事三首

數間茅屋萬松遮俗事誰尋野老家雨過土鬆宜種竹
風吹火著待煎茶枝頭雛鷄初成語壁上藤蘿倒綴花
乘興偶然高唱入僧厨烟縷隔林斜

賦就閒居十載餘衣冠無束意常舒空囊村店難賒酒

老眼明窓好著書犬吠似迎籬外客鷺飛爭攫水中魚
忘機漫說羲皇上冷暖人情已漸疎

葛衣初著一身輕策杖園中緩步行米賤不愁貧士餓
雨餘深快老牛耕小塘宿養魚苗長茅店新醪麥酒清
自笑終朝無別事傍人餓子點秋枰

落葉

搖落秋聲木葉悲金飈不禁苦相吹舞空幾處隨流水
墜地經時沒短籬山鹿宵行迷去路寒蟬朝泣抱空枝
可憐一夜飄零盡似我蕭蕭髮落時

夕陽

自惜光陰日已非晚來猶得見餘暉倦飛鳥雀投林亂

龍眠風雅卷三一

拋放牛羊識路歸返照映江帆影山殘紅斂樹含烟微
噫茲西下難留住又向東湖望月輝

種瓜

老來學圃小亭前種得秋瓜半畝田開地分栽無用客
綠苔引蔓漸相延園丁頻勸鋤根誤小僕時防內殿偏
帶雨摘來堪佐酒當年真羨邵平賢

春日同舍弟奏公赴吳來章爾玉浮山之約二首

入山春半見群芳一杖相隨野興長雨後旗槍新舊著
風前劍戟嫩抽篁健同穉子穿花徑側避佳人過小廊
登眺不須愁日晚深林月出透餘光
蒼苔滑處客來稀精舍僧閒晝掩扉空谷遠聞雙屐響

石床聊藉一樽揮杜鵑花發春山映布穀禽啼烟樹微
細酌長吟迷去路冷風吹雨濕吾衣

秋興

涼風淅淅動人衣驟雨終朝晚細微屋爲燒殘迎客少
園從亂後看花稀藏書簪井心難沒采菊東籬願不違
極目山川無限恨那堪黃葉又紛飛

咏窓前老梅

無數梅花開滿枝老梅相向更相宜素姿難與群芳競
鐵骨何妨積雪欺日對寒窓經歲久孤生僻地得春遲
年來縱乏高人賞一種清香自不移

哭四弟若士四首

龍眠風雅卷三一

夜深獨坐一長吁老淚燈前濕白鬚次第雁行原有五

一人遠去時五弟在廣兩人無

孤眠數載已山僧弟隔床頭止一層風雨夜來長不寐
起行向我剔殘燈

夢回池草十年春刻刻常懷萬里人萬里人歸應有日
何如汝別卽終身

兄弟同時已半凋傷心哭汝又今朝予年花甲光陰少
相問前途恐不遙

重陽後友人園中看菊

陶氏園中菊盡開我從門外看花來亦知已過重陽節
再向東籬醉一廻

一夜兩夢五弟

阻隔鴻書已十年夜來不覺夢綿綿莫因池草無佳句
萬里神馳到阿邊

楊胤昌

字爾似萬曆間諸生可領教人晚充無作
姓字于長吏生平孝友祥順錄
茲散方所著有述吟分來諸集

夜雨漫懷

一榻懸僧舍悠然夜雨成瓦傳疎密點風送斷聯聲縱
不深歸思其如獨臥情更牽新柳贏得幾分清

立秋前二日小莊坐雨

山莊深閒寂風雨漫相過坐看溪流長頻驚樹色多涼
先生散席秋已薄重羅野老能携酒閒中發笑歌

試歸宿澤容方丈

勝結溪村舍方春是事幽綠延雲外岸青遍雨中洲靜
對常流水閒觀不定舟得來分半榻翻悔逐塵遊

九月十六日憶佑兒

不有丈夫性其如少子牽客中初度日江上暮秋天新
釀經時熟肥熬過雨鮮年年家安處此際倍悽然

新正既望同聞日唯夏廣生看雪因添粉小園便

想慈雲處分寒字

盛雪應占瑞閒情共覓歡酒餘新歲瀝碎破入春寒倚
杖平林望環村碧玉團遲僧過竹院清映滿米盤

過心符西社

烽警虛傳早閉城偷閒應得訪僧行暖回萊麥迷村路
春到園林亂鳥聲好景得留深坐賞新詩不惜細心評
莫嫌短髮能余累此日偏多出世情

吳應琪

字景孟號東南崇禎間武舉少折節為儒久
喜慨然欲立陳涉傳介子之功曾一舉于鄉而迄
不得當既因國變年過致棲詩酒間雅志者探有
渡江三弄求存室詩稿皆欲作金陵賦接訪幽隱
攜鐵筒傳所佩金陵符其一班也其為詩嚴豪自
恣多魁壘用壯立功萬里之思自署院國男于試
其整以工文辭者輒役之靡足當一顧也子用錫
中天啓丁卯武解元順治丙戌又中武舉亦早卒
未成厥志云

金陵篇

從來天子占南斗丹陽入斗十六度龍分三幹最稱雄

龍眠風雅卷三十七

澎湃嶽寄神鬼護直至楚時王氣呈葱葱鬱鬱紫烟生
熊渠不愛寶作鎮金陵由此獲嘉名贏秦欲得其氣盛
緒云反鑿成方印張紘玄德啓良圖孫吳京口徒為都
晉宋齊梁陳輯瑞李趙各將至震器雖然名號自言尊
總屬偏安與閭位宅中獨有我高皇天誅造攻載滁陽
削平吳漢開鴻業驅逐元撫萬方非不眷顧塗山里
亦思營繕舊周疆從龜從筮從卿士卜食惟逢此吉祥
此言金陵之盛東就龍蟠西虎踞雨施雲行乘六御趨
鐙拜舞肅冠裳謳歌訟獄惟黎庶黑齒白題獻壽來沸
唇反面內琛去奠泰山兮四維之宸遊何日非春豫丹
樓遠望燦如霞限隕迴遭百萬家身醉平堤金色柳微

迷遙指玉雕花魏魏盡妙高闕瓊室瑤宮礙雲月廊

腰簷牙迴插天牛首雙峰徒虛揭此言城郭之美弘開

甲第錫從龍帶礪河山盡實封已見徐常人到陽又聞

鄧沐戶鳴鐘金書鐵券非為貴鶴蓋魚軒到處逢相索

寧辭漏正急交酬豈畏日高春此言世宦之隆也王門便饒賜

義者東市西市無休捨一劍慙恩思愈深雙丸修怨慙

難寡莫愁湖畔錦聯帆孫楚樓中玉作竿避暑水厨列

蒲庭登高雁橫飛盈野夜遊弗顧大誰呵潛身強半陪

妖冶此言遊俠之豪也妖冶咸居富樂邊宮妝妙曲實堪憐追

惟遇席多洪醉好客逢人便擊鮮椒頰柳詩同奕奕反

腰舞掌各翩翩絲髮見日吹朱燭赤足和塵掃翠綢白

龍眠風雅卷三十九

頭誤入心猶死爭值紅顏美少年此言效藥少年相聚

慣恣誰格五纔終換六博且往觀吐火吞刀自詔能跳

丸走索風裙月袂稱身裁霧縠雲紈觀體著彩鳳不去

鎮常飛繁花雖寒寧遠落此言里巷嬉遊服飾華整也綠屬三吳叱

富多乘時射利仗風波摸得明珠寐蚌窟捫將佳絹任

蛟窩掛馬舟與猶自可眠濤臥浪奈公何輸財巨萬無

怪色只買妖姬一曲歌此言商賈之富也靡麗惜潘真若此昏

迷顛倒底時已欲教炎海變清涼除是天龍特豎指達

磨立願自西來寶誌爰將覺眼開僧會精崇阿育塔雲

光妙現雨花臺座上旗幡寂未悟巖前一撥開如雷又

添幾輩飡霞客名姓久填綠字冊金虎存成不老身白

鴉養就冲霄翮痛非道骨與僊風縱臘嘉平豈易獲不

由世俗不皈依忍割裘輕并利肥築得丹庭更紫府饒

他黃冠與緇衣塵緣未斷蓬根鈍終落他家箭鋒機此言仙釋之幻術

所幸帝王尊聖教儒立文史皆學枝梓掌此言利之廣也

三年擅義龍澤身七日呼文豹貪汗尚可證貞廉頑

亦自期忠孝此言聖王教之神也況復吳兒盡石心通成志務

讓幾深席間函丈親師鐸壇上尋盟盡友簪仗鉞威名

馳雁塞揮毫聲價重鷄林笑臆言鯖添腹笥語眉聯額

向消沉豪華富貴誇夷夏人物風流映古今此言金陵之盛

近雖天地反乎覆新亭淚濕諸公袖克復神州

指顧間中興豈遂安江右飛龍正爾駕雲濤紫蓋黃旗

龍眠風雅卷三十九

仍昔高竄以聰明稱元后錫之智勇作人豪膺期撫運

真英王附翼攀鱗悉俊髦縞素除兇堪墜涕臥薪雪耻

詎辭勞億衆傳呼如挾纊六師感激類投醪宰相既知

難養晦監軍孰敢太將牢拘儒鹿獨雖炊餒願修矛戟

賦同袍掃清寓縣歸福地千秋萬禩樂陶陶此言聖王當陽天意

樂土宜歸也

辛酉冬太平不第歸過采石謁虞英烈祠

采石江邊土一陌人人作詩爭李白采石山下虞公祠

傾墻敗壁無人知立言立功俱一樣如何食報不同狀

祇爲國家久承平注意文儒輕武將所以賊寇日就強

邊疆戰骨如山岡神京已輪左臂去留都猶日試文章

文章自有實經濟多則千言少數字直抒胸臆號作篇
拘墨率純亦何爲原是我祖賺英雄毆事詩書不事戎
今已內安三百載法窮須變變方通其如世無人會
死遵功令不遵意摘華虛士俱蒙收真正英雄格外棄
春來文試下金陵父于空回淚對傾漫說武科始孰易
誰知學劍又無成今朝策蹇江頭立咫尺風波渡不得
豈真東望海雲生還是悲羞捱一日偶到翰林祠宇前
欲醉先生漿無錢去去又復重去去北山幾箇長松樹
遙看一殿太敬危客裏閒身且散步登堂識是宋虞公
不禁涕淚灑秋風追憶紹興當日事也似于今賊內訌
各臣宿將駢首戮幸出儒生成大功固宜香火千年盛
龍眠風雅卷三十
何期一旦粉牆空吁嗟虞公勿悲酸中原今正少登壇
天子親聞鞞鼓急自能特新君門闕且看李白可有此
吁嗟虞公勿悲酸

贈舒邑李景夷

在昔秦皇併漢武身厭宸居思紫府飄飄海上望三山
恨不一旦生毛羽寄言二帝亦何愚富貴長生豈可俱
既酬好大喜功願又佩金科玉簡符古今那得如此理
驪山茂陵草荒蕪惟有李生學最博矧亦說劍人誰度
化鶴爭傳飽七籤圖麟共許諸三畧前身應是老君兒
五千玄言不用師轉劫必又是光弼中興唐室功第一
根器原與凡俗殊所以事業世無匹吁嗟李生聽我陳

功名豈盡礙脩真軒轅問壽說騎尾留侯鄴侯皆名臣
萬事無不可並作秦漢之君非其人

燕邸下第有感

太平何苦獨從戎贏得身家兩處窮吳地有人悲夜月
燕臺無路振秋風千金郭隗名雖在一飯田文事已空
寄語故鄉諸子弟好書丁字莫持弓

遊阮光祿園子

欲覓桃源學避秦雙黃鶴引入嶙峋名花貞靜幽閒女
怪石嶽嵒歷落人此外更何求綠野其中真欲絕紅塵
殷勤爲向山靈道莫遣漁郎再問津

蔣岱輿席上和唐際明京回有感分得陽韻

龍眠風雅卷三十一
試問邊塵幾丈黃君來帝里定知詳請纓許否癡男子
仗鉞停無白面郎事到于今不破格病臨何處始尋方
相逢都有憂天淚祇向秋風灑一場

水中原字四首

易官亦有簿書勞雅具文房類我曹苦爭平鋪左伯紙
蘆簫橫掃石軍麾度須鳳凰閣天門轉採芹諸漢皇
燕龍綠知時日事誰言羽族欠英髦
長空顚瀾洞庭波正好相將踏雪寒上一朝傳點畫
湖中幾度費吟哦朔風斜過寄餘及錦浪平傳妙補戈
人事恰宜窮體勢霜深筆凍莫蹉陀
羨殺鴻溝弟與兄六書八體盡天生篇篇帶有凌雲氣

筆筆揮開擲地聲一向江頭一起草不臨池時不勝清
三王端恨無若法尚在人間浪得名

澤國年來羽檄馳雄飛猶未厭毛雖影隨波浪雖無王
筆扶風霜肯讓誰怨別不裁湘浦惡喜功偏勒漢江碑
有時露布傳沙漠海角天涯到處知

宋石弔李太白

松楸到處盡荒涼何獨青蓮啓畫堂想是進賢應上賞
報君能識郭汾陽

予弔虞英烈祠殊多感慨甲子過之廟貌新矣再
賦一絕

千載荒祠久乏至行人快入避風雨一言感得世重修

龍眠風雅卷三十

到底重文不重武

春閨

昨日陪家女伴過相將邀我閱青莎久拚薄倖無消息
一任宜男是汝多

亂離後同蔣岱與九日

菊綻高枝縱未黃也須揶作滿頭芳不愁明歲無強健
祇恐花開傍戰場

龍眠風雅卷三十一目錄

木厓潘 江蜀藻輯

武進黃 京初子 參

同里張 度齡若

姚孫裴 一百七十四

龍眠風雅卷三十一目錄

龍眠風雅卷三十一

木厓潘 江蜀藻輯

姚孫裴 字純甫號戊生崇禎庚辰進士初如浙江南

鍾一石也公力請于上改木為折勒石永利以

應訓繁東陽邑人詩節揭竿為亂公擒指草血疏

身投池水中忽羣衆驚鳴家人救之得免遂馳入

深山招募義勇躬矢石斬敵無算又獲產治兵

平不復發功反有殺降之誣兩浙士大夫莫不

其寬焉公自署榜道人嘗作榜傳云生平推韻語

一童而習之歷久而愈甚雖愁苦相侵獨書

類警而觸物紀事一而寄之詩其自為寫照者

至矣所著亦園詩集六卷孫士堡為撰贊板行方

坦菴先生序之曰用衆而不徇秉孤而不儉總

一真則不與時并爭榮枯一正則不與牛蛇爭

約作者登壇畢竟三舍推此老將知言哉

秋日同夏元夫四兄飲石龍峯

怪石何巖嵒積苔石色蒼商風悠然至松下命壺觴鳥

倦歸密樹洞寒背夕陽隱隱數峯西湖水如帶長酒酣

頻起舞幽懷殊未央仰臥視雲端皎皎夜月光

落葉

天地方寒爾草木不得意密葉謝高枝分披色憔悴如

聞入堦雨歷歷生清吹隨風半欲飛力弱還依地立化

轉苦環五行通為更不覩搖落心焉知栽培利葉葉亂

相委棄置緣底事最憐夜深時窓前得月易

送別方克壯先歸

家居咫尺間睽違不言薄蕭寺晨昏同談笑猶嫌略作

客驚歲寒天氣共寂寞可堪去住殊分袂神漠漠維

集層陰長江潮漸落一路布帆輕有酒須斟酌歸與日
匪遙風景想如昨鄉思因君深遊裝知子約寄遠報平
安含情感離索胡爲是栖栖愧彼檐間雀

暮過邀筵閣值四兄歸署聞子來遣送酒肴賦懷
細雨作旋止斜陽涼在水因憶溪上人茗具爲子俟披
襟謝繁囂呼童隨杖履如何來往間又隔尺與咫悲几
復開簾獨坐有妙理盆荷新試花香與風俱起遠山露
數峰向暮含微紫瞻眺未及終吟咏方經始波際小舟
來翩然載酒簋荷君知我懷壺尊惟所使清暑夜何其
一觴倘相似

雨止廬州城聞

龍眠風雅卷三十一

不入復不出一圍風雨中仰面語城上美此百雉崇門
者騎鎖鑰叱咤弗爲通自古稱如鬼爲暴將無同久立
人馬寒昏昏濕氣濛濛搖安所托猶不如萍蓬茅簷低
於額僂僂息渺躬眠餐一笏地相依爐火紅城頭響夜
柝城曲鳴草重到耳不成夢村醪殊無功敲枕望天際
明星將在東

汲井注池橋上小酌

天雄署中作

朔方艱于雨日昃暑猶灼徘徊過井深深泉澄一勺愛
此清冷源忽憶前池涸挹注資衆力輓轡聲相薄行水
濤曲渠新流何濩濩輕風西南來披襟謝炎虐快哉疏
導功板橋堪命酌坐到月涼時萍開知魚躍

都門月夜大風懷夏元夫

意氣吹四虛纖雲無敢匿捧月上太空明明據高特稿
葉不勝風飄搖任南北挑燈事伊吾妄冀詩書力讀罷
念友人呼之如在側爾病甫小康鄭重寢與食聖主策
賢良有求如弗得詎爲尺蠖屈滯此垂天翼但慮珠桂
艱易滅壯士色往昔西山巔尊酒助文墨爾我共狂呼
曠懷易有極今此黃金臺對月思惻惻東西十里遙調
飢滿胸臆

白叔明宅醉杏花

同方仁植年伯
白叔仲劉五玉

晨起雙眸豁窓罅透朝陽新晴貴柔緩漸令花氣揚結
侶過山來醉日香千章我心如花心爽發無覆藏呼尊

龍眠風雅卷三十一

事崇飲高人聚一堂酣餘覓芳徑藉草重命觴惠風散
林端花人酒共香遙嶺雲意白平湖帆影長麥疇已青
青桺絲間綠黃色色皆生動爲花助景光不因晦積時
焉知霽日良拜手謝花神茲樂安可忘

貨粟

黃雲覆秋塲農夫慰力作我室如懸磬何計處久約阮
囊錢不留范甌塵又落斗粟幸相假饕餮甫有託饑饉
烟火通遙問糲與鑿兀坐茅簷下不語心自作雖有數
畝田弗耕將焉獲茹愁日日深追往事錯矧復雲雷
屯繚降漸爲虐食指徒紛紜中懷轉蕭索且勿小焚須
勉旃稼當學

同程非二趙耕于包元達過許裕卿虛左小集時

乃郎元範出藏墨相示裕卿酌以冰壺液

春事夫如何偶訪林塘澳寧憚雙屐勞微風散春服路
紆山爲廊宛然成小築紅餘華戀桃翠長色凝竹水聲
何潏潏烟影時重複呼歸響杜鵑催耕聞布穀啟扉石
徑幽列几盆花馥良朋快追隨主人誠嘉淑牙籤鄴架
垂展卷翫且讀藏墨細品題研之光可拘應有羣龍賓
盤桓在笥簾留客坐須搖冰壺液初熟勝遊談黃山傾
耳動心目暮靄挾雨來林樹承新沐爲咏考槃詩樂哉
適與軸

今昔

龍眠風雅卷三十一

羈孤易爲愁襟抱多騷屑拮据奚以爲祇覺謀生拙愁
朝復愁暮所思彌恍惚坐寂一莞然虫虫何不達以今
適昔看昔者愈愁切憶我鳴琴初從政心固忽優游再
及井簿書無閒越肘腋起荏苒患難有倉卒荒郊獨踟
躕泣盡繼以血北望再稽首臣罪難擢髮一死答高厚
弗與妻孥訣枯骸赴重淵波臣同汨沒宵寒聞無人羣
鵝鳴且憂居民夜半驚聞門鏡呼喝不見鵝見人浮沉
氣欲絕衆往手援之得生翻悲咽留此不死身胡能補
罅缺草屨走山谿凍餒顛顛顛饑寒霜霧中扳擠在木
末倦卧石爲枕代步筐共挈呼伯或助予奔趨又收轍
竹筏載愁人往來苦莫述有時宿村樓樓下環賊卒村

老前致辭使君戒喧聒呼吸判存亡微服欽往哲屏息

安孤眠猶恐聲窸窣田夫見我來壺漿慰饑渴大家喜

我來雪恥賜俱熱經營兩旬餘履端歲云吉喬梓偕士

民一呼志勇決雙峴還舊觀蛇豕失窟穴若肯大創懲

么魔自消歇何意上官恩姑息容此物似嗔令不仁嚴

霜重以雪去惡弗務盡技曼將竊發攀髯淚未收脫巾

黨已結吠形與吠聲如蜩旋如沸殺掠及鷄豚烟火四

野徹城守職當然燎原漸撲滅屢捷露布傳秋風肅旌

節撫軍來視師登陴錄微烈衆志可成城令也允人傑

底無速官謗朝論忽迥別南渡坐未溫奸宄亂密勿威

福隻手操魁颺清晝出寧顧黑白淆但快睚眦洩反謂

龍眠風雅卷三十一

恢勦非誣以殺降律李僮先代桃夭猿火林樾網緝日
以密隨吸日以竭顛倒使人迷街寬誰肯豁叱咤變風
雲智僅同鼠黠倏聞東征師望風棄城闕姜菲竄草莽
鄙賤釋膠葛禍始癸未冬息肩酉五月銷鑠三年間有
骨豈金鏃戢影歸田廬饘粥猶可啜階前草萊除膝下
見孫刈漸喜風鶴寧數載平陂園君子當固窮老至倍
愛日吾生有定分行使止或尼巧拙人事殊循環天道
一旅室占清閒春光晴可悅我有三溪夢按拍歌一闋
醉之酒盈杯今昔休再說

過惟式上人房納涼

秋熱勝三伏蒸鑠非一端繞室但狂交搖蕙腕欲酸循

徑叩寂寞式公坐蒲團几席何晏如矚戶出愈克快風
西南來北窓涼氣攢方竹倚簷隙一一青琅玕藤蘿施
古牆多年虬龍蟠瓦錯煮梅水水聲若驚湍點取徑山
茗色香俱可餐煩襟斯以滌五體漸平安詎謂一院內
乃自岐暑寒茶罷展楸枰丁丁碁子彈

尋五雲洞歸飲山家梅花下

羣往興亦勇失道問田父逶迤四五里遊烟網林莽披
榛得石磴行行忘辛苦洞口水清深石色含太古陟顛
望村蔚梅花已半吐白雲數十堆高下自爲伍夕陽下
山來攜尊就閒圃花似爲人開香光徧環堵秉燭醉忘
歸花前頻起舞

龍眠風雅卷三十一

客中懷方夢名

一別一載餘寒暑互授受行居弗相謀邈矣素心友黃
卷戀白髮章編常在手逍遙山之阿廉靜應無咎客歲
乏秋飲妻孥長飽否豪懷少壯時貧當荒亂後愧無西
江汲可分升與斗曩昔同學日猶如耕耨意氣訂千
秋筆墨兼詩酒霜雪不貫人荏苒成皓首鄙性拙謀食
替替嗟衆口乃以桑榆年東西事奔走雖復尾勉求何
凶亦何有簞食與正布餘生憑高厚同病憐故交棲息
在南嶽情親忽入夢爲道別離久隨緣付笠瓢往事等
蒼狗歔然握晤間妙語真善誘覺來思如何落葉及窻牖

頌嘉山與二首

足不踐此山茫茫二十載自笑牛馬勞兼值滄桑改痛
定憶艱虞靜裏邇尤悔客秋策杖來水石如相待披榛
搗茅茨薙草尋香蔭兀然斗室中今日知我在及茲事
幽探春山冬芳霽印枝與松醪用以褰不逮
窮老憚經營鄙尚隨所寄卽茲數椽茅已減饔飧費敢
曰修園林聊以寧興寐山色媚幽深鳥聲當鼓吹鷓鴣
得枝棲自喻爲適志卽景朝復夕栽植從簡易種竹不
須長種樹不須芳但願發新條青青映短牆辟如果虛
腹寧俟厭膏粱

龍井石上小飲因懷方坦菴

積草錮石徑杖撥乃幽尋新綠影斜陽據石聽瀑音幾

龍眠風雅卷三十一

夢喧入耳洗耳兼洗心游情競初酌山趣陶再斟昔我
靜史居畫橋跨清溪瀟水搖輕舫選石對碧岑昔今在
長安別之若商參春朝追秋夕牧唱與樵吟人世嗟海
田山川自古今因風懷我髯得便好抽簪

夏興四首

溫風應小暑樹樹送濤來涼氣滿軒牖瀟灑絕煩埃
嗒焉忘心形隱几夢初回他處自生雨此山空聞雷開意
勝前嗽曉輪已半階新竹翠如染清陰聚小槐羣雀依
茅茨飛止無嫌猜

白雲通雨意黃綠冒青嶂飄飄復淅淅作止互爲狀纔
注草池邊已濕苔砌上濯羽雙鳬喜滌煩孤懷曠少焉

檐雷停林木拜清曉者趣新涼綠暗發村唱

風尚寄林泉學仕空顛倒顏齡倏知還藏身以爲寶叢
薄雉不驚潛麟欣在藻則知山中人蓬華怡襟抱北窓
小眠餘初出邯鄲道茶烹澗汲新風爲人閒好竹連雲
作陰培倩鶯耘草或吟陶與謝或讀莊與老此外何所
營三杯圖軟飽

四嶺渾是雲朱曦歟不見飛雨何處來交馳挾雷電密
灑破紙窓霏微旋撲面山溜併一溝噴薄任飄濺行潦
沛若河小塘白已徧竹洗得新青風吹有餘善運際金
伏時俄頃涼燠禪卽景蠲煩囂冥心悟常變邈然獨對
中爐熏香一片

龍眠風雅卷三十一

登臺玩雪兼呈方二化

嚴風吹乾雨六出疊瑤片寧比蜉蝣衣詎擬齊紈綺
寒躡崇臺襟眼開四面遠林盡韜碧高峰若垂練漫汗
萬瓦連珪璧隨物換壓竹枝相亞綴柳花驚先盈尺兆
豐年合懽酒縫春入夜氣愈清帶月光初眩埤垠一炬
行踏雪忽隱見尊中入碎花方干吟未倦

露坐酌月

明明在中堦高興我自發弗憚寒偏宵杯盤供倉卒凍
輪挂虛空淨色透毫髮願坐影裏瞻朝昏同出沒庾亮
樓可登劉琨嘯未歇古今無限情裴回依素月翫翫坐
能深青尊有微伐

溪漲

檐雷喧不絕陰雲冒四宇晨起聞驚濤又知昨夜雨踏
淖立前阜聲勢搖聽視長河激浪花層層白雪吐流迴
觸石壁噴薄亦何怒觀其奔瀉時餘勇猶可買晴好澗
有文水漲川能武對之相盪滌胷中無塵土連風送霧
來復見商羊舞

得大兒家信

楚山入望遙楚雲空霑霽何幸西南風高天雁羽隊解
繫得家書字字如面對快我數月思釋我中心癆勿啗
分俸薄足申遊子愛易錢十五千支排小稱貸持此無
久趙再可貫鮓菜餘付酒家胡酤取典不廢秉醉便狂
歌且以澆磊塊

龍眠風雅卷三十一

清明

新霽不可知喜與朝曦遇譬如坐幽深光明忽闢戶今
節改新火少長及良晤未理登山策共曳踏青屨沙暖
鳬睡閒流淺橋平渡烟霏漠漠林蔬盈青青圃齋魚響
芽菴花竹影回互瓦爐沸泉聲茗果粗能具選地刻尊
罍一帶疎篁護北嶺遙入望疊翠相應付微酣杯中情
更適山邊步紙鸞騰風高喧笑禿童孺遊人采芳菲翩
翻咏歸路舉頭係晴空圓魄已升兔

雲夕

夏雲能爲奇俄頃多變易或爲人與物或爲山與石奔

勝類波濤片片相絡繹落日奏明霞乘雲互注射燭燭
復氤氲深青蒙大赤仰視目欲迷忽焉如絮擘渺渺竟
何歸長空一色碧起滅固有相來去仍無迹卽景會清
虛我心與之適高樹送晚涼寧須澄水帛

喜七孫歸自楚雄得大郎家信

不意汝卽歸汝歸吾色喜龍眠去滇南千山復萬水少
年富精力馬首惟所指忽忽春冬間往來萬餘里跪拜
道勝常手捧書一紙讀罷意悠然因孫以詢子乃知爲
政優黃堂堪卧理歌頌徧黎岷廉能稱任使分俸寄酒
錢弗欲忘甘旨便覺天涯人笑語如在邇解錢付小奚
經營尊與蓋馬金麥味甘鷄蠟油澤齒爆竹響喧堦梅
花香盈几偕汝共爲懼老年與如是

龍眠風雅卷三十一

送齊仲符東遊

琴囊詩卷有行色知君忽作東遊客東遊意氣夫如何
齊魯山川饒勝蹟古調應爲知己彈新詩擲地成金石
行者如君若登仙居者如予思杳然商風颭颭殘暑避
月影花香偏多致此時秋色正佳哉呼酒平章花月事
忽聞驪唱何草草愁如落葉難頻掃試作短歌當送行
欲作不作可勝情薄田種秫酒初熟竟尊滿貯色將緣
待君歸坐西山頭一咏一觴琴一曲

都門過水關共憩環碧亭方肅之沽酒小酌

馬頭十尺飛塵土天爲幽尋泥微雨入望灌木幾千章

間泄炊烟縈數縷意中辭喧釋重負同儕緩步遵水潄
蒹葭搖風水面來似與南人相賓主禾長疎塍青尚柔
蘆沿老岸綠成古耳目若置城西隅朝昏繪出林木讀
一枝帘挂曲陽邊解錢買醉亭陰午

晚過蘇花巖登拱北峰

樹影移午遊情壯烟蘿杜屨兩相向石磴危曲引人行
古綠層層松竹釀尋崑但覺雲氣深更陟高峯寄遙况
一幅橫披牛首山林巒塔閣無遁相老僧指點愈分明
雙闕入懷如揖讓據石高談暮寒生落照寫山千萬狀
戲爲黃雪歌東張偉讓先生索酒

龍眠風雅卷三十一

無分于人竹葉春一觴纔舉手便停夜漏丁丁洗耳聽
若使飲酒盡如此何必三問大夫能獨醒射陽湖畔隱
君子鶴髮兒齒丹顏美相逢正值仲冬天家釀酌予爲
色喜雪酒香甘快飲醉膈黃清苦味復旨前身應是東
坡仙賦得濁醪有妙理持觴調酒能中節七分黃者三
分雪一杯一杯復一杯甘苦相和更清冽歸來寂寂坐
禪宇願乞一尊慰寒苦杓鷓鴣杯鸚鵡甘向醉鄉作附
庸須防甕頭卧吏部

飲酒

假寓山中瓶粟且罄有謂日來秫價稍平予按
囊得數金悉以糴秫得十數斗經營釀事十餘

日而酒成余則欣然一醉而衆口噉噉室人曰
向固慮及此矣君惟圖軟飽不念衆饑耶予無
以應之遂成是詩

鄙性從不治生事入山漫說居山易數椽寄跡何蕭條
未能謀食先謀醉傾囊糴秣纔數斗如逢麴車涎流口
草率釀具取新篘好醉秋光一杯酒衆口噉噉腹枵然
探向囊中無一錢我今獨醉衆皆饑謀生若此是耶非
持杯無語空自嗤五柳先生是我師彭澤公田雖種秫
在官祇有八十日一聲長歌歸去來秫田蕪事何曾卒
饑來乞食主人門觴至賦詩忻笑言乃知虛腸不求飽
但求一醉忘朝昏

歲暮舟吟

龍眠風雅卷三十一

朔風剪雲天愈高日烘嚴霜濕凍蒿堤畔居人急歲事
魚米薪蔬紛向肆久客却忘歲將除檣櫓往來意何如
空舟坐愁憐隻影寸心鐫愁紛幻境褐囊挂壁貯塵多
布衾覆夢飽霜冷思家千里望鱗羽移瞬兩九逐烏兔
自笑懶雲山中閒底事風吹出世間秋帆一片搖江月
冬旅鎖鎖寄邦閩汝能蔽布堪卒歲妻孥無適心無繫
請雲乘風歸山中自卷自舒遙天際斂手而對曰不能
一瓢一笠藉友朋自是懶雲懶不得漫漫東西與南北
且問酒杯澆寒色

贈胡君頴

作客華陽何寂寥六月行李冰雪似小年如日樹影長
蕭然弗問戶外履與君相對俱開身楸枰丁丁頻落子
坡仙妙語我知之勝固欣然敗亦喜奕罷拂几調素琴
七絃冷冷清如水古音那許世人聽不在琴心在琴理
繞徑竹色未斷青臨池薇花將綻紫歛局囊琴日落時
亭畔嘯歌浮綠蜩

題孫大宣年兄想園圖

萬丈峰崑千頃波堅劃寸管墨橫咫尺雲光杳忽登街山
樹影參差遙帶水茅屋數椽謝鷺塵觴斯咏斯書盈几
有舟可泛車可乘有田可耕亭可倚園所應有無不有
一任流行與坎止牖戶綢繆人不勞風月平章天相委

龍眠風雅卷三十一

放乎六合卷而懷弗常其處可以徙許多土木費拮据
競巧誇多且闢摩方池曲徑碧樹周修棟畫稅層樓起
亦有流峙依自然亦有結構備衆美風吹山平波爲石
辟疆金谷今已矣披對便是魯靈光孰者堪悲孰者喜
神鬼尼輿誰繼輪沐日浴月無終始以想成園圖成圖
應會感神斯得理天上原自有非非人間世亦當然爾
風

九十春光只數晨餘寒猶爾侵衣被風聲入耳聽欲倦
朝朝暮暮無停吹歎如急雨挾霆來又如秋濤駕海至
大王意氣胡顛狂少女枝頭久勞瘁老樹何辜叫弗休
飛鳥高迅弱復墜頰紅掃白辭園林花信寧止二十四

意標紙破響鳴鳴燭燄不長生光細試覓一尊近睡鄉
調刁底事驚人寐

山雪吟

同雲四布噫氣吼無數花飄碎瓊玖大如粉蝶逐風飛
密如織珠筐內剖俄看問砌失青苔旋驚羣山成皓首
樵蕪迹斷鳥影藏乾坤一片白相守茫茫漠漠無涯際
乍疎忽急還如綴帳裏羊羔何太濃閉戶高卧形爲蛻
閑意獨對寄冰心曠觀非復人間世前年雪阻皖江濱
短褐濁醪過浹辰去年項旅廬陽雪古廟寒簷身影子
可惜清景多虛度山情雪意誰應付今茲所得豈尋常
掃盡塵土與雲霧一聲爆竹響遙空幾朵瑤華墜高樹

龍眠風雅卷三十一

堅孫送酒

雨聲耐煩兼晨昏簷樹相嗣惟浙瀝河伯灌水限往來
奴子視瓶少涓滴雖有青蚨乏青帘擬剔孤燈對孤壁
赤脚亂流彼何人白衣送酒今再覩縱將渴吻厭垂涎
便被愁城無勁敵秋山雨過羣籟空煖取一壺遣岑寂
此中自有妙理存獨謠十酌神愈逸華胥相太路匪遙
嘉爾深情紀爾續

小桃源瀑布

草際喧喧導泉鳴攜策泝流渾忘倦呼童誅茅蹠徑危
噴沫乘風已迎面曲澗碎吐數斛珠峭壁高懸一幅練
莽壑決盡水氣懼多歲沉淪今始見據石寂聽聲益喧

碾玉披雪莫之先塵俗能得幾漁郎未許春流送花片

五兒烹鱗午酌因過四兒亦園

急足江頭市鮮歸盤盤嘗新酒初熟爰知食指動有微
懽然午酌充虛腹爲憶西郭舊開園步延野色開心目
遙聽遊人鼓且歌或坐林端或山麓維時清和雨新霽
殘花紅表枝間綠方塘漾水荷依依樹下披襟風謾謾
挺爾琅玕數十箇墻邊笋透隣家竹此君漸漸得相親
朝昏便可食無肉不妨睥睨在山隅坐來宛入幽人谷
回首當時揀度勞三十年前予卜築爾今種植復堪觀
卽事爲功無欲速先構亭子好看花次第編茅數椽屋
過亦園看木香薔薇

龍眠風雅卷三十一

微雨作止晴猶乍午餘暫給春遊假西郊千葉綠正新
况復芳菲枝相亞薔薇參差錦繡文疊疊木香雪盈架
身坐花中與花忘四面看花目不暇黃蜂粉蝶弗畏人
穿林上上還下下掠取羣香歸瓷碗翠濤頻向花前瀉
小園閒賞曾幾回珍重韶光信無價花情人意兩流連
今日是春明日夏

鎮江舟曉

夢覺鷄初唱簾簾江上身析聲猶帶夜帆影已侵晨霧
重秋光歛潮生寒氣新微風送清響北固曉鐘頻

徐三我招飲芸輝齋

一室殊幽勝方丈舉觴樹疎能綴月枝冷恰承霜雁

語留秋韻爐烟過酒香觥籌倩誰唱應共漏聲長

張侶仲先生惠酒楮却謝

低此壺瓊味分從首荷盤杯光繞向滿夜色已辭寒官
冷腸偏熱顏酖旅亦權坐深承酒力忽忽寺鐘殘

過常山縣

雨過晨光濕頰簷溜尚新地荒山作郭縣小吏騎人草
樹迷行望郵亭絕比隣孤懷當此際慚愧逐車塵

寓天寧寺聞鐘

梵鐘初報夜喧寂總成非的徹林同振堦空響易歸聽
將諸累減心共一燈微深省能無愧浮生暫息機

宿州道中逢吳湯日南歸

龍眠風雅卷三十一

停車相向揖南北往來身不盡經年別難從一語申憐
子方作客美爾漸歸人慎勿嗟岑寂還家慰老親

午日偕內山行看瀑石上小飲

不憚山谿云攜節先後行水深添石過壁峭仗蘿迎遠
白層湖見微紅晚日明蒲觴猶可泛沿澗擷新英

署中午日和女鳳儀喜雨韻

沛然何處雨密灑到簷前帝息悒焚勢人平糴羅錢榴
花紅際濕蓮葉望中鮮蒲酒公餘醉寧須競渡船

山行

千林同一霧入望總茫然山路無情雨行人有憾天橋
欲偏觸溜驢弱不勝鞭寒色空濛裏春陽何處邊

廣陵正月十六夜汪紀常招飲

寂坐安貧旅招攜杖屨輕雲將微月送燈續昨宵明尊
酒酣中夕笙歌夾兩城桃花千尺水如此故人情

重過朱子葵太守鶴洲草堂看桂

爲踐前期至秋晴發桂花再來知曲徑深坐宛山家水
石閒相抱若尊意正縣幽香何處送密樹導風斜

寄家信自嘲

歷歷平安字飄飄孟浪身四時周冷暖百念替風塵落
筆休言旅臨函只寄貧遠慚梁孺子然竈不因人

方坦菴見示新詩旋承招飲

索句消羈況如重侯至鳴苦吟憐不肯大雅奉吾兄貧
亦供詩趣老能出世情過從欣咫尺杖屨自然輕

龍眠風雅卷三十一

月步

月意人如戀空堦脉脉行旅中何淡莫天上亦孤清照
影寒相惜流光鵲乍驚幾枝霜後柳疎映不勝情

雪中方坦菴送酒肴

饋亦尋常事多君念敝裘隣因羈旅洽酒爲性情謀果
腹貧厨喜深杯百慮休行吟如有助耐看六花稠

亡室倪孀人百日

雨意知人苦朝昏滴素裳生歡歸往事冥福仗空王百
日忽彈指千秋祇斷腸幾回拈數字替亂不成章

暮靄宿簷樹熒熒對一燈在家如逆旅垂老失良朋愁

極語誰向酸深哭不能欲隨鐘磬意方外學閒僧

草堂雜咏六首

老拚人共棄山與靜相宜曝背茅簷暖貪眠午飯遲
荒田數畝不廢酒盈巵纂纂歌能好天慵亦我私
亦有山中課微劬我自怡平安問花信灌溉補天時
草因尋石牽藤且綴籬西隅樹影薄指點過溪移
預擬開三徑經營版築先亦知生計薄其奈勝情偏
竹須當賸移梅喜及肩自嘲還自解省得買山錢
山空來索友酒熟載諸孫添石通谿步流觴遡水源
喧歸牧路鵲閑夕陽邨薄醉攜筇返蒼蒼竹樹昏
空潭澄峭壁苔蘚老青青徑交緣蘿上泉喧倚樹聽
空潭澄峭壁苔蘚老青青徑交緣蘿上泉喧倚樹聽

龍眠風雅卷三十一

頌嘉春咏二首

扇屏吾自得展踏薛痕殘兩弟歌棠隸良朋念考槃共
傾獨夜酒預損詰朝餐倉卒無東道梅花且飽看化家

弟晉甫城
起過訪

新添幾箇竹又架數椽廊坐令西暉遠行看碧影長娟
娟經雨洗曲曲進風涼便是春山課無妨靜裏忙

瑞隱窩小集

勝地杯相引同人坐自歡嵐收山踴躍晴好竹平安新

栗披黃玉高談汎紫瀾魯戈如可假邀日駐西巒

送女鳳皆歸江寧二首

憶昔于歸日臨岐已贈詩迢遞數百里荏苒便三朞自
是開親愛翻令有別離借郎江上太眠食好支持
欲別難爲別榮回在寸心老人猶制淚阿母已沾襟冬
暖風多便江晴霧未侵到時嘉慶畢望望寄旋音
元之四日雨集五郎書室

潤物初正雨庭柯滌更鮮春盤臺菜嫩古鼎水沉然良
日逢天赦遠心覺地偏青尊將皓髮溫故在新年

雨過下方渡

山雲濃釀雨特送渡河人一片聲如注中流點更頻漲

龍眠風雅卷三十一

高沙路失舟溯浪花新搖曳吾何事生涯問水濱

雨中到齊雲崑宿攝真處

一日雨聲裏到來聽不同遙谿喧入夜懸瀑亂隨風影
靜羣鷺處心清萬籟中舉觴深向燭和雨嚼虛空

秋旅

旅食竟何事朝來罷應酬黃花供短詠白眼對高秋閒
似因貧得老纔知病由蕭然塵世外時向睡鄉游

夏廣生問疾

今朝纔學步扶策過軒南改火朱明至論心素友諳將
衰憐瘦骨小愈恹深談惟訊西山綠多應染一菴

同夏廣生張仲友及家弟聖林過三兒新卜山莊

用四兒韻

喜汝還初服於茲度夕陽謝將牛馬充共就鹿麋行一
笏安身易孤筇選勝忙平臺堪小憩指點任傳觴

五兒携具草堂

小徑行能曲新晴欲午天筍高抽綠直梅熟綴黃圓得
酒吟成癖看山坐是仙杖頭莫羞澀荷點一池錢

夜雨

半園十
詠之四

浙瀝因風至中宵聽更清空階初滴響落葉似添聲砌
濕重相弔燈孤夢未成遙知籬畔石緣引翠苔生

寒柝

似亦叶宮商隨風遙抑揚驚回中夜夢敲落五更霜墀

龍眠風雅卷三十一

堤聲相送關山曲自長那堪莎砌下斷續應寒蟬

摘橙

顆顆呈秋色佳名賦在囊移曾經細雨題必待清霜帶
葉猶分綠堆盤滿貯香黃金如可縷紫蟹正堪嘗

掃苔

澤葵沿徑長到處綠能稠滋蔓因承露蒼涼已及秋堦
防雙屐滑帶帶落花收莫惜頻頻掃錢多却買愁

戊戌除夕

共用寅字

爆竹傳聲鬧梅花汎酒新同年將送臘望斗漸趨寅天
轉初陽令杯迎向曉春椒盤延絳燭共慶太平人

集飲碩霞

望孫治具

羣碧欲環天空堦合作便雨從他處落涼向此中偏酒
氣清如竹風聲細送泉飛飛禽集木恰待夕陽旋

喜雨

落在重陽後喧當初夜時爲霜先作汁灑菊自生姿葉
墜添聲重檐乾瀉溜遲山田承潤澤種麥正相宜

晚酌二首

尊有涓涓酒開窓醉綠陰借茲連日雨稱我住山心水
漚鳴溪壯烟迷入靄深歸飛林鳥語帶濕倍相尋
燈酌重蛾亂予心謂不然因思長夏飲當在晚風前近
樹鷄猶轉看山夕更妍忽疑雲過檻數縷是炊烟

立秋

龍眠風雅卷三十一

便覺心相向迎秋酒一杯涼如因候至風亦爲人來燈
影浮檐樹重聲出砌苔幽詩吾可咏流火此宵纔

過武林將訪劉孔昭湖上不果兼懷潘二次曾

咫尺雲山阻晤期江干南北獨奔馳不逢湖畔論詩友
却負樓頭訪友詩風靜浪平帆落後沙明月白夜深時
懷人遠近頻搔首悵悵清尊懶自持

冬日訪夏廣生于會心園謝中隱山人留飲閱其

近作賦贈

竹色依依寒色盈遙林殘雪暢幽情爲探勝友衝寒至
恰好芳尊就竹傾歲暮益憐山徑寂家貧偏覺老身輕
案頭如許驚人句乘醉吟哦趣轉清

觀遊女鞦韆戲

遊女山頭春事佳，鞦韆共戲蕩春懷。
龍繩纔露纖纖手，踏板高懸小小鞦。
來太凌空嬌膽怯，迎推和采笑聲諧。
柳邊舞罷偏多媚，隔袖微扶欲墮釵。

過石浪上人梅檀林

時石公自博山歸

行脚歸來便掩關，錦峯深處一枝閒。
籬邊怪石堪留屐，意外疎筠不蔽山。
澗水潺潺鐘韻合，晴雲澹澹篆烟環。
回看塵世千重迥，願置身心几杖間。

送虎子居函雲洞二首

得一先韻

意外行藏別有禪，一枝何處不隨緣。
忽然居寂山為主，從此能清骨是仙。
峰約斷雲衝怪石，洞披老樹貯寒烟。

龍眠風雅卷三十一

花開花落尋常事，飽爾朝昏幾覺眠。

瘦瓢布衲杖堪肩，肯受人間憎與憐。
一肚皮藏不得意，三杯酒作有情緣。
時開半榻邀雲駐，貪把奇書帶月編。
任却此身同草木，笑他盤古錯分天。

冷水舖大風雨

風雨聲聲朝復昏，春寒獨自滯孤村。
臨窻無一書堪讀，入耳如羣馬共喧。
紅墜桃花辭樹色，白添湍勢沒沙痕。
冷然客况應同水，漫摘畦蔬佐酒尊。

大司空劉心盤見贈瑞荷集并催梅詩各賦一章
片枝自足競芳鮮，况復雙雙漾碧漣。
君子風前簪欲盡，美人月下袂初聯。
俱飛蛺蝶爭香亂，並羽鴛鴦顧影憐。

莫道傾城能獨立，名花已擅兩嬋娟。
並落蓮

不盡寒香隱躍中，凝情猶似待東風。
枝頭已飽珊瑚色，萼底微依翡翠叢。
使過江南春欲寄，參橫天曉夢休濃。
持觴好向花神祝，莫共夭桃開小紅。
催紅梅

江邨月步

步支然韻

落霞猶浸水痕鮮，人影平沙得月先。
遠浦潮生千頃映，高林葉盡半規懸。
舟孤憂櫂欣投岸，市小沽醪倍索錢。
步逐清光忘夜冷，幾家燈火間疎烟。

蘭谿郊行省重荒

出郭迎朝露氣滋，可憐呼籲盡瘡痍。
惟艱天應憐民食，入告予今忝有司。
單騎自甘衝暑雨，居人猶說候旌旗。

龍眠風雅卷三十一

予單騎走田間村人猶問令何時至
農糧急借郵炊熟，莫誤農家午饁期。

雨愁

晨起窺窻日出曾，漫空烟霧正飛騰。
花經雨作無情別，寒與春為耐久朋。
屐齒頻喧眠莫穩，爐香帶濕篆難升。
愁中欲擬登高去，竹杖芒鞋病未能。

乙酉初度雨飲

蒼蒼薜蘿色，上柴扉。
四月寒深欲授衣，烽火沿江傳信急。
靈觴隨意遣愁歸，榴花厭雨舒紅小。
燕子銜風帶濕飛，自笑生平無一是。
先知伯玉兩年非。

方夾于過訪

一肩行李帶斜陽，急啟柴扉共納涼。
坐久看山思避暑，

家貧煮豆卽呼觴別來顏色驚梁月詢罷寒暄見霜
多難餘生形畏影對君纔敢話滄桑

百福寺重九前一日唐薇垣招飲

蕭然禪室共徘徊簷溜涓涓澹碧苔聽雨先爲重九惜
傳觴不待再三催爐承濕氣生烟小風送寒聲到樹繞
剪燭相看朋坐好瓷餅香動桂花開

醉中吟二首

亭畔梅花寂寂春暫將香韻慰羈人半年涼燠成孤夢
百口饕餮望此身霜到鬢髯寧諱老天除冠服許爲民
餘生更覺無拘礙是處烟蓑與雪綸

頻朝懽聚趁春陽且脫愁鄉問醉鄉總爲滄桑逢世變

龍眠風雅卷三十一

故將鷄黍話家常貧羈共笑生涯拙美睡先謀酒力強

若芋歸途新月上自慚孤影逐清光

過心逸上人觀化樓看牡丹

芒屨不及候晴霞結伴尋山路淺沙石路高低林畔轉

鉢泉吞咽雨餘聲塵心暫息清涼境冷眼驚看富貴花

猶許攢眉陶處士堦前呼酒代烹茶

寓中得文然都門書

南北懸懸夕復晨迢迢忽爾獲雙鱗經年官秩三年望

兩字平安一字貧浪跡江干空作客關心燕市未歸人

倚閭較我情尤迫再爲封題寄汝親

賦得天寒有鶴守梅花

亭亭獨立對花叢耐冷綢繆顧盼中衣縞欲分枝上月
頂珠先占萼頭紅未容翠羽通香夢寧許封姨聞曉風
好向孤山稱眷屬幽心瘦骨兩相同

挽潘次啓二首

幾載流離逐海波纔從白下問烟蘿身經百折猶軒舉
家任長貧只肅歌厭世尚餘諸累在彌天共奈一棺何
登床不禁人琴痛暮雨西風颯颯過

旅食蕭然笑此身炎鷄絮酒未能陳死生雖判交猶合
神理常留夢可親吾黨吁嗟亡至友蒼天閱惜是高人
花臺桃渡經過處無數芳菲空自春

過龍井懷方坦菴

龍眠風雅卷三十一

尋山步步寄閒神水曲峰回自在春過雨瀑高如曳練

迷塔草綠久成茵偶探玉蝶梅邊石却憶金臺馬上人

南北迢迢瞻莫及徘徊日暮舊溪濱

車中作

風微巷箔望平原草色沿湖儼碧痕白墜秧田雙鷺下
黃穿堤柳一鶯翻驅犁稼事初知霽近午鷄聲暗識村
遙想山中春夏際晚花新筍稱柴門

漫興

一縷香浮累自輕當窻得月寫空明老難影對全憑酒
夜值寒初幸有晴漫以林泉供曉晚肯將輟杖負平生
山頭紅葉溪邊路從此探幽處處行

月下同麗木飲散步西山

開尊露坐自從容乘興行吟醉未濃千樹隙中分見月
亂虫聲裏忽聞鐘夜含清氣消殘暑人帶孤情望遠峯
踏偏山頭復山麓印枝到處破苔封

僦居四首

先世農家只數椽僦居今日亦依然茅簷不剪瓜藤覆
竹迳初通草色連爲蓄鷄豚編小圃擬栽豆菜賃閒田
盛衰變化無常主辛苦青門仰昔賢

晚來山氣共烟籠入望湖光隱躍中峯石龍從遲見月
竹杉交互易爲風卽今食藿無長策便欲誅茅鮮近功
不設籬垣聊偃息何須避世在墻東

龍眠風雅卷三十一

姪氏應同牧與樵圖書數卷任蕭條家貧始覺餐蔬美
婦病偏嗟取藥遙剩有苦吟抒夙憤難將清夢戀中宵
調刁風起松濤壯似送秋聲伴寂寥

風塵回首竟何成草草安能問必衡自卜池山慚幸緒
繞通烟火憶淵明柴門漸長蒼苔色瓜架時喧促織聲
屬耳忽聽南向鴈江干一羽尚飛鳴

皖友招飲看雨中杏花

積晦橫窓午夢頻欣逢折簡在比隣墻頭紅綻盈盈濕
瓶裏香浮片片新潦倒羈懷淹暮雨留連家釀醉寒春
却思往日龍山曲是處花開酒一巡

留別維式上人

聽來鐘磬日悠然應與嚴公宿締緣醉哀敲棋頻剔燭
花間煮茗自添泉可知一鉢無餘事便是三杯別有禪
屈指重遊常不遠南湖肅肅正秋天

初五日迎春

爲有舟車織路頻從來行止不由人自嘲到處經年客
又看常州五日春座上杯盤陳柏酒街頭鼓吹鬧區神
晴光淑氣微微動已識星杓欲指寅

遣夕

迷離樹色送頽陽小雀循簷漸漸藏瘦向燈前懸舊影
癡從病裏得真方十杯薄酒持如律半枕安眠託此鄉
莫道芳菲時已過盆花新試美人妝

龍眠風雅卷三十一

和張仲友見贈山居之韻

半月眠餐博得閒軟莎晴靄護荊關疎梅傍牖堪晨夕
短策沿溪任往還無計支排唯白髮不嫌慵老有青山
摘鋤籬外開餘地再擬誅茅一兩間

微醉

林色迷荒草近邨樵蘇跡斷鳥無喧前峯霧送黃昏雨
斗室燈開白墮尊葉謝秋聲依檻落爐知寒氣倚香溫
周旋一覺須微醉明日陰晴且莫論

竹笑軒納涼

徑曲生涼氣自通一軒恰坐衆陰中苔錢依石疊新翠
蛛網惜花留落紅棋局敲殘窓外月茶鐺移就竹邊風

試開月席觴無筭乘興登臺眺遠空

雨中陳二如招飲

雷聲不斷和鐺聲卜盡盤娛燭繼明時事如斯閒裏好
春光何處話中生家貧款客看偏富夜雨留人意勝晴
閒說琴書將遠適轉投何惜再飛觥時二如將有
滿負之行

七夕

輕陰細雨作涼秋但得涼時醉便休腹久無書何必癡
老安能巧不須求那堪耳畔傳風鶴未暇天邊問女牛
移就數枝香茉莉將花照酒兩綢繆

四兒藏酒披雪洞

枯藤曲磴恣相半選石開尊不記行樹裏看流千點白

龍眠風雅卷三十一

風前舞葉半空黃禽飛似帶聲聲濕洞裏斜傾淡淡陽
好事小奚趨絕頂壅泉一決噴波長

讀方坦菴寧古塔雜詩悵然有懷

不足尋常嘆各天起居猶幸見長戩多時夢境非吾土
垂老詩情在極邊夷稗炊運甘一飽茅茨日暖恣三眠
閒來曳杖簷前望草白烟黃總渺然

方使至自寧古塔詢坦菴近况

使者因聲及遠天細詢起處更依然鬚猶如戟惟添雪
詩可忘愁似涌泉漸有江濤傳鴨綠幾曾山色類龍眠
由來名士多荒謫見說潮陽路八千

移舟入湖止宿舴舺上

舟輕一葉盪斜暉入望青青山四面耳目寄來無不可
水雲起處自相依湖光似鏡兼天淨鳬陣如烟背網飛
止宿惓然寄火暖恰逢酒熟與鷄肥

孫魯山貽山園新茶

俱理山中辟荔裝多君勝事在茶筐紫茸手焙調生熟
白絹函題寄色香活火煮泉魚眼沸小瓷注液乳花膏
醒餘午後神都爽蝴蝶休教繞竹床

送十九姪望侯會試

翩翩裘馬正鮮新不唱陽關逐路塵弓冶好承先世澤
文章偏發少年人家國老我惟傾耳帝里逢時可致身
鴈塔題名雙鴈字又當六十看花辰先中議公叔給
諫公俱辛丑榜

龍眠風雅卷三十一

夕坐城起弟亭子

疎柳平堤欲夕天下車試憩小亭前殘霞浸水搖山翠
遠樹籠雲帶市烟鴈字數行飛向月樵歌一道緩歸田
坐來便覺心無事寄在清池落葉邊

西山小飲夏象九繼至飲罷過慈雲

此日西山地更偏相尋高處展青袍滿城烟動炊年飯
遠樹風開露雪田中飲喜添佳士坐閒情欲傍老僧禪
兒童也識登攀勝爆竹聲聲鬧晚天

山居即景二首

滴瀝頻喧噫氣豪秋林漠漠壓林臯雲知雨意濃生墨
樹得風聲激作濤石咽漸聞添澗響山暝似不識天高

紙窓拋卷渾無事試爲吹燈覓濁醪

役役何如落落身不將華髮憶青春一丘蹇劣貧隨我
竟日高閒老勝人種樹滿來嫌地窄吟詩狂處任天真
蜀笄蠻榼相從慣只待秋山絳葉新

偶同夏仲寬及兒文勳閒行便過郭超宗家小飲

形影空相惜追陪杖履輕宵纔開大地望已極層城新
柳綠含意小禽繁有聲春光偏在野遊事恰逢晴圃潤
看蔬長橋低過水平幽居驚剝啄好友快將迎芹采堪
供筍梅香欲滿罌深愁憑酒豁閒步覺心清古寺斜陽
護高峯遠樹并徜徉能竟日慰藉此平生

田孫若年兄招予湖上遊兼寄踏莎行一詞酬之

龍眠風雅卷三十一

憶君棲息處朝夕足清娛銷夏惟甚局開門儼畫圖螺
青浮遠嶽練白曳長湖近水烹鮮易臨池染翰殊留姬
歌宛轉懷友意踟躕黃絹詞堪比滄洲興不孤榴花猶
有色竹葉可頻沽待我歸帆便堤邊醉一壺

同李梅公少司馬趙洞門大中丞李腹公太史李

大生太僕李小有明府王于一程穆倩李玉潤

吳園次集高李鮑菽園

避暑方無地開林氣若空環青延薛荔高綠覆梧桐編
竹牽花長依臺壘石崇徑因多樹曲家可小舟通築架
雖伊始經營便不同名園當暇日樂事集羣公素茗堪
銷夏玄談足發蒙居然超世外忘却在城東香熟爐生

象風涼夕奏功歌聲蟬噪並燭影水光中清切重吟砌
霏微露滴叢衣冠俱灑灑酬酢未忽忽禮想嵇康懶杯
澆阮籍窮仰看銀漢轉揮毫興猶雄

出山赴吳湯日之招同方夢名江向若夏廣生戴

孟菴賦

敢曰烟霞癖迷喧且逗留晚花初筍好曲徑小池幽柳
色浮簷畔溪聲到枕頭款扉勞遠訊躡屐就新筍坐集
香山老談傾稷下倚佳詩珠在篋藏茗碧盈甌閒甃延
蒼蘚隣墻出絳榴月升將挂鏡雲淡不成樓移席高然
炬深杯確點籌同年驚蟋蟀聞世等蜉蝣名理鎔三教
危言獵九丘得觴何弗舉有轄豈須投洵可稱良嘏于
焉吁應求行吟猶未已天漢共悠悠

龍眠風雅卷三十一

懷方坦菴十六韻

百篇新句好知子意孤騫一致齊生死千端冥寂喧蓋
頭堪處處適意自言書遠頻瞻鴈心閒不聽猿誦經
披布衲曳杖逐朝暇無字蠻童唱多情旅客尊甘貧請
菽麥隨俗蓄鷄豚里樸忘人我居安愜夢魂樂饒如在
泌高卧可師袁問靜機應息艱難道益尊炳疏誇俊味
霜雪識天恩漸覺玄談勝偏依白醉溫老能寬覆載詩
欲當饔飧蕩滌寬諸累消搖若故園保茲忠敬質兼謝
應酬煩展矣行吾素投荒詎足論

偶作

七尺巍然孰頡頏那堪失路獨偃偃浮雲蔽日何由露
巨浸稽天莫可杭鬼恃五窮食跳踴疾號二壁住膏肓
傷來市語同謔語久坐愁鄉逼睡鄉意等水鳥隨浪遠
跡如柳絮逐風颺時哉空羨禽斯舉命也休言李代償
自古戎興垂口戒于今肱折笑醫良艱危心已甘茶葉
慷慨曾能起太行徂歲漫誇鳴鐵鎗當年總悔賦長楊
杜鵑多怨聲難聽楚無知樂未央入世紛華歸白眼
從前事業付黃粱網開羣喜邀寬政時有隅泣還思動
滿堂急售枝棲空所託暫依村落亦云藏門稀履齒獨
兒靜棟有巢泥燕子翔郊樹成林延暮色野花迎夏散
餘芳聚蛙田畔遙喧鼓新月窻間淡寫光近夜模糊三

龍眠風雅卷三十一

盞醉終朝功課一爐香儀雖得辱舌猶在孟忽辭貧書
滿床適志寧分莊與蝶食魚豈必鯉兼鮪俯憐寂寂行
吾素仰視悠悠問彼蒼懶對妻孥憂凍餒且將筆墨寄
清狂畦蔬咫尺供厨便烹取頻頻佐酒觴甲申冬東陽城上射紅袍

渡淮歌

來時水腹堅歸時水聲咽行李未知春依舊如冰雪

月夕口占

促織復促織空吟廢牆側客子久無衣機杼何須力

月閨四咏

裁生明

金鈎恰西挂正欲捲珠簾纖影倩愁思從教夜夜添

望

嫦娥舒半面流彩徹容髮可因上下絃一彈關山月

食

夜光懸正皓皓鑒羅幃所願人如月常憐三五時

道院二首

似鏡羞相對如眉亦懶描方虧猶未吐抑鬱共寒宵一

經藏身

誰識兩無咎理難得一有心人況復鼓磬盈耳何不丘

上游絲

願解幾分閒趣難禁一刻攢眉自是我無定力風吹花

龍眠風雅卷三十一

花

因風香泊何處及日艷滿疎籬願爲蜜房羽客飛來飛

去花枝

官橋鎮聞新蟬

夾道高槐生古陰茅村染綠沉沉新蟬鼓翼深依葉

猶怯長風作小吟

攝山病吟

石蹲危礪闢流泉雨歇聲猶疊疊傳倚杖橋邊聽未了

斜陽秋樹又鳴蟬

點珠美人

點珠美人

侵曉臨粧絮粉勻纖纖玉笋撚脂新若教度曲敲檀板
小令先歌點絳脣

橫釵美人

烏絲委地氣沉檀綰就香雲十八盤不遣春風輕掠鬢
一枝斜壓水晶寒

鏡中美人

菱花初展映秋江照拂新粧坐小意顧影憐形誰得似
嫦娥月下一雙雙

簾內美人

隱隱朧朧若可親畫圖髣髴有真真正正從望裏情緣熱
願逐輕風近玉人

龍眠風雅卷三十一

粧罷

臉檀眉黛鬢堆鴉出衆風流色色嘉猶把青銅頻照拂
端詳雲髻好簪花

春圖

幽情巧寫白團紈袖向燈前示所欲多少爲情顛倒意
按圖彷彿又羞看

素襪

妍手窓前剪素羅鍼鍼縷縷送橫波恰籠雙瓣深紅小
芳草堤邊試一過

雙環

雙環約指兩情深可比同心利斷金爲爾珍藏羅袖裏

肯將春筍近秋砧

縫裳

一片殷勤念曉寒挑燈裁剪細心看郎衣長短何須尺
昔日仲量在指端

染翰

碧紗窓下淨無塵微嚙毫端染墨勻側理展來書欲徧
于今不數衛夫人

夢回

斗帳香融夜悄然檀郎故故惱嬌眠惺惚枕上喚回喜
小語雙聲喚北干

北干合爲乖字
見北夢瑣言

微醺

龍眠風雅卷三十一

小飲花前敵晚寒持觴無力倚闌干斜頰粉勝生紅暈
淡淡霞烘白牡丹

踏青

笑携女伴踏郊原一帶芊綿襯履痕忽漫情癡嗔鬪草
萋萋底事誤王孫

拈繡

花卉勻鋪界羽毛五絲雜組手中縵遙山遙水無窮影
只似文人運彩毫

圍棋

楸枰相向靜垂簾子落丁丁露指尖火暖博山需瑞腦
局中刼急不遑添

躑躅

纖弱雙紅絕可憐約緣收束似春妍臨風小立軟韃板
軟玉輕鈞兩鞭蓮

門人盛念平雨中邀飲南湖二首

過橋緩緩暫停舟入望湖光雨際秋漁艇半依菱葉渚
人家多在豆花洲

便將酒氣參雲氣更取菰聲雜水聲宛在中央閒眺望
秋光何必愛晴明

看梅

穿橋轉逕竹林通一室清幽水湛空酒核便從籬下過
暗香疎影落杯中

龍眠風雅卷三十一

寓中偶然作

江湖襟帶中吳地瓶笠飄搖久客居笑我空彈馮子鉞
鮎魚上市又鱸魚

紅梅載雪

大白堆成樹有光疎枝耐凍綴紅香水晶合內珊瑚子
應在朱顏玉手傍

龍眠風雅卷三十二目錄

木厓潘 江蜀藻輯

采石陳醇儒蔚宗 參

同里孫中風皆公

王彭年 十五首

李在公 十七首

錢秉鐔 十三首

葉組 五首

戴震 二十六首

周夢復 三首

盛斯唐 三十三首

方叔邵 八首

王珩 一首

吳日景 七首

張畧 二首

周述謨 二首

孫光先 一首

范世忠 二首

龍眠風雅卷三十二目錄

災用銘 一首

龍眠風雅卷三十二

木厓潘 江蜀藻輯

王彭年

字幼公崇禎己卯舉人與同榜馬之瑛俱有文望少從其父瑋鳴先生學博涉經史有兼人之慧年十二即補博士弟子生平敦崇愛紀好振人之急如赴焚溺竿以力不足為解所著詩古文有寓園稿大易制義補草燕遊集同里葉元配童孺人崇禎丁丑遭寇死節公有悼亡詩百首悲惋妻楚聞者泣下以播遷失其全稿可一觀也

咏史

鳳凰出丹穴厲志在青旻饑餐黃竹實渴飲滄海濱群鳥附其翼願可利通津但齊德輝飛安辨燕與鵲憶昔魯仲尼掩袂獲郊麋麋鹿徧中野謂世吾振振鳴鵲入我室謂鳳胡不仁駘驥同厥極噴亂九方歎古有陳太丘獨醒飲其醇

龍眠風雅卷三十二

屯漕

白雲升在天山川何磅礴 二祖經中原普天廣植藝塞上春風發儘飽比汗嘸秋風入汗邪黃雲被狼戾榆柳樵爨深溝渠戎騎蹶時平美意堙計臣階之厲山後接居延沃壤塵沙蔽一線仰萬里損益因元制近聞地方枯東南苦無歲鼓棧望天津况致遠恐泥

鹽

水花散金錢烹煮相輸灌富國先富商東齊與西漢士人鎗刀錐剌晏紆宵旰余行山陽道詢老知條貫天時無古今地產無治亂蒙叟去害馬治平茲得半

賦

東省數千里婦子刷草根草盡刷人骨腥豚爲齧殄飛
蝗復障天黃埃起北田道上行入絕豪客惟鳥莠一旦
桑梓空所見盡皆同 天子發明詔六事省厥躬吏胥
迫追呼追呼得當無前日勞撫字 廷議已伏誅

餉

陛下忍嗜欲土木與神仙尚食省堂饌封樁無斂錢齋
房虔露宿請命於昊天徒爲軍興空剗肉未敢憐 先
皇戰遼瀋帑藏委逝川前年冠鬪入畿甸少人烟賊騎
中原馳中原戰伐連下吏親民命制府行威令百萬一
時呼猛虎如苛政 陛下盼功成高第河山盟用兵益
龍眠風雅卷三十二
不息反裘毛欲生

寇

雒陽有琪樹地建天之中閭曹動地來馬奔琪樹蒙琪
葉委地白琪花委地紅荆襄前日惡獻賊矯王宮 陛
下月骨親一旦剪桐風馬首扶鳴笳弓衣載寶珩桃李
雨中泣謀臣得賄生爲我謝謀臣去去報聖明生時共
華鄂死時繫長纓

兵

蒼黃渡江南日久望江北江北居無人賊退畏兵逼大
帥擁前麾山岳令不移願言能剿賊鷄犬寧敢私唐宗
苦藩鎮天子賜璽問秦賊自養威賄塞兵不慎充國營

金城居重以馭輕安得清土著不復召外兵

爭

卿雲賡復旦鳴鳥叶笙簧嚶嚶和平中奏假感天皇天
皇錫甫申外攘而內匡西漢推仲舉唐代有奇章損益
非天命廣願在包荒古處崇懿德直諫臣所當

賄

河水濶無岸帝子隔秋陰古人慎李瓜包苴來德音文
帝教恥讓寵賂惟愧心夷齊飲貪水耶舍白遺金伯起
夜平津猶布衾布衾卽云矯廉名何至今

寄呈黃石齋先生二首

入生無羽翼抗志在翱翔倏然遊入極飄爾凌大荒朝

龍眠風雅卷三十三

齊若木飛暮逐桑榆光珍怪歷已徧關塞歷已長古有
王子晉白日騎鳳凰不願學仙人但願觀遐方

名不出閭巷慷慨讀書讀書不成名如苗弗及畝日
月倏云邁老至血氣虛退省益無營不如還讀書盛名
不可得盛名不可居

汪大年回自白下招飲

宋總戎
軍河上

山寨起峰烟雕弓布野田美人南國至寒夜錦堂前綺
語江楓落新愁渚雁遷驀姚河上立站站數飛禽

和王碩慰雨中讀書韻

高枕呼山鬼文章詎薄酬固窮吾自命憎達爾何尤握
粟還愁卜宰蘭喜得倚江頭蘆葦發乞食幾時休

正入東省見摘叅邸報

村墟幾處起寒烟白骨餘生不敢憐祇念飢民成政拙
豈甘通賦累公賢寂寥雞犬銷殘夢慘澹腥羶入舊年
清畝冷風人莫散壁間有 詔議蠲田

壽徐三我

野畦泥露蕙芳時看盡浮雲泛紫芝不託龍門投李御
自甘鳳隱學蘭蕙草堂盡日藏私史荒徑高秋有雜詩
聖世可容垂釣客年年進酒傍東籬

李在公

字永盡號我知別號雙嶺山人少工古文詞
賦有聲譽序問性慷慨好施與屢出人于厄
崇禎末荒亂城內外饑殍載道骨殖如丘公
揭竿而起幾數萬軍可法擊節而逝邑賓禮遇
之所著冠絕及絕衡五要條陳時務甚悉撫軍張
公亮薦舉賢良以明經用晚遂心乘理獨處窮山

龍眠風雅卷三十二

吟自如年七十五卒有詩言
史言敘言紀言髮嶺山房詩集

卜居

喪亂無寧日相逢各鎖眉就人同畫策較我更游移豈
是謀偏拙祇緣數獨奇五湖皆劍戟何處泛鷗夷

雨夜留仲弟飲

一尊猶未罄冒雨欲何之山笋甘如膾園蔬勝飽此
中清苦趣惟有弟兄知話盡兒時事相憐髮已絲

聞杜鵑

正憐春色好花裏一聲傳酒散雨餘樹夢回月落天江
南文字亂洛水羽音先翊運何人事相期各勉旃

初寒

嚴威何太烈客裏又添寒樹久經風瘦霜深作雪看呵
來氣已白老去煩猶丹爲愛三吳勝徘徊與未聞

投子山次元白禪師韻二首

山因水鏡稱投子近日猶將漢代看暮靄時翫金色相
蒼苔漸長碧琅玕興亡滿目千峰壯代謝無心一徑寒
自仗法雲凝蓋後幾香常聽祝平安

山色迎人好共登當時楚剎此時墳雲封便覺東南
路失誰將高下分草色先除尋古道碑陰同掃看遺文
夜深天半霞光微法界依稀三昧焚

髮嶺山居詩四首

幽心常與白雲期洞壑空靈到始知避世渾如隔世事

龍眠風雅卷三十二

人山猶悔買山遲布袍每爲攀藤綻節杖多因度嶺疲

近日隣翁皆識性相期尊酒水中坻

家住鷹峰疊嶺邊千竿修竹一溪烟石堆高下天然几
徑遠參差卦書田有客傳知乾雀喜無人贏得小奚眠

閒看日暮歸樵侶換取鮮魚挂杖旋

靜掩柴關百事休山翁寧抱杞人憂白雲出谷舒還卷
好友談心去復留婚嫁隨緣他日事烟霞有夢此時酬

朝來策杖巖頭坐直到松梢月一鉤

拄杖如篙撐上山喜無風浪碍躋攀溪翁不賦飄蓬性
巖壑何愁陟險艱足下雲生千萬疊眼前路轉兩三灣

行來絕頂憑空望荆棘銅駝直等閒

友人邀入城便往松山偶誦山谷詩有云明朝却欲歸城市卽用作起語續成之

明朝却欲歸城市漫捲新詩挈舊瓢先囑園丁煩貯水
好將花圃及時澆山中久矣無巾帶市上何人耐寂寥
惟有溪翁烟水性松山又去看春潮

秋望

秋淨一天空山山四望中嗟哦天柱出猶憶漢皇雄

中秋後一夜枕上續夢中句

慷慨平生性牢騷今夜情夢中
夢中中秋看又過殘月爲誰

明

山居

龍眠風雅卷三十一

水濺石如語山高天若隣閑來無箇事溪上自垂綸

贈李德林

由來性僻祇耽詩生計蕭然總不知欲識清標何處是

梅花新放點霜時

虎丘二首

古木森森覆講臺生公何事不重回山齋欲語迎人意
却是當年聽法來

千人石畔小谿頭水月光含塔影浮山色不隨人事改

夜深冷落轉清幽

錢秉鐸

字幼安少與弟登齊名學宮滿歲臨貢但世愛康去處慈費志以發

山中看桂喜友人見顧時舍弟帶嶺外

山中無故友叢桂足相知人老兵戈裡花殘杯酒時淮
南消息好嶺外雁鴻稀明月猶堪賞還期一叩扉

丁亥元日

門鵲喧天早山農掛歲華幾年雙屐廢萬里一書遐獨
酌杯中物遙憐嶺外花朝來風景好高宴在誰家

石屋

石屋高吟處違來十載多山青於亂後頭白奈秋何僧
已多年換人還帶雨過竹床清夢醒回首盡蹉跎

登高二首

垂老看秋色登臨興不慳黃花羞白髮紅樹點青山拄
杖行猶健呼童醉早還念茲風日好莫惜一身閒

龍眠風雅卷三十二

僻性耽秋色尋芳愛晚籬菊花休負酒楓葉好題詩帆
自前江落人爲故國悲况逢多難日容易失佳期

壬辰七夕同幼光作

竟夕看涼月秋風憶昔年河明今夜裡星聚舊庭前不
定棲枝鵲時驚咽露蟬悄然候牛女開著北窓眠

夜坐叢桂園有感

憔悴南山桂樹叢多年老在此山中花貪夕照斜看好
詩到奇窮忽就工閑戶半生惟對月開秋一雁可憐風

江潭有夢人千里消息何因路豈通

族人有譏予年強不仕爲不孝者賦此謝之

行年四十已無成嗟我難辭不孝聲狗監亦能誇富貴

人情豈不重科名侍中死晉猶羞父諸葛匡吳亦負兄
若使當時名輩在忍將戎服抵簪纓

送別家兄舍弟之震澤

逢人何必問滄桑越國傷心越水長客路夢隨今夜月
官橋跡印向來霜老年兄弟真難別亂日詩文不易狂
早晚柴門人獨望迴思嶺外淚千行

酒熟與友人飲

今歲山田只半收床頭釀熟不知愁已曾勸婦開新醞
更得從君話舊遊酒態不因荒歲減才名敢向亂時求
太平想見先朝事種秫年年大有秋

辛卯臘月勿光歸喜賦

龍眠風雅卷三十二

江村臘月草堂閒恰喜遊人逼歲還萬卷詩書烟瘴外
千年功業嘯歌間風塵未覺鬚眉改老病驚看步履艱
最喜嶺頭無一物携來春信滿青山

壬辰憂旱

久涸滄江一滴空旱天仍自起豐隆北垂日脚欣占雨
西起雲頭怕是風已厭蟬聲晴樹裏又驚月色夜窓中
老農卜祝纔虛望可信謀生計始竊

辛卯元旦夢幼光歸

天南有客未歸來傳說梅花徧嶺開今夜分明君入夢
手中折得一枝回

藥

組字崇若號鏡湖明經貴齋公之仲子也性警敏總倫九歲能屬文筆如飛翰十六歲能

員恆為從兄文莊公所激賞屢入鎖院不售既升
奉家諱毀骨立設于苦由時論以死季旌之所
交皆一時名俊與方丈史坦庵苑明經絕先
輩有六發之日先進風流至今猶可羨也

遊惠山寺

貪遊忘倦涉復此恣幽情谷邃雷留氣秋深樹有聲山
因泉得勝人藉酒謀生隨喜空堂久無僧一送迎

雨中登滕王閣

客路逢濤雨聊茲閣上遊雲迷山沒听水漲樹低舟帝
子名誰識才人序獨留讀碑論往事興廢若關愁

遊靈谷寺

躡屨名山山樞宿緣孝陵佳氣蔚蒼烟疎鐘風落傳松逕
空殿雲扃恍洞天雁塔常明三世火蜂臺昔引八功泉

龍眠風雅卷三十二

寶公真法歸何處頂禮徒依古像前

卽事

霜濕鷄聲出翠微和烟雜吹打寒扉黃雲暗約梅苞綻
山鵲低隨雪片飛除却濁醪營底事好拚堅臥到斜暉
後談若遇玄真子莫道樵漁無是非

山居述懷

多累還山漸欲紆杜康陳末不須沾戒糧因放翻書鶴
破硯何煩錄事珠怪石森嚴堪作丈野花鮮脆可充蔬
誰爲懶性生憎者尚托長饒藥餌扶

戴

震

字東軒號五老萬曆中諸生為人孝友淳重
以家者至家乘待諸弟友愛田產悉讓腹就
曉辭多取少迨生計稍裕資筆研以分給之暇
隱居龍眠時花種竹巖情谷趣盡寓聲歌工在

書法馬大士像鑒別古書書器物有種人係致尤
精醫理能拈草活人所著有四書五經解手自錄
第三十五卷皆宜關聖賢秘義導後學津梁者年
七十有五端坐編經而逝無幾冠服如生徜徉于
書香之類得佳兆形如苗苗公
自題詩有蓮花鬚裏人家蓋預徵也

夏日紀異

氣至物小盈田家正刈麥夜來風雨聲震蕩幾失魄荷
條走原上寒威歷雨陌開闊日無光白白霜彌夕木樹
多披枝禽鳥亦藏迹萬竅怒以號茅空禿梁春涼生凍
氣僵狼狽走旋辟道逢雲嶺叟相語隔溪石天道乖如
此愆乃人所積不見世途險炎涼情屢易冷地幸棲遲
熱裏常雙喙宇宙結重陰黍律亦奚益君子貴修和詞
御思無教

龍眠風雅卷三十一

同孫阮生筮襄明訪山中道侶便過網修兄留飯

二首

行行小徑賒青嶂列人家移石牀堪坐誅茅屋可遮有
園皆種竹無地不栽茶况奉西來偈魚音轉法華
久慕桃源勝茲遊信不窮曲藏居士宅幽接梵王宮果
熟隨後摘花香有蝶逢何緣來此地清嘯故人風

自述

片雲閒似我木石與同群禮佛方朝曙拈詩又夜分喜
談惟往事懶聽是新聞偶動臨池興聊書半幅裙

歲晏

歲事匆匆至含愁獨倚闌烟籠山翠薄雪映日光殘幾

樹街寒放終朝作畫看消貧良法在對酒乞餘懽

喜霽

久雪思新霽今朝暖起人溪光清且駛竹色綠初勻踏
得芳塵路携來草屨春碧空遙騁望尚得幾時晴

雨中遲孫聲玉不至

野水田田滿秧分秀色齊幽懷欲有贈悵望不成題梅
落青苔路花殘燕子泥雨雲層疊起目斷數峰西

苦雨

茶甲沿畦吐陰條漸可攀流連十日雨蒼翠萬重山焚
木常防濕攤書不放閒空皆無遠步深坐若絨關

雨中扶處美人花

龍眠風雅卷三十二

芳名分綺閣秀色上雕闌正值新粧好何堪積雨殘喜
猶增冷艷懶不怯清寒展爲扶君折含情應笑看

同諸子訪崖梅壁林雨上人茶話

遙擬層層雲上人飄然一笠此相迎因知徇俗都無識
微想安禪別有情祇樹密籠華藏隱牟尼光放衆山明
浮生亦作他生夢願托瞿曇隊裏行

憶弟

二十年前事已非蕭然歸采故山薇家几幾徒徒多累
田卽開荒不救饑兒女債催婚嫁逼親朋誼薄往來稀
白頭兄尚龍眠隱枕被同牀願豈違

偶成

剎那間去一春天
淫雨經旬春可憐
散枕驚聞鳴澗水
開窓愁對隔林烟
那知芳草歸何處
但見蓬蒿長並肩
寂歷空山人跡少
閒吟梁父漫成篇

雜感用杜起句

嘆息人間萬事非
束修雖薄亦多違
延來絳帳千秋業
不救青閨卒歲機
門掩空齋留鶴伴
案封殘帙映螢輝
難將劉向傳經意
更效馮驩彈鋏歸

誦經

念佛深深歲欲除
人來山口卽聞魚
閒栽小院梅堪供
新掃貧厨菜可茹
老去禪心都學澹
悟來生計總成虛
猶嫌此地非全僻
悵望西風舊隱廬

龍眠風雅卷三十二

春愁

欲遣春愁愁又來
空階明月獨徘徊
事于改歲猶全閤
花正逢時已半摧
坐擁百城徒自傲
家餘四壁實堪哀
夢隨雲去青冥裏
可望西崦帶日回

答友

問予何事愛山居
笑指蓬窓樂有餘
寫到筆酣難任手
讀來燈灺始收書
花間倚杖除閒草
溪上垂竿釣小魚
更有不堪持贈處
微醺一夢入華胥

春雪

冬晴早已卜春陰
惟有今春雪較深
幽谷風迴先失路
寒林夜曉不棲禽
徒傳高士能堅臥
也識詩人但苦吟

訪戴執乘王子與扁舟一向剡溪尋

夜遊

凍合泥塗屐可捐
夜深繞徑聽鳴泉
風清入竹成空韻
山古藏雲作伴眠
鳥雀不驚喧笑語
花汀且喜罄周旋
谷中滿翳晴雲色
坐待明光散曉天

聽人歌

初日春林偶聽歌
情深一往奈春何
拋將滿架書生蠹
懶把陂池字換鵝
我出我歸青壁路
花開花落白雲阿
相須可許輕相悞
秉燭猶疑夢裡過

偶病

小立堦前偶受寒
就爐煨火覺纔安
本來體弱何堪病
大抵年衰亦少憐
四五篇書讀易倦
兩三行字寫難完
幾時覓得長生訣
歲歲行歌樂考槃

龍眠風雅卷三十二

病起

蕭蕭班馬戒晨征
亦有遲回緩問津
半載病甘長往客
百方醫得暫留人
忘情甲子窮還紀
不守庚申夢復親
悵望殘花容易盡
銜杯從此傲青春

客館授經秋思卽事四首

秋到林間萬木殘
霜楓零亂點高寒
祇因吹墮征人淚
故染西山樹樹丹

楓葉

誰來問字苦紛拏
閒放兒童數落花
最是夢魂辛苦極

迢迢每夜必還家

秋夜

憎殺青青柳色垂怪來不作雪風吹一聲新雁霜天警

驚喜還家漸有期

開歷

天涯目斷倚樓人夢裏驚看白髮新自是離愁容易老

畫眉應點雪山春

咸夢

夕亭

慘淡經營日已斜低低亭子映殘霞夜來雨壯天河落

我欲乘之泛斗槎

周夢復

字若虛所著有翠屏山房遺稿

送靜海仰上人顧募

乞鉢原平等慈航覓舊歡水雲行脚遠霜月杖頭寒樓

起華嚴藏幢懸寶綠觀喜捐能不吝實媿給孤檀

龍眠風雅卷三十一

讀書白雲

時重樓未毀古
潭溪像經生

千尋雲洞結樓重樓下雲深積翠封樹暗猿猴馴聽梵

峰高鷹隼欲摩空日懸石溜常如雨夜落泉聲半是風

習靜了遺人世事遲遲擁臥俯成慵

慰友人應試不遇

隔扇空吟薄命難西宮夜飲自承歡黃金若買長門賦

賜錦應回夢裡寒

盛斯唐

字集陶進士世襲之孫也博學工文其家史
之術皆集所居金陵之十廟西門毀垣敗屋蓬蒿滿

門與陶詩人林古度相唱和贈以詩書屏居悲愁

嘆憤一寓于詩錢虞山嘗贈之詩二首又和其落

柴詩二首次他字韻五首其見有學集中虞山于

詞碑雖熟前賢慎所許可而獨掩

俗于集陶其亦文昌之昌黎耶

贈古槐上人

久不見晏公伊蒲喜暫同寺從前代有人是別來驚鶴

夢滄桑外鶯花水月中可能分半偈萬有一歸空

元旦赴友人招

晨起無酹醉相招獨古歡問年先馬齒累客共猪肝栢

酒情何煖茅簷坐不寒梅花從此好莫使杖藜單

浴佛後一日爲杜蒼略誕辰招同林茂之小飲

出世又一佛成詩過八又雅招今日客如在野人家盆

老難辭瓦茶香雜帶瓜二三真率會寧復問豪華

席上壽林茂之時年七十有一

八十從今數銜盃惜盛年起居山水裡性命友朋邊亂

龍眠風雅卷三十一

後春無主歌來雪滿篇幅巾兼拄杖疑是地行僊

春懷

一自渡江水飄零安足論十年身飄落入口命絲存生

計無黃閣羈縻有白門那堪官道柳折盡客愁繁

喜晤廿五弟

別夢迢迢已十霜無情春草歇池塘風高雁陣多差錯

溪冷魚書亦渺茫杯酒山城逢落木頻年詩客有奚囊

那堪歲歲爭加薄入口何曾足稻粱

懷林茂之

幾度思君輒賦詩羽鰓蟄每差池舊栽柳色曾無恙

新買帆風未有期千里夢回秋雨細一燈愁擁夜涼遲

病中添病人無伴老眼聞知亦淚垂

寓中感秋

鏡裏霜華感白頭那堪時序去如流
蟋蟀獨弔因憐月
絡緯催啼只爲秋
帶葉閒聲來晚砌
泥人嗔色上高樓
小簾昨日西風急
白雁黃花也自愁

閏午日

炎節從來不冷過
閨餘清興轉婆娑
榴花照眼何妨再
竹葉沾唇不厭多
小巷縣門無舊虎
行厨執炙有新幾
難逢好景堪流賞
肯讓飛光一擲梭

次韻和林茂之

難從北候漸南過
絨素無由寄遠何
顏色屋梁明月改

龍眠風雅卷三十一

淚痕衫袖晚風多
村疎葉落黃如舊
雲冷菰漂黑任他
歲月易徂離索苦
紛紛愁思遶關河

片雨高城颯颯過
已涼天氣獨居何
相如泥病知秋逼
奉倩銜悲入夜多
戶外虫鳴燈有伴
床頭鼠噉夢憎他
中宵忽漫思千里
夢破燈殘未濟河

冬日同燕士裴生坐談

望古殷遙思未窮
高談寄在小樓東
昌明枕底傾來綠
樽拙爐邊坐轉紅
友信常披蘿薜過
家風不出竹林中
歲寒心跡能相似
松雪梅花處處同

十三夜燈

春宵三五未曾盈
龍燭銜天照滿城
豈是太平還舊俗

聊將爛熳報新晴
夜闌可禁當街鼓
樓冷誰吹隔檻笙
一曲悄然人欲睡
舞臺歌管不勝情

十五夜雨

輕紅淺碧尺方屏
學鳥圖花手記曾
香斷綺寮無好夢
坐沉孤燭似枯僧
更逢此夕愁添病
悄避千門月與燈
歌罷酒醒無一可
關杆風雨未堪憑

寄友人

長歌短劖十年游
我病君貧對白頭
南北江分初解纜
古今人重此登樓
同携好手思陶謝
死別吞聲哭應劉
賦就大招無一罵
霜空歲晚恨悠悠

壽古懷六十

龍眠風雅卷三十一

虬欲呼尋鶴踞
頰問年六十竟居然
身從道健方爲宿
字在經先豈碍禪
登座說來容石點
半間分去讓雲眠
當窓更有梅花古
歲歲寒香破雪邊

春日懷無可大師

風波失去點魂消
雲水歸來行脚遙
家寄青山辭故里
寺依黃葉住前朝
梅花笛裏香孤磬
桃渡樽前月一瓢
記得客中同載酒
至今楊柳帶春潮

舊居

剩水依然綠一灣
重來不是舊柴關
陶輪已轉三千劫
茅屋惟存八九間
廢地周遭須種竹
短牆缺略且看山
瑞居自覺無餘事
少箇詩人共往還

病初起

匡床鷄骨擁嶙峋，入酉呻吟却自辰。
每試參苓無一效，頓令桃李失三春。
弓蛇靜悟杯中影，簡蠹微驅架上塵。
強起下階偷學步，恐驚苔滑復依人。

夜雨

密雨經風夜不休，芙蓉薜荔也生愁。
敲殘枕上初成夢，滴破簷前未到秋。
濕氣暗侵香篆冷，微涼偏戀竹床幽。
晨興把釣呼童子，溪水應添一尺流。

落葉八首

昨前纔報一聲秋，忽漫吹殘幾處愁。
黃落莫過前代寺，紅流猶憶故宮溝。
枝頭翠減難成幄，水面孤漂恰似舟。

龍眠風雅卷三十一

倦客登樓休悵望，平林惟有暮烟浮。

旋空撲地漸成堆，客至呼童掃未開。
爭似一身輕去國，不辭遠望自登臺。
驚棲小鳥疑偷墮，落過殘花又舞來。

知是堦墀多繡澁，若教飄驟護葦苔。
閒情每在惜花時，又對商聲怨別離。
劍外變衰知氣肅，長安蕭瑟爲風吹。

行踪莫向空山覓，愁緒遙令孤客知。
更有飄零心國恨，宮槐落盡管絃悲。
換碧看朱思已非，褪黃脫綠望全稀。
爭先落木蕭蕭下，故傍離亭黯黯飛。

敲碎閒聲驚曉夢，吹來寒色上秋衣。
傷心最是楓江客，兩兩紅殘一櫂歸。

沈寥久已覺凄清，何物當愁歷亂鳴。
可是偷錢鋪較滿，

莫非山果落還輕，秋從夜間休。
覘樹林踏空行，尚有聲池上幾時蓮，粉膩朝來零露亦關情。

虛踪浮跡似羈縻，纔見飄東又墜西。
搖落遠村疎野色，靜留古砌抱霜啼。
林寒不愛停車坐，葉冷翻愁點筆題。
底事渡頭名亦改，桃根失伴愈悲悽。

桃葉渡今改爲橋故云

空齋樹晚儘風乾，搖曳聲頻不忍看。
斷柳枯桐無意緒，清笳夜月總荒殘。
吳江信是裁詩冷，南浦其如送別難。
自自青楓凋玉露，巫山巫峽至今寒。

霜林昨夜盡成空，滿眼驚飛二月紅。
疾響驅來如捲甲，

放枝辭去任飄蓬。
紛紛蟲語依其下，片片秋聲減個中。
直待明年陰曆好，還將濃綠補春風。

龍眠風雅卷三十一

秋柳次王阮亭韻四首

悲秋銷盡楚江魂，那更烏啼賦白門。
青黛爲誰偷媚眼，翠殘枉自蹙眉痕。
行驂隔水辭官渡，步屨無風出舊村。
羌笛至今春不度，祇餘怨恨曲中論。

一夜涼颼散晚霜，幾株烟樹淡橫塘。
折殘絲縷難盈尺，葉落空窠空在箱。
且共蒹葭依處士，曾爭梅信報春王。
蒼卿自是憐風月，留得新詞滿教坊。

月墮梅心舞褪衣，蠻腰瘦比舊時非。
章臺一路青何在，漢殿千門綠漸稀。
蟬不倩陰遮尚咽，虫將別葉盡還飛。
詩人多少尋秋興，及至堤邊願又違。

望斷濃陰信可憐，夕陽影裏謝朝烟。
禪心已定休沾絮，

夢

剪破鴛鴦被不成
昨宵幽夢忽分明
覺來幾度移衾枕
風雨吹人到五更

方叔邵

見貴人俗子輒曰而誰之家貪嗜酒醢飲狂

臨至拍案覆杯酒汗沾濕書法宏逸在草聖懷素
之間人多慕弄之埒于瓊瑩崇祿十五年夏忽病
商運具衣冠坐棺中凭棺援筆作絕命詞云千百
年之卻而不去爭此瞬息而奚爲無干戈劉賊之
鄉而不吝戀此枳棘而奚爲清風明月如常在翠
壁丹崖我尚歸筆視携從棺裏去山前無事好題
詩書罷擲筆而逝其豪放如此

雨中

龍眠鳳雅卷三十一

旅次年將盡惟晴放足寬浸滌連夜雨佐助一池寒戰
後人情易都中物力難此身何寄泊歸思似張翰

留別方梅師

居市無閒榻爲予若風懸似家忘日夕因雨致連綿呼酒常嫌薄談詩不厭玄山川多間阻狂草在君前

予爲白下無聊之遊出門同姪公林半里而別抵
樅川宿二第實甫參中次日得舟遂宿舟中

似此無聊往江頭少送船通紅漁坼火漸白月江烟
命使人橫清宵領市喧纔親孤客味益覺故山妍

除夕同張哲如守歲

今夕長干樂事賒何緣
孤客信陵家不從亂後交難定

更見寒中樹益花獨我狂歌無好興與君爛醉是生涯
明朝春向鍾山曉門外江湖鎮日譁

阮季子從皖上寓書至書中稱龍潭傳予以某日

死其日予正游雨花臺歸

南出林泉分外稠杖藜歸自雨花丘雖逢勝會同莊蝶
暫喜輕風下海鷗鄉里浪傳身是鬼美人猶隔日爲秋
近來寫得簣簩就一派宜留在石頭

清明

去年酒綠杏花紅題壁猖狂爛醉中
不過黃壚愁更邈
好懷禰刺路偏窮
京師欲犯漁陽火武將都歸虎豹叢
董鎮皖公雄節鉞扶餘萬舸下江東

龍眠風雅卷三十一

漢其半壁

半壁雞聲繞客床不聞兵火卽僂鄉中原殺運何時盡
讓我棲遲舊草堂

飲方維石若木宅有感

白門蘭酒是生涯分隊藏鈎客亂譁鄉井回看誰似我

一身存活更無家

明王沐瑞

誦藥群

铁锅不炒

博覽

更見釋曰

風塵王粲有誰迎獨喜青山不世情
騰放翠厓千尺瀑魂驚弱柳一聲鶯
幾回客舉匏尊醉此度予扶杖杖行
怪得去來無個識莫令猿鶴浪知名

吳日景

字函三號潛庵大司馬本如之子也年七歲入蜀蜀山川人物官職軍政耳濡目染了于中又乾霄內典登峨眉山便有超然出塵之思人謂其種夙因也唐中書舍人以瑞禍起乞歸崇禎末鳳陵災報慨倡助草疏數萬言深切時政以中阻不果奉母遊龍山門孝行彌謹所著世儀堂集藏于家

拜墓

白下橋居久身心亦漸安祇因霜露感不憚往來難
樹枝老兒衣歲歲寬傷心無限淚忍向寢門乾

龍眠風雅卷三十一

龍眠風雅卷三十一

不耐塵緣擾其如老病何簡方休服藥載酒且高歌身

外吾奚有心閒樂已多未知從此去還得幾年過

將返江寧塵事未竣雙溪舟中感賦

歸帆已指石城邊何事淹留數日綠晝短更兼風瑟瑟
夜長偏是雨綿綿愁心難說臣如水病况誰爲我問天
偷懶就閒都不得幾迴搔首輒茫然

雪意夜讀

童子焚香研墨侍兒掃雪烹茶獨坐危樓清夜詩書老
大生涯

因友人話及家君撫蜀舊事感賦二首

瞿塘三峽水滔滔氣捲長虹勢獨豪散入荆吳流不盡

千秋和淚濕征袍

比馭王尊惟報國渡瀘諸葛早登壇老臣往蹟知誰紀
濯錦江頭劍氣寒

涉江

身在水中总是水心遊天外強憂天水天一派無窮境
去住誰教不爽然

張

字學石少攻舉子業涉獵墳籍尤精左傳家詩一帙口誦手抄誦則一字不遺抄則轉以持贈以故生平吟咏其佳者亦近文房李芥須亟稱之

拜齊羣玉太守墓

松閣凌雲曲徑通十年一拜紹興公許多愁緒如春草
不斷輕風細雨中

龍眠風雅卷三十一

卽事

得月樓頭竹萬竿蕭蕭直與月光寒昨宵有客欄干裡
吟得新詩和李端

周述謨

字以觀性疎放脫略世務自攜雪齋詩以爲號棲空清室日夕讀書其中論著焚香盡概拾風雅事作六和代之于家香歟咏自居不問也亂後室焚家稍落猶掃地焚香歟咏自如年八十一卒

贈李當衡

相對都爲世外人棕鞋不惹市塵塵頭添霜髮渾忘老
架積牙籤豈似貧詩酒自謀三徑樂鶯花疑載四時春
顧予舊有荷衣在好共南華作比隣

招施茶僧

別山復結一山緣到處林泉可坐禪
休戀密雲松際月
好收孟鉢度殘年

孫光先

字烈卿萬曆末諸生好賦詩結客有河朔任俠之風

村夜

落日歸何許霜樹挾風响千山忽改色岐路罕偕往倦
鳥墮西林驚沙飛宿莽谷暗雲欲留岩深月漸上人冷
多幽懷地僻寡遠賞溪杯足夜長殘燈照孤幌

范世忠

字子貞邑諸生為學勤修至老不倦與弟世鑑齊名所著有醒齋詩稿其再返句曲道中詩則崇禎己卯秋偕予應錄遺時所作也同感有如重夢而先生幸未且拱矣為之三歎

舟中不寢

寂鄉冷夜月偏上旅人舟未有還家夢徒勞伏枕愁天

龍民風雅卷三二

寒江欲雨烟老荻增秋剩得連床語隨風向北流

再返句曲道中

最是華陽道秋風夜雨橫可堪三載事空作兩番行寂
寞疲軀背迢遙古帝城誰知天下士耽轡欲澄清

吳用銘

字士新萬曆間諸生大廷尉王華公之仲子也詩不多見楊子古度以寄答詩一首見貼亦清雅可誦

寄答楊古度見懷

寒風陣陣墨雲濃水國蕭條雁影重憐我一身逢世難
多君片札慰愁衷悲來泣下都成血客裏衣單畏近冬
聞說鄉關猶帶甲何時杖屨得追從

龍眠風雅卷三十三目錄

木厓潘 江蜀藻輯

繡水王 槃安節 參

同里姚文焱彥昭 參

方文 二百三十首

龍眠風雅卷三十三目錄

龍眠風雅卷三十三

木厓潘 江蜀藻輯

方文 字爾止號明農別號淮西山人天啓末諸生

與少負時譽高自標表好結納四方知名士與從

子以智聲名相類顧崇禎中江上遇家林立揚廷

樞維斗錢禧吉士劉城伯宗吳應箕次尾諸名士

樞至雅林國門一懸千金不易兩止指柱其間所

選賦雅一書壇輝相望並重詩陶治性靈流連物

態不厭為章綺句繪之學問有徑宰之句頗為承

學口實然爾止實苦吟含咀宮商日暇月鍊凡永

所輕忽視之者告其嘔心刻臍而出之者也此

人詩與人辯論至面赤汗不少休人亦以此

之而爾止已語罷輒忘不復省記矣所著金山集

五十卷武林吳百朋錦雯欲為錢行之而不果

時詞帖者宿若錢牧齋林茂之施愚山孫豹人宋

玉叔王涓來顧與治王阮亭紀伯紫諸公皆盛相

推許以為必傳今其詩共在如萬劫不燒惟富貴

五倫最假是君臣年少才如不羈馬老志必為

詩而知其少者願

可以徑率少之耶

五雲歌

至正間青田劉基飲西湖見南方有五色雲曰

此天子氣也應在金陵十年後有王者起我當

輔之舉酒而歌曰

朔風吹沙分蔽南極玄陰慘慘兮白日匿俄有慶雲兮

起江北天縱真人兮至中國彼飛龍兮吾羽翼千秋萬

歲兮仰明德

告太平歌

江西有周顒者乞食于市其詞曰告太平不敷

年 太祖取南昌顛謁于道左亦云然上詰之
歌曰

天下無主兮暫時雖太平何可爲天下有主兮暫時雖不
太平自有期我告太平君勿疑

醉學士歌

金華朱濂侍 太祖飲強其醉令侍臣賦醉學士歌曰俾後世知朕君臣同樂也濂亦歌曰

上用神武奠八區雅好文學禮諸儒館閣彬彬悉髦彥時被顧問陳弘謨一朝玉食華蓋殿宣召詞臣共懽燕臣微力不勝杯杓強飲頻頻荷天眷黃冠昔隱龍門山餐芝絕粒窟谷間豈圖今日遭茲會野鶴謬廁鷄羣班醉態龍鍾還乞拜舞形舞幾失足所願陛下壽萬年臣亦子孫世世食君祿

寧海怨

靖難兵入南京寧海方孝孺大罵不屈死誅十族門人廖鏞廖銘收其骨葬聚寶山典史魏澤藏其幼子時人哀之作歌曰

自古忠臣曷可數正學奇忠古未有一身殉難分所當十族何辜俱投首咄咄聚寶門外山同時被戮者八百七十有三口是時皇威若沸湯探者誰不爛其手猶有烈士出死力收公遺骸匿公後噫嘻吁危乎殆哉若三君者庶幾無愧于師友

雪菴行

靖難時有和尚雪菴者走順慶大竹里里人杜景賢察其異結庵居之傍有松柏灘灘水清駛和尚時時買楚詞袖之擢小舟立湍急處朗誦一葉則投一葉于水投已輒哭哭已又讀終菴乃已景賢知之亦不問作雪庵行

萬山廻合兮絕國隣蘿篁叢密兮中有人灘水湍急兮石齟齬駕小艇兮凌秋旻我所思兮在靈均歌一闕兮淚霑巾嗚呼歌一闕兮淚霑巾

補銅行

蜀中有補銅匠不知何許人一日于夔州市上逢馮翁和顧愕然已而相持哭哭已乃引火深巖中語竟日人莫得聞但見其語已又哭曰自今永訣不復相見也歌而去之

吾欲浮沈兮垂予心吾欲抵觸兮赤予族如何如何言補其銅

東湖樵

浙東臨海東湖上有樵夫不知何許人建文壬午秋詔至臨海湖上人走縣中聽詔歸語樵夫曰新皇帝卽位樵夫愕然曰皇帝安在曰自焚樵夫大哭遂投湖水中死邑人哀之歌曰

是王臣耶焉能負薪非王臣耶曷爲沉溺彼樵夫兮忠

分題

河西儲

建文四年六月靖難師渡江一人披葛衣北走
邇地寒惟衣葛衣明年過河西依莊浪豪魯家
爲傭稍取直買羊裘披之而覆以故葛衣葛益
破縷縷竟不肯脫永樂中有留都官至河西識
傭欲與語傭走避之旬月乃出有問留都官彼
何人者留都官亦不答也爲作歌

彼傭者誰衣葛衣寒暑不易兮心事微我來自東適與之逢
 嗚哉爾不爲人臣兮乃爲人傭

金川門卒

III

金崱山人龔翊年十八爲卒守金川門靖難師入

金川翊大哭逃歸宣德中周巡撫忱薦爲官曰
翊仕無害于義恐負往日城門一慟耳竟隱終
身詩曰

身詩曰

城門一小卒于義何重輕非不愛富貴但恐違平生

燕山衛卒

無錫人儲福茂燕山衛永樂初詔調雲南衛福仰天哭曰吾雖一介賤卒義不爲叛逆之臣在丹中日夜泣竟不食而死詩曰

匹夫有至性萬乘豈能撓斯人名姓傳猶愈東湖樵

吳門陋巷行

姚少師廣孝撫吳日有故人王賓居陋巷少師
三往見之匿不出乃屏騎從徒步造門賓遙語
曰和尚差矣和尚差矣又謁其姊姊亦居陋巷
揮去之曰世間豈有做和尚不到頭者是好人
耶或爲詩以解之

姚和尚爾何癡棄沙門官少師高車駟馬還故鄉爾不
自慙人共嗤友與姊見何爲少師口不言捫心則有辭
吾雖位三公終不改初衣賜第吾不居賜殯吾不湣賜
金累千萬散衆無餘貲棲心古香刹冥然一老毘彼友
與姊焉得知

潘生齋

蒙泉岳正少游太學與處州潘清誠相友善潘
早卒子辰幼流落京師岳官內閣訪得辰以甥
女妻之一日過中允陳緝熙宅見其友季思試
愕然曰此吾亡友潘清誠應真也命良工繪以
歸示辰曰此爾父也辰初不識持歸示其母母
大哭而藏之時人爲之語曰

大哭而藏之時人爲之語曰

婢婢潘生幼而失怙何感於天錫此奇遇天生岳季
方那得完爾親天生季思試那得見爾父

人日酬潘蜀藻

方春至人日欣然愜平生令節豈不多吾獨愛此名東
風扇園圃天宇陰復晴楊柳未抽條梅花已含蕊晨興

生簪隙好鳥鳴復鳴感物多所懷能無求友聲潘子居
南郭有酒召我傾寒裳欲從之新詩共譏評奈何隣家
飲獨罷不果隣家具珍膳鼓瑟還吹笙易若我所懷
椒蔬極歡情

江黃行

江黃本小國介在蠻與荆秦始爲郡縣時代復幾更江
州以白著黃州以蘇名二公匪神物孱然一書生遷謫
本屈辱山川借光榮後此千百載誰復嗣英聲豈無賢
太守風流莫與京乃知三寸筵所繫良非輕

麻城贈檇木大師五十韻

富貴人所欲今人亦何偏自少至于老無時無料經聲
色妍美麗飽食求甘鮮宮室華侈事嚴整嚴整無
日莘莘數者恒不全名利雖殊途其意乃獨專獲什必
覲百獲百必覲千獲千必覲萬百萬猶欲然所以終其
身困憊無息肩各節亦可毀軀命亦可捐廉耻道盡喪
所嗜惟殘羹末俗有通病盧扁難以痊達人非猶龍鳥
能拔重泉吁嗟檇木大師所謂真豪賢師本貴公子家世
甲湘川弱冠富文采風流復翩翩才名馳海內震動三
十年注官禁金吾出入禁掖前夷然不屑顧逸氣凌蒼
玄平生好游俠賓客常滿筵摘詞進吳越擊劍來幽燕
一贈輒千金一飲動萬錢有時涉江湖桂楫沙棠船有
時歸里舍寶馬珊瑚鞭良疇被原野廣廈通市廛歌舞

充後房諸姬鬪芳妍及時共娛樂寧復知憂悵一朝遊
世變陵谷倏以遷師乃抱大痛祝髮逃諸禪他人逃禪
者尚不屏世緣師于一切累曠然無拘牽有子纔五齡
秀惠誕自天厥母年始笄嬌弱尤可憐繼室亦蘭茂嗣
君復珠圓師悉不介意棄之如浮烟芳潔且弗愛何況
腥與羶有田八百頃百頃遺乃傳其餘散宗族以半爲
佛田世間食慳者視此奚天淵師悟懺悔理自陳昔多
愆從此習苦作不令體柔便一笠一蒲團行脚荒江邊
晝則倚樹立夜則枕石眠肘見知衲破腫夾知非穿饑
時向孤村持鉢乞粥饒嚼爾色不忤呵之貌益虔或問
師名字師默不肯宣浮雲翔野鶴高樹鳴秋蟬吾從曲
家後名字遂忘焉傍有識之者此是檇木大師也

田居雜咏三首

昔有陳元龍豪氣凌九州求田問舍人嫉之如寇讐我
亦負奇氣渺視鄉里儔後志營四海豈肯潛一丘不幸
逢世變懷璧無所投餐憤去京邑湖山恣遨遊雖有琴
歌樂未免饑寒憂何如息塵鞅還歸舊田疇田家苦力
作衣食得自繇天運苟不同已矣吾將休
平生好結交雅多同氣友相見輒解詩詩罷卽呼酒小
飲須數升大飲必數斗家貧苦無錢質劑隨所有有時
酷不得舉蹙循牆走百畝今始歸種秫先甘秋冬計
釀數三百六十金一日一缶傾早晏惟吾取茅堂客來

過杯竿勿離手爛醉與狂吟兩者俱不朽

古之英雄人恒不事生產子房破千金韓侯感一飯柴桑饑驅出同谷拾橡返古人以爲高今人笑其短我本廉吏後田園故不腆世亂復荒蕪吟身逐蓬轉至戚每擲掄斯人合假寒節操挺松筠文詞集瑤琬中懷浩自得何必諧世眼世眼間無光蒼黃竟誰辨

都門懷古

柴市在都城內宋文文山遇害處

大宋文相國浩氣塞乾坤一朝赴柴市日月爲之昏秉彝有同好立廟太學門崇祀四百年凜然忠義存此道今寂寞誰與薦蘋蘩

程詹事立菴齋頭夜集

神京本宦海來者不知數上而至政府下而至郎署一落絳塵中鮮不渝其素我里程太史蚤歲翔天路入爲侍從臣經述家眷顧出爲多士師畿輔歸陶鑄名位日以崇盛德了無預斯夕惟閉門讀書寢四部墨妙宗平原菴林稱獨步守已最矜嚴接物轉謙恕豈惟今所無古人亦罕遇時當一陽復霜月挂庭樹有客夜相過蕭然兩芒屨秉燭開西軒凄冷如澗戶自言新筍燕可以恣良晤旅舍何必還且留話親故帝鄉非吾願所樂山水趣回思龍眠間峰壑有佳處行將脫簪組逍遙賦歸去未幾立菴即請告矣

夜泊張秋

夜泊張秋河皓月盈沙渚大小無幾舟歷歷可指數鄰船有寡婦又携一孤女婦年三十餘女年十四五綺衣立舵樓風度疑仙侶遠視雖不真月光照如許夜半聞哭聲其聲亦何苦嗚咽澗下泉慘悽江上雨聽者不能寐觸引愁千縷借問誰家婦鄉關在何所良人幾時亡何事來羈旅母女暗吞聲踟躕終不語

從楊士佳索彭城四賢詩

每上雲龍山先謁四賢祠四賢者何人唐則韓退之曾參武寧幕表爲州節推宋則蘇子瞻出守熙寧時是時黃河決衝突城幾危賴公捍禦力至今黃樓垂其友陳后山抱道隱彭茨公薦爲教授儼然儒者師又有楊龜山理學宗濂伊始仕郡法曹小官亦不卑四賢本殊產俱宦遊于茲徐人高其風崇祀永不衰楊生千載後懷古興遐思既輯四賢文又輯四賢詩合梓成一編可用爲羽儀我昔游彭門頗搜山水奇見此欣欲得君適去江湄今年訪君虛握手如故知連朝飲我酒杯竿何淋漓借問四賢詩云何不見貽

華不注

歷城東北隅故有華不注晉師逐齊侯三周卽此處其山拔地起四面無依附孤峰秀挿天娟娟入雲霧我來恣游覽艱險殊不顧礪砢千萬石上下無一樹遠望如

芙蓉菡萏未開露所以名華不古人亦善喻今人罕識
字相呼失其故趙李乃詞宗如何音亦誤不音芙蓉李

書張孝烈先生傳後先生字玉楚潯山人

我友陳襄雲抱道隱潯嶽往歲時相過詩篇共酬酢爲
言其鄉人死難者鑿鑿中間孝烈莫張玉楚若厥父
病在床群盜肆殺掠寧甘蹈白刃弗忍去帷幕幼子十
六齡奮身前往奪傷哉三世人頃刻同溝壑我聞襄雲
語老淚應聲落因欲爲之傳軫石先有作王于一別序號軫石先生
事倣歐陽生氣旋如昨傳後書此詩以寄通州通州廣文

讀李太虛先生召對錄悲其言

不用作五言排律百韻弘璋瑰異洵詩史也予
欲取而註之并刻以行世先成三十韻書其詩
後

甲申三月中妖星犯辰極司馬不知兵 天子憂形色
獨有李中允抗言利遷國 祖宗建皇居原不限南北
六御如飛龍兩京爲羽翼况乎親征事歷代有典則
赫怒整王師小醜滅始食餘達二祖風慎勿拘繩墨是
時 聖心動翠華將南陔一日三召對安危在頃刻腐
儒昧通變封章反見劾卒致都城陷 國君徇社稷漢
祚遂中移追悔不可得假使用其言奚至有改革當時

左右史替筆侍上側記其召對語詳盡頗不忒廬陵草
莽臣讀之深歎息奮筆作長句忠憤吐胸臆自古亡國
者往往多失德豈有堯舜君反困于盜賊人心恨難平
天道宵冥測始悟中允言展矣萬夫特詩成累百韻序
次得其音韻復和諧此偶亦修飾苟非曠世才焉有
此鉅力但其義精與淺學罕能識我欲爲之註觀者庶
無惑尋當授梓人永爲詞家式卽此一篇詩足以傳趙
疑

哭白安石老師四首

玄雲匿白日朔風凄以繁冉冉歲方晏游子歸江門延
首大龍山中有高人存寒裳欲從之禮樂道所尊奈何
征中降薪者傳訃音臨岐發一慟雪涕如潺湲傷哉天
地變日月欸已昏典型在遺老流風但丘園彼蒼何不
仁浮雲復孤騫善人國之紀殄瘁曷足論
平生懷耿介性比金石堅風雅謝東山經術王臨川鏡
古以自況名義非苟然美人淹遲暮霜雪凋盛年晚乃
遇明主殊恩賁林泉一官授南荒親老不得前再補東
海郡德化藉已宣鼙鼓動地來解組遂歸田生隱南山
阿死葬南山顛貞碣垂千秋有明之大賢
小子幼乏駕不能就馳驅一遊吾師門目予曰良駒日
夜鞭策之稍與凡馬殊本期千里足流光躡天衢詎知
二十載偃蹇困泥塗狂飈吹驚沙各在江海隅間歲一

相見握手增悲吁勸我脫世網歸隱白鹿湖湖上結比隣琴書聊與娛佳期恨已矣此恨徒區區

避兵占笠澤今春始一歸歸未省親舍先叩師嚴扉入門甚慙懣出酒還飲秋茅齋止我宿秉燭夜已微明朝過鄰叟觴咏終落暉送別立田畔久語情依依謂我速歸來垂竿此湖磯嘉言佩中心夙夜願無違拔宅今始還物在人已非雲樹空蕭森淚下沾裳衣

重登岱作

替我游泰山山南無不歷惟餘黃花洞僻遠未搜別今我重來游先訪山北石越嶺十五里果見千仞壁其下有深洞陰冷泉欲滴危樓撫萬松霜柯關寒碧始覺玉女祠背面分喧寂詩人林與鍾伯敬題詠猶有蹟其他登岱者此景罕能覩我輩獨流連回嶺日將夕尚想鷄鳴時東峰觀海赤那知天色改寒威侵枕席曉起視階除大雪已盈尺

再游焦山

匡山以續著嚴州以光名二公皆寒士千古垂英聲乃知山水性弗以人爵榮我今登焦山緬懷焦先生蠲廬僅容膝獨往栖柴荆鄰火延其居露處了不驚斯人胸臆間寧復有世情所以京江上名與匡嚴併

齊山

振策上齊山秋草被荒徑巖壑雖玲瓏峰巒却平正名

義當在茲匪由刺史姓况乎刺池者齊照非齊映厥謫妨周叟必傳謬入邑乘司馬據爲實溫公我獨不敢信樊川九日詩聲意亦凡近和者何太多汨沒自靈性不如岳鄂公矢口成高詠我少嘗遊此亭臺頗繁盛一從左師過毀折無復剩九頂及華蓋二洞尚虛靜我來坐洞中不覺日將暝歸路涉長隄湖光淨如鏡

贈徐五善生

古人書法各精妙我獨酷嗜顏魯公上凌魏晉下唐宋皎如日月行太空蘇米諸家何人不自此中出縱能闢入公門牆終未升堂與入室我學顏書非不專但恨落筆心茫然昭代亦少爲此法于今始見徐東田

東田宛陵貴公子弱冠學書卽王此文采風流五十年竊神知化猶未止顏公遺跡皆小書廟碑塔碑隨卷舒君用其法作大字長至數尺或丈餘聞君用筆如用鐵累黍不差果奇絕有時摹柳復摹歐錯亂古人迥無別東田抱道舍天真功名遲暮家赤貧閉門却掃寡游侶不肯酬酢尋常人以是書法備衆妙四海聲名仍未噪性情亦不求人知白髮東溪守耕釣我來訪君君病起倒衣相見欲狂喜呼兒剪蔬留我飯言笑綿綿富清理我爲君歌秋水章君爲我書雅南堂顏公生氣凜可見草廬萬古生輝光

贈雪田上人

雪公新自皖口還休夏直入范羅山山中一夜大雷雨
天崩地裂非等閒固有古樹高千尺須臾吹倒壞我壁
孤僧倚壁正酣卧碎筍笑止萬斤石此時梵刹皆敬傾
雪公閉目神不驚天明雨止掘始出但如入定聞磬聲
我來問公頽樹下相對神情愈閒暇擊火烹泉不停手
重拈石上三生話遙指青峰天柱西故人許我田數畦
欲結茅庵寄瓢笠烈風雷雨焉能迷

龍竹歌

吳城令公廟有二枯竹圍大尺五宛如龍形鱗
鬣俱備但無首耳昔有人於鄱湖中網得一竿
詫其神異不敢留送入廟中祀之越數年復有

一竿浮至廟門似欲登岸者舟人取之係於

廟果神物也癸巳三月予過此見之因作歌

昔聞竹化龍今見龍化竹神龍見尾不見首竹亦無首
尾相屬長梢天矯勢入雲密節糾互生鱗文是龍是竹
渾不辨一雌一雄如有分我夙好奇訪其處摩挲驚喜
復驚懼古廟喧闐難久留會須風雨雙飛去

左蠡行

小艇迎風發星渚纔到揚湖日過午榜人貪涉不肯停
黃昏必抵都昌浦俄頃狂飈自西來水聲騰沸山崩摧
况兼雷雨助其勢同舟面色如死灰急曳半帆回左蠡
曉黑仍馳二十里稀見岸不得近沙淺曾無盈尺水

終宵漂泊蘆葦邊風波震盪誰敢眠世間平地皆好在
何事江湖年復年

大孤山行

二孤並峙江湖間大小異狀同險艱可笑南康野人語
不曰大孤曰鞋山大孤形似鞋小孤形似箸未聞小孤
名警山獨名鞋山是何意况復大小孤與姑其音雖同
其義殊至今山靈塑女像卒與洛神湘妃俱君不見杜
拾遺爲杜十姨伍子胥爲五髭鬚

老姑行爲姚姊夫人七十壽

吾家先世有老姑髫年未嫁亡其夫竟以處子終淒室
壽介八旬貞不渝二百年間風未墜姚吳二姊能相繼

三姊十七奇貞聞次第皆登封太歲清芬才調更絕人
詩文秀潔無纖塵書法直追王子敬繪事不讓李公麟

曾輯宮閨詩一帙部分邪正義凜凜大書碑碣表深山
預築佳城待同穴凡稱婦職仰夫子吾姊所仗不在此
寒幃寂寂老朱顏苦節煌煌照青史方今節義何浸溢
松柏衰頽蕭艾深世人雖不好松柏果見虬龍誰不欽
譬如吾家老姑夫已久間巷高名重山斗中間簪紱豈
不多悉與草木同腐朽吾姊操行復噴噴三老姑名應
不刊浮榮奕葉等閒事惟有斯人良獨難吁惟有斯人
良獨難

吳門行

一年一度過吳閭下百金千金裝今年行李獨蕭索
布衣白恰秋風涼隣丹新到惠泉酒青錢一綈沽一斗
顧我囊空無百錢仰視秋天但搔首可憐書劍老風塵
客路栖遲多苦辛明朝況是重陽節風雨飄搖愁殺人

古藤歌爲兄子子詒比部作

四坐且勿喧聽我古藤歌古藤之壽如金石金石有時
而銷磨古藤之壽如松柏松柏有時而斧柯却訝此藤
本柔木結根永傍幽人屋紀年不識定金元生成擁腫
更牽曲密葉繁枝覆亭院藤花開日香如棟綠陰青靄
不受暑赤日黃塵從未見吾家郎官儼此居藤軒半間
長讀書客來便與飲藤下涼風習習吹人裾獨憐旅舍
難久住三年又復還官去京師都無一可戀所不能忘
惟此樹

露筋祠歌書梁公秋樞部詩後

甓社湖邊露筋祠小艇來過必拜之拜罷低徊不忍去
佇觀壁間無數詩其詩雖多佳者少獨愛梁生長句好
祇緣胃中有定識以故下筆能了了梁生道號曰鶴民
射陂菰蘆隱此身老死南方不歸北分明亦是露筋人

七夕飲李笠鴻齋頭

憶昔芝田劉伯子與客西湖弄秋水遙望東南五色雲
狂呼大叫烟波裏明年淮甸遇真人運籌帷幄如有神
儒生裂土自君始至今子孫處海濱寒暑亦客西湖畔

遙聞鞀鼓喧江岸畫船不許放中流藕花蒲葉空零亂
野酌偏逢乞巧時坐當星漢露華滋主人醺酒更相勸
明咏犁眉數首詩

大明湖歌

濟南城中大明湖乃在貢院西北隅其南卽爲藩司署
墻脚不許通樵蘇七十二泉匯於此嚴冬大旱水不枯
湖中菱荷雜葭莖夏月望之如蓬壺往時官府好事者
小舫載酒遊且娛民間采蓮亦不禁所以此地稱名區
崇禎戊寅十二月遼海萬騎來燕都前鋒直抵濟南郡
濟南防備甚疎虞是時山東大方伯張公鍾陽吾姊夫
公諱秉文字舍之桐城人
萬曆庚戌進士別號鍾陽率彼群吏嬰城守辛苦半月

露筋祠歌書梁公秋樞部詩後

猶枝梧已卯元旦城竟破公中一矢身先殂吾姊聞難
且不哭立召二妾來咨諏翁爲大臣我命婦一死以外
無他圖嗟汝二姬各有子長兒雖歸幼兒俱於義猶可
以緩死抱兒且往民家連小婦抗言吾弗活願與母氏
同捐軀兩人縫紉其衣帶欣然奮身投此湖中婦年已
過四十本欲殉難還踟躕腹中正懷五月孕膝下又有
雙鳳雛私念吾家大小悉赴水安忍此輩爲蝦蛆泣拜
忠謹二老婢一婢一孩負之趨倘遇白小斯已矣僥倖
不殺還至此處來尋吾大明湖邊有深澗上用柴草雜
亂鋪蒙首潛身匿其下六日不食氣息無兵來見是溝
洫水水面浮屍如衆鳬匆匆亦不暇搜索此婦性命遂

免屠六日以後兵始去鄉民次第來闔城中殺戮十
餘萬家骨肉哀號呼中婦聞聲匍匐出自言我是張
老姑張公平日多惠政百姓聞者爭前驅因導此婦尋
公尸尸在城樓色不渝又倩一人入湖水撈尋大婦小
婦於寒蘆俄頃二尸得昇出遂與張公之尸並陳於路
衢殘黎助銘買薄板草草殯殮何所需異哉二婢亦未
殺被擄爲兵鋤馬芻各言此子是已子仍以殘餅爲之
舖兵去婢留尋阿母同日抱還其兩孤一孤乃是已所
出一孤乃是小婦所遺珠未幾復產遺腹子與前二子
同煦濡扶棺挈兒返故里親戚見者咸嗟呼此是張公
盛德之所致亦由此婦才智與人殊聖朝褒忠務嚴實
公膺贈典良非誣二十年後我遊濟大明湖遇此婦須
追惟往事不勝痛臨風雪涕霑平蕪忠臣烈婦分自盡
豈必求人知之乎第恐年久事湮沒因作此詩告吾徒

題張大風山人松石圖

泰山上有百尺松可惜曾受秦時封蔣山下有一片石
亦受陳時封可惜世間土木本無情且以微寵累其名
士人守身若處子豈肯輕受微塵滓張翁贈我松石圖
筆意蕭灑形高孤自言此是唐宋物不是陳卿秦大夫

蔡中郎八分書歌

廣平有淳于長夏承碑乃蔡邕隸書其來已久
明嘉靖間石工取以修城遂失所在今重刻于

石

漢隸石經碑第一孔廟禮器碑第二苦縣老子碑第三
隴西曹全碑第四四碑俱是蔡邕書書後却未注名字
我昔聞諸長老言訪求其本不易致前年北平宋使君
惠我曹全志墓文我乍獲此如重寶筆法高簡更出群
因而臨摹百餘幅僅能髣髴其半分觀者但見漢隸少
遂謂此足張吾軍今年冬月遊洛水間有漢隸在城裏
欣然往觀碑果在其傍小字叙原委中郎初本不可得
此是後人重摹擬八分瘦硬方通神此書稍肥未盡美
雖未盡美典型存觀者溯流而窮源李蔡實爲篆隸祖
片石隻字皆瑤琨寄語邦君覆以屋勿令風雨生苔痕
至于修城石千萬局忍取此埋城根

文德橋步月

青溪夜半涼風發獨步溪橋看明月月下何人吹玉簫
含悽吐怨聲初歇憶昔年少來金陵兩岸樓臺千百層
瑤笙錦瑟家家曲畫舫珠簾夜夜燈如今未及三十載
城市蕭條風俗改居人對岸悄無譁月色波光似烟海

東湖行

南州古蹟非一處惟有滕王閣最著滕王唐祖之從子
其性驕溢虐民庶當時建閣亦偶然豈知輪奐垂千年
祇因王勃一開燕遂使閣與詩並傳金聲桓桓變遭回祿
撫軍蔡公重修復章門遊者誇勝槩獨我來觀意不屬

南昌城內有東湖湖水澄泓似畫圖昔賢徐子暨蘇子皆於此地稱潛夫二子高風時千古舊宅依稀莫可親湖心曾構孺子亭湖干又築雲卿園先是仕客來南州鮮不携酒東湖遊一從兵燹亭園廢因循十載無人修郡縣有司既草草邦人好事者亦少高樓廣廈諒難成種樹編籬寧不好豈有下陳蕃榻之徐孺子却張浚幣之蘇雲卿反不如李典籤妻子之李元嬰新唐書蘇王都督洪州時開人妻美則以妃命召而過之典籤妻前安師氏不受辱孫其面破王語旬月不出

李太虛宗伯招同黎左嚴學憲飲陳士業徵君讀

書樓用王子安體限樓字

李先生是文章伯黎先生亦神仙客鳴珂不忍話當年

舉杯且共延今夕江上漁人弄小舟烟蓑雨笠自風流

憑他斗大黃金印不換元龍百尺樓

除夕歌

去年除夕歸自北行李到門天已黑今年除夕客南方江路逢兵歸不得山妻凝望眼將穿只道今年似去年高樹夕陽鴉影亂尚同小女立門前

秋日招潘蜀藻暨諸子泛舟秦淮賦贈

今年三伏苦無雨六月終旬猶酷暑柴門倉猝來舊交草舍炎蒸愧雞黍因呼野艇汎青溪恰喜涼風生遠渚雖無蘇小凭紅樓尚有何戡歌白紵興懷往事不勝情欲展愁眉向誰語我甘瓢笠老漁磯君望烟霄競鵬舉

就亭歌爲尚白少叅作

湖西分司使君署乃在城東最高處俯瞰蕭江水上雲遙望閭山烟裡樹使星本是少微星雖居官舍風冷冷既倚芙蓉結爲屋又取簣簞栽作亭世人鮮不愛華廳高人視之同糞土石崇金谷祇須臾葛亮艸廬自千古厥名就亭意云何取其簡易不煩苛使君爲政亦如此日日亭中聞嘯歌

施愚山少叅加惠乳山林翁不一而足詩以紀之林翁八十有六年敝袍遮體冬無綿兼之眼昏復便秘欲求藥餌費無錢其家雖有丈夫子貧劇僅能供菽水亦有良朋共唱酬杯酒殷勤而已矣施公奉使過長干

龍溪鳳雛李主注

枉駕衡茅典慨嘆曾貽苓帳防炎夏又製綿袍禦苦寒更憐翁病日衰老斟酌醫方何藥好捐金爲市地黃丸潤臟平肝以爲寶翁言使君義誠高老夫貧病猶可熬薄田預徵明歲稅縣吏追呼命莫逃公聞斯言容慘戚倒篋傾囊渾不惜代輸田賦免憂煎且得逍遙過除夕吁嗟古道今已稀使君高義何巍巍佇看廣廈勢突兀大庇天下寒士皆春暉

汪左嚴招同孫豹人江秋澗及令兄舟次叔定季

角泛舟紅橋作

蕪城之東河水漲浮查直出隋堤上至人好客移尊疊蒿舸乘風入清曠須臾打槳過紅橋浦溆平分十里潮

楊柳款蒲皆浸沒藕花蓮葉未飄搖暫憩重陰法海寺
無數蘭橈先後至朱簾乍捲見青娥赤日當空下秋翠
老夫豪飲興悠哉倏忽狂飈自北來却笑秦翁憂且懼
便令舟子放舟回君不見王人情縫縫欲去平山道
返稍涼再作獨岡遊小艇沿谿莫辭遠

老蕩子失意行爲漢陽李雲田作

八年不見漢川老今日相逢秋浦道其容憔悴齒凋零
却有詩篇字字好君詩古健霜柯撐獨于閨閣多柔情
床頭一冊更珍異乃老蕩子失意行誰其作者龔司馬
麗藻妍詞妙天下吳詹事與曹侍御亦復魚魚而雅雅
從此繼作皆豪賢長歌短詠何紛然李生大笑向予說

龍眠風雅卷之三

此冊待君將十年風聞君有寶鑑氏蕙質蘭心稱女士
豈甘通德伴伶立誤學文君歸犬子斯人才色斯世無
寒酸擾得分已逾便應琴瑟長相守安忍舟航又在途
飢驅出門猶可恕再娶茂陵天所惡莫怪閨人含怒嘆
尚冀狂夫當悔悟那知野性同飛花南北飄搖不憶家
曾遊燕塞迷倡女又向蘇臺買俊娃黃金用盡轉多累
雖云得意終失意所以名爲老蕩子蕩子伶仃何足異
獨憐思婦守空房春日遲遲秋夜長吟成紙扇先垂淚
寄到雙魚每斷腸群公題贈詩非一大約勸君歸去疾
人生半百成老翁愚夫亦解謀家室何況君家有異人
谷師梁孟敬如賓鋪糜吸茗天然樂絕勝窮途多苦辛

張司業有傷心句但願在家相對貧不願天涯金縷身
題吳平露所藏倪雲林畫

人愛雲林畫我愛雲林詩其詩冲淡有真味其人高潔
良可思吳郎好古生來癖珍藏此幅同圭璧每逢嘉客
索題句焚香相對供朝夕客有持卷裝潢齊爲言松雪
畫且題吳郎掉頭不肯顧百趙焉能望一倪

桃花潭短歌

桃花潭中春水深桃花潭上春雲陰雲陰不見古人面
水深曾照古人心如何李白汪倫後雲水荒涼直至今

謝公樓

北樓官舍裏裝客少登臨太守新年去群公暇日尋
詩題客難登謝公樓其人在前中
也是時傳字遷去屏虛無人與得登
出城陰懷謝兼懷李千秋同此心

懷三兄仁植山陰未歸

拂衣從遠戍高枕臥滄溟東壁兒雖貴南陔母未寧
雲翔蜃氣江雨帶龍腥急難何人在低頭愧春令

梅墩雜咏四首

戰伐滿天地何山可避兵一枝惟大澤萬水卽長城有
舍容羈旅無人曉姓名敢言身似鶴未及一毛輕
澄湖清見底蒼蘆各悠閒鑑此空明水嗟予頓領顏
京雙鳳闕荒塚二龍山
先府君
夜夜歸吾夢天涯何日還

好雨應農節平湖水接天歸人阻前浦落日附隣船數
點鳬鵝影孤村桑柘烟吾廬容易辨破屋短牆邊
白髮因愁長一愁白一絲昨宵心上事今日鏡中窺髮
白有窮日愁多無盡時行年似播岳始信二毛悲

中元

吳俗尚茲節家家祖豆馨客居無寢廟題主在松屏里
墓秋誰上岡屏夜不扃還須叉手臥或恐見先靈

里門贈潘蜀藻陳二如

岑城雖寂寞風雅屬吾曹近體潘江麗長歌陳式豪雙
鵝鴻侶五色鳳皇毛憔悴林中鶴清音亦九皋

抵寓

江城春水碧驚到遠人船小婦身將免衙門矢未懸謀
生憂殺貴安堵謝隣賢陌上桑陰滿筐盤知幾眠

趙止安招同馬倩若周頴侯強恂如小集

委巷斜通圃高人此隱居官歸船載鶴家食釜生魚佛
開病長臥親喪滿不除隣軒何足寄特喜傍君廬

夜宿陳翼仲齋頭

石城尋舊侶落第似晨星行道畏人識懷詩誦爾聽山
膠乘夜醉堦草望秋零不是繁霜後誰知竹柏青

奉酬呂霖生

南澗閨芳草忽聞題鵲鳴過時既不採晚節復何成漫
說楚三戶聊爲魯兩生薄材甘自棄空負贈刀情

謝阜羽

朔本布衣士先朝未受恩祇因客文相義不仕元貞
骨埋嚴瀨荒祠享婺村至今瞻髮集讀罷暗傷魂

哭女嬰阿罷

家貧欲不舉吾意強留之名罷雖云累憐渠較更慈病
知求父抱死解與人辭八女存亡半今朝獨尔思

次兒彌月

入室弄孩幼愁懷藉少舒良辰告家廟薄祭薦園蔬杜
老催鷄欄桓君御鹿車他時皆命汝何必佩金魚

未至楊樹灣十里而暮

馬知投店晚雖憊撤霜蹄山路晴偏滑人家近轉迷風

聲吹燒急雪意壓雲低村小猶聞犬柴門閉已齊

湯仍三宅卽事四首

野寺日將沒香臺月又新歸鴉巢熟樹守犬吠生人客
訪如來理僧談過去因亂螢飛草際誰解是前身

浴罷坐林中開襟受夕風張燈驚宿鳥滅燭救飛虫野
哭聞隣婦方言報小童夜深微雨過點點在梧桐

五月林花少偏開榴與葵向陽心不忒如火色難移嫩
蕊蜂爭采微香蝶亦窺翻憐飄忽意似客在天涯

一帶溪流潤千章巨木多引雛鵝試水交尾鴨沉波小
艇裝新麥低田時早禾晚涼行樹下時聽牧兒歌

送王白虹歸餘杭兼寄嚴子餐兄弟

大滌山中路盤紆可避秦且尋猿鶴伴莫逐馬牛塵寄
語訊印友觀書懷古民披裘與賣卜俱是姓嚴人

雨夜宿宋玉叔署齋分韻明日將之宛陵

江濶雨冥冥孤槎傍驛亭旅愁難自遣梧簷且同聽樹
老先秋白燈寒入夜青非君念疇昔誰與慰飄零

天逸閣懷公友朗三用蔡四韻

我聞居然在幽園尚未荒斯人既已歿春草爲誰芳蛛
網先愁結烏啼引恨長晚來風送雨六月助悲涼

苦熱

晝永宜高臥炎威臥不寧汲泉尋舊井散屣待初冥將
雨蟻行路似雷蚊聚庭南窓風乍起今夜勿愁醒

夜坐

袒褐坐庭中寥寥天宇空疎星明沼水暗露濕花叢漸
老世情淡愈貧詩律工吟聲何太苦不異草根蟲

立秋後一日雨

玄雲生大壑隱隱有輕雷火到三庚伏秋隨一雨來高
林團秀色荒徑洗浮埃休夏惟禁酒從茲可漸開

野菊花

陶公籬下物豈是有心栽野菊天然秀寒花秋自開澹
香全勝梅幽韻欲爭梅可嘆無知者霜根混草萊

三月二日林玉樹招同余誕北先生俞玄中陳伯

幾諸子夜集坐有二女曾吳女也

士女江東俗先期即乘荷花前作吳語眉際有春山四
坐頻更燭層城欲上關雙雙斂紅袖問客恐須還

飯籬山避暑

無計避炎暑潛身入此林晝長惟熟睡客到豈關心乍
聽松風響虛疑山雨陰野人憂旱久夢亦待甘霖

癸巳初度

初度年年客歸心黯自悲休教僮僕拜恐祇老僧知鏡
裏蜨衰白天涯飽亂離如何過四十李嶠尚無兒

家書

家書盼不到書到轉愁人數紙無非怨千言只是貧曰
歸在除夕相憶又殘春豈但渠交謫飄蓬亦自嘆

贈內

小婦未三十如將四十人不應顏色老祇是別離頻望
遠易憔悴忍饑還苦辛以茲生白髮憐汝甚青春

初寓天壇作

匝地馬牛塵園丘憩此身尚餘松蓋古况有井泉新欲
雪風號夜無眠醒到晨擁衾猶覺冷愁殺早朝人

虎坊橋訪吳見末郎中

吾友本高士雖官仍素心驅車芳草遠閉戶白雲深
同方同妻子無餘祿生涯只苦吟天街塵漠漠半點不
曾侵

憶江南四首

江南春事蚤口腹最難忘白臙河鮑孔澄鮮蛤蜊湯鮑
尊初出水櫻筍正盈筐何必秋風起吳人始憶鄉

江南長夏日處處有鱖魚石首隨水至楊梅帶雨初
芹鮮比荔蓮藕脆如蔬香苦風前的何愁暑不除

江南饒美饌收獲况逢秋出甌子與熟堆盤母蟹樹橘
紅與菱白菱角復鷄頭佐以黃花酒人間何所求

江南冬氣暖幸歲易優哉輒自深泥出竟從曠野來白
松消酒湯青果點茶盃况有行根笋霜鋤掘即開

飲程發章進士寓因有三泖之約

嚴城多委巷良友惜離群獨爾居相近與予情最殷書
憑汚白練酒任漬紅裙時有妓在寓還訂初陽月雲間訪陸

雲

嚴子餐給諫以七言長歌送予歸率爾奉答

君是夔龍侶偏於巢許親燕山憐遠別越調送歸人對
此長疑面相思各損神爭如陳處士朝夕傍音塵時陳處士在寓

補

補壽范眉生三十二首

同輩多衰白惟君正妙年讀書千卷破警句萬人傳復
有養生術能如樂志篇微名羞李郭終遜范滂賢
服藥非關病憂時感萬端逢場休戒酒捫腹且加餐海
世求榮易閉居免禍難祇應梅與竹不畏朔風寒

六月廿六日內人初度予不及歸寄二首

忽報南都外沿江列戰船移家纔帖息逢亂又頻連汝
是閩中子猶知醉後天他家願富貴妾願老林泉
青溪桃葉渡新買一精廬合與汝偕隱雅堪吾著書池
塘收衆水園圃植嘉蔬便作於陵子長貧亦晏如

牛首雜咏五首

行行剛數里恰遇在山僧迴路爲吾導攀蘿知爾能風
光刺南畝松柏宛西陵不似丹陽路牛車層復層
策蹇到山麓西峰正夕陽路綠危磴上寺比昔年荒倦
且憑僧閣明當禮覺皇厨人供脫粟蔬筍味偏長

吾兄輕仕宦五十便懸車出世意雖切遊山興轉疎今
宵臥雲壑將晚聽鐘魚始悟毘尼理塵襟頓掃除時與山僧共宿

從兄

文殊古洞後石壁最嶙峋開士新藏骨愚夫妄捨身入

山曾有約問法已無因半偈題遺像依稀見此人張漢師

招予上牛首不果

散步出門外雲梯百八重縹緲引幽徑黃葉沒行蹤水

潤桃花澗臨臨獅子峰古藤更奇絕經殺數株松寺西有松

九日飲周伯衡憲副署中同倪開公作二首

至人能愛客客亦竟忘歸設酒多無算談詩妙入微曉
雖率吏事夜必造書幃坐久不知倦霜寒但授衣

年事至重九如名時霜前催木葉菊後少花枝晴

照權猶減陰寒愁可知祗應對風雨爛醉復吟詩

壬寅初度奉酬尚白使君二首

起皆用杜句

元日到人日酒栖官舍中稱詩懷抱合望古咏歌同律
細頭應自更深燭尚紅來朝置春酒又欲壽衰翁
海內文章伯聲詩妙絕倫識途憐老馬琢玉恕工人交
道從來厚名言只是真他年君不朽吾亦附千春

送沈治先歸宛兼寄令兄眉生二首

秋江同作客春水又同歸何事栖遲久仍嗟生計微對
床聽夜雨把酒問漁磯坐惜沙邊鳥乘風忽背飛
賢兄真處士抱道隱深山人世空相憶雲鴻不可攀舊
交多白骨辛苦老朱顏獨有鴛原好今年又出關

攝山絕頂

下方惟見石不信有柴荆又徑盤空上危峰到頂平夕
陽千嶺秀春水一江明愁絕浮雲外蒼蒼舊帝京

月下飲王左車

維舟當落日登岸訪幽人巷僻風塵少庭寬月色新舉
家修淨業藏酒待嘉賓感此流連意歸時想結鄰

八月十二日自君歸

在家思作客客久又思家去日黃梅雨歸時紅蓼花細
君藏臘酒嬌女進秋瓜夜夜高樓上團圓看月華

王無異書來却寄

君去葦山陰三年勞我心誰傳芳信至意與春谿深

有白門與重聞黃鳥首掃花人未老回首一沾襟

陵時有所聞作
掃花圖以歸

寓樓遣懷

谿上千峰雨樓頭五月寒欲歸仍未遂望遠不成歡賈
客乘輕筏奔流下急湍倘能隨汝去三日到長干

友人齋頭看竹

種竹自何日抽梢已出牆北風疑作雨西照亦生涼江
月隨人至山栢引興長渾忘在城郭只擬對瀟湘

徐聖開社集北樓

小謝高齋古郡中騎鯨人去夕陽空春江客到雙溪雨
夏屋涼生五夜風合香青山浮酒盞差池紫燕掠房櫳

亭前况有桃花水桃葉桃根相並紅

時携妓

雨夜借葛元士宿徐川生山房

澗戶陰森曉竹烟匡床時有故人眠况逢雷雨喧溪上
似引江風到枕邊草閣三更愁隱燭絳衣六月想裝綿

荒鷄不改蕭蕭節祖述劉琨事偶然

贈吳孟虎鴻臚

吳為宋丞相潛之
後世居宣城南門

狀元宰相宋時賢賜地為家五百年坊占城中無別姓
山環宅後有腴田藏書萬卷盈阿閣進酒千鍾對綺筵

眼底兒孫三四代如何斑髮未皓然

九日與錢取少泛舟

客子每逢佳節恨重陽寒食淚沾衣今年寒食出門去

此日重陽猶未歸往路青山烽火暗故園黃菊信音稀
江湖滿地網羅寄白鳥一雙何處歸

秋晴

東籬寂寞黃華少南浦凋零紅蕖賒臨水幾株烏桕樹
經霜一似杜鵑花客中愁鬢逢秋色湖上詩情逐晚霞
獨倚柴門無客到閒看飛鴨戲晴沙

夜雨

暗風吹雨打窓時掃葉燒茶夜臥遲門外斷蓬驚守犬
塚邊枯柳叫寒鴉隔牆歎息聞隣婦當燭沉吟想舊詩
哀怨似予予更苦十年懷抱有誰知

將歸別內三首

漂泊東吳亦偶然誰知嫵婉結良緣烟波笠澤隨孤艇
風雨梅墩隱數椽幸免豺狼頻對酒永懷烏鳥暫歸田
莫疑蕩子輕離別水國雙棲已半年

鴛鴦湖上結新緣服明粧似洛神爲嫁書生操井臼
始知惟布佐清貧縫裳夜火針針巧摹帖秋窓字字真
弱腕纖腰難折柳懷中知有石麒麟

我友潘錢北固山江如其妻亦與汝相聞每思家室同
居好只恐兵戈行路艱此去江城先卜宅重來村舍又
開顏長途若果無戎馬一水輕舟任往還

白門城外約顧與治贈

龍潭風霰客初歸望見鍾山映已揮不忍城中求雨巷

相期郭外話僧扉三江寒泝鱖魚伏萬樹凋殘鳳鳥儀
莫向水西冠蓋路元規塵滓薜蘿衣

祀竈夜泊魯港

六日歲年卽早春江風猶阻未歸人辦香無處迎先祖
寸草何時報老親半壁已非前代厝同舟俱是再生身
遊憐今夕茅簷下屈指天涯各怙神

偕鄧東之潘蜀藻訪雪上人

萬壑千峰一寺無貧居破屋在城阻罷爨聲裏市朝變
牛馬糞邊花葉勇携竹扣門春尚早煎茶留客日將晡
言歸不省今何代只似匡山送別圖

松山曉行

沙村聞雁復聞鷄野店將開月向西主人炊黍燈未滅
客子治裝擔已齊門外草枯霜似雪湖中水合路無泥
微生自許勞筋骨安步何妨逐馬蹄

姚休那先生七十

休那居士本天人不謫人間甫七旬妙解西方三揭諦
乍看東海一揚塵田硯不飽青精飯髮禿還飄烏角巾
自古桃源無魏晉焉知石趙與苻秦

自題小像

山人一耒字明農別號淮西又忍冬年少才如不羈馬
老來心似後凋松藏身自合醫兼卜濁世誰知魚與龍
課板藥叢君莫笑賦詩行酒尚從容

三月十九日作二首

甬湖龍去再生天荆棘銅駝已四年太液有池誰僕馬
上陽無樹不啼鵲真人構造千秋業宵小嬉遊一擲錢
縱使海枯還石爛不教此恨化寒烟

年年今日強登高獨立南峰北嚮號漫野玄雲天色晦
美人黃土我心勞虛疑楊柳牽愁緒不忍滄浪鑑鬢毛
前輩有誰同此恨雪菴和尚讀離騷

午日書懷

漫說遊蹤在五湖近來何地不窮途一年節序又過半
往日風流今已無文字浮名花共落美人薄命草同枯
秦淮亦有傷心事不獨沈湘楚大夫

往有愛妾以午日死於水

送陳伯璣歸南州兼懷徐巨源陳士崇

勸君勿歸君欲歸九江日落行人稀城當破後難尋宅
田正荒時豈救饑把釣尚能供菽水乘軒未必勝柴扉
菰葢白露章門外野雀雲鴻何處飛

劉遠公有扁舟江上圖命予題之

年來江上正橫流何處輕舸任爾浮小泊歐陽湖上雨
長懷徐孺宅過秋天空倚檻吟霜葉客至投竿問酒樓
我亦無家同放浪平分汀鷺與沙鷗

自題采藥圖用談長益韻

山人采藥向中陵獨撫松杉慨不勝浸漬欲收貞一子
編籬皆用忍冬藤苗分薇蕨春烟冷米聚菰蔣秋水澄

却笑靈均好奇服製荷衣又索胡繩

宛陵友人墓上作

一束生芻遲五年今朝匍匐慟君前人須死難名方定
詩到臨刑妙始傳幽隧有時回白日穹虛何物抵黃泉
多慙佇立松門者鋒鏑餘生亦苟延

三月晦日與吳錦雯羅天成送春作

年年客裏換春衣何事春歸客未歸半日風光殊可惜
暫時遊覽莫相違花知我出猶含態鳥見君來不忍飛
聽鳥看花一杯酒明朝難得此芳菲

予去宛後家人乏食蕭尺木羅天成胡允右張與

瞻各餉米一石歸日賦謝

秋林旬日雨凄其餅餠難教小婦炊晚日忽春雲子白

杜詩飯抄雲子白情人先送救公饑江南謂早稻爲救公饑金康高義今

應少管鮑貧交更有誰燈火客窓兒女笑老親差不怨

此離

寄懷邢孟貞石臼

倦遊歸種石湖田數畝那能抵一壺自墜糟床芬最冽
載過京市美爭傳倘逢嵇阮寧論直只恐荆高有負錢
似我平生多酒債輸君酒債在人邊

李士雅見訪感而有作

離人歸自蒼梧北顧我茅齋牛渚西喜見六龍翔島日
愁聞八駿蹶霜蹄出師尚恃劉兼魯殉難無過陳與黎

怪爾艱辛還故國不爭鵬舉慕鷄栖

庚寅除夕

祖宗圖像軸高懸常有文孫拜几筵誰料秋霜摧玉樹
反增木主傍爐烟傷哉孝子兼才子恐殺新年與舊年
獨展青蒲明燭下回看孤影淚潺湲

客有教予謹言者口占謝之

野老生來不媚人况逢世變益嶢峣詩中憤懣妻常戒
酒後顛狂客每嗔自分餘年隨運盡却無奇禍賴家貧
從今卜築深山裏朝夕漁樵一任真

病中夜坐

病體虛煩寐不成起來孤影對寒檠芭蕉打雨太無賴

龍眠風雅集卷三

蟋蟀傍人還有情肺熱那能親酒酸腸枯惟欲美茶鐘

更教童子煨梨栗出戶拾柴鷄已鳴

夜坐贈內佛因

秋夜張燈拚竹扉左邊開卷右縫衣空階不斷蕭蕭雨
隣舍時聞軋軋機性癖如予吟自苦家貧賴爾敬無違
雖然環堵安閒甚始悔從前遊不歸

題烟波獨釣圖

一自南京淪沒後斯人漂泊在江湖臨流高咏有時有
觸景暗傷無處無世難且從公望隱運回應笑子陵愚
衣冠倘見司隸豈肯甘心老釣徒

賦得鍾山梅下僧贈蕭尺木

牟陵枯柏千年樹虎倒龍顛無一存只有寒梅藏絕谷

尚餘破衲守孤根月明花影聞鐘梵雨漬苔衣見淚痕

不許閒人嗅香葉春來芳草憶王孫

飯籬山休夏

一丘一壑能銷暑何必千峰與萬峰密坐最宜窻北衙
高眠嘗至日西春槐花打瓦聲疑雨松樹叅雲勢似龍
曉起獨行籬落外徜徉吾亦縱天慵

左三山先生召飲開其舊封事有感二首

先朝耆舊今將盡吾邑三君世所宗直節更推滄海使
私心亦仰丈人峰遼東豈有千年雀白水真成五色龍
莫望雲霓愛老大噴溪番髮正從容

龍眠風雅集卷三

數載故園風景異徜徉湖海不歸來難將心事和人說
只有先生愛我才諫草重教花下讀愁顏姑向酒邊開
腐儒曾未沾微祿一飯難忘意可哀

鮮魚

家在江東春水邊楊花落後此魚鮮白於笠澤銀絲鱸
肥似襄陽縮項鰻梅雨買來風味別荻牙蒸就色香全
臨餐忽有傷心處不薦園陵已十年

哭明園子留

聖代遺民本不多頻年鋒鏑又銷磨哀宗尚剩農兼圃
至性同歸笠與蓑只道陽春迴律管豈知長夜閉烟蘿
瑤華且被霜風折冉冉孤根奈若何

與魏辨若涵一兩彛廉談易有合兼呈令兄石生

都憲

老生讀書邵章句玩易直窺爻象先但與人言多不省
雖明聖道將誰傳知君家學本儒者聽我坐論殊豁然
閒時更就難兄問御史中丞今鄭玄

詩

鄰雞初唱勃然興繡幙香衾戀不能燈下重裘猶戰栗
風前瘦馬自凌兢千官侍立足如鐵九陌馳歸鬚有冰
始羨南窓方處士蒙頭高臥日東升

宋憲使玉叔署蜀能言索贈

龍風雜卷三

河隴驅車到朔方携來騶馬挂雕梁人雖側耳憐嬌語
鳥自低頭憶故鄉豈望誦經成舍利漫勞作賦動詞場
酸辛最是關山路繞樹聲聲問上皇

揚州飲王于一孫豹人齋頭偕宗兄聖羽學博

蕪城好友苦不多一二寓公藏烟蘿雄文麗句世莫敵
深巷短垣人少過見予拊掌忽大笑呼童貰酒且狂歌
廣文先生官雖冷也騎瘦馬來婆娑

祖堂待月

尋山不及望舒時蟾兔何妨四五遲
佛前一點是琉璃微茫漸見東林白皎潔先從上界窺
此際下方人睡熟霜華月色有誰知

蕭伯開家移竹

小園修篁數十竿兵兒一過摠摧殘情知此物生原易
偏到吾家養亦難粉籜又從隣友乞霜鋤須趁雨天寒
明年便有龍孫長索酒來將竹母看

章門訪陳士業徵君

南州耆舊近蕭然碩果惟君亦可憐典冊高文傳海內
短牆破屋在江邊自疏不忍問時事皂帽相過說往年
欲訪故人埋骨處武先亂山孤塚沒寒烟

送兄子竹西歸里

竹西為流林李先客凡十五年今以母老歸

幕府相依十五年論交誰似此經綿雲天高義應難別
鳥鳥私情汝自牽霜月暫須歸子舍花時又可促征鞭
白頭健飯休多慮群從爭推負米賢

贈智劍大師

稿師出世大英雄麻城梅稿木素百萬家資學道故云師與同鄉道亦同

少學兵書三府辟老歸佛法萬緣空蕭蕭白髮秋霜後

點點青燈夜雨中回首江淮渾似夢圍城屢次建奇功

師曾為史閣部參軍屢破賊

聞張敦復捷音有贈

桃葉溪南秋水生荒園積雨喜初晴老夫懶問門前事
童子喧傳榜上名鄉里推君才獨絕尋常好我意非輕
若令天路皆如此無復崎嶇嘆不平

題徐仲光荷山草堂卷

嶺海歸來重歎嗟荷山深處老烟霞漫言此地堪終隱
底事頻年不在家玩世且同華表雀維舟先聽白門鴉
問君可是徐鴻客行見桃花變李花

倪開公四十初度

倪生弱冠佩瓊屈指爲郎典石渠豈料壯懷猶寂寞
每逢初度却歎古人學道尊無比亂世安貧富不如
况爾才名已流布王維詩句李邕書

雨後閒步

城居最喜是春陰風雨全無俗事侵把酒量從中歲減
著書識到老年深貪看細字頻傷目閒步荒園一散心
忽見柳塘新水漫喉間不覺又微吟

過水草庵弔黃海岸先生

靈谷西邊銅井東昔賢於此化長虹平生修證方成道
大事因緣豈是空野老題詩紛滿壁行人下馬仰吟風
從今水草庵葺路直與燕山柴市同

送劉興父歸秋浦

爾去都門歛四年一官雖授尚屯屯迴閒游直出河汾外
沃野還思慶曆前久客遶城身小病將歸故里素空縣
江干相見銜杯好愁殺秋宵又放船

九月十五夜卽事

一年月色今宵好偏是囊空乏酒錢霜氣初寒猶未肅
秋亭獨步不成眠醉鄉久曠因游輟織室長勤賴婦賢

幾欲拔釵吾又止來朝留取繼炊烟

酬胡吉甫先生見贈之作

八十六翁猶未老新詩警策似中年黃昏更作蠅頭字
蕭灑渾如雀背仙望我生兒延祖澤知君學道本師傳
先生受業于先司農之門今冬果遂商瞿願買酒何辭賣賦錢

和州贈戴無忝兼懷令兄務梅

曾隱淳湖共若翁見君兄弟始成童既經浩劫留書種
却訝辭家逐轉蓬往歲游仙奇太甚今春歸娶道方中
秋林把臂不勝喜矯首還憐白雁風

午日石埭姚六康明府招同諸子燕集

絲雨綿綿不住聲恰逢佳節四山晴荒樓正擬群公聚
荷席俄傳茂宰迎船有蒲榴隨俗泛盤惟荷蕖見菰蒲
平生故舊多仙侶誰似陵陽賁子明

立秋日送孫臥公歸里

秋浦逢秋返舊鄉琴書以外不多攜爲憐巧語謀鸚鵡
更愛長年養鹿麕才似福衡休浪擲山如李渤合幽棲
只愁林壑難容女仍想天街逐馬蹏

出太平門望後湖

玄武湖邊風日懷行人策蹇舊長堤刑曹撤後兵添塚
闕籍空來菜作畦豈有荷花隨水長尚餘蒲草入烟迷
春遊至此腸堪斷况復頻聞杜宇啼

壽李蕤林明府一百韻

瑞日迎長至仁君撫壯圖山城疑異壘與誦比康衢父
老盈堦舞兒童塞巷呼如岡爭以祝降嶽信非謬有客
寄茲土蒙恩與眾俱府言那敢獻善禱合先驅仙種蟠
根大清芬奕葉敷歲綏天府國帝通帝王都皇考膺榮
祿名家本碩儒功名留劍舄銘戒在盤盂和氏連城璧
隋侯明月珠挺生非偶爾內美實紛吾材是千霄竹文
成出水芙蓉英翔輦轂筮仕得山隅下邑遭群盜原田失
上腴閭閻惟瓦礫阡陌悉榛蕪芳草空題鵲愁聲但聽
姑君來勤撫字民始荷昭蘇筆鋒身先啓茅茨手自誅
飯蔬常不飽酌水更何需豈弟歸天性溫良協聖模心

龍風雜錄卷三

跋求保赤務慈肅獨租凋瘵繞回啼漂流漸返遺
欣有託慈母竟忘飭儉德昭魚釜仁風被雉雞鳴如逢
夏蔭網不犯秋荼既起轍中鮒兼推屋上烏我方諮稼
穡隣復嘯萑苻威用風雷合恩同雨露濡黃巾否威悔
青甸免憂虞賣劍還驅犢承筐弗攘掄相期安隄畝慎
勿負徵輪考績三年最論才一代殊中卒無以過單父
孰能逾尤喜文章士先操聖哲符審音伴季札辨色勝
離婁南國升諸彥西方懷彼妹秋河澄水鏡鐵網取珊
瑚品陶皆元凱甄收盡顧厨野人初入楚蹇足適過湖
一見性情愜重遊氣誼孚香塵沾蝶翅花蕊上蜂鬚知
有神明契難將禮法拘布衣頻入座醇酒輒傾壺問字

驚淵海稱詩愧小巫夜談天拂曙晝語日將晡天地風
沙晦水霜草木枯薄材甘自棄知已獨長吁徐子嘗懸
榻姬公必吐哺舉盃浮綠蟻解蒙贈青蚨遺母懷雙橘
留賓到東匆欲歸仍縈繾綣別幾踟躕忽憶年來事韶
光日已徂世途多枳棘何處有粉榆明月飛三匝深山
想一區願言依召杜於此聚生徒虎拙猶能繡龍希莫
漫屠青氍元故物白社本潛夫假館城南曲橫經舍北
隅義堪竊練馬疑可釋冰狐投業鄉名鄭藏機谷號愚
樹蘭畦綠繞穿竹路盤紆釣罷谿烟冷樵歸澗月孤所
居峰巖業弗遊鬼押掄底事憎多口無端辱厚誣雄鳩
言佻巧貝錦色糝糊積毀愁銷骨微瑕懼掩瑜幸君能

龍風雜錄卷三

察識諒我不睚眦此意真憂絕終身可刻膚豈惟今世
少只恐古人無蹤跡巢枝鳥年華過隙駒銜恩空抱影
酬德未捐軀頃者逢初度居人慶大醺未能羞累爵何
以壽懸弧淑氣萌葭管台星燦斗樞享年當耄耋奏課
在須臾行矣新驄馬歸哉舊鳥鳬驥蹄終躡景鵬翼必
搏扶內殿含香侍中朝竦劍趨觸邪承密勿持法奉訏
謨統馭王綱肅揆端帝命俞昔天霑化雨庶類仰洪鑪
盛德高彌下貧交久不渝雲霄勞寤寐丘壑念崎嶇砥
志長餐薇微車敢望蒲冥心隨鹿豕僻地遠豺貍緩冕
知無分風騷祇自娛曹王相激發陶謝不枝梧謬賞前
曾受弘標後更須困龍資尺水矯雁借微蘆一字當華

家千秋匪濫竿但希延令譽曷敢怨窮途預訂他年約
應嗤野老迂寸衷猶未竭百韻豈能鋪

戲贈左子直納妾用二十藥名

今夜天仙子當歸白玉堂銀屏列雲母錦帳綴流黃重
疊合懽被氤氲沉水香華燈出粉面明月弄珠光竹葉
都中酒梅花額上粧含嬌尚紅蕊結實定青箱馬齒休
嫌老蜂窠一任狂天門現蕩屨地平水微茫似鳳連翹
足非猿續斷腸只愁萱草嫩無計避滂羊

平音戶
節地黃

移居宋家園三十韻

宋公吾父執開館號鵬天少小曾遊此園林正蔚然配
更三四至別至廿餘年門巷雖仍舊風光迥異前偶而

龍風雜詩三首

來一問居者又將遷善價歸予手幽棲絕世緣園墜取
自種蔬菜不須錢墻破憑籬補膠稀賴竹編杏榴開可
玩榆柳伐堪憐從此加培植奚難再鬱芊仲冬陽始復
幾望月初圓徙自城南廬家於巷北壓孤蹤有寄托盡
室得安全夜讀層樓下朝行曲岸邊鐘聲殷古寺草色
媚晴川仰首蔣山近傷心淮水偏比隣多隱逸隨分與
周旋墨妙家家有神處處處傳老猶貪酒醺貧不斷炊
烟况賣嚴京卜兼通素難篇細君催釀黍小婢解烹泉
客到常留醉吟成每共眠胸中自浩落身外曷憂煎所
願熊羆夢惟期豚犬牽衰顏纔足慰書種但能延便入
金陵籍長耕建業田春波桃葉渡秋浦藕花船白首恣

行樂芳塵繼昔賢懷刑知免矣抱道令終焉敢望宋公
子鳴珂侍講筵

宋公如閩先生也與先司農癸卯
同門公子共武方為經筵學士

秋日歸里過潘蜀藻小飲談香山詩甚快賦此

野老攻詩二十年詩中警句亦流傳貪看酷嗜無如爾
短諷長吟不論篇自是性情真契合豈因朋好故周旋
往時刻畫杜工部近日沉醉白樂天異地何曾相告語
同心不覺自鑽研君才通敏萃應似我筆麤疎恨未全
別後乾坤誰解此歸來問里特惓然乍窺草舍三間小
重覩芳詞七字妍欲展客懷須命酒忙分母饌已烹鮮
客非陶侃客堪比母較茅容母更賢况有方干從弟
妹壻也偕潘岳共留連今宵偶聚黃花下古調高歌翠

龍風雜詩三首

竹迤長慶風光如在眼香山肌骨本來仙三人咏歎知
非苟百遍過從期莫愆只恐浮蹤猶未定明朝又泛五
湖船

旅思二首

天子每寄書好寫別來事書到未開槧先看平安字
笑渠遵母命勸我宜早歸歸不待秋風勿寄秋風衣

正月三日抵樅川二首

前日雪中去今日雪中歸渾身俱是雪不認去時衣
寒江阻且修只道歸期遠小女門前呼望見阿爺返

太白酒樓

蜀客酒一杯高樓名千古多少後來人紛紛委黃土

陵谷有時壞此樓長若新須知賀與李只是兩詩人

南池

自古有南池如何唐始著秋雨冷菰蒲是憶青篴處

遇鄉人

君從石城來曾過青溪否我家傍青溪門前數株柳

送別素姬之燕陰

木槿花開幾日新勸君須早出風塵明年此日還未嫁
我即相逢亦路人

潯陽夜泊

微微秋月照江沙兩岸楓林蘆荻花苦憶當年白司馬
不知何處聽琵琶

過彭澤

小孤山畔彈丸城獨擅長江萬古名滄海不知經幾變
春風五柳尚含情

夜半

一夜無眠數首成山妻勸我少禁情試聽窗外芭蕉雨
不是平聲便仄聲

江上吟

下水一帆如一鷗上水一篙如九牛南風漸止北風發
牛亦能飛鷗不浮

送海師遊宛

年年夢想敬亭雲舊友存亡久不聞君去陵陽山頂望

白楊衰草幾人墳

江上望九華山雪

雪後江南見九峰九峰皆作玉芙蓉何年始踐山僧約
掃雪烹茶過一冬

謝侍郎建陽賣卜

恍憐乾坤八尺軀且將卜肆涸屠沽當時猶解欽風節
今日程留輩亦無

唐王潛冬青紀骨

鳳凰龍穴不成栖玉匣珠襦踏作泥惟有年年寒食節
冬青樹下杜鵑啼

鄭所南鐵函藏書

吳門春草碧參差杜井藏書那得知三百餘年書始出

中原又似番蘭時

謝臯羽慟哭西臺

殿子灘頭雨雪飄生芻一束薊門遙傷心豈獨悲柴市
萬古崖山恨不消

蟾子湖

蟾子湖中欲雪天歸人驅策犯寒烟不知小婦羅帷上
亦有雙雙蟾子懸

石鐘山

怪石驚潯江水濱老蘇遊後更無人畫師偏愛巉嵒色
絕似倪黃斧劈皴

題畫

誰畫淵明采菊圖
柴桑橋畔獨躊躇
廬山百藥般般有
只是生憎劉寄奴

代內答二首

家計蕭條吾不怨
良人飄蕩實堪嗟
一年十二回明月
十一回明不在家
賸田非獨爲糊口
不負明農萬古名
君但結茅山下住
妾先驅犢水邊行

江上苦雪二首

大雪壓舟舟不勝
時時拂掃已成冰
三重阿閣猶嫌冷
何況遶條覆一層

不疑惟憑一箭遙
任他寄囊與在風
曉來遶上雪三三
方信埋身雪窖中

羅溪道中

山雨朝來已浸溪
溪流深處忽平臍
沙邊久立無船渡
赤脚騎驢過水西

除夕感懷

南島無巢寄北枝
中間水主俱先慈
一從家破蕪蘩缺
敢學長江自祭詩

喜晤陳胤倩處士兼懷陸麗京梯叟

廬陵自古溪山好
尚有梅花冷暖殊
爭似錢塘陳與陸
枝枝葉葉是林逋

都下竹枝詞三首

前朝勲戚盛如雲
後裔同歸厮養群
莫向瀟陵嘆醉尉
何人猶識故將軍

本司三院舊鶯花
此日飄零無一家
惟有西河沿上柳
年年春色解藏鴉
自古長安似奕碁
一番客過一番悲
許多大老休官去
幾個名娼又嫁誰

孝陵衛

當年軍衛百千家
此日離披似落花
猶有兩般人未改
孝陵棉與孝陵紗

送張楚材之陽山

驢背馳驅正夕陽
路人猶指斬蛇岡
岡頭買酒憑君醉
劉四朱三總斷腸

五月十五夜夢孫豹人

旅魂終夜繞天涯
又過三原處士家
似說揚州明月好
蕃釐觀裏看瑤華

野泊

空江逢雨又逢兵
野泊孤洲已二更
喜見人家隔溪語
愁聞風箏打蓬聲

竹枝詞三首

儂家住在大江東
妾似船桅郎似蓬
船桅一心在蓬裡
蓬無定向只隨風

樓上春風吹小窗
愁人獨坐俯晴江
沙鷗汀鷺皆成匹
豈獨鴛鴦是一雙

春水新添幾尺波
泛舟小婦解吳歌
笑指儂如江上月
團圓時少缺時多

贈滕鍊師

仙觀仍從大宋開
道衣不學至元裁
問君可是林靈素
曾見奎星奏事來

題倪開公近稿

詩篇直出元和上
書法全從淳化來
與治不生于一死
眼前誰似爾通才

雪後懷林茂之先生

凍雪初晴鳥鳴毛
閒攜幼女出林皋
家人莫道兒衣薄
八十五翁猶縕袍

李雲田乞姚氏女書竹寄其室寶鍾夫人屬予題之

之

楚客懷歸歸路難
先將墨竹報平安
君如粉黛隨風遠
妾似霜根抱石寒

爲張僧持五十初度

南邨五十負詩名
詩似梅花徹骨清
借問天街騎馬客
幾人能作苦吟聲

錢湘靈屈翁山鄒許士齊山同古白上人見過艸

堂小飲因至晏家橋看罌粟花得四絕句

長板橋頭春水波
舞衣歌扇捲消磨
獨餘野圃閒花艸
勾引東風蛺蝶多

笑指城南富貴家
朱門寂寂鎖烟霞
不如老圃多幽趣
常許閒人來看花

草堂臨水淨無塵
菜甲盈畦別有春
閉戶不曾延俗客
看花時復過比鄰

花落鶯啼春可憐
酒徒相遇發狂顛
諸君莫笑余頭白
我是花中老少年

正學祠

正學先生十族墳
祠堂軒豁樹如雲
可憐樹伐祠因廢
每夜啼鳥不忍聞

題牛山道人書冊

一著袈裟絕萬緣
獨餘破硯習難捐
江山本是無情物
畫到荒殘亦可憐

題王元倬先生小像

神廟遺民世所稀
斯人髣髴漢官威
可憐諸葛真名士
竟作南陽老布衣

重題採藥圖

白柄長鐮手自持
花籃盛藥步行遲
眉端尚有英雄氣
二十年前四十時

龍眠風雅卷三十四目錄

木厓潘 江蜀藻輯

吳江徐 鈞電發

同里李 銓石連

鄧森廣一百二十一

龍眠風雅卷三十四

木厓潘 江蜀藻輯

鄧森廣

字東之號顛厓崇禎間貢生少負才磊落跌

義有國士之風急人之難揮金如土其不屈也遭
時多故慨然欲扣囊底暫以匡濟自任崇禎末
撫軍張公亮黃公配玄雅重其才略延致之屢
席歲時不就曉乃築室北山一意講春秋之業與
方幾還青李銓石連徐翥羽先李雅芥須輩以
吟為樂間一遊制府為之起草非其好也所著
園集三十卷其文則元本經術穿穴史學詩則含
嚼風騷浸淫三唐龍眠多慷慨魁壘之士若束之
者吾口中未易數見也年六十一卒其義故門徒
私謚為文任先生而李芥須為之議雖中郎之有
道碑文夫何忝焉

詠懷

鳳鳥生丹穴五采何飛揚舉足亂雲紀去去摩穹蒼一

鳴二曜朗再鳴九州集三鳴肅元化主聖臣復良進退

本有時胡乃笑榆枋咄嗟世無人軀命逐流光但求老
槃澗無為矧矢傷

古別離

君住泗水南妾住淮水北相去曾幾何黯黯難為別青
青楊柳枝不畏西風折西風吹客衣為君歌一闕君心
如行舟太住尚悠悠妾心如秋水西風咽不流流水何
湯湯行舟何猶猶君有紫金玦妾有玉搔頭別後如相
憶佩之可忘憂

別張將軍

羽書西北馳烽燧晨暮起哀彼却牧問荒烟泣新鬼當

路飭衣冠遊何透遷城隍委丘墟民命等敝屣慷慨
披長纓軍中推一史誰實左右之京口遊俠子寶劍光
離奇翠勒駕驟驟擁露侍辛毗軍符奔晉鄧間道援我
桐輕車渡鹵水冠來如飛颺冠退如脫鷩單騎戰荒郊
被剝身不死戈矛羅女牆格鬲脉所指彼已按羣兵怖
死反相訾相訾忌成功功成營亦止叱咤風雲寒氣力
乍驅使以此策奇勳張韓何足擬胡爲不拜爵長揖歸
田里田里蓄英風努力修弓矢

戰將行

八月塞馬肥冠自雲中入勇氣特無雙將軍救邊急下
馬衆人扶上馬弓不習格鬲已難堪况復乘夜襲黃沙
萬骨橫將軍苦被執嗚邑晚求生欲言聲氣歛老上爲
解縛將軍抱頭歸臨陣馬行遲逃歸步行飛天子怒議
罰逃者坐失機賄行十萬貫反詭透重圍罰罷復加賞
將軍肆虎威我笑陣亡者魂魄何無依不如逃歸好壁
壘多光輝

論龍眠諸子詩

吾鄙尚風雅龍眠諸子始豈不懷古英既貴洛陽紙前
有趙中丞趙公既廼齊太史齊公兵部吳公盛威儀容
臺戴公顯公芳芷元城方公感哀音胥靡其一止藻思發
舉蘭方公宗伯梁公與之比宗一應賓乃維摩霧霧阮公
一老子落筆輕雲烟放言振羅綺白鹿方公本世學

詹事方公何清泚簡軒汪公數萬言侃侃或足喜後起

六七八紛紛志趣軌老友趙相如趙子長驅屈賈壘范

二世范良史才鱗一江子亦其體振臂表中江齊名杜

與李爾止方子得其神曼公方子伐其髓至之吳子紹

古歌鳳龍吳子乃同區農父周子並克成孫子羽商雜

流微堅藉在鮑子韻言領大旨歌行鑑在吳子豪

近體方壺齊子美方壺有難兄翺翔烟波裏季子程子

更離奇惜哉二十死滌岑陳子與田間錢子嘯咏胥鋒

起延陵好南蒼吳子人琴竟絕矣蛟臺兩詩雄失志行

蓬萊弼也方子怒濤生汲也方子波雲委其族推兩瞻

兩方子疾書倒側理蜀藻江子慎推敲尚論多藏否風豹

自芥須雅子問春如亦如此邵村弟長燕燕

吳容止亢烈稟光生光子人或詫其偶同志執鞭弭齊

亮哉齊子方里方子更有王英山王子心血嘔不已諸

子胡英多此道及笄珥激潤初蘭工方子茹檠清芬

矢姚夫人松閑松開秋聲潘夫人自號女學士中閨扇雅

風鬢睂所深恥于也教素棕誰譽亦誰毀努力振元聲

自笑遼東豕

宿州阻雪

驅車渡澗水日落前山赤遙望挂劍臺黃金高萬尺倏

忽三四里狂風吹冷客從者覓旗亭兩足何蹴躓油幕

張寒燈樓衣坐茅積墻戶霜衾封誠以晨于役夜半雞

蜀藻爲母夫人重葺松聲閣落成

穀日

蓮露歌

大水歌

集 98—446

古意

冉冉川上萍，馥馥澗邊蘭。皎皎樓上女，戚戚撫清彈。
清彈曲罷當窓織，深夜停杼三嘆息。三嘆息亦胡爲良人，
遠向心傷悲不願。雙雙守空室，但願妾身生兩翼。西抵
祁連北，榆關處處高飛侍君側。

雪中古意

何處飛來一片白，撒鹽飄絮比不得。征人陌上凍馬蹄，
少婦閨中失顏色。手持刀尺冷如水，怒擲齊統長太息。
影飛亂蝶迷綺意，花落粉匳橫道側。鏡邊疑是舞春梅，
頰向妝臺垂靚飾。太年夫婿黑山來，細練梳雲溫姬織。
今年義縷織難成，淚灑流黃龍巾拭。誰云燕雀死檐前，
河朔改元路絕食。隴右平地生丈堞，堞上寒風吹伏櫛。
凝好長歎，空床玉鈿零。星填溝洫流，蕪低壓悽風。掃
珠箔，晶簾渾不識。夜烏催夢到天邊，却恨妾身無羽翼。

四松行爲方還山賦

四松何亭亭，下有幽人醉。復醒亭，亭復醒。幽人談笑
卧雲經，雲經高卧矣。爲乎毋乃斯人非其徒，幽人不見
才其才如壁立江上孤峯橫，千尺幽人本無心。其心如
寒水遠近，俛仰欽霜稜。吁嗟乎山中宰相不復作，挂冠
神武門如昨。隱君以往，又何人。軒窩軒窩亦既絕羣，而
軼倫。或曰：軒也，狂也。鳥足傷，又曰：軒也，狷狷亦無可
美。松下幽人，良在茲。蒼鱗百丈無卑枝，雖然相君之貌。

毋寧讀君詩，長歌短歌有如我。我謾謾清風馳，佐郎工
處士七五大夫缺。其一蔓草拘纏霜骨撐，杜甫吟聲本
栗栗。借問丁固腹上惡乎生，虬龍偃蓋勢崢嶸。又問鄭
薰崑，畔何所住葛羅摩頂。不知處君不見三徑螺柯人，
箕倨遺我一百一十有二言。頃刻雲英化水太。

弔永年申端愍公同丞

先生不幸六歲孤，甫入小學卽操觚。迷離百尺珊瑚林，
辛苦扶携誰家姑。窻風零落荒茶午夜劬，勞泣病軀
先生晨夕繞膝呼，自署其門宅一區。和丸兩字屢金鋪，
努力秋雲提鹿盧。榜名倏歷天門塗，藁臺以北甘陵奴。
遲爾十年寰瀛圖，中州分較名家駒。公道居然顏之徒，
至今還部尊師櫟。韓城當國主模糊，中公以邨還南都。
秣陵有集胡芳腐，奸人既敗朱綬紆。奉天簡命按龍芻，
亡何距衝徧直沽。入表同昏嗟鳥鳥，居庸內外賊交衢。
議戰議守嗤其迂，一朝奮袂仰天吁。吾太安人奚以娛，
手揮兩僕行于于。輓轡十丈井邊枯，輕身一擲如垂蛛。
三百年來，皇恩殊生遭叛亂。日月驅如先生者，古丈
夫。先生死，奉赤伏符高風直與霄壤俱。天王封墓，
蕭孤子祭子祠。春露敷易名，嶢比玉蘊屠端則可風。懸
似誣，宗伯捉筆何所訊。得無掩淚勸黃盧。

九松歌

中元拜墓道仰視九松虬，鱗千尺因思先人手。

澤未新雖云祖德其所以致此者則大中丞黃

公之庇爲不淺也爲作九松歌

九松九松競傳久各載邑乘良不偶世人但說九柯松
烏議此松所自有世廟中年剪蒿萊此山祇一小培塿
余祖贈君覓牛眠買得胡家尋丈阜爲種淺松近百株
漸見扶疎大如斗改歲直歷昌啓間屹然十四翁髯叟
崇禎末逆劫灰催流賊殺人居民死孤城佈置營兵駱
虞羅龐左川中狗虞宗文羅九武龐添縱兵狂掠地無
皮斫伐不幸延山數世家冢樹鮮遺枝喬柯百尺供炊
日虬鱗倒刺霜柯橫既拔其五餘者九營官介壽諸軍
門怒激中丞歔兩肘大呼泣得好營規鄧家墓木今存
否倉皇失應頭低垂見竄賊門突地吼軍騎星馳去
邊悍卒八九攀松紐一時墮地死其三四人折脅兩碎
首怒毗裂指氣填膺汝曹作惡子執咎刮取松皮火印
箝殊書犯者不容口斷松左枝左手僣斷松右枝截右
手以此九松得苟全至今印痕仍未朽寒門薄劣叨殊
恩樂安黃公真高厚公諱配立樂安人余爲叙松松不
知招得空中張酒酒一松試進酒一杯醉眼看松卯至
酉吁嗟乎醉眼看松卯至酉問松誰是歲寒友誌書緇
罷聽余歌鄧九松兮陶五柳

述懷三首

天子真明聖諸公亦相才邊烽從此靖黨費不須開禿

髮宜髡刺輕裾易剪裁悠然循作息同軌倘無猜

美爾南來雁因風展素翎寧過蕭俛野不到子雲亭登

氣舒清晝孤吟寄紫冥江天何所託閒殺少微星

湖海亦何適元龍氣已非空園閑灌木荒樊夜炊薇籬

外山能古蘆中服自微所嗟梁上燕猶傍舊巢飛

姜端公率其次君見過

泥深方數尺何處破秋雯爲問驚魂定能無完卵欣披

緇仍奉母舉白且浮君遙睇錢塘路傷心是黑雲時長公尚

繫被

九日同方四松併其令子幼安周信臣陳大匡往

兄銓郭外尋秋歸坐北山小飲分歸字二道

過河剛幾步竹影亂雲衣戶敞蛛絲密臺空鳥跡微

倉三徑草野店半山扉不盡攀躋意爲歌緩緩歸

尋秋當谷口薛徑襯斜暉黃插滿頭菊白輪送酒衣還

山支石好挈榼得盤肥徒倚霜筇下深談待月歸

懷芥須

江北推才子龍眠李芥須三經席上客五嶽夢中圖依

骨看飛劍哀歌擊唾壺許多烏律操不分是桑榆

訪雙嶺先生

九年前一到離落正蒼涼瞥見收峰好雙嶺間有收

纔知避世強延山尋藥穴觸熱過僧房莫問斜陽路歸

鞍晚不妨

野園感賦

窮居漸覺世情乖
披褐投珠恆素懷
習習清風長滿闕
茸茸芳草欲侵階
閒看朱戶排銅獸
倦對青山挂鐵鐶
紅藥亭前千里月
曾隨歌舞到秦淮

寄懷左子衡

江水平連烟樹迷
懷君夜夜夢前谿
孤城白日惟防寇
四月青郊未荷犁
澤盡不聞歌碩鳥
山空但有聽寒鷄
那堪更發秦淮櫂
零落蘆花滿杖藜

送子直子忠再泛白門

作客江南已倦遊
漁人又買武陵舟
祇今海內誰青眼
莫令天涯嘆白頭
避世亦須求故劍
投身不願入清流
別君無限傷心淚
明日灘頭一釣鉤

元旦

迢迢烟路望春斜
壯士飄零九葉家
城上烏棲經歲雪
河邊樹老隔年花
幾人待漏含鵝舌
何處淒風突豕牙
聖主朝元如賜問
江南江北盡炊沙

自況

危城五月空朝炊
斗粟千錢恒苦饑
市上蒿目看人死
歸途努力還自疑
酒酣拔劍歌且舞
倒冠揖客笑復悲
兩三結伴出門去
黑雲蔽天狂風吹

吳生飲

吳生飲我十巨羅
左持美酒右太阿
安得袖底飛霹靂

直向天門舞婆娑
醉斫黃河萬千里
倒捲白浪東西波
飲罷酣歌忽復去
試將妙墨盾頭磨

送單達卿還臨川

客中送客意如何
客去西豐春草多
鯉石背曾傳汝水
鯨波今已滿長河
亭移芳樹勞勞曲
流年踏踏歌
兩嶂青山千里夢
應憐張祜在東阿

元旦

花信沉沉夜正明
海門風靜浪初平
披衣纔識西園夢
秉節驚看北府兵
挂劍人猶歌石溜
承盤露不賜金莖
却憐河雒朝正使
尚擁風塵望玉京

米玉堂雜興二首

百斛誰言力可扛
羽林高卧碧油幢
雖憑單騎難相見
縱築長城不受降
笑就屯兵須險隘
語云擇將必奇龐
長河南北烽烟起
安得淮陰夜渡江
皖江風動水潺潺
江上春雲未可攀
百子嵐封天柱石
八公峰接海門關
行營幾樹花初滿
制府單車火夜還
壯士祇今能退賊
何妨高卧泐燕山

從軍行

鐵板銀筆紫玉珂
隨征處處是行窩
携來河北青螺髻
勝作江東白鷺蓑
曳落朝眠三獸穩
阿那夜唱五螢多
爲官不及從軍樂
踴躍橋邊載酒過

贈左崑山

將軍十六擁金貂仗節專征已四朝
鵲印夜頒千島月
牙籌朝典五溪潮
繡襦侍婢爭騎馬
綺帳歌兒戲射雕
散髮花袍終自得
莫從旂上畫招搖

喜价人登賢書兼別又漢歸里

朱纓剪剪石麟香
君下夕陰六尺床
自是雄名驚鹵簿
敢言憎命有文章
辟疆不老徐無敵
克國難封趙破羌
揮手滄江何所見
數莖殘菊抱秋霜

慰楊機部太史

元戎露布竟銷沉
抱膝還來江上吟
常侍幕中開白望
將軍廡下積黃金
不憐宿衛師難飽
但說衝圍寇易擒
擐甲貴臣皆賜死
須知雨露爲君深

送杜開之少保入典府兵

羽林千隊紫茸韁
賜得飛書自未央
河北健兒爭飲馬
江南老將號當陽
雁門山畔三枝箭
龍驤灘前半段槍
君向秋風開曉幕
莫忘謝萬在胡床

喜得小范書

小范書多悲烈之語
大率爲感時憤俗而作也
滄海橫流處則豈敢嗟哉
范子豈獨以其貧哉
三千側理正飛塵
吹得松花自斲新
羊向藩中羸一角
魚從江上落雙鱗
王郎斫地非因酒
阮籍驅車豈爲貧
安得武陵秋水漲
將君高卧醉垂綸

暑中漫興二首

策射虹橋白玉珂
龍樓日照褐衣多
五花誰入千金市

一線偏當萬目羅
有角可彈何必鴈
是眉皆妬不須蛾
詔封想見臨軒苦
縱得賢良亦譽阿

繡斧稜稜絲棒遮
黃門烏府兩排衙
鼻音但識羣嗤鳳
牙植何曾解觸邪
諫草削成誰拔薤
詔書頒盡當宣麻
近來一味模稜好
荆棘銅駝總莫嗟

贈杜開之開鎮皖口

海門高矗擁金城
君是當陽第幾征
四世三公千鄂刻
一行十藝六蕃迎
星移蔣浦飛黃卧
浪卷錢塘太白橫
下馬賦詩還擊掣
肯教墜子獨知名

讀中丞公請獨疏志喜

西望寒崖草不葺
亂雲荒蕪與天連
鳳空祗有石堪煮
室盡兼無磬可懸
但得嶺南存孔叟
安知江北少由拳
流亡繪出千家淚
一紙賢於十萬錢

閱邸報有感

雲單銅樓月已過
鳳池鶴禁莫婆娑
安弓藏不是高飛盡
仗斥還因戀棧多
白馬灘頭何日滿
盧龍塞上幾人歌
聖明有道思如雨
千尺危濤海自波

賊渡江

屋裏將軍卧孟勞
也排大戟舞星旄
六發錯讀徐無鬼
四尺空聞晉有葵
但得出師何必捷
便能搗戰不須糜
浪傳賊走湖南路
起向中梁怒折刀

七夕

把酒爲歌鼓再行涼風吹露冷珠纓橋邊此夜看牛女
埭下何年薦馬卿乞願難填雙漢鵲同心猶贈五侯鯖
情機石畔三更月家在寒山夢不成

金陵感懷三首

朱欄翠杪六朝秋剩得秦淮日夜流天子幾時臨綺閣
將軍自此醉青樓金窩正見權無極石馬何心哭未休
寂寞臺城霜月老又從烽火望揚州

天壽山前勢已非黃昏無數雁南飛何曾銅虎頒銀鑰
但說金人臥鐵衣帝子不歸秋又老王孫有夢草難肥
那堪更話宮中事踏齒蛾眉見者稀

蕭鼓樓船傍夜多滅陽曲罷又吳歌果然催下閒司馬
莫問城邊載橐駝瑤圖有尊同北海金閨無夢不南柯
傷心猶見江東月曾照先皇玉輦過

抵皖城舊居

鼎湖龍去草堂秋十二招搖散刻侯祇道舳艫銜白下
誰知烽火出黃州曼纓一過兜鍪改聖壘千行櫓具收
嘆息海門兵變後萬家烟井幾家留

喜孫隨印歸里兼得司馬公書

落葉春風斷曉茵君從何處泣迷津三年不到懷中字
九死初歸海上人白社倘能書甲子滄江慎勿嘆庚寅
傳來一札真辛苦未及聞橫淚已頻

贈龍玄士

麴里先生破葛巾十年姓字老風塵尊醺倘可供朝夕
舊鹿何須辨假真籬下一花猶傲雪門前五柳或知春
杆敲雁足燈煤落爛盡樵柯恐是秦

葉聖野見過

角里邨邊却有君十年高卧洞庭雲漫誇諸葛真名士
不信湯陰出後軍對月共銜千歲酒停杯且醉五人墳
魚腸劍在專諸太痛哭爲文弔夕曛

送朱帛求歸銅陵

頻年作客酒杯寬不信悲歌行路難送子一帆辭寶瑟
計程十日抵銅官輕風野岸雲何懶零雨秋江夜正寒
想到飛英花塢上逢人笑整鹿皮冠

讀王瞻文近詩

詩中有畫畫中詩舊是君家七字師更說青鬟能發響
豈無白紵可摘詞十年未變狂奴態五夜還繙幼婦絲
徙倚木蘭僧莫厭紗籠不是飯鐘時

時瞻文寓崑山寺

送恤部侯赤社北上

珊瑚琬琰指長安明發瑯鞍曉露灑詔下金鷄題畫省
霜飛玉尺領秋官白雲曹借真循吏綠野堂開老法冠
謂六息先生也更說誠書方數紙春回棘土不知寒

送楊孟宣仲宣兄弟公車

驪駒並唱蜀江秋頃刻風吹十二樓楊柳折來三徑改

杏花看去六街遊青綾却羨纔揮毫紫纈誰傳已得州
簾外春寒乘輦路知君新賜兩黃駟

次還青見訪

莫向風塵老客顏幾年纔得此身閒官如田叔雖終拜
門是盧仝竟反關放後應思懷刺苦髡來不畏作詩斑
愁窩美爾真借隱何事浮家太復還

僧話

昨向招提飯後歸城南城北雨霏霏跋驢渡水泥汗陣
被益避頭濕到衣白社不聞人送酒虎溪因有客同饑
晴明再過春郊便一鉢清酥趁笋肥

李生

天素先生漉酒巾十千輪却未愁貧秋杆一局壺中興
市屋三間井上春閒濯靈苗人不識戲騎乳虎鶴同馴
明朝再陟羅浮頂定有丹砂辟甌塵

紀事四首

無邊朔雪與炎風盡說天王旬服同況此新生泥濘地
難教獨外版圖中不毛祇合尤時命加稅何因辨膏豐
但祝堯封長不改年年蠲恤到江東
九州是否亦歸墟似有紅雲護帝居山岳註崩曾不一
春秋紀震本無殊車郎自識烏桓地莊武休陳博物書
莫道長平多舊恨黃金臺下更何如
朝聞天子詔求言中外爭持敢諫旂商鉅馳河難止渴

祖龍滅火祇燎原荒垆遍灑蛟人淚旱海誰明孝婦冤
可嘆青蒲橫視草曾無一策到金門

錦纜斜牽舶越風降臣度嶺果驍雄千帆海浪穿雲亂
夾道蠻旗耀火紅驛傳竟持天子節官家新叙夜郎功
厦門瞬息夷門路翻笑終南捷徑窮

同吳夔田方還山陳越樓劉天瓊遊畫溪分書字
三十年前老大史誅茅偕隱兼著書何草堂罹兵燹
祇今龐谷成丘墟好山好水仍不厭一遊再遊夫何如
桃花在樹杯在手相看勿復增欷歔

次韻答還山將之漢中留別

蕭蕭三徑野花香詩卷頻年委雀床調律纔諳無字曲
我聊復效羣兒矣驅車又指談經堂千門柳向尊前綠
一路鶯翻樹杪黃遙計歸輶關下過桃林古寨正飛霜

遣懷四首

老年貧病不堪支病後貧深苦倍茲參朮療人功較少
巾裾揖客禮嫌遲但憑箕踞時相見漫說模稜竟可師
不是狂奴迂拙甚君房原自十分癡
澤畔行吟懶記年盤跼爲少買山錢亦知金盞防交改
落得才疎免世嫌石徑漸開清似水團瓢新築大如拳
北窓聊復愁愁睡那計林泉與市廛
禮法從今漸可刪稽遲豈是老逾憊癡頑自笑三生癖
愁病多因百事艱爲少官錢驅犢賣兼無藥直典衣還

黑甜鄉足容吾懶不信霜苓駐客顏

老我甘留醉尉驥橫塘一曲故鄉人林中明著黃皮袴
市上難寬白氎巾爲治逋逃苛比戶且裁罷亞避荒屯
官家近日容羣盜不許田間有逸民

同還山碩人閒步北郊遲士雅不至

側杖行吟傍短橋河邊柳翠未全消難當瀑水侵欹岸
細數茅菴半舊朝遲客不來魂欲黯別君既去手還招
霜筠儘可偷閒看莫待春風犯露條

詠懷詩次四松先生原韵七首

吹竿鼓瑟總成悲痛哭橋邊失所期萬里風霜歸巨關
十年辛苦託牟尼但從長夜調新曲莫厭飛流洗惡詩
留得迂倪秘服在此心寧復畏人知

昨向西山頂上行漫教草草說逃名狂奴未灑孤臣淚
蕩子難拋少婦情皇甫不須爭黨與司空聊復傳容成
抱頭廡下憑君卧莫聽天邊戰鼓聲

笑我多疑不是疑頭顱祇許鏡光知先生敢信歸鳥有
棄婦何顏却妬誰半繫藩中難再觸馬驚橋下竟何裨
朔風吹散陰山雪正是黃冠採藥時

嗔殺君房試地癡閉門低唱舊宮詞風人多難原同夢
漆室殷憂豈在葵江畔有心憐續夢河梁無淚濕新詩
生來七尺非戾骨悔却彎弓學射時

銅柱高牙斲舊銘方知畫虎亦難成蹉跎白髮餘紅友

斷送朱顏是墨卿老伴漸看爲異物時盛子又兄端
不媿平生傷從正兄北邙縱有幾魂在枉費驢鳴一片
聲

零落桃花一杖藜東風吹徧武陵溪多情阮肇何倖倖
薄命王郎忒慘悽軒冕不曾辭舊冢雌黃今已到荒蹊
葺菴懶性由來辣親向柴門小字題

昨夜烏啼枕上霜金閨曉夢越悲涼學彈却恨琴先碎
欲舞翻嫌袖不長太婦凝粧辭翡翠小姑新樣有琅璫
勸君莫嘆知音少贏得知音已大傷

次滌岑贈還山移居

庭樹曾封十八公先生坐卧儘春融如何不掃陶潛徑
到此翻疑阮籍窮藏藥籠偏收淨洩賣官諺亦付蒼通
同卿第宅雙車蓋夢得前身洛下童用賈島故事

喜半僧至

半僧子友徐子羽先別號也別徐子且久傳死
傳病者紛至新春徐子候來驚慰交集詩以志
之

宛在亭前識半僧招提明月伴枯藤壚邊笑索三升酒
醉後狂書十丈綾老去有情甘坐廢君來雖病亦宵興
開門瞥見驚還喜多少傳言任愛憎

次還山韻再贈半僧

記得清風亭古渡頭同君三醉夢花秋祇今勝却千言

在笑我曾無一絹酬木榻有情誰破老柴門借徑亦通
幽籬邊半畝消閒地也當名山五嶽遊

次還山韻別半僧

半个山人半个僧若還初服竟何憑菱荷製就雲千片
髭鬚堆來雪幾層搔首有詩同謝朓振衣長嘯是孫登
別君但願君無病莫倩壺邊賣藥燈

送還山如維揚赴季父坦菴公棧

衰年筋骨渾頽唐七十將經強更強霜雪兩人殘歲懼
乙巳冬予與還山同舟南下 烟花二月早春裝夢驚梁木啼鸚鵡枝
老梧桐弔鳳凰莫向東風重惆悵揚州原不是他鄉

草堂四首

草堂到處綠陰遮入夏猶聞滿徑花晨起閉門修淨業
客來敲臼試新茶松楸月見封時冢蘿薜陰連放後衙
山鵲飛銜梅子熟一聲清磬落誰家

蓋頭一把儘安身強過卑田院裏人佛火幾龕容我乞
官齋半壁許僧隣烏皮几借蒙恬筆憤鼻禪羞董相綸
如壁漫勞朱絡馬吳興東老是孤臣

漫嫌紫袿與蒲編吾愛吾廬十一年無社亦甘元亮白
雖亭莫尚子雲玄梁州司馬詩中史謂四松也瘴海勞人舌
上蓮謂芥也低說江頭潮水濶風吹不到硯邊田

不是顛厓老更顛黑甜一枕夢中仙壺虛莫信天生種
瓢笠翻多物外緣白苧祇應歌去後赤松未許說從前

五千插架成何用持與當爐算酒錢

過大羅菴贈與疎屈遠兩上人

舊傳無著與天親外此誰非過量人偶向柴關驅獨轆
來從木樹證前身無花果熟千年核沒底錯炊五合陳
一卷撥零君莫詫虛能原不識風輪

讀蛟峯遺札

竹榻蕉窓四十年西風彈指泣新阡傳來一紙痕成血
別太三秋淚是泉數馬自知清吏苦臨棺纔頌老妻賢
大夫第宅生青草剪徑還須范仲漣

賦得秋風獨閉門三首

不是狂夫竟閉門祇因林下卧窮猿空留前後千言表
未報涓埃一飯恩近市黃來桑柘酒沿山招得杜鵑魂
恁教歲歲啼成血定有精靈洗帝閭

莫逐閒行莫閉門四衢一任石牛奔鼻音豈爲鳴斯斥
懶隨翻因補得痕河上秋砧聽自冷籬邊荒徑葺猶存
石壕有吏捉人太不敢高聲淚已吞

露下茅齋靜閉門短松叢竹伴朝暾衣冠不辨誰今古
臧否何須費吐吞棄婦藁砧千載恨公孫布被七朝恩
行吟豈必江邊路顛顛山阿配屈原

同還山木屋西山送秋遂過木屋索飲

遊人無計挽秋歸手把黃花上翠微觀是玄都桃不見
園非沁水草猶肥祇嫌未載籬邊酒好任牢關竹裏扉

散步石經齋下路却拚一醉答餘暉

冬懷次四松韻三首

旋風吹樹雪花乾皺手何因上井欄祇爲六書無紙習
翻留七字與人看冰蠶漸老絲空績秋菊全凋夕罷餐
不是鹿門學步穩舉頭原未見長安

高樓百尺有人眠不比春風王仲宣辟世休嗔靈照女
在家亦坐嬾殘禪繩床冷豈嫌支石破屋疎綬得見天
解識新豐鷄犬是舊宮人莫話從前

戶閉深山却讓誰晨窓僵卧雪飛時三冬足用迂臣朔
一記研都廢左思莫遣塵烟荒客夢但携酒脯祭殘詩
泥盆淺小青蛙憩肯令春江鴨得知

贈副憲程章菴先生建牙江上

朱竿翠電紫遊韁十二招搖繞步光詔自虎林徵北府
符從鵲岸拜南陽太平天子初承漢江左夷吾舊破羌
已見銅駝生赤棘誰憐金鳳失黃楊檄書飛盡仍安土
諫草傳來但畫疆轅內幸依程不識軍中定畏左難當
黃龍痛飲寧辭醉白馬橫呼豈是狂赭阜紅雲懸黑羽
丹湖清月點蒼琅恩深敢謂身難許仇復應知心已傷
近識與公勞賜問承明新捧屈阿璋

上之回

翠輦指回中千官擁玉驄不知誰獻頌江漢亦朝東

玉階怨

小院歌聲歇空階夜月明幾回承輦處春草不曾生

劉生

白首相逢易君恩欲報難床頭三尺劍曾未借人看

迎鑾曲

潮擁江門接御溝漢家天子夜乘舟兩京夾道三千里
不許垂楊壓上流

涼州詞

霜滿孤城旅雁飛寒時未寄熱時衣閨中不解涼州冷
猶向纖羅泣斷機

邊庭怨

莫向西風泣斷魂歸心一夜過荒村堯時有道思如雨

夢裏還家亦是愁

征南曲

昨夜圍營又點兵漢家新拜一儒生銅符十道催軍出
大燭胡牀看月明

燕雙離

良人遙向賀蘭山漢水桃花不度關一十八峯春色裏
峰頭曾見幾人還

昭君怨

蕭蕭毳帳起塵望斷南雲不見人惟有青青原上草
當年曾識漢宮春

綠珠怨

愁對寒林滴露梢
妾身不惜掩荒郊
他生但作高粱燕
長傍春風理舊巢

隴頭水

美人昨夜卧南樓
夢裏牽衣話隴頭
醒來不識秦川路
猶記河聲向北流

游女曲

十五女兒著絳紗
曾將顏色比梨花
粧成結伴尋春草
羞指前邨是阿家

巫山高

巫山峭石天與齊
巫山峽裏白雲低
行人莫向巫山路
猿到巫山亦夜啼

春詞二首

昨夜誰人吹紫簫
東風陣陣響雲翹
玉鈴小閣紅棉冷
錯過揚州刺史橋

估客揚舫下建康
江風千里自襄陽
勸君莫愛舟行順
逆水西流是故鄉

壽蜀藻母夫人六十二首

香娥五色不堪陳
桂影當筵脯壁麟
天上一星何所指
松聲閣裏太夫人

不從花信問春風
手種龍鱗冰雪中
六十年來滄海變
此心直與此松同

再贈徐子羽先二首

練川川畔老頑民
七十無家不當貧
記向臨江埋姓
至今秋浦說詩人

煮字齋頭耐久朋
三年不見骨嶮嶒
爲君磨得青鱗髓
一首新詩一幅綾

催妝詩次還山韻爲王願五太史賦

絕世佳人冰雪姿
凌風剛起及瓜時
遠山翠出邛江外
祇爲王郎好廣眉

戰城南

殺氣蕭蕭鴨水秋
寒鴉銜肉下金州
爲君市盡吳蠶繭
接取長繩繫口頭

玉階怨

昨夜誰人唱後庭
庭花空捲對寒星
多情莫怨秋風冷
複道于今柳尚青

行路難

露陌新裝塞上行
逢人莫漫說劉生
如今天下風胡少
寶劍千金枉鑄名

戲贈江伶二首

謝家風味杜家粧
不貫珠情是小郎
換得金蓮剛半折
也教當日嫁王昌

一般結束埽邊娘
替父從軍不姓秦
眉上曉峯青片片
疑君竟是女兒身

龍眠風雅卷三十五目錄

木厓潘 江蜀藻輯

崑山盛符升珍示

同里姚士基履若

楊臣諍 四十八首

齊程 二十四首

李明柱 六首

汪天際 九首

胡如琯 四首

汪必達 二首

王敬修 三首

齊新 二首

劉夔 一首

張克佐 一首

左國柱 四首

吳天放 二十一首

吳兆鼎 一首

齊登祚 二首

龍眠風雅卷三十五

木厓潘 江蜀藻輯

楊臣諍 字古度又字無諍生而方穎豐順然長德

方中丞大任蕭山來司理集之投分最深司理官
院日羽書旁午暇時輒延之入署論文然安貧樂
饒絕不以竿牘涸以是益敬重之甲申從秦公制
舉業慨然欲為承學南車掩前教授精研調故致
志字學所刊行禹貢箋禮經會元龍文續影其一
也崑山徐太史與齊雅相推許晚歲僑寓青溪
館同里吳易久可所欲流布其書刊未刻諸著撰
而不果歸里授經一載而卒年七十有九所著掌
樹軒詩清疎婉約有衡門風人之遺其友李雅陳
先許來惠草私謚為述古先生而于為哀詞以誄
之

送鍾養淳還臨印

我登天柱峯送子還天柱兩山不異名胡為獨異路

江萬里舟汎汎入烟霧歸卧挾仙樓峯頭狎杖屨山

花正濃知可怡遲暮寄語問君平一散何當聚

居巢道中望亞父山

亞父事重瞳亦欲為人傑惜哉事不終空劔彭城血七
十好奇計腐史何多缺當年魚水歡一旦遂民滅所賴
故山存途人仰啼噪

董子九先生罷官居皖者有年來元成先生屢書

趣其歸田過我言別賦贈

董子稱醇儒三策明風志一官冷且微聊爾寄游戲強
項恥從人亦復遭時忌歸櫂滯江湄莫遂尊鱸思所幸
富良朋日同花鳥醉涉筆做米顛落紙多殊致安道在

劉溪何必非家地西陵有故人時以書來遺柴桑五柳
間未許疎儔類因之理歸裝賦就初衣遂過我俛言別
別太仍不易鑑湖一曲中久勞吾寤寐狂客有遺蹤行
當深仰企兩翁夙我知從遊應不棄相與樂林臯天風
爲鼓吹吸盡沈醺川唱酬敦古義

送方緇山先生遊匡廬時無可大師任錫歸宗寺

先生擬過樅陽要錢西頑同行

江州白司馬匡廬久在念所以香爐峯草堂遂戀戀意
蓋慕淵明晚節稱獨善公今早投老勇退洵足美白門
作中隱日夕恣遊讌莫愁湖水鮮雨花臺草禱時流吟
巖徒鍵戶不相見一旦憶匡廬去去舟如電錢子心不
雜維舟遯更便况有無道人棲息歸宗院相期度石梁
甘露應同讌還上五老峯縱觀烟雲變坐憩水簾泉汲
之資茗戰詩尋味外味合來成一卷我實老烟霞未克
相扳援此志會應酬詎因老至倦溢浦聽琵琶不必淚
如霰

水草菴黃海岸先生殉節地偶同子捷過之

招提居水草因以水草名水潔能不波草勁能獨榮志
士得死所孤忠許克成綱常萬古事一木誰能撐慷慨
難可及從容尤莫京血已化爲碧草秀水逾清我來同
令子懷公氣不平廬陵歌固在聊爲一重賡

潘母吳太夫人松聲閣落成

爲愛松風清乃構斯傑閣仰止閣中人清操類孤鶴
檣面發光晷影當几落掩映史與圖髣髴青藜灼詩律
細堪哦不更嗟蕭索閣下富蘭蓀幽香時復作會覩河
陽花遙對增煥樂何似懷清臺雄峙依林薄

淮安放生池觀競渡

自在天地間有生何必放惟有勝生者斯以放爲上一
水環琳宮危橋藜可杖凭欄念佛慈水日光相盪競渡
一時喧鱗介驚多狀江海大生塲縱太生無量區區一
杯水雖生猶不暢

瓜州古渡

瓜州古渡頭蜩雜如相迫恬不畏風波喧競無朝夕或
客子爭舟或舟子爭客高高浮玉峯往往繞其腋略無
山水情茫茫亦何益寄語古今人奔走殊非策

讀谷語大師黃山歌作

劉覺岸先生歸自黃山以其賦投谷公谷公喜
而作歌子輒併取讀之以當卧遊因復作此

孫綽賦天台杖屨何曾到繪者圖其形作者領其要圖
僅得其膚賦且臻其妙鏗鏘金石聲山情爲寫炤黃海
天地間已鑒元化寢在在富奇情古皇因證道作賦有
劉公親詣窮其奧寫炤殊更加形情兩逼肖吾師展未
著觸賦心神造琳瑯千百言寄題據所好何必遜永嘉
均非徒觀貌浮丘與容成招携在山嶠媿我徒羈棲不

克鼓遊櫂師拍浮丘肩我覓客成窻三十二峰頭放歌
成四笑

送吳久可還里兼柬潘蜀藻方臣梅爾從諸子
之子家于此尚有故山心豈以我心切而不念舊林送
子三山道遙矚三山岑不忍速分手况加年鬢侵桐鄉
老兄弟定應懷好音三秋倘卒業自賔歸去吟佇立見
子太江風吹我襟

問瘞鶴銘

鶴骨不可拋瘞之洵有理更復有其銘鐫石焦山址
陽有真逸誤此亦何以惜其駕凌空羽化偏遺此道致
令人欽右軍容竊比好事有歐公摹之貪不已六十字
有餘奇情均克紀鶴兮胡不歸鳴徹秋江汜虛令瘦骨
存銘沒江之水我來強讀之斷續無首尾會當摹獨完
前賢徒失喜

辛亥夏初訪來倘湖老師于西陵下榻拂雲世兄

讀書樓喜拂雲時至快譚久之因有此贈

元龍百尺樓欣容客子卧錢塘江上濤聲從枕席過日
長就晝眠客夢頻爲破強起面南窓廣陌南天大有水
向山環有山迎水坐僧寺一浮圖听夕聞功課江鄉正
麥秋田歌如屬和胡爲客思煎點點渾無那賴得主人
賢談笑生珠唾清風引竹枝悠悠經客座

蘓堤

蘓堤好楊柳何年始盡禿西子眉黛空胡以施面目遊
客固無聊行人徒僕僕幸有六橋存徙倚望天竺遙遙
一望中更多樵與牧嗟哉古道傍累疊者誰屬向惟岳
與于今古分榮辱此物奚宜至增我眼中粟幾時楊柳
枝厄盡能來復千條與萬條能騎北山麓令吾畫舫中
當春迎嫩綠眉黛但堪描不妨時一蹙

壬子仲冬同里留別吳久可

塞雁日南翔吳江楓已落鄉心忽自縈不畏江波惡好
客古人風憐君誠古若頻年梅嶼梅相將恣行樂不惟
食有魚消遣親杯酌亦復出有車相羊山水國是以至
如歸不信人情薄咄嗟老景來頓爾懷丘壑君饒用世
資我姑安落魄書畝不逢年憔悴如孤鶴歸覓故山春
聊以當五嶽霖雨需吾田終應須汝作

石馬潭

石馬潭中石似馬藤蘿作轡牛堪把吹風打雨幾千秋
渴飲長流老未休我跨點驢潭上立泉聲哽咽若爲泣
誰將駿骨市千金壯士徒懷伏櫪心不如且作山中客
山上山花紅復白醉采山花石馬潭潭空一碧映山嵐
人生尋樂應在此富貴功名槐國蟻

千金亭閱韓侯釣臺碑

釣臺苦不高韓侯曾戢翼饑來誰復憐漂母真奇識得
志投千金國士誠無匹可笑南昌亭長妻爲德不終良

可惜晨炊蓐食胡爲哉百錢之辱悔何及我來亭欲圮
石碣空峙立千秋淮水東南流投釣難干漂母食

訪林茂之先生却贈

翁名雅並鍾譚傳知名實在鍾譚先霧靈先生具別眼
更名拔置樹人前先生原名森阮堅之先生司理武夷
福州取冠童子軍爲更名古度武夷
遊客屠儀部酒酣擲發當筵鼓司李風流集羣英末座
詩成投水乳阮先生大宴名士于烏石山之勝亭儀
部居赤水戲爲漁陽三弄先生與曹能始
賦此時知有林與曹不信鍾譚克爲伍從此芳聲達帝
京移家侍養秦淮許秦淮笙瑟自繁華詩思文心衆口
誇雙劍不逢雷令識孰別干將與鏌釵鍾譚光氣初未
顯翁能辨之爲上家厥後名始噪天下與翁洵屬同聲
者狎王騷壇數十年程今淑後敦風雅翁今八十有五
壽幾度滄桑看反覆憐吾淹蹇霧靈鄉許吾入室親蘭
臭似翁淳樸世所希和靖風流欣復覩景翁高致學相
如名字何妨敢多又余竊以先
生諱爲字

同王振先左子吉過吳汝夢園亭看六朝松歌

中丞第裏松蒼潔蛻盡龍鱗忍霜雪見說栽培自六朝
古幹虬枝堪寄悅下有怪石稱紫烟狀似胡僧難玩藝
衆石相依近遠分環拱高僧撐歲月松能化石昔驚奇
貞性正無優與劣衆石安知非衆松前身後身誰更別
幾番易主屬中山帶礪盟寒感興滅及歸中丞授子孫
子孫世守依庭樾來看不必問主人時汝夢
他出好友相尋

門未闢俯仰興情松石間箕踞久之真快絕俄聞松石
作龍吟如和詩歌鳴復咽

賦得石傍梅花橫

此粵東屈翁山句也春日同久可諸子飲梅嶼
花下摘爲題

梅嶼怪石競嵯峨寒梅欣託碩人適綴萼含香亦已久
吐舒直待春風和和風纔至春強半花開頓覺春光換
有石有石傍花橫主人爲列青玉案杯底時聞有暗香
繁星墮入影零亂日昨曾爲花下吟據石徵歌聲振林
歌向花神羞不語石言應擬憂球琳對景胡爲終默默
石自飄兮花自白豪放還須讓酒徒花樵石眠歌不歇

別方爾從三月矣忽夢見之晚起遂得來書却寄

幾月不相見故人今何如夜來方到夢江上忽緘書百
里干戈後三冬霜雪初何時花下酒相對慰欷歔

夏日過孫烈卿山莊

地僻堪棲隱龍山舊草堂水高魚性適雨過稻花香
架縹緲富楸枰墅局長更容吾信宿尊酒說滄桑

田家卽事

田家樂無極白水滿平疇飯犢堤邊樹房蜂宅後樓
乘時作果麥趁雨成秋飲我床頭酒羞誇萬戶侯

吳爲席移寓就于賦慰

可嘆家多難淹留白下城一身全不惜大怨始能平

被偏吾就醉醪共爾傾歸心知有觸風雨夜來聲

喜晤錢亦友即送其赴龔大司馬幕

幾載疎吾子何緣聚石頭謝安當日宅孫楚舊時樓我
挾殘編老君携一劍遊此行司馬幕勞歸古宣州

夏夜納涼有懷李士雅方爾從左谷若

我愛梧桐月清光是雨餘雲流星自轉風細暑全除鄉
國頻年隔朋儕兩地疎何當重聚首談笑舊蜩廬
雨中久可致酒獨酌報以詩

積雨十餘日愁因感病身殘花堆曲徑野水漲平津強
飯步能健銜杯詩有神多君青眼在點檢白頭人

宴起示內

唱隨垂老共昏晨相敬仍宜似主賓枕簟秋深惡晏起
干戈叢裏得閒身女嬌學語能調舌僕陋嫻炊議徒薪
白髮慈親如有問道吾雛易近尤聊

癸卯夏仲寄懷來元成老師二首

纔當強仕卽懸車二十年間掩舊廬出簡知防人而冷
居安能縱已情疎倘湖非賜堪移擢偶筆多函附遺魚
上下昔賢何所似香山社裏白尚書

南行偶筆先
生詩刻也

年來倍慨久離羣老幸仍能不倦勤故是墻東聊避世
也教硯北有雄文幾番欲問錢塘涉怪底虛停皖岳雲
何日一過探禹穴重令白首事河汾

重過胡緩山先生賦贈

八十餘年住世仙繁華偶寄地能偏携來皖岳峯前景
散入秦淮水上烟丹竈茗香留客久綠窓棋響讓人先
鬚眉許我同公白一度相過一共憐

法雲菴在攝山桃花洞北岸王茂遠先生讀書處

同諸子坐恒修上人靜室因贈

萬松深處桃花洞彼岸幽棲獨結茅半衲夏寒簷下補
一編齋飽榻前鈔客來率意爲將送茶至同酣作笑嘲
見說山陰王茂遠曾從方外定深交

蔣潛伯客鄧太史萬竹園同方繡山過訪

名園築就鳳臺寬修竹青青足萬竿驚見一天皆是綠
怪當六月亦生寒主人賦就云能遂客子吟成我自安
亭樹快容吾輩賞水邊林下得接觀

送棲霞竺菴和尚歸衡嶽

久別衡陽舊竹關霞棲六載陡思還途瞻夏口仙人駕
舟觀君山帝子顏到卽募碑撿古蹟倦應煨芋了餘閒
臨岐獨我難爲別七十二峯雲樹間

皖上柯敬亭守府邀同許又重暨令弟子升小飲

賦贈

汗馬勲高推兩越不關識字悟真空

公不多識字
頗悟禪理

頓解功名謝筇杖頻攜烟水窮卜築已能隣許劭問奇
偏喜覓揚雄趙州橋上應相值投老知吾志蚤同
同姚聲戾王其人暨久可簡可過隱仙菴訪樵陽

羽士不值

兩度相過道院清，俱逢庭際縱梅英。
鍊師偶去雲深處，客子難堪日晏情。
寶劍明星光可矚，丹爐活火候將成。
坐來石上天風吼，傾耳如聞鶴背笙。

賦酬何省齋太史

焚魚尙屬少年場，踴躍何妨適醉鄉。
謝傳奕綫方嘯咏，桓伊笛罷復徜徉。
書從鰲禁攜來讀，詩聽鷄林購去藏。
青眼偏加華髮客，却令亭草頓生香。

已酉梅嶼元旦

秦淮六度逢元旦，似許并州作故鄉。
時事諳來煩檢點，人情歷盡識行藏。
頻呼如願三杯酒，敬祝宜春一瓣香。
遙憶家山烟柳色，又應眠起試新黃。

登采石謁太白祠

夢寐懷公數十年，纔瞻廟貌夕陽邊。
騎鯨天上知何似，捉月亭前自可憐。
俎豆歲時今更烈，書圖筆墨久當傳。
蕭尺木先生筆應攜謝朓驚人句，搔首從公一問天。

飛來峯

何從震旦稱天竺，靈鷲有峯飛到來。
萬佛慈航棲石定，衆僧貝葉逐崑開。
湖光空濶澄明鏡，山色紆回點翠苔。
底事飛來不飛去，也貪一路竹松梅。

與諸同舟遊虎丘

姑蘇來太泊行舟，五里河干到虎丘。
夾道松杉迷佛殿，

沿山蒼翠繞歌樓，可中亭敞誰分食。
說澆臺高孰點頭，

泉滿劍池僧共汲，石容趺坐客因留。
王家別墅成烏有，

白傅長堤尚得遊，笑底四時多皓月。
吳儂看月只中秋，

袁中郎謂蘇人四件正緊事中秋無月虎丘山其一也

石巢故址

石巢荆棘滿殘瓦，卧鴛鴦可怪重來燕。
殷勤覓畫梁，

江城晚眺

萬方多難此淹留，日日江干見去舟。
飛鳥不知人欲倦，殷勤啼向夕陽樓。

雁來紅一名老辣嬌

春草芊芊漸及秋，冶容忽變訴誰憐。
徐娘嬌媚猶在，濃把桃花插滿頭。

同唐孟嘉登射蛟臺

射蛟臺畔一維舟，結伴登臨正及秋。
武帝旌旗何處是，盛唐今古枕江流。

過舊院故址

舞榭歌臺不記年，只今荒草共寒烟。
慈鴉仍戀枯楊樹，飛去飛來夕照前。

卧雪口號

梅嶼方春雪滿簷，卧遊漸忘被池寒。
門前幸少長安令，日出三竿夢未殘。

讀楊椒山先生登焦山詩

焦山之板楊子碑有句突兀光離奇生平願直此已見
那能不怒嚴分宜

秦淮竹枝詞

儂家粧間而秦淮笑倚雕欄水鏡開盞漿誰家儂薄子
戲將倒影拍香顚

齊

程原名維程字遜玄又字子安生有殊慧五歲
記能誦經為人言之解剖脈理分刻節度不與毫
末尤好讀離騷古樂府故其詩原本漢魏又手
擊鉢可數十篇然未嘗存稿詩成明日已忘之矣
草書任放有筆力爲人如海鶴臨風貌逸神王不
可緘其佳句如暮中甲滿三千士江左雄連十
二城羊質枝梧皆壯氣驕鳴翁難盡虛聲天無日
月都歸海漢有孤憤也是星潮信只沿歸路太秋
風不顧客心愁蘆中有士觀流水行上無衣畏早
秋或青元或滄浪皆大雅之遺也崇禎十五年春
客都兵鐵交江大姓潘蓋室南渡河上道經之
諸臺官詩十首音節悲壯得風人誦論之音卒以
饑疫歿于園城中年纔二十有九詩篇無一存者
陳子越樓爲幸憶十四首于又編訪之里人口中
得十首存其崖略遺文良可從惜

軍城雜感

城中緝脣撞龍牙市上橫尸雜作沙犬吠白燐遮白燒
烏啼楊葉復楊花婦人盈幕偏揚鼓蕩子從軍便有家
此日羅敷前進酒莫言夫婿執金吾

喜大兄歸里

亂後還山掩舊扉南窓高卧復垂幃清琴欲鼓蘭爲操
白草先歌露易晞鶴去不知城郭恨雪深偏帶脊令飛
自兄一別虛堂冷大被從今莫暫違

贈汪大年

翩翩公子愛遊觀南北烟塵路渺漫閩海龍吟孤月落
薊門鼓吹落花寒五年白社懷高士一曲清風解佩蘭
只此和歌還把袂不知中外幾周旋

喜周農父歸里

鼓枻乘潮幾度秋故園何事一淹留長江夢去孤猿斷
芳草人歸白鶴愁湘水有靈雲不散秦庭猶在淚難收
高歌一曲同君醉南北風烟滿戍樓

送吳湯日公車北上

天子徵書重羣廉美君三十美髯錦袍並賜青蓮紙
繡段難酬皇甫繇北至鴈悲霜稟稟東征人賦石衡
何當折柳長安道馬上春風舊酒帘

雜咏三首

狹巷官車路不平錢茅青草滿城生釜邊有岸頻來食
井裏無葵未可烹野馬清宵行子淚社廳永晝逐人鳴
顛危潦倒殊無賴痛哭空餘九辯聲

閉戶當知病與貧王孫小小不依人雖頭有雪何曾飽
劍上無膏未可親浪蕩鯢鵬悲海水亂離兄弟老江塵
昨來寄我青龍笛吹作西州一夜春

日出東南紫笠違補牢無計牧羊肥橐中蕙苒原難載
山上蘼蕪又苦饑皓首尋盟當世少素統臨別贈君稀
淵明乞食羞重趺醉卧昏昏試掩扉

奉懷尚璽方仁植先生

居人已罷梁園賦，樅水遙連淮浦涯。江上幾迴孤雁返，
亂中曾見尺書遲。高堂白髮應無恙，帝里清風似昔時。
好是唱酬三月暮，陰陰芳樹滿庭垂。

東點公

陳子英風凌古賢，濯纓同我向清泉。沙飛隻影何勞射，
壺載中流不肯眠。漢有鼓狼皆刻宿，琴無宮徵莫調絃。
自來惠問石交者，懷袖殷勤非一年。

望南嶽諸臺官六首

漢家天子定宸居，萬里關山負壘書。黃道百年留虎帳，
戈梯當日下蠻夷。夷門北向心猶在，長老西都賦已垂。
多少材官承重地，飄搖風雨未應疎。

鍾陵淮水海門通，吳楚烟波一望中。鐵鎖夜銷寒浸月，
戈船朝跨浪迴風。祁禱戰士歌江北，刺繡名姝怨大東。
漢使節符曾不至，逍遙河上立奇功。

筆輅舳舻泛海長，九州輸貢渡維揚。桂山曾見珠璣重，
越國空傳翡翠香。未有青苗供御府，幾增權稅擁貂璫。
飛沙野鬼都枵腹，寧作侏儒侍武皇。

燕門露布出天山，齒騎猶窺瀚海灣。孤嶺日斜吹箴築，
龍堆月照冷刀環。空教折柳穿金甲，不分調脂點玉顏。
中外艱虞誰底定，征人白鬢幾時閒。

健兒十萬滿湘道，征馬嘶來帶寶鞍。臘月羽書鴻影斷，

據門風雪劍花寒。毒狼有血誰消渴，壯士無纓未整冠。

幸有漁陽今刺史，出車獨願謝史道樓蘭。

太傅榮歸宴錦棚，袞衣高照滿皇京。四朝錫命三丞府，

九載司綸萬里名。各破斧莫辭霖雨會，鼓刀須慰大風情。

故園陶穴天王地，元老還須達聖明。

古意三首

采采芙蓉夾粉蓮，烟波憶得五湖船。如今天下登徒滿，
石上青苔不可憐。

美人昨夜卧南樓，羅帶因風挂玉鈎。夢裏相逢話征戰，

起來夫婿隴山頭。

風前一笑舞輕羅，何處花飛白紵長。只道盈盈樓上女，

未曾十五嫁王昌。

答人餉茶

日日加餐病未輕，山茶一角勝金莖。登堂未發封書看，
老嫗先知是少卿。

送趙又漢之白門

桃葉風清夜景寒，故人歌嘯滿長干。何當更送君南去，
渡口乘船月正團。

然四有筭筭之痛詩以慰之二首

並蒂花殘風雨餘，少君原未挽香車。雙溪多少茅柴酒，
空復遲君讀漢書。

淬劍光寒露雨侵，計詞選動海頭星。會稽折折靡蕪草，

紫玉安能憶紫砧

爲謫凡答爾止

漏滴蓮華酒滿觥玻璃未賜草清平洛陽此夜無春到
何處風吹玉笛聲

李明柱

字仲臣明經芝石公之伯子也天啟間諸生
性剛重寡言笑家居授生徒少年學于猶知
向方者必引而進之予兄弟受業先生之門時有
質諸論難剖析毫髮疑義豁然至今師承其風教
生不妄交雅與樞部馬正誼相友善讀
珠莊集中詩贈答詩可彷彿其爲人也

旅舍感懷

香添繡几續寒暄一榻春風出絳幃庭草已衰諸弟散
園梅雖茂十年違鴈鴻江上初傳信虎豹城邊未解圍
臥東山堅不起書生何處賦無衣

客中送別馬倩若

中流共擬布帆開別館淹留客思催搖落愁看河畔柳
迢遙憑寄隴頭梅稻梁湖海還蕭瑟松菊丘園付薜苔
把臂鄉關堪屈指烹鮮沽酒射蛟臺

春日潘蜀藻歸自白門就寓書齋喜賦

落莫春風識小園綠楊繁葉翳蘭蓀縱橫欲就功名薄
山水猶聞風雅存簡略扁舟同郭泰淒清一榻下陳蕃
舉杯爲理南歸計別業論文未可援

旅中送馬孔璋之白下

蜀西相逢君且醉別來累向夢中尋冷分秋浦羈人色
歸引秦淮道子心渺渺有懷虛北道招招須我報南金

長干市上煩傳語來有狂夫碎古琴

水中鴈字二首

矯翮揮毫落陣雲空江終日對丘墳馮夷便是秦丞相
羽客何如晉右軍蹤迹劈來過九勢墨痕穿透詎三分
懸知覆筭山頭石也欲銜蘆塌古文

渚澗沙寒羽翼沈蒼翁篇外別傳心雲書不用三都紙
海墨難酬百濟金下視青天隨意點空浮碧落幾人臨
萍踪浪跡皆成帖有客旁觀俊不禁

汪天際

字無際號芝城爲人自管美鬚髯風流跌宕
任達不羈制舉義脫畧絕尺在錫增稱飛將
軍用是坎珂不遇幸于龍舒之講席如此人曾不
得四十鳴呼嗚矣所著詩有也足軒獨吟存愁吟
諸稿皆豪邁不經師匠其戲和令香二宇韻如花
氣露蒸蝶夢冷苔痕雨洗石文香結聲碎切風清
令鳥起翻雲宿亦香柳絮輕沾書帳冷海棠嬌
紅廉香深院梨花鴉啼冷開汀漁笛月魂香豈食
人間烟

苦雨慰內

老龍奮鬣天門吼崩雲掣電摩空走漲却平蕪十萬家
畫嚇金鴉夜抹斗槽團甕室僅容臂潑暗窓通眼似醉
壁顛子夜瘳虛聲兒女拳僵妻膽悸獨有髯翁意不然
鼻鉅肘露抱書眠古來達士都如此幾見堯農種石田
畫棟黃茅遙作主勞勞閒笑世人腐何必嘈嘈說可憐
會向他年先後補

倩白頭

綠窻有女削鉛華壓盡都城十萬花阿翁阿母殷勤惜

金錢暗卜落誰家阿翁躊躇三復四魂驚飛眠床

同母嗔笑阿翁癡字時珍重隨兒意靜鎖羅幃紅玉香

不逐鞦韆架底狂三十四工針繭十五梳頭便嫁郎

燭影紅搖絲竹翕郎意綢繆妾顏澀背人不語雲雲低

香痕印得珠痕濕到來日共伴鬢雙貪畫長眉傍綺窓

渾字閒情郎不減夜深幾度冷銀缸不事詩書加餐飯

含羞頻把阿郎勸堂上姑章暗生嗔呼童負笈驅兒遠

妾心如搗淚如河執手送別立庭莎多情年少從來損

莫擲青春等太梭烏絲素段裁三尺郎誓山河妾指石

豈意郎恩葉薄如尋春柳陌無朝夕當爐女兒煞有情

半隱蝦鬚百媚生村醪傾盡時調笑問字呼名遂目成

相憐更勝新婚妾翠羽珠襦捧滿篋夜露蒼蒼怯見人

躡蹤忘却嬌肢茶只有孤燈誰作憐捉月穿羅照我眠

幾迴欲訴還停口猶恐姑章意不然客成顧影細評玩

弱腕寫照自題贊紅顏命薄寧獨儂寄與多情一封翰

隣家有翁早白頭憐儂爲抱不平愁馳書賞恨千餘里

薄倖知他何處樓君不見架上花開落紛紛幾樹斜又

不見門前柳桺桺枯得幾時久試看妾身今若此生女

雖生不如死

夜聞子規

叫徹春心不自由撩人枕畔五更頭盧家小婦情何似

的的題名字莫愁

悼天以

蕭瑟黃雲一片愁孤懷落落向誰憐思君不盡西風哭

明月青山憶舊遊

女郎持美人扇乞題

描來艷質自仙仙不必通名也得憐阿母忙嗔收拾去

莫教平折賣嬌錢

江南曲

有家莫向江南住有女都被江南誤嫁得夫婿慣經商

朝朝日斷江南路

咏姑嫂夜奕

欵橫髻溜夜燈涼一局敲殘隔院霜最是小姑娘性重

亂拋局子不成行

和趙又漢雜咏二首

公子衝泥覓渡頭女兒撥悶響篴篴妾家近住村溪裏

門外垂楊繫小舟

郭外烟光別有天山花山鳥醉忘年月明更向林間卧

竹吹松濤響似泉

胡如理字即公崇嶺中諸生調雅有器量史相國可

相國營以或報國此夜壽防禦之策即公實與其

謀未幾雅揚昭思爲文山之時實不可得四與相

與俱寄呈大司馬張玉笥先生四首

王臣拜命獨登壇奕奕車徒北斗寒轂轉繁霜辭劍閣

心懸明月待金鑾海門自古推黃幹淝水當時有謝安
壁上諸侯方會食笳吹斜月倚雕鞍

金斗和門曙色微梅山頂上陣雲飛曾看城闕兵車盛

又道秋高戰馬肥臺下吳姬休再笑日中莊賈莫相違

桓桓六郡良家子彈指功成解鐵衣

何處啼鳥起大田哀哀孤寡泣寒烟白調羹飯無虛日

人慶兵戈大有年昨日嬰城曾煮弩早時荒政下流泉

鷹揚府尉雖多事州郡如今已晏然

故園花飛楊柳村東風吹雨勢翻盆社壇二十周南畝

旛旄三千護北原不獨國僑能代殖須知杜預亦分屯

高低未穩垂垂發更有何人怨郭門

汪必達

字以蘭幼英後者學歸集補弟
子員登聲苑所著有高林集

同葉以晦胡柱岳讀書王屋山房

共君今日此登樓風景依然物外遊山水有緣同載酒

文章無價漫悲秋舊栽松菊情猶戀老寄滄浪興更幽

倦讀逢僧閒唱和新詩寫向故人留

送春

三春烟雨正霏霏書閣重陰酒力微午夢忽隨蝴蝶散

客心偏逐杜鵑飛青衫客矢題橋日白髮人驚過隙時

設道垂楊千萬縷留春不住送春歸

王敬修

字心谷太學生與弟敬德
以經明行修爲鄉黨所重

竹素山房

最此山莊處疎狂任老翁高低流水碧深淺落花紅谷
靜猿聲月林寒鶴影風杖藜時結伴仙路許誰通

金陵秋夜遠懷

獨立深秋裏懷人此夜迢迢蛩吟知露冷鴈過覺天遙

笛空留步沉書豈起潮我心憐皓月何處照龍標

書倪武林畫

萬里秋江拂暮清無邊烟裏一舟橫彤雲遠向天涯出

綠水長隨峽岫平柳葉藏魚惟看影蘆花過鴈似聞聲

釣翁不識中流急帆滿西風儘自行

齊

字子良家貧苦吟其從弟復菴
嘗爲人請其詩聲韻不夫口

秋夜

秋燈明滅近窓斜深夜凭几四望餘葉落漸添林下月

風高危繫樹頭鴉寒烟遠浦生虛白老菊空庭點物華

反側不眠因往事奈他砧杵在隣家

遊湧泉菴遇雨

乾坤無處覓桃源近傍荒崖挂一尊下注急泉噴怪石

南來細雨失孤邨接天小艇存帆影對面懸峯憂草痕

野寺蕭條兵火後斷牆不見舊僧門

劉

夔字若庭明經古處之兄
也季女淹雅以獨行聞

滴珠崑

細流出洞口絕壁擁飛泉人語聲相和容光別有天

張克佐

字子猷明經之公仲子弱冠補諸生博極
羣書日無時輟爲文章根極理要不論常理

明經公特異待之以爲亢宗之子與予同遊王爾
須先生之門先生每手其文示予不啻三舍之
共弟伊記誦四首聊采一律虞
山先生所謂借詩以存其人也

雪晚見隣舍梅花大開

誰家疎影傍墻隈風遞清香一樹梅夢到羅浮寒月白
春傳隴首凍雲迴愁聞玉笛催詩瘦瞥見冰姿破雪開
遙想壽陽眉上黛黃昏何似美人來

左國柱

字子正一字碩人少保忠毅公之長子崇禎
已卯副榜考授知縣宰浙江武康清惠得民
心諸上官尉薦之甲申後挂冠歸隱所著有醒園
詩草與弟子直子忠子厚鼓吹詞場紫龍眠四左

賊警登陴

赤羽郊西日黃沙塞北天烏號驚野哭劫火續村烟穫
稻惟資冠無衣孰典錢嚴更時報警擁褐成樓邊

重過西湖

憶昔宦遊地重來覓再遊故人零落盡舊宅幾家留邨
斷湖心澗舟藏水面幽更聞關塞曲不待五更愁

送吳湯日北上

楊柳依依送客行春風花發到承明多年共聽劉琨笛
此夕聊吹子晉笙漢代四科君擅美 聖朝三策孰馳
名平臺待詔應垂問滿地惟餘鴻雁聲

仲弟子直山莊

爲愛三都舊館名乍來蕪徑繞溪聲廿年寂寞無人到
今日經營賴爾成貧少金錢難避地癖因丘壑自開情
秋來我若收三畝卜築誅茅學耦耕

吳天放

原名時逢字素夫別號頑叟崇禎間諸生性
慷慨通任俠請絕賓客結納賢豪居金陵數
十年四方名士皆聞聲內交推爲表領甲申後罷
太帖括崇禎遊山木間所至輒傾其地主以重客
遇之有問趨吟江漢吟齊魯吟皆遊却寄興之作
子常與同客濟上其爲人疏通軒豁絕去城府口
以茶酒留賓又好爲狹斜之遊揮金如如
土並歸里未幾卒其風致至今猶可想也

途次夜行

礙日苦高峰迴溪人行少日午半山陰林薄時聞鳥溪
谷虎縱橫絕壑雲縹緲爲問前驅人昏黑路愈小少選
月東升豁然寬懷抱澗泉答鼓鐘馬蹄春虛鳥不綠夜
深行安知明月好

咏懷二首

里中有一士棲棲蓬戶間動依古賢跡居誦先民言盜
中斗無儲析生衣不完藜藿併日食續絮莫禦寒伏臘
祀每廢妻子生計艱常苦志節虧不受親知憐
忽忽行欲暮皇皇復何之征馬立踟躕遠道安可期霜
霰被原野北風吹我衣孤鴻飛且鳴虎兇夾林啼回車
亦已晚失路良可咍嗟哉客遊子念此當遄歸

習池

高陽池邊春欲暮銅鞮坊裏歌如驚惆悵山公喚不醒
紅日初沉漢江渡漢江渡口將別離拍手尚有欄街兒
小姬願隨遊子太駁馬不受庸夫騎大堤烟柳盡凋落
峴山幾碑委溝壑鹿門高致久銷沉隆中杰士不可作
明日東歸謝故知人生得意須行樂

漢江

襄州之水灘復灘千迴萬疊多波瀾南風乍停北風起
愁殺行人牽水難水寒石白光磷磷鱸魚短尾黃金鱗
滄波盪漾浴明月疑是當年解佩人

江行早霧

不是雲能蔽翻疑雨欲飛隔船人影亂到岸寺燈微紅
葉霜前鬢蘆花江上衣陰晴瞬息變彈鋏事全違

晚泊

烟暝舟浮翠雲連樹失青江空吞落照天遠動明星估
客帆檣亂漁船網罟腥兒童炊晚飯薪火乞隣燈

留別同客諸友

共汎南來櫂蕭然劍水濱秋風驚落葉寒雨送歸人松
菊堪娛老蓴鱸豈厭貧芝城分別後回首倍傷神

山行

路指花源入人爲採藥行苔文林外靜蘭氣雨前清
嶺分霞潤天都借杖輕怪他王子晉何處獨吹笙

沙洋阻風

渺渺輕帆入楚雲晚風歸鴈不堪聞空江白浪舟難定
短燭孤篷夜易分如此羈懷真作惡縱教豪飲豈成醺
平明舉目波濤靜倚櫂看山到夕曛

沔口逢羅弘可率爾言別

春陵郭外分襟日大別山前把臂時細數年光成契濶

飽看顏色慰離思已期赤壁呼蘓子悔未襄陽醉習池
岐路萍蓬何太遽天涯尊酒悵難追

弔郭節婦

早歲夫亡失所天無兒無女復無田心期俄死千秋事
身不歸寧十五年碎鏡豈知華髮變補衣那惜指痕穿
于今同穴酬初志颯颯清風漢水邊

閨寓夢白下

一枕黃粱白日懸朔風遙送木蘭船江光翠落三山外
花色青浮十廟前酒壓吳姬春似海香消盧女夜如年
何因喚取朱家俠盡出紅妝玳瑁筵

初夏閨情

輕寒猶欲戀羅裳翠黛因風懶整妝
燕泥銜盡柳花香空餘銀管隨春太懶繡金針較日長
夜夜華燈開到曉竟無一字寄檀郎

同孟百聚飲于青岳園亭看梅花

亭子如船傍柳灣窓分冷翠自遙山攜來酒足酬花笑
入座人皆類鶴閒影露斷籬烟乍補光搖曲岸水迴環
隔林忽聽吳歌起清絕寧殊澤國間

濟上贈潘蜀藻

潘岳才名重石渠多年詞賦敵相如雲寒濟水歌時酒
雪擁桐山著後書誰道龍門懸有榻却愁幸舍食無魚
萍蹤暫聚旋分手搖曳春風送客裾

無字碑

十丈穹碑接帝維，岱嶺聳峙使人疑。不緣秘笈焚燔盡，那得靈文渾噩垂。霧擁蛟龍晴挂壁，星攢蝌蚪夜臨池。磨崖滅沒都無跡，何必銀鈎字陸離。

秦五大夫松

似不能爲異代臣，大夫何必署先秦。也知貞幹難諧俗，豈以微名反累身。翠葉拂雲迷鶴影，蒼皮過雨長龍鱗。風前小憩濤聲起，借洗年來耳畔塵。

南陽躬耕處

春草離離鎖暮烟，英雄一去幾千年。自從伊尹耕莘後，惟有隆中一片田。

江南弄

莫買輕舟汎五湖，黃金易盡是姑蘊。鱸魚入市楊梅熟，一曲清溪酒百壺。

弔故妓魯娃

渡頭桃葉起悲風，一曲當筵樂未終。莫向山頭揮別淚，高唐原在夢魂中。

吳兆鼎

字汝調中翰
潛齋公之子

赤石磯泛舟

城隅曲水汎輕舟，最愛巉岩映碧流。梁急翻紅浪遠，榴花深蔽綠陰稠。佳人文士分相望，鳥語漁歌各自幽。對酒莫嫌頻擊楫，却疑此地是丹丘。

齊登祚

字贊皇，朱草公之仲子也。性拓落不羈，下帷攻苦二十年，猶淹蹇臺子科，鬱然自放不少。介懷早年卽工詩，以兵火轉徙，失傳其孫承於敗。鹿中接一二首，亦足徵家學之有自云。

伯兄草堂成詩以落之二首

一廬翁在日，爾我髮齊眉。記立茶藤架，教題芍藥詩。短茅新接屋，荒砌舊穿池。廿載家門事，回頭重所思。
笑軒爲底笑，堂名我笑軒拜石石誰憐。先君有亭榜曰拜石各有山林興，難辭城市綠。買花嫌徑窄，喜月到窓妍。天地蘧廬耳，何妨隱數椽。

龍眠風雅卷三十六目錄

木厓潘 江蜀藻輯

居巢葛兆熙庶咸 叅

同里方中德田伯

吳道約 一百十九首

龍眠風雅卷三十六

木厓潘 江蜀藻輯

吳道約字博之又字亞侯初習帖括諸生以數奇

博絕麗規撫漢唐時國步多艱公欲有所效丁世

未由自見悉懷之于詩凡遠聞近事無不搜羅

臨茶馬漕運水利之類莫不鋪陳前言之上焉

洋洋乎麗運乎若陸微輿之奏議極明先之

可坐言而起行也甲申後隱居板茅山自號浩菴

居士榜其齋曰太易山房彷彿所前之遺意其為

詩流連景物陶泳山水視昔有間矣公詩稿甚富

前後成集首區意萬旨陳子點公嘗欲與予取而

擇別之其可傳者尚不下千首公為予外祖鶴灘

公季弟外祖以獨行稱而公復不愧才人方伯之

澤殆悠哉未有艾也

荷蘭操

韓麟者車在河之許猗猗者蘭在山之塢為王者香

王者輔惜彼芬芳未遇其主莖亦為隣蒿亦為伍世莫

我知今反於魯

於忽操二首

於忽乎不可以為其又奚為謂麟雖仁不如虎食人謂

鳳能舞不如鳥能語截獬豸之角兮又若慮其觸邪背

廟已棄今尚未見其絲麻雖分理而共襄今顧其才之

未宜禁奔蹄以長組今雖良馬亦奚以為

於忽乎不可以為其又奚為謂將斯祿何取於戮謂相

斯福何取於獄是皆以位而得之吾於罪而後噫將兮

相今身以喪兮

鳥鵲篇

丹山有鳳皇衆鳥得所託烏鵲巢其南飲啄亦淡泊
皇自鳳皇鳥鵲自烏鵲鳳皇招我遊鳥鵲且不樂爲我
謝鳳皇兼陳妾命薄鳳皇不得臣妾有於鵲鵲

南山吟

白雲灑松石秋水鳴澗溪徐步至東嶺萬物和天倪
童輟歌笑牧彼南山抵斷崖纓古木藤與空山齊金風
亦何號似有孤猿啼此路不可太山行多蒺藜

懷弟子遠

涼吹生層陰古木何垂垂幽林多國香芳是蘭所爲烟
靈起河北日照南山陲所思悵何在遊目空江岐朝咏
脊令句暮吟棠棣詩浙水豈異邦相見未有期遙見舟
中人不知來者誰倘從吳越還有書當見貽

詠懷

竊糾不得意問我何所爲把酒呼東隣坐久尋枯槁日
暮登高巒曼衍當在茲四顧勿躊躇老大非昔時白雲
辭空山去者無還期不知百年後我又將爲誰

病起

病起看秋山晴風動溪柳野老試新筇所重不在酒
割瓜若萍實何必大如斗寄言張季鷹尚念尊鱸不池魚
懷江湖籠鳥思山藪初服可歸田閒閒吹十畝

獨坐偶成

夢登黃鵠山醉宿六代鳥象罔拾玄珠淮南設鴻寶法

瀚成篇章千言未屬藁孤憤懷前人離憂非遠道王嬙
豈不佳丹青蔽其好鴛鴦戢翼遊清流嗟黃蘗兵甲滿
四方吐突能招討耿鄧未逢時英雄亦淪落取節不如
詩委心終以衰野徑生蓬蒿短僮不須掃同人遊岱宗
王孫別芳草役役求浮名浮名令人老君看梁園花春
風落遲早

種菜篇

西園雜花竹最愛離邊行破甌不踰席種菜生菠菱寒
柯淡冬日翠葉何纒紛灌園亦不俗抗志從於陵童子
前致辭請君看昔人綠珠銜恩死翔風懷怨生明日是
何日大率陰復晴

感臺歌爲陳默公移寓作

敝廬側近君家道出門聯句與君好惆悵昔年西蜀亭
可有微風綠春草君住白門今幾秋鳳皇臺畔思悠悠
長安不見日嘗見三山二水當樓頭故人潦倒不得遇
車到前途輒無路月落參橫夜欲闌流水小橋桃葉渡

春林歌

春林一片新月明山翁夜語東風生今日花開且對酌
莫歎世人交態薄厨亭樂鄉何所封得意便作胡中庸
繩樞圭竇豈不善五湖三畝猶難客鳥曰一啼天欲曉
友謂山鷄鳴甚早我蒸藜藿醉山翁車馬頻年跡如掃

兩翁對奕歌

桃花之上多春風不知白鶴誰雌雄兩君不笑亦不語
未相向如仙翁仙翁姓字豈偶然烏有先生公是公
手拈一子勿遽下留君此著開鴻濛

讀史有感

千秋青史有定評流芳遺臭皆其名危牆排壓晉宰相
濁流投界唐公卿爲子不孝臣不忠莫言此迹可救窮
敢以無禮待君父烏雀尚有厲鷗攻我聞必義製甲子
十八甲寅自茲始越此庚寅復幾年三十三祀成五千
讀史未知正與閭且向虛空問堯舜堯舜不言湯武笑
渾沌中央鑿一竅

集再典圖分得有字

在烏衣巷即晉始興王公

始興相公名不朽神州竟復功名首茅土當刻石
勲業豈在戴劉後園林卜築從景純烏衣巷中公獨久
卽今閭閻誰所傳吾兄得之亦非偶老槍爛斑立古亭
怪石峻嶒出高柳主人醉客金巨羅十千旋買臨卽酒
名園精饌出中厨授簡忽及牛馬走柏臺體得七言詩
不似前人賦身有君主黃初鄴下盟誰稱綠野文章友
爲君泚筆成古風酒數無煩罰三斗井華更淪蒙山茶
不見斜陽射虛牖竹林縱博何閒閒有時大叫若雷吼
我亦問訊前致辭樽酒一擲成臬否憶昔二孟得州時
少年同學情最厚唐有元敬及薛收漢有仲翁及疏受
康樂才名太傳知當代誰能出其右除克雪恥立功名

疊鼎鵲印懸諸肘晉之始興君再興輞水千泉好世守
舊燕仍尋朱雀橋起舉一觴爲君壽

雙雉歌

山中雙雉何文明一鸞一雉無雙聲近者可憐舒繡翼
遠者疑同吹玉笙縱有文章非大鳳滿膝不如長鶩動
蒼鷹厲吻欲何爲貪而好殺時所重

金陵篇答友人見訊

金陵三尺秦淮水片帆曾向金陵艤大雅不作正聲亡
夔牙曠乙相繼死謾續離騷哀怨多當代知音屬誰氏
烏衣巷口月初彎幾處人家燕子閒可知閱歷是何境
凡有天地皆人間高步恐爲衆所嫉不如迹歸南山

南郭吟

南城舊廬臨清潯柿葉挾霜紅滿林栗姚萬騎戰城南
回想昔歲感慨深連雲大厦但餘燼人民變革成古今
我欲作歌傷我心半作吳吟半越吟舊時老圃家安在
滿地瘦梅何處尋

閨雨行

新茗一杯歌一闋事滿五更腸百結短歌不已忽長歌
不唱陽關忽三疊三疊亦何多東晉將奈何驕陽燦碧
空有雨能滂沱大易山人歌當哭擬向茂陵種苜蓿當
今仁祖屬何人嗟來肯食黔敖粥

東籬吟

李杜忽在南鮑謝忽在北攬衣欲問誰菊華弄秋色是時野老方據梧况兼身歷步兵厨笑對菊花復長嘆慎勿欺我舊蘼蕪蘼蕪舊菊華秋風滿園動四愁黃鸝六月不能語惟啄草虫哺栗留

謀歸

水落河橋絕庭荒苑井移標梅三有賓棲鳥一無枝未作工緣婦寧爲恤緯縠秦淮歸路熟明發到江垂

全粟山卽事詩

松濤清暑氣愛此竟忘歸薄暮懷玄圃殘烟入翠微雀饑空嘖嘖燕喜故飛飛石路逢疎雨淒涼點葛衣

示兒子德本

本時完

雖目宜城路時波正淼茫營添今夕影鴈斷昔年行湖草籠烟弱江蘼雜雨香小山秋八月吾亦望歸航

冠警

茅山孤月白戎馬忽驚秋不作此鄉客將登何處舟圖書千載記湖海一身謀未得携家去相如敢倦遊

懷友

五侯還待客君又曳長裾杜甫盤兼味田文食有魚美才能利用拙計在移居轉憶鳴榔日誰傳尺素書

春日書懷

春日石粼粼吾將問水濱縱爲多病客或是采真人少不求標榜窮當安隱淪今年初攬鏡髮白半如銀

喜小兒德本歸里

得解江東權移書淚泫然艱難思故國離別厭經年肥遯知親老雄飛冀汝賢清宵同卧具不割謝公毡

重客兄招同又康兄天邦姪斌同小集

相對已悠然何須宴輞川笑看桑落酒醉誦黍離篇黃

屋幾朝盡白門千載全莫教王太傅獨以始興傳名再

與國晉如與公王茂弘故宅也

病中示內

家計催人急餘生終不開幾枝新綠竹一片舊青山遺訓留詩內虛名脫世間佳兒了公事莫厭老夫頑

懷友

山風掃木葉土著力田時卓午蟬猶噪深秋燕欲辭羣英多健者一老獨妻其不見論文友天涯憶項斯

新霽

曙色浮天末青山出數重巫風殘社舞村響切隣春濁酒能陶暑餘蔬足御冬晚林秋雁肅霜飽木芙蓉

山房雜咏

名山開土託軍持重客清齋擇露葵白傅飲茶方破睡陶公戒酒不攢眉諸天洞裏偏多鹿萬佛床頭各有獅

明日扶筇看施食石臺香飯夜涼時

哭亡兒德旌

蓬門何事病交侵強半扶筇別舊林湓浦有誰曾問疾

岱宗留我獨傷心
少陵在蜀思宗武
太白遊吳憶伯禽
聞道新阡容易築
北邙山下草成陰

懷歸

臨邛四壁又空虛
游子安貧只晏如
山倩晚花黃代菊
池留秋水白欺魚
欲探鴻寶還窺枕
不到玄亭亦著書
百里謀歸歸未得
小兒誰可異簞輿

閒居卽事

梁園不復重鄒枚
未敢輕身別草萊
月下鴈書人字過
湖邊樹作雨聲催
康瓠自合欺周鼎
曲木還應笑楚材
昨向高陽尋酒客
晚來空出又空回

和齊念修贈別原韻

新詩聲價重錫林
萬壑松清一曲琴
作客儘多雲府詠
思鄉屢作越人吟
遙知楚國存三戶
偶憶家書敵萬金
招隱不期君枉駕
蓬門無雪似山陰

訊何次德

昨來古渡一騎鯨
潭水桃花憶舊情
關路黃扉難假道
客過綠野亦登瀛
酬緘未敢煩中立
投刺何勞絕正平
慚愧馬當風獨便
洪都新序爲誰成

西湖舊宅

色蕉作紙種菴前
記得零陵是綠天
四月有燈螢作火
三春不絮柳如綿
城中命駕遊山墅
郊外裁衣著水田
昨夢五湖烟景在
酒酣先用賣琴錢

懷瞻菴先生

扶風獨誦馬融賢
舊有門生說鄭玄
抱病久依黃葉坐
携家屢傍白雲眠
同時老友多忘姓
野客躬耕不記年
每憶談經成往事
臯比危坐北山前

訪齊遜玄同友人作

茂陵司馬病如何
消渴仍教著述多
還似昔年無酒債
偏於此地得詩魔
梁園曲曲開幽徑
濮水冷冷作逝波
自有雄文驚海內
不勞車馬日經過

軍城感懷

杖頭蕭瑟可憐貧
空憶鄰家麴米春
誰向穴中尋舊夢
只從檣外識麒麟
浮名幾處曾容我
生計何年不誤人
詩非莫愁明玉葉
賢良都未就蒲輪

懷家十四弟子遠

鴻雁分飛近一年
閒庭風雨略鳴絃
愁中夢草春無句
病裏看雲晝不眠
每對遙空書咄咄
忽因遠道思綿綿
邗江又放仙舟去
矯首長干倍惘然

東山雅贈二首

岸上殘烟接晚霞
縱橫一劍舞蓮花
楚吟是處難忘越
郢曲何人不笑巴
我到崆峒尋綠字
君從勾漏得丹砂
飄零十載嘗相憶
門外清風舊柳衙

野人病渴白雲鄉
欲賜金莖待漢皇
萬軸有書空揮麈
七升無酒畧盈觴
雁頭雨久不能熟
湖目波深未得長

見說藍田風景在扁舟獨往右丞莊

郊行

楊柳翩翩傍水涯平原芳草綠參差笛中絕響猶三弄
詩裏愁多爲百罹莫惜蟬蛸空有羽可憐相鼠亦無皮
從來老大添知已不問田生盛壯時

西疇藉稻

豈是相如獨倦遊五湖新月泛輕舟難持手板隨黃閣
好帶腰鎌進綠疇晚樹艷呈楓葉早曉林聲動荻花秋
恥將霸術干明主幸野何曾不飯牛

南山晚眺

挈榼呼童幾處行城山未得不次登步兵校尉幾無職
題部尚書又署名縱有齒牙如謝朓難將制誥與韓愈
同心莫便空歸去今夜南山月更明

時事有感

荆楚彌年事不同歌鐘強半錫和戎未能竟地頻縣鼓
只道天山已挂弓謗及三人成市虎軍由六卒化沙虫
極知宋玉能饒舌賦得蘭臺幾日風

僧舍感懷

高卧林山好放歌邇來忽似病維摩酒中習靜紅塵少
詩裏談玄白雪多鐵面銅頭呼作佛玉毫金相點爲魔
頻年婚嫁猶難畢俟得河清壽幾何

平湖秋望四首

三年不敢泣江頭胸有閒身侶白鷗門外水如桃葉渡
山中人上木蘭舟英雄肯向華簪老薄劣寧從皂帽遊

獨唱漁歌輕鼓柁一竿風雨鑑湖秋

舞罷芙蓉擊劍鐔著書空老百花潭天教刻宿都朝北
地設長江獨限南班簿只求庸鄭五清流難以應朱三
持瓢痛飲消餘恨氣識金銀總不貪

松竹與誰稱莫逆湖山待我作知音舟人款乃搖寒櫓
鄰婦丁東響碁碁放誕只宜稱駘伯空疎不敢號書淫
杜門謝客貪閒坐未必同心可斷金

便到梁園懷曳裾獨將生業許樵漁尋嘗世故歸烏有
多少塵緣付太虛雨雨風風被清濁曉風朝日綠羅襪
不須輒問通天下禁足空齋讀素書

舊事感懷

組練已興彭蠡澤樓船又會潮江灣于今食粟翻爲義
自古流言竟作頑阿瞞豈能呼象拜陽山空欲序猴班
瓦全玉碎憑誰說檢點新詞換白鵞

河亭感舊

鉞神半下水晶簾刺繡頻將弱線添水榭乍晴花冉冉
江天未晚月纖纖誰憐楚客歌爲雪且喜吳娘笑是鹽
手摘青梅纔半熟遙知齒軟不如甜

早春卽事

嬾衣試較長芽苔靜向南窓剪燭煤不賦扶桑磨鐵硯

但吟卷耳酌金罍詩傳蘼浦愁魚復書寄衡峯惜雁迴
豈是王孫芳草怨祇因何遜戀官梅

冬晚述懷三首

懷古悠悠無盡愁傷情祇合付東流縱來交趾難題柱
曾到荊州不上樓爭餅羣兒心未足典瓢百客力何柔
可知麟鳳中原老莫在尋常網內求

醉裏狂吟氣轉豪且將酒德頌醪醑飛有意盈細帙
葉落無心滿布袍喜見日光催竹影恍疑天籟接松濤
彤雲釀雪今九甚肯向東風喚伯勞

此日揮毫休扼腕當年擢管尚垂髫顏于大藥中央駐
根向空門何處銷詩細已成將續趙易林初注欲傳焦
雲開靜掩懷知已獵獵風鳴柳上條

喜史司農晉南大司馬入參樞務二首

塞上天驕動月氏中原寇盜悉朱眉先行不見元戎乘
左次偏聞長子師使相公能輸力久邊城將敢策勲遲
崑崙功德爭傳誦羊祜碑兼杜預碑

籌邊指日收功成給得麒麟又不名聖主欲除河北賊
留臺可識濟南生祁連山下無烽火經略胸中有甲兵
遼左佇看司馬相契丹稽首衛神京

聞盧總理督師宣大

楚江開府錫彤弓三十登壇作令公繞奉璽書還薊北
又追鐵騎入雲中笳鳴毳帳荒烟黑旆捲轅門落日紅

聞說盈廷多畢散如何授職獨非熊

卽事

天寶蒙塵去不回雨淋鈴送曲聲哀君王自仗周黃鉞
羽較權加晉墨綬弩發千鈞從此發網開一面爲誰開
鄭虔風緩王維刺辛苦長安陷賊來

江旄感懷二首

奉詔南征不剪除頻年厭食武昌魚勳藏盟府勤王室
心在陪京謁帝居蘓峻石頭功未必王敦建業事如何
誰能跋扈無臣節明日春秋有大書

深林掃落起秋風晚卉蕭疎不肯紅美女無雙難擇配
茂才強半易從戎陽陰古塚非三士淮水丹經少八公
何處牛羊歸日夕城隅猛虎道傍熊

移居日值子喬生偶成二首

具粥何能問薄田文中數畝獨爭傳但於土室求明易
底事樓居愛學仙商賈枉平今日利負擔權息舊時肩
古人強仕非吾力屈指三句又八年

觀光無分作王賓祿米誰能給故人南阮一貧輸北阮
西隣多福勝東隣遼山夫子猶宗魯蹈海先生不事秦
欲獻團圓監三十字郇模昨已上書頻

留別東南叔

幾時帛壁就安車結首窮經六十餘誰與井公三日博
共看圯叟一編書銅環有篆終爲鹿石鼓惟桐可作魚

投我木瓜猶未報不知何以答瓊瑤

庚寅元日述懷兼呈八公

四十餘年作外臣金陵返櫂未知春紙藏柿葉堪搖筆
酒進椒花漫入辱漢社適聞傳丙午楚騷空自說庚寅
支公放鶴遊何處可念山中舊許詢

丙午年所生之歲也

金陵感懷四首

但見歸鴻有數行春風三月午橋莊暫同老叟吟新句
猶勝孤帆對夕陽范叔相秦名作祿留侯事漢姓爲張
把杯笑問沅湘客澤畔行吟可是狂

幾年問道集崆峒又聚羣仙三島中丹就黃房無我分
藥修終府是誰功驚人語在何妨死送鬼文多不療窮

敏望詞場虛左待江花馬鬣屬漁翁

牛山自古屬營丘齊景何勞泣爽鳩朝露草前看蔽冕
春冰河上視王侯白駒過隙原爲影洪浪稽天未有舟
底事宜情今更切南宮載寶欲何投

三尺髀兒寶馬駝妖姬跌舞褪黃鵝不愁郭令提支秀
尚請元公作阿多騎勝花門河撒烈酒酣毳帳曲摩訶
陰山草滿牛羊下晚唱蒼茫勒勒歌

子遠書凡三寄不果感而賦此

憶弟千言墨未乾總無尺素勸加餐昔臨巴水魚書便
我阻衡陽雁字難來恐園丁供菜把佳勞已吏饋猪肝
何堪六載西堂夢數見池塘春草寒

贈山叟

雙鑠山翁不杖藜晨采藥度清溪無兒祇合憐婦女
有客先教揖老妻幾樹朱櫻防鳥切兩行綠柳候鶯啼
濁醪此會尤真率薄晚沿籬自祝雞

夏日來裴歸山潘蜀藻招同姚休那那先生左子兼

暨式昭家姪集石經齋得成字

天寶文章海內驚百花潭築草堂成時石經齋落成西園勝集
實兼主北府英風舅與甥蜀藻字式昭甥也叢桂在庭迎語燕
修篁滿砌俟啼鶯玉壺美酒三千斛留盡班荆一夕情

山房晚坐

秋鳥高飛入杳冥夕陽西下讀儀經蕉書畫展窓掃綠

苔宇是裁砌寫青有志不妨狂海若無才那可怨胡
祇憑夜色觀乾象南北勤看太白星

秋懷二首

魚龍雜沓不聞雷隨例浮沈傍水隈坐領琴尊相倡和
行看緇錫共追陪昭陽種粟朝元黍凝碧成塵太液灰
莫待尋王賓客老徒思旨酒集鄒枚

野老三年未牧羊讀書挾策不如臧喜看秋月添詩債
解對春風作酒狂金紫百花憑節度銀青千鳥聽平章
仙衙簡貴由天錫差勝嵩呼拜武皇

鼇山舟中夜作

鼇山晚泊憶江沱小艇微吟夜色多滿地霜華凝夾岬

一天星彩映長河
袁宏孤櫂停吳渚
杜甫新詩贈汨羅
蘆荻盡枯汀蓼伐
此行端不畏風波

晨望雙溪

泥煙港路難移櫂
水嘯灘沙又聞船
枕上雙眸常在月
舟中一夜竟如年
賦詩酒亦思金谷
破悶茶尤想玉川
總爲沍寒吟澤畔
烟霜待曉不能眠

湯溝舍舟步歸望靈山寺

棲遲何計避紅塵
世網年年絆此身
日照琵琶高樹嶺
風吹舴艋獨行人
披裘公老驅尤賤
作炭傭頑語勿頻
晚望翠微香剎影
靈山能隔幾由旬

西園晚咏

長安不賜月兒羹
擇藿和藜晚共烹
銀杏倚風翻鴨脚
金櫻溜雨滴猫睛
頃憐辟穀原無石
昨夢焚書別有阡
雲氣滿山春色幻
坐看斗轉復參橫

兄子式昭見過留宿不果

病後乘春獨種橙
惺然堅卧北山陲
龍鱗當戶書常滿
驢背逢橋句肯遲
莫訝步兵狂在酒
已知太傅劣於棋
留君不住添惆悵
堤上寒風雜雨吹

舊事有感

六韋雙旌御史丞
與瓢肯讓百人能
平蠻未見趨瀘水
破楚猶聞說鄢陵
幾大捷書壇已築
舊時軍帖竈空增
關門故老吞聲泣
欲向君王借仲升

春日感懷

春山兩月霧難精
溪水冷冷作雨傾
紅綻美花驚睡蝶
綠搖新柳醉啼鶯
薜蘿已足全高致
薇蕨何勞獲大名
玉液千鍾留酒榼
金芽半餅付茶鐙
冒頭款乃船初動
燈影熒煌星未明
客到不妨言市遠
舟行那可說潮平
乾坤正氣先民語
河嶽英靈後史評
詎以宦情沉宦海
且將愁賦破愁城
有聲擲地如孫綽
幾字臨池似伯英
箕踞豈堪繩禮法
桃源深處少逢迎

塞下四時曲

策馬歷三秦
荒城何處春
可憐青海夢
不見翠樓人
帶甲聞寒暑
征衣變蟲生
元戎歌六月
重禁受降城
塞垣高萬仞
日日見秋風
底事從軍客
登樓看暮鴻
絕漠正黃昏
彤雲帶雪屯
寒鴉鳴古堞
都護出轅門

卽事二首

詩人職在推敲農父分
當薦藜可知張鷟不官名
徧暹羅日本

王克豈作論衡趙舉漫爲詩
細儘教聲振扶桑常苦文而不貴

西山雜咏二首

風流子晉鶴翩翩
來往緱山一少年
遍問仙家渾不識
吹笙曾到赤松前

昨到桃源日未晡
羣仙俯食列笙竿
劉郎不待山羊脯

只問胡麻飯熟無

送鑑在之長安

強作驪歌未有詞
問君驅馬欲何之
蕭蕭南浦無春色
不似江淹賦別時

月夜簡心甫上人

開士山中古木平
談經初罷錫環鳴
天龍繞座無人見
夜擊蒲牢三兩聲

秦淮雜咏二首

油壁車前納晚風
單衫杏子濕微紅
何當素手寒珠箔
秋水波橫一笑中

薄暮狂歌上酒樓
滿林烟雨滯行舟
凭欄獨笑商人婦
愁水愁風不盡愁

古意二首

纔踏香堤楊柳邊
行纏自繡褰春妍
紅顏不及羅家雀
猶得飛飛謝少年

綠綺初停問落暉
晚妝初卸約黃稀
不知客路曾千里
猶望檀郎今夕歸

感雪二首

獨掩蓬門高卧時
門前無路幾人知
揚州使相能留客
可令章標賦雪詩

寒空雨雪正霏霏
十萬蒼頭孰解圍
勃律降書原未入
將軍莫問六花飛

遊歸

坐領春光不肯回
北山風雨逐人來
明朝過客誰經此
尚有梨花一樹開

何相國園亭同友人作

舊築平泉宰相堤
柳條空拂畫橋西
可能受簡同枚叔
坐聽南山春鳥啼

東臯呈家二兄明之

先生避世隱墻東
門下何人謁孔融
一局枯棋精舍裏
數聲啼鳥落花中

見杜兵戲逐柳花作

落花無語怨春歸
腰有柔絲拂釣磯
稍喜征南諸將卒
提戈不讓柳花飛

懷方子桓

王孫別去草萋萋
江楚殘烟逐馬蹄
我念故人腸斷絕
小橋流水夕陽西

渡江吟三首

可操南音與北音
莫將止息又名琴
年年嬾入長安市
不似韓康賣藥心

馬跡車塵走四方
不知何處有侯王
愁聽細唾兼吳語
更問葫蘆柄可長

金陵江色草如秋
行子孤舟去不留
不爲六朝添舊恨
豈因人唱白浮鳩

長干雜咏

有客新從碣石來與君劇飲各千杯寶刀五尺中梁柱
爲問摩挲日幾迴

題六朝松石贈家澹菴二兄

甲乙蒼龍老玉鱗雪山高聳白嶙峋請看六代如流水
幾處衣冠是晉人

共喜平泉在帝都此來如對舊藤蘿許君閱歷南朝事
不受秦封五大夫

出塞行二首

幾年征戍在邊州思婦那禁萬里愁不是斷腸歌出塞
白頭人老玉關秋

龍眠風雅卷三十六

幾番歸夢入潼關校尉屯田總不還十萬征人翹首望
降旗已出賀蘭山

挽殷處士

北邙風雨夜瀟瀟魂在虛空可速招怪得石樓千古恨
白雲埋骨哭殷遙

讀史有感

東晉有牛還代馬西秦無呂執承嬴守宮不管椒房事
祇向沙塲說戰爭

碧玉曲

碧玉凝粧下小樓醉來不惜錦纏頭伊州曲罷涼州曲
錯把金釵作酒籌

射干

笑看雙鷺立晴沙厭聽羣蜂鬧午衙更啟柴門看春色
射干初放兩三花

從軍行

古戍烽烟自有春兜鍪空老朔方身可憐玉塞思鄉客
猶作金河渡水人

玉關秋笛

夜捲紅旗出舊屯曾將單騎逐烏孫一聲長笛關山晚
九月梅花落玉門

得鑑在書

楊柳參差發故條遊絲帶雨濕還搖年年離恨偏愁絕

龍眠風雅卷三十六

怕過雍陶折柳橋

龍眠風雅卷三十六

龍眠風雅卷三十七目錄

木厓潘 江蜀藻輯

蕭山毛 姓大可 參

同里蔣 愚潛伯

周 岐 六十七首

趙相如 四十九首

倪元善 五首

程熙載 一首

王敬德 一首

李毓崑 二首

孫如蘭 十七首

胡代工 一首

龍眠風雅卷三十七目錄

龍眠風雅卷三十七

木厓潘 江蜀藻輯

周

岐字農父號需龍崇祿朝以明經貢入京師歷

龍眠風雅卷三十七
擬李陵別蘇武詩三首
遊聲中夜起四顧黯無色遊子戒行期須臾遠離別携
手重行行悲風多慘冽與子結三載中懷時耿切今日
雙黃鵠一飛一摧絕欲言寄無因傷心不可說生為隔
世人死葬蠻夷穴努力謝故人九原以為訣
漢誠不肯德韓彭何以族蕭樊見囚繫賈汲終斥逐在
昔先將軍義勇天下服徒失貴臣意到身于絕域疎者
日以卑驅者蒙厚祿陵也負漢恩志豈不自歎妻子為
鯨鯢老母被刑戮常當生死辭痛極不能哭
男兒不成名死固在他鄉誰能復賴林楊墨吏傍憶
昔五千兵獨戍萬里糧追奔大漠外疲弊當其強單于
親合戰振臂呼死傷如何漢廷論功過不相當前罪固
莫贖後効或可將已矣勿復言飲泣裂中腸

詠懷四首

夜深寒露降蟋蟀鳴空堂西風吹敗葉蕭瑟號枯桑
惟起回步薄寒中衣裳斗間無劍氣畢生光芒廓落
懷友生中懷難自將秋闈級爲佩無以異衆芳仰天長
太息憂思何多方

憶昔少年時尚志托詩書十三工詞賦浩氣凌太虛十
五治六經耕穫忘苗裔管葛未足願豈曰計其餘奄忽
二十年披褐守田廬開軒望四野徙倚步徐徐傷哉富
春老白髮釣溪魚

鳳凰鳴高岡豈爲稻粱謀丈夫志四海豈爲名利求爰
被田園子白首戀故丘營營井里間富貴稱殊尤烏知

建士心一息期九州

昔見少年子得意揚輕裘鑲玉爲腰鞶雕金飾馬頭手
把珊瑚鞭往來狹邪遊朝從樽徒飲暮宿娼家樓子雲
徒自苦鮑焦非所求須臾失執間藍縷頓荒丘我思古
人心何以憫我愁獨有著述士令名常悠悠

古別離二首

明旦戍瘴邊親戚盈我堂中厨辦羹飯張燈羅酒漿阿
母向子言汝去當自強風波不可定會面安能量一言
未及竟淚下沾衣裳枯桑鳴悲風白露變爲霜起視夜
何其東方白日光長跪辭阿親遊子東行裝收淚出門
去妻孥號我傍平時非無別此別實難忘嘗當生死訣

思亂忽成狂生既不得歸安知魂來翔

行行適交河前路何逶迤四望無人烟但見丘與陂城
郭既已崩隅濠又已頽白楊聲蕭蕭衰草滿前堤欲行
不可去欲坐常自疑荒石提爲塙幸夢持作康忽逢故
鄉人腸中喜復悲長跪阿故鄉家中依阿誰老者日以
少者垂冠綬塞耳不忍聽出涕如縷靡

送豫章萬茂先秋浦劉伯宗應徵辟

擊鼓深宮中通市無不聞良玉媚重淵儻爵上爲雲君
子懷令譽卓犖自不群南陽雖有田豈必老耕耘浮雲
蔽中天白晝苦不分肉食無遠謀翳翳如聚蠶奮身出
塵埃判苦猶與薰春日步阜蘭蘭澤揚芳分聖代重徵
辟浦車何紛紛網羅及吾黨責之以立憲勿以蓬蒿遺

非薄功與勲哲人貴及時况復得明君努力長安道三

策振奇文

已卯春飲池陽吳次尾劉德輿羅季先寓中卽席

分韻得二冬

江南有天柱削立雙芙蓉隔江望吾皖亦有天柱峰寒
雲陟其間上撫百尺松自非吾黨人蹴躡不可從清酒
載百壺舉觴何從容抗聲發危言聽之若黃鍾靜者各
有懷揔不同凡庸已卯春正月雨雪如窟冬蒿目視天
下南北皆戰術挾策數千言善守尤善攻豈必階中人
抱膝稱臥龍

經淮陰漂母祠懷古

執戟雖云卑猶勝一飯恩千金鮮報母楚項不並存
韓侯千古傑施報何失倫丈夫重知己官爵惡足論惜哉
重瞳子不識哀王孫

發女瑩答陳百史

蟾蜍既西蝨鳥羽亦東藏烈烈驚風吹壁冷燈無光中
有獨居女唧唧問悲傷問女何所悲不字稱未已豈悲
食與稠切恐人無良有客何方來將書委篋箱偏諸綴
繡駟胡珠綴琳瑯開絨讀書意姊妹舊稱行上慰顏色
好下言夫婿當登書置筐中却拜歸空房孤鸞戀枯澤
彼鳳自有凰感君纏綿意還君明月寄謝諸姊妹勉

事新姑璋

春夜月代作閨思

春花飛春月白春夜高樓獨鳴咽月照花飛墮曲檐人
語不聞聞杜鵑去年此夜樓中淚正是如今春暮天君
懷但覺江湖好妾畏風波心草草在家相對有尊羹何
必年年輕遠道此時思君君不知長空願借西風吹聞
說大江千萬里正恐西風無定時

風雪夜山中偶賦

一夜北風三尺雪四壁欲穿肌欲列孤燈黯黯爐無烟
兩手握拳冷如鐵溪頭活水聲忽死巖下勁松枝盡折
喁喁擁足不成眠坐聽寒鴉叫荒穴

孫武公事騎射余常壯之頃同中丞方仁植先生

入楚賦寄

孫武公談兵說劍何其雄談兵說劍不足羨羨子偏衣
短後挽強弓步行追馬躍馬上仰天射殺雙飛鴻鴻飛
落落散空霧索筆即草驚鴻賦賦成字字如琳瑯長楊
羽獵不足慕如今天子重專征中丞特簡方先生吾
子借箸贊帷幄占星不復見機槍機槍久應滅掃穴犁
庭無遺孽數莖鼠鬚何足論坐看吾子成豪傑

同秋浦吳次尾顧子方飲左子直昆弟宅席中賦

贈

丈夫不患交遊寡但恨所遇無知者羞說長千百萬家
要津塞盡惟車馬我來雙眼久不青仰天直視狐孤星
狼星睜睜孤欲墮當堦側立舞青萍一人之敵不足學
說劍談兵何數數寒帷且讀床上書一目十行差足樂
有時得意忽狂呼舉步局踖徒啼吁自君好我聯朝夕
把酒臨風興不殊君言當世多頻願我感君言為痛哭
吾儕富貴亦何難但患不能為碌碌河南江北盡烽烟
欲耕誰是隆中田從來好談射策上書事今日絨口不
復言人前吁嗟乎蘇門長嘯豈得已傲視一世無知己
我與君交自今始他年期許當如是一二人焉自足耳

均勞逸歌

為李臨淮賦

均勞逸勞者久苦不得陳逸者尊安無與匹侏儒飽死

方朔飢古來不平之事豈其一誰陳此語 天子前那知 天子先慨然李侯分符鎮南國正值江上多烽烟賊至江城城晝閉說劍談兵寂無計李侯橫槊刺輕舟眼目此江使倒流江倒流賊辟易帳下健兒好身手更弄江濤江水赤行行十年中辛苦誰更同 至尊一日動顏色 詔書急下褒成功功成歸奏麒麟殿大官應上助臣宴出入載筆朝明光不似江南輕百戰輕百戰爲君舞南有賊分北有口誰均勞逸當其苦莫惜勞勞報 明主

官兵行

賊近苦賊來賊至恐賊去賊來避有時賊去官兵在官兵畏賊如虎狼但行賊後勢莫當鳴鉦擊鼓入村里搜索芻豆人索糧不擇雞與豚更驅牛與羊傾倉倒窰盜且勿悲官兵醉後難支持東家少婦已被汚西家兒女終夜啼但得飽掠速去猶能老弱共備糜一旦賊兵去已遠官兵夜起催朝飯大車橐重小車盈路捕行人遞輸輓行至前村計復生竟指鄉屯爲賊營丁男殺盡丁女擄揚旌奏凱唱功成君不見賊去人歸猶發食官兵所過生荆棘痛哉良民至死不爲非無如官兵勢逼民爲賊

義僕行爲新安金生賦金生始鬻身以養老母繼

割股以愈主人可以風矣

君不見李善存孤乳生汁又不見杜亮受笞無涕泣一者重義一愛才此輩何人名獨立新安市上有金生鬻身養親辭奔名風濤不避從其主手權重資恒得贏手人一旦沾風露諸醫范范不知措金生持刀祝向天割股進食衰顏駐嗚呼忠孝如今爲最難每一念之心常寒金生至性能若此可以愧夫巍然當世之衣冠

三十六芙蓉歌

有引

三十六芙蓉者太常龔芝麓凡上石也大不盈尺其中層疊疊嶂不可記數而峰之秀出者三十有六狀若芙蓉然瀑布蜿蜒如白虹下飲山麓隱隱似輕人徑色含潤若蒼壁迨非人工所成米南宮得而寶之銘誌字畫悉端好其從來不知何自卽南宮迄今亦五百餘年物矣陵谷變遷所不淪爲沙礫者何限此石獨完好無殘缺太常公顧得之於市肆中而三十六芙蓉之名人始得傳其實焉南宮有靈當亦羨此石之得主也

西有名山名太華芙蓉萬仞開不卸東隅亦有九華峰凌空不在芙蓉下兩山相峙各爭奇令人想像多神馳正可遠望快胸臆近登不見花披離誰影兩山作片石隻手掄看不盈尺飛泉直下聽無聲勢若白虹挂危壁

逶迤盤谷徑轉幽隱似見人行跡鬼斧神斤削不成
碧蓮天上墮雙英流轉不知何代物祇覺峰峰翠色蒼
且明吁嗟乎陵谷變遷凡幾易萬劫千灰堪涕泗此石
完好無虧殘依稀猶見南宮誌南宮爰石僻且堅經其
賞識必可傳自宋迄今五百載其間存沒幾人憐至寶
繇來有神護不遇其人不輕付落落實肆塵沙觀者
掉臂誰能顧一代風流冀太常摩娑拂拭增輝光移來
几上日相對客至共出傾壺漿米元章冀太常前後傑
出名姓芳胸羅五嶽氣昂藏手撫二華何徜徉芙蓉三
十六一峰傾一觴太常醉舞客益狂狂歌同此石無疆

哀王孫

弔韓侯爵淮水淮水不清顏色紫至今行想萬人英當
年却出三家市市中惡少爭相侮知已獨逢浣紗姥王
孫可辱亦可哀丈夫爲鼠復爲虎手提佩劍造漢圖擒
之怯夫假王不足爲真王亦何負一飯不忘恩寧肯竊
漢紐奇哉鐘室冤千古不得剖功高且觸兒女忌丞相
故人亦爲反覆手弔韓侯空延佇持將一瓢酒灑向淮
河渚漂母尚有祠侯祀竟無處漢廷之雌毒勝雄淮陰
之男不如女

梅花落

窓下落梅花風吹楊柳斜欲隨千里客羞上七香車小

花迎朝日空堂照晚霞那堪深夜雨獨坐怨琵琶

劉生

關東多任俠千古重劉生馬上雕弓滿腰間血刃明公
卿爭避席天子亦知名薄醉拂衣去城西報不平

秋閨怨

嫫姚征冀北六郡盡從軍一夜秋風至千家砧杵聞疑
柱愁皓月寒露冷紅裙惟見遼城雁翩翩入斷雲

東歸

寒溪窈窕大寂風疾日將昏終歲雙扉掩空堂三楹存蟻
蛸經故榻灌莽亂荒村含涕無兄弟傷心誰與言

懷錢幼光

佳會在何日中庭桐始華幾時沾白露八月見黃花故
徑多荒草秋山照晚霞高樓時悵望風急雁飛斜

聞賊復圍桐思老母陷城中外絕救援孤身千里

進退無策

孤城千里絕況復百重圍白髮難持戶荒園應苦饑尺
書望不至長夜夢空歸時有臨風淚盈盈酒敝衣

阻風燕子磯登懸壁半閣

流離逢世亂特上漁磯海水橫江湧林易匝樹飛因
人辛苦慣作客姓名微分向風塵老逢迎何處歸

寄懷白子皮

故人何所托家住石塘灣綠水常環戶青松獨閉關往

來無驛使風雨發愁顏落日高樓上惟看飛鳥還

辛卯長安得家報喜舉一孫兼聞歲荒盜發又不
覺憂從中來也二首

東雨寒爲雪孤燈客思煩萬金傳一札雙眼拭多昏下
第休嗟汝添丁喜見孫昨宵清夢吉或可亢吾門
離家五甲子杳杳近如何喜見平安字愁聞水旱多石
田年不種租吏日和訶避亂方安堵那堪又荷戈

吳城謁張東平王廟卽依睢陽開笛原韻

高祠湖上臨乃在此山陰錢是生前骨丹留死後心晚
烟香不盡野水澹然深日落濤聲壯爲公作羽音

古意

搗衣砧上別離聲少婦高樓子夜情翡翠屏開寒露入
珊瑚簾捲朔風驚悵人千里枯楊戍擊柝三更細柳營
願作流黃機上月年年猶得照邊城

塞下曲

九月繁霜木葉稀驚風千里亂沙飛將軍赤兔金爲勒
戍卒黃龍鐵作衣橫角夜吹聞四野長戈朝試解重圍
關山多少征人淚不及孤鴻天外歸

再遊齊山讀岳武穆遺碑感懷

沽酒遙知青樹林名山負郭再登臨重巖曲曲尋前徑
翠竹森森憩舊陰檻外湖光搖綠水樽前芳草和鳴禽
翠微亭畔悲風發古木猶成北伐音

中秋夜別汪大年

落日西山照北城高樓置酒坐前楹銜杯萬里來秋色
倚檻千門見月明長笛暗吹垂柳曲前村忽度擣衣聲
明朝鞭馬關山遠愁聽鳴鷄報五更

冬日訪齊方壺龍眠山房

北風動地滿荒丘曲徑山深晚更幽薄照不消殘雪積
清溪時帶斷水流到門松檜皆成拱入座琴書自可留
猶有落花如昔日飛飛常集故人裘

太史姚現閣先生招飲席中賦

暮捲疎簾坐北隅涼風天末下高梧安投孔氏通家刺
快得燕公小友呼策筵三朝依袞座雲成五色映蓬壺
月今歸去人相問作賦能從漢大夫

同曹給練大箕飲宗族朱勃海園

簾捲珊瑚月到門高梧隱隱覆文軒籬開帝女花尤重
臺茂王孫草亦尊西苑風流誰得似東阿詞賦自無倫
莫言畫省人歸晚永夜猶堪更倒樽

病中雜咏二首

孟浪經年獨苦貧支床鷄骨復誰親歸魂漠漠迷鄉井
開眼明明見故人市上驅車爭逐道坐中笑我醉汚茵
持湯老婢驚殘魄依舊呻吟一病身

六月飄風萬里陰濤濤雷雨響荒岑一椽牛屋上通下
半畝菰宮淺更深落日溪蛙鳴釜底殘更山鬼弄鴉音

長沙多病綠卑濕賦鵬尤堪傷客心

喜迎中丞方仁植先生還里門

欲反離騷問汨羅至今聲老洞庭波雲中舊牧堅言戰
丞相天威只講和狂客悲來三策廢仙人舟去五湖多
秋思豈爲鱸魚膾滿耳江潭漁父歌

紀事三首

直指旄頭氣不平燭天烽火照人行秋高自撤長城險
秦盡猶聞口馬鳴莫笑于意多棄甲徒知枵腹叩呼庚
中原萬骨枯將滿願祝功成一將名

將隨蠟表達京畿臨濟淄青並報圍血染野蒿三月死
燕依疲客五更飛荒城極望炊烟絕燐火平欺日色微
結伴頽垣驚晝伏分糧餉馬不知餓

雞犬無聲北斗斜但聞中夜亂啼雅丁男高下埋新塚
子女流離說故家白晝逢人疑鬼魅陰風吹木盡邊笳
初歸何必千年鶴城郭皆非捲暮沙

自宣大叅軍還長安李舒章贈詩步原韻

長揖初歸折幅巾客星遙見夜來新暫披襜褕從顏闔
且脫襜褕附耿純露板交馳爭入塞金城孰肯議留屯
習聞邊地多男子怪我相逢少異人

松關靜證

丹竈依稀未可尋黃芽還自印吾心疎籬雨過門衝虎
落葉更深鬼嘯林夢覺巴童沉不醒風吹破壁細如吟

明朝訂有山僧約收拾筇枝踏碧岑

得方密之粵中書云已祝髮寄詩有千秋摠是三

生夢五嶽空埋九死心之句悲不自禁用原韻
雙龍兩地各悲吟孤劍飛潛瘴海深豈不懷歸腸欲結
試看今日髮誰簪餘生已歷多生劫百死難消不死心
十載天南傳雁帛開緘一字一沾襟

客中初度得無可上人扎

岐路東西泣向誰布袍堅耐北風吹美人一水隔天遠
處士四星當戶垂持節嘆君歸國苦無錢笑我買山遲
朝來攬鏡鬚眉在短髮霜凝不見絲

吊故相國史道鄰先生

舉目河山勢已更當年百戰此危城恨留一矢浮圖著
臂刺孤忠血跡明擲杖長憐孝父沒揮戈難起魯陽生
相看惟有庭前柏猶宿樓易向我鳴

偕家鶴田義臣登望湖亭

名根剗斷久無聞何意登臨復共君山勢西來東岸合
江流一派兩湖分平鋪素練明如鏡忽動微波縱似紋
我欲乘風借羽翰飄然攜手賦凌雲

吳歌

憶心太愛妾折花比顏色儂顏那似花落願相憶

大龍山

嶺上秋風起深林白日昏亂雲迷澗壑何處石塘村

詠菊

菊下開三徑。門前恰五柳。時見白衣人。不餉陶潛酒。

夢全李白遊山水間

畫上先生亭。夜作先生客。爾為醉謫仙。我為醒太白。

雜詠四首

下式千緡拜。李廣百戰不侯。乃知牧羊有用。不若射虎多憂。

范蠡扁舟得意向。平五嶽空談清酒中。山千日黃鸝雨。後雙柑。

子房狀如女子。南陽弱不勝衣。一旦擊秦帥。魏請看螭。屈龍飛。

世不能入。具死亦當五。陽京經爾。蘭摧。折終勝。艾榮。

西宮春怨

昭陽柳拂輕風。玉輦今臨第幾宮。收淚再看明鏡裏。玉顏那得不相同。

長夜怨

御苑更殘聽唱籌。熒熒銀燭照簾鉤。鎭邊獨坐持金筋。淚濕寒灰不舉頭。

懷方密之遊姑孰

十里遶山聽蟋蟀。思君舟楫住當塗。曾將池畔驚人句。携上青山搔首無。

登謫仙樓

采石磯頭醉濁醪。興來鼓掉大江濤。慙慙莫負亭邊月。曾照當年宮錦袍。

釣臺詠懷

感項與劉反掌看。弓藏鳥盡未央寒。看來大將登壇幟。爭似長淮一釣竿。

秋日野望

倦眼登臨強欲開。剌山殘水載秋來。饒他醉葉紅如火。不是春風淑氣催。

彭澤弔古

一片停雲寄柳絲。陶家風韻未全移。先生應在桃源裡。欲覓漁郎知是誰。

湖中卽事

衰髮惟宜拄杖隨。那堪風雨怨舟遲。峰頭五老應相笑。深坐雲中不許窺。

趙相如

之或先也事。婦母婉容。愉色。當以寒素。無氣力。不。得請于朝。旌揚。母節。為。根。崇。祿。四。年。詔。求。直。言。上。治。平。十。二。策。阻。于。權。貴。不。果。進。職。歲。家。于。五。嶽。至。臨。壘。臨。田。入。至。不。足。供。饘。粥。所。著。載。國。詩。稿。其。愛。君。忠。國。憂。時。感。俗。之。作。諷。諭。婉。約。怨。而。不。怒。有。詞。人。之。風。焉。

雨夜

微雨來寒夕。空堦有秋聲。眾木何森然。齊為中夜鳴。久客無所夢。凜此肅殺情。觀閒任自然。萬物徒營營。始知。

天地大至教難爲名一念但不起道心餘此生

修禊日同譙玉長朱清瑟秦虞桓王燕友僧審淵

社集得酌字

曲屋護輕花修簷喧乳雀美人時一來霽日展芳約豈
無古人思詩懷臨廣漠執筆弄烟嵐上與浮雲薄起視
東西風悠然開我幕此意當誰知且盡花間酌

喜龔諸玉楚還併得尹達孝升書

故人楚天至與我故人書開書再三讀清風來徐徐宦
況若孤雲寒峰自卷舒食祿澹如此作客貧何如君行
桐子國遙山隔微廬赤風蕩千里子遺當無餘對君長
嘆息抱策將焉據君行何吟嘯汎波復涉潞荆榛大道
旁豺虎何時除遊子幸歸來欣於見面初

城居雜詠

置身秋月旁秋風颯颯至有客叩扉牽衣餐長嘯世
閒輕薄子友道成棄置黃金盛衰非白日叢魑魅澗壑
口血殷諱張玄黃易問余余不言濁酒請君醉昨值籬
間花小閣晝嘗閉蒼狗與白衣總是浮雲意我既返無
懷彼哉安投畀

招寶山觀海

江山積旅吟芳思入寒碧一葉窮東南歲盡不知客乘
潮胡所之遠挂蛟門席朔風揚怒波海天勢欲割空遙
不可支更上高高石回眄諸峰雲已絕飛鳥迹太虛夫

何心晝夜此潮汐成連旣已逝清響將誰格而我撫孤
絃長嘯弄烟隙

同慧生集范小范齋中

草木變園林秋聲翔遠壑天際集遙心白雲寓微託美
人紛靈修清齋延村若高臥烟塵間萬卷擁華閣披帙
攬孤懷陶然足酬昨萬象于此深靜者得其略宴起月
還來仰視微雲落客意夫如何引樽彌以擴

酬吳震生餉米

有鳥曰倉庚三春發嘉唱老農急西疇時雨祝帝貺荷
鋤觸炎威逾秋力始償如何頌讀傳虛名冀實養賤貧
道所安餓餓理云當矧余亂離軀十年逢屢創旅費寡

微烟 國家新淪喪他鄉空謂人無計媚枯腸良親

古心手進顛連杖玉粒分朝餐床頭士仍壯簡匣理素
萍誓使狂烽盪昨聞羽檄馳機槍逼淮上揮涕望中州
死殫道相望焉得慈懷舒盡沃君子餉浩浩大江流傷
哉萬里浪

薛仲翔見遺近著賦贈

高天寒楫空江裡華雲夜蔭居巢水溯洄遙問草堂人
一編手握雄風起憶昨黃巾起湖畔湖流盡赤人烟斷
聞君辛苦脫網羅乞師慷慨凌霄漢可笑中原行路難
大蘇高牙半賀蘭祇今三度嘶驕馬孤城不見登陴者
多君考古觀兵地東顧石頭北風酒娓娓千言苦不休

能爲桑土善綢繆梁甫高吟夢未覺長沙太息淚頻流
憐余病骨殊草草澄清愧不致身蚤看君俠槩當封侯
何事銜杯空潦倒吁嗟乎天下大勢已如此仗劍關弓
呼騷駉君言客意竟何如明日長安獻天子

寄蔣一个

蔣子有官不肯就被衲高冠談宇宙權歌霜夜弔湘靈
披烟手拂瀛州袖前歲上書侵公輔酒酣欲搥平原鼓
意氣難降世所違漢陰聊息千鈞弩白門蕭蕭羸一身
登堂垂白難許人青鬃紫獻從知已桃花何必武陵春
江上喜晤方中丞仁植

風發分匪車偈憐滄孤舟半明滅隔江遙見古雲垂
有客三湘舊乘鉞聞若跡欽摧狂狡三軍屢捷歌騰
誓師泣血淨神州主計多謀成中捷君言此事已成灰
風吹黃葉上高臺臣心已荷明主鑒縱我閒吟到草萊
聽君此言泣如雨東南半壁誰安堵故園鐵騎滿山頭
盡是前日監軍撫

同樂潛之飲龍舒朱綬若宅賦贈

東海辭秦帝夷門鼓晉軍古人高若輩之子更起群積
雨深秋色清樽過夜分欣陪知已話劍氣欲交雲

史長惺先生歸自山東詩以訊之

千里星軺至都從劍戟過東方事乃爾北闕算如何
馬已虺隤甚人猶慷慨多聞村三徑在石上長藤蘿

子與潘次
魯讀書處

金斗贈別杜直卿兼訊沈仲連蕭尺木諸子

君才應用世猶作汝陰遊坐此寒塘月同分客舍秋
開青嶂曲烟滿白蘋洲佇望江天遠行歌問酒樓

友人過山齋

秋山黃葉裡客至共銜杯種樹雲嘗護開門月自來
嚴威欲勁禽定影無猜不覺清言永燈花已數開

江泊

迴艦依岸草極望暗層林獨權將明月清宵導遠心
欣塵事省病驗道情深所愛江光媚秋陰染客襟

中秋得月同朱清瑟何麟分許石疏限居字

屋厭雲生戶誰知向夕除公然酬令節于此被門居
理光難竟寒香影自如花前勿便醉共爾簪盈虛

九江舟中

江程何渺渺風雨護前途回舫過彭澤微山近小孤
石根翻怒水木杪漾平湖自覺身無繫逢人問酒徒

王五岳携樽過浴蓮菴寓齋

招提臨古市僧定渾無猜客意從孤寄主人能數來
奇峰生几席涼雨到甌噐日暮村烟動山翁醉不回

巡立載酒同默公見過

故人每乘輿得句叩柴門二妙復攜手一樽重細論
審時尊語默憂亂減衰癯醉去君前總明當剝啄繁

於昌道中

登臨殊草草閱歷等虛舟中夜見明月同余江上秋
人談近事到處有深愁却笑謀生拙機聖尚未休

唐昌卽事

一邑祥峰裡清齋晝不紛
驚臥犬石徑宿寒雲引
衲搜遺事看碑想斷文
應憐遊子意閒醉向斜曛

鄒湖

洪流長漲漲小艇受風輕
天水從遙合烟巒向晚明
歸潮聞鎖路旅馬激霜聲
已見前峰月照余獨夜情

大孤曉發

駛涉連朝席高風曉又翔
宵更收岸柝石火響鄰航
曉掛霜如皁星移月歸床
此時塵界想烟水終茫茫

吉安舟中

霜宵恬旅夢倦楫傍香城
靜夜誰堪語寒河共此情
聽風詢水道隔岸簷雞聲
渺渺遙天未孤帆屢計程

美人鼓瑟

綺閣調宮徵閨情不自繇
數峰江上曲一葉洞庭秋
玉笋流香韻金風送遠愁
此時天際客寒雨滿孤舟

送潘次魯還白門兼訊定園先生

竭求江上柳依依三月烽高賊騎飛
痛哭軍門淹七晝偏師間道解重圍
萱堂夜別蛟室畔蘭漿春回燕子磯
戎馬猶多西北壘期君揮涕賦無衣

寄張恢生

頻年失意氣難平聽爾悲歌百感盈
朝議偶然行薦舉家貧終不脫諸生
春來寒雨喧金斗江上秋風到石城
典盡鵲鷄還命醉中原何日罷談兵

同君如諸子集葉明府春暉堂

十日春風集書堂烟雲夜夜引樽長
清言盡入梅花韻綺氣遙分蕙草香
世界不容嵇叔懶江天尚見次公狂
對君多少悲歌意潦倒難禁雨一床

哭范子明

西風吹淚白門前痛哭心知二十年
惠子竟先莊叟夢鍾生長破伯牙絃
誼同膠漆羞榮舉歲不龍蛇阨大賢
欲祈高晏賜已絕那堪烽火隔江天

魏德甫詩別柴使君卽和其韻懷之

野外離離香稻肥新篁小展韻橫飛
聞君久擅三都草作客還悲九月衣
抗論莫嫌唐淚數高歌寧獨鄂聲稀
可能青雀遙相待我亦江天帶葉歸

銅旅述懷呈鄭明府

春香不發歲寒華撫調難成古伯牙
一劍風塵誰可試十年烽火久無家
孤心入夜凋于葉老樹驚吹慘似笳
彈鉄歸來吾已矣故園回首隔天涯

甲申仲春感事

群策勲名在鼎鐘英雋何口噤元兇
十年議獄煩司馬

四畝新班起臥龍河伯威能爭豫壤泥九隙竟潰函封
荒原萬里春田草壠上誰明盛世農

從李彥卿贊畫乞醫方

瓊田時有草芽香道力還于入世長屢擁貔貅鹿赤羽
閒馴龍虎搗玄霜孤心近日衣惟白半夜開書石是黃
意氣天涯知已重哀願輕竊上池方

姑嫂詞

嫂自理閒琴姑獨勞機杼頻聞喚姑聲停機更不語

山房

道人久忘機看瀑偕陽鷲倦遊者誰子停驂呼晚渡

古意二首

作書不作山作山不作樹山與樹爭高遮歡去時路
夜雨何茫茫芭蕉聲難止我有百千心都在芭蕉裏

詠古二首

琴心誰辨手中絲買賦千金又一時若使當年無漢武
高才惟有婦人知
大隱金門幾歲華人間彈指付烟霞蟠桃一耐三千季
何不山中嘗看花

張俠生爲余畫美人走筆訊之

畫松便似真松樹畫美如何似美人莫道張公髯似戟
前身應是子房身

送龔孝緒之伯兄孝升署中

楚國風流天下聞官衙墨霧登秋雲眉齋若作眉山譜
夜半庭前呼卯君

江南曲四首

樓船蕭鼓動江城長板橋頭落日橫少婦不知烽火急
罷歌猶唱鳳陽聲

鸞箔新科異昔時桑田賴有土膏宜寒林一望成霜雪
又是明年四月絲

漁燈遙岸指江灘盞漿深深下急湍生長姑蘇臺畔女
浮家少小在長干

香傾竹葉敵高寒理策還尋玉女潭遙笛忽聞天外響
美人乘月步欄杆

西湖卽事二首

展繞平蕪石徑斜玉簫引醉入梅花蘭橈尚見前朝勝
腸斷春風蘇小家

平堤霜徑草全迷載酒湖邊手自攜攬勝設尋歌舞地
孤懷吟過段橋西

海上詞

天汛先春整畫旂餘艘多載伏狼機占風只俟清明候
結束軍門看打圍

陽羨署中送張諒將還湖口

其君隔歲話悲涼風雨人情幾斷腸今日扁舟重下淚
新開烽火滿潯陽

倪元善

字玄度號賓生太僕古旋公之仲子也少負才望

東吳隸弟于員飲于膠序萬曆己酉中副車天啟甲子父挈之遊京師入北雍因于天印丁卯登鄉舉遂棄帖括甲申以左侍御貞介公阮懷寧石渠公薦授工部司務乙酉棄官歸里與左貞介姚樞所著有小傳錄諸集行世

越遊舟中感懷作長歌

杖策紛馳洛陽陌摩霄虛擬扶搖翮
已酉中荆璞三獻
血淚枯蕪書十上絲髮白敢嘆我生命不猶敢嘲竿門
瑟未收英雄落常如此花鳥弄人亦何尤運會龍蛇
亂痕驚田園荒穢鼠縱橫挈妻攜子江干走地覆天翻
逃毒手咄嗟斷送老頭皮幸仗金剛脫陽九
三日前夢拂面敝貂遺卷一囊空踉蹌行暮雲東親朋見之驚

且喜車耳

餘得不死授餐特慰季女饑開顏且醉穠

生醴正好要女與和予無端風雨歲時除况復高高那
可問西河抱痛長秋歎壯懷嗟已矣隙駒迅如駛放浪
形骸外恣探名山水三十六洞揚仁風涵碧亭前叱馭
通但取鱸莖能佐酒漫信猪肝可送窮君不見世情冷
暖古道希安得格澤為駕蜺為衣又不見三萬六千如
石火何用勞勞名韞與利鎖清夢煮黃梁初蘭幽自芳
試看袖裏珠還在靜悟無生禮梵王

大悲閣

偶坐憑虛閣閒雲鎮日深岩巉龕古佛潭靜照禪心蝶
夢身原幻蜉蝣浪至今何如樂學者澈沍洗清音

左三山侍御惠衣謝之

何來錦繡段裁就辟蘿裳雖念鵲猶結將無鵲在梁春
隨淑氣轉日共暮雲長子佩重堪憶悠悠咏不忘

除歲和石巢韵

內外雙無卜夜深堂開綠野醉雲林但傾樂聖如泉酒
不解憂天捧日心憶簪篆文徒小草攜來節竹任登臨
年年願上椒花頌郢調寧磨白雪吟

省大兄金華

花萼樓頭茶酒香飲水先喜一開堂君山舊憩棠陰月
澌水新凝午夜霜兄有循聲驅太虎弟無仙術叱成羊
臨行握別還相念願召龔黃入建章

程熙載

字完白號篋山先生

輒高等以積學起切奇慧能前知明日事遊鄉校試問字者百舍重跼執親老盡禮撫從子不與所生與人交如坐春風飲醇醪古弄友祥順篤實光輝之君子也明末以歲貢試大廷旋棄之而歸仍與諸門人講學不倦晚歲舉所中所得整比成句有知連珠視頊言更爲詳洽題曰贈言其子詩綬而傳之洵世道人心之一助也年八十七賦詩別宗親與子訣皆修身理性之言不及家事謂疾六日端坐而逝所居宅旁有馬頭山學者稱馬山先生

絕筆辭

松栢何嘗不漸零循環原自有枯榮不留人世愁眉事
自向天宮放膽行似我兒孫還肯構傳家筆墨是躬耕
從容揮手當今日今日方能證此生

王敬德

字明甫兵馬指揮鳳梧公之仲子也家故裕所居古塘檀山水園林之勝尤好賓客坐上

常滿有孔文舉之風兄心谷病瘵明南口口承其
瘵垂兄死訓諸孤皆入黨庠升爵邦鏡其白眉也
好讀書架盈萬卷客假讀輒與之不還亦不取索
生平工集唐詩所著作出人意表秦寇之亂田園
子虛詩亦為詩所著出人意表秦寇之亂田園
口益士雅曾為明南家塾且為予言明南古篤
行君子竟死于悍卒之手天且不識鳥歸何處也
又記得吳紹勳集未卒之二句云不識鳥歸何處也
却招僧向此中來嘆為
雅絕其全篇亦忘之矣

十六夜月王孟常潘緋郎維南倪右臣吳集未李
士雅同集草堂得江字

中秋難見月此夕廢銀缸樹樹蟾光爛山山墨氣降同
人剛七子拈韻得三江不覺歡窮夜鴉飛過曉窓

李毓崑字攻先一字他石崇禎初諸生年少時風流
凡數十百首多雅自製舉業外工詩善小令詩
死後詩散失罕存者李于士雅病中從枕上思得

其近體詩有風格有聲調又嘗創始於
草堂陰綠春鶯樹綠黃欲振芙蓉之雙劍虎豹
一燈秋寺裏三管雪意前雲喜多峰來又別雨催
六月去還留雁行一辭蘆花思得王瑞爾玉詩
皆考功文房之餘韻也李子又思得王瑞爾玉詩
其卜居云忽厭城居臨西嶂路幾回商量買幽築
須種數株梅如事云誰家燈燭夜輝煌散子聲聲
響出牆半醉頻狂任著閑長歌路入賸錢場二詩
向已闕如頻獲全璧
附見于此亦一快云

六月六日方王文楮公彭子及陳子垣家士雅集

東郊雨宿書舍

赤日炎歊甚諸君破綠苔一時雲氣集四面雨聲來荷
葉翻珠子蓮香浥酒杯相留邨舍宿刻燭見詩才

秦寇偏城諸將軍堅壁不戰感而賦此

十萬黃巾控馬飛孤城誰把肉屏圍美人竟夕敲檀板

時羅孫麗左諸將皆領兵大將多時解鐵衣市上只添
城內擁聲伎為長夜飲
鳩鵲面師中莫測鬼神機聖明天子無疆福不見江淮
盜賊稀

孫如蘭字晚生自署曼衍老人兄弟凡五人以名檢
貴游子弟相效一門之內訴如也坐皋比談耕
而已予嘗遇諸孫人甲申後即致諸生古以代耕
按今輯詩將竣孫子喈公貽我二函始知廣平一
賦賢者固不可測也集仲公貽我二函始知廣平一
居參苓豈無古木春燕失空梁病吟多如亂後返故
移來石似丈種得竹稱君憂早云攪鏡驚難免同
歸鴈依圖訪舊云叩門不見會迎大隔岸疑浮舊
仲鴈感懷云擊賊有心惟少報仇無客且懷推
紀事云豈有一軍持稿素但聞百爾裁玄黃感賦
云燕田望歲豐猶歡寡下疑神吉亦訪友云賢
非孺子誰能豐猶歡寡下疑神吉亦訪友云賢
不具空存豆馬黃龍崇未是封憶子被賊擄云青
驚花下將離舞黃龍崇未是封憶子被賊擄云青
從賦佳句寢寐有詩三毛可送窮江子長山居
落城云鶯啼幽谷催酒雲鐘立關曉懷弟云水
菴云供隨鳴磬街花鹿聲應疎鐘報曉懷弟云水
雁飛越覺雷天潤被大偏驚雪夜單元旦云巴甘
社樹終為樂却施盤花又須椒筒得肝漢陽署中
云扶風為樂却施盤花又須椒筒得肝漢陽署中
云遺愁塔下琴花笑得句林間遜葉書自嘲云封
同風才札惟憑雁歌到三聲匪為魚其環響綴辭雖
有弟字亦伯者子兄弟童于師也授句賓入閱月
日把百美人絕句朗吟密咏寢食都捐今采詩于
其家亦無從物色之
矣豈非後死之責與

同振公伯仲遊龍眠

忽聞清磬發携手叩禪關風雨差堪蔽荆榛總未刪
鳴雙樹靜僧坐一龕閒許我來相傍何須更買山

漢陽幕中寄題曼衍草堂四首

絕上今安在幽棲勝受屋雖無五畝地却有一壺天
嶺島彌列飛泉匹練懸少文圖四壁終是假山川

插棘環爲堵學須版築勞天隨航杞橘仲蔚惜蓬蒿花
影千章繪松聲一壑濤儵然物外意只合讀離騷

丘壑多偏稱生才願已酬庭貺肥似芹檐鳥狎如鷗積
翠當忘綠輕烟入座清草廬安敢望差可散牽舟

天肯容安隱爲留此丘豪華知不美烽火涼無憂
得從麋鹿呼甘任馬牛得歸銘陋室何事賦登樓

村居遣懷二首

平生行乞枉衣珠歸守蓬茅老益迂賦有靈光堪放安
學非博與莫真奴漸增鷄犬常愁放下括牛羊不用呼

龍風雅集卷三
後此餘生總是偷長林豐草且優游族微不費籌車祝
詩非何堪夢卜求四壁圖書猶舊澤一簾風雨已殘秋

丈夫自有千秋業豈必求封萬戶侯

訪山僧

獨坐蒲團曉復昏西來秘意共誰論一聲鐘磬穿雲出
百轉烟蘿帶露捫欲乞金鑊來丈室慚無玉帶鎮山門
看了雙螭今何似可許皈依兩足尊

挽孫武公

回首中原事已非書生百戰出重圍壯心自許標銅柱
熱血誰知潑鐵衣刁斗聲殘悲夜月旌旗色變捲斜暉

慚予叩馬曾無語空向溪山賦采薇

山中初度諸弟治酒酌予時有子春之戚

頻年此日俱爲客何事今朝倍黯然皓首一經幽谷裏
敝裘五月夕陽前強支病骨酬尊酒屢啓空囊覓藥錢
縱得餘生翻是累不須更讀養生篇

懷戴大東解

何日相携五岳遊得逢泉石且優游千章古木常疑晦
六月衡門却似秋有句那堪方鮑謝絕交未敢避羊求
幽谿不減山陰道乘興來時杖作舟

秋日送司馬魯公遊匡廬赴舊將楊羅兩公之約
渺渺征帆向豫章鼓聲聲裏奏招商花開蓮社池應白

龍風雅集卷三
秋到柴桑林正黃湖上傾尊深醉月林間移席徧迎

爭持鞭弭追遊屐尚是山公老葛疆

代內寄漢陽

霏霏柳絮穿簾入知是春光不久稽出塞冥鴻俱比翼
成巢乳燕必雙棲錦文織似頻年倦旨蓄封猶隔歲題
偕老不知緣底事令人翻笑太常妻

東姑孺壁林和尚

出處于今俱是果飄然杖錫却從容一拳室似維摩室
四面峯如鶯嶺峯磴道高低從草塞柴扉開闔總雲封
愁人到此聞清磬猶似寒山夜半鐘

春初送從子赤玉赴白門李香岩家塾

尚憶六朝佳麗處于今傳說盡成灰山河舉目那堪弔
懷抱乘時且得開醉月艤舟桃葉渡尋芳折展雨花臺
待歸簡點笑囊句看爾登臨作賦才

月下聞簫

林間浙浙晚風生風裏招商一曲清聲漸自然終遜肉
我非太上豈忘情驚心疑是聞山笛傾耳還非縑嶺笙
記得當年秦弄玉樓頭曾引鳳來鳴

嘲老夫得老婦

改得新粧別樣嬌祇餘眉黛待君描誤施鉛粉侵雲鬢
洗到于今尚未消

胡代工

字子亮從知伯玉公家孫少穎敏能讀丘索
之書左侍御三山公器之以女妻焉接續成

左年十九辛酉自門流寓所著詩文脫卷內沉
左子永携本錢販吳下未幾江南沸騰悉失之矣

懷環山

環山秀甲石屏西邨市風帘颺不齊古木懸崖蒼蘚壁
小橋流水白雲溪野田雨足垂虹背別院春濃到馬蹄
人去舊林空有夢一尊何處聽黃鸝

盛邦手

字允中別號雪舟祖勳卿新泉公父司農連
生公累榮晉綴公世守青箱終身誦慕可農

公蓋癸辛于官厥重頭奔赴上書請贈鄉友幼弟
田宅必均諸姑伯姊歲時問遺勿缺尤篤于義故
始終弗渝里閭以急告不惜典衣舉息其孝友睦
姻為曉李所罕見崇禎末授官上林苑監承未仕
卒年甫七十其友鄧子侯庵李于石通私謚公
以端惠而端于為之謚論者謂足盡公生平云

懷弟山居

卜築緣丘徑知非得意來屋藏幽樹裏門對遠山開窓

淺雲低度林溪鳥暗回但須勤學圃瓜豆及時栽

暮春還山李石通見過

斗室容淡坐蹉跎已暮春少年難再得往事不堪論
廢原非病交疎祇為貧歲寒惟老友數過意何親

喜吳厚菴吳遜叟鄧樸菴方還山李石述李芥須

見枉小飲

兩月春歸雨雪天欣逢晴霽小張筵一尊須盡十分興
七老剛成五百年試數歲華如過隙好將身事付流泉
近來親識殊多故暫得開懷即是仙

九日江子長相約登高病不能赴

抱病扶筇力不加催租人至益堪嗟何心獨酌茱萸酒
無伴同煎桑苧茶世少白衣能重客雨多黃菊未成花

藥爐相對愁千斛羨爾登高樂事賒



龍眠風雅卷三十八目錄

木厓潘 江蜀藻輯

廣陵韓日起碧滄 祭

同里馬繼融愚公

范世鑑 四首

吳道軾 一首

陳拱璧 五首

江中龍 二首

戴因閭 二首

張克儼 三首

李延壽 二十九首

吳紹志 三首

劉猷芳 十四首

吳道濟 八首

楊遜 七首

厠貞 二首

戴邁 三十六首

吳汝旂 三首

齊燭 二首

吳日杲 一首

龍眠風雅卷三十八

木厓潘 江蜀藻輯

范世鑑

字子明天啟初諸生少負學原本性理博通經術諸凡天官兵法法書篆隸以及水利之書無不究其源委田車戰國諸子之學尤能抉其奧矣披瀝縝密不為剽賊塗澤之學尤能介尚風節取事于渴與之交焉重不可狎久而彌篤人無賢愚見者傾倒後生有一言之合乎道析然如已出亟為稱揚姚司寇弱冠時曾上書數千言涵泓演迤先生持以示予曰此異日救時之才也其智鑒如此崇禎末以疾卒于旅舍士林惜之

雙嶺山莊笑巖

舊有人行路新鋤一徑彎藤旋拳曲蓋石立自然關雨

過添飛瀑雲來出遠山林中盤礴久鎮日不知還

遊棕川古道菴

香閣門蘿上輕筠乘興遊蒼苔迷古道野樹護林丘

影松陰內江流天際頭如何禪定處羽客任棲留

謁朱大司農墓

司農墓枕碧峯旁老盡蕭蕭舊白楊長以一抔存漢土

此間千載自桐鄉古碑斑駁雲猶護怪石欹傾樹欲僵

我讀簡編如覲面又携椒酒拜斜陽

偕趙又漢方奕于諸子燕集北山

遠郭蒼巖一徑迴林花經雨未全摧迢迢雲岫尊前集

次第柴門杖底開春意却同人意醉歌聲還隔水聲來

仙翁碁局何年迹細草枯藤剝碧苔

吳道軾

字瞻樵弱冠補諸生篤學耆古為士林推重相國史公三徵不就所撰有涵鏡齋集及涉

江長語日
難錄等書

皖上卽事

三冬烽火徹郊原一望山川帶血痕帝爲上遊開節鉞
賊從江北瞰天門解天怒馬驕盈路窮婦孤兒哭盡村
惟有條侯真鄭重銜枚擐甲不聞喧

陳拱璧

字義先崇禎初諸生性孤介絕俗好古力學
利待以國士每應臺使者試輒被激賞數困舉場
三世縹緲半生寄火而竟不偶命也所著詩文蕩
於兵燹僅從其胥家蒐得五篇是亦昌黎之李漢
矣

過白蕩湖入小官山禮祖墓二首

淦淦青山雲悠悠白湖水小聚十餘家世稱通德里良

以我

先人占籍從茲始生爲皖神君歿有祠鄉祀祈報

至兒童伏臘燔羊豕云胡三百年豐碑亦漸圯大宗移

官山守塚留別子忍輕馬鬣封纍纍壟址隧道日以

迷不治伊何底誓將鋤去之次第剪荆杞醺酒告靈旗

一滌曾孫恥

端平際末造宋室久阡危西山與鶴山講學相支持我

祖生茆塘當軸歸師資累徵弗一就心與泉石期伯顏

下彭蠡姚許先致詞務須得我祖不得毋旋師焚山禍

桑梓忍惜志節虧所以一麾出早卧荒江瀕里人呼官

山清白仰令儀孰知我祖意服官非所怡後嗣守耕讀

慎勿慕華滋

清越樓歌示兄子默公

吾家十世惟讀書聚書各有三間廬我曾伯祖爾高祖
丹黃所至就樓居特構此樓植雙桂歲與三槐葉交翠
綈綈卷軸可三千經史百家分位置外翁曲靖方爽塏
來顧爾母登樓頭署以嘉名曰清越蜺蜺叢桂爲增幽
費舍碩儒標奕奕此書詎止名山業奎光夜夜照庭柯
產爾蒲梢天馬骨九歲作字凌右軍十三鴻筆該古今
祇今華年望弱冠姓名已自翔鵷林噫嘻茆塘遺訓戒
榮進子孫甘守丘園分爾生數器兼一身方池豈得淹
鵬運况當文明極盛時隆平國步煩撐持南北交訂待
良策會須吐由胸中奇不比茆塘在德祐大如同甫憂
南渡此書應有濟州劫此樓各接凌烟路昨從樓上登
歸來夢見桂花開兩樹晨起揮毫聊致語

喜門人江葦渡入泮東尊公峨嵋明府

雨餘初攬泮芹春綵筆文通夢有神每把乙黎占虎氣
欣看尺木動龍鱗書馳滄瀨風千里人對峨嵋月半輪
遙想蜀民稱賀日爲言茂宰似蕪洵

讀家默公試牘

小戰驚從壁上觀八公草木望秋寒文心韓愈通元狩
詩格陳思壓建安徐引天人應造郭詳陳表餌欲登壇
相期努力三年事盼爾雲達刷羽翰

江中龍

字鱗一天啟間諸生爲文幽異峭古自成一家與方爾瞻維石何應珏待卿結社南溪深

思孤詣傲然
不可一世

白門午日喜晤戴東鮮

乘流匣筑傍西州天濶占星望斗牛我已倦遊慚立鶴
君來擊汰狎浮鷗新江花柳葉風老故國漁樵暑雨稠
連日愁心同屈瓠相逢聊復慰三秋

無題

唾餘豈欲浣時流鄧雪隋珠遍十洲門徑獨能方仲蔚
琅玕幾度失王猷寡知自笑雷聲滿想像多從月影投
冊府邊籌新水事三千聊擊海颶秋

戴閣閣 字式其邑諸生儀部杭州公之子
少孤能自振經學通明卓有時譽

感遇詩

天門北去有長川遊子傷心往事牽策憶仲舒三獻早
詩慚常侍十年先豈期河朔堪逃暑且渡江東學刺船
風駛定知催鷁首莫教離索對晴烟

冬懷

江城流寓老風塵歲暮嚴寒逼隱淪司馬家貧甘滌器
伯鸞廡下恥因人但看梅蕊常懷孟豈有桃源似避秦
埋炤滿拋沾薄醉離騷快讀莫傷神

張克儼 字子敬崇禎初諸生天姿雋朗爲文溫雅醇
茂所交皆通人名儒年二十四早卒與從弟
子獻皆貧才名而先後不祿若符儼獻上林從惜
所著古訓集石城李居仁止爲之序而傳之妻姚
氏侍病到致內以進一七而愈再進則
不可投矣失節三十餘稔記則女祠

燕

不厭僧寮舊衙泥上下梁點波雙剪濕帶雨一芹香
逐梨雲冷語隨春晝長寂寥欣得爾來太未能忘

秋日別友

客從此路太秋色正凄然可怪別離際偏驚風雨天空
山迷落葉野鳥入孤烟立久寒衣薄憐君復自憐

玉屏山房偶題

綺語緣深懺法王久無春夢逐風狂竹侵坐石堪評冷
花釀流泉硯水香僧不放魚因鶴瘦蟬難釋字爲仙忙
鄴侯自具飛霞骨鷄犬勞勞歎下方

李廷壽 字仲山家于邑之橫陽好大言任誕自放嘗
一試童子科不售即棄太極生業以詩詞書
法遊公卿間卓犖徐月鹿銓部特異視之延爲記
室無何客死其家登部公厚給以歸錢子歎其

詩哭之云之子吾鄉秀拔陽秋最奇在青
多藝怪無師死仗故人殮生憐雅商飢不知去
僅留取幾篇詩亦
略見其生平云

虎丘中秋

客遊時節易蹉跎忽值清秋吳郡過連日雨餘今喜霽
中天月好奈愁何堤邊萬舫如相約石上千人不礙多
醉裏却迷歸太路滿江燈火送笙歌

西鹿野中

清醑入市未能賒且就僧寮自煮茶累日有緣連草榻
十年無喜報燈花窓前寒色山間月枕上秋聲夢裏家
此際若非兄弟共寂寥誰念滯天涯

內子長齋禮佛喜賦

內子長齋禮佛喜賦

解珮除韋向佛前也知煩惱太相牽鉛華未老還甘謝
羅綺雖貧尚可穿祇爲發心求渡筏願祈出世早登蓮
不然野蕘同餐久何用長齋太學禪

寄懷方子詒中翰

君服拖朱我髣髴地分南北各天涯鳳皇池上神仙侶
猿鶴山中處士家千里暮寒飛白鴈半籬秋色老黃花
何時更得雲泥合尊酒論文逸興賒

分鏡詩贈美人行

玉鏡今朝欲破時樂昌當日最傷悲本教雙鶴窺同舞
却許孤鸞影各隨白首尚須憐短髮綠窓猶賴畫修眉
莫令誤落他人手長使分開無合期

哭方子留

海上魂飛實可悲相將那復盡交期何須定學顏回意
却恨難傳思肖詩如此同心天下少重教刮目世間誰
惜君未見予新句燒鉤賁頭倘得知

過惜陰亭同陶羽文坐竹下有感

少時曾借作宮牆此際俄驚髣髴染霜古廟未頽遺像在
舊遊重憶幾人亡生徒近日延高座過從閒談愛老狂
三十年前數竿竹清陰猶覆讀書牀

平江舟中雜詩四首

潮漲平江兩岬寬初瞰衝霧上林端心驚節候更容易
日計程期進屢難村靜鷄鳴桑樹曉寺荒人睡竹籬安

西風浙瀝吹雙髻溯轉清流見小巒

雲帆漸喜近金閭何處園林問辟疆一座好山看入畫
萬株高柳數成行過橋花市通香水賣酒人家住半塘
多少吳儂歌子夜客心纔聽覺悲涼

秋至方經數日新勞勞行役負佳辰野花歷落開過目
烟水微茫近逐身唱曲成雙隣估舶采菱伴隔溪人
忽思孤影雲鬢冷刀尺今宵暗損神

不須蝦菜與尊羹領畧多堪慰旅情佇立但聞香過太
相看每在櫂逢迎蒼波怪石翻鷗暖白日游絲梟樹晴
薄暮更携餘興在瓶中貯得惠泉清

感述

花發長教負好春黑頭今見雪霜新江湖有興遊無興
藥餌難求病在身睡穩却嫌呼米婢詩成猶有索書人
年來事事多屯蹇贏得癡狂惹俗嗔

呈某都閫

一生在道最艱辛潦倒風塵剩此身人每憐才能恕傲
天遠與健爲懷貧讀書猶不求科第學稼終難遂隱淪
病木陽和知再遇勝他桃李十分春

早春訪潘蜀藻不值雨中柬懷

揚子貧來更屬文蕭條門巷鎖春雲故人到此曾相問
閣者何因不使聞欲就清光銷鄙吝怯衝泥濘待斜曛
左家壁上新詩好也當從容一見君

題左子厚啜椒堂

擾擾紅塵俗慮煩君棲北郭幸無喧乍看華屋新居好
云是先人舊澤存額曰啜椒姚老叟饒來乞食李王孫
因之重感當年事嘗膽如今不易言椒叔休那先
生所額也

寄汪平子

去年七月金陵別消息中間雨不知舟過虎丘惟見石
客來鴈汶祇傳詩山邊雪下梅開早江上君歸我到遲
莫負秋風好涼夜一聲長笛使人思

將赴六安途中先寄徐月鹿銓部

春明馬首杏園回爲寄殷勤到水隈知已尚無忘故舊
孤征那敢復懷哀青山著黛衝泥過紅樹如花夾路開

猶想涼風吹綺席定應催接野人來

六安道中遇雨信宿田家

荒邨底事苦淹留地主依依稍解愁携單捕魚供遠客
犁田趁水駕耕牛坐看雨脚深林斷起望山頭宿霧收
臨別牽衣童稚熟王孫一飯幾時酬

西湖雜咏四首

湖畔春來似錦園清波盪漾靜含暉魚潛密藻吞僧飯
風引幽香上客衣山鳥尚啼當日恨藕花猶歎主人非
那堪臺館俱頽謝華表應無遼鶴歸
沿湖楊柳種初齊下有青青草色迷車過渾如鋪碧毯
風來依舊轉黃鸝清詞直與山分韻屢舞常教日欲低

爲說杭州蘇太守昔年遺愛在斯堤

仙刹居然出世氛浮屠需鬻入青雲徑邊拂石千星落
檻外窺天衆象分昏旦湖山變氣候陰晴草木換情文
上方寂寂惟鐘磬不似中流載酒醺

橋通山麓會諸源須信雲中別有邨孤艇偶因風送至
密林但見鳥爭喧青蒲處處抽新葉綠水家家到小門
我意久耽泉石癖過逢可許坐層軒

別西湖

戀飲離筵日欲晡杭州作底足權娛山邊金谷何殊石
曲裏嬌娃本姓蘇白首幾時還再到青春此地忍相孤
臨行無限低徊處易別人情難別湖

訪慈慧上人

楓橋臘月別袈裟爲許今秋看晚花手種青松收舊甕
時當白露摘新茶慈航約起來無爽道號逢人問總差
一帶橫陽魚米市蓬蒿滿徑李生家

別胡有自

我已窮年作腐儒君猶挾策授生徒湖邊鮓菜同餐久
海內文章欲識無花發短牆閒借看客來疎竹遠相呼
可憐三載如三日此別悠悠會面殊

寄石述

風雅調孤千百載苦吟偏見老夫身自知此道誰能和
不信吾宗尚有人客館月明歌滿耳霜江楓落淚霑巾

何時再得相酬唱令伯多君我更親

五十初度二首

却能力疾尚高眠知足時時豈怨天有典詩成真快意
無營心靜即安禪冷炊端不因人熱寡過還須加我年
眼見商瞿猶舉子此生幸免負三千

青山四面擁幽溪緩步躋攀信杖藜居室幾更如屋市
此身何處傍烏棲當時生我無皇覽先君以五月見背
今日成人感母携先君人若節撫育可恨百年銷已半
回看海岸正昏迷

薦新

貧家今日始嘗新二簋方登淚滿巾客箸每常先厭祖

豐年猶自後時人學書難及棄陽帖乞食甘爲粟里民

如此艱辛還可獻寢園不薦十餘春

吳紹志

字季先大齊院山公之曾孫通政石蘭公之
家孫也以祖蔭授河南彰德府通判遷懷慶
府同知皆有惠政入爲尚書工部郎出知廣西南
寧府使交趾時交惠水災訊之乃水理爲崇公爲
文吏禱墮息水退交人立祠繪像祀之所著有廣
慶齋集子國供總戎蘭州身殉國難于公有光矣
石蘭公諱自明
有詩集失傳

偶興

十五女兒髮覆肩獨坐深閨春思牽小園花發方新鮮
輕風送蝶上寶鈿日暮下階何便嬾花間微笑蹙金蓮
采采盈掬向母前阿母愛花增女妍也將花枝插鬢邊
色衰花艷兩堪憐女兒睨視意悽然人生盛顏難久全

何如花發自年年掩淚歸房卸朱鉛羅衫半彈髻半鬟
香銷燈暗不成眠徒倚檐前看月圓

投少林寺

傍溪尋古剎驅馬恣閒遊遠樹暮烟直亂山殘日浮疎
鐘倚梵唄微雨點清秋緇衲遙相迓禪床且暫留

渡河

積陰今忽解霽色漾河流水漲疑無岸風平恰送舟中
年從躡蹻三郡屢淹留最是驚心處哀鴻集滿洲

劉胤芳

字未沐號白林廷尉清公之弟也壻荒冒
祭酒久因場屋遂棄太帖括含咀風雅宜與諸生
鄉選入詩史中所著次醉齋稿不下二千首以疊
山齋里德之此段有感激立下者

咏史

相如罷車騎高卧秋風時門掩茂陵草夢繞上林枝寂
寞竟何事歲月忽已馳賴有長門賦能克取酒資

小山館

黃鸝雨後來眠晚在高樹庭陰鹿養茸屋角鳩呼婦賞
心非有待因物自成趣濠濮宛在茲華林復何處

夏夜米氏園燈歌

米燈天下奇觀也海澱園芙蓉千頃樓臺錯其
中景寓於燈客有請寓目者使君於夏夜燒之
醉而作歌

七寶合成月萬花攢作燈燈來月自照燈去月重升古

來燈月不常好有月無燈月空皎君家海澱燈最奇一天皓月人間少此時海澱月偏照玉京水月色映樓臺芙蓉濯清泚見月不見園園花空的歷對月更燒燈花自燈中出花燈寶月一宵并海澱園林入眼明恰似開元花月夜雲中遙見廣陵城

竟州刺史行

李卓吾先生以副憲視髮黃州頃聞沈太守琬復解組棄妻子太竟人留之不得感而作此

溫陵先生金帶圍倦來一繫比丘衣把茅作活羞爾爲揚眉瞬目流清機先生於世良悠悠一身萬里猶輕舟何如竟州刺史百不憂東方千騎居上頭男呻女吟苦死留如花列屋翠黛愁一朝却走青岩居三度不報公華書功名富貴敝屣如萬夫牽挽無停車吁嗟乎二公神龍矯矯翔天衢下視沙界如羣豬

懷方嘉州潛夫

之子三刀夢嘉州萬里行舟過神女廟花入錦官城杜宇千林合峨眉片月明此時端手版從事恰相迎

忽憶故人五十賦寄

故人天下士五十尚青袍何日逢初度多年已二毛林花山路澁岩月草堂高不寐思瓊樹無由寄鬱陶

同方爾止密之過白安石齋頭

流水繞門西壺觴高復低花殘留紫萼樹密隱黃鸝對

酒休辭醉看山且杖藜莫愁歸太濕春路不妨泥

春遊

郊西流水處楊柳間桃花裊露幾枝好紫烟萬縷斜流鶯啼密樹飛鷺下平沙不淺明朝興重尋賣酒家

寄謝中隱靈泉蘭若

山人不作方中戀布褐春隨開士居半榻香雲初地接六時清梵萬緣疎當杯濁酒容乘興照眼濃花好著書老我別來蕭索甚高齋夢蝶正蘧蘧

出塞

寒烟落日□塵飛角纔吹淚濕衣紫塞黃河千古在賀蘭山下幾人歸

送路大參宣卿還宜興

白鷺洲前楊柳枯清江日暮一帆孤縱然不見楊花落也寄愁心到五湖

別文姬

潮來湖畔水痕平不分通舟送遠行莫道相思似潮水有時還退有時生

送汪君酬之湖陰

幾層孤塔俯江濱客裏追隨忽又分倚檻不堪頻眺望片帆一櫂入寒雲

別爾止

誰道相逢慰別離不能成喜反成悲明朝爾挂孤帆遠

我亦衝泥馬太遲

吳道濟

字汝揖一字周萬弱冠補都生與兄道觀有郊郭並美之譽崇禎壬午中鄉試副榜爲學府行教授鄉里能抗師法事母色養備至尤爲人所難久次學宮將以明經貢于廷先期早卒士論惜之

皖邸有感

皖口徵文日中原鼎沸時千家聞野哭一劍倚身危太國還懷土登高漫賦詩祇愁劉刺史長嘯不勝悲

小年夜

孤懷驚歲晚此夜倍堪憐酌酒聊從俗思親不忍眠音書憑間道信宿老江天何日棧槍淨呼嵩祝萬年

元日雪

曉風風雅集卷三

不是山陰權如何雪滿樓擊空聲細細撲面竟颺颺鳥鵲迷歸浦山川著素秋老農占歲稔一語破離愁

皖江抵仲兄寓

風起天纔霽因登皖伯臺吾兄江上望有弟賊中來道路經冬雪悲慄此夜杯欲前還了予乍見恐疑猜

迷樓舊址

也曾樓閣倚雲霞故老相傳帝子家複道恩光霑腐草昭陽日影照棲鴉銅駝不下三年淚銀剪空裁四季花興廢祇今憑眺望江山可認舊繁華

暮春送友人南下

桃花雨落水東流太江天一望浮曉霧鳴榔迷古驛

春風彈缺信扁舟卽今故國妖氛滿可是鍾陵王氣收爲語僑居陶謝手新詩好載仲宣樓

九月十四日同友飲醉月樓因贈其主人陶翁

燃犀山下葉颺颺有客狂歌古渡頭邂逅青山能作主招呼明月却當樓天門霧宿千帆影牛渚風高萬壑秋可是相逢重九後君家叢菊尚風流

同友人舟行大雪

水色天光一氣浮大江如沸擁歸舟千山玉樹臨風立兩岸銀河夾霧流虛擬梅開何遜閣又疑月到庾公樓清寒此日惟君共典酒前村有敝裘

楊

字晦谷自號天山子述古先生之季弟也家貧采相養親不沽舉子業晚築室山中蓄花樹果核以自給嘗遇雪累日抱金瓶而飲枯林不出于其爲詩清而不莽亦有可誦者

咏史

蕪武持漢節不屈志何堅收旌待乳生遂經十九年饑餐天上雪渴飲石中泉雖然歷險艱至今稱其賢

憶亡妻范氏

偶前簡空箱留得一疋素執素憶其人含情欲誰訴縱得工縑人未必能如故

贈李德林先生

蒼顏老子有詩相短髮長鬚倒曳杖不駕安蒲隱茅茨只貪醇酒愜高尚春花落盡秋蘭芳幽谷無言祇自香微風引入樓玄閣歌罷新詩一舉觴

茅齋纔落罷有客共徘徊一水千回繞羣峯四而來沿溪幽草出傍石野花開他日迎新燕期君再舉杯

聞道君家築草堂想應梅竹覆東牆
睡殘午夢黃芽熟敲就新詩綠醕香
馴雀穿花喧日暮遊魚戲藻引波長
年來飽得山林趣未必君狂似我狂

雪現遠峰盡意雲歸幽洞詩情寒鴉幾點枯樹風來欲定還驚

山家夜飲歸途口號

山家斗酒醉山翁
醉裏消閒百慮空
夜靜歸來復作伴
半天星月一溪風

厲

貞字羽元隱居有志節

簡友人

深谷松千樹寒塘水一灣翠微依石屋蘿薜繞柴關丘
壑餘生計風塵壯士顏含愁忽成寐鶴唳滿空山

春日以詩代柬招徐公悅

忽憶論文友山中正索居欲將春社酒共讀古人書
日掃花徑相期過草廬貧家何所有君莫笑無魚

戴

頌倒千一切世事泊如也好讀書需嘖嘖籍輒能
 涵掾槩括晚年投徒自給益困踣不振年六十餘

卒無于人感惜之著有浸興閒吟諸集
李子石逋屬予校定采其最者若干篇
預書絕命詞

我非彭祖年安得久我卽彭祖終當回首苦海茫茫一朝撒手哭我無人笑我有口我已行矣何分好醜

明知

明知有一歺未歺且復樂有書且復讀有酒且復酌好
景恣遊詠好友恣歡謔此身在塵寰不過須臾托今人
漸凋零古人不復作嗟哉無知輩皆爲名利縛矻矻不
肯休脩短難預度譬如少水魚漸漸日就涸一朝續息
定孤墳何寂寞

夏夜咏懷

龍紙風塵卷三
月
月在紙窓明月落室若漆蛙鳴不肯休莎鷄更唧唧四
野閒無人獨宿領蕭瑟輾轉望天曙夏夜如夏日

幽居五首

淵明不求解我則不求記閒翫樂餘年雙目受其利所
恨居窮鄉未盡千古異安得三十乘死生不相棄
不欲神已枯縱飲儀已喪惟值半酣時身心自閒曠賢
聖名匪虛功德頌豈妄必如大聖人而後可無量
古來善書人鍾王稱法律多少臨摹者亦不入於室技
豈在承蜩射豈必貫虱我雖不善書自有我之筆
孤身對孤月應知月亦憐一月間幾夜一歲幾回圓月
間猶有特人孤已多年何如無圓月長夜暗中眠

我本老來人晝睡更難已忘情汚與雕朽糞甘自提拂
意事紛紛一睡便忘矣料得長逝餘酣適亦如此

月下對酒邀竹中泉下諸友共酌

孤居半載餘賴爾相爲友月下空徘徊時愧獨傾酒頃
遂與同歡魂魄有知不生前肆飲宴此際羣緘口疎竹
冷淒風流螢定衰柳遲雨爾不來淚下欲盈斗今猶感
慨生異日終當偶不識予何人姓戴字槃叟

偶成

蘇州做彭澤中郎做東坡我自用法何爲苦學他情
於靜裏得景向眼前過花鳥聲色異風雲變態多

獨酌歌

龍風雜咏卷三

獨坐無聊已覆被忽聞酒來躍然起把盞獨酌還獨斟
面帶微醺亦可喜飲罷古詩重展看嗜酒無如陶與李
我雖不及古之人欲破窮愁聊復爾試問酒中趣何如
我亦難名其所以

喜晴

夜醒危復雨晨起幸朝曦宿友重逢日奇書乍得時商
量燕語壁奔赴鵲銜枝又聽農人語春寒尚可疑

早起

鳥聲催枕上起眺意欣欣松老偏宜雪山高不礙雲遠
泉穿石落野火隔宵焚對此清凡慮無勞謝世氛

偶閱陳眉公酒董茶顛率爾書此

茶掌秋兼夏酒居春與冬百篇遜李白七椀過盧仝善
飲東臯子能烹桑苧翁斯人如可在滌器願相從

山居雜咏二首

素有泉林癖都無名利貪含情培妬母帶怨種宜男是
石堪容拜無山不可談黃鸝時刻轉那用費雙柑
春到花爭勝荷鋤手自移竹披君子翠松老大夫枝有
伴同呼酒偷閒自課詩牡丹開卽落富貴幾多時

讀書咏

老來何以愛山居寂歷空齋好讀書水助伊吾鳴澗底
鳥驚吟咏下階除不求強記情無繫斷却名心福有餘
三食神仙戀老蠹山靈應笑不才樗

七夕有感

今宵秋思在誰家望斷清光一倍嗟有巧難求甘拙守
無衣可曝畏寒加疾雷古屋驚藏鼠密雨空山隱暮鴉
回憶昔年相聚日雙星坐對意無涯

贈迎龍菴老僧

老僧本是閒中客更向閒中得最閒歲老不知成皓首
坐來獨自對青山心光朗朗花千樹性地如如月一灣
堪笑嶺雲閒不得幾番飛去又飛還

答友

梨雲夢渺恨年年病到床頭斷酒錢敗葉欲飄鄉思碎
瑤函忽墮友情牽披從冷砌鶴窺字讀向西風菊解憐

近况蕭疎那可問報君只有舊時顛

歸桐感懷

歸來生事有誰憑歲暮衰顏百慮增無室無家仍是客
不齊不佛久如僧肝腸欲訴尋知舊形影誰憐記夜燈
性本孤清時更變遙期弔客借青蠅

予久客歸桐韓五弟贈以長言走筆步韻

久棄繁華若棄塵客雲旅月伴閒身艱難世路休言貴
羞澁囊頭自愧貧偶憶昔年如隔代乍逢知舊若新人
浣花卜築期終隱須仗裴郎數十緡

雨潑巾壞

午餘攤鉢興方濃驟雨傷巾足惱儂酒似漉來過晴簾
角雖折盡愧林宗思彈不得情空繫欲挂無能恨溢樽
應歎儒冠久誤我却教露頂任疎慵

和萬柴函感時之作

兵戈蹂躪幾經秋迹跡深山絕世求謾擬雪中披鶴氅
惟思灘上著羊裘聽笳莫向賓羹館望月休登鎮海樓
南北紛紛俱不同酒酣歌罷自搔頭

七夕山中有感

虛擲年華又七夕幽棲岩谷已三年人於老至偏多感
山到秋來倍可憐蘭苗始萎旋吐桂鶯歌乍歇忽鳴蟬
光陰迅駛堪惆悵誰望雙星雲漢邊

述懷口號

年來年去自年年鏡裏誰知老態添但得安心便是福
若能閉戶即爲仙爭他名利何時遂想到兒孫那得全
趣此鬚眉具一世早參生死大因緣

閨情

十載深閨祇自憐蛾眉畫就負嬋娟梅花落盡尋常事
不爲春歸恨杜鵑

聞蟬

小窓亭午乍聞蟬日烈風輕響易傳又是一番新聒噪
綠陰深處惱人眠

秋夜贈索上菊

移爾置之筆研叢且收傲骨讓西風雖無綠酒拚沉醉
也把燈花添夜紅

咏菊

霜姿不爲繁華改傲骨寧甘流俗輕三復落英多楚怨
一生知己是淵明

竹中諸賢

翠竹森森幾度春其中安置百年身當時一霎氣猶在
俱是奔波名利人

中秋對月

雲淨天空鴈陣寒置身如在水晶盤可憐孤館他鄉客
霜鬢年年祇獨看

讀書嘆

一字不知真是福萬言日誦總歸空焚香默祝來生世耕耨機人並釣翁

憶周文止二首

清才雖死訝仙逸天遠玉樓勒彩筆記得哭君河上墳雪深三尺没人膝

十年笑語散茅屋夢裏驚君敲砌竹何處相知最斷腸遺書零落無人讀

言志

杜生愛吞百隻蟹何老欲買妾滿屋腐儒齷齪拈鬚笑架個書樓睡個足

吳汝旂字隱招號鯉石博學好古至老手不釋卷性耿介與物無競鄉里以長者稱之年九十餘

今自稱瓜山逸者所著有瓜山集

菊月朔日壽家公著六十

南雍丈人何所有拓落青山一杯酒南雍丈人何所娛倒翹白眼一床書青山白眼兩相得富貴浮雲各自適支遁心腸悉達身維摩鼻孔尼丘脊如今世態趨炎熱羨君肝膽飛霜雪如今交誼中路衰羨君終始堅金鐵人世榮枯何足論古道從今矧顏色君不見東方桃實安期瓜都向君前供歲華

面壁誦經

碧眼胡僧曾面壁我今面壁在橫江洗心但誦經三卷閱世猶存眼一雙座上誰堪尼父鐸塵中自有法王幢

晨鐘暮鼓如常在何必山僧夜擊撞

悼季子紹詩

頭戴夫鬚草身披襤褸衣日斜猶未返慈母倚柴扉齊煜字中立弱冠有才名崇禎末早卒

月夜行舟

曲曲寒江路迢迢遠客情雲開霜月小風息夜潮平清興思宣子孤懷憶長卿萍踪何日定愁聽塞鴻聲


旅寒思歸

發發寒風吹我衣遠江孤客月霜威朝朝悵望魚書至日日悲看鴈字飛夢裏故園千思擾愁中羈旅萬絲非前簷獨步行踪寂漂泊何時權北歸

吳日杲字子杲號龍溪居長洲

遊浮山

誰道蓬萊仙境賒名山浮水似蓮花欲看雷鯉烟霞句似泛張騫月夜槎綠樹文禽添古蹟複廊深洞有僧家不知棋畔人歸否猶見雲飛谷口斜



龍眠風雅卷三十九目錄

木里潘 江蜀藻輯

閩中魏 憲惟度 祭

同里馬 教思臨公

吳德操 六十首

方共義 五十六首

龍眠風雅卷三十九目錄

龍眠風雅卷三十九

木里潘 江蜀藻輯

吳德操

字鑑在號客才氣橫放詭詭自負肆力為詩古文光芒氣味醇樸通人所與交皆傑流

東門行

東門行露瀼瀼非陽關多戎裝揖我數故人驅我僕馬

當路傍解一腐鼠嚇風雛饑鳥啄人腸鳳皇自謂安之朝

飛暮宿徒迴翔解二徒迴翔欲集高樹無枝下瞰海外無

梁刀鳴箭中流水湯湯千里萬里何其長解三刀鳴箭中

龍眠風雅卷三十九

流水湯湯千里萬里何為長從此著禪襦入都門解四

鄉解

悲歌

父兄當為廉節子弟苦于飢寒一朝得罪赤手何官黃

金可結人何必以廉貴殺人可取錢何必厭酷吏

對酒

騎馬走城東不交卿與公公卿顏色賤但畏霍家子都而霍將軍劍履方登殿當復思秦淮酒樓中有劉生人稱東平手劍安之徘徊夜鳴嗟呼江以北淮以南漢河間幾千里孤兒單丁寡女無父兄乳虎之怒嗥西營謂劫掠肅聚為降兵不如對酒吹笙今日安坐明日直

承明或云有書萬餘言願獻陛下不必知名

鳥生

鳥生叢桂樹雙翅飛入端門樓惜我端門樓中林木沉
密有人拖玉搖擺長秋以金爲彈銀爲鈎出入挾彈先
惜我鳥死鳥子聲啾啾阿母尚在淚下不休阿子飛不
得上仰天嘆息託報仇惜我堂前乳燕雙雙棲乃在人
間銜濁泥曾不知黃雀在深林中羅家尚得射殺烹之
鴈鴈自以爲塞北甚苦吾來中道相遭分離惜我蕩子
逐彈無還期又見杜宇鳴且悲骨肉不自啄滿眼身孤
羈萬事反覆哀痛何爲

董述行

蓮萊之山與天連仙人端坐樓居前路絕不可攀欲駕
長虹爲橋但見海水風激蕭蕭一督工造木蘭船沙棠
爲橈繫置崑崙巔高望紛翻但有山木猿猱相踟躕
何知採藥不可得多太少還或溺于鬼神福命心所煎
安得鷄犬舐鼎飛來騰上天三傳教諸公且看駕車乘
馬還長安生女作后子爲侍中官天公愛汝賜金錢獻
此錢世世加冠四解何必神仙然後萬年家世王公大人
賣官鬻爵不貧醉飽樂過千春望陛下永結婚與姻

淮南王篇

淮南王不自尊賓客車馬克前軒吾將舍爾從八公黃
金爲闕天門中天門中何食搗藥一丸化五色奉上

天子壽無極臣服四夷聖皇哉南遊閭闔門觀玉臺微
玉臺乘天馬徘徊無人樂不可下人生富貴若不足學
得神仙作舞曲

善哉行

來日大難憂來千端出門遇雨炙火不乾一解相如得婦
志在高官自滌酒器有何喜歡二解汲井之綆可以斷幹
伯夷覆舟人人心酸三解負薪入市饑不可餐行過會稽
太婦難完四解人亦有言沐猴而冠斑斑猛虎與之盤桓
五解我無衣裳以禦冬寒築室路傍愧彼曹瞞六解

詠懷二首

夜大吠深巷晨鷄鳴高樹枝葉斷不全平生誰與訴年
齒三十餘被服舊章布父母生我時親戚賀騰望我
大門閭祝我光墳墓五歲入鄉塾從師受章句十歲能
大言膝下草詞賦蛟龍善作波頗爲尺水誤運命安可
知忽忽蹈遲暮咄嗟失意人貧無親戚顧北土委柴荆
喪家那得住大人五十餘餐飯不如故阿兄困紙筆小
弟尚懷乳自恨不高冠又不能窄步鹿鹿山水間強顏
怨霜露杯酒發我狂衆人嗤無度胡不埋姓名輕薄自
卑汗貪財結惡少空中以行路偏側徒區區何用五石
瓠

淮南好文采乃以得神仙服食煉藥餌輕舉有遺篇嗟
汝世俗人迷惘何拘牽年命日以邁感迫難少延奄此

明月光浮雲飛上天雖有好客色失意相熬煎灼灼青
藍花龍蛇當我前傳教取玉杵上謁高山巔寶器不敵
盜怒馬不斷鞭仲連義辭爵千載稱豪賢

門有車馬客行

門有車馬客言自故鄉來故鄉千萬里遠望無高臺天
下方好亂太白正南災整衣出見客僕馬何厯厯丈人
且寬坐斗酒洗塵埃家中見阿誰尺素手自裁君家婦
在堂日夜望君同上有小印絨中寫長不歸相見日以
潤絲髮日以飛男兒不念家無問瘦與肥明月投君懷
隨風生光輝灼灼河漢問詎知會面稀當軒理促柱懼
驚鄰婦機

少年行

都亭望苑雜行行過莊旌雜沓好身手蕩子幽并兒千
金得名馬寶裝爲人騎開弓挾大彈中雀烹爲醢烹汝
告烏鴛啄肉無已時還脫金錯刀赤手格狐狸製錦當
市中且爲豺狼悲利劍齒腐肉黃麻變青絲西北黑雲
上日脚橫旌旗駕車使麒麟中屋鳴梟鳴占者云不祥
主人當爲祠張樂在大野臨以迎神辭少年挾彈過走
馬射殺之一臬作人語惡聲汝莫嗤遊戲白日間不辨
殺人誰

放歌行呈石齋先生四首

枯桑連櫛櫛夏屋怪棟拆置之當路衢黝黝生枝節梗

桶豈不嘉植根周十圍推之爲柴薪炊爨揚灰飛昔我
遊瑤臺孽孽炫炫袪袪媚媚嬖嬖姿姿步自趨起暮宿北
邙山高者塚與墳曉日臨瀾池冠蓋屯流雲西北厲颶
風蕭蕭路傍柳天馬見黃犬不願龍爲友秦牛牛易馴
畫龍龍易波華藉極修阜孤鴻落危柯入地伏土問上
天不顧反遊子登孟門下視羊腸坂

素絲雜厄茜蒼黃不可知赤日當西陸浮雲變爲緇
題向我號左右相肩弟亦有東家兒不能事夫婿嬌羞
雙蛾眉鬢髮插翠鈿男兒號冠玉未必知可憐譬彼耕
上鴈飽食烏鳶肉失意即殿太燕雀巢空屋椽乾莫苦
饑藍縷莫苦寒素絲若常白安用百千端

舉手招神仙悵悵不能語天門一何高翔駝降北渚附
耳長發嘆服食何須多樓秀乃却步蹙蹙登嗟峨不見
河漢水潏沔激怒濤西山有獵夫飛罕空悲嗥爾龜不
我言豈能信鷄卜駕車上太行腸中轉輪轂關蜀雖險
峻視之如表嘜河朔自平曠畏之如九折瓠甌與瑤瑤
委棄大道傍或遂沉泥淖或以裝重房貴賤各不知不
如鬼蜮好焉能學搗藥負擔求奇草

橫門遇女于東隣良人婦萬里事邊關孔武揚豹褭慘
慘夜縫裳豈不樂膏沐絕塞坐上頭君次能擊筑福或
重於地文繡被虺虺禍或輕于羽掘獄得怪哉種豆不
成箕治田不雜草壯女嫁征夫孤兒當遠道齧郛蹶康

莊老大傷遲晏咸陽賣酒兒多錢復善算有妻業屠沽
世居橫門東捐貲據路津復能薄三公

入都門作

褰衣得繩紐利劍不在手上視城頭鳴白鳥大兒得罪
小兒口我來夜渡桑乾河遼海重關漁陽多健兒橫槊
青驄馬腰間羽箭還發歌華閣中天棲金爵別風嘯
浮雲薄莊遠館宅繳長蛇招要雜沓公侯家齊童趙女
立廊廡七盤長袖能楚舞市井倡優被繡文黃口刻爵
在勲府昨日諂事魏其與灌夫不如武安門下爲家奴
武安家奴可殺人布置權要富路津睚眦輒敢弄白日
借交構陷先告密東來道殣多死盜賊江吳何足鄙

讀阮步兵集卷三

都亭座起輪莫埋望見董賢翠蓋車呼來耽耽猛虎嘯
豪賢娼妓嚴謹要金錢父兄貴倖致千萬子弟黃金白
玉相勾連安用左右東方戟橫插雙貂入兩掖上殿有
瑟不得鼓下殿從軍裴馬華馬華何其苦少年肆訕侮
麤鼠技盡爪牙爭摧頽毛羽憐狂生葛屨練裙雜純袴
世人怪我能澗步我欲向城東當壚無黃公我欲問朋
友紛紛車馬不可數我欲仰天搔首指青山浮雲蔽之
難以還我走狹斜見好女顏色頗不足風俗固當怒已
矣狂生勿悲歌悲歌聽者當如何咫尺不得見天子狂
生之歌且已矣

擬行路難三首

花落東西吹乘風不上墮濁泥泥濁日以遠撲塵飛上
天落花旦旦無時反君不見阿嬌金屋姿誰信長門寥
落時君不見平陽盛歌舞阿兄人奴尚公主

上山紫雲覆下山百鳥翔掘地得遺卵雄者爲鳳雌爲
凰世人嫌此羽毛文彩異不如韝上蒼鷹復解事雙雙
未能飛籬邊簷下將安歸將入鷄羣啄餘粟不食既不
可飽食憂其肥

汲水上山巔覆水落山底大河星宿來瀉入平地漲不
止黃鵠飛入建章宮有人從之挾彈子晶晶太液池水
深一彈卽投洪波裏曾聞東方避世金馬門據地龍蛇
豈得已斯時建造通天臺仙人之掌高不可擬雒陽長

龍風集卷三

工鑄金莖上有玉盤承露美且旨道傍渴死乾封年
卿文園病不起此兒慨諾見武帝痛飲神仙之酒如飲
水飲此酒者卽長生誰憐臣朔飢欲死自稱日誦詞賦
千萬言十五通經史二十擊劍遊諸侯可以爲天子大
臣矣嗚呼東方當知之大隱隱朝市好文不用司馬遷
好武李廣何必喜酷吏纔上書又廷見方士

二十四夜作

鼠筆地下不敢寫欲哭不哭無知者草堂燒燭燭變青烟
炤見游子當寒天家家祭拜鬼神走妻孥怪我不容口
洗手作羹淚霑裳上有如婦聲不揚白髮中宵看風色
小郎啼笑求衣食飛飛鴻鴈一還顧莫顧長安千萬路

黃河水深能作波泰山雖高跛羊多男兒生長荆吳遊
齊楚不如早娶使婦持門戶何爲自號慷慨不顧家北
涉萬里聽琵琶或云唱齊謳歌吳趨青樓輕薄多酒徒
坐中誰操鄉土曲雜諧筍管斷相續公然帶劍出門單
布衣年年歲歲無人歸

成相七首

成相者楚蘭陵令荀卿子所作也雜陳古今治
亂興亡之效託聲詩以風時君余取其意綴以

近辭且引類貴夫通於時者爲可備覽觀焉

歌辭莫厭長試讀請成相寶鑑何年失良弓却早藏病
將愁蹠盤醫不切膏肓多識詩書事中有得禁方

龍賦

吾亦能高義共如姓運期求安高士傳畏挂黨人碑五
郡何相迫諸生不可爲好言嘗恐中得罪累文辭

廷厚黃衣者方知相府尊弄臣歡割袖乳母計盤根郡
邸行輪作宮門變慘寃從來唯宦寺近地易承恩

賞賜虛耗費叨恩自御前左藏差少府內庫聽中涓官
與鴻都市人工姪女錢翻知平準法武帝善營邊

上書久不報誰肯犯龍鱗多引通經士時旌敢諫臣殿
中能辟戟郭外卽埋輪自有道人誦謠辭可具陳

重足稱陰事隨時本陸沈鄉人投匭慣小吏舞文深驛
馬趨行在構厓集上林早求爲獄卒得意挾千金

簾遠須卑聽先通上下情深宮觀史傳便殿接公卿水

旱時陳疏風雷豈好名狂言能見採無有不披誠
閩游留別幼光兼示臣向

君才在漢代亦是馬卿流辛苦成吾黨淒涼悔遠遊故
入當李杜癡婢識錢劉白日江波惡漁竿莫浪投

李供奉祠

太白祠前渡登樓見大荒老松鱗甲出畫壁葛蘿長倚
馬成宮調騎龍交帝鄉千年吹不盡采石客風霜

七月十三日

一百八十日音書竟不通鳴蟬知候到太燕覺梁空卧
簾思南斗當軒近北風已占河射角無處覓飛鴻

和仲馭南園詩二首

白社常同宿深言慰董京鴉啼雲外月鳩喚雨中晴
屋還臨水書床正而城芳洲歌采采遙集楚湘衡

託意園林外溪流傍一隈詩書隨我讀風雨耐人來過
雁翻殘露隣鷄踏淺苔向來橫吹客都不到繁臺

憶姬

小立香階淺臨風笑語微客憐新夜月人著舊時衣結
綠空懸劍流黃不斷機但能偕隱逝推髻可同歸

答體嚴伯父

伯父真儒者吾宗重老成秣陵青管夢栗里素琴聲敢
謂潘尼賦羞同阮籍名昔年亡祖語因見古人情

示寄之

魚網那堪鴻鴈羅君今三十泣銅駝上書持索求刀筆
得罪陳詩忍怨歌使酒尊前豪客少低顏床下拜人多
僧房度日忘年歲雨雪初來正渡河

送錢仲馭吏部之任粵東分臬

水漲秦淮春可憐故人載筆滿前川丹青妙畫厨中變
尺牘成書海外傳曲奏胡床憐別路當庚嶺望飛鳶
昔時賦就江淹後爭似吳生五朵箋

冬懷二首

江北荒田棄舊農多賣油素作書傭豈無買第袁居正
莫笑登山范彥龍太學鄰房誰下拜大家廡宇亦堪春
病來欲獻相如賦泰岱今年又不封

龍眠風雅卷三九

投札遠移白下城燕齊一半阻軍聲市中胡餅何心齧
宅內茅茨有意晴憐得小姑難可嫁笑來壯女竟無情
平生嗜酒貪奇字岸幘牆東待老兵

渡黃河

河南河北陰風多吹我愁心橫渡河近塞□兒變漢語
中原浪子工藝歌四方邊候有烽燧一路野田無麥禾
水澤魚龍或不怒莫令此地揚洪波

同魯爾章劉阮仙胡孝緒郭昭子集飲

賣賦狂生知者誰過君執手慰盤匱楚人不哭終成病
燕市無歌亦自悲豈脫敝衣成鼓史將攜新酒問胡姬
十年莫恨披韋帶高屣中原遊使兒

燕臺懷古二首

昭王賓客坐如雲荒草今看樂毅墳此後白衣辭壯士
可憐赤日死將軍玉河莫似昆明水石鼓猶傳獵碣文
巷有屠家能貰酒恐人擊筑不堪聞
薊門秋色冷邊關萬里飄風自北還牧馬誰能窺瀚海
射鵰終不過陰山陣前通冠新王子口外降筵舊朵顏
恢復諸臣勞計策早清鐵嶺賀蘭間

聞掌憲劉念臺僉金天樞兩先生同日蒙詔作
危冠伉直遂廷爭梁下先驚懸鼓聲獨坐轉慚辛慶忌
同官還累賁游平人言太尉門嵯峻帝識萊蕪釜甌清
臺閣一時誰表率飄然南策蹇驢情

龍眠風雅卷三九

秋興三首

丈人何地覓龍威秃筆重嗟董子惟芳樹流雲添晚翠
老荷著雨見新肥辭巢海燕空梁舞索食腐鳥短嘴饑
誰道尊羹鱸膾好江東張翰未曾歸

舅家風雨散帷褰少小呻吟外祖旁同載神童慚孝綽
難成宅相負恩光豈憐蒿里悲飢歲遂有麻冠哭大裘
骨肉至親誰執紼到今汨濕九秋霜

莆田七月海風秋誰到江東寫我憂露冷芙蓉王儉幕
書藏夾漈鄭樵樓卜居未有安危信行路方知出入愁
笑指雙星河漢潤明朝不肯渡牽牛

重弔左少保公二首

應山桐水泣清風先帝彌留顧命同遂有奸閹通內侍
果然賊罪殺孤忠黃芝獄底原難問白鵲車前竟不終
請謚十年纔定議持將血淚對楊公

青山惡馬出龍眠留指書成血字傳三世難餘齊變姓
兩河義士各輸錢移宮得罪中人後鈞黨含冤獄吏前
辛苦吾家諸舅氏卧薪獨有子孫賢

東懷方大密之京師

夢到蘆溝夜渡河灰沙風色近如何蒲葵粗扇今當貴
練布單衣客定多秘閣有書堪借讀兩京無賦好摻羅
比來料得張公市曾記空山挂薜蘿

東懷姜三如須大行

龍眠風雅卷三十九
混跡江湖不合時姜郎知我最狂癡還將草間閒情賦
遙問章臺絕妙辭長孺危冠常向主季方高座早爲師
驚聞拜命行人後抗疏先殲逆黨碑

無題八首

雀釵寶袂近闌干斜貼珠璣綴晚蘭趙姊洞房初舞鳳
韓郎玉案恰棲鸞空階小草茸茸濕繡幙餘香冉冉寒
豈是感甄徒作賦朝雲只對維神看

小婦騎人織錦忙流螢細撲爛生光石家閨掩芙蓉慢
秦氏樓栽文杏梁腰帶怯圓休恨妾指環偷墮漫羞郎
東鄰搗盡寒衣杵薄命秋風夜上堂

風流蕩子狹斜身慣是癡情作伴人瑪瑙粧成嬌惡少

珊瑚擊碎惱芳春金釵艷就文犀動綺袖香含寶鴨新
無耐瓊扉矜細語教儂妬殺小平津

踈蹤章臺陌上聞漫因夫婦遠從軍庭花開放丁香雨
爐火重添甲帳雲鏡裏孤鸞教妾舞簪頭小鳳背人焚
腰支一病渾無力獨怪東風透薄裙

舊得怡雲舊有圖便將滌器學當爐愛板花底邀郎折
私訴樓前畏母呼眉際嬌添螺子黛鞋尖香惹鳳頭珠
單衫怯弱西風立小語闌干怨阿奴

浮槎恰值晚風波小小黃姑怕渡河雲母疊成秋裏字
雪兒解唱夜來歌耐將文錦供詩話慵對香奩喚鳥過
卿便成名天下少爲郎卜得嫁如何

龍眠風雅卷三十九
底事傷心恹書廊天涯孤鴈病相惜微聞蘭麝朝成露
似怨寒蛩夜喚霜夢裏青絲臨大道閨中黃葉下橫塘
憑闌小啓桃花口倩得東風送語郎

小折濤笺喚奈何背人私自問鸚哥傷心江月隨郎遠
薄命湘雲笑妾多鵲上菱花須聽鏡鳥啼相樹漫停梭
書空無限相思字傳得嬌情入窄羅

邊詞

獵馬陰山帶箭傷腰懸寶劍白如霜東方千騎誇年少
豈問深閨夢短長

寒食述懷

寒食蕭蕭拜掃時春花撩客倍傷悲宮門懸得龍蛇字

猶有人憐介子推

方其義

字直之中丞仁植公之夫子也五歲能辨四詩才氣蓬涌對如流稍長籍諸生帖括之餘鄉喜為好客折節師友及詩人畫史羽流一特性輕財五馬醫瀝屑之屬皆樂與之遊解衣推食務厭其心有臂力能挽弓五百斤嘗云短衣隨其父中丞公開府於楚與村官健兒相逐還據鞍橫衆駒吟自若自河朔俠烈之風既因大厦支放廢家居所作詩多慷慨憤盈之詞君子讀而悲其志焉子中發爲之序以行世曰時術樓爲之序以行世曰時術堂遺詩凡六卷可以傳已

上黃石齋先生

瀕洞蓬萊波彈琴移其意今人飲濁流故無滄海志漳浦發條風醒者皆知醉江水派朝宗行潦亦四至方諸吸月華河清未爲瑞浮雲隨海涯鯨鯢竟作祟島嶼

悲啼鯨鯢夜半淚淋漓楚中哭魚龍爭舞易從此

間永無字與慧

烈士行

烈士不可無頭顱不必有嗚呼樊將軍千載淚函首紫綬束在腰金印懸在肘騶從過洛陽車裂亦不朽富貴極生平焉知百歲後笑彼投閒人寂寂復何有

良將行

頗牧未遇時神骨當積燬雙龍鳴匣中光芒照秋水既學萬人敵又能觀大旨決漏殺宰相吳姬樓下死閨情中夜斷傷心獨吳起果然將百萬何妨殺妻子

撫楚嘆

流賊起西部羽書何旁午焚殺十餘年生民塗炭苦諸公舉我父簡命往撫楚先後奏八捷陵藩俱安堵倡議力主勦他人偏欲撫諭年賊果叛言中人更怒川沅詔會擊逗留兩開府楚將獨深入陣亡尚優叙近者不救援顧乃逮我父黨禍相鉤連實僧封疆處悲哉復悲哉惟賴聖明主

黨禍

北都既陷賊南都新立帝宵人忽柄用朝野皆短氣魘登廟廷欲盡殺善類忤者立齏粉媚者動高位麒麟逢鉏耨豺虎遂得勢手翻欽定案半壁肆羅織蕭進反被誣趙鼎亦受詈直以門戶故忠邪竟倒置可憐士君子狼狽無地我家爲世誓甘心何足異竟死不必悲所悲在國事先帝兒難保我輩合當斃仰首視白日吞聲一灑淚

西變記略成感書

甲申既可哀乙酉更堪哭人競擁戴功白板爭官祿巨懸况謀用一旦棄樞軸只顧報私讐何心圖恢復縱騎通州郡忠良滿詔獄忽聞清君側矯旨巡部曲徵兵拒上流不復守河濱拱手送金甌眼見惠懷辱王行且勸進索絀望收錄此輩賣國家恨不食其肉陽九亦大運傾覆何太速飲泣筆此卷腸斷不能讀是非久論定留以待史局

哀濟南

崇禎庚辰濟南陷張方伯公身殉難方伯夫人我伯姑
攜妾投入大明湖夫爲忠臣妻烈婦名垂天壤真不
天子明聖如上聞自然贈官錄其後方伯實爲我婦翁
招魂不得來山東可恨中貴師入萬不援孤城城遂空
誰與守誰與戰哀哉新正成此變使我兩袖淚如霞

醉翁亭贈馮鄴仙先生

招手狂歌呼永叔醉翁何處歸華屋作書者誰蕪端明
揮翰離披眞朴遯本朝姚江先生來講壇終歲絳綃開
是時不聞爭戰苦綠糖花陰長莓苔衙齋斜倚豐山側
老梅怪石兒孫刈亭子荒蕪浪得名山水文章主人缺

邇來東海馮夫子下車開逕成幽市勢石依雲貯滿囊

草堂山閣無起止藤蕪遍地扶持之何況凌雲祭天安
蕭蔭十丈羅生徒揖讓扶風高密師維時海內宗盟落
學者四走無依泊南渡黃河北涉江旣旣負笈趨南郭
太僕門前寒士多更有方生陳磊柯先生大笑延末坐
祭軍行路愁長歌

酬彥林書

近日文人工繪事吾社往往稱高視筆墨之外烟雨生
鶴湖錢子多奇思我有東絹懸中堂當暑四壁秋風涼
眼中丘壑無如此畫工千紙失沈沈沈沈天授非人爲
天下江山鴈蕩奇舉頭四顧天冥漠墨氣淋漓想見之

我性戀名山所見亦非一不善丹青嘗聞筆安得到山
攜山歸袖裹白雪放雲出故人寄我吳江綾吳綾一幅
山幾層上寫蒼蒼之遠樹下寫田田之芰菱披圖如夢
忽如寐一泉一石知其處竊恐中有無晴龍他日聞雷
竟飛去

夜泊赤壁秉燭遊之

秋雲黯淡愁荒野孤舟夜泊赤壁下江月不出行人稀
四面棲鳥啼啞啞欲眠不眠重秉燭曳杖披衣駭童僕
臨江把酒酌坡公獨飲一杯歌一曲曲終仰首天蒼涼
清風颯颯吹衣裳武昌夏口在何處白波萬頃空茫茫
此時星河亦錯落羣岸秋蛩鳴絡索登舟四顧夜無聊
酒醒不見橫江鶴

廣陵行

廣陵九曲通咽喉由來一區稱金甌四方琬琰皆雲合
爭超十丈新城樓新城巨商與大賈舊城達官被文組
郎騎駿馬婦登車雜踏靡麗喧簫鼓水清山平人物輕
瞻翁野姑能嬌聲此地從來產顏色盡說傾城復傾國
浣紗之女不敢南燕趙之子不敢北緇閭明珠未及笄
聘作城中貴人妻只有陌上採桑女秋來當戶操機杼
侯王折柳行過門風前一盼銷人魂不惜千金與寶璐
急從水上尋老嫗今宵翠羽鐶新郎束素一抱雙琅璫
桑枝香質情意恹豈肯嫁作公子妾多情少年善不平

廣陵女子多虛名一陣寒風城外至
割蹄寒玉如雲騎
男兒橫尸七十萬家家夜夜征人睡
炙羊生蔬透羅襦
牛皮馬革親肌膚忍恥據鞍嚼早韭
朝餐霜露醉烟酒
更有河南諸娼家惟聞鬼哭無琵琶
早知今日為蓋臨
衾枕傷心顏色改不如盡嫁四方人
留得美人在湖海

憶兄

山崩地裂慈母死至今二十四年矣
兄方十歲我三齡
痛哭思之何處起老親愛若雙明珠
我啼夜乳兄朝餽
行行讀書各成立相期接武遊天衢
喜兄努力成名早
不材愧我終潦倒那知天步日艱難
勲業空餘憂患老
只今未語已先悲幾載天涯生別離
憶昔神京天晝黑
龍太鼎湖攀不得萬死一生全苦節
南歸釣黨重羅織
膝下一拜雙淚垂單衣破帽從此辭
綈騎如雲紛四出
變名幸得藏鬚眉老親在家應官捕
又見風波移韋布
我亦間行逃微軀兄之三子委道路
父子祖孫各千里
南北東西悲瑣尾青陽建章復蒙塵
猛虎玄狐江海濱
老親又走姑孰道一家細弱命我保
間關提挈返龍眠
髡頭赤足問荒田荒田确确不可耕
仰天忽聽悲鴻鳴
悲鴻鳴兮念遊子別後音書無片紙
饑寒未審存一身
飄零何地淹年紀吁嗟乎傷哉日月
清明浮翳開殺人
鬼域已成灰老親日日登高臺呼我
極天望消息兄胡
爲乎不歸來

感懷

故鄉烽火後頻首祝功臣壯士方悲楚
何人說避秦赤
眉殘郡邑青眼重金銀莫謂居官好
中原失撫循

范質公司馬

衣冠當代盛慷慨一名臣忠計風塵苦
皇恩賞罰新詔
書朝夕下封事再三陳誰識秦淮上
愁心寄白蘋

北江東

南陽何必問寬殺薛濤箋長短休開口
狂癡亦比肩紫
羅囊不佩白羽箭高縣名士今安在
寥寥三十年

贈羅訥菴黃門

都梁懸珮玖人識舊君章白簡三更漏
清溪五月霜好
持筆意夢與畫沙長嶽嶽東南柱
英雲繞夜光

客雲間聞楚警送杜于皇歸白門與宋
轅文徐惠

朗共得安字

仗劍同湖海霜風九日寒赤眉乘勝易
黃耳寄書難西
渚思雲夢東塘老建安到家秋欲盡
落葉滿長干

金山寺

峭壁俯千尋驚濤兩岸深寺鐘寒度水
江日晝生陰海
近潮聲濶天高野勢沉中流誰砥柱
曉絕到於今

秋閨怨

嫫姚征冀北六郡盡從軍一夜秋風至
千砧杵聞月
斜侵角枕露冷濕羅裙坐看長城鴈
翩翩入斷雲

東孫克咸

仲謀湖海士抱膝到如今入世逢三甲行師卜六壬擬
騷悲楚調逸興託胡琴莫負聞鷄約神州忍陸沉

自怨二首

義誼一錢子何日脫牢裘忍恥同雕鶚隨時漆伯頭
偏憐白鷺燕合戀青樓但恨前車覆朝朝載鬼遊
自試龍泉劍頭顱值幾文甘心爲厲鬼剖腹示降軍
莫怨天難問何愁稿不焚市中爭短我未必是陳君

野宿

芳艸開萋萋鄉心逐馬蹄亂雲時聚散流水漫東西
歲月消烽火江山入鼓鼙壯懷看漸老惆悵此聞鷄

書朱子建記黃石齋先生召對冊後

廷對開當日風生御座前廟謨撼激烈天語蒼縷綿
揅策原三易量沙說九邊千秋遺正氣長與汗青傳

自金陵送敏功同舟至淮言別

客路此朝天相逢亦偶然不圖滄海變還博故人憐
壯業輸寄漢生涯苦石田承明如有問殘野望全蠡

秦郵舟行夜泊

日出曉光微天空一葉飛人隨帆影太山送客心歸平
澤風車動低田茅屋稀蘆中來舴舺遙問有魚肥

同百史阮仙夜坐

坐深忘寐後永夜一燈明人隔疎籬語鐘傳別寺聲竹

風清梵唄花雨靜楸枰無限相逢意當年老弟兄

拜五世斷事公墓

一命遐荒賤捐軀痛不禁但知臣節重寧論主恩深
白骨無鄉土丹心自古今松楸三百載魂魄尚森森

春仲入里閭子留弟將至爲此懷之兼贈念松二

章

二公皆亮余亦
有釋名故及之

網羅雖脫盡形影復誰憐節序留僧臘乾坤托梵天
新間憑眼底往事付生前劫火燒難盡何愁骨不堅
笑病今何似聞知破衲來老春猶有雪二月尚殘梅
世眼唯軒冕天恩獨草萊辯才持一炷待爾講堂開

贈吳駿公少司成

久傳高閣過天津容與微風動暮塵方集南皮天下士
肯辭北海座間賓蓬門幸辱檀車跡槐市還吹黍谷春
虛語拈拈何所用如今經濟重名臣

贈田在履

楚水東流勢不回棄家今日向南來鶴鳴有賦騷人忌
豹虎成羣蕩子哀太國詩書還在壁滿天風雨亦登臺
悲歌難盡傷時事聖主臨軒正愛才

慰勞臣

何愁石上勒龍驤髮怨絲恩不可忘鸞鳳偏教棲枳棘
蟬蛸並未美衣裳饒他詩酒陪雕韋分定風霜老戰塲
市井肯知康吏賤苞苴白晝到明光

贈錢仲馭職方氏

名成十萬任操觚借箸論兵寄虎符鼎鑊何妨懸北闕
烽烟愁看剡南都轅門戰士誇騏驎座上狂生泣蟪蛄
引領長安難自薦漢廷今有積薪無

題宋子建君子堂

中原極目半丘墟誰是隆中舊草廬高卧獨容存百尺
讀書差不負三餘逢秋腐草慚難化當戶芳蘭忍說鋤
躑躅風塵歸未得同君且飽食鱸魚

周農父業師秋浦試竣賊阻不得渡江遂爾東下

今送之歸

秋風纔罷雪飛花極目寒雲蔽九華戰伐乾坤成沸鼎
流離踪跡等浮槎青山雙影江千里白髮重圍天一涯
傳道故園烽火正急那堪徒步夜還家

錢彥林家伎久爲劍客因余強奏數曲志之以詩
並贈

渾脫爭憐劍舞才梨園宴罷爲重開纔誇擊伎盤空捷
忽作歌聲引扇來白苧新詞公子就紅牙小拍使君催
三更掩袖爭行酒醉後猶添一百杯

懷范小范

堂前白髮近何如菽麥離離好荷鋤貧賤祇堪求避世
澄清莫漫說登車已拚歲月供漁艇豈料江關遍羽書
風冷漳湖飛雁少思君夢裏寄雙魚

陳百史自三洞來一路未嘗舍都亭也時將發公

車聞警且主余所感而贈之

六月南屏漫採蓴結交湖海亦憂貧應融何處知遊子
謝著原來是故人夜草長楊淹歲月春風行李隔烟塵
濁醪莫惜尊前醉珍重聞鷄是此晨

送張五叙北上

辭家何事蹈烽烟西望長安路幾千半壁殘燈鄉夢冷
一鞭斜日客心懸書生挾策容誰獻宰相求才想自憐
好向秦淮橋上望名成十月早南還

懷余大微中台

五月鑾輿出帝京東西夜走避官兵莫因婚嫁愁見客
且望干戈憶弟兄我以鄒山爲免窟誰知黃海難容身
攜家仍問鄉關路隴上田荒不可耕

一見陳少宰卽書

何時單騎出長安涕淚塵沙送羽翰相見忽驚生死後
當年未曉別離難滿天羅網疎還密萬里風霜暑亦寒
從此肝腸投白水故人原不美高官

悲敬亭

宛水烏啼永夜哀啾啾鬼哭正東來明知煉石天難補
妄擬揮戈日可回壯士豈憚衣冠激書生原不悔癡歌
獨憐一片萋弘血萬劫長然未死灰

哀秋浦

萬羅劍客射金鐏嘆惜延陵未識時報國幸猶存草澤
捐軀真不愧鬚眉施頭照夜誰能指箕尾橫天獨許騎
酌酒勸君爲厲鬼黃塵青草任迷離

金陵江上感懷二首

百雉橫空映夕暉蔣山烟樹望依稀戰艘有詔方南指
江浪無情自北歸陵月荒涼人絕跡宮雲黯淡鳥愁飛
漁翁獨向風波老蓑笠年年驚子磯

野草青青塞馬肥京華冠蓋征衣宋臣有意求金鎖
蜀女何妨操玉徽鵲鳩已棲新殿闕鷓鴣仍愛野薔薇
高標節度江南省市井人猶說帝畿

乙酉秋日登浮山有感

亂餘苦徑欲全封策杖重登第一峰世局推杆輸遠祖

宋遠錄禪師與歐陽公因棋說於此時平賜藏想神宗萬曆時特進中官賜藏於華嚴寺開雲暗鎖千崑竹落日寒鋪萬徑松轉嘆禪宮鎖歇
盡此間猶未見狼烽

風雨泊石頭

一堤官柳路歌吹想當年怪得遊人少新添渡馬船

明月謠

常見如鉤曲何曾似鏡明終年十二度能得幾宵晴

瓊花觀

露冷香消莫用嗟羞從人世戀繁華無情豈學長堤柳

送却楊家又李家

邗關

青燈紅粉遍河干客太燈殘酒易寒滿眼淒風鳴瓦礫
舊年流血未曾乾

風雨歌

江皋露濕漁歌苦兩岸荒鷄聞擊鼓何處征人數斷腸
一聲新雁三更雨

黃天蕩懷古

一鼓金山赤幟新百年南渡氣纔伸潰圍遺恨雖天意
獻策誰知是漢人

家大人被逮泣別

白髮蕭蕭擁檻車呼天搶地欲何如傷心含淚無他語
焚盡詩書再讀書

蔡文姬

十二年間日月長朔風遶雪斷人腸若非天子賣金璧
雙抱口兒忘故鄉

答默公午夢詩

一曲驅歌拍未終故人識我在墻東晝眠聽得階前履
數春梅落晚風

龍眠風雅卷四十目錄

木犀潘 江蜀藻輯

山陽丘象隨季貞 祭

孫 臨一百四首

龍眠風雅卷四十

木犀潘 江蜀藻輯

孫

臨字克咸司馬仲淹公少弟也賦性伉儷博極諸名流雅相引重日暮途遠吳越間與復社諸人以武功自見嘗入楚撫方中水之華短衣匹馬往來襄漢間窮犯矢石輒能撈獲宿將威統縈固自號曰武公年十八補博士及舉明經不欲赴選甲申後學家雲開義興陳公子龍夏公兄葬之難同道入關伏闕抗疏授職監軍與楊中丞為難水吟我輝集大略卒年三十有六所著有詩雅集楚文馳字龍友父子四人同日俱死其文集行實詳國朝風雅集中

置酒高殿上

甲第集嘉賓鳳樓開九重椒壁麗綺窓緒梅金蓮叢金鋪徹玄露綺幕不勝風紫烟揚寶帳綵起綠雲中難勝溢清醕香散玉盤龍趙姬罷鼓瑟齊客厭絲桐解琴辭將雛鳳歌喧落塞鴻中有秦川女巧飾珮玲瓏婀娜白紵舞一曲三嘆終解三但惜秋塵起歡愛逐衰蓬日落青苔滿霜墜錦筵空芳年及早樂候管和六同解四

鷄鳴

鷄鳴日將曙蕩子無所之天下太平久出門歸無期碧玉雙樽酒作使却卿姬在床知蟋蟀風寒知股栗池中雙鴛鴦鳴聲不成匹如何雁南征驅馬只北行憤厄倉浪天守吏皆清平清平安可梗梁少懸衣冷舖糜且斷餐覆瓶汲深井憶君天一方出入黃金堂公侯為兄弟尚友侍中郎煌煌金絡馬觀者如堵墻不知顧領添收

淚倚長廊

相逢行

霸陵初相逢兩馬俱乘良何來一年少踟躕田野傍夾
轂聊相問君家何方鄢杜是君家出門通羊腸金玉
飾門楣赤瑤羅垣墻庭前列雙桂宅遶環青桑挾我開
西閣揖我登高堂孤矢懸戶外寶劍繫雕梁內廐有名
駒其名爲騶驎陸離紛鞍勒常驂禁中驥廣庭出豐膳
烹牛宰肥羊寢珍極水陸金盤薦鯪魴楚歌雜楚舞佐
酒燕趙娼大夫坐東席侍中坐西廂執戟居其中羽林
盡行觴衆賓咸恣樂所悲夜不長

飲馬長城窟行

城窟水且寒驅馬飲滿腹荒郊多陰風大原稍留長城
築板築功難成官作詣汝聲千里連連初一簣何如格
鬪死邊城邊戍日月久白骨如岡阜家中多寡妻盡是
健兒婦夫死骸不歸便嫁畏人譏不忍離姑嫜雙鬢白
如絲結髮新婚初宴爾徭役抽丁報天子傷心故邊疆
妾非有身先君死生女不用哺恐爲軍妻孤且苦濠隄
死人相撐拄縱是生男亦莫舉

聖郎曲

玉女捧金甌飲者稱聖郎既中是何物云是琳腴漿不
願服此藥長跪請其方

白紵舞歌辭

柏殿桂宮蘭社香象筵玉柱朱絲長犀渠鈴匣組幃張
文茵朱爵列高堂炮鼉脰鯉錦席張明燭蘭膏皎夜光
蒲萄鬱鬱起瑤觴凝華結藻鼓笙簧趙瑟秦箏嬌書梁
紈扇佳人飄舞裳清謳縹緲繞素雲揚嫋嫋歌雜鳳凰
颯香羅袿過長廊首飾琅玕金懸鑰含商咀羽斷君腸
舞罷龍轉入椒房明星參差沾露涼團團鷄子東遊黃

西門行

第宅甲諸郡田園傾通都寶玉藏西閭黃金埋東隅門
無弄文客愛畜樂黠奴夜以繼朝日券負取權呼醜婦
供恩寵自以爲名姝堂前傳客來惡草可以厨食不過
萊羹裘不過羊狐日入以萬計常多不足虞所得賢子
孫惟算入錙銖有錢不欲使何如擔石夫

思悲翁

迅駒將過隙可望不可留爲樂及芳晨所以秉燭遊愚
者不知惜出入皆爲愁致使少壯年同之霜草秋不見
烏啼墓悲聲下松楸

少年行

日夜磨雙刀直走通都下叱婢敕厨羹呼兒裝寶馬不
顧斷裘殢架上衣裳寡妻子牽衣啼聲聲爲之咽拔刀
斫雙裾含淚如湍瀉一往八九年不得歸田野辛苦昏
暮馳無冬亦無夏瘠畝已盡荒閒庭斬梧楸始知君有
仇報之血盈把法吏過搜求牙旗不復捨晴霽成陰霾

塗白以爲藉何況盜賊多願君好爲者

今日良宴會 爲吳子遠開永社廣集

朝陟西山巔暮走長干路鷄鳴蚤出門戎服團朝露鞭
馬直如飛一矢斃雙兔李侯有愛弟與我相知素能開
一石弓雲中射孤鸞十五好野戰殺人不反顧二十通
兵法鬼神隨風雨不意人將才生長在統袴我欲速歸
來李侯問我故告以吳遠公置酒秦淮渡比比秦淮人
宴會無昏暮可惜美少年皆以服食誤聞君開綺席秦
淮人不數四座欲高談對子不成句子數多大言骯髒
先時務此夜左席虛以我不能赴

古別離

朝發慈河道暮至桑乾原親戚自此遠百里無人喧前
日置尊酒連鑣出東門白衣爲哭泣哽噎不能言須臾
整肅駕且復進盤飧妻子爲長別斷絕勢與鴛生當復
言歸死當善招魂壯士不顧返策馬佩雙鞬戎幟亦星
羅遶騎如雲屯冰雪傷肌骨艸木冬不繁縱有歸來時
故人不復存

朝暉升扶桑耀耀照林端林中有高閣閣上接孤鸞中
有愁思婦燦燦綺與紈金雀垂藻飾雙蛾揚翠翰一唱
鳴九秋三嘆凌七盤清音人雲際哀哀素指彈歌者徒
自苦天下知音難征人處塞外霜雪被雕鞍人息不免
宵晨起不能餐北方陰風多身上衣裳單肅肅薄宵征

聲聲奏苦樂願得比翼飛一舉至臯蘭

咏史

不愛黃金產爲韓往報仇東至滄海國椎秦博浪頭大
索遍天下下邳已悠悠老人圯橋上角巾且被羈五日
鷄鳴往尺書爲校讐一自爲廐將帷幄多運籌特以三
寸舌得封位列侯萬戶不敢當食邑願在留布衣亦已
極窮老乞歸休願從赤松子謝絕歸山丘如今穀城下
曾無黃石遊

靈臺聖雲物墳策集京師抱負逃林藪補綴及明時祖
訓辟雍上執經考所知圖橋觀聽者洋洋共追隨一自
薄藝文講席爲虛席朋徒多散失博士尚孤疑學舍爲
園蔬荒塋刈薪資圖書與錦帛剖散無所遺小者爲廢
棄大者連爲帷蕩廢亦已盡荒首空尋思

錄別五首

陰雲翳朝日薄寒履微霜北風動地起飛鳥林中翔征
人悲往路列酒陳高堂奮衣出門去欲濟河無梁且進
一樽酒明月在他鄉憂來人莫知感憤結中腸異域賤
桃李零落瑤艸芳但願崇明德別離何足傷

驅馬涉長道寒風吹客衣關路阻且長霜嚴草木稀蓬
戶多蟪蛄蘭室動伊威四顧絕人烟天寒常苦饑遠行
徒轍軻傷哉心獨違北風飄浮雲飛飛將安歸願託晨
風翼高舉凌風飛

之子遠於邁往路何皓皓曉露生秋衣寒霜飛百草
姑啼東壁游子在遠道白馬仰天鳴局促傷懷抱少壯
各有時立功當及早堂上荆杞生繁華同枯槁昨日園
中花一夜皆衰老

皎皎有明月餘光照高樓誰人起長嘆獨坐彈空篴哀
音入雲漢淚下如泉流切切陰風暮天寒無重裘江湖
深且迥欲濟無方舟異鄉亦何樂不若歸故丘君即不
識察妾心良悠悠

登高臨四野北望艸木秋我行還幾時大火已西流時
厲衣裳單浩露冷衾裯長鷄鳴高樹欲歸道無由年少
貴結交何用舟荒丘拔劍下高堂慷慨橫浮益中有
平粟符無兩顧憂黃金亦已盡安能遠行遊

丹次與齊遜立夜話

蘆峴冷秋蟲沙田噪野鶴零露侵人肌知是衣裳薄城
遠不知更談深月已落鷄荒次第鳴此夜聲非惡故交
間幾年僑寓悲離索今夕共危言皆賴應人幕予往戮
長鯨君來賦孔雀指畫天地間歎息忽然什味者測予
心說在香閨間不走章臺駒神女猶步洛維子知我深
側枕問三略夜長不奈眠况是驚人拆

懷饒曲

珠勒關風鳴小駒熟深巷明朝恐不來珊瑚鞭作當房
梳黑如墨雨不察顏色舉手著郎肌終不葬馬革戎服

日夜裁告饑驅之楚淚下枕將浮不敢向郎語鐵鹿一
丈高西風刮天曙舸舫當輕遙奈得褐無絮大鵬飛龍
子綺閣愁無奈杏子秋衫寬郎歸盼饑帶城頭更漏枯
小宇相呼素楚山障青天三五望蟾兔楚臺多烈風刺
人中鐵甲臨岐馬上言萬勿遊巫峽千帆上下吹五日
千餘里離佩置袖中非汝之爲美

自刺生口排

弱冠事詩書生長在桐國兄弟有三人同爨共飲食堂
上有孀母年邁不能織內外孫十人含飴悅顏色故國
數兵焚流落何所極瘠田幾百畝四年無稼穡不敢怨
天時皆困苦於賊傷哉予伯兄懷寶無人識四旬困青
衿還在秋浦側仲氏蚤黃門條對過于直要津且忌之
恨不先落職所以還開曹杜門在蘄北予年二十餘學
步還匍匐游好在陰符所鄙是文墨馬背逞強弓弓開
一石力親戚爲我言鄉人爲我惻何不同時人青紫取
常餽安得立功名一志在金革不能遵時趨窮老一溝
洫願學傅介子弃繯不可得欲同班仲升龜茲莫能克
所以娛美人晨飲至天黑此意欲何爲諸君還默然

過朱子建明月軒

彌棹霜如雪出舫視羣星寒風飄衣帶素悅染縑塵舫
艸旣萎絕長流履層冰欲問此何時來者與我親難雀
充淮海我復阻雲津耿耿天漢曙蒼蒼霜水清中洲攬

留美將以問幽人幽人臥東皋喬木俯空庭剪棘開新
圃采藻葺荒亭珪璧契文府湖海覽英靈朋好不相違
皎月照冬青風來月高出開戶得良朋

聞公訪余兵事設爲條達

寒日淹以晚北風吹野田零霜被短褐慘悴臨清淵桑
上聞鷄啼游子不遑眠偃蹇南屏下知子來幽燕奈何
承華中揚雲無耳泉歸保隆中略管葛相比肩予卽石
孟群磨涅心頽然季冬十二月執手不能旋相踰周一
歲江南已烽烟土瓦自崩解且言城不堅對酌一長歎
此身何以全雲中王子喬告予以長年

定情篇

冉冉孤生木附得女蘿草飛飛雲中雀比翼戲清沼霜
露摧其英芳華同枯槁羽毛驚網羅雙飛豈嘗好春風
二三月含生睇天表榮華發故枝野田和新鳥所以生
死殊情分多與少新人曜朱顏灼灼吐花早卽意故人
存故人顏色老蘭燭照靚妝此夕當精討男兒縱意氣
後婦以爲寶

江南曲

春日長春水深田田荷葉南湖陰沙棠舟窈窕女蜚緇
垂髻雜白褚手持莫難將難曲蕩漾青波照紫縠纖纖
素手束金軀綠水傾落玉搔頭東風四角吹龍子札札
橈聲送急流艇子兩漿長橋渡行行直上大堤路廣听

聲悲盧女絃女兒聞之泪如注蕩舟十里新荷香繁華
遊客歌前塘玲瓏雜佩秦川女千金買笑少年郎使人
借問誰家子終朝溪畔採蘭芷徘徊欲贈明月珠湖邊
顧見雙鸞起三月正芳菲桃李挾容暉佳女嘆空室倉
庚鳴繡闥吳布雖廣濶相贈作征衣鄰家私愛情何限
春色年年望君歸

江夏行

美人眉目隱輕紗盈盈顏色嬌如花自從遠嫁商人婦
年年行估不歸家憶昔濃妝在深室統袂含羞門不出
泣對父母聲啾唧車上懸燈紅玉鮮池中蓮蒂驚鴛
高樓初日照梅梁翡翠窓前描鳳凰遙遙蘭浦香風滿
飄飄環珮出長廊多情共惜芳華月明日揚帆下吳越
不傷秋老碧桃顏最苦相思情不竭送君直上大江頭
茫茫烟水隱離舟江空遠度鷄鳴曲月冷先披廳子裘
短笛莫歌桃葉怨素箋頻寄竹枝愁妾心不逐東流水
歸去常依鵲樓樓外芳堤鳴鴉鴉思君不至音書絕
人當年少盡綢繆儂獨少年遠離別遠離別心獨傷牀
中繡被聞餘香昨夜他家遠遊者言君又欲過橫塘橫
塘娼女被純素清歌嫋嫋後庭樹羅幙歡傾玳瑁杯空
聞夢斷江南路江南迢遞北風寒蕩子不知行路難行
路難隔千里玉筋啼落湘江水女兒莫作賈人妻終朝

別怨碧窓裏

易水行

易水蕭蕭送啓行既祖取道伐荆卿座上親戚爲白衣
慷慨悲歌變徵聲燕丹報仇苦日晚壯士一去不復返
待客不來天一方治行乃令秦武陽千金買進咸陽殿
督亢圖窮匕首見何爲十三殺人者未至陛前皆色變
嗚呼荆卿身死報相知可憐空殺樊於期田光先生虛
一激千古還爲英雄悲吁嗟乎荆卿之身已死後又有
擊筑置鈴高漸離

流寇圍桐伯兄艾庵率其父老子弟効死勿去三

晝夜圖解

山城日夜催板築築土未堅賊信宿已聞矛突破巢廬
老稚擐鼓丁壯戮桐川殺氣不曾平舊鬼兼雜新鬼聲
穢負男女東西走野竄哀哀避寇兵隔河遙見賊旗至
倏忽成群數百騎僵尸草積齊山巔戍卒三千空墮淚
東郊火發西山焚城上高呼徹九軍蟻生甲冑有張許
乞師獨無南霽雲亦有將軍號衛霍一聞賊至先落魄
大都強郡不能當獨當三里之城七里郭晝夜環攻火
照天矢石轟雷如雨懸執戟書生多決策其如冒刃張
空拳依城營壘夜吹笛城內伏兵無處覓哀哉賊勢猛
如狼百萬師老恃堅壁堅壁終無應援烏衆安能爲
我奔春秋孫子于今在孤劍難答國恩

論兵

勇能破敵不用馬計在埋伏深山下殺賊不習矢與弓
妄言九龍之火攻嗚呼連年對壘楚豫秦不知設伏殺
幾人露章報斬賊首數百額且問多少死于火黃鬚猿
背老轅門只是張口不能言君不聞王平識不過十字
可以倉卒治兵事馬服之子多讀書長平一戰爲丘墟
哀長平

長平日夕悲風起四十萬騎一時死燐火蕭蕭陰雨青
范范白骨土花紫飛鳥啄人上樹枝隴前子女日夜悲
沙田人路久已絕梟鷲存歿君不知白羽從軍離鄉縣
刀頭飲血惟一戰可憐身死在沙場少婦高樓望不見
哀州黃沙寒日曛山空曠野度愁雲西望咸陽杜郵道
不須重弔武安君

舟行風雨夜

白浪過船西風厲拔刀刺之天不霽短檣札札濕濛濛
雨中亂落秋花細遠山斷續陰霧平老樹枝枯風關鳴
二三吏卒操戈戟斬然不敢差踐更更深舟破愁生濕
隔水微聽蛟龍泣啓篷莫辨東與西獨破短檣燈下立
燈下立寂無言我所思今在白門白門女兒傷夜半忽
聽鷄鳴說失旦客孤眇眇余不溫盧姬定不奈黃昏

夜同徐楊二將方二登赤壁

百萬戰艘橫江壓直與孫劉同會獵縱火乘風風怒號

人馬殘落如秋葉夏口武昌西復東深黑蒼陰莫辨中
烈炬半續山前草古石吞江遠鑿空可憐抽刀斫索者
微得周郎定計寡致使下馬露布上馬戈浩歎乘舟如
乘馬鐵索連船船不行此時步將當成各灰飛亂射水
聲急白日慘慘雲不平吳下南陽功半就身非容容福
不厚只今心血老楊枯惟有山川不改舊登此感同今
古深獨一嫖姚知我心安得破賊塗江水致使江東呼
孫子

苦寒行

幾歲桑不熟原蕢復傷馬蓬麻不能耕縱是耕者無田
野江南土地非塔碗江北土地更肥饒無奈江北有農
半殺死餘得江南之人好笙簫半心絲帛無一尺冷風
刺人朝至夕陰雪墮地不肯消深夜飛來大如席老鳥
舌僵不堪啼衰林啞啞若病癱主人重裘坐重閣安記
關山被鐵衣鐵衣生凍人無力凍死敢向將軍泣孤營
深黑不見天豈辨烽火東西急况有嚴令出三更軍中
禁絕號寒聲十指盡折還寥寂敵人莫得知軍情嗚呼
吾欲告天天不喜不知塗炭至如此熱則何必如炎蒸
寒則何必寒如水

言別

范仲閣社集
送劉客生

如今秦地歸不得秦地之人皆爲賊勸君且勿言歸秦
路上荆榛覆死人君作征人不畏死河西六郡良家子

龍圖招客餞出城忽爾狂言我不行不行聊復與君語
豈爲秦淮樓上女我獨知君知之深美人不足牽君心
飲酒却忌治行李欲治行李無黃金黃金雖盡君不住
奈此九月衣無絮可笑留君不可留予且別君華陽去

黃雀行

籬下有雀飲且哺五步十步日將籬下有深溝之急湍
上有障天之蒿蘆以爲處此可矣巢居之雀穴居之獸
爲人所誅孰知羅網之計巧矣夫蘇合彈之不能中網
且施之不能動乃以重鸞異餌先作囹黃雀鼓尾搖頭
卽入羅網幸而得之不殺死破網一飛不知止空中忽遇
一黃鵠問余倉皇何至此道之欲食滄海食道之欲飲
天池水黃鵠六翮健黃雀六翮柔生來羽翼各不同安
得同之萬里游所以黃雀中路泣高伍不能有所立及
知古人遭逢聽彼蒼安能出入愁斷腸

哀王孫

萬千市得青驪駒日向金馬門前驅犀甲翠羽光照目
玉勒金鑣間美珠道以令騎先馳突後以奚兒作太呼
執法達官莫敢問詰問必至遭非誣青袍小吏伏道左
驚見貴人顏色殊有時鸞輿歸就國千里田園極膏腴
狗馬食比敖倉粟萬錢不過供一厨出入童僕千手指
左右幸姬皆名姝賓客稱觴多膝席夜半不敢亂步趨
墨客樂於道盛事起舞壯夫特魁梧我爲王孫獨於邑

難將百歲此歡娛一旦告之二千石詔書十道發金吾
門下腹心半撲殺階下五木侵肌膚始知貧賤保首領
貴極人臣不如無哀哉古人當刑誅致歎黃犬東門隅
兵車行

十步之卒不當一馬十馬之力不當一車之馳下古者
名將多知兵縱橫馬步在兼行更以堅車禦矢石走即
破敵立爲營郊原用馬易奔逐峻嶺用步易設伏摧鋒
陷陣偏廂車施之亦在觀平陸老奴昨日來北關道賊
休夏在英山輕車不可得方軌一步獨騎難躋攀哀哉
金鼓旗幟賊有備兵一搜山卽失利火照山前中貴營
夜半呼聲動天地兵擊其西賊又東我欲及時廢火攻
所以淮陰陣背水使知進生退則死如今且守轅門不
必前有時賊去奏凱旋

折檻行

龍鱗不可逆虎口不可道不見豐蔀有時蔽青天不見
黑夜牽衣卽煬竈尚方雖有劍鋒鋒佞臣頭多寂不鳴
世路忠臣不可得堯廷之草亦空生何以白馬生面扣
過於骨鯁且見宥至有盛暑不衣冠帳中使人可其奏
甚矣明主在忠言獨見無隱趙翁孫市臣野臣都言事
流涕終非諫主意折檻朱雲強項宣到此千載竟茫然

青鵝拏魚行

竹條插水使不流竹竿壹丈鞭兩頭小船蕩蕩無絲網

老翁取魚非釣釣載得滿船青黑烏啄飲朝暮看饑飽
飽則落水不捕魚饑又捕魚不輕殺鯉魚數尺口容拳
三鵝兩鵝銜上船一群沒浪不空起水底蝦蛆安得全
頸上帶銀如服鐵喉下有魚不能咽吐出細魚多且鮮
打入波中尋鯉穴魚何辜鳥何愚不及鷗鷺戲菰蒲石
中蝦蟹隨意食爾銜鯨鯢食得無振羽齊鳴竿上立水
下游鱗舟後泣相逢僥倖得生還作書鯉魴慎出入日
落網罟榜歌何易船過此魚不來

嘉禾過朱子葆園中深談十日

萬松怒號清露墜淡月照人人已醉有客鼓櫂吳越來
相遇白門古荒寺此時坐嘯晚雲低君復高歌山前路
石畔流泉光浩浩戶外螢火草萋萋有書不薦青雲鶚
有火不燒老人藜予故偃蹇鍾山北君又遲遲大海西
三年復對秦淮月把酒猶是舊顏色一琴一劍且蕭然
誰哀王孫而進食數奇自笑天爲愁却信李廣不封侯
三月春糧糧不足且作吹竿湖海游我聞少伯居攜李
築有粧臺住西子君家宅近范大夫園亭門對大河水
我來散髮坐中庭蓮葉田田蓮子青烟雨不來河流淺
且命奚兒撥小舠君心最愛山樓好萬竹當軒暮歸鳥
倚檻盼得漁舟來今朝且問魚多少沽爾魚救我廚與
我臨池飲一壺醉折荷花供盤蔬我欲發君架上三千
帙又欲別去之西湖

章臺柳

雙鳬飛渡青荷渚綠蕪朝烟迷白苧離妝初罷翠樓西
杜鵑花老奈何許許多多鶯燕促芳菲鐵網珊瑚枝節稀
春蠶午夜吐成箔停梭莫織合歡衣衣裳顛倒簾鉤影
玉虎牽絲汲金井麝熏錦帳送輕風彩鳳翼垂霜露冷
露冷畫裙素襖低憶昔兀坐章臺西郎控雕鞍珠勒馬
青青楊柳一聲嘶嘶定投鞭繫高柳值儂理髮當窓牖
鵲鎖金蟾燒石葉却送香風郎馬首馬認章臺路不岐
短牆曲曲曲如絲孔雀屏開舒半臂挽郎駉駉歸去遲
歸去峰高鱗雁絕始信垂楊輕送別夕陽枯樹失栖鸞
夜半瑩瑩臺上咽臺上玉輪衰草黃楚歌誰續紫鳳凰

杏花歎

羅浮夢後梅子黃花紅葉葉蒲河陽鬢華有使別高唐
花亦因人見短長風流五馬自清狂杏種千株圃上芳
春鳩鳴罷白如霜日夕依花歡宴張龍頭瀉酒琥珀光
虬燈挂樹吹笙簧花神歡笑舞霓裳太守遣使索平康
幺網朱絲穿象床月姊鵲翹警明璫舞裙歌扇開花傍

雲衣風暖花飛揚一群斜點壽陽妝珠串咽喉聲變商
明星炤人色相當孰是小姑真無郎太守醉後指東方
夜深妓散歸蘭房老杏忽然生慨懷百年一日轉淒涼
胭脂冷落瑤艸荒有人鋤圃種青桑

吳江舟中懷方大密之

落木臨荒渡愁人不忍看江湖雙雁迴風雨一燈寒越
鳥飛鄉夢吳帆帶日殘長橋秋色好遙隔海雲端

焦山暮游

孤雁聲悲切登高多遠情風吹楊子樹月照呂公城帆
落流雲斷江平寒水清草廬今已沒何處弔焦生

金陵感懷五首

蔓草彌中野多言妖有麟楊雄書却富蔡澤相非貧不
愈頭風檄誰裁角埜巾可憐千古士無一不依人
城南兼郭北日日陣雲平不變旌旗色翻加袍鼓聲壯
丁投鵠毒債帥餌鵠羹露布連朝動多繇典禁兵
王廷移塞下晝夜發銅符六郡城門閉三邊戰士無金
堪歸貝勒飯不失休屠雖得封侯賞何年拜郅都
羅織從來巧還疑廷尉平車茵汗重罪革履曳新聲但
得蒼鴈吏深嫌白馬生檻中常有劍只自作悲鳴
當階鋤屈軼扇不避飛塵盧子難醫國羊公豈甦人高
垣還屬耳北寺易搖唇秋浦蘆中櫂琮璫隱釣綸

懷梅郎三

草間多遺帙常懷書帶聲寺中尋老叟石上臥先生人
自求羊薦時難得許評長江南以北還望謝宣城

懷楊龍友

遙思吳下水遠過德門清天馬堪爲友人龍亦可名石
經先負笈鐃鼓在吹笙若水無南使長通賦已成

懷方客之

莫憚舟車意年年作遠遊一時爭六角千里慕雙鉤奇
計尋公瑾危言問仲謀憐君成七解天下不知愁

懷吳子遠

昔作延陵子朝遷淮水傍父書傳太史家集比中郎封
墓富鷄毀憂時發瘕瘵立朝誰者薦一鶚已翱翔

虞山訪錢牧齋先生不值

白沙圍翠竹烟水共蒼茫北海人猶在洪喬刺未將堂
無歌劍客室有較書郎已識門前路秋期話政長

同陸驤武信宿蓬然妙香禪院

更餘禽定後冷月淡楓林曲景床遶夢優曇樹下心疎
櫺佛火雪破衲野風深霜到衣裳濕猶聞鐘磬音

宿廣濟菴

客心無一事只是不安眠秋思因風亂寒潮隨雨添燈
孤荒旅寺大吹隔溪船可奈數啼鳥啾啾谷口懸

西湖傷秋三首

浮雲西北起意自秣陵來入夢先迷路當歸懶上臺病

深寒中骨歌久聽生哀千里持家信躊躇不忍開
夜深銀燭短旅閣滿湖風斗米千群鼠庭秋四壁蟲
星生桂樹缺月挂青楓羅剎江邊水時時潮信通
細雨南飛雁鄉書只自疑已知游子病不信越人言
客秋來倦傷兒醉後悲玉階芍藥老當得怨歸遲

渡淮

北風慘淡滿離觴湛湛愁心春水長二月繁霜迷古渡
五更白露冷征裳千村野岫荒烟斷一望平原草色黃
嘹唳不知天外雁嗷嗷何事獨南翔

贈周勒卣

知君湖海一扁舟好挾青萍賦遠游玄草汁香沉桂闕

白沙三日望椒丘桓伊江上風傳笛孫楚洲前月滿樓

慷慨相逢同擊筑談經何以得封侯

旅中曹梁甫見訪喜賦

鳳凰臺下大江流文苑淒涼古石頭百里寶刀牛渚夜
三山寒杵帝城秋南皮逸響留秦郡西漢遺風屬晉州
班馬蕭蕭林閣外與君共醉仲宣樓

建業寄陳臥子

寂寞樓船江水頭蕭疎古樹動離愁鳴琴最怨三山夜
擊筑空歌九月秋南雁不來懷錦字西風吹入滿青樓
幃中太息書多少日日樽前醉蒹葭

至石城見密之選詩告成悲歌一夜

大江南北欲丘墟何用傳經在石渠驅馬長于思故國
閉門荒寺著新書漢臣暴露誰遺扇楚客成騷問卜居
七序知君三易草素餐恐不獨慚予

潛江舟次病懷劉阮仙

烽火迷離古道難王孫有飯不加餐一時露草爭搖落
十月霜衣病苦寒游子夢生湘水濶故人家在楚雲端
寄來短札言兵事猶笑燈前髮指冠

別齊遜玄

霜餘寒葉亂飛塵並馬彎弓渡漢津入幕上賓勞問鬼
出關童子且因人稽禱說盡龐公略綰紵慚加范叔貧
三月別君君尚住食梅易得見酸辛

寄謝瑞昌趙邑侯

耀度西江孤燧餘還家千里不乘車奚祈特爲求羊舌
張祿如今是范睢深祝花廳來客夢蚤隨黃雀謝君書
獄中莫使雙龍劍日日相看亦笑予

過左碩人山中重弔中丞公

松竹青青悲且歌孤兒泣下吟庭柯深宮有詔封還少
北寺懸金購募多最是傷心階下杖無如夜扣鞘中戈
慰君風雨寒知閣莫向殘詩咏蓼莪

同張五叙宿燕子磯

野步青莎返照陰振衣孤嶼且高吟沙洲客醉燒魚肆
山剝僧多煮鶴心日夜長江流不盡風霜古樹老還深

到來始信秋聲苦共爾通宵冷布衾

吳鑑在白闥來浙相遇湖上各道旅况

方舟多載武夷雲南北寒暄阻雁群老僕不憐蕭穎士
鑑在舟中無詩亦瘦沈休文病起方荔枝一熟思飛騎尊榮
初肥憶使君珮解清風江上苦夜闌斜倚麝香裙鑑在舟中

西湖贈沈君牧

青青楊柳六橋隅獨羨門臨西子湖山畔野花招楚客
舟中白紵唱吳趨火明深夜書三架月照寒窓書一厨
欲起秋溪歸短楫逢君爲問北風圖

拜岳墓

百萬南人帶血戈一擊戰功多蒙恬舉衆能除趙
宗澤知君續渡河自有繡旗歸太尉却將金節走休哥
不還二帝身猶恨管駕陰風逐白波

贈徐蘭生

菱荷香送水邊廬人讀先秦兩漢書家住深山嘗射虎
船拳野舫即烹魚潮歸蓴菜秋風老雨歇梧桐夜月虛
孤客所聞逮所見江頭楓落近何如

飛來峰前當壚甚可人意同切光醉飲喜雨留行

二首

一天陰雨滯雲阿橋上魂銷奈若何翡翠繡衾隨憤鼻
鳳凰孤管咽蠻歌石郎隔水呼溪女靈鶯移峰換芋蘿

不動琴心人亦解欲將襪被近湘娥

巫山巫峽路崎嶇得朝雲晚度湖醉醒却關孤客恨
笑彈自畫美人圖瑤姬魂易歸秋草窺妾情癡代旅廚
五馬曾過桑陌上羅敷不愛大秦珠

靈隱寺

古寺微霜款木奴蘿封石塔老山隅乘風招鶴湖邊放
帶月馴猿洞口呼易定樹間驚佛磬泉從竹裏下僧厨
客兒亭畔深深艸野衲懷人夢有無

孤山舟夜待月同陳臥子吳次尾賦

嶺外秋雲樹杪烟孤山招隱問高賢荆卿去魯非爲客
子晉吹笙卽是仙九里松楸頽古道六橋楊柳憶當年
漁歌歷歷荒燈下醉裡聲聞酒肆邊

荅錢牧齋先生

夢餘紅葉寺邊霜芒屨蹒跚印書廊藥採南山芝欲紫
船歸輞口橋應黃酒銷公子瑠璃竿閒起平津玳瑁梁
白石滄江漁火路獨能無意向明光

謁太白祠

水聲夜半雜風聲灑酒青天問月明憐我依人爲逐客
笑君先我作狂生長鯨但是寒江怪老馬空傳絕塞名
不信肆中沽一醉深宮猶得草清平

弔長安

太白星從帝座流指南何法縛雖尤山陵不獲三千騎

滄海誰施八耀舟垂控澗邊無駿馬賜緋殿上識猢猻
蒿堪爲柱宮猶壞梅木年年到石頭

罕思巧奏潑寒胡共說中庖產嬰符貫索數星明獨柳
機槍生角照長榆譙周有表陳乾象鍾雅無心懼董狐
露印踐平蕪上草西風夜哭范龍圖

繡榻難登記里車一時宮怨撥琵琶丹鉛盡掩鴛人淚
綺素先簪牛女花竹葉蒼梧新護塚旗翻青海泣歸家
可憐苜蓿秋風裡不見聲嘶千里騶

萬雉迢迢覆金雲虞絃向日鼓南薰漢妃抱壘終難痊
胡母持裘不忍焚赤羽未傳銅馬帝白旗先插李鴉軍
玉關幸有包胥哭左右賢王可盡聞

碧殿深添杜宇啼六宮花草曉雲衰紫雲終不移芒碭
白璧何人授瀉池龍種却從江介化鷄竿莫放日中期
甬東築室吳爲沼多使良金爲范蠡

東甌曉發

閣對平帆夜雨中人從天外盼歸鴻沙頭烟樹搖新綠
霧裡村燈淡遠紅雨峴榔鳴茅店火一江潮響石門風
閒雲片片藏孤峽不鎖寒流流向東

贈姚彥深

浦近春申好結廬種成蘿薜自牽裾鑿池編柳因調鶴
畫水操舡禁豎魚寄廡客知新杵日到門人識舊圖書
上方鐘罷僧歸院應是幽人禮佛餘

舟中與驢武夜話

欲倚秋深戰艦凭時危
安得老漁曾村鷄失曙猶堪舞
泥馬臨江未可乘
仲友何時來作將賓王尚喜不爲僧
莫將萍梗浮流水且復深談續夜燈

與甥姪夜話

居近青山水近籬
霜宵月下老梅枝閒隨野叟調牛飯
寒向村翁購鹿皮銀管懶書傷近賦
家人唱出已焚詩
莫將絲竹如山水夢裡登臨只自疑

初度自刺

絕巘孤烟繞赤城
晚風吹雨濕行旌馬援非是遊無策
鄧禹多應嘆不情
山亭可裁高士服海波難濯楚臣纓
論兵切莫衝冠怒家破惟餘髮數莖

從括蒼河夜抵東甌二首

春山花盡月初升
水上南雲夜獨澄臥虎忽驚樵獵火
遊魚偏觸網船燈
沙隄平綠迷芳草石谷懸流落澗水
夜夢不離桃葉渡即歸已是白頭僧
曉烟初出一村齊
坐看潮平春草低片月高懸千嶺樹
孤舟先泊萬山谿
荒中夜色明如晝靜裡河聲響到西
小閣霜深人正臥却催前路話晨鷄

東甌別大姪振公

鷄從霧裡鬧潮聲
軋軋飛船返樂清時到偏安思隱法
人因離亂欲謀生
好過鴈宕看鴻下何處龍眠擁犢耕

寄語阿兄深避去莫教馬爰最多情

湖上遇許霞城先生

十歲湖邊夢無繇
生羽翰薄春三月米時煮一人餐劍
拔東門外船歸野月端孤琴聊自適
短缺不能彈身病
羸非渴天風秋作寒家遷離虎口客久辨猪肝幸對高
山色相逢曲檻寬
舊交留杵臼新士頓衣冠護得堯廷
艸鋤將當戶蘭驂隨步履翡翠落巢安
霜冷青綾被
聲無碧玉鑿蘆花疑吳白楓葉照心丹
北海尊猶在元
規塵未殘在泉知飲足惡木息陰難
瓊閣觀封事琮璜
上釣竿星峴南斗近雲樹發清歡

塞門歌

龍眠風雅卷四十一

白草狐兔驕控弦
天山下健兒聞笳聲一聲齊上馬

俠士歌

白驥養秋霜
烏弓如楚鐵尊前磨寶刀洗盡仇家血

聞笛

江樓弄玉簫
孤客泪如雨不聽梅花聲那知離別苦

少年行

俠士輕生在一言
寶刀如雪伴王孫沙場不惜爲君死
願待明朝往報恩

惜春詞

長堤楊柳綠如絲
醉殺遊人天暮時春花不欲春長在
故使春風一夜吹

西湖竹枝詞五首

芳草青青覆兩隄，野雲初起一峰齊。
客來孤坐深深艇，莫辨湖山東與西。

日挂西山鳥雀喧，樓船寂寞任前村。
楚江獨有顛狂客，夜打湖邊酒肆門。

簫鼓前山與後山，段橋時去又時還。
畫船蕩漾春秋水，只在西湖兩岍間。

梅梁綺閣日初紅，燕子將雛巢不空。
樓下賣花聲宛轉，珠簾輕起問春風。

日上凝妝向水湄，停橈爲問鄂墳枝。
妾身代作銀瓶女，打殺當年秦太師。

龍眠風雅卷四十一目錄

木厓潘 江蜀藻輯

采石張 仇文靜

同里左之杜 泮我

吳日永 五十七首

光廷瑞 十九首

方思 三十首

袁廷憲 四首

姚式過 一首

姚

龍眠風雅卷四十一

木厓潘 江蜀藻輯

吳日永

字府著大廷尉玉華公之家孫也童髻入鄉校博學工文南冠即善病嘔血咯然改著

不少綴雖家席豐厚而志不為下弗與卑寒會與予

約觀函史上下編予既漁經歲乃竣南若日經入

十篇不盡不止有他故不果明日則倍之明日又

不果則又倍之凡三閱月而卒業焉其效勤如此

嘗與書若惟恨端坐其中藥盤詩筒充列雜錯迨

病臥床蓐猶遠接近計移日併夜書然欲以古通

備自期而惜乎年之不永也卒時纔二十有四所

著如史論史斷樂府擬樂府受諸遺稿十五種已

不啻等身之富矣予與陳子二如各為百二十韻

哭之今采詩于其家所作遺紀詩金陵懷古及擬

盛唐諸名家詩一時胎炙人口者皆不可得併其

已刻昇元閣古詩亦以之矣最從友人家得南齊

手錄稿一紙授其婿柴子旦中而別存副墨今錄

其什九于左討論之下有餘盡焉究易足盡表揚

之一歲

效鮑昭體為行路難十八首

前設西園之賓客後擁南威之美人奉君紛紜之羽觴
席坐錯落之文茵華堂歲宴月欲墮高臺四面饒風塵
銀箭金壺莫相促試聽賤子歌苦辛不見雍門動徽軫
孟嘗涕泣眉不伸

我有青銅明鏡獲自秦氏在咸陽上有纏綿龍虎文
携上妝臺安書閣遂令妍醜一朝分拂以水晶之玉塵
襲以交鸞之素縵如使顏色暗中改豈不掩歎傷羅裙
湖水茫茫湖烟薄落花燕子相寂莫其中有女字莫愁
胡為緘愁眉妝閣春風東來絲管燥強起晴窓弄絃索
但見十五誰家子遊戲洲渚自相若女兒本自嬌無力

况乃離憂久束縛

應龍無尺木倪首沈淵鱗甲垂人生未得勢文章節義
安所施我心何憊陶乘春二月觀江湖功名富貴雖自
有目下已難安寂寥

可憐牆上花隨風輕薄入倡家可憐水上萍本生在清
渭乃流至濁涇今我不樂思龍眠天未曉繫不能還金
陵青山似洛陽峰嶺曖昧生雲烟錦江雖好非吾土會
稽孤棲倍黯然終歲拘束無所事安知拔起當何年
夜中慘不樂強坐披衣攬帷帳少年意欲凌雲翔不覺
胸中懷五岳長風送遠聲何處吹清角我亦慣起舞臨
流弄長槳入市夷塵襟還家進春爵讀書擊劍宜此時
吾獨何爲在泥濁

情思不自慰散髮游河梁遠顧濟水人漸車寒帷裳白
波渺湯湯中有好鳥雙鴛鴦曾向青陵冢上翔至今顧
顧還相逐不願孤飛羽翼傷三步一啄匹不亂寧羨南
山配鳳凰嘉此雌雄耿介之禽鳥使我感觸動中腸
中庭種胭脂枝枝顏色鮮秋風吹到闌干下一日二日
花黯然東家少婦罷針刺采采盈把心如醉我有膏沐
誰爲容空復此花紛滿地綰帶布衣髮髮亂嫁時簪珥
置匣笥仰頭遠望三星明長袖紗窓徒掩淚

蛇米繞幽蘭幽蘭憔悴故不盛我昔專房恃君愛明星
曦日指爲盟日月保百年死生好惡莫相病昨夜新人

上華堂不覺冷我青銅鏡鏡中多歷白頭人敬奉新人
照妝靚

君不見檐前金明枝菁葱不耐涼風吹人生年紀易流
邁四五十徒尔爲頭上生繁霜安能秉燭行樂塲
背齒載扶老日神情形影多飄揚却憶往昔盛時事至
今歷歷未曾忘如何一生空努力骨折月緩返北卬
君不見雄鷄憚人儀拔尾楚楚空含悲君不見海鳥聽
鐘鼓心神震宕增憂思羨君妙齡當韶年鳳蒸龍起方
及時世事悠悠不足論偉人吉士請無悶旨酒鮮服奉
我身一切安能亂方寸從此至壯以及老但願保我顏
色好那奈拘束爲腐儒人前蹙蹙傷懷抱

三月楊柳垂黃金五月梅子成酸心春季夏仲節迴
蛾眉玉色空沈吟初言君行即當返牽衣出送千花
至今不見雙飛燕袖裡無書空好音可憐淚下都爲血
誰念頭蓬不勝簪壁間塵封錦帳囊三年蠹蝕舞鸞妝
人生地上多拂意空中啼罷空歸房

天中璧月夜夜懸疎簾青簾隱翠鈿佳人宕子初結親
嬌情綺思凌青春韶光媚景不再申金彈拋脫家果貧
四壁那求赤刀錯五陵空怨綠珠輪帶劍擬欲出門去
但恐孤鶩常苦辛雙飛振六翮翔翔直去入西秦比翼
幸遠濁水泥萬里長浮清路塵逢我昔日游俠子三三
兩兩戲無倫閨中姊妹舊相識竭來相見還如新重整

盛年裝往返射獵猛虎過通津隴頭天水日夜流乘風
醉嘯西南樓丈夫憔悴非昔顏終是氣槩輕五侯千金
已散當復聚坐守生產懷百憂

君不見戍卒守黃河秋霜白髮嘆蹉跎奪得□馬馬欲
瘦騎上高原更荷戈閨中爺娘帷中婦歲歲相思奈若
何爲此愁人兮使我仰天拊膺發悲歌涕下如刻漏身
賤罹網羅男兒無爲慷慨懷壯志不如牧豕南山阿
君不見章華宮美人如花貌不同君不見銅雀臺西陵
歌舞紛相催筐粉錦瑟香寂莫夜易亞亞啼舊基王孫
加飯善自愛人生不在千金賞清歌流暢遺愁思開顏
且醉葡萄厄

君不見嶺上雲觸石起漫漫文采雖足眷變化百千端
富貴待何時但願無事保平安閒乘下澤御款段青衣
白髮游邯鄲

君不見庭梅欲作花含蕊結蒂春風先過時光華香澤
盡淒風苦雨來相煎成陰結實佳人采采罷枝頭倍愴
然

游子思故鄉不必多悲傷九州八埏渺無極何用卑栖
依此方吳山楚水洵可樂驅車行行跨襜褕短札有長
篇少事桑翰十餘年但抱胡琴彈大市何愁詞賦不賣
錢人生處處可留戀醉後揚揚信馬鞭

詠懷

六月時雨至涼風激陰岡遼望噴龍泉迴谿飲虹光紫
莖叢石城丹雘亞女墻三句居土室今始求衣裳時日
少潤澤蒸爍遍下方吳山來瘴癘霜露易爲殃耳霖盪
戾氣生民起朔朔我亦東渡河臨流弄滄浪安得青翰
舟揄袂水中央佳夕啓樽斟斗酒陳高堂豈敢湛服豫
所願百穀穰農家富廩庾朝廟荐馨香
金礦既已裂蒲牢遂發聲代馬依北立蜀鳥望西鳴漢
高都關中光武都洛城誰謂天子貴終從故國情止張
方飲酒復戶更弛征豈不願鄉里所求在太平背里離
丘墓相隔居神京曰余辰不穀家室遭歎傾秣馬戒僕
夫委轡從南行心旌且結軫蓬驅爲縱橫紅日出東方
照我柴與荆錫犬相鳴吠眷念山田畊

偁牀行

漢高偁牀罵豎儒豎儒胆喪嘗嗟吁酈生陸賈氣益壯
亭亭直向軍中趨長者長揖不肯拜新語一上萬歲呼
却憐鯁生間時務哀衣大袖徒區區若過山東遇沛公
徒然累死咸陽宮縱令強草傳檄檄其奈難勞一石弓
不見置酒新豐市思彼猛士歌大風秦皇苛政已盡變
挾書律令還相同未央初成解鞍馬蕭曹猶在經營中
其後朝廷苦草略從容始見叔孫通自爾取士用射策
人對一事無不工所以兩漢多經濟立陳萬言言莫窮
制詔封奏著不朽有司奉行成大功值有災異下明問

金馬白虎能談空更舉明經方正孝廉郎公車計偕至
上方半通一職雖小試自命倣儻稱昂歲累年不遷節
念厲大臣保舉鮮咎殃即如文士散逍遙頗善執戟遊
戲天子旁尚書筆札一時給當前屬草皆鴻章春秋講
論開辟雍太學諸生盡上堂奪席折角還解願豈敢側
足涵宮堵大約十年一傳或一經揣摩簡練戒荒唐又
嘗閉戶澹聲與四五十名始揚

秋聲四首

楓葉如平楚波痕復舊江
劍寒金作錯酒熟玉爲釭
月令羞羣鳥風聞遠吠厖
荆妃且莫嘆顏色本無雙
茅草誰家地清風戒客遊
水凉水欲合淮揚北去黃河九月減水

老翠將收白馬嘶長棹蒼鷹擊
戍樓高情如可矧秋日
正當頭

迷陽毋刺足足痛最傷心
野鴨難飛上跳魚隱不深
閉關非得已謝客敢相侵
妍雅吾遊倦光門渭水陰
入夏初能起西風病復妨
惜非楚宋玉敢是漢張良
白日飛秋景青雲隔帝鄉
晚來行藥地鳥相拂衣裳

爲陳二如催粧二首

梓瑟雙成器絲蘿兩不移
秋深百子閣風入萬年枝
夢裏胭脂尊前起拜遲
修髯兼白哲女暫舊相宜
飛鳳調新吹乘龍屬好郎
迎親先俟著招我更由房
明月千金珮清風五夜香
從來誇勝事陳子娶齊姜要齊氏

金陵懷古詩二首

海外湘林結未休勞勞更欲整
方州礪山雲氣偏難見
滄水神靈不可求秦樹吳烟疎
雨隔青簾白舫夕陽秋
莫言地破蒙恬死此後君王共
一丘秦淮水
陵谷千年恨未平秋來井上草
縱橫貴人顏色甘泥土
天子恩情共死生隋尉不勞輕
下石陳家遂出繫長纓
可憐涓滴清清水照見胭脂片
片明胭脂井

梅花

一樹梧桐隱客扉
梅花下拂釣魚磯
可憐作意侵人眼
不覺無心落我衣
凍去幾時占氣色
閒來一日泥光輝
黃昏對爾常清坐
折蕊攀條事已非

贈陳二如移家二首

淮水通城城北廻
茅齋却向此中開
門前車馬常稀過
屋上慈烏亦下來
西漢人容揚子宅
遼東俗愛邵原才
幽懷獨棄新亭樂
往往遊經江上臺
一歲移家一載書
幾年流落幾躊躇
卑棲不得依場圃
高卧誰人到草廬
消渴病回叩蜀久
渾成詩入杜陵初
衣裳飲食粗能具
供養堂前事有餘

卧病

促漏悠悠長夜聲
茂陵風雨病中情
寒侵廳事梅花瘦
人靜階除瓦雀行
弱骨漸隨衣帶減
愁心焉識酒杯輕
可憐屈子徒詞璧
天問從來問不明

八月望後三日過瓦官寺訪閣黎不遇是余舊讀
書處

綠遍琅玕久耐霜塵沙吹不到諸方舊懷鉛槧紛存案
新製袈裟冷挂房天竺先生何處去山中弟子儼成行
高臺百尺青雲滿梧葉空憐老鳳皇

問渡桃葉不遇

畫遊瑤室指窈窕大乙舟分信渺茫雨歇芙蓉初帶冷
秋深桃葉不含香傳書縱有魚銜字渡我愁無鵲駕梁
一尺盈盈勢隔望漢家何意築宣房

憶河上舊遊

橋枕清谿遠數巡六朝臺榭五陵春不收明鏡常留月
失却支磯枉問津夜射遊魚迷白水仰看飛雁隔清塵
吹簫換得王孫飯蘆葦蕭蕭中有人

神情詩

空致佳人李少君蘭芳菊秀恁河汾
行雨吹殘白練裙絨口只餘脂藥冷束腰不勝綺羅分
嗟予夢罷還成夢大海明珠聽爾焚

行藥坐水齋庵梧樹下移時有作

燈火蟪蛄網戶斜筋能蹀坐作趺跏雙桐老去成雙樹
一鳥飛來供一花象外真珠藏領綠毫中樓閣隱幢紗
吳僧百歲稱清健白水爲齋不飯麻

病

雲裡仙人駕赤虬長生靈輶不予投細君脫珥能求肉
童子持衣勸具裘絳緯黃昏鳴不息飛虫清旦帶難收
昨聞唱得幽弁客徒羨康強復好遊

卽公偕史司馬來白下數日未晤書此志懷

望爾轅門咫尺餘裁成頓首不通書清宵夜夜聞鳴鳥
澤畔餐餐食鯉魚天上美人難識面雲中帝子獨愁予
閉關草盡千方檄豈暇嬉遊御小車

古意

東南日出照高樓白下羅敷是莫愁谿竹清冷傷著露
枯楊搖落恨先秋爐中夜燼長留暖篋裏殘膏不上梳
素腕殷勤趨廣陌只緣未識富平侯

與友人賞酒不醉倦歸書此
空羨楊家載酒舟無錢工數力堪羞
淡月弦平鵲雀樓在座狂言俱莫聽挑燈隱諫欲何投
琴心彈得清商調又見流雲變上頭

同光輯侯左夏子子永子周飲爲玉寓中兼訂校
書之約二首

相逢綽綽卽緇衣夜嘯翻驚鳥鵲飛碧甕叩無作使

清樽河朔有光輝劉伶解醉還杯杓沈約蕭條戒帶圍
嘉樹庭前霜薄葉金吾呼徹不曾歸

布衣先輩好論文唐柳秀才先章把酒同予草練裙詞客精靈

雖隔世江南圖畫盡隨君校書辛苦劉中壘奇字紛綸

揚子雲三篋若從山下購異時封禪上章聞

喜史中丞新擢南樞

謁罷鍾陵過五城上流波浪一時清何勞別隊分城守
另有家兒當踐更朝選漸添三輔寄樞中議發九江兵
時有武昌台勅之議桐山舊滿轅門客將次東來草治平

酬潘蜀藻見招之作

微雨來自永安宮春泥雜沓桃花紅關門時學小兒泣
看劍徒悲季子窮却許相從出郊郭不能強起到簾櫳
傍人錯認觀書史我已連朝筆研空

何武伯移居詩

種竹何妨更種瓜子孫清白不豪奢墻廻別室陳三瓦

宅帶澄潭號百花衣少至今憐阮籍書多空使累張華

羨君燕領封侯相未滅敢治家

沈巨源拜墓初回相逢因贈

交頤泣罷鼓嚙號不駕牛車爾更勞表道幾年榮灌木
汎墳一日斬邪蒿衣裳陳設安靈爽吟語依稀夢鬱陶
堂上白華華正茂嚴親風雨賦離騷

內喻

持門健婦爾當求風雨鷄鳴解我憂厨下作羹先洗手
帷中鼓瑟罷搔頭朝廷亦念張京兆姬妾休誇郭細侯
六歲食貧貧不改明珠莫御上高樓

懷胡郎公二首時將從史司馬至南都

鳴易嚶嚶舌已收夢中顏色落深秋泔陽王子猶衣布

燕趙佳人倦倚樓尺半鯉魚潛白水丈餘龍種跨方州
爾來盍飯吾先具七略篝燈細講求

勒石燕山班固才從軍王粲苦悲哀尊前揖客文非弱
河上飛書往復回華菊衣裳仍我舊芙蓉杯酒爲誰開
龍韋却憶同談席雪墮鷄鳴不下臺

萬里衣

救救臨窓不下機織成縑素剪腰圍十年久滯三邊戍
九月長傳萬里衣身手舊時思約莫霜風新月照霏微
何當破鏡飛天上馬足彈傷遠未歸

有感

貧賤窮愁不可論布衣蔬食舊王孫珊瑚鞭失難行路
金玉堂空只閉門白面仰天嗟有恨紅顏對我笑無言
耶耶欲去尋年少醉倒琉璃碧甕樽

臥病對月

十五初昏月在參羅帷罷頓夜寒心床頭悞秘三年字
桁上橫拖六尺襟織女流黃聲宛轉隣翁浮白語沈吟
那知有客愁難臥餽粥朝來少一金

雜詩

百草黃茅不用栽滿庭荒亂徑難開隣鷄過我交鳴罷
窮鳥依人覓食回秋雨笠蓑聞夜度寒燈刀尺爲冬裁
書生燕處多深念門外何時陸賈來

過隣家園館

不願王侯長者過隔隣池館舊家多花飛底事嬌羅綺
木落何須怨斧柯照黑倒懸華燭影邪紅初人少姬醜
青琴緩發歸風操正使當筵有豔歌

懷光輯侯讀書天界寺

楓冷相思落照前畔牢愁擬未成篇招提日射金銀氣
郊野秋寒草木烟歷下有才方聚論洛陽無昏不爭傳
美人含語仍宜笑百尺高樓只醉眠

光廷瑞

字輯侯給諫舍萬公之冢子也少負俊才工
詩文善草書給諫公蒙難後徒步數千里赴
闕刺血上書訟父冤廷議嘉之授官中翰號陳時
政皆優納焉旋因黨禍未解脫身南歸賦髮長齋
免以憂悴成疾喉血數升而卒
聞者哀之所著有牛圖詩集

入蜀

蜀道云艱難行年且十五晨起看鴻雁暮宿賦鸚鵡從
者三四人掉臂當風雨寂寂雲安間夜行石如虎星漢
雖縱橫但知關山苦寄言遨遊人未可輕鄉土南來浮
滄江西望極齊魯豈不壯客顏丈夫何謝詡

占意

馥馥閨中女盈盈坐高樓寂寂發長嘆默默懷殷憂殷
憂何所思託言在好仇良晨甫歡娛抱衾相與稠未幾
言別離征夫不能休今年戰城南明年戰白溝悲風四
地起明星黯然收之子赴功名賤妾欲何求徒知行
勞誰惜居者愁

送遠次左夏子韻

高天不可登大名不可逃身能待其時所以稱賢豪山
川奔走間何莫非王勞余年二十二多閱春秋高金陵
雖富貴豈得謝波濤送客思鴻雁沉吟爲所遭上書子
雲賦下書屈離騷子雲今已矣騷魂留江阜努力向前
路與子咏同袍

歸田二首

歸田兮歸田依山結茅椽柴林三四里往來和雲烟飢
采薇蕨食醉枕詩書眠我欲出門去兒女將衣牽

歸田兮歸田栽滿池塘蓮月朗風清夜酌酒問長天
問還一酌醉倒荷花前荷花羞不語直抱香魂眠

太白歌

造物如何生太白太白生時我不生水落風悲天日晚
遊人氣概未可平丈夫不輕少年士布衣當知宰相名
君不見韓文公時三上書詞鋒婉達竟無餘君不見孟
嘗門下三千客馮生彈劍求家居當年聞之亦可笑後
世傳之增欷歔豈知有志者不守此茅廬所以韓荊州
能令太白投意氣憑人盡死生復何憂英雄多是飄零
子見知必欲在君侯我飲太白酒我誦太白詩太白不
知我悠悠千載思三尺劍一張琴倚馬臨風走上林著
作不必人來讀放筆成詩獨自吟

半園歌

是園也乾一半坤一半吾一半人皆取其全吾獨取其
半半榻半壺半月明半整搔頭人影亂長嘯震山峰放
眼通天漢詩書任我吟牛馬憑他與醉後自呼爲半仙
烟霞鹿豕吾之伴

秋興

寂寂秋紅日貧家風味閒杜詩嘗在案陶戶不特關一
局留殘月千峰映老顏干戈憑郡縣料不到黃山

白嶽時左三山年伯緘關翠微天

人在翠微裏鐘鳴恍惚中心隨秋露白淚落海棠紅易
夢分明醉醒吟次第同移床稍待月不覺出朦朧

答淡然在持

雖然何所好秋月秋風賴信口完詩債無心却病魔水
衣還色相法鼓自笙歌聞道西來意傳言摠不多

寄興

慵傲何妨市登臨欲遍山清風吹客愁明月愛人閒醉
後編花譜狂來論隱班有時乘興去經歲不知還

詰影

君既空形累那須依傍人艷燈前斌媚炎日下遠巡骨
格憑他弄容顏任世嗔問君年幾許今日是何旬

影答

七尺因君有相憐不避人常爲燈下伴更向日中巡患
難何常怨清竊並未真同年同意氣今已近三旬

贈恒上人

數間茅屋半書齋半石爲梁半用柴風雨滿天清夢穩
稻梁鋪地放歌偕白雲能補千針納翠岫憑穿一草鞋
讀易有時錢亦盡何妨幾字爲人排

呈龔年伯孝升

年來心事杖頭知今日全非痛哭時常恨吾曹多識字
每憐騷客會題詩醉鄉歲月猶依舊河上人家好住持
譙比蘭亭同記取莫將綠醕負楊枝

感記和白孟新韻

崇安關上好春聲執手何堪問死生著論南遷千載是
挂冠東去寸心明原期君子能當國孰謂先生善用兵
將相不和長恨恨令人哭倒石頭城

周元亮先生置一書舫題之曰就園言就之卽園

也此吾輩意中事不可無詩

吏瘦清琴酒一尊園中四季不知貧連雲種樹皆無意
帶月編書最率真到處山川移在目覺來天地動隨身
才人都赴瀛州會日日偕尋洞口春

贈友

把臂溪頭聽水潺雲爲屏帳月爲門公侯費盡黃金力
難買吾曹一日閒

喜月

萬里黃雲一喚開仙人多少下瑤臺上天知我真蕭寂

故道婦娥送月來

方思

原名孔炳宇爾字崇禎間諸生少有志學甲申後絕意于祿之學棄于詩歌因改今名別號退谷與阜城徐銓部月鹿太史辛叟善嘗偕于其家訂於方履賸傲自如意有所不可無氣凌之各為小傳人系一詩事核詞婉君子尚其志焉生事遊歷多在吳越江楚間篇什繁富僅得其近體若干選谷為金山從弟其論詩雅有同好故集此佳句亦往往似之

岐亭曉發

黃雞催曉叫細馬候人馱估客出門少官兵為盜多裝輕僮不怯山險路常過漸喜江天近漁舟寄浩歌

宿徐辛叟草堂

開牖迎花氣燒爐惜月輝巢湖魚到早霍嶽爭來肥廣風難得羊味饒亦微訪舊期自陳採藥莫相違

霍山道中

古道千巖外幽篁十里中遇嵐如遇雨聞水似聞風過嶺山田少經村草院通人家富四月採茗未曾終

過金斗假憩僧廬兼懷龔諧王李秀升秦虞桓龔

鳴玉孝緒孝積伯通諸子

教弩臺前寺別來二十年空門逃劫火破殿續香烟幾箇僧皆老二間屋借眠相逢詢市巷何處故家遷

過許石疏故居

駐馬柴門裏風庭露草深落花無客詠空室少人尋幾底誰留酒牀頭不剩金祇餘丁郊集一字一傷心

與洞羞別

翫月漏常盡看花秋又移往還六十日醉百篇詩忍別同雲散愁歸似易饑行行猶戀汝恐不耐官卑

送七兄三峰之廣陵訪柳風詹先生兼憶李叔則

孫羽人

去歲春多雪河邊驛路空延陵號未罷博士詠何工兄公飲客辛彭城歸里貧相對經年哭甫終飢身驅又急爭得被常同

訪信臣山中遂宿

疎性常如病空齋伴似僧尋蔬除宿雪炊飯拾枯藤聽水能無詠看山幾度登典關還酌酒同臥對孤燈

元旦僧曉雪事

小殿淒風起隨僧讀佛書春燈龕裡亂晨雨塔前疎短身何往年深疾幸除眼邊無藥裏飄泊也安居

薄暮過芝山尋宿處

山石森如戟車塵冷拂雲風腥知虎過月靜候猿聞樹影遮寒澗茅菴對古墳叩關僧未臥野飯煮春芹

六兄爾止自白門來從川招晤信宿即送其遊豫

章予亦將有湖上之役二首

歡接河邊札疾尋亂後莊柴門花下啓村醺月前嘗夜靜人談久衣單淚滴長離情差可慰何事又鳴榔

吾亦有詩侶今年官浙西順流猶易訪熟路自難迷乞

食頭尤白衝霜面更鰲何時重買酒共向蔣山携

重過新淦縣

失路重尋友孤城草未疎店寒還宿客市熟肯餘魚廢
廟周瑜像荒山梅福居再來依古蹟人道是樵漁

吳城驛守風

繫石漁舟小占風買客親水鄉魚米賤山貨笋茶新兵
艦來東粵娼樓醉北人管絃聲似哭一聽一傷神

將至皖口望天柱峰懷陳襄雲陳爾靖金去的汪

子昭陳兼布龔子棟諸子

歸路江流穩親人嶽影來挿天如笋發映水似蓮開夏
有雪霜積山無豺虎哀遙思群處士居此斷塵埃

海門江上懷阮靈臣

乙酉何如歲汝當總角時兵來破吾郡家散剩孤兒古
廟相逢泣荒山不免饑相期同卜築嗟我亦流離

初夏送七兄三峰赴濟寧兼憶蜀藻

麥浪沿途白榴花到日紅雖誇兄子宦休厭主人窮竹
月疎來老家園亂後空參軍是知已共話月明中

赤壁晚眺

赤壁江前鶴不飛我來懷古悵斜暉寺高山冷佛堂閉
霜白月明漁艇歸春氣逼雲全斂樹水光浮郭半侵衣
臨臯亭與雪堂廢劫火何緣逃此磯

寄懷徐月鹿奉使武林

西湖勝事我全知波面峰頭比翠眉去歲曾愁無地王

今年又恐累曹司東坡說夢空憐髮白傳迴舟竟少詩

千里憑君報山水二公情況似方思

東坡詩云回首西
湖真一夢灰心雙
鬢便休論樂天詩云自別錢
塘山水後不多飲酒少吟詩

三月十九日

去年三月十九日鶴問湖中夜扣舷今年三月十九日

龍穴山頭晝汲泉香耐雨迴澆逆旅愁詩一樣怨蒼天

枝來雙鬢添新雪爭比柴桑乞食年

趙五絃製羊裘見贈賦此謝之

南池分手正殘年寒解裘衣亦可憐白似王恭常佩鶴
軟如杜甫欲裝綿歸途風雪遙堪冒旅夜江河醉好眠

提到射蛟臺上坐故人日在釣舟前

九日與莘叟賦詩時俱在病中

去歲茲辰俱在越越山如黛水如油一聲青雀吹簫客

四面紅裙買酒樓詩滿浙西成勝事人歸江北忽深秋

今朝英蓼重携手同病同貧金白頭

遇李士雅於蓼城因借過僧廬同賦二首

杜鵑聲裏麥初齊客過淮南路未迷老友忽逢停倦馬

空門重借聽鷄論心愁處惟添衲寄食粗來但有藿

若問遠公容買酒與君不惜醉如泥

寒香一炷月還明燈燼茶烟夜半清老計不如僧有舍

病軀難學佛無生江鷗野性猶存伴水竹隣居莫負盟

却怪故園隱君子公麟住處少田畊

由淮路之東魯蒼士雅別詩

一句酒醖未曾空互詠新詩百感同
亂世誰能舍知己他鄉人易作衰翁
別情浩浩僧房外病體涔涔客路中
到魯定先登岱望君不見望江東

濟寧署中二首

崔羅庭院日偏幽睡足可知在濟州
年老飲蛇非是惑旅貧憶鮪不因秋
心情空處詩難斷羶臙除來酒未休
十樹榴花皆結子笑人零落一身留

閉門是我學禪時欲覓安心法自持
槐葉助薪炊藥酒月光代火照書帷
阮公醒醉何人問向子行藏有嶽知
虛近岱宗難展謁祇教一望一低眉

邗江遇五絃自大庾入覲

司李衙中俸祿微去冬猶有故人依
同辭東充歲時盡獨去西江心事違
苦詠可曾逢野客慵官應得閉閒扉
一年佐郡如逃世大庾梅花寄亦稀

憶次兒渾客天柱婦家未歸

正是春光最好時夏庭寂晝看山宜
河邊草沒喬公址城裏兵殘皖伯祠
百里思家還對婦七旬寄食未求師
漢書讀處防人聽下酒休誇博浪椎

至厯陽不得晤成杏懷侍御因誦從弟井公昔贈杏懷詩感而有作

霜威會布八閩中天下何人奏記同
綠野暫留門亦閉白雲重護客難通
烏啼樹裏還疑柏馬繫花前尚似驄
惆悵君顏不能見揀詩惟歎阿連工

送陳景樸還濡須二首

左慈廟裡道房幽小飲情親夏復秋
秋後怪君歸獨早懷人莫上稻孫樓

筆底江山不賣錢蘆花楓葉送君旋
知君亦有龔開志高處何須畫裡傳

歲暮泊廣陵寄懷滌思三首

夜歇揚州看月明閒來爭肯不牽情
竹西歌吹人人醉腸斷何須聽二聲

君別東吳已十霜寄家袁術浦中央
浦人機巧應難狎何處鱸魚勝故鄉

殘年江路雪霜飛處處游人漸覺稀
君在劉伶臺上望恨余先別喜余歸

袁廷憲

字爾章號葵堂崇禎末歲貢心西投中城兵學精導引年臻大耋鬚髮雖蒼面若童孺步履翩翩所至爭以爲人瑞云卒年九十三所著有發山堂文集玄笈三合集行世

接方漢樹省中書

貧交多反覆千古一心期談笑歡如昨
寒暄節再移園林呼酒日風雨對床時
慰問來千里知同別後思

友人久別月下聚飲

音書通隔忽經年此夕清尊夜漏前空讀陰符慚我老
遠耕先隴羨君賢月沈樹影庭初寂風起爐香篆欲圓
時事驚心都勿問草堂且醉菊花天

八十初度

莫嫌山僻太孤清淡泊居身志可明兩世桑田供冷眼
百年花鳥寄深情雙扉晏啟無車跡半榻高懸少友聲
却笑磻溪當此日猶貪雲水一竿輕

庚寅詔以樂輪起廢

君王有意拔沉淪暫借微輪訪舊臣却恨窓前幾楊柳
年年疎影糾清貧

姚式過

字介子財那先生第五
子詩古文皆有父風

隨家嚴淮上和友人

部署當時有數公津梁所被輒凌空淮王竈下鷄成道
謝氏軍前鶴論功開世最憐皮相士論文真畏口興戎
鐘鳴漏盡吾何賴得近盟壇不敢雄

龍眠風雅卷四十二目錄

木厓潘 江蜀藻輯

上元周 京雨郇 泰

同里方雲旅譽子

方授 一百八首



龍眠風雅卷四十二

木厓潘 江蜀藻輯

方授 字子留崇祿末諸生少與兄儀弟藻有靈應

幽隱括擢入徵而色和古之壹行人也嘗與子輩結

文社日角七雅諸子皆蒙筆振完詠諸聯笑子留

獨面壁沉吟壁火青焚中猶吮毫不肯輕下其思

苦而力竭皆此類也國變後飄泊江湖間自號圓

道人攻苦食淡備康不給一似重有憂者君于積

其詩以為多勞臣怨婦屏營今望之思焉既祝髮

從浪杖人遊屢遊浙東或歌或泣幸流離轉徙

困絕以死年纔二十有七所著詩有三奔浙江

草浙遊四集奉川草諸集如遺愁詩寒與梅花何

不墜問尋鸛鹿說無聊拈詩多運才思歸古佛

寶王詩句老孤僧答我詩多運才思歸古佛

長安秋雨泥印事詩我望果卿惟馬賊人茂諸葛

不知兵元日詩價經饑渴長齋易轉覺半賦萬

難懷陸春明詩五男獨讓干金劍一水分賦萬

書懷開鷄子詩鷄亦不知人法也

字一誤直南鐵面並傳後有杜伯原其人富入

遺民錄中非茲

集所能備載也

金陵二女歌懷臧三

金陵有二女家住莫愁湖長者太聰明其娣若癡愚涉
猥徧經史才思美且都二十俱不足聘者人姓口此身
漸分明指日事舅姑結伴採桑太陌上遇狂且明珠寧
有幾揚鞭疾馳驅一女不及避挾與馬上俱初不惜身
死志節既已污微倖得富貴不復心踟躕一女避草澤
姊太得逃逋良人千里隔矢志顏色枯東望望良人北
望望彼姝秋胡未負心羅敷豈賤軀奈何同心者頓焉
參商殊汝既事新人我當待故夫

幽谷有佳人懷吳亞侯居士

幽谷有佳人肌膚燦雪霜耳後大秦珠腰間明月瑤札
札弄機杼織成好文章君王鼎盛日後官多驚鸞貞意
徒寂寞不肯入昭陽一朝滄海異削髮心煩傷結菴高
山顛入道燒明香少小原不字寧辱孤與羊東隣潔白
女懷玉佩羣芳三復刻女傳慷慨泣沾裳佳人憐此意
相好無參商誓言朝太虛結伴王母旁此女良薄命流
離奔四方間關勞跋涉名節自輝煌脉脉望幽谷盈盈
一水長願言從佳人欲濟河無梁起登蓬萊山爲望雲
漢光梧桐搖落盡海上愁鸞皇

自修我

壬辰夏大旱千里水不流一時射蛟臺禱雨聲綢繆乃
有林氏鵝鵝鵝隨比丘飲翼跪佛前能知爲雨求衆人
不忍逐羣鵝不敢留恥爲右軍得願與慧遠遊投身天
喜院有名曰自修朝夕禮梵聲每愛鐘磬幽皎臺異其
事出米置盆頭如鶴如鸚鵡如鷄如班鳩古者禽鳥中
佛性與人侔我聞龍致雨豈無蒼生憂桓宣大有年此
事書春秋爲語自修鵝大旱勿復愁汝自修汝事焉知
咎與休我偶當寺門夜泊江天舟合掌見鵝樂身病顏
孔羞

同潘二江舍弟藻隨臧師之東郊哭臧三天格有作

我尋牽廉墳土淺草已宿牽廉幼狗齊數十行一目其
書每博觀經史最精熟對人拙言辭生小毛髮禿其氣
若秋蘭其貌若古木九歲渡大江與我交情篤吾翁與
若翁易子爲教育既事唐夫子同門益親睦風雨五六
年知心人有六之子益驚人光彩眩篇幅與我相扶持
爲文且攻讀此心無不知居然我鮑叔食同粗糲飯出
同遲鈍畜夜同帳與帷朝同盥與沐我翁使監子爲子
調寒煖我母使女奴爲子製衣服世稱臧方交朋友如
骨肉憶昔甫采芹秋浦步黨塾聞子得成名狂歌無厭
足但望子雄飛不慮我雌伏觀者大異之古道童子復
未幾返秣陵蚤然問空谷吾子著先鞭文章車擊轂終
買兩少年羣爲吾子卜奈何神京陷中原角羣鹿同心
潘子輩聞鷄交相勗如晉哭新亭如衛盟完濮勗哉我
泣不忍見戮辱惟有古彭咸千載步芳躅我以老親辭
將訪茗水曲子聞亦踟躕有親誰啜菽千秋事不果分
手各睂脰十月茗水歸顛毛共僧祝訪子莫愁湖顧子
顏色惡子拜爲我言而翁相迫蹙不死亦不仕終難供
餽將違心事功名無面對松菊聞我有羶衣假之入場
屋我爲詩責子其義頗嚴肅亦復知子貧養親無恥穀
子文霸天下姓名遂首錄此夜舉金罍爲我翁萬福謝
及我昆弟慰及我奴僕我時極貧窶甘旨無餘蓄感子

爲分金得買米二斛明年我歸里古廟拜壯繆吾子寓
其間夜遊秉明燭適有良宴會佳人品絲竹人生無百
年歡樂爲日促牽衣與子辭分飛如孤鶩我悲吳市簫
子傷燕市筑聞道黃金臺空復年年榮吾子上公車北
風共驅逐王猛與許衡經濟在子腹我在甬江東因人
寄尺牘怪子曠代才乃爲卞和玉如何有家書道子遂
不祿驚聞斷我腸剪紙東海澳嗚呼滄浪天奪子何太
速我輩且偷生斯人不可贖聞子有兩兄骸骨中原暴
子妻在他縣忽遭此荼毒所生只一女勿復能抵憤不
謂作善家降禍如此酷今年我越歸欲致生芻束未知
葬何山哀情向誰告夫子爲余言埋骨東山麓始得與
同心招魂一痛哭白楊何蕭蕭陰風吹之扑天乎臧氏
子使我心慘慙

詠史八首

劍學殺荆卿筑聲死漸離如何博浪沙又虛子房椎鳴
呼嬴秦天一醉六國危詩書燒欲盡火發咸陽遲坑卒
亦不仁何如坑儒時我讀秦漢書太息千里騷
漢末有焦先不言而廬居冬夏皆坦露垢汗身不除上
天且妬之野火燒其廬無廬亦可卧大雪與之俱人生
有茅屋牽蘿意何如

有田何必良卜宅何必廣役形爲使令徒步志來往妻
孥不苦身何得畊以養客至無酒有清談足幽賞過矣

樂志論我生無此想所求日一珍餐飯慰堂上此樂但
不窮夫何求天壤

三問悲憤人行吟合枯稿豈有好容顏不繇彼懷抱我
病分所當服藥豈長好榮榮懷幽蘭悠悠惜芳草伏枕
讀離騷與誰漁父道

王霸有佳兒黃髮兼歷齒一見羣功曹自慙未知禮父
子本恩深霸久卧不起奈何高節士見不及女子既耕
亦已種焉得不如此寄語山中人無與貴家比

曰沈又曰默曰溪又曰渾王果名子姪戒之惟謹言吾
翁師此意以言命諸孫諸孫言尚可我言憂患根三復
白圭詩山中早閉門

趙生在田間其後此半過不能致榮華勞親亦以多子
載一垂涕至我涕滂沱牛今在爾側長夜可奈何當世
無小白徒然飯牛歌

人生快意事故人爲天子可與共偃仰亦可助爲理二
十四宿明客星在澤水釣魚披羊裘不顧玄纁禮三聘
舍北軍帝來卧不起張目熱視之願洗巢父耳帝知不
能下樂與同枕被太史奏帝座故人共卧爾後有李山
人祿位非所喜自願復京師上與子陵比嗚呼彼布衣
中興且如此一卧動天文有生事足矣

忍饑行

出門乞食不顧歸出門無食當忍饑米貴囊空遊遠道

相對莫勸加餐好小舟遙望惠山顛惠山賣酒又賣泉
無錢尚難飲其水沽酒之事長已矣舟中只餘米數升
炊米作飯飽未能飽既未能飽亦可首陽高人已先我

過潯墅關

年年浙江遊遊還所歷北新潯墅蕪陰之三關舊年北
新關上過關吏培克行路艱商賈掩淚發長嘆 本朝
稅法今全換曩時一貨開一單此日開單過其半予時
客路囊無餘一肩行李一箱書買得脂粉花燈遺親友
攜來蟹醬蝦蟇紫魚開吏悉索頗無道編余幾百幾
十商人號八斤海味作十斤每石行李加三報書生枉
列商人名其其實辱其財輕是時潯墅尚疎畧小舟直
過姑蘓城余別姑蘓纔五月忽聞新官新令發大關
上坐三官小關橋上增羣卒喜余過此舟內空閒視無
有容我東隣舟撐米僅五斗罰銀四錢入戶工傳說稅
人又自明日始稅人安得道路通相教商賈慎出入于
今天下重足立何曾關市譏不征出其路者空於邑吁
嗟乎爲暴之政日日開今年不似去年來此太北新關
上我知矣不知歸太蕪關何如哉

七夕宿野店

梧桐葉老風颭颭烏鵲傳聲天欲秋山中擣衣難寄遠
是日穿針擬上樓遊子奔奔海上路人困天昏愁日暮
波濤飛擁千丈高欲渡恐觸蛟龍怒四顧海邊屋數椽

饑人無食渴無泉我苦其間人氣多徘徊夜半不得眠
傷心此夕牛女見無端涕淚沾團扇淪淪可通天漢無
乘槎思覩天孫面稽首再拜勸一杯小臣不爲乞巧來
天上團圓且有日臣獨何辜因此哉上天之難行路比
如佛如吼一海水遠莫可望悲莫歌明日未知生與死
散步太息欲斷覓孤店主人催閉門呼我進來草榻坐
昨夜猛虎街上蹲

象山道中紀懷

海山十日風雨積朝霧暝烟帶征客茫茫遠望千峰青
浩浩平看萬里白嗟我胡爲此經過客程不盡辛苦多
僕夫困卒皆泥痺疲驢爲嘶之坡五步一石寸步冰
水深泥濁沾行李且請勿行路難峻嶺前途突危是
呼僕扶我徒步行荒藤蔓艸遮天明決肯不見鳥雀至
側耳如聞虎豹鳴棘中尋隙低頭入狹路緩步轉心急
逶迤匍匐十里餘仰見山顛行人集破菴僧去徑荒涼
土佛而醜塵爲裝我坐欲休不敢進其氣如有人死
上山猶可下滑我攀援手足俱防墮日落無力渴且饑
悵望山邨有烟火山村索寞丁壯逋蕘蕘老叟形貌癯
向我啼哭來乞食我迎問有酒家無叟即當年賣酒輩
邇年百里無犬吠老亂未休又兩年何處求杭及蔬菜
喜余攜米一瓦盆荒竈炊粥爲掩門拾取荆薪紹土室
鄉音只聞蒼頭言爲問高山尚幾許四海飄零吾與汝

人生貧賤老鄉中莫向天涯作羈旅

夜悲歌五首

夜悲歌歌回首回首亦何爲瞻望父與母阿翁遭屯遭
明年五十九大兄備椒盤小弟釀春酒中子最不幸託
鉢東西走三子兩母生我母臘月壽有婦可代夫納履
停針否有妹可常兄茶瓜諒亦有有孫可作兒小者抱
在手天乎我何辜雙親離別久魚在淵鴈在薮爲我致
書雙親但當隨時愛景光無復上怨青天下思黃口眼
見黃口兒成人不孝友人生養兒高談大言學仲謀不
如田家膝下依依得豚狗心依依歌夢我海角天涯可
奈何

夜悲歌歌承嘆北風起江水寒望京師路漫漫念我姊
中心酸離露不獲壽蒿里無可安奴收其骨賊焚其棺
三子不奔扶入長干長干竹有園鬼伯聲凋殘前年寒
食太紙錢挂樹摧心肝舊年長至過衰草荒烟側目看
今年又值歲云暮我欲從之行路難行路難色惆悵生
不養兮死不葬

夜悲歌悲半吐有姊三人有妹五婚嫁至老不得完五
岳何年遊我父生女未出門生男不在戶誰謂生女惡
生男亦何補生女時或解父愁生男如我見之增父怒
怒未已樂何如大家爲我續殘書

夜悲歌歌房中荆釵女兒生江東十七嫁與梁家鴻自

汝之爲我家婦不得一日笑語同國旣已變今家亦已
窮子不得孝兮臣不得忠與汝抱頭時痛哭有時反目
首飛蓬舊秋別汝梧桐落今夏別汝櫻桃紅是時天氣
乍冷暖我欲著衣禦江風取衣桁上汝止之我遂援袖
不與父母通援袖來幸有舌擁被繩床天欲雪

夜悲歌歌未止懸弧懸輓今何似屈指九月及于今何
事呱呱竟弗子我母無他兒我翁年老矣日日望孫兒
得孫兒縱得孫身在此有孫勿似不孝兒緩急他年無
所使有所使立家門他年代父報祖恩

賑饑粥

官今寺院冬煮粥聊寬三日饑民腹扶親抱子或携妻
我悲欲繪圖一幅繪此圖亦何爲民雖饑當告誰饑
不饑之人總不知君不見黃堂夜夜羅歌舞賑饑粥米
民間取自謂能賑饑民苦刻石收之德政譜又不見入
寺空言慈若父登堂苛政猛于虎

牽兒衣

牽兒衣執兒手賣兒天涯牛馬走不及黃泉得見否囑
兒悲啼勿在口有兒可易米一斗卽此以報汝父母只
恐新穀未升斗米完無兒可賣又賣婦

途中婦

途中婦哭失聲自言妾住慈谿縣偶然乞食到府城阿
夫五日不相見不知何地太謀生大兒種痘家裏卧小

兒饑渴牽裳行急欲歸去問生死桓桓新設守城兵城
禁婦女不得出何人爲祈流民情吁嗟乎人生骨月須
一處饑來乞食能相助見此婦人我心傷明日城門用
錢使爾去

燈花謠

三春花落胡爲哉不如夜夜燈花開人言花開好音至
如我好音何所事老親鬱鬱未安居弟兄山處枕被疎
尚有室人謫貧窶厭我焚書且讀書讀書有淚却無力
仰見燈花開嘆息爲歌謝翺冬青詩此樹終有開花時
此樹終有開花時夜夜燈花報我知

童子拉放小鹿歌爲四弟萊綵作

小奴上山獲小鹿鹿悲不鳴饑食粥吾弟三歲有仁心
憐鹿無母爲鹿哭急叱奴人放之山奴欺在山仍在屋
俄復一奴山上來爲言鹿母尋子聲哀哀弟又聞此淚
如雨叱奴抱弟放鹿山之堆弟因鹿太歡我爲鹿公苦
爲我謂鹿母早來爲鹿乳未放愁人放愁虎死生離合
只須更荒林日黑山無主吁嗟乎我聞周豫魚鞵身護
子首就湯又聞桓溫猿哀號求子行斷腸古今萬物皆
如此貉隸無官素書毀易語默言不入耳我願九天大
地間人人吾弟泣放小鹿之童子

折楊柳

密密河橋樹青枝一半無大都朝繫馬只是夜啼烏細

御辭征婦長條別故夫歸來問鐵笛不忍別須臾

憶內

亦知行路苦總只爲調饑念爾惟推布因余典術未持
緣難比素織字擬停機何日能偕隱相將採茯苓

與明農從叔買舟

舛機聞相待寒裳逐曉風到家愁出入瀉水任西東道
合詩尤合舟同被亦同處翻貴知已況在一門中

淳湖過陳汝威齋頭兼懷邢孟貞先生

近古一詞客知君兒女親到門多曲徑獨樹伴幽人煉
藥惟收鹿馳書先剖鱗江天有雙鳥三匝暫棲身

贈吳弗如

周師濯孺弱生死託貸交奇策曾相救遺詩不忍拋
居依水國佳兆卜山均古道欣良覲遊踪累爾庖

贈湯仍三

到此無三日知君已二年氣應齊古俠詩欲步前賢念
友纔趨市愁余又買船那堪芒種雨寒似暮秋天

贈惠泉

天下當今日誰爲第一流甘泉能不變滄海復何求每
載輕舟出堪令濁世羞竟無知我者將老錫山丘

武林門送別明農叔歸京口三首

買舟京口太良友指潘錢號曰淮西隱詩應海內傳黃
虞風往矣闕粵事凄然却話吳江別蹉跎已三年

古人不得志往往卜容身言必依忠孝心能質鬼神
垂簾自適朋載酒非貧素底錢如滿封歸獻老親
胥江不可渡分手武林城學卜難同賣教詩恨未成家
書千鑑重湖榜一鷗輕八月余當返相邀仍耦耕

曹娥江夜渡二首

一江潮怒發世世屬曹娥神奉古無幾父尸今若何四
時聞痛哭五日恨絃歌生女猶如此停舟莫漫過
昔聞上虞女今知葬會稽江分兩邑界碑許四方題近
壩愁嘶馬呼船待聽鷄遺形存古廟應卜未曾筭

范一香園持蛟川雙烈傳索詩雙烈者林穎新妻

李氏鼎新妻劉氏也

遙烈于今日閨中有二林死生千古事姊妹一時心可
自詩篇得非開字義深相將夫子命終始不商參

海店

潮起風何疾墻頽日未遮經年艱米穀滿地曬魚鰕姬
以饑扶壁兒因亂出家客來長嘆息鹹水渴無茶

謝忍可上人分淡齋

淡薄山僧古清齋面目黃十年鹽食斷終日菜根香
益蒙分惠蓬門得遍嘗病軀餐飯減味覺此中長

有懷家君鄉行雜咏二首

會聖岩隣砦三春此避兵經臺晨作市佛鼓夜巡城方
慣良弓用思隨曲突輕解紛思往事誰識魯先生

野外無拘束青鞋東復西山行憑一杖草宿慣雙谿滑
想流匙飯甘餘入饌鷄何時與兒子隨意得幽棲

寄懷袁令則又安四首

在昔浮東海袁君交最先變名艱避世灑淚共呼天旅
舍湖干酒芳洲月下船我生知已重飛夢越山川

客路曾聞變飄零繫小舟臣心觀海水子道愧谿流
時水入寺貪黃面思家欲白頭賴君洋梗共排悶對沙

鴈

令戚沈吳輩乾坤亦有心眼青看向我林黑想于今伏
枕書難就裁詩感不禁故人休致問痼病逐年深

我形如豫讓君隱似韓康嘗勸加餐食相憐贈藥方竟
無療鶴血惟有斷猿腸萬事床頭廢淚情未敢忘

璩鞠思弘士過訪留酌託爲子買山二首

形影十年變相逢乍問名細言星散事彌重歲寒情親

老懽邨會天空戀友聲青驢來往便多趁萬山晴

一枝猶未定爲卜大龍灣太子二三里棲予八九間乾

坤留舊雨歲月老名山所託分林石樵蕪恣往還

送舍弟之浙江二首

新鶯啼夏木風雨渡江初池草勞兄夢船燈讀父書詩

文頗簡點山水莫躊躇小泊蒼溪後先來雙鯉魚

各自成消息何須問是非得霑微祿養不恨采薇餓鶴

立乾坤病花分湖海輝我存雙眼在秋看彩衣歸

自寧波往慈水偶占示秦汝翼朱君與

冉冉山根竹悠悠水面萍同心猶夙昔他縣任飄零租
舫湖西借肩輿渡北停病深慙累友分外眼雙青

謝秦復齋贈紅穀蔬菜

稻稬君猶未貽來子粒紅與僧飯不雜聽板呪能同暖
味知憐病同心欲送窮分蔬及僮僕飽食慰飄蓬

復齋又贈穀謝之

糧絕慙相繼情深受不疑只從君索食誰爲我驅饑典
座米無償諸方齋有辭禪房鼠又覺貪我故人貽

大雷

卽此大雷嶢泰軍亦偶然一書傳冷妹千載遺名篇古

道荒埋草澄江旅泊船臨風問才子寥落幾山川

燕子磯

千年一隻燕未忍別家飛絕頂呼江水當門擁帝畿急
流衝石度小泊待風微蕩子端何事茫茫對此磯

偶成

露葵風竹閉門深萬葉飛飛散夕陰月護汀洲沙雁宿
天連湖水夜龍吟孤臣七日亭前淚高士三秋海上心
彈罷廣陵燈火靜故人寥落不知音

遙園秋思

蒹葭秋色起江湖片月高天炤客孤卧病深山尋遠志
懷人千里寄文無典裘正值初逢雁聞杵那堪更憶鱸

故園白雲消息斷木犀香老落花鋪

贈寰中上人時公已爲僧矣二首

古剎雲峯佛磬低梵音松下問閑黎竹因香積厨泉響
茶自能仁石縱攜鶴舞空山爭大麓馬嘶古塔護招提
紛紛柿葉飛搖落留待羈人月夜題

翻經燈火夜漫漫自許彌天一道安鐘罷有心狂擊鼓
筑幾無髮怒冲冠月臨古佛青銅鏡霜老神仙白玉棺
聞說浮山山色好圍棋藉爾獨登壇

卽事

漳海清風恩詔聞誰教輕入虎狼羣後師表繼前師表
生祭文催死祭文絕食已傳過八日剖心容易謝三軍
鍾陵南向青青草欲小山爲丞相墳

與外舅張先生飲醉言懷

先生家寓虎林城太此水衙五百程每到歲時頻灑淚
恨無田畝共歸耕薄遊勉爲兒孫計汎愛偏多子壻情
嘆我何因更遠別雲山滿眼未銷兵

潘蜀藻留飲賦贈四首

破衲歸來又一年草堂攜手意淒然君雖不隱文焉用
我已皆空詩漫傳佛許故人開聖酒天憐今雨遍狂泉
夜遊况有明明燭重話西窓未了緣

秦淮送我有悲吟白水清清見此心蜀一別五年渾
似昨長歌七字到于今鷄忘夜雨人分席鳥戀寒霜友

在林江漢西流流且竭與君相對益情深

鏡湖秋水得雙魚曾道佳兒亦念予交重賤貧初託女

婿聞聰慧遠憐渠忽驚望失河陽樹漸覺愁生靈炤蔬

小塚今朝剛宿草那知歸客對欷歔弟有甥也

柴門客到徑原荒見爾誅茅覆短牆新笋盤分慈母嗜

晚菰味與故人長交知尹敏親原久形似嵇康懶不妨

南北宅成春鳥變好容明園灌中央

出門

自擲儒冠愛遠遊年來頻買湖江舟若溪飲水曾銷夏

蓬海觀濤每及秋三別庭開三次恨一過陵寢一番愁

山河若不歸口口從此飄零到白頭

哭拜岳鄂王墓

湖村指點哭忠臣南向松楸萬古神道合于公雙少保

廟邊壯繆一佳隣本朝過客曾悲朱今日何人敢罵秦

爲買寶刀墳上舞金牌遺禍又沾巾

開廟

當年遺恨失荊州久矣談天非姓劉中國至今稱漢室

古祠隨處是關侯累封盡受熙朝勅一將仍垂聖帝旒

如此報功良不薄何人此日讀春秋

喜遇左碩人先生湖上

龜齡舴艋向荻川駐馬西陵松樹前有衲便攜三竺屐

無官好汎六橋船曾堅讀史山中約又結歌詩湖上緣

明日忠魂先展謁岳王祠宇氣森然

初度後一日外舅招往象山遂買舟走湖頭渡

憂既傷人路復艱纔過二十鬢毛斑將安歸矣來東海

有所思今在泰山憤懣欲舒誰許說窮愁可告亦無顏

官衙莫辨床頭酒讀到沙堆淚已潸

懷小戴青山

泰世淮河六代基何曾文酒故人離湖山得句余同賞

天地論才爾獨奇五夜鷄聞雙草榻兩家犬吠一茅籬

至今風雨三山夢猶似西窓剪燭時

懷潘二桐城

世人欲殺國難才幾度春城招我回已分山中猿鳥

偶從海上到蓬萊鷄聞豈爲劉郎舞鶴對蛟射還思漢

武來謂射蛟篇自有王孫能好客梁園當復聚鄒枚

懷伯兄季弟

出門曾約註毛經兄弟聞詩日過庭獨我有家皆罪戾

登堂無面自零丁遠辭壽考懸烏舄私目慈闈托鶴鴒

憶別縱陽揮淚處幾羣歸鴈曉天青

中秋旅懷三首

旅夢依依拜老親那堪佳節一孤身青天到處難容我

明月何年不照人弟妹山中當煮芋朋儕江上各思蓴

綠衣多辦歸來著問道王師下七閩

櫻桃正熟良人出何事風來桂子香懷得明珠秋月盡

夢餘孤劍夜天涼
惟將寄履同行止
斷不持縑較短長
此日燈前休悵望
重陽屈指尚他鄉

弱女何心怨別離
田園久闕慰情詩
于今可記呼翁語
是節當教拜祖儀
食下含飴亭午後
祀餘分果月明時
尋常佳兆占兒口
弟妹今年知未知

懷左子直子厚

忠祠昨歲病相依
二士邀余採歲薇
君自有顏瞻俎豆
我今無語對庭闈
曾言南渡宜先紀
自出東門不願歸
忽憶左思招隱處
重陽紫蟹兩番肥

象山卧病雜咏六首

象城官舍最湫隘
藥餌扶吾何所之
足藉江山遊後
手卷筆墨用疎時
吳尊自好憑誰採
海味雖甘總不知
鏡裏已慙非壯士
那堪形影又支離

半間棲息一身微
出入逢人倩掩扉
本草自能存遠志
藥囊底事見當歸
飛來日夕鴉聲惡
夢入鄉園樹影稀
莫使寒風吹我淚
恐防飄灑到庭闈

寒將淒絕熱猶狂
七日奄奄廢水漿
窓暗榻前爭亂鼠
草枯屋上走饑羊
幾聲費力呼人至
開眼無光見吏忙
又說呻吟須自忍
大官刻戟到公堂

已將雲樹棄孤身
病苦方知不耐貧
布被如冰徒卧久
葛衣換絮倩裝頻
秋風欲盡悲添我
冬雨若來愁殺人
消息喜聞如挾纊
可憐遲日又難真

氣絕甦來恨轉加
剪除爪髮寄還家
二人恩澤天恩雨
一室團圓夢裏花
墓栢不移凋後節
曉蘭寧折種初芽
荷存病僕收吾骨
詩草殉余葬水涯

九月九日伏枕望
眼開自顧影相憐
驚心節序黃花雨
虛負山城紅葉天
勸酒題糕每歲事
吹簫伐鼓一人眠
蓬萊舊是登高地
求藥難求不死仙

遣張僕往鄉寄書三首

吳越飄蓬又一年
夢魂飛渡兩峰顛
臨風心動指疑齋
望遠天寒眼欲穿
節序未來日五十
江山往返路三千
整冠送汝先收淚
百拜郵書父母前

鄉心鄧錫紙難舒
故書爲辭我書先
勸高堂爾後
更寬合室倚門閒
憤詩久爲嚴慈戒
浮氣新從佛老除
若問形容憔悴否
諱吾消渴似相如

汝到窮鄉雪意殘
天涯一字一悲歡
弟兄共紙須分讀
妻女嘗談亦細看
鴻鴈鄉園傳涕淚
螭客舍望平安
年來心益乖徐庶
待得瓊瑤慰歲寒

臘月廿四家母初度望鄉遙祝叩首成詩二首

北堂初度憶當年
啜菽聊爲壽母筵
筵送窺迎先兼歲
事勸兄酬弟樂天
緣貧家薪水慈顏老
亂後雲山望眼穿
此日翁前銚壘共
所生不見定凄然

膝下悲歡意若何
二千里外白雲過
婦生野里殷勤少
妹在孩年簡略多
遷宅有無題鳳字
登堂應否集漁蓑

小兒欲竊桃爲壽三復南陔季養歌

伯兄送別樅陽有作

伯仲離歌江水長七年兩送別樅陽
看東海人持鉢却負西頭月滿梁
明日小舟愁客夢今宵大被借僧房
離親十二時無幾兄去家書有數行

答西頑上人舊梵雨夜見贈

途途何計弗張乖曉水清談自荷柴
笑我嫖親惟布衲羨君面聖有芒屨
杜鵑因病不能拜薇草疑腥空復齋
瓢笠天涯期結伴蹇驢相送又傷懷

于湖喜遇舍山叔

唐路賔王高達夫爲言昨夜夢中俱
冷朝拾喜逢遊子先哲深惡望腐儒
楚蜀總我君自有淮揚飛檄我全無
雖然才命生來薄附驥還思聘壯圖

贈蕭尺木居士三首

眼枯未忍望鍾陵早見鍾山梅下僧
四海有情空見畫千秋何事欲傳燈
敢當倒屣憐貧病聊與科頭數廢興
我夢不離靈谷樹欲隨君住白雲層
先生大筆垂宇宙肯爲吾翁圖水厓
高閣初成臨怪石小蒼恰喜近荒齋
久知王宰艱真蹟直借滄洲慰老懷
更許聯詩題畫冊草堂靈與素心諧

吾輩難堪見楚辭章章圖更古今奇
本從萬卷書中得只有三間湘上知
海內阿誰歌且飲枕中特出喜成悲

雪菴和尚傷心血流在君家小墨池

戊子元日

二十江淮已問津蹉跎又度兩番春
論年深愧懸珠目書子當終荷錦身
桐樹葉生知錯閨荔枝粉見嘆迎新
辛盤每快他鄉味不盡屠蘇憶老親

喜得大戴書

分手秦淮四月間三年風雨別離顏
夢魂不忒南朝寺書札初通東海關
我尚未能知死所君從何處得生還
閑函總是長相憶珍重龍眠大小山

種菜

短髮婆娑感不勝雨移畦菜病中興
雖無無力惡菜種地求人笑此僧山
供次甘蔬笋飯牆陰欲借豆瓜藤
東陵古事泉明句動曰高賢我未能

奉懷唐畊場夫子

自挽驪駒別舊都蔣山枯栢半年枯
直今到處飛鷄鶴動向何山怨螻蛄
首郡滄桑增涕淚八春雲樹隔生徒
可憐視我情猶子獨立空門一字無

不寐

今年花信總無香伏枕呻吟事事荒
防虎微功初斬竹諒茅費力已頽牆
雨聲嘗使驚天破春夢還教怨夜長
也有杜鵑眠未得一聲呼我一廻腸

九日同左子直詣子遊龍眠分韻二首

重陽尊酒故人移一出東門步念之四望但餘山未改
初生轉憶我無爲黃花插徑歸秦火惡草盈谿怨楚辭
最是龍眠幽意愜松前雅坐問寒知左居士問舊名寒如
浮丘居士龍眠居其後羣賢共讀書親手種松多歲月
近城無樹此扶疎晚從田父賒新醪靜對溪流逐小魚
紅葉青驢詩興好攜僧當不吝園蔬

寄陳仲紆量

有弟若行先訪君維舟攬涕惜離羣身當零亂空存骨
家爲饑寒欲賣文生死可憐惟舊雨江山何意慰停雲
我來倡和歌秋興莫道逃禪視已焚

答贈秦復齋白下寄書

昨日同觀東海濤幾年相訪泊輕舸官猶太守風流在
談共孤僧雪色高一別江湖旋斷絕重來陵樹最牢騷
至今學圃難忘我珍重君書問桔槔

東答李士雅

開見君書淚與俱啾啾鬼哭說漳湖難填東海惟精衛
不肯南雲是鷓鴣往事豈堪談百粵新詩且又遍三吳
二毛容易人憔悴莫以傷情望眼枯

贈心上人之山東

杖屨初從丞相軍幾時削髮不茹葷論心懶豈如明瓚
截指忠猶想霽雲佛鼓三搥曾罵賊僧厨一食尚思君
扶筇過我情無限漫說蘭臺石室文

水屋未出門時有作

但得芒鞋任所之幾雙鞋破出門遲
聞鳩忌我分桑柘山笋留人看竹枝
渺渺江河親望眼依依香水佛低眉
小菴高閣皆新構太住無情兩忸怩

喜蒼頭拜石自白洋來

日日思親拜佛年年作客依人庭闈入夢難舍主僕離
家易親

催耕鳥

野鳥催耕雜樹多郭公呼罷再呼婆
啼鴛新婦鴛鴦暮轉罵公婆不挿禾

鯨魚

捕鯨捕鯨不捕雌捕雄自有雌來隨
鯨魚亦解從夫死可怪漁人太不慈

父母不樂因有婦事師不專因多友能舞寶刀常割手
錢餘百萬成白首

折楊柳歌

男兒辭父母涕泣對妻子女兒辭父母涕泣心中喜

對酒

對酒卽當傾何時慶太平今幸五穀成但有天子聖且
明使農家父母兄弟尚躬耕安能得罕開胃頓不犯邊
京錢穀皆滿盈將軍校尉不復用兵自丞相以下中大
夫守吏二千石三公九卿盡廉潔不爭置觀立學諸儒
榮令跼蹐芝駕威威名下無催科並征各樂其業刑罰
得重輕外戶不閉夜不驚今皆不然何以爲生

善哉行

上山采蘭下山風寒既見故人我心則慳一西門步還
執手盤桓今日不樂明日大難二雲中仙人與藥一丸
但願藜藿我不敢餐三明月在天零露團團商絃欲絕
我不敢彈四解霜降城隅艸木皆枯何以忘憂清酒百壺
五日月已往駕言遊湖何必成名乃爲丈夫六解

隴西行

門中有好婦出門望征夫征夫戍隴西艱難萬里途單
衣被雨雪如今三年餘杳杳音信絕不知尚有無空房
悽以慘春秋顏色殊采桑在南陌采蓮在東湖饑來無
饔炊寒來無重襦織素以自供深夜累長吁爲君度辛

苦隣女以爲愚泣下不可言心中徒區區有客性北方
將到隴西不贈君一端布可向酒家沽

孤兒行

孤兒生孤兒既生不如卽天人言孤兒無父母得兄嫂
我言孤兒寧與他人爲好人猶怛惻不若兄與嫂寒冬
臘月未嘗衣魯縞父母在時惟我是寶安知饑無食啼
時向誰道出東門但遠望蒼天蒼天視我草草父母所
遺我不下十萬錢宅一區數百畝田兄嫂但用之非十
年我敢言憐彼心中更不然將欲殺我乃得其全不如
早殺卽見黃泉蓋有小人從中較計使我兄嫂不作聖
賢此里中不可居十五不足計四有餘竟去他鄉從師
讀書他鄉流宕知我者少欺我者多將安所向父母
骨尚在高堂何時得葬亂曰少子固不宜生致使白骨
無收父母不愛少子何與父母爲仇

艷歌何嘗行

遠望白鵝飛飛飛東南翔五五相隨十成行一本欲
一時行安知復損傷中道羽毛頽反顧以徬徨二八月
降白露九月成繁霜東海將堅冰北風知枯桑三相逢
但飲酒歌詩以浩倡明日卽離別不豫愁中腸四解行行
難久留送子至河梁河水隨長路路傍愁白楊莫難于
相知莫怨于相忘莫悲于離別莫苦于他鄉人世論及
此淚下一何長邂逅樂相樂死生安有常

來羅

枯草被平原西山落日照草枯還更榮人老不復少

窮樂

少年歡樂意嘗與江水深分手過明朝已非今日心

西平樂

往來輕薄子與我相知新贈我青銅鏡欲得鏡中人

白紵舞歌辭

風寒夜長酒已多明月皎皎玉顏酡
帝珠簾影婆娑側弁交席起僊僊
鼓鐘鳴磬擊靈鼙趙姬酣舞胡姬歌
齊謳秦吹聲音和披離穀霧揚纖阿
揭簾出戶怡庭柯天津間道斜臨河
翠微澹影高嗟峨忽見天邊鴈離過
樹上繁霜被女蘿涼風淅淅池中波
春秋嘉會日佳

佳人泣下沾綺羅不知君心將若何

古兩頭纖纖詩

兩頭纖纖弓如月半白半黑將士髮
腦腦膊膊征車發磊磊落落沙場骨

東飛伯勞歌

誰家女兒著羅衣仰視伯勞正東飛
不覺含情理清曲微按冰絃知柱促
黃金屈戌控流蘓飛仙髻後大秦珠
倚檻但持白團扇惟恐傍人得相見
徘徊獨對寶鏡中可憐花落從春風

鳥生

鳥生復能啼多在長安掖門西但見掖門前有衛士驅
逐復至宣武門城上棲生子八九飛尚低飛落公侯屋
畢連相呼半夜聲淒淒蕩子彈之墮於濁泥老鳥啼不
能止不如墻下長鳴鷄傍有黃鵠摩天極高飛飛出海
外將安歸又見猛虎近在上林中日以肉賜之何其肥
鳳凰自以爲聖人所知來集建章鳴且悲惜我建章官
中未得聽左右張弓爭射之悲哉鳳凰太自歎不合時
下告善人慎不可爲

董逃行

駕車何往何復還我將逃入深山人皆喜長安長安道
上大難但有沙塵蔽人衣冠疾馳驅以爭先市井無
賴皆得官紫衣朱鞍密使探吏出入官府間
旦不可知事非一端欲逃亦已晚前路何漫漫安得布
衣蔬食日夕饑且寒解知者逃於神仙上謁蓬萊求一
丸更得玉杵以遺心所歡彼尚不能忘長安獻此藥陛
下加餐解服之神武左右難欺但乞聽臣勿疑請奏董
逃歌詞後漢游童無知董丞相何不罪殺之

詠史七首

談學本黃老史記宗春秋子長發幽憤其文江漢流孟
堅故莊語難免种兢謀蔚宗論目曉團扇良足羞兩晉
南北朝清語酸醜醜宋以理窟拘唐以風詞浮載籍有
質主浮名安足求哲人知長短自寫終身憂

肺腑領將軍武安太后弟王孫喜賓客藍田拂短袂失
執不自安終坐蜚語幾東朝相辨折天子不可制杯酒
屬臨汝縛手居室繫生時受其毒死後空作厲虛啼藉
太尉善爲人生計

蘭陵天子師草疏好諍諫揭舛韓延壽早爲鄭朋間未
雲和藥來終殞于豎宦因笑賈捐之貢禹亦出汗二疏
祖帳圖後世起長嘆

雅鵜翼不濡彼于服不稱風流喜顏色夏侯與何鄧野

草蔓黃花胷骨滿三徑秋風一夕至有力不能勝悲哉

子丹兒白馬黃金乘握兵數百萬郡國皆響應投刀願

富翁痛哭終弗聽致使辛憲英閨中一言定

擊鼓在深窓外野聲聞博學不出口自勝諸生同

子著靈憲以愁且叶韻于幹脫轅轅上谷覺肆奮章氏

世傳經顏氏有家訓期許從所遠請業從所近庭草何

不除堂上猶未糞

平衣念王章大鳥念楊震長卿慕相如終身不似簡和

光貴柳下礪骨磨白刃上視蒼浪天行行常自慎君明

值井溢小黃言已信管郭既前知人生何所吝無以則

神舉誰見王子晉

隋中有定算吞吳悔失計景略在苻秦猶能申其意荆

公逢神宗所志無一遂徒爲宵小媒大志志林氣此外

多巷遇上容進聲悅內虞左右讒外犯同朝忌留鄴別

路行神仙若遊戲

雜詩

初三月在參上弦在七星三五在平道光輝滿園亭池
塘照楊柳兩岸色青青微風吹新絮落水生浮萍美女
著羅衣舉止何娉婷重帷鑒明月寂寞守中庭春色盈
田野艸木自芳馨窓前芍藥花一夜皆飄零

澤園興永社

南郊有小園修廣二十畝開徑蔭松竹臨水垂楊柳西
北望列嶂芙蓉青戶牖築室曰退居閑開此中久晨起
一卷書向晚一尊酒偶然遊吳越天下浪奔走大雅殊
寂寥黃鍾讓瓦缶雲間許阿朗歸來告親友結社詩未
繪絃歌同杵臼湖梁如嚆矢風雲爲收帶聊以爲我志
何暇計不朽

當擬古詩二首

五言古向與曹叡父必期以彷彿河梁十九爲貴

然漢人之詞苦不多得時異事變情各不同必

合曹阮陶杜而取材樂府乃可盡其致耳長篇

唯悲憤與孔雀杜陵恣之然以行短章不免粗

厲此二首猶刻意捐愛求如所爲彷彿者

西北起黑雲日暮聲如雷飄風吹野蓬當從故鄉來路

逢鄉人云故鄉城中火大家盡流離宮室皆成灰僦居

西城下不願登高臺登臺望江南江南一何哀吾見江

南人江上空徘徊

軍士久無事安坐常苦饑烽火忽相及一旦言興師
干卽塞上明日爲行期妻子跪涕泣以爲死別離征夫
告父母此別何足悲將軍不好戰見賊亦不追拔刀便
出門我亦無多時

悉索詩

薄田數百畝連年屬烟塵家僮復乾沒九月不食新句
臂謀稻梁猶欲延嘉賓鄉里故人至一飯飲以醇嗤我
何鄙吝憐我何苦辛望君者甚多不但君家親自恨不
巨富又恨不赤貧巨富可結客赤貧可謝人

盡酒行爲永社廣集補作

此地好繁華日日聞簫鼓非爲宴公侯卽是聚歌舞輕
統綺席前有論不敢吐退與二三子放言及上古一夜
思得之書生何太苦明日盛衣服賢豪送賓主遣使召
紅粧冰絃促玉柱雖無絕世人問年多十五飲酒隨風
俗傍人乃不怒四座請盈觴聽我新樂府

謁金天樞先生

全椒真御史屹然周道砥當日彈中涓正撓逆鱗起召
對大震恐公卿收不止風雷下殿陛乃感聖天子岩廊
爲吐舌田間責其耻如此六七年冷局留京邸所憂南
北部與漢相終始幕繁者炎炎上容者纍纍吾道真難
難刊章未有已封疆修報復行間尤易毀老父有生平

撫楚適遭此議剿殺城賊齟齬能總理不幸其言中
勿採願指督師霹靂火布置鞭箠使香油坪深入兩將
捐軀死楚撫調守襄相太八百里川沅皆不救三路何
爲爾一年中入捷不洗一敗恥氣結不能白伏階叩牙
齒願告我正人本末獻一紙

得虛舟師書

前以漳浦公圖寄虛舟師荅書曰漳浦公以
屑象徵易是一筋節余謂律曆譬占皆差別中
節之端幾古人惟定其恒然而盈虛損益在其
中矣子肯放息襟事一心研極自然神而明之
老昏不多及小子悚然碌碌三十一歲奈何

前抄漳浦圖寄我虛舟師云專則通苦爲他事

身不自識攷究多闕疑天道本玄遠碌碌何能知惟信

龍馬言旦暮熏著龜王師著右龍馬言

曼寓壬午春授翰林院簡討

我生三十年但有讀書癖仕宦非所營州縣苦勞饒父
冤終當伸始且淹紫陌執政或憐才聖恩今破格審笑
董賈命不若相如適避世金馬門曼倩止執戟不敢比
古人聊且枕經籍無奈性疎懶使酒痛自責朝罷卽掩
戶種竹庭簷隙自題曰曼寓寓此曼衍客

哀吳江吳昌時

主父懷盛時公卿皆譽之及其得罪後人爭言其非太

史公此語吾爲吳江悲輕俠巧闢力過甚不可爲儀郎
胡選君快意亦太奇將隨建德去乃以陽美疵

遺箴 荀子曰尾遺事已足謂箴理

統馭監臨多親民者四顧守令竟無權計如客過路中
飽問問因兵屯皆文具肺石不得達指臂成捍拒吏胥
爲奸叢上進又窘步虛養邑子弟殊無明試處九州憑
書判豈能責銓部人才非素徵急求何所據高束胡世
寧條議亦明著可惜王安石負此魚水遇學不達物情
空慕南軟誤

閭中公諮

秦賊圍太原周中集衆議咸陽爲沃野突出是何意河
新已凋殘不足復展翅請以往事鑑知時早布置黃巢
要旌節出粵遂橫恣高駢劉巨容徘徊不可制宣雲拊
我背飛狐從旁觀金遼蒙古事兩路所必備赫濯固靈
長勿謂賊無智是日庶常中幾人大憂悸竟欲上書論
豈可作館試

德政殿召對臣各夏臣學濂臣以智翼日補本

賊勢既猖獗藩鎮爲急策軍容可撤回直指亦無益宣
雲來居庸薊州并抵隙紫荆飛狐道急選勁旅扼山東
河北士義俠多脫搯湍皆感泣豪傑長羽翮倡義赴
都統收攬破常迹無終一泉塢彼自能控格李全與九
公舊事宜紬繹不則爲賊招腹心翻阻隔若爲措餉憂

補直誠眷眷十庫且改折東南易采獲招商作張瑄中
京有陳籍宮府上下通何難一籌畫募屯計並行守兵
作安宅臣父舊議明臣願裹馬革三世受國恩刮腸刻
金石何敢復忌諱更有一言白

朝廷重督撫天下奔清華帖括以進身忠義輕泥沙但
望四衙門安坐服青綱身名欲俱泰所恨在建牙一有
談兵者頸上披鉞鍛碩望若出撫躡翻谷嗟有司當
冠衝支骨如亂麻冒死守城者未聞殊恩加福地輦金
入唾手乘仙槎喻舌積資俸台司足矜夸疆吏反仰面
旋封聽攫拏合須破此習推輓豪傑車高者學韓范餘
亦習耕數肥水非好客勿受還屏翳休休其壽羣力
淬鍊錦守成若中典各捐其身家廟堂浮議少戮力
無譚因南院叔問遂書此

紀難四首

我生何不辰天地遂崩裂萬年明光宮蛇豕作巢穴蚩
尤蔽皎日若木枝已折誰非朝廷恩簪纓儼前刻憤哭
東華門髮上齒猶切嗟哉亡國□鞭驅甘縲紲拮拮拮
楊下叱咤竟已絕九死得甦還腸斷不能說夜夢見上
帝逆賊定當滅南北十三陵鑒此微臣血

前者先皇帝召對德政殿對曰倡義兵憑几大稱善迺
爲丞相沮坐視白羽箭賊從上谷來十日驟畿甸京邊
二十萬未嘗交一戰烈烈萬歲山成此千古變東宮與

二王行藏空繼繼滅賊會有時蓄齒先淫面卽爲荷戈
卒不負喪尸願忍死此須臾區區白日見

拘囚二十日乘間得脫走熬黑蒙土灰藍縷出左肘妻
孥跪涕泣斯須且相守天地已顛覆行路平安否余命
當萬死雪恥在馬首但得脫虎穴暇計出門後會面查
無期黃昏日落西痛哭與我訣持刀向心剖汝死復何
益汝善視黃口大海生桑田或得見老叟心知死別離
結髮斷筭筭但道長相思吞聲一揮手

日暮風揚沙城門闔未遂弓刀雖林立覲面難直視充
作賣菜傭幸有鬼神庇出城榛莽中卽是綠林地何況
數千里豺虎雜魑魅黑夜徒步行汲水不乾猶逢人類
啗啞望塵先引避問道多不通荒廟祈神示衣敝履穿
空遇賊多棄置乞食免饑餓假寐猶驚悸幸無統袴習
能堪此勞瘁

變擬古詩四首

屋角多啼鳥鳥飛尾畢逋啞啞八九子廣州城上居城
中似江南統綺紛毬毬交疏飄霧縠土曲陳筌芋調笑
入酒家青絲提一壺主人酌我盡擊案聲鳴鳴東海出
寶劍南海出明珠聽我歌此聲此聲世所無
嶺外稀繁霜草木不黃落窮巷生陰風客心乃蕭索斗
杓指寶沈勾陳半隱燐蟋蟀滿牀下篝燈夜慢慢此地
羅浮山古人嘗采藥何不披短衣入山飽藜藿曉從外

來者皆言道路惡我欲依神仙神仙不可託

東北覆陰雲其下吾故都中路一奔奔限隔天一隅虹
蜺下平地曠野秋荒蕪翼日大風雨慎勿臨長途人傳
使者來旌旗蔽道衢嗟我遠遊子不敢同馳驅京華日
益近冠蓋日喧呼道左發長嘆嘆者一何愚
海濱無橋梁日暮波浩浩車馬不能通遠望怒如擣浮
雲日以變我親日以老萬里飛烟塵天末傷草草夢見
故鄉客言歸苦不早舊宅屬他人斗大梧桐稿親戚有
書來書中何所道上言故人少下言誰家好

妻孥至

九日悲遠望妻孥忽然至萬里風波中功績祇天地
祗如再生鶯定坐垂淚稚子前稱首曰叔台州事何用
別高堂南都知亂避龍山藏深篁林藪早安置兩兄各
有託屢寄思親字疾風蕩飄蓬天末浮雲墜霜雪重松
柏崑石依薜荔感汝烈丈夫成我封刀志重念生別離
沉痛惱兩臂間關抱手筆恨忝娥江棄著簪日以短綳
衣日以悴努力推鹿車幸憫平陵意

渴筆歌

少小嗜學二王字妄取張顛懷素意每當興來喜揮灑
散髮不知天下事連霞斷雲絡繹飛颺風怪雨颯沓至
臨池低昂渴無墨忽然一字如石墜寫破芭蕉萬餘株
成堆筆斃山頭棄嘗取從來名士帖前後縱橫鋪滿地

半夜燒燈照草堂脫袍襪獨視百狀廻翔莫可測
中間數公自然異乃呼清酒手提壺一飲十升便已醉
醉後高歌動鬼神狂走大叫揚灰塵固知當日不可及
跌坐蒲團思古人古人作書無恣度以頭濡墨生烟雨
老幹槎枿不屈伸隆冬霜雪降枯樹曠若羣鴻翔晚天
矯若驚龍騰曉霧孤蓬自振奔沙亂每謂平生不再遇
嘔血盜塚良獨難秘傳天與服靈丹園中幾書六角扇
壁後還穿一漆盤觀倡公孫聞鼓吹歸來展轉出毫端
只今流落近千載殘文真跡今已改瞪目原非紙上觀
庭前但有神光在醒時一匣置床頭猶覺豪氣陵滄海

題劉薦叔洞山九潭圖

有序

立月長溪薦叔至以洞山九潭圖爲贈鄭大司
農爲之詩過詫盛甚言肇自唐乾符六年莫稽
所廢迄於今始得名之余不勝慕醉後詠調率
書此歌

君居洞山九潭中自作洞山九潭圖山有五峯望穠潭
潭水下澗東海隅石門壁立啟仙屋陰陰尋竹交古木
峴嵒絕磴何參差青霄萬仞懸飛瀑此山荆棘千餘年
今日惟逢我薦叔薦叔生平好山水閉關長咏采蘭芷
作客燕齊吳楚間嘗持此圖對知己憶昔髫年下長溪
揚鈴直渡飛鸞西曾過武夷及鳥石復聞太姥與支提
自茲圖出九潭色七閩諸山難與齊君來吾桐秋九月

河流活活風發發高天白露成繁霜歲暮空悲在倏忽
願言置酒爲狂歌深林落葉滿山阿我欲從君披褐遊
江湖何爲鄉里徒蹉跎

扁舟江月行

作客終年吳興越扁舟曉夜江頭發浮雲何處故鄉山
獨倚帆檣看明月月明但照三江海水海門渺莽波濤起
邨犬不鳴夜五更古廟殘鐘夢千里可憐遊子秋夜長
霜降不暇縫衿裳蘆荻洲前愁斷鴈楓香葉裏間枯桑
男兒安居不足敷道路饑寒何自苦他鄉城頭霜如雪
故園樓下風吹雨傍徨一曲爲清歌村酒不醉半愁多
仰視明月月欲落江聲不絕如何奈何奈何奈何奈何奈何
鮮云美食居華屋何爲多未好作江湖遊月落孤舟
岸宿

橫橋曲

謝公墩後誰家女登樓竊對紗窗語單衫金脫忽開窗
柳絲羅帶一何長手持純扇羞掩面紅塵路落桃花香
桃花流水春相送橋頭酒薄西風痛金谷還添碧玉愁
東山太傅難逃夢

從冷父道中還家

作客寒冬冬至節日夕北風何凜冽同雲布地捲茅邨
悲號中夜枯桑折五更風止天未明半空漸瀝雨爲雪
長途一望高下平鷄鳴門外無車轍披裘騎馬行雪中

兩手執鞭冷如鐵男兒他鄉自苦辛安居那得成豪傑
荒田不種少人烟野河冰合橋梁絕馳驅百里始還家
入門夜暗燈將滅道路風塵阻且長相逢氣結不能說
親戚家人皆笑余年年歲歲常離別

讀十九首

傲居陋巷希朋友叢薄荒塵入甕牖韋帶無用黃金裝
蓬室瓦爐熏微帶昔愛老子言五千今誦河梁十九首
古人比興多支離兒女語吐英雄悲不惜歌者苦但傷
知音稀高樓一聲落葉飛

將進酒

君不見東溪兩岸桃花紅今日飄搖風雨中君不見曉
裏青絲照明月倏忽十年成白髮人生少壯不多時
爲結束懷傷悲連袂開襟慰疇昔相逢不樂當何須手
一卷書一甕酒每讀一篇下三斗古人白眼爲青雲我
歌一曲生楊柳楊柳橋下水潺湲落葉東流去不還燕
語鶯啼入春夢嚴霜白露被秋山彈琴仰據梧桐樹願
棄人間覓仙路熊羆顧學長年服食終爲藥所誤美
門子安期生將進酒杯當傾古今吞盡浮雲輕天地已
醉不復醒雙眼交付窮書生

滅賊行

年來內地如邊疆日言勦賊賊日強蹂躪中州橫秦楚
大江以北爲戰場朝廷下詔非一日刻期廟算分兵出

督撫畫地催臨境境中賊去事已畢刻營置帥更議兵
邊兵可調張先聲羽書期會輒旬月尚且待命繇都城
乃發兵符予大將各開召募練丁壯鄉井椎埋皆荷戈
無賴市兒親虎帳猛士入山寧老死智士垂簾空耽憊
纔得象人近數千束手嗷嗷又無餉更遣大臣督餉來
江干徵收十路催未完縣吏科歛復數倍小民遑恤無
朝餐古者興師甚糜費深馳絕域千里饋一出輒云億
萬金賞賜封侯尚不計方今帶甲誰紫駟步行欲飯指
咽喉賓客間諜之用且勿論難言五日椎肥牛執堅披
銳無所勸人食雙糧亦嗟怨將帥行伍有舊規雖號健
兒難得健忽報賊來皆茫然中軍股慄弓斷弦青龍白
虎習未熟寒旗易幟迷烽烟用奇致勝求死士前途設
伏依山川中原大纛不滿萬江城羸卒纔三千分爲伏
兵前後隊大勢散矣安能全唯有赤心冒白刃生死不
顧身當先先鋒一身臨四野賊皆突騎我無馬脫險長
呼下接戰馬步不敵况衆寡夜來燕火炬三頭毒弩暗
中黃鬚者終疑官兵皆在前自保貴重不東下繇來當
賊亦常事且戰且守非一次總之旦夕不得成勁兵誰
能四面禦賊分守地斥堠偵探既不寔重賞勇夫非小
費賞既不重徒斬人變生倉卒亦甚易况爲賊樂爲兵
苦玉帛子女唯所取流民四望將揭竿莫謂賊去兵來
之地爲安土竊見山中小民能殺賊往往守險合衆力

賊來上寨操矢石賊公下田種黍稷乃知客兵終不如
主兵安用統兵尾賊如送迎郡邑民丁弓箭社何以談
之難寔行農家清野驅童叟諸生掾吏城可守土著之
人習地利教以邊士防隘口于是各率大軍當要衝潛
以輕師夜襲施火攻用兵如神自有法上省會勦空傳
烽言勦不成更言撫反手掉臂已逆視業驚陵寢殘州
縣寧使作官統部伍已矣乎依南都勦言滅賊何其迂
隔江望之徒疾呼天下男兒今有無男兒但得黃金萬
斤縮金印便可滅賊人不信夜飲孫武公堂前養馬嘶
悲風床上利刀明月弓嚙指自言斬賊不出三年中又
見周農父小數甯起舞言賊當滅可作開府是時太白
纔在午但恐白衣行軍非其時宮中左右先罪之且書
言兵已成弊左右方將出奇計又恐有腹心之憂此賊
更難制賊不平亂且成上有憂亂之天子下有憂亂之
書生書生憂亂亂將及誰待汝滅賊封侯獨長揖

行路難二首

欲好武誰斬欲好文文已焚弱不勝衣能起舞何必
力舉三千斤卽有張華博物之鐵硯李廣射石之利箭
司馬長卿之筆札諸葛武侯之羽扇好文可以勒史冊
好武可以事征戰下之公侯不賓禮上之天子不召見
行路難行路難棄書莫讀劍莫彈有人聽此語自誇有
才如此誰憐汝

行路難行路竟不難上有倉浪天請君日夜平心看人
心不肯平天意常多端我但聽天天亦許仰天欲語不
敢語自愁賤性疎且狂狂歌忘在他人傍他人促坐我
散步我不知其故綺席陳華堂何苦歌行路行路難可
下酒短歌漸長歌何久東海秦軍誠不朽隴西太白驚
搔首持此行入諸侯門並可游戲見至尊有時痛哭反
云樂有時大笑聲亦吞一哭一笑在何處行路拂衣去
去挾瓦缶行康衢旅市獻藝爭喧呼聽我歌歌鳴鳴三
歎百變兼笙竿非齊謳非巴歛非越艷非吳趨其中音
義大半不可解餘聲詰屈收中吾此一曲世所無或云
作此歌者大丈夫

釣臺作

釣臺何嶙峋當時必有百尺釣竿千丈綸乃可垂釣桐
江濱祠堂草木歲時新子孫上食皆不貧先生無行事
先生不著書但能不肯爲人臣今人不能棄富貴乃以
藏拙譏古人我亦停舟覽釣桐江水桐江千年清如此
嗟乎不得故人爲天子至今沒沒無聞矣

監軍苦

賊今年盤踞于皖凡兩月獨史監軍提兵不滿
千人與之抵敵身裹戎服不避風雨自軍士與
小民聞之無不願爲之死故能以步兵近千抗
數萬衝突之騎焉然其如衆寡步騎之勢何哉

賊在皖中六十日監軍日日提兵出可憐提兵不滿千
死守死戰驅向前軍中將士皆感泣重圍出入斬首級
大兵且至賊且歸監軍未嘗除鐵衣鐵衣中夜當風雨
傍人誰念監軍苦苦哉行歌一聲赤心在白日明子之
金印十萬兵君王何愁賊不平

估客苦

樂府有估客樂變爲
估客若述所見也

昔言估客樂今言估客苦昨夜泊舟楓林下左右舳舻
盡高賈見彼哽咽當風餐爲言作客江湖難江湖近年
多盜賊布衣夜脫安可得微賤鬻貴雖不貧風波萬里
真苦辛更逢當關多暴吏欲浚錙銖加重罪可憐驢黑
不開關苦人巨浪危機間恨不載金長安買都尉等閒
見汝一官何足貴

書姜如須紙

去年爛醉秦淮酒今年同握春明手正好海澱高梁橋
聽撥鴟絃折楊柳誰知命在磨蝎宮爲人臣子胸如春
路見不平空蔚氣黃埃晝晦呼天地以此登高作賦皆
不成市上筑聲皆楚聲我纔引喉聽不得對君淚落一
池墨

答陳卧子

五年誠我歌太哀纔脫褐衣當此災空磨兜韃悔不來
父寬撫床徒徘徊誰耶耿育今壘壘飢不及餐謝君力
公卿門前貴顏色泥滑滑兮行不得

八月四日廷杖黃石齋詹事解石帆中丞下獄

鉤黨立碑禁講學只爲鳳閣鷄壇爭口角寧負朝廷不
負友巧布簣言久咀嚼紅牌面諍貶江門年終側薦何
足論誰挑聖怒發緹騎羽林哮虎待其至不及下獄先
予杖血肉濺蹋丹墀上布細載奮向西曹通城童叟嗟
嗷嗷會有神醫合靈藥氣海微溫尚可活棟梁倒地股
肱折聖主後日思之何可得

石鼓歌

宣和辟雍置講堂虞伯生記遷徙詳馬子卿云宇文造
蘓綽傳中倣大誥潘迪東坡本盛行前此疑義姑勿爭
方取偃師黃田樹响樓商彝周鼎摹蝌蚪天留國學并
門戶此龍盤踞槐陰路昌黎歌此懷李杜勿怪蟬蛻
大樹冠蓋視之如隕星攷究之士休太驚我今卓筆雷
一聲願好古者不如敲金戛玉緝遺經

狂歌

出門嘗携一卷書豈可五侯七貴同馳驅作詩不入時
人眼且與燕市丁東按檀板三斗酒後燈放花渾脫舞
作漁陽搥細入琴箏大雷電滿堂烈烈崩風沙忽然住
得一句手揮四座騎馬太枕書假寐東窗曙

與姜如須論詩

宋元以來學老杜小則鄒薄大窘步犁耜浦江開園工
崆峒信陽是雙柱宏音亮節繼王李優孟瓊當後比比

徐袁換爪搔癢竟陵寒瘦騎棟批自此旁開杜撰門
枵腹滄泊翻自尊剽賊竊固鼠璞真趨倒行真覆盆
杜陵別裁有六絕唯點多師曾論刻翡翠蘭若上可看
鯨魚碧海中未掣龍文虎脊誰能馭歷塊過都經九折
此謂大家收衆長風雅正變求真訣子申即遇雲間龍
已非又與貧管逢騷雅漢魏合陶鑄協律唐宋窮乃工
逐年蒿目多扼塞卧子謂我太切直始信昌黎橫空盤
崩豁雷殛顧不得年少饒顏色年長煉筋力疎懶閱世
空逼側終是未陽一段墨美君來太乘仙槎憐我陸沉
偏嗜癖且讀書休自誇他年騎鶴吞雲霞安知不笑此
時猶眠花

送杜于皇

男兒自有安身處下第便逐蹇驢太朝市山林隨所寓
一杯澆盡秋風路我歌九辯君請吞君先淚流君楚人

賜帛註 爲周陽美

江北腐江南舞素帛一端前門五鼓出征遲遲尚可解
疑橫帶黃金賜坐何心鼎覆餗草野卜三月歌一年哭
請觀欹器滿則翻以爲放□出口真乃寃

哀哉行 甲申四月二十三日濟下作

奔城南走城北炮聲轟轟天地黑女騎撥甲皆中官司
馬上城上不得亂傳敵樓錢騎從至尊宮人夜出華林
園須臾中官大開東直門賊營四市如雲屯此時張牙

禁出入蓬首陋巷陰風泣居民畏死爭焚香父老衣衫
暗沾濕吁嗟乎先皇帝烈丈夫萬歲山前從者無神靈
九廟長悲呼卻憶去年雷震奉先破寢室寶座赤蠟飛
三日享廟衛士夜驚鬼黑牛十丈端門出九卿大老無
愁容金紫得意長安中談兵獻策者仇寇只引舊例相
朦朧日夕甘泉烽火至沙河土關紛賊騎猶然開試新
門生品第人情出名次傷心此輩送國家師生衣鉢求
清華一旦薰蕕盡膏火崑岡玉石誰爭差可憐忼慷忠
義士前後只合橫尸死難如馮信藏青盲空羨子真在
吳市已焉哉哀勿哀仰天氣絕冤歸來十年誤國登鼎
台子孫累轂高門開小臣拜祿十七石卻生此日當其
災

示同行二客 四月二十九日王家營作

出門幾日腰無錢自然僵死大道邊幸有櫟山霍市客
顧我慰我如平昔行路遠視蚤晚脫衣加我寒瘡非與
我飯三人合上薄春車滄州得策南皮蹇屬津陽信無
八烟安陵改道之吳川賊方下東昌莫上臨清船東阿
陽穀盡枯骨五年此路行人沒顏垣夜絕鷄大聲村夫
驚訝三更發濟寧殺氣如覆舟西門高挂義兵頭黎明
速趨邵村下下坡問渡逢賊馬拔刀停刃腰背間厲聲
南走無活者苦言客商貧束擔從天津下鎮南陽合駟
會未曾夾帶長安人棄置布囊如敗絮破帽單衫走前

路馬上虎長饒汝去此事嘗經不須懼卽夜乘舟投魯
橋丁家下閘人咆號重研便舉足不用煩叨叨五日奔
波馬陵郭井水十瓢咽蔡荳烹魚祇博野夫食兩槩動
被樓船奪嗟乎南望黃河北望舊京宿遷以北無一城
僞官發牌揚干旋十城九城開城迎祖宗恩澤二百七
十載只有寧遠將軍在傳道平原臬騎歸房山青州義
士棲東海歸德汝寧都未降太行商雒皆有待若使諸
將齊用兵何難指顧山東平卻擁高牙大纛淮陽行淮
陽能守河南岸建武建炎天下半徐泗掠行無子遺白
楊人哭官兵亂燒桃源燒清河禁舟楫無人過避難來
難未已行人愁愁還喜荒村一葉藏蒲葦卽使官兵到
殺人歸覓猶作朝廷鬼

寶刀行

寶刀贈人許生死不肯報恩報知已此是荆卿比干血
千年洗用西江水江水照見磨刀心起舞一回天地陰
天地陰風雨作裂眦四顧烟塵惡少年場中敢輕薄行
當北定燕西定秦中梁著柱辭麒麟請問今年致亂者
何人人人走京不守存陵松栢平安否仰看日月當重
輪滄海愁人夜稽首此刀日望勤王兵此心告天非求
名名書刀口燎神火雌雄許國埋豐城破山膏野舍妻
子牽牛南斗搖長庚請言上自公卿下至諸生拱手千
萬影冠纓何人讀得寶刀行

贈黎美周

麒麟五父逢鉏商腐身牛尾空嗟傷陰雲幾回雨出
磨牙礪爪號豺狼曲江歎殺杜陵老行吟漁父怪枯槁
驚弦拉雜飄蓬飛長爲東海西山鳥蒼天視騎人
白虹貫日憐孤臣痛哭甘泉舊宮闕疾風墮瓦揚沙塵
安丘市中得死友上堂拜母酌大斗翻身捉刀出門去
與君誓飲口口首吁嗟乎男兒薄命生此時讀書萬卷
安所之天下有數文章人漂流白刃中追隨奔星墜地
變成石兩眼視天滿天赤再生落魄無所遺贈君入土
千年碧

贈吳麟渠

還荒落葉西風雨孤影三更閉蓬戶山鬼夢中來告人
讀書克棟誰憐汝幸有湘陰避兵客見我憐我心莫逆
各披荆棘剪茅居望衡對宇相朝夕朝夕渡溪溪水寒
隔溪幾步行路難履我屨一雙衣我布一端龍門數百
卷借我繩床看握我手飲我酒酒傾十壺飯一斗醉飽
欲歌羞出口憶昔少年秦淮遊千謳萬舞芙蓉樓彈琴
擊劍插大鼓揮毫刻燭凌公侯可憐世亂人憔悴心枯
血稿無一字引喉拍掌不成聲飲纔盡卮頽然行感君
贈君同君住五夜沉吟兩三句曉起伸紙何所書畫作
歲寒松柏樹

勸隱

君不見司空早避王官谷清流白馬從笏哭又不聞續
衣縱車藏閣中侍御避命如傭工近見平溪人買沅州
道全家赴官幾日笑又見諸生幹入將軍營竊恐親戚
誅逃兵彼一丘此一壑可荷鋤可采藥植杖何煩老父
愁灌園自有三公樂殺君馬壞君車焚君錦繡來釣魚
山中十錢一壺酒天地尚在我輩手

牛角飲

一牛角兩牛角滿斟四五壺雙手不能握挂柱鳴金催
盡觴左右蘆笙當音樂流水清山山濁芒鞋不畏雪霜
天醉後臨流足可濯苗兒各唱四聲歌笑我江南不能
學

何不可行

君不聞魯仲連千古稱其名既輕富貴甘貧賤何爲出
入邯鄲城珠履錦繡日滿坐華筵斗酒嘗虛左先生五
貌不求人飄然來往何不可

鹿門歌

鹿門太衰陽不過數十里何以免兵馬能不入城市白
沙隴上無灰塵難言隱者不依人只恨少朋友何愛妻
子貧當時若無司馬徽可憐德公把酒呼山民

山民德公于也

劉生

寶劍夜光流平生喜報仇殺人西閣下走馬北城頭談
笑連三輔交驩盡五侯布衣薄富貴歸太駕駒牛

春酌

四望野青蔥長堤兩袖風春留三月住人醉百花中白
鷺行間綠黃鶯啼處紅不須簫管伴獨咏板橋東

贈陳卧子李爲章

爲章後改寄章

天生才不易士好古尤難偶作橫塘曲先登大將壇讀
書非世眼刺血與君看擊鼓張燈夕高冠疎劍寒

雨後閒題

飄風吹急雨沙路不成泥白石洗松徑青雲挂柳堤鹿
湖秋後雁牛屋午時鷄飯罷隨筇杖招人握手題

漁灣作二首

半日掩柴關開時獨往還權聲呼我出潭影對人閒黑

是江南雨青歸屋後山前柳新醺熟出醺老漁灣
鳥啼青翠裏乍雨乍晴天湖水平浮檻人家各繫船柳
陰穿日碎荷葉積珠圓洗濯滄洲島攜琴作枕眠

子建寫故園荒艸見寄爲此答之

故園多白骨飛作戰場沙戌卒燒秋艸兒童學暮笳荒
臺堪牧馬枯木尚棲鴉空有池塘夢今年敢到家

何次德新成書舍以大幅索詩書此

築室新開徑從來未許過玉堂嘗應近金殿賜書多壁
上綠蘼杜鵑問種薜蘿君應穿木榻高卧看余歌

寄弟武昌署中

病裏相看泣歸來欲斷腸誰憐余骨肉言切汝膏肓雲

接烽烟急魂悲墓道荒時承德有賦信許山墓事未發故云學書兼學射
應足慰高堂

章侯爲元亮畫淵明圖

藍輿容不下面目太龍鍾漫采穿籬菊先添拂地松詩
藏琴腹裏天落酒杯中特與安名字流傳太古風

御賜宮扇五柄

錦江金折扇雲片九螭盤日下熏風起恩藏懷袖寬塵
休來便面秋不嘆齊紈詩就無題處輕搗拜手看古皆智按唐前有拂扇矣

看月

一片鍾山月那從嶺外看昔嘗臨北闕今獨照南冠
里天難指三更影易寒夢中兒女路莫憶舊長安

聞鴈

衡陽無鴈到今過嶺南飛世亂成行少家公寄信稀
鵲聲共苦鸚鵡語全非鄉國爲關塞明春帶我歸

和巢友星崑見懷之韻

留得天南在逢君結伴行海風多殺氣野吹作邊聲石
室原無字名山可畏兵酒酣悲痛後翻話少年情

人日劉吳賦椒花字

冒雨牽舟上灘聲走亂沙拊心留我輩披髮到天涯示
信蠻鄉瘴春傷故園花驚魂燈下語逃竄可知家

陽朔見書山作

陽朔山名書扁舟筆欲傳千峰皆拔地萬笏各朝天蕭
翠臨江艷芙蓉得雨鮮倘能長對此烽火亦神仙

逍遙洞在武岡之洞口

天地一時小惟餘谷口寬名山藏日月野老想衣冠石
向何人語春知此歲寒幾家烟火在題作鹿門看

作畫上瞿年伯

結屋依松柏蒼然枯樹林春來天末地筆寫歲寒心飛
瀑床頭響名山夢裏溪丹青須後日壁上記如今

又和朱子暇韻

能解南華夢刀頭生死閒酒澆殘筆墨詩寫舊江山飄
九長途裏桑田落照間去年乘舟處可是此沙清

茅居

僅留皮骨在生死戀殘書酒且陳牛屋炊原傍鹿車入
山音信斷避世友朋疎翻怪隆中淺誰容抱膝居

湖上老人語

卜宅雙山學種田扶筇長揖向余前雪中敝履上無下
竈裏晨炊滅更然羊褐朝行龍嶺樹漁舟夕盪鹿湖烟
平生少小辭城市不入東門四十年

寄梅朗三

古渡無梁水亂流思歸空買木蘭舟風吹客舍江邊雨
月落秋山城上樓滿目塵埃藏霹靂有懷蕭瑟入篴簫

衣裳慘慄何曾授可惜霜凋換酒漿

六叔舊聘長干女子期而不至爲此招之

天末相思明月流胭脂井上艸三秋將爲金屋求如願
空使銀河怨莫愁五馬踟躕勞廣陌雙魚迢遞斷高樓
君非輕薄邯鄲子多爲臨卽賦白頭

東隱夢鶴雀五竺諸子

寒入空山古樹林層樓風雨氣蕭森千聲驚送他鄉夢
一夜吹殘遊子心寶劍床頭嗟病久玉簫窓裏怨秋深
故人盡道蘭橈發湖畔依然梁甫吟

雲間同夏癸仲朱宗遠徐閻公陳卧子醉後狂歌

分賦

微霜昨夜被高林湖海秋同知已溪壁上劍悲天下事
池中月照故人心倚樓石動凌雲氣擊鼓風吹變徵音
遊俠青冥雖在掌結交何處散黃金

問門憶吳湯日舅氏在閩

曉鐘初發閩城爲客朝朝怨五更閩海悲風吹夢到
吳宮幾月照人行市中空重胡琴價石上今聞鐵笛聲
莫道長通能學賦此之終托上林名

宮詞

春歸花片破苔痕車讓階前艸謝恩深院仰看天碧落
珠簾半捲月黃昏手知簫譜還催拍袖拂爐烟不出門
坐到景陽鐘起後一聲銷卻杜鵑魂

待月

門對藤蘿古壁陰羣蒼黑影蕭森冷風谷口秋先到
明月池中夜易深引我登樓收廓落留人滅燭與沉吟
當空白露沾茶盞照見山家太古心

謁阮堅之先生問講離騷

楚國宗臣世感恩首呼皇考一聲吞椒糈正好殷勤獻
芳艸何緣反復論入廟問天誰答語遠遊未死自招魂
空疑漁父同詹尹消得千年老瓦盆

與農父有感作

一曲西風流水寒移宮促柱欲重彈劍知鷄血書無信
車過羊腸路不難白髮未生行客老黃金已散故人殘
衝冠拂袖誰憐我泣下寒衣汝莫看

渡江作

孟浪羞言湖海舟仰天長笑過滄洲大見下筆期文舉
小弟驅車薄少游自有八書成太史豈爲千鑑見諸侯
拔刀嫚罵終何用斫斷江流不許流

卧病初起有以范蠡攜西施歸湖圖索余詩者爲

此書之

扁舟還顧閩城夢裏招魂病後驚莫笑東方飢欲死
且憐西子面如生有官到處皆能富破國隨人亦薄情
今日若從貧賤老五湖遊遍不成名

從江上歸里作

新壘依田田半荒懷歸正月履繁霜暮行有虎村烟少
野宿無鷄寒夜長但有蓬蒿如昔日卻將桑梓作他鄉
城南敗樹多枯骨愁對悲風說戰場

聞劉伯宗沈眉生薦舉時眉生有書至

江上嚴城初解圍傳聞新詔下丹扉書生但願爲遼卒
天子如今重布衣作策悲歌空自苦封侯長揖欲安歸
報君莫漫傷時事太傅從前痛哭非

感時寄陳百史

莫事譚經學仲淹揮毫騎馬爾能兼詩書未讀陳災異
刀筆成家舉孝廉將射大黃朝命中仰看太白夜愁占
若時傳得東方數糊口他年欲下簾

龍眠風雅堂題名

同農父碩人湯日舅氏子明又漢飲奕于舍中感
而有作

瓦礫當門石路殘開窓戍火徹城端良弓一石強誰挽
麤飯三升病亦餐辛苦自憐游子熟流離欲飲故人難
家僮禦寇傷身手環立燈前說箭瘢

木末亭拜正學先生

松陰遺像淚縱橫日對鍾山晚霧平九族可憐亡姓字
三楊終不是功名遙看江畔烽烟色應厭亭傍歌舞聲
此地竟無能拜者六朝風俗壞書生

聽陳旻昭談禪賦贈

塵沙勿向市中行薄暮何句早閉城劍欲報讐惟有死

夢能從汝說無生鷄棲牆下鳥爭宿牛飯車前馬夜鳴
莫道諸經人不信西來今日亦談兵

寄陸夢鶴

臺上神仙不下堂鑑湖春水照圭璋久聞才子爲循吏
畏說書生藥放鄉尺素製成千里錦敝囊空染六年霜
行車醉作無絃曲猶憶西冷花酒香

陳卧子成進士

看花馬上錦連錢得意珊瑚再著鞭早著山中金匱史
傳聞闕下玉杯篇故人望汝非今日天子知君定少年
久矣棄書都不讀蕨顏近欲擬甘泉

寄夏葵仲

寄書嘗恐入京師告密門開輦下疑市井得官爭伏闕
公卿持論亦從時貴來蒿目隨人苦枕上葵心向主悲
好問吏胥文法計不勞君和四愁詩

鐘山偶集得元字

千里乘風集白門張燈今夕作平原擊牛享客歌招隱
牧豕封侯慕建元六代月明人不見十年衣敝字猶存
座中奏鼓吹笙歌好聽狂生醉後論

答湘潭謝孺玉劉杜三

纓濯湘沅欲繫誰微縞已棄采江離自從一日當青眼
忘卻連年苦赤眉病酒何勞吳客問讀騷還藉楚人知
長沙卑濕生君後不似憂愁太傅時

贈承天劉阮仙且爲轉有所憶云

勿言鼓柁返三湘安得秋風夜莫長羌笛已催楊柳曲
江蘇堪補芡荷裳我能楚語還吳語人憶劉郎卽阮郎
兩岸家家門照水不知何處問橫塘

得卧于書讀其白雲艸感而答之

長書讀罷短歌成自倚東風變羽聲青簡數行知我苦
白雲一卷以官名顧瞻宮闕傷時事交接公侯說世情
好學貴人誇得意牢騷何故不能平

寄侯雍瞻

別君寒暑少良辰身著羊裘復葛巾驚鈍亦懷千里駕
裸程差學六朝人愁來嗜酒難醫病隱太無田不說貧
且賣秘書買茅屋自將壁上畫麒麟

呈金天樞先生

日落通衢起暮塵門前側笠望車茵既能束髮譚時事
敢說逃名避黨人入穴彼方張虎翼擬書惟恐逆龍鱗
爲余塗卻甘泉稿請作詠諧諷諫臣

聞警 戊寅冬

都門閉後晚烟低白羽黃沙夜刺聞侍輩諸公能獻馬
隔江千里畏聞鷄人傳濟北城將破客夢漳南鬼正啼
道路不通音信變勤王勞憶皖峯西

控疏請代父罪

致身三世奉淵源總是君恩敢道冤年倍吉粉徒控疏

悲同虞顓獨揚幡鼻開羅網憐窮鳥忍聽銀鐃泣夜猿
功罪不明疆事債勞臣萬死又何言

度夢詞次芴生韵二首

斗柄招搖四吐芒禁城省樹自深藏掃門羣坐平津廐
向火難窺偃月堂千里牛知奔輦轂一鳴馬卽送沙場
浮雲此際尤昏黑獵獵陰風繞御墻

奈此蒼蠅來往何鼻間栩栩恨經過西行誰解青蛇禍
東走空傷白兔歌酒倚金吾嘗作使夜逢亭尉定相呵
錢刀意氣嗟魚尾蹀躞驚看溝水波

同魏高姚葛諸年兄飲後湖作

御溝來處有沉潭金碧臨湖蕩蔚藍衰柳知風從塞北
殘荷催客夢江南酒澆北苑押餘墨筆指西山陞晚嵐
且喜紅塵飛不到容吾據地作奇談

同姜如須早朝看月分作

生花夢醒向朝端親見銀河接露盤金闕鐘聲天上近
玉橋人影水中寒詩先鷄唱臨風曉坐笑鸞坡席地寬
猶是未央前殿月千年留得與君看

同春頌 爲黃澤浦學士作

瘴起衡陽雁不飛忽聞詔令逐臣歸遙傳此日回天易
翻恨當年折檻非骨立自書新謝表血流難簡舊朝衣
君恩深問沅湘水空使三閭引領啼

告哀詩七首

守陣神策亂紛營時肅用內樞密雍容禁請纓大司馬

李者兵束觀士猶朝試三月十五輪天殺城欲罷之

不常痛馬北衙軍已夜開城內十九早紛傳禁聲竟抱

龍湖痛喘臂虛傳駱各行二日梓宮乃在東華門

紫貂蟬何處哭小臣血伴閭烏聲

宮中切齒恨朝班納陞簪纓總厚顏先帝決還守及出

省相無一言應誰任虎閣當國事幸留龍種在民間

東宮二王事國母獨付與嘉定太康云陽瘡尚恐接

窮巷潛窺何因出武關可嘆成臣倡議者閨門一炬自

投環劉文炳與弟文耀叔繼祖及輩承固俱自焚

氣冲匹練北辰高涇渭分流自武牢自武牢之破道

特重乾元陪血食誰為老父歎燕膏勝者天留正笏垂

青史人誦遺詩出紫袍范倪諸先生殉難或忍死孟威

雙淚落此心原在納鞞刀周曉字孟威不肯受官而

鼎鑊當前設地牢呼名不應卽封刀廿六押入點名不

明甘一死平生畢恨讓諸公昨日高鑿坎詎知地活

用藥露髮忽藉鄭商逃賀衛事金吾壁後人多少脫得

行伶舊散曹張直方壁藏公

京口維揚斷泊船北來南渡官軍縱掠大江邊高傑劉

揚州逆流別覓蘆中渡外邑傳封殿下箋時從泰州渡

淮北督師謀入相山東諸將亂爭權出楊史司馬已

而彌刀鋒行丐三千里得伏高皇陵廟前時五月十日也

一弟趨庭善解愁亂來家學信韓休韓休諫子俱不降

平原力盡奔行在魯都督心疑用豫州安東原無意見

王麻鞍歌露肘用子美流涕憂邊緇帽久焦頭緇帽李

兵戈熟計歸田養投筆何緣比少游

問寧遠信

開天御座舊鑾宮朝請何人敢異同幸有將軍從塞北

漫勞名士在江東青綸俱竊龍章服白版競言鳳翼功

仲長統有青綸龍章之歎總揆獨聞大司馬一朝辭闕

出臨戎史闕

佗係詩二首

待刃原非望秘書三司館卒遇乘輿風飄秀木應先折

門有芳蘭枉見鋤投餌正多魚漏網張狐總是鬼盈車

衛州自具忠臣福今日空憐命不如肅宗使魏孟成居

是非故其節獨表耳

險路幽篁不見天蒼天熟問竟茫然明知赤汗羈良馬

自割丹心與杜鵑楚國車傷休覓飯雍門琴上免張絃

刮腸洗胃投滄海平昔交遊莫向前時有欲相贈

清明曉步

徒行曉逐野花開隨分青帘有一杯不爲問鷄聲起早

歌窮鳥沒飛來酒澆城北誰家柳笛落江南舊日梅

信老自誇風景好指人遊冶越王臺

鄭大野寄書索畫賦此答之

烟塵極目傷誰還曉視狼星孤矢臂拜手異鄉新雁字
驚心先帝舊鸞班憂天無力空投海盡地惟期早出關
載得丹青頌君筆爲君直寫五名山

飲朱子暇七星山

秋風吹客客嘗經添入悲歌酒後聽詩在人間如落葉
天留我輩亦晨星扣扉莫比西州路索筆休誇東冶亭
安得華陰腰下拭且將崑石礪青萍

自題三萍

枉慕尋源注水經乘潮叩棹往來聽嘗澆檻外西江月
倒看崑前北斗星世外釣魚非用餌海中放鶴可歸亭
傷心斷絕池塘艸風浪何曾見一萍

天雷苗雨夜病中作

五岳看看起塞塵向禽豈謂病兼貧曲肱茅屋鷄同宿
舉火荒村鬼作隣愁是三更風雨夜夢回九死亂離人
呻吟達旦誰憐者惟有寒螢助苦辛

中秋

刺桐葉落坐山阿賁得村醪灑薛蘿仰問月知今夜苦
從來秋入楚聲多流人自恤衣冠影蠻地偏能邊塞歌
江左狂生亂中老那堪搔首短婆娑

聞曲

慘慄西風解客愁爲吹人語入笙篴如聞關塞新□樂
猶在秦淮舊酒樓萬里驚飛生死夢千聲寒動古今秋

飄蓬欲比青青柳折寄湘江水北流

哭卧子

共指西湖靈隱松揮毫刻石記相逢文章自小詩司馬
名字當今比卧龍一死泰山於汝畢再生苗地爲人備
悲歌奠酒沅江水與淚東流到九峯

極目

鹿起龍眠隔四年老父隱處丹丘墓下有荒田先母葬處笛中楊
柳何堪折亂衰蓬蒿卽是仙五嶺瘴深迷羽檄九江水
漲壞樓船鄉心疾上羅公頂極目神州幾點烟

感雲間和詩書次前韵

托隱西州慕巨卿避兵偏入太軍營離人異地愁機

詞客當時半死生陳李風流如在坐紆時有紆草也雲龍唱和

舊同聲大雅之壇姑惟龍眠與雲間倡之周農父吳鉞在宋轅文諸子曾有雲龍集選憐君遇
我十年後緣結干戈嘆筆耕

夜息武攸道中憶大牟示有斐

大牟初約中秋過洞口舟作社

爲待知音造小舟葦綠避亂不曾留漢家營看秦時月
楚國風傳貧士秋破壁旗亭新酒醉戰場烽火舊宮愁
從軍到處遙相和却玩干戈作壯遊

小東皋卽事

便門小馬慕安豐尊酒胡床在水東開徑嘗封千樹雨
渡人分送半江風種蘭自不妨高士班草何須問老翁
別墅如雲堪折屐時聞清嘯上樓中

拜表忠祠余五世祖斷事公當靖難沉于江余王

父廷尉公請入祠云

聖世懷臣節殊思建表忠廟門荒落日堂廡起淒風瀟
血變青草招魂指白虹遺書傳地下舊門在雲中鱗鳳
當圖閣龍蛇莫盡宮踰踰思我祖肅肅附羣公種樹還
朝北沉江流向東衣冠今日異拜跪小民同野有春秋
哭神憐相豆豐累朝誰報國三衛竟和戎故老心徒赤
肯人而不紅傷哉無士氣已矣論軍功直諫何曾見悲
歌未敢工孝陵廻首望松柏正濛濛

書無疆長幅卽送其北上

雲開漳海卽南溟萬里東飛振羽翎師事黃公曾進履
先生旅遊白下好談經持鉛囊挾風霜氣刻燭光非
月露形吹律鳳簫爲竹管揮毫鵠硯寫蘭亭壯懷棄槩
操工市博學窮編識巨靈每笑服妖誇粉黛久傳紙貴
善丹青鹿溪邊荷嘗吞篆鳬閣韓檠照夢鈴發憤加鞭
還起舞沈酣荷鍾亦常醒孝標廣論愁成覺公幹題詩
欲勒銘設釣若依漁者志彈琴羞引俗儒聽百函答贈
唯憑几五免歸休復閉局大隱明時應發甲奏名今歲
正逢丁有司幸甚投微幣天子欣然書御屏得脫塵埃
甘竭屨豈憂貧賤苦行伶方驚暴寇侵畿輔幾見精兵
出井陘目擊亂源嗟郡邑胸藏秘畧獻朝廷堪傷江漢
志嘗夢且泛秦淮遂結萍把袂河干同款款垂帷燈影

共榮榮桃源近訪玄都觀時余在道院蔡火遙輝著作庭早

製齊統酬鄭苧相貽蜀錦換湘醪熱腸可愛如冬日冷
眼長飢怨歲星躔勸捧著尋季主何須爛褶效瞿矐客
多譏訪偏投杆家恃清廉守挈瓶喜獲披襟臨戶屨奚
妨帶索步郊阿送君北上裝催太哀我西瞻涕漸零馬
首佩鐔橫睚眦蝸居促座負焦冥封軺親試賢良策盛
館將留僕射廳必以文章沾雨露莫陳利害動雷霆故
人稱意爲吾福新政傳聞屬爾馨野外美芹終草莽籠
中採藥備參苓超升詎歎今猶古消黨難爭渭與涇字
謂无疆原自祝聊歌此曲致叮嚀

南州行

江岬多垂柳春風春日長美人浣衣處無限雙鴛鴦

麗人曲

日對寶鏡中殘妝怨春色自誦延年詩佳人難再得

下客謠

人不識時務進退良可惜走出魏其門謀爲武安客

榜人謠二首

大江東北風可上亦可下四面皆挂帆使船如使馬
相遇風帆疾行人欲問難船頭但招手不及說平安

西湖雜興三首

露冷芙蓉色不紅孤山無限老梧桐當時油壁車前路
猶在西陵風雨中

白鴛鴦巾馬子都偏能作使酒家胡千金換得燈前笑
敢說羅敷自有夫

款乃漁歌杜若洲露寒燈火不知愁朝朝盡醉餘杭酒
厭薄樓船歌舞遊

風雨夜泊

霜枯蘆荻少人行愁入江濤木葉聲况是北風荒岸雨
孤舟千里夜三更

擬春宮曲

闌干昨夜怨東風上苑櫻桃雨後紅鏡裏不留春色在
隨花飛入未央宮

秦淮渡與二首

燈殘酒盡強高聲作使邯鄲至五更座有武安門下客
何人敢說病書生

幾年江北渡江來哀盡江南反不哀傷有酒徒還勸我
故鄉書信莫須開

贈內

不買明珠不綺羅樓頭何事日悲歌家貧欲作饔飧計
安用交遊一飯多

珠江雜咏二首


琵琶洲上客無魂花落隨潮有夢存春被海風吹易盡
鷓鴣聲裏送黃昏

此方簫管晚琤琤雜我題詩歎一聲海表春風不相識

自憐吹老舊狂生

聽蘆笙作

誰伴愁人坐月明笛中兒女舞蘆笙自言頗似江南曲
不是□□笛出寒聲



龍眠風雅卷四十四目錄

木厓潘 江蜀藻輯

宛陵梅 清淵公 祭

同里方逢月舒來

程芳朝 八十四首

吳季賜 五十五首

龍眠風雅卷四十四目錄

龍眠風雅卷四十四

木厓潘 江蜀藻輯

程芳朝

字其相號立菴廬治丁亥進士廷試第二人授內國史院編修已丑遷內秘書院修撰

澤五經壬辰會試同考官升左春坊左諭德甲午

提督北直學政丙午充冊封安南正使轉太常寺正卿加一級公卿起章素早操藝升兩揆文權

寺正卿加一級公卿起章素早操藝升兩揆文權

送持節節督吾桐前此未有也初入詞垣最承

以探應制倚待立成隨事納屬多所獻若海內

台聘觀學歲輸獎援寒峻士皆通經學古一洗時

文辭窮拘牽之習有文事不使安南驅馳之

功劇于宣暢皇靈而巳顧以枯國有人不肯左

官外附量移奉常論者惜之

今上親政嘗御殿宣傳命作大字公伏几書字畫端

勁有古大臣筆諫之風上方欲大用之而公已

疾疾乞休矣歸里杜門養病弗與外事惟邑中大

利弊不憚抗顏直陳之卒年六十有六學者私

文純先生公雅志經世不求工于聲律然聞一

寄春容溫雅得殿閣之重讀其詩猶可想見其風

也

古意二首

長干有名姝顏色絕世好歌喉宛清揚舞袖行雲嫋倚

此婉變姿顧盼獨矯矯粉黛非不多入宮應如掃豈知

君子心恩愛難長保

結髮事君子未解工修飾淡粧坐簾櫳天然傅粉質惠

顧獨恩深明珠比顏色花蹙金縷香風生霓裳碧感此

珍重心微軀寧敢惜

驛傍古松

蒼松蔭古道偃蓋結重屋白日落清陰征途宛幽谷幹

老不知年翠濃如可掬對此貞秀姿胡爲苦僕僕小憩
倚雲根濤聲愜幽獨流脂當落英晚食何必肉

宿湘潭

日暮渡湘水湘水清且深美人不可見空勞君子心青
青江上洲已戒寒風蕭蕭蘭委蔓草松柏媚幽獨自我
驅車來日月如轉轂老大歷征途况當歲云卒少年不
可再栖栖悲行役

旅雨

客夜風雨多簷雷響不了人靜寂市諱角吹入雲香林
樹冷蕭蕭鳴蜩聲悄悄旅緒正無涯疎鐘已到曉

壽張漢如

我愛張公子悠然有偃骨處世任天真閉戶養幽獨讀
書託雋上物理窮清淑臧否了不關安問枯與苑世人
所營營君亦無不足卽此是丹砂長年豈別術

湖上別碧山草堂歌

龍眠之山高嶺峴我家其下習而安夢想西湖天下觀
場來湖上恣盤桓時當炎熇命輿僎欲息無門足嬾跚
草堂近在吳山巒入門主人如舊歡延我高坐具盤餐
茅屋數椽窈且寬几榻蕭疎竹數竿吟風漱雨翻清瀾
蹲踞怪石虎豹攢屈曲蒼藤龍蛇蟠桐陰清映石闌干
六月無風肌粟寒小池清淺方如盤汲水澆花露霞霞
香篆成霧氣勝蘭獨對芳樽琴自彈晨臥夕坐與莫闌

秋風淅淅衣裳單我欲返櫂別去難安得乘風假羽翰
暮宿龍眠朝來看

過采石作

牛渚磯頭浪拍天風流供奉憶當年殿上脫靴叱力士
太真捧硯侍御筵西涼葡萄瑪瑙枕清平幾曲霓裳篇
忽爾夜泛金陵船上明月正嬋娟錦袍笛鼓劇可憐
長河耿耿太白懸我來寒江水涓涓風吹雪片大如拳
舉杯遙望隔江烟安得酌酒弔昔賢百年文采亦徒然
大雅不作誰當傳

中秋

七年中秋故鄉月稚子堂前誇令節今年看月在長安
一輪金鏡東廣寒盈尊有酒不堪把望裏銀河明月滿
故鄉此月亦團圓燕臺客舍思漫漫簫管誰家賞竟夜
歡娛明月真無價年年月好讓中秋分外清光照綺樓
只有客愁看不得蟾蜍挂影寒芒徹客中見月月增光
月中作客思故鄉莫教作客看明月鏡裏秋霜容易白
題梁王立大司馬蕉林書屋圖

南窓種蕉何容與坐臥綠天任卷舒疎風密雨蔭前墀
脰臚旭日正扶疎中有高人倚窓虛擁書百卷伴蕉居
羽衣崔嵬步徐徐四筵獨座皆超超天子憂時儼衣
柳中樞富鄭直承廬黑頭象管佩金魚借箸帷幄常躊
躇十年妖氛盡掃除秦弓臥鼓歌樂胥公但退食讀藏

書架上牙籤萬軸餘
蕉風冷冷吹襟裾
茶烟宿夢午陰初
此時蕉影長且紆
或坐或臥意遊蕪
蕉心其露秋泉如
忽綴金盤滴瓊瑤
一飲大地如飲儲
腐儒橫經厠石渠
且書蕉葉待吹噓

都門送友人歸里

我來長安十回月
寒廬蕭瑟對城闕
曼倩忍饑盜無米
馮唐老去頭如雪
更逢冬日號天風
閉戶蜩縮土室中
布被殘綿眠不得
兩脚卷曲僵成鐵
憶昔家園坐南軒
背負晴暄聳兩肩
薄暮還房爇爐火
妻兒笑語青燈前
今朝長安墮牖戶
僮僕蕭蕭冷相顧
霜風腐發裂窓鳴
傲裘跌坐欲誰訴
那堪寒天忽送君
落木叢中卷黃雲
君言謁選不得意
歸家且作耕田計
古道昏鴉落日陰
一鞭孤影度霜林
遙遙客路三千里
計君歸日歲除矣
稚子迎門喜牽衣
椒盤獻酌梅花裏
梅花此去開正好
從來春色江南早
未歸獨有老伏生
江水茫茫白慮盈
見說歸人明日發
此時此際不勝情

春日

上駐蹕南苑閱武行
蒐禮召廷臣恭視
賜宴行宮各賦
五七言律詩
五七言絕句
每體一首應

制

春符臨南苑旌旗蔽翠微
鄒枚隨曉仗賁獲合前圍
改苗知仁育弦開識武威
回鑾宴長樂飽飫 王恩歸

假寓二首

客子投栖晚無心
選勝遊偶然逢遼
壑兼喜接名流石
罅天然洞陰濃夏
日秋難將虎頭筆
畫作古滄洲平生
山水性片石亦留
連對此幽栖地方
知別有天琴書皆
雅飭几榻本清妍
不是漁郎誤桃源
未許傳

送孫紫臣學博之官公安

薄宦羈君久誰憐
苜蓿盤朔風動燕
市客思繞江干雁
過衡陽遠人歸
蘭北寒馬融臺尚
在好與損湘蘭

畫竹

食肉何嘗俗逢君
卽灑然蕭齋風雨
夜隱几北窓前翠
引龍孫滿苔憑鹿
角穿相過應有客
姓字不須傳

送蕭三式還楚

倦客歸程遠春風
問渡船玄孤經簡
點白鶴羽蹕蹕道
重憐知己家貧賴
俸錢子規啼不住
人在楚江天

種花

亦有園林興初移
幾樹花分行無次
第培土護萌芽細
蕊未開放微陰翠
幕遮喜將蜂蝶至
風日間妍華

送吳園次郎中出守湖州二首

蒼溪風景異美爾
駕朱輪到日鶯花
好隨車麥雉馴鳩
鳴聲官閣雨槐影
訟庭春金聖他年
賜方知太守貧歲
晚禁城寒鳴鑼出
紫鑾香猶留粉署
霜已被雕鞍賓從
煎租宴兒童竹馬
催五湖烟水綠人
在鏡中看

廣南飲線將軍園

行盡天南路名園此地傳山光開畫閣樹影倒晴川竹
裏歌喉慢花間舞袖妍將軍真好客不醉肯言旋

驛亭對雨

冥冥一夜雨杳杳萬山昏水失前谿路烟迷下嶺村鳥
聲何處濕花淚昨宵痕相對愁逾劇空教酒滿尊

方舒來赴廷試舉第二人賦以志喜

漢庭經術重稽古得桓榮賦獻彤墀近文迎玉輦清諸
生瞻席穆始進動公卿何異天人策名高五百英

遊靈泉寺

經旬慵出郭節候已黃梅有約期遊侶隨人信步來鶯
聲流柳浪笋勢圻莽苦日落不知晚尋幽肯遽回

課瑁

尚有談經興關心塔即兒楚騷司馬賦漢史杜陵詩自
是君家事偏榮老大思青冥期正遠休說上書遲

南苑閱武賜宴應制

條風振旅出長楊曷陣橫雲十里張芳草帳前流日羽
落花影外逐星狼宸遊豈戀從禽樂侍從何勞諫獵
章自古敷文需訓武垂裳從此祝無疆

壽心南伯

草堂春暖日遲遲杖履花間事事宜樵豎晚烟歸野唱
耕牛初雨起朝犁床頭甕熟新成酒竹裏香生勝采芝

見說地行仙不少吾家今亦有脫肩

十年乞米滯長安故里迢遙入望難書到喜聞仍健步
客來隨意有交歡榮親虛捧毛生檄猶子誰稱謝樹蘭
千里一觴無可獻全憑筆墨勸加餐

郊祀以

太宗配饗扈

駕恭紀

衣衣親御五雲輦誅蕩天門散曉烟仙仗徐開香氣合
薰燎初上日華鮮千官隊肅垂鳴珮午夜齋嚴樂在懸
碧落黃輿終古事尊親克配萬斯年

送郭臥侯備兵西寧

祁連西望朔風號萬里玄霜擁節勞人自紫薇臨玉塞
曲吹羌笛黯征袍居延獵騎空荒磧黑水飛沙捲怒濤
回首梧陰深院月賀蘭峰插暮雲高

强宇良至自關外二首

秋風黃葉度遼城爲探羈人賦遠征時送錫陳心簡出關鶴表望
遙千里月雁書思斷故鄉情漢家風土餘何俗別後文
章應有名想見臨岐歸轡日不堪甥舅各分程

薊門東望促雕鞍遼水清清十月寒日落野亭衰草白
雲迷荒磧客衣單渭陽送舅無家別樂浪征人有夢難
涕淚只今空北望朔風吹雁過長安

送幼洪弟之漢中遷葬

主恩新許十牛眠 帝里春風動別筵天祿藜烟分廐
影秦關飛棧度銀轡峰高太白晴空雪路入興元閣道
烟此去登臨頻覽勝漢家宮闕舊巍然

八月十五日早朝看月同周立五太史賦

曉天秋色動龍樓佩玉鳴珂散紫駟雙闕影浮仙掌露
千官隊擁碧雲裘却看桂子飄宮瓦坐挹金波弄御溝
爲有霓裳天上曲還教清夜奏琳球

別署齋前大松二首

一身薄宦等浮鷗賴爾清陰伴客幽獨立寒暄顏不改
慣經風雨翠長留半庭涼月清書悅萬壑風聲起暮秋
慚愧門前車馬寂朝朝徒倚任科頭

無端鄉思逐江流欲賦初衣去復留官舍何心耽歲月
庭柯引盼覺優遊貞同君子論交重吳比蘭芬託興幽

從此草堂人跡遠濤聲好送入扁舟

松山湖

家住湖干水接天春來草綠滿平川鷗鳬睡去晴空迥
荷芰香生斷岸連幾處垂楊明月上望中飛鳥夕陽邊
芒屨竹杖隨吾住伯說來朝入市廛

渡黃河和錢亦友韻

臨河真歎古人功九曲風濤一望中璧馬空沉歌瓠子
梯舟遙集會王風千年北極趨神隲萬舸南天砥渾濛
欲濟慚無巨舟楫中流鼓世讓誰雄

拜孟母

乾坤千古一慈幃特卸征鞍拜母祠厚幣儘堪供典
斷絲原不爲榮時傳來當日三遷苦教得如今百世師
欲賦蓼莪何以報祇將長跪永兒思

孟子自刻石像跪母墓今塑像亦然

和錢亦友天長道中清明韻

客路逍遙正可憐况逢寒食暮春天故園柳色舒新綠
野店鷄聲破曉烟望裏禁城雲五色沽來村酒直千錢
衰年無意趨丹陛期爾長吟歸去篇

雨中次亦友韻

晏起纔回昨夜醒新愁萬疊莽難平起看密霧遙林色
不盡浮雲游子情草閣深簾藏乳燕綠窻小樹滯啼鶯
黃梅時候多陰雨記得江南慣卜晴

長安候補八首次張文位韻

策對彤廷御墨香五雲珥筆賦長楊天顏日近紆龍
袞紫綬輕拖出建章辭闕幾年歸路遠寸心千載沐恩
長重來聞闔趨躋地八月秋風作意涼

滿簷秋霜七尺軀布袍裋褐舊寒儒蕭條揚馬空門巷
煨燂金張塞路衢世上黃金交自結懷中白璧守常株
應須決計歸田里欸段親從下澤驅

幾層紅葉滿秋山望裏霜催烟樹斑官舍風吹寒雁遠
故園人靜淚痕潛深慚黃菊淵明去且學金門曼倩閒
老驥低應甘伏櫪御龍原自有天閑

寒暑天工各有分一班紅紫闌芳園東風著處渾難定
天路憑高未可捫空嘆歲寒彫後質誰憐瑟鼓向何門
霜寒月白秋風裏細聽鳴蜩繞砌喧

蕙蘭蟠合強和同看盡秋花又朔風客久徑疑身是夢
月明渾覺影都空閨中稚女應添齒別後衰顏漸似翁
且自典衣謀晚醉明朝鴻爪任西東

狗尾那堪更續貂虛誇黃穀石城橋告身遠納功名易
銅馬爭來意氣驕卜式有緣通選格馮唐無計轉官寮
讀書學劍都何用六博空成未得臬

曉日瞳矓接禁烟非甘辭祿戀歸田人情厭淡難投水
世路傾欹似躡天大海藏身應學蛻多方絨舌只寒蟬

蘇茅振辦隣精舍棕笠蒲團好坐禪

三尺吳鉤徹夜鳴山川何處訪豪英平生劇孟徒杯酒
急難朱家摠薄情愧乏千金堪報德那堪四壁伴虛名
燈前撥盡寒灰筋一夜栖鳥繞樹聲

壽吳遜叟先生

文章江左著儒林管樂才原擅古今家世玄成傳舊業
詩編梁甫發長吟偶然折角名流競獨臥危樓湖海心
拄杖閒行思采藥鹿門車跡白雲深

江上望九華

秋江風急亂帆催九子晴峰望裏開翠擁芙蓉千尺聳
天清鐘磬上方來遙思幽徑通雲際欲探靈巖隔水隈

攀陟有緣期異日鷗鷺須共老僧煨

送吳弼士授經歷陽二首

書生挾策指江干春雨蕭蕭道路寒問字屐痕披絳帳
談經塵尾憶熊丸人從東閣占星聚詞捲河源簇錦灘
慰我高歌青望眼時時傳寄碧琅玕

嗟君尚滯祖生鞭又去談經坐講筵白髮倚門秋雨後
綠雲當鏡曉愁前春風欲放舒新柳驛路初晴起暮烟
憶我舊時書劍客孤帆江上夕陽船

馬觀揚座上看紗屏美人

銀燭清尊徹畫筵青縑四壁擁嬋娟山花斜髻粧成晚
翠袖凭肩態各妍似肯憐人嬌未語恰宜鼓瑟靜無弦

高唐有夢誰當赴一任燈前顧盼偏

奉使冊封舟行

楊子江平八月時孤帆萬里挂秋颺久慙劉向陪東觀
今學張騫使月氏新句應憑山水壯衰顏肯畏雪霜衰
會看絕域開金冊布得堯恩答玉墀

贈楚中制府張西樵

同趣仙仗直承廬日午花磚校石渠一自旌麾開節鉞
十年梁月憶金魚楚江蘭杜瀾芳澤細柳軍容照夢瀟
自喜輕車瞻紫氣故人結佩上塔除

黃鶴樓

世事滄桑幾變更樓傳黃鶴舊時名春風鸚鵡年年樹

秋月晴川夜夜明仙身自來還自去白雲無定亦無情
登臨只合頻携酒醉倒樓頭日影橫

大雪度熊羆嶺至祁陽

雪裡千峰列畫屏山山水水不勝情天高鴻雁書難寄
人度熊羆嶺亂橫快凍馬蹄僵欲墮沾雲鳥跡去偏輕
遙亭知是祁陽道傳語征夫前路平

出關遇雨二首

迢迢征節欵關開風雨迎春洗瘴埃草木馬前生氣色
旌旗霧裏隱雲雷却憐寒食江南近此日王程異地催
慚愧老夫乘傳遠可堪草檄上林才

龍章親捧到交安驛路蕭蕭瘴雨寒歌舞百蠻迎玉節
蹕蹕馴象引行轡銅標久自通虞舞越貢何勞奉漢冠
共慶車書歸一統旌麾到處盡騰輝

賦贈安南國王

聖代要荒瀾大服南方雨露溢三春山川輝映霓旌遠
父老權迎玉節親職列周官知政古文同漢制識風淳
萬年永篤天家好奕世長霑濊澤新

太平郡舍走筆贈高太守

天南春色一何早二月東風滿地花燕啄新泥晴隴上
鶯啼暖樹野人家榕陰碧蔭庭前水口菜紅蒸天半霞
恰喜風流遇高適酒闌吟到日西斜

已酉三月十九日

上御保和殿宣傳作字恭賦二首

彩毫廿載賦登瀛浪得山陰獨步名已愧龍飛傳里巷
那堪飛鳳出承明登床寧敢思劉涓正筆徒知慕柳卿
章草醉顏何所事 聖朝原不愛縱橫

刻溪玉版拂明光濡筆親霑 御墨香咫尺 龍顏舒
袞袖殷勤 天語誦琳瑯傳來洛範千年瑞譜出函風
七月章慈魏儒臣難報稱惟將無逸勒堂皇

暮春

每思丘壑縱天真臥看青山到眼新一自草堂榮別夢
兩經客舍送殘春花開紅藥晴欄暖簾捲雕梁乳燕馴
惆悵欲歸歸未得東風無事不愁人

壽千倫叔

竹林曾許仲容賢風雨連床憶昔年書到解時多得意
文逢樂處輒談天光陰忽訝頭如雪懷抱應憑酒似泉
海鶴綵筵原不遠春風隨地足留連

喜穆卿叔館與予隣

芸窗幾載共昏晨往苒于今四十春竹馬不堪思往事
絳紗猶喜接比隣須知古調難諧俗肯信春風好坐人
寂寞蓬門繞咫尺過從莫厭杖藜頻

送梁玉立大司農視粵

百粵提藩舊錫封承恩新許乞明農如綸紫誥來天上
曳履尚書下九重蓬蒿洞庭雲渺渺馬嘶庾嶺草茸茸

寄言諸將平南者 聖眷千年勅鼎鐘

南溪春遊卽事

扶筇偶爾到溪邊春色今年勝昔年
水漾花光紅到酒風飄柳線碧於烟
佳人繞徑排歌席公子臨流列舞筵
漫笑衰翁猶逐隊與來亦有杖頭錢

南苑閱武 賜宴應 制

皇風昌景運耀德復觀兵新製饒歌曲相如在漢京

南苑閱武 賜宴應 制

迴戈細柳三驅斂張樂長楊萬舞同 聖澤不教空獻賦玉盤賜出未央宮

陰雨

宿雨連朝催暮春芳菲上苑綠如新
可憐昨夜殘紅點化作行人襪底塵

宿暮雲舖

暮雲朝雨近巫峰野店傳來舊楚宮
今夜月明千里夢高唐何處是行蹤

贈吳守戎致遠

多君俠氣射凌烟腰繫吳鉤送我船
此地昔人誰最著須教名共伏波傳

入安南境百姓聚觀如堵喜賦三首

萬里絲綸銜 玉恩蠶叢闢處百蠻喧
千山草木皆呼祝此日方知中夏尊

蠻叟蠻童夾路排爭看使節自天來
不知傍險衝泥苦和雨和風笑口開

慚愧當年賦子虛爭來覲面問相如
而今已病文園渴霜雪蕭蕭鬢影疎

廣州觀競渡二首

海南五月競龍舟綵仗朱旛激浪遊
倒影纔從天外落爭標已過水西頭

笳鼓齊鳴發權謳天迴地轉彩雲流
風前白苧人如玉十二群仙樓上頭

萬傑如觀察席上口占贈歌姬明珠

誰道瑤臺有碧仙輕移羅襪向人前
可憐一點櫻桃口

遇住行雲墮舞筵 次日舟中送別明珠携其妹琪珠同至戲贈二首

正對清尊黯別筵歌聲忽踏兩嬋娟
只緣南浦一枝柳現出瑤池並蒂蓮

愛尔同稱傾國姿清歌非竹亦非絲
一聲白雪迴風處兩箇黃鸝喚柳時

秋日訪方元祉山莊二首

林深未許夜霜摧日午柴門尚不開
黃葉一聲山犬吠草堂知是故人來

二十年來滯宦遊還山霜雪已盈頭
故交相對無多在話到燈殘醉亦愁

李陽 字子翽號選叟萬曆中諸生父工部青芝之公
歷宦中外公折節裕古不以門地驕人于世

俗田宅與服僮僕之好一無所與里中統稔兒見之輒自失也崇禎時流賊寇江北桐宸且殆公偕黨總城固圉所畫策以危域賴以保全性剛介不肯散歡臨時小不可意輒義形于色遇人有怒難傾身營救雖貴顯強有力者弗避也順治初少司馬恭庭黃公招撫閩浙以別駕時奉軍事留弗克爲之訓組練徐發伍甫告成事卽引退歸隱南陵草堂年八十一卒學者私謚文節先生退歸隱南陵草詩爲內外集仲子龍安欽輒成帙謀授諸梓而屬予序之其他如筆舌餘歲功解翻切縱橫圖彙錄諸書皆未刊藏于家

巖前有蒼松迤出千山外蜿蜒老龍鱗飛偃仙輶蓋亭
亭雲端倚凜凜歲寒耐問壽已忘年閱人不知代惟有
竹與梅乃是同心派鄙哉瀟池君大夫豈所愛

我行君共行我息君亦息昔染妃子痕今爲幽人掖常
惡化作龍思鼓垂天翼風塵何可投願與君長逸

崇禎己巳年西秦劇寇作攻城城卽陷掠野野全索國
家久承平兵力苦單弱豈不揚天威莫敢當其斲乙亥
犯吾桐吾桐慘更博盤踞十年來僅存一空郭叻畝生
荆榛室廬歸炬燭芻牧無牛羊林林巢燕雀重以歲海
饑民不得耕鑿朝廷赫然怒重加武功爵武人雖鎮桐
禦寇全無略祇有一長技能爲民之藪群兇盡三獸羅
猴尤肆虐羅九武虎噬而犬信旦暮恣攫搏遺黎攫其鋒

給垣暴其惡天王下嚴旨跋扈仍如昨蟻賊陷北平放
勲乃殂落新朝雪大仇兩都歸安樂一朝發王師群
弁始就縛蔡首長安街天網洵不錯巨憝旣已誅萬姓
乃刈穫

哭哲孫

老年有愛孫名哲實亦哲五歲便讀書頗與群兒別暮
 從塾師歸所讀竟能說親朋向我言君家有汗血何期
 天嫉予一朝成永訣傷哉淚眼枯忽然妄想結願汝作
 非熊再來顧况宅

香櫞

畜君經廿載茲秋方結實離離綠葉間數之已盈百異

芬習習生苑然閨貝璧味踰澤蘭清嫩類黃金色幽人
恰相宜護惜敢遺力寧使老枝頭一顆未許摘來賞不
辭頻爲問門前客

邪許行

崇禎初
年作

古亦有三征非其時不趣所以歌子來趨公固所欲今也殊不然遑顧民謗譴正值畱畊時驅之運皇木入山不厭深採取不知足大者數十圍次亦十數握虛舍遭之圯禾苗遇之禿况逢陽九天雨貴于珠玉十有八九家尚不得新穀天災旣流行國事旋追逐哀哉雲漢吟儼然長城哭相率阡陌間合力爭輓轆何以若呼天刑許聲相續間欲少息肩撈筭不勝酷壯者削肢骸羸者

填溝瀆水陸不流行道路各以目墨吏藉爲資仁人對之顧時敢訴此情怨誹藏在腹間需此何爲新構海天舳指日千艘成出師征不服賊平未可知先刑蒼赤肉額外幾番征冬見妻孥鬻民勞財復傷衆死金亦縮江北與江南無地是逃竄似此苦頻臻九重知之不誰爲獻此謀恐非國家福

量田行

昔下清町墮志在防隱匿本欲便黎民反以資貪冒量洲已弗堪量田胡又逼堂上虎而冠冷面無慈色押保數千丁動則揮三尺惟日肆誅求矣但不憫恤設名旣多端派費復不億猾胥飽其囊神奸振其翼嗟茲受毒人徒然長太息非無士與紳敢怒不敢啣賴有隣國恐恨所不惜批政歷歷陳卓哉二千石雷霆一朝施必欲鋤鬼域鄰人且若斯慚愧吾桐邑胥吏心膽驚醢金求大力大力者誰歟卽是楚中棘極稱立法良極詆上書愚太守惑其言前怒笑焉釋雖然格不行大義昭如日連年吾鄉民南畝儉收獲金死粟亦艱安能加此役此役本非難故張燭與弋群口旣以箚九閣叩不得

問魯南禪師

說法四十年究竟沒一字傳地幾惺惺學人亦昧昧襲得口頭禪便稱天童嗣龍象位久虛可以發長喟魯南飛錫王屋山鉗錘一震群魔避我雖未登獅子臺却似

親承一喝來請君立仗三尺鐵爲我劈開三支訣

絡緯娘

絡緯娘韻悠揚夜漸涼漏漸長千般辛苦萬般忙絲絲縷縷經妾手未知可是妾衣裳無端思想富家娘此時高臥夢魂香夏服輕綃冬夾襖十指何曾到絳筐

仇孝子行

我聞昔有歸孝子聲名徧滿江南耳至今我見嚆城人說來字字芬口齒孝子年方總丕時封股救親親不知不圖今有仇孝子至性奇情髣髴之孝子年甫一十三百家諸子恣奇譚胷中尤明孝經理云是六經之精髓晨昏不廢夢寐篇誦到劬勞卽淚連母氏疾厄已垂危上告蒼天下祖祠四大假合吾何有以身報親惟恐後聞說封股起沉疴果然此事不傳訛吁嗟乎仇孝子何如歸孝子後先掩映如同里又聞刺血寫諸經韶年便欲了生死君是衆香國裡人視死如生生如寄旣報母兮恩又欲安貞父應地若得父母同上百年觴已則咸筭亦何傷

贈甘仲美硯工

端溪豈乏坑中紫不遇良工不肯起皖上有翁出舊家少厭詩書樂爲此游亦何曾擬宋唐左之右之無不是能使楊妃殿上擎可供逸少池邊洗區區庸手胡能爲後人追稱甘仲美

從弟士衡招飲

無事攤書快經旬好閉關只茲十笏地收盡四時山小
酌開雲繞孤吟宿鳥還少焉生片月靜照綠蘿間

卽事

小龕聊借榻恰好對清江新竹青千箇輕鷗白一雙遙
汀雲在樹靜夜月窺窓獨坐無人到門前有吠龍

臘月十四日大雪

雪待殘冬降瀾空剪玉翎遙看千里白肯放一峰青梁
苑人爭賦山陰權不停夜闌猶未住好向枕邊聽

江干晚步

晏坐江臯上乘閒望遠空樹迷西落日雁逗北來風沙

白知潮滿田青卜歲豐衙門無限見未許市朝同

程清臣移居

十笏藏居士秦淮有隱淪鶯從幽谷度燕入草堂新禪
誦同摩詰招尋只許詢龍駒知不遠早貯甕頭春

風阻網埠同舟中人坐石上曝日

風阻章江路危巖且負喧呼童收野岭對客煮清尊停
權雖荒汊微名是網村買魚錢不惜落得度黃昏

雨窓雜咏二首

疎窓旋掩又旋開爲待尋香蛺蝶來明月舊年留笛步
春風幾日別琴臺最憐燕燕空貽盼浪許鶯鶯只姓崔

柳七填詞千古恨樂遊原上塚成堆

夢逐梨花片片飛欲餐秀色怒如饑玉奩十樣消眉暈
金縷三年歌舞衣妾命分隨霜葉薄郎心不勸杜鵑歸
要知裙上榴花濕只驗腰肢一捻微

登投子山有感

投子門庭法乳濃燈傳數代照禪宗投下一誤認
牛眠處驚殿翻爲馬鬣封唄寂香消增永嘆拈椎豎拂
欲重逢不知誰是飛空錫山頂依然報曉鐘相城入景

閨思六首

粧成自恨語誰知度燕棚鶯二月時妾有寸心憐薄倖
郎無尺素慰相思靡蕪路曲王孫草楊柳江頭估客枝

十二闌干凭倚遍楚腰細細步行遲

涼夜星河耿碧紗尋郎無地夢中賒小姑羞佩宜男草
三婦常裁解語花班去趙姬升漢殿曲傳簫史傍秦家

相思飛鳥離離樹千里偏傷袂路斜

抱瑟高堂錦帳前依依楊柳大堤邊傾城女子憐才士
戲馬將軍挾少年塞北九秋傳帛雁江南五月采蓮船

莫看榆葉蕭蕭下不數河間姹女錢

弄生蘭蕙濕羅幃碧玉呼來是小姬打散鴛鴦傷妾意
教成鸚鵡咏君詩白門草色秋中落紫塞爭聲月下遲

縱說化身生比翼摠難飛去別巢枝

瑤室深夜弄笙篴不信人間有素秋豆蔻結花絨遠恨

芭蕉經雨動新愁十年畏寫相思字七夕難登乞巧樓
未嫁許多調笑事至今珍重玉搔頭

舊曲何哉一唱彈雙桐搖落井邊欄剖來魚腹全無字
望去刀頭那有環漫說使君留寶枕不聞神女過巫山
高高別院空回首壁月流蘇帳底看

美人纖手

春滿園林水滿灘纖纖玉筍撫雕闌閒遊笑把花枝弄
乘興長携瑤軫彈新學錦文毫屢禿舊裁羅袂脫猶寒
有時挽動鞦韆索贏得人人馬上看

美人蓮步

風捲羅裙露半叉行來逐步是蓮花纖纖微覺雙鈎褪

龍鳳鳳雅卷四十四

曲曲偷看三寸斜動有香塵隨繡幕影如片月印金沙
當年掌上頻飛舞寵占昭陽第一家

歸里冥心妻贊室

安仁淚盡悼亡篇自昔相從三十年別去香閨經一紀
歸逢寒食酌重泉樂昌流落空留鏡弄玉逍遙獨證仙
片片飛花爲限涕化臺何日卜新阡

金陵懷古

憶昔樓臺胸彩霞六朝濃艷此爲家春回尚記門前柳
雨散都成陌上花桃葉渡邊驚牧馬石頭城外數歸鴉
如何白首梁江總偏向青溪弔麗華

江南山居雜咏八首

也涸山樵也涸漁寄身蘭若卽吾廬逃名不屑留奇字
醫俗多方讀道書泉近山腰瓢滿貯竹穿石脚笋斜舒
幾番曳杖孤峰上陸地仙人訪玉虛

尋幽踏破幾芒屨荷鍾隨行死便埋日月雙丸驚野馬
鼓吹兩部奏鳴蛙壯年不用標銅柱短髮無勞挂玉釵
散聖安禪君識否拈花微笑是生涯

沈寥息竊散高旻遙揖青山晤大賓羞與柳榆營市僧
摘來笋蕨數家珍琴方挂壁神先韻酒未傾尊氣已春
冷暖自知根底事方袍圓頂是前身

小歇團瓢也自安臨流偶爾一投竿楊花吹雪魚翅影
梅子成丸雀避彈閒拉僧雛談白話獨携漁鼓著黃冠

龍鳳鳳雅卷四十五

倦遊何用歸來卧風月無邊任飲餐

紗窓依約展紅蕉睡起渾疑是隔朝試熱鵲爐挑宿火
旋烹龍井汲新潮臨摹幾幅斜行字潦倒三杯獨酌謠
木榻布衾粗供好隨緣自遣也逍遙

禪關無鎖倩雲扃曉病新醒對石醒掣水拋開斑竹杖
惜花密繫鍍金鈴因恭半偈巾忘脫爲數前峰屐屐停
二六時中指呈碍千株松下聽傳經

鬚眉如許尚沉淹心事難禁火宅炎背水墨兵衝趙壁
憂時綠鬢點吳鹽何年去訪青溪鶴有日相從白玉蟾
貧病兩般皆證道人到此不矜嚴

那堪消得一青衫文字雖腴不療饒綺語自知淪慧業

清名只合署空衙
踴躍齏羹香鉢上
却仙舟渡石帆
失利文場非戰罪也看頭角換鸞峴

讀書

不爲兒孫作遠謀
且從鉛槧伴春秋
南華隱吏篇中訣
西竺先生心內求
剪燭還能看小字
藏書最喜在高樓
人言此老真前業
浪學當年衛武侯

宮怨二首

自入深宮裏
頻年未沐恩
生來是薄命
何必泣長門
殘粧重復整
龍腦幾回燔
侍女也來報
羊車已過門

采石謁青蓮二首

百篇斗酒動天顏
青鎖彤墀笑間豈
爲承王翰一死

龍風雅集四十四

謫來不肯久塵寰

漫言飛燕語招尤
委地芙蓉到底羞
不惜名花酬彩筆
憐才天子自風流

讀天寶遺事

尋常一樣兩催花
不灑楊花灑李花
羯鼓又催花欲落
幾番憔悴爲楊花

予岳武穆二首

稱姪稱詞太哀吾君
吾相志全灰
書生已透安危計
不待金罍十二來

大讐不報轉爲恩
枉有刀頭飲血痕
試問九哥知悔否
重泉何以對忠魂

隋煬帝

武略已停陳後主
文情不讓魏思王
元來喪國亡家者
也入宏詞傳學場

賦得踏花歸去馬蹄香

寶勒紅韁白玉題
百花叢裏踏香泥
醉歸好趁斜陽路
蛺蝶雙雙逐馬蹄

春閨二首

春來春去已多年
惟有今年恨獨綿
不識梁間雙燕子
可能銜字到天邊

曉來不顧鬢髮鬆
且上高樓看落紅
却訝何人爲掃盡
侍兒報道五更風

龍風雅集四十四

閨思

爲憶征人獨上樓
白雲一片望中浮
不知君在關山外
可有高樓望故丘

明妃

漢皇薄倖嫁蛾眉
老死焉支無入期
安得阿瞞交誼重
金錢不惜贖文姬

上堂僧

學得機鋒幾句言
逢人便說是宗門
任教棒子紛紛下
豈是天童嫡子孫

首夏送幼子章儒歸里

春風纔去送兒歸
一路楊花點客衣
不似鄆州廉郡守

猶持匹絹給吳威

昭君

生前注定□□婦敢怨君王輕棄儂薄命幾人還似我
後來訂苦灸花容種歸縣有昭君村村人生女恐以色選必炙其面

龍眠風雅卷四

龍眠風雅卷四十五目錄

木厓潘 江蜀藻輯

梁溪鮑鼎銓讓侯

同里鄧 銓田公

方孔一 四十一首 江之漢 十一首

姚孫森 六十三首 方撫謙 八首

龍眠風雅卷四十五目錄

龍眠風雅卷四十五

木厓潘 江蜀藻輯

方孔一 字爾雅號凝齋可從王映公之子也成童刻

以歲貢調選授廣東清遠令會崇南田兵二馬阻

梗公單車之任不避艱難督糧供張應接不暇有

勤冠陸虎掩鬱存廟木驅城厲清善政可以

衰疾乞休垂索歸田所著有擊析抱撲諸集

鳥生八九子

城上鳥聲嗚嗚一年生九雛選樹結高巢風雨無憂虞

取食置喙問朝夕勤餵哺能毛不自煖張翼勉相呼羽

成健翮尾畢連羣飛亞亞各自東西南北趨老鳥喙禿

毛脫病且癯誰念疇昔恩艱劬身棲城上樓老鳥卧蓬

直膏稔鮮粟爭飽哺老鳥咽塞喉乾死荒丘生兒如此

輩何異破鏡與傷鵲

短歌行

置酒中庭臨觴涕零人生幾何逝若流星一昔我與子

一瑟一琴今于棄我為商為參二珠無重聲蘭不再馨

空閨閒寂顧影憐形解惟由會厚悲以別深韶顏苦誰

癯顏苦侵四低回日暮為子沉吟颯颯金風忽灑我襟

解案有錯珍瓊有醪醕云何不樂保我餘齡六

步放鶴亭

塋勢湧錢塘瀨氣每磅礴霞渚共烟縈五色紛相錯我

從靈隱來兩日未息脚朝採張翰尊暮訪林逋鶴鶴太

幾百年空亭委林薄嘉遯逸難期亮節欣有托玉簪與

研瓦當日遺空柳。苦青石半圯。舊枯木未落。老梅三兩株。猶發山中夢。樹缺露虹橋。歟。迴藏。層閣面。對削芙蓉。如抱復如攫。與突。雖莫窮。聊以詮崖畧。把臂呼六賢。孤筇寧寂莫。三復史氏碑。斯遊差不惡。

女貞子

山中有處子。冬夏何青青。結實燦綠珠。鬱蔥覆吾亭。女子貞不字。載之爰象經。冰姿傲霜霰。豈逐鉛華零。移置公栢間。峻節有餘馨。婆娑坐其下。獨醉復獨醒。我欲益膚臑。兼以通性靈。祿真良有道。焉用采參苓。

皖江寓中晤外甥阮露臣慨然有感

記汝在襁褓爲母持齋日。祈佛叶熊羆。辛幼百艱集。輒

龍輦風雜卷四十五

任汝翁讀中外都寧謚焚膏手。一編風夜罔或逸。爾祖懋厥修。子亦親爲灸。吁嗟廿餘年。城破家奚恤。數椽灰燼餘。荒園鳴蟋蟀。梁棟旣云摧。蛇豕闌入室。淚血灑江天。岵岵瞻何及。我從嶺南歸。投冠謝斧鉞。瞥眼十三春。江鴻阻尺一。昔別甫垂髫。今逢權促膝。取懷不能言。苦境莫可述。追念舊時人。十已去其七。幸惟宅相賢。藻揆文通筆。雙雛更聯翩。瓊樹堦前茁。夙業有青箱。芳華堪祗適。不盡渭陽情。欲往辭涓滴。努力及韶華。分陰不可失。

天津衛

衛河之南白河北。天津雄鎮踞阨塞。大小直沽控海門。

三衛貔貅壯京國。市廛賈客百貨屯。漁人鼓艤趨湍津。落日千檣列。芒攄輕風萬。舳舻飛魚鱗。漳衛合流滌入海。滄溟咫尺風濤改。烟消霧散日。矇矓蜃市蛟樓恍。靈怪迴。迴轉柁。休休。恂。恂。倉皇恐犯鼉鼉宮。神山穹渺不可望。風塵苦海徒煩冲。嗚呼風塵苦海徒煩冲。冥飛羨爾天邊鴻。

過閔子祠

閔子祠前樹。西風亂晚鴉。只今惟宿草。不見有蘆花。寒影親閨隔。單衣客路賒。倚廬何日慰。雙淚落天涯。

劉雁先久客廣濟對菊有懷

片片寒梅白。劉郎別我時。花飛看幾度。秋色滿東籬。不

龍輦風雜卷四十五

醉杯中月。誰開病後窗。山陰如可楫。歸日未嫌遲。

代悲白髮

種種髮如此。絲絲愁奈何。頂先禿似鶴。髻却小于螺。一任飛蓬亂。翻如落葉多。可憐明鏡裏。顧影兩婆娑。

石溪聞砧有懷

十日滯征鞍。三秋憶舊歡。客中人易老。病後路偏難。雲與層岩白。楓于密葉丹。娉婷溪上女。砧急爲誰寒。

句容七夕同葉縉先家弟搢公爾從醺飲

暑枕渾無奈。星橋尚有期。舊遊沽酒地。新浴納涼時。文以送窮拙。思因乞巧遲。誰家鳴玉笛。偏向旅人吹。

咏老梅

老梅亦解隱。樹裏穩藏身。瘦幹澄虛沼。閒雲作比隣。香
清能入夢。花發始知春。吾欲亭其上。緬懷放鶴人。

與田父飲留宿

日出衆山幽。此翁何所求。頗饒蘿薜趣。兼足稻粱謀。水
涵魚爲市。春幾麥有秋。盤餐供一宿。偏爲老夫留。

浴罷

浴罷憩空亭。亭空萬象冥。蛾眉山吐月。鵲尾火流星。仰
臥喧仍寂。耽吟醉轉醒。何如谿上鳥。濯翅宿沙汀。

童子分菊

奇種誰能辨。滋培應及時。汝從何地覓。獨向小窗移。別
蠶如防寇。芟繁且護枝。待他秋色好。浮白咏陶詩。

孟配八日山僮報子霞舉孫命名曰穀

板盤方獻歲。穀日更晴暄。鵲報簷前喜。枝添墜下蓀。三
遷懷孟訓。百忍媿張門。尚有弓裘在。毋忘襁褓恩。

返照偕庭菴弟遊鐵塔寺登準提閣次和原韵

招提同散步。峻閣一凭欄。鐵塔何年構。摩霄冶鑄難。雁
鴻雲外度。海岱望中寬。媿我嚔吹拙。挑燈索句看。

泊高郵有懷

帆纔開寶應。舟已泊高郵。塔影城頭出。人家水面浮。一
鉤新挂月。半枕冷吟秋。遙憶樸巢子。應憎汗漫遊。

示三子

獨酌不成歡。孤吟強自寬。野荒天盡黑。霜重榻先寒。落

葉隨風掃。枯枝入醖殘。遙憐三子隔。未解覓團圓。

新菴多奇石太石屋二里許肩公以玲瓏榜之石

應點頭矣予坐此欣然有得因僧索對爲賦

石屋新菴小。稠通每從壁上揖。肩公龍潭月印琅玕碧。
獅窟雲浮瑪瑙紅。修竹細分泉宛轉。香花巧逗石玲瓏。
輞川一幅應難畫。我亦模糊在畫中。

客金陵

三年九月滯長干。千里孤舟行路難。鴻雁數行容易寫。
菊花幾度未曾看。藥存丹竈常扶疾。衾怯繁霜亦耐寒。
聞道故園征戰劇。江湖何日覩安瀾。

重九日飲祇遼山房同吳坤含段相玉

粒粒盤餐盡苦辛。田家藜藿意偏真。焚餘茅屋仍炊爨。
亂後山禽亦避人。穉事將登泉已涸。賊氛未淨堡纔新。
莫將野菊虛佳節。醉把松枝挂葛巾。

人日

仙茅七葉景方新。禹峽征途別有春。宿雨乍收山點黛。
曉風初拂水生鱗。尊中相葉爲知己。眼底梅花是比隣。
此日題詩忘在客。不須剪綵貼成人。

過梅嶺謁唐張相公祠

百粵山川到者稀。越三千里興遄飛。天開絕巘通南服。
地闊周行接翠微。幽洞潺湲清入耳。半空霖霖濕侵衣。
曲江錢碼依然在。丞相祠前俎豆非。

同古岡林荃猗許雪橋梁學下夜集分韵

月湧瓊樓最上層。玉壺濯魄冷如冰。羣峯翠擁摩霄塔。
古壁孤懸入定僧。石拜林間呼米芾。鳥驚葉底嘯孫登。
漏沉莫惜蒲桃醉。枯坐翛然獨對燈。

過二禺峽

羣峯對峙倚天開。禺水中流一櫂催。我已投冠應太急。
寺曾挂角特飛來。玉環重訪歸猿洞。金鎖空懸釣鯉臺。
告別滇陽不復返。嶺南有客送春回。

歸來詩効長慶體二首

再不勞勞逐市塵。數椽茅屋合藏身。崖泉卸處橫穿沼。
松逕疎時密補筠。喚取麴生爲密友。拉來石丈作嘉賓。
醉聽谷口黃鸝轉。方信桃源別有春。

蟾子潮連楊子江。歸時擬買小漁艘。布帆款乃風隨擺。
簞笠婆娑月滿窓。釣得舫艖時潑潑。呼來鷗鷺或雙雙。
隔溪喚取採菱女。一曲菱歌酒一缸。

答爾止弟見懷步韻

垂髫尚憶共衾時。長晚同吟聽峽詩。孤雁不堪天外繫。
五羊每寄夢中思。支床偏惱扶脾酒。掃石還耽賭墅棋。
惟待巾車消寂寞。頻呼稚子候東籬。

兒拙孳妻孳入山妹增離別之苦

梁鴻歌罷出關時。德曜柴車隨所之。豈曰吾兒依匪母。
翻怜稚子棄其師。未荒松竹閒應護。多病桑榆養恐遲。

尺璧寸陰良可惜。三冬須下讀書帷。

老妻花甲初度感示四子暨諸孫

曙色籠窓喜雀鳴。恰逢長至一陽生。負暄轉憶牛衣冷。
披褐何須象服榮。擬向鹿門借攬轡。還疑愚谷輟躬耕。
莫將榆景輕拋擲。好薦明禋采杜蘅。

松棚

松棚臨水結層陰。永夏渾無溽暑侵。賴有瓜藤初引蔓。
漸看竹笋欲成林。蒼苔投澗盤回翅。黃鳥迎風弄好音。
偃仰衙門人跡少。小孫長伴醉翁吟。

黃梁夢

欽枕黃梁百年只一瞬。借問邯鄲人。至今醒未醒。
曉冷長途客子烟。生幾樹人家烏聲喚起紅日馬蹄蹄。
破霜花。

春閨憶遠

繡床交頸鴛鴦。織就迴文錦字。望斷玉關三千。倚遍雕
闌十二。

子夜憶內

院鎖苔痕樹鎖陰。二千里外攪愁心。遙知閨裏今宵月。
淚坐無眠咏藁砧。

雷峰夕照

斜暉鴈落正黃昏。古塔烟籠祇樹園。納子半歸昭慶寺。

遊人齊入湧金門

謫仙樓

謝朓青山太白樓。千秋詩酒讓風流。只今樓外三更月。一瀉長江萬里秋。

紫沙洲

紫沙洲前風浪平。綠莎屏下客舟輕。晚烟漠漠人家冷。秋雨蕭蕭漁火明。

小齋初成對花咏懷

碧桃結子桂生芽。檜栢青青榴始華。一卷殘經猶未了。煖風吹雨上窗紗。

弄孫

穉子依依傍酒爐。助吟亦解拂吾鬚。明朝欲到合明寺。

問爾能持拄杖無。

江之漢

字向苦。萬曆間諸生。少尉儒。望試報前。行傳。通奉為。吳下極。為。馬。君。常。太。史。所。推。許。邦。人。上。舉。鎮。院。不。售。順。治。初。猶。索。筆。旅。進。真。得。一。當。然。氣。辭。亦。小。祖。矣。晚。以。口。耳。之。學。為。童。子。師。與。子。庶。歸。間。有。所。酬。之。作。壯。心。逸。致。尚。勃。勃。行。開。今。授。其。稿。不。可。得。其。弟。之。酒。手。授。愁。吟。一。冊。公。自。序。以。刊。行。者。也。匪。是。則。無。從。獲。隻。字。割。割。之。力。願。不。大。哉。

朝氣

晴雲送日出。猶帶晨鐘烟。禪燈半明滅。漁子已開船。露草濕芒屨。鵝鴨喧曉天。新迎朝氣好。獨立豈徒然。

方子建為予作畫賦贈

迂才素不長於畫。見君墨氣通畫理。精心欲掃筆下塵。

摸索到處疾。伸紙密處求疎濃。求淡遠近之間如意止。化工畫裏原無題。寫得相似而已矣。能於相似忘其真。文人長進皆如此。

秋仲返舍別友人

村鷄鳴薄曉。江月淡微明。遊子今朝色。離人昨夜情。風塵催去馬。卮酒戀啼鶯。惜別由來苦。還緣重友生。

立秋後一日喜姪輩渡至自蜀兼得兄楚望消息。客蜀又經秋。相看喜不休。常從別後問。恰慰望中愁。但說尊人健。兼聞作吏優。裁眉天半路。此坐一番遊。子自署此

野望

宜雨宜晴此際收。一帆風影蕩孤舟。繞穿樹杪和烟入。忽過沙汀帶水流。野鶴銜雲任去住。芳蘋依浦自沉浮。遠心對此看無盡。坐到晡時動客愁。

歸舟

江上扁舟興倦餘。客懷憔悴嘆歸與。等閒又作三年夢。幾度空悲十載書。白髮催人驚日月。青雲悞我卜樵漁。一丘一壑猶堪隱。底事茫茫生計疎。

月夜聞潘蜀藻隔牆高吟走筆賦柬

寂寂空齋午夜秋。朗吟聲度隔牆樓。詩情原自孤同。酒興何妨覓舊遊。聯白雪莫嫌衰老憶丹丘。近來想亦憂雪。狂待我收。時方憂旱

野渡

溪口小漁船招來挾一槩暫泊送行人孤櫂仍獨往

村叟二首

朝驅牛羊來暮驅牛羊公半在湖上眠半在山中住
有時持釣竿獨向溪邊立問叟何所思魚來水自急

老翁

老翁猶記前朝事近日風光大不同留得少年他日老
更將瑣碎語兒童

姚孫

字絕先號珠樹天啟初諸生湘潭令渥源公
號六駿文舉翔起性好遊器量淹雅姿容華麗每
出車服甚都所至奉爲重客即千金裝隨手輒盡
意靡如也一中副車再舉賢良方正順治初以明
經署浙江龍泉學博士有聲公詩初學竟陵既

乃劉渥軍府出入錢所著可處堂集仲子文
官建寧錢版同世吳水部無齋錢司李飲光爲序
之行

送方三計偕北上

霜氣滿林原其風亦凜冽百靈肅檐楹矧乃千里轍心
知別有期漫不言將別胸臆時詔語靚對安于嘿同居
不同行居者自妻絕睠戀天上輶虛此山間月天路方
新輝高翔奮長翮草樹亦含恩悲盡翻成悅飛潛各自
分勿悔久離折

送謝孺玉魯王任仙孟劉阮仙還楚

男兒重意氣結交在賢豪滌蕩千古心款款常見招與
君爲兄弟綢繆等同胞所憾異形骸况乃萬里遙別君

正炎夏道路亦何勞班騅悲自鳴黃鳥慘不嬌悠悠憶
河梁脉脉同此宵寸腸苟不渝令德慎所標

孟秋朔日雨中李通侯玄素招集清嘯園同滕伯

倫劉念先劉客生范仲聞劉阮仙方爾止方密
之謝孺玉吳子遠胡子濱唐祖命卽席分韻得

霽字

秋氣到林園一葉下階砌冉冉秋雲陰涼風生羅袂主
人清且賢幕府集蘭蕙雷電燦綺筵狂歌奪雨勢蘿薜
映山窻觥籌渾不計百靈肅檐楹清商如鶴唳不愁雨
不休翻愁雨聲霽持此金石心風雅歸冥契

楊公實家髮駐雲花朝日二八初度卽席賦贈

淡淡春月漾花林曲曲春歌花裏心露滿花繁聲不駐

香風裊裊入雲空圓珠瀝瀝溜盤盂不斷柔烟醉春柳
春到花朝又兩朝美人湯餅可憐宵二八流光驚易度
傷心最怕芳辰誤身輕立不敢迎風亭亭小倚花枝中
報笑含情在秋水肯入遊入春夢裏

戊子暮冬客海陵宮紫玄示余春雨草堂圖禿筆

賦此

幽器曲沼春沉沉伊人嘉遁入春林閣盡滄桑意轉恬
初衣全滄海陵烟欲買青山先買屋草堂結構城西麓
芳草湖汀空翠裏全家都令住寒水桃源莫問秦人樵
角巾鳩杖舒長嘯君不見西山之巔數晦微膏雨陰濃

春正肥又不見浣花之溪數椽室詩句經年滿細帙山
水綠深未肯了指間燦爛春花繞墨光化作西湖雲篋
中朝夕雲紛紛偶向閒窓展圖譜耳邊已似聞春雨昔
人欲縱遊觀樂一室之中繪五嶽君置西湖于几座世
人空自分小大撫琴動操衆山響春雨瀟瀟湖水長我
有龍眠廣且溪芳蘭十畝橫碧岑鋤烟濯月頗足娛歲
暮客此胡爲乎荒寺積霰陰漫漫怒風到山吹畫寒篝
燈靜夜照孤影層水未似人心冷喜君示我圖數幅宛
然坐我春林側人生貴適禽向願相逢寧作窮途怨畫
裏猶能移我情況復將身畫裏行新詩我就魂已太明
朝擬踏林間路

十一月初五夜月

新月過山淨。秋天色自殊。初更遂欲別。永夜越添孤。鄭
重明時晚。淒清有後無。來空應記取。未曉望平蕪。

月夜僧夢雲問疾

月若期僧至。中宵作畫看。劇談茶亦醉。深坐漏忘殘。樹
乳歸雲亂。烟生破衲寒。衝風成遠送。翻覺病相安。

雪夜懷兄純甫

小飲易爲醉。雪深猶未知。忽驚歸鳥亂。出見蚤梅滋。不
辯山林色。能添烟雨姿。剡溪曾有約。正值夜寒時。

舟雨

晚風全入水。相與助爲寒。雨色炤荒岵。江聲走急湍。險

能徵定力。眠直廢嘗餐。聽說秦淮近。閒窓放遠觀。

月夜渡江歸自京師

江晚風偏急。烟波一櫂還。攜來新月色。分炤故人顏。花
路積梅雨。春衣生薜斑。熏香理舊帙。肯負牛秋閒。

將出遊有感

菽水它鄉裏。晨昏忍變離。難將游子意。盡令老親知。烽
火驚新析。家園冷故枝。謀生吾本拙。俯仰欲何之。

喜七兄純甫至自白門

同作天雄客。君來我更先。鄉心應較切。生事正相憐。春
滿池塘草。堂開花萼天。衙齋清露肅。姜被足酣眠。

北歸四首

生計慙余拙。終年路是家。遍看園內樹。誰放舊時花。水

較春前長。籬猶雨後斜。荷風如款主。送得晚香除。

日歸豈不快。秋近易爲悲。世事貧方見。人情老始知。加

餐債母喜。沽飲怪奴遲。隣叟聲音熟。閒吟隔院窺。

征裝何所有。數卷未盈車。貧比去時甚。愁從到日加。婢

炊旋糴米。僮煮隔年茶。鄉國方多亂。安居敢怨嗟。

萬事歸來好。城隅舊草堂。青天容我懶。白日看人忙。墻

短留峯影。窓虛納雨香。相將同稚子。讀罷共徜徉。

東徐仲衡

昨夜三更雨。添人兩鬢霜。櫓聲喧急浪。燈影泛孤光。夢
靜嫌衾短。山寒覺漏長。誰能請寂寞。頓爾共徜徉。

喜兒爰應試來白門

頭巾吾欲棄爲爾思翻淚得失原天數荒勤見汝心
懸關店雨風和客床吟不寐家計寒侵到曉余

荒園

荒園集微雨。深坐寂無譁。新月陰猶照。芙蓉冬尚花。
囊從前日盡。酒向隔隣賒。莫怨淹行李。浮生誰是家。

與方坦菴三首

方子論交日。于今三十年。升沉甘自異。閱歷倏過前。
世眼盡皆白。吾文敢曰玄。相憐惟有爾。覲面轉凄然。

將母慚無策。當年亦使齊。濯衣愁小婦。負子覩山妻。
徒步兒全慣。茹堂姪與棲。更憐諸幼女。無食向人啼。

懷抱令如此。寒暄未忍鳴。關心惟老疾。不計是將否。
治亂雖歸數。行藏敢太輕。幾回甘小草。復恐負平生。

八公洞

入山不見洞。逕曲洞能生。墜戶接雲氣。疏畦滌雨情。
竹凝隣院碧。泉送隔籬清。靜極無餘響。滿林鐘磬聲。

北固山

山近時能過。江光到眼明。魂飛投子下。秋老潤州城。
葉冷霜留色。花香風有聲。疎鐘催早月。欲慰旅人情。

生生菴

太守前朝彥。爲官最有聲。鑒山依古剎。結宇對高城。
樹欲留春色。池能適物情。亂餘常怖死。竟日坐生靈。

同笠公呂霖生登金山

杖策陟高岑。低看波浪深。晴雲籠遠樹。石屋亂秋禽。
氣至極清處。坐生無雜心。西來不盡意。領取海潮音。

焦山

踏遍焦山路。諸山安足云。翠從岩樹落。清與嶺烟分。
曲逕行疑失。晴濤望不聞。晚來乘小艇。目送度江雲。

竹林寺結冬看箬公上座

去時方結夏。來值結冬時。萍跡元無定。蓬踪若豫期。
語催花影亂。燈表佛容慈。寒響入叢竹。都歸靜裏思。

病中沽飲

衰年艱一睡。病亦仗清尊。冬氣夜侵骨。霜天早閉門。
寒庭驚剝啄。醉醺到荒園。強起坐床簀。微燠煖客魂。

客中除夕

故國當今日。閨人還倚扉。此時猶不至。始擬未曾歸。
忍淚供生菜。多愁任敝衣。應難獨守歲。憑夢出深幃。

雨後畫溪待月

曲曲園林傍水涯。幽恰值日將斜。山遂靜夜能留月。
池貯輕舸可當家。野吹涼生經雨竹。疎鐘敲落受風花。

狂歌醉倒忘歸路。卧聽哀蟬噪晚霞。

山中雨夜柬方時生訂贖山遊期

雨過閒庭樹影鋪。橫空烟色冷平蕪。一泓流水自清淺。
幾曲青山半有無。交爲情真翻似隔。夜添僧伴愈成孤。

朝來試看新晴路竹杖鏗鏗石上扶

儼友人河東別業

也知閉戶願難成但免逢迎靜者情細路穿林翻似野
斷橋隔岸尚依城居猶未穩廊先構樹欲成陰窓不明
燈火半簾風雨夜幽情恰稱讀書聲

墨蘓齋看雨

幽花自落點苔斑高閣深溪烟雨間新竹每穿當戶徑
古藤剛覆繞籬山看雲聽鳥渾忘世課石分泉却未閒
漫道主人饒癖性惟余有夢亦相關

旅店雨宿

金飈淅淅冷秋山款段翻乘烟浪間僕子正愁歸路隔
遠人爲愛客途閒沽來村釀偏難醉夢太狂樓苦易還
雨過疎簾容月入更言何處是鄉關

儼園解嘲

儼居無意傍青山何幸青山入座間墻短涼從高樹至
徑迂人共野花閒長看遠霧峯頭出細數飛鴻天際還
客裏盡知耽靜癖誰能日日事躋攀

雨中復柬諸子

前峯浙瀝響重泉梅雨深深五月天小几鐫爐燈火靜
故園茶笋色香全山多亂後人依住詩苦吟時句不傳
蚤晚著書長閉戶思君望盡一溪烟

謝孺玉欲別我之湖上詩以留之

把酒論文興正賒何堪遽汎剡溪槎秦淮河畔月方滿
西子湖邊秋尚花奕世誼深烽火日中原名重蕊珠華
萍踪遭際艱難甚隨處烟波可當家

吳甥爾玉自廬居抵金陵兼山其江行詩相示

烽火千郊故國虛憐君此日尚居廬夢魂未與幽冥隔
筆墨皆從血淚餘異地經懸荒草榻同心話勝故園書
渭陽自古情偏劇來未經旬忍別余

閩遊歸集謝仲玉飲時見焱將婚卽席得風字

青谿雲水接瀟湘歲晏萍蓬聚一堂鴻序幾年悲別鶴
鳳雛今日快求凰新詩夜送貧厨酒荒圃風疏小樹香
錦荔亦添花燭色良宵絳蠟爲君長

贈望海楊斗北先生

雨滿高齋抱膝吟晴峰忽爾忒登臨寒花匝地香千樹
野鵲啼春月一林湖海路幾成蜀道門墻誼已重南金
也知漢柱名題久桃李叢中聽好音矣有門下士言
矣已陞駕部

杜言邀同董彥疆飲純陽閣

疎柳涼風夕影偏振衣遙上最高巔亭因載酒花忘掃
客欲探奇榻未懸囊盡教詩草積窓虛許共野雲眠
閒踪自笑同萍梗鄉信紛紛付浪傳時有言故
鄉冠警者

病起贈居停管思戒

湖海遨遊已及年相看小極自堪憐從人乞米聊充食
共妾餽糜不問田欲櫛忽驚新白髮懷歸藉有舊青氍

挂帆宜趁秋風早停泊因君榻未懸

立春日同友人飲友人出其新編見示

年年操艇走風塵此日飄零親好友乍逢欣似故
舊書重讀即能新遊經歲月占身健盜滿江湖賴豪貧
雨雪蕭蕭天欲凍岸邊梅蕊獨催春

贈葛太嘗吧瞻先生

西冷靈氣鬱嵒嵒海欽瞻矍鑠翁大業四朝推國老
弘文八代起衰風太常清節追周澤仙籍長生註葛洪
久矣帝心求舊碩恐難堅卧北山中

野泊

竊窺青山青可憐孤舟小泊絕人烟春光九十花應老

江路三千月再圓傳說兵戈危聖主親逢盜賊上賊船

祇緣昨夜驚深夢空對清光自不眠

夜飲陽署留別馬正誼

鄉夢長從涼月生歸驅何幸及秋清荔枝經雨房全熟
棠蒂成陰瘴亦輕話間吟虫支夜漏爐添新水助風聲
旭光莫漫搖水署祇恐驪駒向曉鳴

雨中訪友人

柴門深掩靜無驚藜杖街泥日暮行千樹受風雲影亂
一泓過雨月痕生交因貧賤情逾摯話到功名意已平
征馬且歸城市去來朝未許向人鳴

客中有感

小雨輕涼苦徑封晝間旅思自重山川遍歷知誰主
天地雖寬似不容將老漸于書味淡長貧翻覺世情慵
微風幾枕虛窓夢遠盡江南無數峯

樓望

江風吹雨入林端野色都從戶裏看一榻三秋黃葉積
千峰雙屐白雲寒春過北園花纔放霜壓東籬菊又殘
何事柴門歸約負半間行李欲挑難

舟夜讀史達曙

客裏篝燈勤夜讀數驚身在一舟中頻年撰著曾何濟
老大咿唔豈送窮書爲健忘欣乍校酒無下物藉諸公
檣人夢醒催鳴櫓久雨新晴趁順風

別介人有懷

擬君歲暮上公車曾記雙魚奏起居意外留連停桂楫
衰年醅酎仗籃輿纔彈江北無魚鉢猶望湖東寄客書
春過花朝寒愈甚雪風如戀廣文廬

栢里道中

庚寅春奉憲委踏勘災荒崇山峻嶺日在風雨
中行感而爲詩

連朝烟雨浣征塵草際空香天氣新飛瀑帶雲珠似雪
斷崖凝翠蘚生鱗老農自荷鋤迎客不徑翻嫌車累人
怪底夕陽明遠嶺桃花紅殺洞門春

木岱道中

寒食至今寒不解，羈栖未有半朝晴。谷雪欲散溪旋漲，山鳥無言鳩獨鳴。擬覓筍與分嶺翠，好憑竹間領泉聲。疎籬茅徑宛鄉曲，畢竟溪謀是耦耕。

泛宿潭湖寺

鶯花漸過不知春，笠雨竿烟與夢親。晴月入林如媚客，寒禽啼樹似呼人。世尊傳是三唐像，父老猶然萬曆民。此際行游懷尚足，青山好問赤松鱗。

避雨田家

旦旦清流衝石出，家家黃犢遶籬眠。千峰爭送三春雨，一日常經四季天。老母計年疎菽水，寒官累月伴雲烟。寄聲小婦休樓望，楊柳青青到處然。

吳柱溪白冠竊發檄鄉勇往擒之

圖繪流民方欲獻，潢池何事警烽烟。寒官夢亦關軍政，饗士囊先損俸錢。虎子會須探虎穴，龍泉無異住龍眠。當年策應因桑梓，此日空教惱鄭虔。

斷橋

湖光山色遠連天，小艇空游破冥烟。簫鼓樓船紛似市，往來只在斷橋邊。

放鶴亭

曉風吹雨過橋灣，偶爲看雲獨往還。翻笑孤山林處士，當年放鶴不曾閒。

六橋

經年故國無消息，五雨輕初可當家。莫怨春歸花事盡，綠陰如蓋勝於花。

湖心寺

山色空濛湖水平，葛衣短襪受風輕。湖心亭畔湖心寺，多少游人看放生。

片雲石

奇石自令人下拜，誰能對此不成顛。深山晴雨元無定，一縷閒雲鎖日眠。

吳山

雨過危巒曙色開，樓臺層疊木縈迴。長松夜半濤聲發，疑是江湖八月來。

方揭諫

字君卿，號四旗，性至孝。既而母老不赴，居家極色養之。奉則諭必游，母年近九旬，臥疾，君則病且死，戒勿令母知。恐貽其憂，既歿，母始聞，未幾亦卒。

二蕓墓

睂山有二蕓，睂山不得有，或在楚之南，或在粵之右。大蕓海外還，毘陵實回首。愛茲汝之陽，花萼共高阜。霍塚比祁連，霍里草芊芊。西陵多疑塚，枉自哭橋玄。二蕓文章在雲漢，自經天黃土焉能蓋。蠱扇豈足傳墓木，不敢薪墓門，不敢田。何須問石馬，翠柏自年年。

馮姬歌和朱牧仲

芋蘿不作五湖遊，金谷佳人不墮樓。年華荏苒有何意，紅粉何堪到白頭。莫歎馮姬歸太早，不見憔悴但見好。

田橫死士有雙禽姬死素所畜不此小青殊草草休爲
客舞舞羊公前生同在緡嶺宮緡嶺宮前塚如許何似
鼎鑪越海東

登黃山

天外三峯陡如削桃花曲澗通幽壑樹杪高挂百重泉
直疑倒瀉銀河落平窺下界多烟霞願攜鷄犬卽爲家
田可躬耕飲黃犢還宜煉藥浴丹砂須臾颯颯風雨至
雷電奔轟晦天地若非潛卧蛟龍驚定是探奇鬼神忌
朝來雲滿海天秋頃刻萬狀不勝收回頭依舊千峰霽
日暮芙蓉翠浮

射虎行爲宋牧仲別駕校獵一日得三虎而作

以石爲虎沒箭羽以虎爲石射不入丈夫意氣獨精堅
眼底何物不可集存疾除害先南山已無苛政太仍還
何如併除肘腋害老婦攜兒宿草間入虎穴探虎子周
留背上微烟起壯士用命如奔雷大虎重傷小虎死須
更三虎刳階前宰肉如宰天下然淺機製作車前式二
弓交戰色爭鮮父老競欲與虎訟安得神君復遇宋羣
虎負子盡渡江羣得朝耕及暮種卓然三異動彤廷天
子召談虎觀經上殿相爭氣如許陳思緡出畫圖青

洛城懷古

洛城禾黍動人思洛水東流無已時幾處斷碑紫野蔓
誰家舊館鬻新葵鶉啼不盡當年淚燕乳爭巢林上枝

興廢已成十七史北邙何必歎累累

贈俞喜臣

麟閣勲名指顧間不禁鵬血滿燕山昆吾有恨難言報
弓劍相依未忍還幾樹冬青堪漬酒誰家藏碧已成斑
南枝莫向揚州路且謾西陵月一灣


次韻和潘蜀藻立春日值坡公初度携酒赤壁醉
之

問君何日作閒人律轉黃州七度新不記添籌共栽竹
但知月夕與花晨丹傳勾漏留顏色凍解東風識苦辛
認取歲寒千古意蓋同桃李開芳春

坡公生辰爲
臘月十九日

虞美人

英雄氣骨爲君柔心欲灰時淚未收灑向花枝皆是血
楚歌不滿滿園秋



龍眠風雅卷四十六目錄

木厓潘 江蜀藻輯

於越呂光輪晚邨 衆

同里姚士堅庭若

吳道凝 六十一首

王大仍 四十首

龍眠風雅卷四十六

木厓潘 江蜀藻輯

吳道凝

字子遠一字至之號虛來宮諭宗一先生之

奉化所任職辦未幾挂吏議歸公少員才名歷江

家學晚在職辦未幾挂吏議歸公少員才名歷江

遺草書尤橫絕一代自謂得李北海筆意既第

雅志石梁天祿之業繼觀百里非其好也予僑寓

至下交引志年之義曾以公輒謬加許可不齊戶出

予轉徙以來卷帙零散搜牢欲盡詩集十二卷貽

其所記憶未刊之詩不下數十首疾錄一通藏之

行發而以悼亡過歸倉皇中亦歸身有佳從通江

集及予舊鈔本采若干篇殊未足盡公之長也循

讀數過爲

之三嘆

有所思

有所思

有所思

有所思

有所思

有所思

有所思

有所思

有所思

有所思

有所思

燕歌行

雨雪霏霏單布衣。江風栗烈有人歸。解一魚潛水底不

窮。雁宿蘆邊不敢飛。解二舊年初夏及于茲。胡爲一旦不

可通。解三賤妾他鄉私淚垂。日日思君知不知。解四願君高

舉藏羽儀。願君深心還識時。解五賤妾容顏難自持。江水

悠悠隨所之。解六寸心脉脉當告誰。君乘駿馬大道馳。他

日與君還鋪席。解七

遊仙詩

宮闕金銀多不能。任仙人箇中坐。奇草水深垂長綸。呂

政好萬歲南游窮。海濱云有三神山。使車何鱗鱗海外

多餘田。方士帝苦辛。王此童男女。何如稱人臣。待詔金

馬。牛驥地。并飲世。宋侍雄略。但求不死藥。五利無益

驚鳳臺。空可作素鹿。飾黃金。汗漫青絲絡。階前荒草生

白日。將安託。跳足入終南。四海自寥廓。人生最好祇

髮耳。霜暮桂父煉。形色富貴不足學。咄咄無仙才。屠門

期一嚼

江水深

北風過寒江。顏色變顛顛。日者在房戶。家人屑涕淚。告

我江水深。水深多危墜。碎首鄉井間。屑發遠應悲。不惜

荒土田。骨肉亦可棄。輕資奔遠道。忼慨試忘地。順風到

江南。百兩市錢解千金。儼大屋高會歌。既醉玉鉤飾朱

纓。明璫雜翡翠。作使狹斜兒。鄉里耀僮稚。筑聲慎勿擊

隱几託假寐。江水若可絕。驅車挽歸轡

長歌行

我聞三神山。乃在東海濱。松柏夾長道。不知冬與春。仙

人餐松柏顏色。一何新。散髮乘白鹿。赤幢覆其中。忽憶

少年時。扶策遊燕秦。上書見天子。願爲天子臣。馳驅亦

已老。努力長苦辛。今至蓬萊中。可勿憂賤貧。吹笙未一

曲。散盡人間塵。我與王子晉。嗟此世上人

聞寇渡漢。同方璽卿先生感賦

有客走江南。痛哭爲我道。賊兵一夜來。狂風摧大纛。王

將既陣亡。官軍變爲盜。秦人入楚中。楚人爲鄉導。一革

濟千騎。江流空浩浩。寒雲忽南北。中間絕音耗。枯骨沈

波楚賊應難到

胡石屋仲晦招飲黃鶴樓

日落江氣虛。浮雲不肯白。萬頃浸空明。青天容易窄。高

樓探奇懷。遠入頻可接。峰巒乘潮來。蛟龍上臺側。靈芥

闢終古。混沌遜雄傑。灑酒凌寒風。夢魂貽羽翼。丹爐難

久然。肝腸向誰結。與君頓足間。寥寥繁響絕。石室晝消

烟。老樹春無葉。滌襟振神韻。蒼冥或未隔。漢帝求三山

窮年迷雨雪

登觀象臺

山氣凌白日。蒼壁陟峩峩。龍從鍾山英。溝沆江聲翳。峴

耀祠十廟瞻望起六朝鏤鑄有鬼物神龍意飄搖曉
微帝極渾儀懸斗村六術數可定七星度不遙風雨行
其間氣象千霄霄幽人步靈臺希韓且探樵俯眺中原
色舉手招王喬落日鳥亂飛沙起折樹條宜夜者誰司
漏刻恣蓬蒿

詠懷詩四首

天地何寥廓衆志紛紛逸者適爲勞枯者適爲榮達
士無所懷區區秉其貞浮雲西北飛日落難東升乍寢
如棄骸夢中無此身野草雖易萎萬古無窮青

江河猶在地日月猶在天蓬蒿與蘭蕙高下何所懸章
嚴盛榮華貴顯非徒然公輔各有命黜陟原無權窮矣

李聘出關後中出群真人曼情雖玩世毋乃自殘輕郭
獎身死後其術竟不神人生願自然百歲無勞形元精
還太虛穆然終古存至人遇仙後七十無所營朝夕蔬
食供何曾餐黃精至理已冥契脫骨如遠行

北山有枯桑主人各爲薪枝幹既已除藐焉根獨存根
爛無斧柯雨露歷冬春春深百物滋下有桑條生荆棘
恣叢蔽枝葉多粵榮樹下誰家女朝來筐已盈桑大槩
益多蚕肥綿愈明至今北山上桑葉如垂陰道傍多嘆
息不見伐桑人

社集分題得溫桑卿

白日既已暮朱顏難久持人生天地間倏忽如飈馳蒼
梧骨已朽黃龍駕難追蓬島亦非遙何不往登之呼吸
盡溟渤鞭撻走虬螭千載尚云天白首呼爲兒酌酒無
所歡談笑世人爲飛瓊捧絳綃雙成進霞扈神仙多好
色金屋廣冰姿所以秦皇帝日夕勞夢思男女三十人
下海無歸期徐生卽非仙天子甘心之春秋七十後宮
閨生歔歔竭力求神仙冥漠不可攀胡爲方士惑金丹
無生還神仙誰少壯皓首成華妍不如擁美色自終其
天年

余與劉客生把臂兩閱月矣予以心贈客生不可
無一言遂作歌將之

君何爲而來白門白門如繁華感客心盛衰偶爾入懷抱
胸中眼東傷古今六代佳麗不可起烏衣逕步空餘址
燕子江頭飛不回莫愁湖冷人誰是君家自古帝王州
秦漢旣往君誰儔山川勝槩雄天下千里爲君談笑收
君何爲乎來白門江南山小不足論三江五湖浮天地
日月出沒大海濱徐淮舊有驅車路錢塘又見觀潮處
下筆疑有波濤來片言能使蛟龍起君將交盡天下人
內江范子君知心席上忽逢吳十四掀髯拜手託生平
吳子流離四年矣不知他日窮何似自許心肝值萬金
持贈無人敢當此君心有若君鬚眉常與天下共見之
君心未肯輕贈人心心相照穹蒼知當今盜賊滿區夏

南嶽烽烟照西華杜陵樵水兩布衣夜雨挑燈坐茅舍
我知君懷多旅愁江南桑土無綢繆我心甚苦愁不得
大醉秦淮水上樓挈我終南歷太行與君白首常相望

短歌行

窮生今日無所歸一身飄泊東西飛半年一年不得返
年年夏日典春衣僮僕夜深相訴誇說貧賤文章貴
卑濕侵人雨不休抱病晝眠無一事吁嗟乎主人不如
歸去且安貧從今莫言交貴人可憐病母依門立可憐
稚女牽衣泣

吳門投贈徐勿齋先生

芙蓉殿前乘雲飛未央遠絕懸耕衣脫劍持豪車輪走
新門運道南河歸松樹生天子并泉明月照江水
江南序弟負王笈華陰且過張家市綺衣韋帶鎖柴門
執手相慰王公孫劉聰雕龍不得壽車前雙喑能大言
猶憶長安獻賦日窮易賦就聊抱膝豈能登堂望嗣祖
高談西川有趙壹昨日挂席吹敝裘長嘯高風凌虎丘
虎丘先生帝闕來十年重上仙人樓夜夢老翁擊靈鼓
承明筆札驟風雨青州鄭子西入關絳紗爲帳充歌舞
琅邪流寓松節多莫憐法武空悲歌脫屣當增著縫掖
振衣進履猶鳴珂側身北向浮雲變塵沙已盡山川見
聖人端冕坐明中召君劔履獨上殿

送姜如須北上謁選兼奉兩親歸里

廣陵梅花夾道路公子驅車不肯傾望見長安宮殿千
萬間飄風已盡浮雲還抗手當歌對游千幅巾奮袖乃
如此姜郎母謂客作豪羊裘大澤猶鳴刀東行吳越少
年走秦淮獨飲龍眠酒誰爲戴笠誰乘車市兒伴邀城
南居主人作使耶鄆曲群從張燈搜銀燭胡爲乎携劍
直向海岱歸楊柳雨雪相牽衣君行莫厭黃河深千年
萬年流至今岱宗之高幾千丈秦碑漢碣難名狀君家
丈人賢大夫高山流水聊追呼長卿筆札若在手當憶
吳生長歌歌折柳

超宗蘭社贈楊龍友時龍友後至秉燭寫畫隨手
添墨遂成杰作漫作長歌贈之

鄭子前自邗江來手腕不肯爲人開有時統扇片幅紙
千峰萬壑相喧騰楊子近自松江至偶逢蘭社初舉事
移燈就案濡墨濃見者以爲書大字老樹離奇輪囷枝
怪石歷落嶽嵒姿樹老石間石無縫可憐細草相扶持
蘭葉幾莖出樹底石竇如錢葉如指兩花三葉參差生
下筆不知從何起楊子閭筆就綺筵一時觀者如雲烟
歎賞咋舌聲不出咸言此法無人傳吳子側坐楊子傍
大言小言中心藏書生不敢言時事空提鉛槧飛羽觴
滿酌一斗爲君進且莫畫蘭書神駿上之天子鑄其形
嘶風一掃黃雲陣

聽琴篇

范太蒙先生招同陳旻昭年兄包稱修錢五長程

雄飛令子范汝申同遊狼山時癸未夏五月也

岷峩懸水數千仞轉石杪崖千里震東涯漢水至天門
一山橫絕愁乾坤不知鑿此者誰子江海相通由此始

東日之下無高山
爛漫滿頃虛無間
波濤盡翻如捲雪

怪獸相搏眼電掣旭日飛鉉空濛披蒼天倒浸紅琉璃
扶桑隱現蛟龍窟鱗鬣宮室相出没嘆息博望多奇才
鑿空竟自斗牛來西域都護凡數十交州還由海道入
南棄珠崖西閉關海外珍貢無時還延及元時數十載
水跡分明至今在本朝湮沒不復稽議者紛紛空爾爲
我自廣陵牽小舸乘興便欲來江沱此間真人范先生
皤髮朱顏山水情引我徒步狼山上下臨溟渤千萬丈
歸然一山當江中痛哭高懷文信公滿天塵沙晝曛黑
此山不南亦不北洒血陳師激彭咸當獻天驕授首函
友人告余余急渡吞舟吹雲起颶颶舟人悅忽下風颿

重來扶杖登巒嵒是時余病不能醉援筆作歌記其事

閔林小眉姪人畫冊作長歌

白下橋邊月欲寒美人對月舒輕紈欲語不語耐小立
含毫濡墨思盤桓何來烟雲千萬狀怪石枯藤相揖讓
溪邊老樹禿如鵝偃仰龍鱗戲青嶂纖纖幽草如拳星
象茸微聽聲清冷中有靜者鑒鬚髮懷我寂歷石上亭
石倚筇筴天欲墮危峰傾仄正婀娜大者怒奔小者隨
兒孫羅立高曾坐風雨聲中帶刀劍墨光蕩漾波激澗
又如絳冠長佩紛陸離忽逢幼女迴嬌豔有時惜墨不
肯寫秋空明沒澹客冷朱唇宛轉丹管間白石蒼崖爭
齒下慧心隨手發妙香彤頰縹蒂膏凝瀼昔聞湯夷服
歎石我欲餐此姿扶桑

江行二首

觀象臺前望吳雲接楚雲黃沙騰萬騎赤日走三軍亦有車船發徒聞兵仗紛欲因津吏去灑淚問湘君他鄉遊子夢夜夜到輕舟解纜沙汀月鳴榔驛路秋懸帆山易盡送客水空流惟有垂綸叟波濤任去留

山中懷十一兄亞侯

有弟在巖阿長年種薜蘿樹深人語絕路古麝香多南
郭然藜火西山爛斧柯共憐朝市客不解厭兵戈

旅中苦雨

邸舍愁三夕
羈人似半生
呼童燒短燭
揀屑卜新晴
夢

斷簷前溜心傷天外聲可憐江漢上風雨正行兵

和王給諫送姚永言先生歸里原韻二首

知君廷諍苦社稷未全安
煬告原無好鱗批摠不難單
衣東海去匹馬北風寒
披省嶢嶢地如何不忍看
抗顏陳大義摠欲聖懷安
臣節不當苦忠名何太難
草苦傷驟冷霜鐵自侵寒
來往山林者行行側目看

鷄鳴

鷄鳴宿古寺殘夜發鐘清
九月霜風疾衰秋客病生怯
寒頻問酒出市厭吹笙
曉日當樓影披衣問展聲

潤州雜詩五首

危亭俯絕壑千里暮烟平
歸鳥雲中直飛帆所外明樓
臺騰海氣風雨起江聲
吳會雄圖久三山擁鐵城
太守風流在空林祠廟荒
衣冠留畫壁松檜冷書堂
俯仰山河舊悲歌竹樹傍
中庭明月上彷彿接餘光
山徑未能窮蕭然野望通
照人池上水向晚竹林風
高士依芳草孤臣託梵宮
寒烟飛不盡俎豆幾時豐
蕭寺重來日秋冬異感中
不知烟月變那得水雲窮
松下尋朝菌林間出午鐘
風泉清聽滿老衲詎能同
孤峰搖巨浪驅石自何年
寺古行人少山空老樹全
高尋清漢月長倚白雲天
衰草侵遺像經過一惘然

廣陵三首

蕪城春水滿惟有白雲多
古道依蘆葦人家出芰荷
晚

烟常斷續深柳易婆娑
象板銀箏歇風前度綺羅

人歸蕭寺裏月到小橋西
流水平蕪遠桃花野听低
前汀巢翠羽深院隱黃鸝
正值舵等錯微聞說鼓鼙
水驛分南北關梁古渡橫
襟江帶滄海拱泗衛神京
商舶輪邊算樓船樵使旌
咽喉真要害豈獨議嚴城

夾溝道中

風日滿清冷輕帆出野汀
幾灣流水白一點遠山青
漠漠荒烟遶萋萋衰草腥
傳烽遺戍鼓旅客正難聽
河

東寄密之京邸四首

辭家風雨近黃昏
老友三人出郭門
分盪小舟波浪急
晚投村館僕夫喧
關山雪後思寒火
問寺床頭盡酒尊
從此屬車塵太甚
已令歸思滿山園
射影驚聞涕幾行
獨驅疲馬入良鄉
聖明自念勞臣苦
悲憤翻憐孝子狂
僮僕四分多盜賊
饑寒一夜犯風霜
吞聲只望天恩重
客路含凄道路長
傳制承恩宮漏鳴
臺班館閣半諸生
袖中常滿天人策
座上應難口舌爭
舊有京官除一榜
乃勞吏道試專城
知君不厭長楊賦
天子同時浪得名
風沙漠漠一人歸
馬上春風送晚暉
齊魯舊荷今日甚
江淮烟雨昔年非
投徒異國行將老
養志山堂願不違
蕭瑟懷人亭上望
雪花飄落滿寒衣

金陵感懷四首

城上飛花在鳳樓樓前曉日照荒丘金張客亦彈無食
趙李家猶歌莫愁鶯嚶銀床三月曲人吹玉笛六朝秋
不知何以離鄉井食說長安索舊遊

五陵佳客自繁華靚女新妝入酒家無病豈堪依漢月
多情何事聽胡笳天高木落易棲早夜冷霜飛雁羽斜
不見秦淮秋水幾年桃葉醉仙槎

望得京師佳氣無風烟吹起塞通衢起居禁閣秦丞相
滌倒書樓漢大夫自咲匣中無寶劍何爲市上問屠奴
不如握粟從詹尹遊子遲遲出國都

麟麟車馬長安道落落簫笙年少行既死陳思誰愛客

枉逢叔度不知名平原處士能吳語下里巴人習楚聲
坐有豪家難唱曲市兒携手過南城

過陳龍媒廬居感賦

荒原古塚暗縱橫因岸爲廬斬蔓荆白晝無人山鬼嘯
青燈將滅野狐鳴冷苦侵骨還多病破屋經秋已漸傾
血淚斑斑露隴上至今春草不能生

爲錢幼光三十

憶昔從遊大父行松枝虬屈桂花香兩家子弟年皆壯
一代詩書澤未已纖絢不愁糧粒絕鍛爐共幸姓名藏
何能任達狂呼久聊與終宵盡百觴

送鑑在赴史摠漕之聘

最苦他鄉離別情不堪歲晚送君行淮南使者新開幕
河上諸州久被兵阮瑀秦軍無副草呂安交友重藏名
寒天遊子歸何日回首烽烟繞故城

邦上姜開先招入衍園作

參差石勢擁樓臺嶺上孤松覆水隈月冷曲池閒荇葉
雨飄深洞隱莓苔前林客過山初轉小徑雲歸鳥未回
意外薜蘿青到几海棠早已送秋來

淮南道中同友人旅思

十沙渺渺起風烟同挽柴車落照前麥秀漸漸明斷岸
柳花漠漠遠原田淮南風俗猶如故河上兵戈已數年
惟有惠連多逸興何期携手出江川

送童玄額持節監五省軍

漢廷曾說下牂牁橫海樓船霜渡河月夜初聞楊子樵
江風吹徹楚人歌相如論蜀詞何壯軍正行誅法豈苛
更有蠻荒思舊蹟勞君談笑解兵戈

客興

笳聲幾載徹中原還買盧龍棄塞垣葱嶺但聞張博望
金城誰繼趙翁孫年年春柳丁男怨歲歲秋風甲士尊
車駕渭橋猶未幸何緣亭障弛關門

餘姚道中

越水千迴繞越山長江如練出山間舟迎遠樹群峰合
月到深秋流水閒斷岸老翁驅犢返前村野修趁潮還

憐余行役流連甚空使顙毛草草班

春日雜興二首

官舍晨開四望迷門前流水自東西不知春事蕭條去
惟見寒鴉早晚啼日落松門人語絕風生石竇野雲低
閒來煮笋消煩渴還到東床學祝鷄

蘭陵春水接樓船兩岸人家隔暮天季子祠前雲黯淡
春申城上草芊綿松筠嘗贈一亭綠魚鳥閒依半畝烟
不識桃源今在否可無消息到籬邊

哭先大夫六十韻

有序

不孝自嚴君逝後心志蕭索廢格墨者數月季
春夢嚴君責不上誅不孝跪泣曰早不誅尊古

也然不敢不題拭淚爲之逾時而就嗚呼身足
道嚴君萬一也

天使斯文喪人悲大道亾聖朝思碩輔當代痛元良德
並華嵩峻名高日月光詞壇歸北斗學海老南陽七步
安能先三都未足揚譚經生錦繡揮塵出琳瑯瀛選先
英傑麟圖表殿廊七旬黃髮客五載紫微郎嚴君在仕
年宦況從閒局人情咲病坊苑林羞百草芸閣識孤芳
縷被空留月羅襦冷浸霜嚴君官詞有秋風吹微承明
初屬稿待漏卽焚章遊席登名士興賢報哲王上辰禮
爲體中不預項林體中
是年成進士爲名臣云懷來惟木簡歸去只縹囊宅與
西城近山臨北郭藏先生開鳳穴門弟集靈堂樹作龍

鱗老人含鵝舌香時何喬菴以尚書
郎授經門下云翼經垂百代煥史

豈三長但止明吾道何妨任世狂明君懷北海恩綽起

南荒進秩崇三老陳言矢一匡嚴君于天啓癸亥晉宮
論上八因陳時政疏

微臣五品祿天子萬年鵬致仕無文繡終身著浣裳衡

山何憐澗泌水日洋洋樂道寬適軸長吟響汶篁萱花

歡解佩裳萼吹分行嚴君事親太夫人無異孫夫人
事二兄撫一弟怡怡肅肅之貌

伏炊屢屢睢鳴起鳳凰孤高誼烈仲父叔父之貌諸
孤皆嚴君訓之育

龍首明時孤鶚翔四知存獨戒百歲守如常筆彩雖生

楮書塵欲滿床責躬惟有厚作法必於京壁立栖風雨

田硯鮮稻糧長年耳聾乏終日看滄桑憶昔辭丹陛翻

然駕彩航同安山似黛楊子水如湯歲月五湖內春秋

九子傍龍眠烹石髓牛渚贈松肪紫氣連關赤青泥映

洞蒼天都餐玉粒至人隱于新安天
都山嚴君問遊焉地肺沃瓊漿五石

樽隨運雙丸劍有鉞蓬萊九轉藥山海二升鐺還取無

生訣冥茲久視方因心眼何白隨指葉皆黃氈字消名

相花雲接混茫蓮臺安所事火宅是何鄉獅子三千座

維摩十尺房諦觀身若幻寧必老能康嚴君對佛
視死故云浩劫

根塵盡多生法蔭張一門三教攝嚴君有宗一獨體萬
論合三于一

緣忘川瀆爭歸海庭楹忽萎梁塗人知歎惜後學共傍

徨繼述無賢嗣聲施啓後昌不能新紫綬空守敝青綳

續史難勝任傳經竊自量鵬搏培羽翼賜息轉滄浪嚴君

自十宅安于周山命其形曰空嘆非騏足何時借馬當
騰池歸焉東南之水為滄浪白雲看目青黃橘適心傷難譜千秋業徒餘百結腸况
當離亂日淚血永相將

夏日滕伯倫明府招飲水閣值校書顧眉生李冷
香過訪其所惟馬雲中同方密之劉阮仙賦三
十韻

我見秦淮小閣傍錦衣日日擁紅粧初時凝就秋前水
取次平分月下霜鸞管遙吹雲乍起鵬絃初拂夜逾涼
纖纖不折園中柳皎皎還凌陌上桑豈有彩鈿侵綠鬢
何須紫耳映清揚弓鞋初製蓮花窄圍帶斜牽荇藻長
小子周郎來建業先生稽氏貴平康僑居買得黃金屋

名士都歸白玉堂號國專房元不妬趙家並帶且相稱

輕執摠領三珠秀錦障渾飄十里香鷗自忌機隨上下
鷗如相探在中央花前羅綺明當戶墟畔風濤響曲廊
酒政特司飛姬令談鋒申禁括空囊雙厄既醉堪封伯
九畹頻揮可薦王夏屋秋初歌子夜後庭陳亦笑前梁
鷗鵠未聽愁越鸚鵡能言想鳳凰三五抱琴君莫後
千千沽酒我先狂使君偶入羅浮夢國士誰分綺里光
未必無心開小社何曾有意傍高唐洛陽年少訴諸甚
鄴下才名筆墨良狗監人來依二妙鷄關客到亦千觴
往來橋上懷司馬出入河中為寄鮐肥水八千難共語
柯亭十六孰能商雜言紙上悲寥落大庸軒前獨忼慷

金盡不差人稍去楊陳豈厭徑全荒綠珠當日陪中饋
紅線於今在後房小琬祿豐猶衣白大哥髯美不鬚黃
鳴琴別舍留藜火篆鶴空階減俸糧伎館暫將開冷眼
詞壇竊笑當羶塲五湖知載多情在猶自依依戀帝鄉

古意
未向湖邊采白蘋流黃難識認難真不須更覩春風面
知是秦川織錦人

出塞曲二首
邊月明明照大營音書又斷白羊城遼東小婦吹羌笛
不比尋常出塞聲

誰在陰山雪裡行窟中飲馬又長征不知飛將何名姓

曾破易桓到柳城

王大初字以介一字定爾號願五順治丁亥進士授
翰林院庶吉士辛卯升國史院編修癸巳以
內外互用候外補辛丑補江西右叅政督糧道乙
巳以尾清怨期滿級公為文不脫稿有斐其辭方
文孝公賞識之稱入室弟子歲稔家貧傳經以供
井義官詞苑杜門讀書耻與時流奔競即黨遊不
一赴也督漕江右前政率與途視之公下車悉罷
荷細爬剔剔盡一時急公恐後有愧內史爭挽牛
車之風公餘課藝其鑑許獲雋秋聞者二十餘
人歸隱西園託寄勝味于里中吏治得失民生利
弊備傷直言不避嫌怨邑人德之所著有懷
堂集聯聯草西園雜錄學者私謚文靜先生

曉行

夕見明月生曉見明月落夜夜寄鄉思死轉照簾薄老
親當簾立太息何寂寞去年哭子季痛絕驚成瘧少婦
與孤孫凍餒將誰託滿眼看予仲多疾體復弱出入必

我咨龔知溫清恪富貴非吾願長年事緯絡母子永相依三公良不若一朝告親去倉皇走京洛海內盡烽烟遙知風土惡旅次費金錢高朋誰與約交謫棄弗顧兩子曠所學童僕恣嗜嗜老身難勉作出門悔汝聽還期杳難度展轉爲倚閭憔悴中如灼我心非木石念此動魂魄不啻陟岵安知懷橘樂西路幸安行遠音煩南謁何當遇子喬頓解利名縛歸來拋書幌獨采西山藥

南奔

人皆愛安居我獨一再出前年衝雪霜今年曝烈日問余何勞勞聲哽氣鬱壹有子年十五英英非凡質記誦博群書偶對習聲律窺日耽鉤纂下筆稱踈密數月不得見一朝化異物玉折蘭蕙摧何以慰遠鄉倚閭臣有母主聖遂陳乞富貴本浮雲溫清飴如蜜侍膳無珍羞持獻或棗栗歡語念平生嘻笑散愁疾長此晨以昏安事祿與秩一爲世俗牽母子永相失不孝罪可誅拊心毛骨慄出門顏未衰此計疑非實家書豈寐語默數已終七僮僕強寬譬鳩燕助啾啾創鉅凄肝脾骨立忘疹木晨起促歸裝長塗倦呵叱侯吏識姓名往來何倏忽不料北復南焉知凶與吉計程隔大河到門畏入室惟空餘卮匱音容仍髣髴屈指九年間骨肉喪將畢吾妻方踰笄遺我匣中櫛吾弟纔壯年速朽豈好佚吾父良厚施資志老蓬華一身逢百憂吞聲安能述吾母今

又逝吾兒永相驅死者如有知悲風動蕭瑟福極天命之彭殤誰能一哀來發長慨縱橫淚盈帙

獨坐

昔人臥東籬車馬不敢窺誰將陶潛意長安乃行之將軍多揖客廐馬無停期閑人竭紙墨從徒忍渴饑一日少倦厭罪積如須彌而我獨安坐欲適罕所宜伊人數不值歸來空蹢躅羸馬慚芻粟僕從恣嬉嬉迂性久共識無復鳳題楯益以遂嬾拙掩卷獨支頤媿非簪纓侶依然麋鹿姿歸問隱君子能無忤俗嗤

偶成

夕掩繩樞扉朝躋端明殿我昔曾羨之今人亦我羨點念額膏間誰從分貴賤旁觀曉夏畦人勞逸等相煎搏風與失浪由來須更變石暈木生癭取妍均非善有黨必有讐無的自無箭卓哉魯連子眼光爛如電

過東湖雪鴻菴同陳伯璣吳縹霜聽朱子石彈琴衆鳥喧簷楹晴曦逗前淑東西湖之漬唳唳雜鷗鷺出門逢二妙扶筇共散步劇談今與昔無懷見平素俯仰緬先哲蘇卿如復晤有琴挂虛壁客思聊可訴幽蘭萎空谷饑愁動遐慕夕陽忽在山紫綠相奔赴漁唱動晚霞短笛送孤鶩世態幻蒼狗靜觀饒逸趣坐久不欲歸嬾殘進燒芋樂此竟日閒天涯幾萍聚

擬古贈李其鹿

深閨八九女三五同筐篋及笄各有適靚粧何楚楚珠
帳耀金門舞袖飄雲舉經年罕相見懷人如羈旅一朝
聚華堂唱喝共爾汝此樂不可極此日不我與出門東
西去幽情憐誰語皓月逗園亭涼風散禾黍

讀張公儀五列泉志賦以慰之

北地有佳人淚灑長安路行道暫借問掩袂不能訴昔
時雙拱璧今爲草頭露昔時雙鸞鴛今作孤飛鴛悠悠
我心憂羞學邯鄲步再逢東隣女惓然相煦燠結交莫
言新破衣亦愛故玉塔空復清荆扉慎調護

南歸道中述所見

北走畏風霜南還當盛夏昔年苦戰爭頻歲豐禾稼綠
肅勸流移積通獨大赦烟村挂酒帘頽壁添茅舍麥穗
半登塲瓜藤已滿架園肥繁棗杏女情空桑柘傳舍輪
蹄頻成樓鈴柝罷人貧漸樂生穀賤無虞詐海內崩離
久樂此風景乍壯士好詩書健兒疲矚射民氣一朝靜
鼓車安所駕掃軒環竹柏勝詠永秋夜

閨勞從王莊舟抵臨淮水
浸其襟感之而作

翹首江南路到來轉趁起北路數見雨南方盡成滯汨
汨泥淖中僕馬各徐徐前驅去忽返不辨川與墟舍車
招舟子風逆吹我裾川陸路俱窮無計遂歸與閒步問
野老未語先歛歔沿淮數萬家水夜入其廬號呼震城
郭倏忽迷所如晨興炊烟斷周視浸里閭老幼百千口

如泛秋殘葉偶得挂木末力盡氣微噓高下種二麥辛
苦事犁鋤程程登塲圃洪波蕩無餘鷄犬走屋上欲幾
無薪樗生不逢堯天化爲蛇龍居雨止水自溢大陸舟
爲車往問垂白叟百年曾見諸天豈厭人滿用力殫爲
魚子聞三太息搔首空躊躇東南饒物產財賦實京儲
河伯沼以去半壁遂空虛深宮自高拱幽隱誰能撫從
古監門圖遠過封禪書寄言采風者目擊豈異予

遊齊雲山

我聞黃山勝道阻苦炎熇白岳差不遠終日風雨數及
此朝霞明扁舟繫其麓遙望杳靄間相戒徐舉足天門
一株楠靈異聞夜哭絕壁千萬仞珠泉挂飛瀑連巖出
山前爐峰立如鵠左鐘與右鼓翠屏橫稱曰日入林壑
曠倦遊各求宿山鳥呼客起樹杪散朝旭披衣俯危檻
千巖紛紅綠崔嵬殿閣開碧瓦映金屋中有銜泥像諦
觀須然燭整衣下階拜聖朝孰敢黷壯偉帝王居九龍
擁鳳輦蜿蜒從西來五老峰峰盡洞有羅漢影隱隱十
八簇龜蛇寶劍杵獅象橐駝伏天錐與神鏤摹肖何其
酷紆迴過洞天繞砌千竿竹入門禮真人百歲臥寒谷
一泉殊清濁方圓佈一六石床滑以溫仙骨尚餘肉二
三學道人揮塵鮮塵俗開窓寫黃庭倒鑄素白茯苓我
世中人此生無此福出門仍徙倚松風吹謾謾妙技有
同侶剝啄終一局丁丁雜泉溜飄飄獨煩渾仰笑招笙

鶴拍手謝蠻牖興盡揖山靈穿登鸞麋鹿回望烟嵐合
白雲自相逐

中秋日寄子姪

初經大梁道鷄鳴戒僮僕涼颺輕裾落月照晨沐盤
餐苦餽糲放筋忍虛腹不諳行路難豈知安居福離家
一月餘愁腸九回曲雖無五車書要使十年讀父師浸
以疎嬉遊誰汝督業精惟在勤技巧莫如素此道忌南
莽功深氣自足百鍊光發生萬丈驚人目但覺修乃來
駒空踴踴賦質有柔強得心無遲速盡人從寬假子姪
必嚴酷至哉汝祖言念之堪痛哭若輩苟不材予罪何
可贖

贈汪山甫

治業事遠征旦朝來老友劇談離今昔有懷難出口流
離已十年俯仰無一畝回憶篝燈時視子滋顏厚昨夢
君先子延予坐南牖勗以當早達老人能見否起立謝
慙慙自嘆時不偶夢覺增愧恨莊蝶竟何有嫫母與西
施易飾無妍醜破壁會有時伏櫪慎勿苟荆玉世所希
可寶在未剖

已卯讀書秋浦遇杉山僧默然似學道者月夕輒
訪之今復遇于新安渡口勞問欣然不覺十有
三年之隔也

江干愁潯暑茅庵風颼颼逢僧杉山來對月話半榻一
別遂至今彈指十三臘赤足汲溪水烈日披破衲行人
何必爾僂視笑不答相期卒不見孤坐空於邑

宿良鄉

驅馳一月餘明朝肩可息迢迢故園心悄悄風霜色入
門簡輕裝無喪若有得隣叟相問勞三年只瞬刻薪木
幸無恙舉觴謝卿力始至不成眠笳吹來城北

江南行

水堅岸圻河浩浩我亂河流淨如掃蒼涼古道少人居
狐兔白日走衰艸幾年兵火滿皇州太息勿復譚天寶
衝寒帶月多苦顏舉頭忽見江南山山前蒼松翠欲滴

山山白雲自往還山深常有隱君子吸露餐霞躡蹻攀
再四招手不肯出寒烟霜葉掩柴關君不見嚴君平垂
簾賣卜不知名又不見嚴子陵咄咄堅卧呼不磨吁嗟
乎古賢欲寄歷落多如此余欲箕踞笳傲柴桑里

鄴川行

大河南北渺茫茫斷烟野水何蒼涼鄴城百二屹金湯
巨室大賈皆多藏雕甍畫棟爛生光闔閭賔聚無空房
前阻黃河浩漭決北有漳水環其傍客至蘭膏耀華堂
上下今古生悲傷孟德當年雄莫當布魯紹述空猖狂
功成銅雀俯清漳蛾眉宛轉聲激揚陳思負才工文章
中郎築獻比虞唐倏忽懿炎起蕭牆西陵拱水無人望

昨夜西賊百萬疆縱橫秦無深隄孤城得全迎壺漿
出安知綱與常潏年山左滋跳踉塗公一騎遭屠腸
丈夫報國裹沙場挫威失計愛廟廊感時賈生太息長
補牢應須及亡羊遠謀肉食誰能藏客去歎枕獨徬徨
放歌行贈吳于廷

吳子之筆大如椽深墨倒峽輒數千猿臂將軍常退舍
如予偶著祖生鞭君家虛來子遠別號萬人敵如君登壇詎
不然君才過我且十倍追風歷塊何翩翩燕市對月時
相憶此夕搔首不能眠君莫彈鈇歌無魚子雲深湛但
著書青藜光怪貫霄漢南山桂叢難久居

放歌行贈陳季白

君年三十尚不偶天之待君非不厚伏佩件食古所
黃口乳臭徒增醜纖條頑艷無奇姿夕悴朝榮胡能久
神鼎自有百鍊剛劍成精銛耀星斗丹巖鬱鬱千尋幹
號風噴雪蛟龍吼古人致身不厭遲今人欲速惟恐後
逐隊如予已後人枵腹內愧空無有齒莽故業悔少年
典冊茫然十八九及今欲學心已衰况多外營掣其肘
神凝慮靜時又暇獨有埋頭對窓牖寢處萬卷餐百家
縱橫掀翻舊窠臼摧銳攻堅戰方酣得意欣然命尊酒
才老入世應無窮中有至樂各復壽俗趨俯仰等浮雲
古學淡泊垂不朽吁嗟乎君子常患三不幸此道未可
悠悠憑多口

寄贈吳來章

山居之樂不可窮况乃偃仰浮丘東浮丘有巖三十六
神鏤巧琢極天工蒼巖曉夕態百變往往雲霞吐其中
飛仙過之不能去人間亦有蓬萊宮君懷瀟灑出塵表
萬事一笑浮雲空買田築室山之麓欲使坐卧食青濛
君能愛山山愈好巖花笑與幽人通有時携酒臨白石
有時把釣追清風有時醉卧松竹下山月送我歸簾櫳
羨君適志遂能爾浮丘何殊龍井冲唐西獨省有家法
安知萬益與三公遊舟先生習靜龍井中山房各唐西自號獨省翁

元夕宿胡家庄

蒼涼風火後疲馬憩空廊粟粥充精飯羊燈市短牆酒
微霜到枕夢斷月窺牀客路方迢遞翻愁賦故鄉

西園

咫尺城西側地偏人意遐鶴閒能伏子蘭靜自開花石
磴清泉遶茅簷翠竹遮遽然午夢熟不到五侯家

廣陵別吳至之

毘陵燒燭夜如對冶城秋遲我陳蕃榻分君范叔裘孤
裝淹改歲迂道遶中州花事春郊好就書不下樓

聞蟬

紫陌宣厓久空階乍聽蟬淒清殘照外斷續早秋前稚
子經年別高堂計日憐殷勤青嶂月夜夜到桐川

暮宿儀溝

賈賤皆辛苦，群趨莫敢違。夕陽人影急，遠道馬聲饑。紅葉懷山果，黃塵染客衣。雲間新雁過，逐我夢南飛。

上谷道中念以存弟

忽憶篝燈夜，潛然感春錫。壯懷空碌碌，短髮已星星。生計惟三畝，遺書各一經。怪來刪杖杜，知我不能聽。

遊鄒園

玄徑遊筇續，因須二妙來。沿流惟絕巘，穿磴得高臺。古柏根全出，寒梅萼半開。憑欄清話久，微雨過蒼苔。

過福緣庵

斜日隱高岑，疎鐘出北林。此生居士相，多劫比丘心。已破還鄉夢，兼期入洛音。歸程先雁度，一棹定重尋。

朝出

初日生東嶺，賢愚各有營。柴車橫巷陌，金轡耀都城。驛路征塵暗，江干風浪生。故園堪散髮，因識古人情。

除夜泊舟梁溪，喜余石臣李尹清同飲。是日立春，盈盈碧水，錫山瀕泖，盡偏爭一日。春美酒吳歌來，好友寒燈曉夢，戀衰親却看古寺，回春草共羨漁舟。贈紫鱗遙憶山樓同醉者，無邊心事寄梅華。

喜吳虛來年兄自德水東寄

聞君半道寄書來，急取來書久不開。兩地愁心纔數語，三秋別淚已盈腮。西園空老無家客，東郡徒勞作賦才。回首毘陵疑似夢，驅車應悔到金臺。

別鐵山宗丈

對酒悲歌興不窮，滄桑滿眼任飄蓬。只知鶴隴需弘景，休問龍圖少潞公。五夜愁生燕市月，三春人醉廣陵風。臨歧盡有仙舟美，冉冉霜花萬壑中。

重九送施愚山門兄使粵西

飲馬金橋落日斜，故園回首已天涯。莫思舊侶登高處，幸有良朋醉菊花。秋老半山霏白雪，人憐萬里賦皇華。此生離合渾無定，望斷終南嶺樹遮。

西苑觀獵應制

西苑朝來紫氣橫，並宣將相出龍城。營開細柳驅三面，賦獻長楊壓兩京。御仗遙隨春霧合，歸鞍競逐晚霞明。侍臣共上升恒嶺，喜見銀河淨洗兵。

喜徐逸上夜至

經年不作端明夢，深夜忽傳星使來。燒燭捉衣冠復側，臨堦把臂笑還猜。人閒石閣長相憶，馬踏金橋幾度回。莫道駢駢凌曉發，明朝且醉草堂杯。

送郭臥侯之安定

一帆東下訪林宗，最喜燕臺數過從。餘子翩翩誇倚馬，使君落落到盤龍。彈箏峽暮春泉迅，振履堆前夏雪封。西顧一時聊借箸，相期長樂候晨鐘。

懷吳子遠

尋常贈客無佳句，獨有思君走筆真。但爲愁腸舒慘澹，

豈從詩律闢清新少年豪放仍如故當代循良第幾人
安得一罇同賸詠西湖招我醉青春

過齊山堤

猶記當年宛在亭于今秋水正盈盈湖堤只畫蘓公像
自古誰曾浪得名

繡毯

離騷點罷起徘徊且喜門無俗客來的磔齋前千朵雪
吾家只爲映書裁

卽事

屏花燭燭映簾帷柳絮輕盈入墨池白日却嫌容易晚
只看數首杜陵詩

秋浦署中詩

主人一去燕巢空有客重過似夢中獨立北窓何所思
打盡昏檠打簾櫳



龍眠風雅卷四十七目錄

木厓潘 江蜀藻艸

繁昌魏康孫紹問 參

同里姚士重効少

齊登元 五首 倪士賦 十三首

高文光 十九首 唐時謨 十首

王嘉之 六首 陳垣 十六首

馬懋德 三首 胡如珪 九首

潘士璜 二首 臧天格 一首

倪天樞 一首 方啟曾 十八首

齊永繩 一首 倪天弼 三首

高拱斗 三首 錢克恭 三首

吳德音 一首 戴耆暉 一首

何應珪 二十一首

龍眠風雅卷四十七

木厓潘 江蜀藻艸

齊登元 字君前天啟間諸生少而篤志問學博通墳

士大夫多延主家塾誦其子弟受其學其門人
以經學為大師子兄弟弱冠時曾受詩先生之門
每携一義輒舉揚不吝口說挾免困冊於校擬陽
市井蛆蝨成知節問為人草祝壽哀詩之辭購
請填咽聯佐未修而已先生志節耿亮雖遊春
神間嶽嶽不少阿其行誼亦儼然獨行之儒也

故鄉思

春風吹客衣春花發高樹陌上有紅粧行行不復顧遊
子久飄零等彼狂飈絮出亦無所之入亦無所附遙望
桐山雲山雲千里路有友不可招雙鯉空將太有家不
可問孤夢忽相遇蕭條發長嘆展書生憂趣起向閒亭
中悠悠成獨步

漂母祠

漢公未馬上非用王孫時壯士寧無日斯人賞獨奇識
先蕭相國膽壓魏無知今日淮陰道江濱也斷炊

邸事

楚水吳江十日潮旌旄百道翳雲霄飛鴻失路淒中澤
司馬連營護小喬橐滿金錢軍色壯野無烟火哭聲遙
可憐冠帶繁華地不見男兒挽佩刀

送呂子方季廉還里

送君歸去我還留西望家鄉幾度秋白下文章纔五月
建陵山水又孤舟客中酒須停權霜露衝寒細補裘

寄語堂前雙白髮頻年遊子思悠悠

祝何相國

什氣龍從滿帝京中盤天竺古先生虞淵日返梁公子
沙塞人傳司馬名靜裏著書酬歲月閒中訪道謝經營
只今天子崇耄老可任東山學耨耕

倪士騏

字君夷萬曆末諸生自髫髻至白頭治博士
制義遇其極意處張目勢高不與爲人語所作
每日暮歸舟立船樓上誦其文倚蓬扣舷琅琅然
受玉銜金階舟人皆相視愕然曰此何人也
其治未幾遂擢舉一遇老爲學官弟子手把一帙
如此先生以二月十五花朝日生自號蝶長詩非
其所長然與到筆隨亦有可采者其制義則會文
洛之功臣也

張侯蒞桐歌

桐溪清且漣膏雨隨車注桑梓依然綠子弟拋我本水
蛙上街鼓衙屋蛛網護父老五七人杖出草間路匍匐
踞階前腰卷語難吐捉衿戴破帽期期衷腸訴羣盜八
九年辛苦防守固朝出不夜歸雨雪孰敢惡巨室徙金
陵挾貲不我顧賊去太還來無襦況有袴連歲復旱荒
蝗重苦難捕厲鬼疫爲災餓骨半亾故府帖夏下縣胥
吏催租賦瘵寡守空房孤獨仰天呼賊勢逼臨城生死
誰寐寤蟠據各徂春鳥雀空巢怖枵腹拚一戰生命如
朝露死尸空自僵腥穢天地怒軍門馳羽檄官兵蜂蟻
聚高卧日推牛掠奪噉可還白晝挺走人楚麥委鼠齏

指揮倚兵符人民如急兔襁負散他鄉九關渺莫赴鮪

魚老命傾須更黃土付君侯銜命至王言大哉布此日
見甘棠召父忻再遇吞聲寂無言君侯淚如雨

同楊大蘭似登西山

獨坐西山下柴門靜日斜偶因紅葉落忽枉故人心
事憐同病登臨趁晚霞相將窺物理莫漫付長嗟

夏日呂泉

讀書宜淨地况復有靈泉棲鳥窺人意溪聲送遠天桑
麻輪老圃穠裝信逢年說道升沉事冥心愧昔賢

新安冬日同許思旦暨臣北姪遊河西十寺

高閣臨河迥平沙鳥篆文塔幽無寂響僧靜有溪耘是
洞皆爲佛無山不染雲衆中成一憩坐久自忘羣

初春貽吳魯士

道氣趨庭得清詞妙齒裁老從伸欠後喜共笑言開郭
外新雲物尊前舊酒杯忘年今日事坐聽起春雷

鄧東之留飲

風日高秋勁盤餐出不虞舊交無淺意新賦屬愚夫白
髮蕭蕭在良朋歲歲俱如防騎馬滑拄杖或相扶

夏日復過葉以韜山莊留宿

平生耘植意復此飯胡麻驟雨溪虧路高齋天養花劇
談藏短劍小佳樂山家半畝方塘下何年學種瓜

入山懷鄧毓之

身等飛蓬命自輕干戈阻絕見交情但將瘦骨攜妻子
始覺窮途仗友生滿谷白雲招隱遞岑樓朗月憶嶠嶼
知君念我難爲別遙望山頭古木平

望梁山因憶舊遊

峭石嶙峋據上遊長江遙望控芳洲兩山對峙如天割
萬派中分似練浮僧住洞天能壁立人過危磴有烟留
回思結伴登臨客雨散星零起夕愁

喜齊仲良維木歸自豫章

芳樹陰濃日正斜故人報到自天涯但將醒眼尋殘卷
忽得同心共晚霞亂世干人難乞食老年對友即爲家
從今三徑差堪掃莫更遊泛客槎

龍眠風雅堂記

夏日過李未盡園居時已膺保舉之典
就荒三徑事多違僻巷編籬自啟扉長夏閉門交總廢
清言高座世全稀自憐阮籍偏多哭見說淮陰不久饑
持釣擬將投老日坐看新燕掠漁磯

旅次寄內

昨年出門太穉子泣牽衣芳草依然綠狂夫猶未歸

過嚴子陵釣臺

石自嵯峨水自通千秋人喜弔遺風漢家無數勲臣績
收入烟雲霧雨中

高文光

字右國一字綱生天啟中邑諸生賦性樸雅
恥事奔競爲人詳視緩步而峻削骨立如不
勝衣因自號道隱好讀書漫古經奇孤情絕照迥
出流俗之表家貧授徒爲生所至翕然師之其教

人子弟誦讀諸寶口有程要制義務領與標新力
矯時文熱爛之習家于浮山之麓距子山莊一牛
鳴地子每以觀獲至其家衙門兩版松檟蕭蕭真
幽人之居也有酒德飲可一石文酒而外問一吟
咏不以示人自娛而已仲子華從子遊力學耆古
有文風手跡我遺稿一帙又爲子言其舅氏王岐
遠盛有篇什亂中
散佚今不可得矣

古意

梅花香飛雪榴花紅飛血空房花不飛只解長閉妾妾
閉在空房更長恨亦長時時兩行淚刻刻九迴腸同行
幾女輩無人解妾意小妹最知心知一不知二天兮父
母兮妾身命所爲妾命既不薄胡爲生此時

託菊

秋意滿苦蕾含情露中宿亭亭不數枝可以滌煩惡當
其吐英時值我告歸促西北佳人誰盈菊任採服村童
恣頑冥忍爲花神瀆護持託賴君昕夕一寓目幸留清
傲姿待陪秋士獨

哭孫坤動

吾孫乙巳生五月十又五值予年六二欣喜達肺腑直
方以大名字之坤動甫既取符吾齡兼用蘓子語生時
不數日便欲依祖母祖以孫爲茲孫以祖爲數如影不
離形如卒不忒伍孫衣祖始衣孫哺祖始哺事事取孫
權惟恐與之忤劬勞歷四年乃爲痘瘡苦初來甚平順
九日略淒楚越宿遂難救蘭荃竟摧腐孫生雖稚弱靈
慧家罕有念我世讀書得孫應復久况孫大言笑儼然

類高祖今春相孫背亦與高同矩玉樹正英森倏忽遭
風雨魂今何所之魄瘞西山土祖母泣成血子益悲門
戶思孫聲琅琅詩篇雜今古見神必參拜遇客躬僂僂
學僧頻前經教劇亦屢舞應對無辭喘笑罵隨喜怒造
化護犬豚英物獨先取我欲汝齊彭有言在宗譜

老女吟

入宮見妬出塞無媒父母生我何爲哉老女辛辛苦苦
說來人鬼蒼涼年年偷製嫁衣裳大寒龜圻剪刀不離
手盛暑汗漬機杆猶不斷流黃纖纖巧手勝針神如何
薄命不如人東家女兒髮如兒公子王孫百兩迎老女
生來髮覆地空鎖幽閨理雲髻西家女兒色黃鶯豪門
大族綵絲牽老女花貌姑射仙肌膚綽約亦徒然吁嗟
蕭艾敷榮摧蘭蕙莫耶不割鉛刀銳雷鳴瓦缶黃鍾瘞
老女不嫁無家計

寒食

寒食他鄉客今年亦偶然貧偏逢米貴老不斂書綠柳
外風吹雨河邊雪作烟關心存沒事遙在暮雲天

閭華兒所寄近作

文章三世舊膏火一身親努力承先志鞭心入古人不
妨山鬼泣要與謫仙隣莫學邯鄲步勞勞逐後塵

甲辰閏六月十七夜睡起

卧覺驚窓白開門步菊叢宿林無舊鵲吟砌有新蟬坐

久繁花靜心清一水空梧桐已落葉何處問金風

失題

兀坐茅齋似閉關不臨流水不登山厭看敗局爭牛李
喜誦新文役馬班日下風流驚日下雲間詞賦出雲間
論衡正欲留克秘搜去中郎恐未還

日暮草堂後望浮渡山

家近浮山不到山每瞻山色一開顏烟巒淡淡湖天外
雲樹蒼蒼鐘磬聞退谷記文粗有致半窓詩句總無關
何年償盡平生債遙勝閒中一筆刪

農歌

一時和唱後先齊來去苗田幾杖藜手快不遑輕按拍
響高常似疾驅犁酬殘欲太憑畊鳥聽倦忘歸任飽
日暮暫休束作苦傍簷猶有數聲低

雪徑

膝六山蹊寫篆文高天寒雁一聲聞驚回半夜風前凍
掃去明朝霽後雲遙望千崑清有迹不愁萬頃結無分
剡溪且住王猷擢爲可騎驢訪戴君

曉窓

下帷盡日不窺園晨起凭軒望五原泥露薔薇鮮可掬
龍烟楊柳翠難言山排爽氣橫當牖月挂餘輝倒射門
滿素縹緗猶睡眼澆書淺酌莫傾尊

擬古

從未一交言却如夜夜見亦有情好久翻猶不識面

中秋子夜始月二首

好月雲籠住雲中祇自圓恐傷遊子意不忍到堦前
偏是雲難護中宵始見圓應憐人在客爲一照窓前

夏日書懷

十杯五杯適趣長睡短睡全神隨意數篇詩史信手幾
著楸枰

偶感

陶潛五斗猶辭去王績三升亦強留常恨魯元無禮設
稷生何事不歸休

齋前小橙樹枝頭戲綴黃花

小園橙樹綠枝杆黃菊粧成幾朵斜雖然不是同根蒂
猶勝隋家剪綵花

丙午秋仲偶作

平生面壁成何用此日敲門事已非桃葉渡頭終古月
任他斜轉石橋西

大孫坤動既天次孫坤至貌粗濁吾處書種斷矣

歲餘頗好紙筆予大喜曰時所公一燈此其傳
乎

大孫頴斷小孫成外貌雖麤內性清把卷時來窓下立

啞啞也學老夫聲

唐詩謔

字孟嘉崇祿初諸生時中外交託兵餉兩匱
雅欲及鋒而用肝衡抵掌討論古今成敗興

亡之故如數一二不得志于科舉則入青油以自
牧史相國出鎮維揚辟爲記室高文典册成取資
焉又嘗佐孫餘寇司馬之幕蕭然布衣
無所干請士林重之有貴思堂詩集

夏日午睡

不作雲霄夢于今已有年卧山情覺穩嗽石志方堅毒
氣蒸空際微風到枕邊婆娑書在握目倦漸成眠

冬日歸舊山迂道過查林寺

踏濕尋岐路陰雲渡小橋待看山寺古偏訝野田遙
見林谿轉旋瞻棟宇高寥天惟幾樹霜葉未全凋

秋山獨坐

北風吹鴈急山木帶秋容菊到寒方秀楓經霜自紅
高天連野淨林月蕩烟空骨月如相憶知予卧遶峰

某方在檀中丞

方叔今元老荆襄勒壯猷已酬騰閣志可任蠡湖遊
秋月頻移權春風好繫舟丹鼎題徧處我正滯林丘

春日同李未盡郊行過五印寺

四野舒晴色尋芳結伴遊澹烟籠遠岫嫩草發荒丘
板靜城花放泥香燕子收遠公新復社坐久欲淹留

客有詢予維揚舊事者答之

丞相新承詔元戎獨視師威馳江失險電掣燕初移
萬馬屯雲暗千帆扼海遲爾時典書記秘密許誰知

舒山人爲予寫真

梅天膏雨綠陰濃儀雀巡簷鶴步風閉戶惟彈憂亂淚

倩人爲寫帶愁容衣冠敢自違新製兒輩還能識老翁
他日裝成示孫子先君遺像倘能同

送恭順侯吳賓宰招撫粵東

營花百粵阻春風草檄臨軒策上公舌帶劍鋒如陸賈
談銷兵甲勝唐蒙循崖無復慈元殿到海惟逢賣藥翁
嶺外尚存銅柱在只今誰數伏波功

澱水署中次韻姚經三

荒城五載任淹留多謝君停解客愁羸老夷門難作監
憲貧環堵賴常贖待酬知已終無術欲哺饑見幸有秋
蕘桂故園花正放君先歸控紫驂驕

澱署新涼

雲漫荒城秋自新雨餘殘暑氣將馴翻空燕太尋來路
依砌虫鳴近旅人羅袖香飄初罷扇天河影沒淡拖銀
廳殿涼夜驚鄉夢好賦歸與守舊貧

兀坐

字述山篤學悖行鄉里以長者目之著有長善堂詩稿

朝朝惟兀坐問我欲何爲林暗歸禽早山深得日遲苦
辛羞筆硯在再負鬚眉痛飲牢騷甚狂呼不自持

贈劉起莘

江北風流少憐君負性孤舉杯期待月逃酒便投壺細
水斜穿砌危峯半壓湖吟成清嘯發自與俗情殊

咏梅

萬木蕭蕭落幽芳撲面來知君多傲骨著意向南開

山館閒咏

落落行藏孤館蕭蕭風雨三更多夢多醒旅思乍鳴乍
咽溪聲

自遣

入世方知逃世淺定心不羨定居幽異鄉有月長爲主
城市山林無兩秋

秋夜閒吟

一溪浪擁一溪岸萬木聲高萬木秋新月快來沉水底
遊雲好去卧山頭

陳垣

字子垣崇禎初諸生性孝友淳雅好結納賢
衆多長者之遊家貧喜著書窮日夕營勤以

陳垣字子垣崇禎初諸生性孝友淳雅好結納賢衆多長者之遊家貧喜著書窮日夕營勤以
所不許輒形于色雖賁有弗能奪也既以家室中
身玉立和易近人然居恒責備行誼靡切憂
地從其友方還青遊雲中上谷間所著槐能堂稿
里南論年而卒于垣于制義沾沾自喜草書學張
芝得其筆意既壯始學詩亦不苟作晚生一子燮
夫人撫之未及成立而母又喪子與還青芥須各
爲詩哭之令其孤已生孫矣
其足慰也友于地下否耶

泛舟遊石谷蘭若歸過金華寺

策馬出郡城漢江三里地畏暑須及晨及晨日已至舟
小無戶隔竹簑連船被此行航遠眺踟躕亦何爲船頭
鋪片席少長任起睡無計却炎蒸張蓋庶少避順流不
數畧舍檝復乘騎岡阜綴荻蘆不減江南意蘭若在山
阿石谷古碑記余性喜談禪此會良不易惜也僧鄒陋

不能明大義林木陰交加山風當午熾司馬攜旨酒乘涼恣一醉日夕牛羊下再過金華寺洋川李吏部片簡祭無始及早看白骨令人起長喟身老逐飄蓬未割妻孥累

遊漢臺同方還青郡丞作

漢臺亭子三兩處傍隣民舍前官署老桂森森列數株榴花當夏紛紛除我偕方子遊其上漢江萬井雲蒼莽西者王居南者侯第宅無常任來往吁嗟乎此臺至今千餘年漢高先主幾流連拜將封侯畫疆土巍巍事業委荒烟韓葛諸公祇自悲勞勞雲棧亦奚爲俯仰憑弔多騷客慷慨歎歐壁上詩寄語江南馮太守問道七星今何有此乃其一亦依稀憑君題勝在門首上日風道

巢鳥

可怪漢中城頭鳥秋冬巢窠夏江湖或言夏至避炎熱吾謂此鳥類雁奴春去秋來南北道間關寥落歷崎嶇但能盡室從于役何似漢南作客孤作客孤傷懷抱露冷草衰鳥知還行人獨坐悲秋早

冬懷

女兒纔五歲歲隔長途念父知留食迎兄慣引襦針邊初試線掌上久名珠小弟學言語窓前阿姊呼

元宵

漢川燈火盛大半是兵家虎帳聽梅落龍樓看月華歌兒爭勸酒鼓吏急催花旅館三更後驚鳥尚繞衙

哭左子忠司理

屈指君方壯傳聞恐未真兒孤扶觀遠母老泣家貧舊咏存私篋新詩寄故人遺文應可得仲季本敦倫

喜僕至

忽報奚僮至相逢正病餘菊華便望爾梅發始迎予况瘁客中路殷勤囊底書平安今日到驚喜復欷歔

已亥元日

浣手拭香烟平安祝遠天家貧求有歲客久規添年漢水今猶昨桐山出未還何堪新曆日數數輟成編

耶陽清明

秦山自北盡楚水向南流芳草荒荒岸疎楊綠古丘村入競祭墓客子阻行舟兩度清明節家園未一遊

漢川

漢川環古渡斜日照孤城漲落水痕在蔬稀草色橫村醅懷故園野老話前程頭上雲多黑來朝恐未晴

遊大乘禪院

小舟維漢口散步到招提編竹門長寂椿隄柳半齊誦經聲亂鳥移蔥葉拖泥坐久清鐘歇烹茶進棗梨

憶石門

不到石門已四年萍蹤飄泊總徒然半山瀑布應如舊

滿架薔薇料勝前別日頭陀今漸老佳時方丈已他遷
迢迢泰嶺思鄉夜安得松風一盡眠

立春

元日纔過春又來老梅苞萼傍牆隈官衙有興傳花綵
客舍無心問管灰盤出青青新剪菜堆鋪片片舊沈蒼
居停此日黃柑酒昨夜曾經痛飲回

題鸚鵡祖師面壁處

大江迎面可參禪寂寂蒲團向壁邊行脚多年仍是業
拈花盡日亦爲顛空山片石容消受古樹層雲任轉旋
我欲皈依跌坐處清泉一勺至今傳

哭門人方公敏

別時爾我皆爲客半囑衙齋著作勤每恨南天無寄訊
誰知北道有凶聞楓扶野店澆邨酒路過荒郊哭草墳
地下若逢高與挺挺之遂高皆子門人俱以英才早夭竹林花萼好修文
潘大蜀藻以詩寄懷依韵和之

燕塞秦關俱遠道衝風冒雨拂征衣頗知作客方方苦
無奈居家事事違稚子關心頻墮淚故人分俸免調餞
多君雪後懷天未讀罷新詩興欲飛

馬懋德

字爾常幼穎敏讀書過目成誦世父太僕六
初公愛之每寶其必真座側俾吟詩歌以侑
浮白年十五即補博士弟子工趙文敏書法與同
里齊維藩善嘗曰齊生藝術經一字似似古人子
必二三字始似齊生過我遠矣又誦齊客夜人干
里江樓月萬家之句自遜以爲不及後齊登賢齊
官樞部遂疎音問日大七夫不能拾青紫自立功
名徒與貴游往來適流之惡耳既老猶授經盛唐

山詩酒自放門人劉鴻儀輩從之遊病足
數年而卒有鈴山堂詩亦散亡不多見云

寄懷黃荻諸子

却憶王童子逢子指路岐解憐來客遠便引報君知榻
下傳柑夕筵開泛月湄祇今憐風好不忍負前期

夜思

歎意高枕夢初闌不願聽鷄唱曉寒多病祇今憐皂帽
避人何處理黃冠繞林楓散霜千樹近浦沙明月一灘
回首十年無限事起來磯上把漁竿

感懷

只解臨安弄酒卮那期兵散廣陵時無人更上金城策
有客空歌玉壘詩片檄星馳何處駐孤帆雲捲復誰知

鍾山回首應猶近不到匡門大海涯

胡如珪

字子允順治間貢生少賦敏悟氣岸高舉爲
文章驚才絕艷不屑寄人籬下嘗抗顏坐集
北生徒如牆而進疏疑釋難說經義莫不隨衣
裁制各賦其求戶外之履相錯也授官浙江臨海
令鍾索強字弱小善政流聞以
疾卒于官櫓未大究其用焉

望燕然

策馬燕然下長歌弔昔賢亂雲中出岫百里外無烟石
豈武功著山因文字傳班家好兄弟強半出關前

韓信談兵處

漢代一人傑千秋兩婦奇飯君淮水日給爾未央時總
爲多多善還看將將誰當時兵法在談罷竟誰知
初抵上谷飲還青方二署中讀出塞吟漫賦

相思不見各潸然得得相逢似昔年抵掌談詩官味冷
論心翻爲故人憐春深不止塔前草夏到猶裝衣裏棉
日笑寒郊寒微骨移來此地點寒烟

廡怨

一櫺簾幕五更愁兩地搖搖未繫舟茂苑自憐常作客
玉關幾見卽封侯厲韞就手知難脫兔窟何心好自謀
昨報東方千騎出思君早已到前頭

賦得御堤柳送周松崖侍御謫通海

御堤楊柳拂行旌折向天南贈遠征哀怨度聲羌笛管
春風吹絮漢家營烟暝上苑鶯啼合色暗高臺馬去輕
君到南中自留滯五株高卧絕逢迎

巴東道中

香魂吹轉杜鵑風嘆息離居憶斷蓬長峽獨逢梁苑在
遠峰思與故人同荒臺立馬愁神女亂淑流花下楚宮
夢裏一聲猿嘯落暗隨雲雨過巴東

叢臺

閑閣鐘情長綠苔蘭花蛺蝶使人哀瑤臺夢去隨朝雨
綺騎書回夢大雷折斷柳枝琴裏續落殘梅蕊笛中開
無人爲返關山戍黃雀悲吟不可裁

得時字

簡長汪年兄以歸別之先一日買菊置舟中分韻
手挿東籬未有期千錢買得慰相思香分艇子添秋色

話到花前正別時共擬幽蘭堪作佩却同芍藥喚將離
知君應是林間種不假遊人漫賦詩

虎丘吳翁素精岐黃之學今年七十葺菴山中以
掩牖爲事長公乞言壽之爰贈一章

新翻貝葉舊青囊叩得空王卽藥王女子知名逃不得
生公說法老難忘杏林香處通西竺祇樹林中護北邙
夜雨青燐無鬼泣可知生死仗慈航

潘士璜字鳴璣號古巖順治己丑進士初授浙江東
陽知縣時寇氛未靖馬達知移鎮金華防弁
爲民患公力請當道連撤數員民以安枕居官踰
年囊無長物去之日至不能辦歸舟士民歛錢以
贈而後得行其
清貧可風也

過譚友夏里

千載憶寒河輕船望辟蘿變風當代尚大雅竟陵多
颯看蘆荻蕭蕭老菱荷嶽歸堂不遠烟雨咏相過

我翁接輿祠

天半饒尊宿清風揖楚狂蒸嘗冰雪淨廬舍薜蘿香大
澤歌聲斷高山鳳影荒爲窮千仞羽一逕白雲長

臧天格

字壽平順治乙酉舉人少穎慧絕倫博問默
識家貧至鬻衣以給體病貧從師惟恐或

後甲乙之間與于輩僑寓白門爲聞鶴之會日構
五莠壽平後至文不起草吮毫立就或難以再作
則正屬稿如是者至三至四燈地爐猶猶聞春
食菜聲雖擊鉢刻燭之敏無以過也明日遇諸生
則口誦一字不謬其強記如此聞諸生下第
新桐引謠嫩柳含風極爲士林所傳誦丁亥下第
歸數月辛卯二十有三壽平天姿通朗有兼人之
智使其其加以鏤礪詩文皆未
易才也人不可以無年亮哉

漫題

花飛白雨柳條黃
山色重重上夕陽
春去春來春不解
愁心偏似柳絲長

倪天樞

字臣北號香坡順治癸巳歲貢崇禎末流賊事採輯通學博學明經傳學田佐海上用兵率士民協守外新橋營有固圉之功歿于官舍崇人至今思之有祭墓集二

寄懷方爾止白下卸送其授經淮南

江頭送客客心遠
想到江頭花正飛
鳩性久憐吾道拙
魚書近與故人稀
不堪白鷺洲前別
倘得雙龍橋上歸
滿地風烟何日靖
望中春色淚沾衣

方啟曾

字聖羽號椅軒崇禎癸酉與先從祖次魯府君結社中江柳主齊盟同學如汪應洛人文

雨夜坐諷書懷

微膏續頽景危坐
待華旦孤懷抱膝吟
殘編足展玩難
字每相阻疑義如有畔
室人進茗粥破倦鼓餘悍
悠悠夜何修微息子方半
風雨變陽和淒涼增永嘆
起步益單衣漸覺晨雞亂

登城山感舊

子三十年前讀書處
不為移文至攀臨
動遠情少遊如夢路
替我似前生雙屐綠
羅捷單衣振策輕
山靈相對寂猿鶴
復何驚

王子湖雜咏二首

廡寄蘓門宅囊携工部詩
窮途真仗友修屋喜留師
溪柳園書幌秋花綻
竹籬豈圖顛沛際猶有笑歌時
廣陵東近海風草亂重園子
夜燐猶照空城雀頓稀
居官原是寄避地
可如歸櫓隱江天渺誰爲假翼飛

贈李芥須四首

時將之西江訪舊道經樞陽
不見李生久狂歌
又十年鵬鷺曾幾醉
鸚鵡更誰憐老友
亡龍戒那別署
前身認馬遷
餘荷霜被廣尚瀝酒

家錢

不見李生久賢星
偶應占跡疑儒俠
併行是惠夷兼健
筆花常爛新詩律
更嚴爲予偏說項
過量畧無嫌

不見李生久傳經
古霍州調高千古
雪題徧六城
秋中

聖同徐邈連年下榻六州徐太史家
談天奪魏牟
龍眠歸未幾
又泛

子猷舟

不見李生久頭顱
亦漸霜依人寧減
傲翫世總能狂長

缺又焉往扁舟何
太忙江程風鶴警
珍重賦滕王

與胡常之季廉話
舊卽送其還蘭溪

論交不比市朝新
話到滄桑俱古人
三肘豈妨懷舊寶

一官聊取置閒身
同被短髮迎霜雪
各敝初衣染劫塵

問道已經予較早
苜盤雖淡頗宜貧
時常之亦乞就學博

河北旅懷雜咏

布袍終日犯風沙
此度間關億轉加
授粲雖逢賢地主

題詩空占老生涯一聲雲際察新雁三匝城頭繞暮鴉
秋盡河流知漸歛可容歸客俗星槎

來從孫君則

青山山下有先廬峰靜溪深與世疎石屋時傳清磬響
草堂長共白雲居有孫足拭西河淚養母休資代舍魚
垂老出門無一可駐顏還讀養生書

樅川漫興雜咏四首

夾廟西頭傍古臺卅年前從先君居廟後街射蛟臺下先朝曾此咏南陔

夢我永結終天恨肯荷空延暮景催亂後携家經十徙

天涯浪迹得重回一枝還向臺邊下咫尺愁看舊草萊

永豐橋畔巷溪深小築移家稍稱心背市市喧能不到

看山山近得閒尋有時寺閣邀僧話提乘與書臺忒

獨吟山谷詩不是老懷耽散誕秦灰漢劫幾銷沉

吾衰懶拙自謀疎乞老貧難越里居患氣所需惟枳木

徒行不可有籃輿幽尋慣飽田家飯借閒常窮市肆書

隔岸龍山寺未了徘徊倚杖欲凌虛

歸休晚節合林泉今傍屠沽亦偶然布襪青鞵聊混俗

濁醪粗飯足餘年雙眸遙矚千秋上數齒連崩一月前

老去不知來日事鴻荒再闢豈無天

八十初度口號三首

回首從前判古今那期貧病復相尋多男翻遜榮期樂

何堪能酬向子心偃卧隱蒲封徑久婆娑映柳讀書深

自慚碌碌年空長清淺迷池幾陸沉

寧大雙丸去似馳殘生觸暑又當期園瓜始摘除青蒂

湖菜新牽剪碧絲金盡床頭惟枕易簪抽架上獨簪醫

八箋浪說尊生訣雖老終非力可持

晨星落落故交幾一木孤撐風雅壇天未喪文何敢死

老期問道強爲懼龍鍾搖曳節相仿鳳吟研磨墨未乾

刪定平生詩萬首編年佇俟賞音看

齊永繩字惟木與兄永質寧侯永表仲治俱畫聲譽家風者歸焉伯仲資志早歿公亦慨寔貧困以死

李士雅字雅口授詩一首猶覺典刑去人未遠也

李士雅歸自粵東

嶺海遊人患難歸聲音雖是面龐非眼邊尚有桃花淚

身上俄被衲子衣爲說卷明居貢水可憐炊白過彭磯

許多骨月蒼涼事鬼哭鵲鵲白晝飛

倪天弼字右臣少舉螺阜公之伯子順治間以歲貢司教旌德衰衣升堂多士競奮年七十餘卒

于學宮詩文皆有全集惜不多見

別門人王建希兄弟

授業烏衣巷雙珠數二王笙簫非絳帳絃誦有青箱花

尊家聲盛池塘詩思長預知三載後拭目看騰驤

贈洪浪上人

石幢曾有夢此日間津梁山色傳清淨溪聲出廣長枝

頭梅子熟窓外木樨香婚嫁何年畢同來禮覺王

贈韓爾侯

集 98—634

十車閒開水竹居高情真與市城疎幾年絳帳曾傳業
此日青藜獨著書澤羽久知山隱豹垂綸莫嘆食無魚
上林簪筆應相待落拓何妨賦子虛

高拱斗字右其別號也史郡諸生其自序宗譜云皓
嬰平生無他志惟好讀書與人言孝弟而已

舟泊天壇

前帆時隱見空翠帶烟郭人民是郊壇帝子非朔
風吹野火荒草照斜暉無復歌離黍低頭淚濕衣

南歸舟中遇雨同陳常于榮爾王宋茂初姚駕疾
天涯踏蹕不歸舟鎮日江干怨石尤典盡駙驢家萬里

夢遊蝴蝶夜三秋船頭問酒須謀醉橐底無錢祇買愁
倦倚篷窗趺坐久一聲孤雁思悠悠

錢克恭

字亦友崇禎中邑諸生少力學工制舉義詩
古文皆為吾黨所推交遊悉名公鉅卿所至
爭折節下之及門高足如何司空大潑之子授
利諸中秘山以東稱錢夫子文章行誼弗去口里
門後進賴其成就者又不可勝數晚為龔大宗伯
重客將以明經貢禮部而卒以父墓前有雙峰四
自號二峯居士云

重陽前二日夜汎西湖和張虞山韵

山晚湖天合秋高一雁聞月纖西子黛風縐小姑裙酒
政中宵劇詩情向晚分烟光籠醉眼四望轉續紛

雨中汎湖

菊風香霧裏一櫂入雲天堞沒千家雨山迷萬樹烟
氤連海市歌吹隱樓船安得聞公手還將清景傳

雨中登吳山眺錢塘江和許子位先輩韵

曲磴嵌崿湖水清驚濤猶撼越家軍人家近遠烟飛綠
海口高低浪湧雲得意應傳洪谷畫臨風還憶聽潮文

客懷盪入空濛外欲挽江流洗俗紛

吳德音

字式昭原名德基字宜民予外祖翁謙公之
子三歲失怙育于嫡母張太君保抱調護倍
至甫就外傳又娶母能自淬勵攻文史有道
四仰其騰芳苑既稟邑庠行誼嚴肅以功令
止不果康熙己酉復命舉行猶記歲暮時舅氏
之何子外祖翁色喜南須微花旋旋露傷如
夫于而皆不得大年舅氏亦未及五十而歿天
其可問耶舅氏不求工聲律偶因吾母便道經
過賦詩一首手足之誼老而彌篤可以風已

懷

伯姊潘夫人每過方甥當時宅必經予家賦以言

有姊行年將七十鶴髮蒼顏常嗚咽予也少姊廿年餘

追攀亦覺老將及傷哉姊弟止兩人言念先人相對泣

老年同氣意更真姊氏有女居城闔吾姊愛男兼愛女

留居動輒經浹旬惟予世居新豐市來往何分暮與晨

期姊中道常相過家常一飯亦情親

戴耆聯

字映中萬曆末諸生順治甲午例舉鄉進士
未及期而歿公積蓄弓裘早輩獲施生平輕
財好義喜惡人之難或代友信稱久莫能償已
產酬之甲戌民亂火及廬舍嗟以救焚為名掠其
費而去事定或遇之曰吾嘉其來之初
意耳轉念固不足誅也其長厚如此

寄懷居停主人

聚首年餘忽別離凄凄落木使人悲曹公雲樹難分袂
董子春秋暫解帷風至常懷徐榻誼月明空動庾樓思

殷勤為問亭前柳似披襟坐話時

何應珏

字待卿號道崇方伯虛白公少子方伯服官

然寒素篤志綴學所為文皆粹然儒者之言崇祿
壬午一擊副車不中順治戊子以選貢入對特授
河南歸德府推官政尚廉平務於煩苛得人體時
方急塞河之役民困于夫柳轉輸折於吏終為奸
公為酌遠近分多寡重困以紓常路知其才數尉
薦之隨縣平進轉平涼郡丞無何遷黃州太守
益尚寬簡與民休息黃稱大治會已西賊戎軍書
旁午公躬督夫役時其芻茭軍輸賴以無虞其得
民者素也冠平方論功優叙以屬令遠近連染被
誣遂挂冠而歸公為人恬淡溫雅生平無疾言遽
色自士大夫以及兒童無不推為盛德長者
卒年六十有六學者私謚惠述先生君子以為直

雪堂雨中移竹

我來水署中傍齋有茅屋幸無纖塵侵子姪携書讀開
徑必須溪指籬嫌其禿我向眾人謀何不種梅竹梅花
寒可耐竹葉色常綠不愧君子名可娛幽人目黑雲沉

西山霖雨後東陸起此陰雨中爰命土功築遂使雪堂

中蕭蕭成林谷坐此秀可餐卧此色可掬但得常坐卧
何妨食無肉憶我南村莊千竿何郁郁思彼凌霄節應
晒宦途俗幾時歸草堂與此君共宿

晴川樓

日落漢陽暮秋出漢陽早老樹蔽嚴霜得得蔽秋草千
古此芳洲一望盡稿稿豈知凭弔客對此傷懷抱鸚鵡
去不來鸚鵡名猶好如何作賦人天地不能保回首倚
高樓黯黯向清昊

觀陳簡菴作大字歌

嗟乎陳子少年稱大儒不願學劍願學書長匣短笈秘

奇帖信腕臨摹多絕殊偶然看山渡楚水自攜妙筆松

花紙黃州作守愛風流招到雪堂窮其技筆歌墨舞雲

霞生淋漓閃爍鬼神驚有如公孫大娘之舞劍有將

軍馬上之用兵頃刻千紙追漢晉銜杯落拓忘霜鬢為

言一路意氣豪驛樓野寺書題盡君不見蔡氏八分稱

奇絕曾錄五經人動色又不見張君醉後草聖傳髮濡

墨澣王公前當代如子誠亦少蹉跎莫便山中老今日

有酒須共傾明朝又逐春風道

故宮燕

楚王宮殿插天起人蹤不到到燕子燕子雙雙繞書梁
飛來飛去帝子傍春風柳絲巢無阻秋雨花黃雛學語

雛學語成燕叮嚀年年巢集向玉宮營傍人為賀燕有墨

豈知此燕不忘主無端戰鼓動地來回頭不見楚王臺

心傷寂寞誰能省到處呢喃思恩冷穿簾度間竟無歸

欲別徘徊盡日飛何堪此度秋風早過雁不來歸燕香

獨此留連亦可憐羞整毛衣年復年多少主恩人不變

愚莫愚于故宮燕

梁園眺雪

勝槩堪遊賞梁王舊築臺時雖更漢魏人尚弔鄒枚不
減題詩興難逢作賦才乘閒憑眺望急雪點莓苔

秦川道中

十月秦川道陰雲四望遮霜寒嘶獵馬風急咽清笳河

水征人淚遠庭壯士家數聲天外雁一聽一回嗟

贈吳六爾明府

不盡干人意棲遲竟自忘官貧分祿厚客久餽廚香繞樹喧鴉鵲臨風漾驕驕臘殘春又至歸夢正徬徨

飲新安曹冠五太守署中

東閣招賢地清風入午涼酒分松竹色雨洗杜蘅香急管歌方勝鳴琴意更長陶然便著述詩思正茫茫

登崆峒山

秋滿荒郊興可乘得邀雙屐展躡高層巖碑委地埋蒼薛老樹千霄抱綠藤烟暗遠邨天浩蕩葉遮深徑石峻嶒簿書閒赴名山約觴咏風流愧未能

雪堂落成

一炬荒城草盡生回思遺構不勝情喜成政績開新址裏近僧房榜舊名自是閒庭水似冷故教芳署雪爭清空階寂寂容惆悵鳥鵲分飛月正明

坐竹樓

竹樓新葺老僧閒爲愛名幽一叩關文尚勒碑堪共賞人都化鶴未飛還堂虛起鐘聲靜池小風生草色斑四顧蕭疎難極目汀洲自管水潺湲

洗墨池步月

東坡遺跡
方池積墨本何心自謫黃州不廢吟從古有才須見忌至今無客不來尋樓前搖落南風勁城上橫斜北斗沉

獨愛清光猶在眼江聲渺渺樹森森

壽方緡山司徒二首

六朝松畔舊烏衣才子方于學少微酒興尋常同賀監詩名七十是玄暉雲間畫錦花光逼日映平泉草色圓最喜秦淮歌管近曲終應奏鶴南飛

如絲霜鬢久忘機還憶江東塵尾揮棋局到春隨步歇壺觴有興待吟歸故園芳草牽愁夢洛社耆英想遞肥往事卅年達路濶幾人同上釣魚磯

送黃岡尹徐亦史還吳門

欲覓扁舟向五湖幾年愁思託尊壺
徐以詩餘畫閣新成竹史圖一幅南國一棠猶蔽芾
餘見贈

東籬三徑豈荒蕪知君徐庾風流在那惜離筵
龍眠風雅卷四十七

別王蘄州

益州家望楚江湄善政多才意氣新桴鼓靜來車帶雨海田耕後草生春七年知己憐同調十月清秋別故人酒熟好從歸路醉看君曳履上楓宸

送別同寅張瑞騰還岐亭署

天涯星聚綺筵開路出旗亭首重回東閣梅花消息斷西山兵火夢魂來
去年與子同駐西山分理兵餉
虛名久誤初衣賦時望還推博物才舊蹟看君爲第一五雲多處是蓬萊

再別瑞騰時亦將解黃州

連宵尊酒足清歡風雨論心別更難世事語君羞按劍

交情老我笑彈冠兩人懷抱一時見數載相思五夜看
好寄新詩同錦字衡陽莫待雁歸殘

宴席別王侯齊司理時同解任

幾年攜手看籬菊今日悲秋唱落梅遺愛尚存樵牧外
斯民無怨管絃閒仲宣每咏登樓賦次道常傾釀酒杯
此別尺書容易寄無妨長嘯拂衣來

黃州候代郡伯羅梅居招飲

言別

雪堂秋望五雲車此夕同心對月華秦楚山川連地脉

塤麓伯仲聚天涯

羅亦戊子同年爲同原
郡丞先後偕子領黃州

江流赤壁潮

歸海霜落梅花客憶家休悵相逢輕惜別故人清夢結

兼葭

姑溪星燦碧雲邊搖落兼葭隱大賢姓字久經題雁塔

功名猶自滯漁川製來美錦人爭識賦就凌雲世所傳

斗酒不辭今夜醉草堂高咏百花箋

龍眠風雅卷四十八目錄

木厓潘 江蜀藻輯

茂苑章鏡開忠可 叅

同郡陳廷機襄雲

齊維藩 七十五首

齊岳 三十九首

龍眠風雅卷四十八

木厓潘 江蜀藻輯

齊維藩

字价人號復齋崇禎壬午舉人順治初為吳縣學博與林雲鳳若撫萊妻聖野詩文皆

元大曆府下精遠國子監助教以兵部郎中出守

能剪刻為浮尚寫清趣不得以一家名之視世之

如青婉白以健花開葉為工者皆頭若亮也所著

邱詩及人家絕無雜煩所見者增入十數首夫惟大雅卓爾不羣公足當之矣

懷叅荆

卿病十年來如賓相敬禮今年病益篤視卿如已死懷

安實敗名卿能達大體謂我四方士勉旃行無止夫子

廢夢我終天恨未已二人不得訣何勞訣床第感卿明

達言清淚如鹽水言此尚力疾今已識如是食貧罕如

意交適良有以余樂不快意迴思何及悔劃粥登賢書

起仗老婢不如瞑目安戀生祗自累今日溺儒冠計偕

匪得已猶為炊屢屢猶為望青紫問卿含飯時遺囑無

一字應余不在目利心空自毀余髮如雜霰余年過強

仕生事恨未了何念忘蒿里卿女猶未嫁卿無遺簪履

余但賣犬後詩書都付子薄續與桐棺幸尚在桑梓親

戚十九喪旅櫬正壘紫威彼朱百年絲溫慟心髓余家

世貧窶余終亦爾爾北邱鬼燈漆同穴當永矢蕭寺啜

寒更幽夢或相凝

舟雨新寒甚

北平氣候正江南秋熱長盛夏住北平初秋來故鄉所以炎歊毒皮骨獨飽嘗今年金石流況予非方剛舟車總負弩束帶汗如漿疲耗潦草睡魂夢不清涼舟泊婁東河半夜師伯狂萬弩射潮頭奔雷捲滄浪聞聲肺已清飄颻逼四船鷄鳴衝寒起顛倒披衣裳衣裘盡猶薄擁被坐匡床床頭酒亦乏負背如冰霜秋威攻無備今始知金商時固不可恃雪山睇太陽男兒蹈水火鍊此筋骨強不觀草色餒岸松疎彌蒼

訪子玉山莊紀事即贈

流水導予入一掉探溪源平蕪空翠中白衣迎出門門前無數山問名難具論海能不移床且看花滿園兩株杜鵑花丹葩耀晴軒高丘覆人頭艷奪絳桃繁此種山中宜移來生不蕃入宮益美富絕勝苧蘿村少選燒高燭四壁若朝旭清歌二美人聲從簾內出高者繞梁塵卑者轉鳴玉錚錚琵琶響悲壯絃柱促坐忘丘壑中恍惚在金谷誰能山水間清音兼絲竹明朝歸吳趨定向交遊述回首綠野張幽賞夢猶馥

時運五首

勞逸皆益人太過各有傷少賤能鄙事身與勞相忘耗磨豈有刑逝水同浪浪亦請導引書行之固不常行之若有常神仙半炎方

生來各有質人事空爾驚兔絲不自立苧麻不相附春蘭與秋菊雖護不成樹修竹與林松攘剔歲復布願蒼特小補順適齊大數

堅脆莫相笑修短不可度嶧桐秋亦凋鐵栗冬亦落枰櫟葉疎軟苦竹幹虛弱稜稜飽雪霜青青姿綽約堅者不可恃或爲脆者噉

有懷先大人七十老益壯性不廢詆笑初不談願養燈下書蠅頭黹髮蒙願長意可得者願予三卽長往德氣遜前人陟降將安仰

讀易教趨避玩占識否臧真宰出所意君子道其常叔夜學養生所患非陰陽洗馬先過江櫻旣非帝鄉愚夫樂無知智士懼靡遑

詠報國寺寶殿前兩松

長安塵蒸如毒霧歟馬憩此松門涼根株短脰止三尺橫枝展肱百丈長有如石壓笋斜出又似古藤拖枯椿銀杈鏟脚勢鬱怒奔蛇走虺散八荒偃垂倒挂欲入地秃梢蟠頂成大房連帷蔽日數十畝溜雨吼風千佛堂我聞松根遇石成偃蓋此下地脉穿琳瑯其餘九龍興大澤或爲雙柱撐穹蒼剛稜切節自有致論奇難與兩林方願隱于臍肩高頂壅腫拳曲皆特詳設想構畫不到此天工鬼斧無餘藏都人下排五都市紗帽陸羽陳茶坊諛諂黃鶴舞多亦伯酒爐頭辱殺文君當秦五大

夫應靈氣張髮指招吾狂

寄謝劉上干

百六十三人同籍厚如爾我稱第一過里入佳爾書室
餐飯爲招父兄集猶子猶弟儼一家通融割贈皆用物
自燕之吳止一身呼船即借君文隸使乎體育絕殷勤
晨夜唯諾好飲食述君聞我得微官驚語家人喜動色
我聞斯語轉愧泣何當萬里共忻感江北江南久戎馬
廣文官署剝堵壁幸者猶知老鄭虔隻鷄尊酒時相恤
吁嗟吳中真福地虎丘石在周道側家家門巷上小舫
吳山萬點卧遊畢之子寧無刻溪典我能熟梗貯栢葉
迭爲賓主大被熱慰我悲秋迴頭白粉箋脫膩研冰雪
使乎汝研半楮墨此爲三郎作手卷墨飽怒汎神不竭
承許爲買玉鏡臺已拂鳳簫吹涼月醪醑十斛醅明德

烏啼曲

天上凍雲飛不動衙門老樹多棲鳥不省朝飛向何處
知歸引類趨昏途飛亞聲相呼高者聳身直翅入雲
窩卑者欲翼蹬蹋掃荒蕪若乘焚輪風盤旋成圓珠可
羣亦可怨向背相差殊一株萬點暗如葉喬柯何擇多
偏枯翔不即棲棲不定頗頗傾側無時無或如退飛之
六鵝或如對啼之鵲鵲或如屬臣之更番或如鶯候之
延須或如義鶻行老拳巨額爭一枝或如孔雀東南來
雄喜高棲雌喜卑世人憎雅而愛鵲似此喧嘈亦不惡

暮啼夜色晨啼鐘連天澎湃潮聲落潮齋不是御史府
地靜下民曷敢侮倏忽銜枝墮高空但聞翅響疑驟雨
滄涼涼日脚忙晝何短夜何長三匝寒月孤枝帶夕
陽紛紛傳雪意刺刺散晨霜齊色不白頂亂慈鳥大
嘴同一行姑蘇臺上啼不住誰家織錦悲流黃

吳俗通

吳尚蠶繆尚績包山洞庭賣橘賁人知此地稱歌舞誰
識家家務耕織晚收十月乃滌場小船銜尾穿河梁載
來都是長鎗米牙籌會計千斯倉釀秫大甕恣傾倒琥
珀殷紅映瑪瑙蘓州老酒不傷人蘓人但道錫泉好少
年花筆善爭時前輩優爲庾鮑詩安得盡如高季迪執
鞭之士吾爲之

清明

三年不斫鴈山柴迸空回首傷心懷新鬼夜呼故鬼語
年年雪窖填枯骸桐山萬壘抱城斜壺榼籃輿家復家
上冢頭圍楊柳葉歸邨滿把杜鵑花去家千里就微祿
生者死者不在目冷節食寒河魚腹子身多病吞聲哭
學書學劍多不成江南江北方刀兵生逢馬上罵陸賈
誰望句裏詢韓翃鞦韆風蕩俱瑣瑣與我周旋寧作我
安得廣州舊鴨金一續博士龍蛇火

快讀筠僊遊琴川題陳鴻文畫山水古詩

所寫新詩多不俗畫山水歌句句好君從琴川川上來

宜其水雪淨懷抱我聞琴川七條水條條響奏成連直
寒山鐘動霜天高蕭門嘯徹大風起知君於此得其真
開譚下筆皆有神蕩胸空曠幽寒意堪贈山水不贈人
詠詩想像畫中趣蕭湘風雨鄧林樹雲螺海氣蒨千山
無天無地但烟霧近代吳門畫得傳倪雲林後沈石田
常嫌馬遠趙千里格子學問何多老董子胸中具丘壑
觀畫自寫隨手落潑墨雲吞五岳圖使我朗吟代行脚

探梅歌二首

山前山後俱梅花山下種花一萬家僧俗松篁相間處
觀之都若爲花助暮宿光福寺朝登泰玄墓往還數十
里總在衆香國裏住衆香國裏能醉人六根盡與花香
驚山寺無鷄鳥鵲傳鵲聲知是看花天今日往須携酒
醴莫待花神責無禮

青山盡處太湖接湖光花光一片白混茫相耀未有涯
渾者湖面疎者花昨日花今日香寒英日炙爭芬芳早
梅逐雨化泥土晚梅次第熙太陽看花者誰子聽我歌
莫狂羅浮妖鬼殊涉茫遊人太盡花飛盡石苔松桂同
蒼蒼搏天瘦鶴時相望

古戰場

剛風捲乾沙上天成黃雲黃雲一千里不辨牛羊羣高
者風推沙爲山陷者風旋沙爲窟黃者蘆白者骨積者
骨飛者髮魂與魄先辭肉與骨復離惟餘楞楞數枯骸

雨打日炙洗出霜雪姿白日荒荒無人馬白骨起戴鋼
髑語東華掖垣斷磬場豈但暴露子與汝卿幸逃回營
石柳天子桐棺薄如楮人憐白骨古戰場我看白骨分
河梁河梁上馬敢深入幾營全軍歸故鄉

鱗魚歌

吳江原與海通道吳門鮭魚來最早椒花未頌吳河鮑
楊花未盡鱗魚到鱗魚無毒更爲珍楞楞箭骨撐素鱗
霜刀寒照三尺雪水晶盤承一片銀石頭皖口皆有之
次第逆流上較遲居此一飯且不足浪說三鱸空爾爲
乞米誰作陶胡奴彈鋏不遇田公子此邦之人一錢不
相通侏儒慣笑東方饑欲死禁子聽我緩歌聲齊生不
羨五侯鯖海上六鰲釣不得絕望黃河水再清

九日

荒園不見菊花開薺桂未盡成萸苔細碎沉鬱香作室
五官不醉如中醅今日秋風天未來素雲白雁相徘徊
先生何事閉門坐天晴試一登崔嵬姑蘓萬家誰禁足
禿鹿臺爲戲馬臺閭回大兵集城下虎丘吳山都放馬
中丞戴星辦豆莖府縣之官受鞭打坐床索酒望屋食
城外鷄犬有懼色遊女遶迴無氣力入門卸粧面淚墨
先生問此空嘆息隔夜定計侵曉止臨河呼船船不得
中秋徐子邀靈岩風雨濛天難挂帆十七十八橋心月
但付蓉江波出沒何大山何小山山僧約我經柴關

無主人且須去此日此地誰能開舟子趁起不肯行挂
篙揺手畏大兵宣子杖頭原勉强止或尼之亦有名乃
知看山皆分定天時人事須相訂不飲甜舡午夢餘壁
閒五岳圖佳勝

游女行

虎丘絃管無日夜虎丘游女無冬夏游人半爲女徘徊
幾个真爲看山來蟬衫麟帶鴉髻彈我看山面人看我
瞳剪秋水誰家女堂上拜佛石上坐少不畏人兒女情
老不畏人頑可憎劍池水渾照不見點頭石在呼不應
古來虎丘吳墓田近代虎丘大道邊自是大道有還就
青山何事依人憐山鬼如不喜婦人驅而放之如婦津
津頭惡浪始有神西子無鹽總效顰門前菰葦江村水
但容鷗夷舟一過蓮衣落盡澄如練照見桃葉手中扇

放歌行

身長八尺爲僕御不滿六尺坐車中侏儒囊粟飽欲死
東方傑然饑且窮校尉中人盡封拜將軍猿臂難侯封
其祖殺降爲恨事其孫以降殺其宗此中固自有天命
亦緣宿業相始終文不須記名武不須彎弓一朝黃金
高北斗自有衛青爲牧豕超一備不得爲鼠得則虎今
日檻馱昨日熊達哉孫登遂無怒何必白頭吟望哭秋
風

無花行

江南風雨催花早北平花遲風雨少與其無雨亦無花
豈若早花隨雨老王昌十五書堂新賦買長門空復春
雖然白頭吟望花朝頻猶勝昭君村中老女不嫁人

初度

吾生猶未老所歷一懶病虛長日危時賤大年新
恩百戰後舊夢五朝一樂憐兒女歡餘轉泫然

秋子秋試

獨子來秋試三秋伴未離須令病母見莫似老夫遲叩
馬投新語彈冠趁渭時科名炊汲具此意舉家知

賦得秋天不肯明

驟軒還驟覺一覺眼常開信是夜長甚將母老能催晨
興仍兀坐偶夢即歸來投子細霜葉應紅於風臺

桃溪卽事

楓橋橋作渡桃渡渡爲橋卽此已陵谷何須問市朝童
然鍾阜雪失信舜江湖滿目非疇昔餘生亦後彫

葦署落成宋轅文董玉虬韓孫鶴顧季侯小集

葦署如營室寒穩願久留對花不謂寂有樹始聞秋好
友望衡宇國人送酒籌今朝來飲落橘柚暗香浮

安得

安得山中住爲生十畝桑停勻調寢食節膏用年光土
屋朝暾暖陰棚六月涼庶幾學堯老想像已羲皇

僕至

芳草雨餘繁行囊肩到門幸憑家信至猶有故園存北
極傳烽接東鄉聚燭喧三年親戚別題淚滿書痕

買山茶舊徽各色梅栽

割于三日酒贏得滿園華安插多依竹移來已帶花款
墻眠綠萼拱戶立山茶種樹何須譜天全應自嘉

懷女

霧雨潑吳天晨興老淚懸遙憐無母女別在未歸前書
懃和琴瑟人迴寄木棉阿慈應宿草不省已三年

將夕

雲動雨霏霏荒林白板扉草花寒約住鸞鴨晚知歸酒
力微衰至交情測道微浮沉生事老惆悵淚穿衣

鄧尉梅同公合遊

無地非梅樹籃輿到處收許多隨雨送一半爲寒留蒼
麥三春晦蘆花九月秋光香推獨勝烟雪共沉浮

喜李龍瞻老師從閩至吳

積雨半過春孤帆泊水濱八年萬里夢兩地再生人粗
糲闌干荷浮沉尺素鱗滄桑兼浪梗不語已酸辛

游女龍舟渡

今朝自起早不道懶梳頭侍女瞻天喜諸姑勝日游出
城聞笑語入舫下簾鉤艷說歡娛地千艘集虎丘

惟直姪自金陵別余適閩亂後生還設帳六安全

來省余叙贈

汝來吾所願念汝自來難六月江千里三年話萬端閉
兒知病愈計祇被兵燹此處饑疲等秋歎首霜盤

將獻歲諸咏三首

溪汲澆花得水微老人學息漢陰機江亭目送楊蹄賀
客夢還家丁令威千古自然蘭勝艾此生何問粟非薇

天寒淚盡燈前笑記取牛衣是故衣
婢言今日續朝炊正是先生祀歲時清磬聲從鄰舍借
新書臘告祖先知市衣色製爲緇衲侵鏡兒童鑷白髭

香到檻梅青到艸春光相耀在江湄

四十四年老角巾依然未有若公貧再休百草憂春雨
豈有殘花上好箇眼底癡頑馮可道夢中圖畫李公麟

園園且進椒盤酒香路金臺又問津

感懷三首

三冬枯木倚崑崙卽次焉知行路難無具可搜造物忌
將身直作古人觀欲留日月嚼龍骨誤讀詩書食馬肝

投子松柯浮渡水故山倘不厭黃冠
每逢絕地得生機背井逃身海嶠歸撫已縱縱皆過分

回頭歲歲有知非報晴還樹嬌鶯轉漱水吞花子鱗肥
且醉且歌學孟浪強于自苦泣牛衣

好我悠游物外身榮期歌樂亦天真一百五日清明節
四十三年口口人歸鶴夢中驚白髮雨鳩聲裏濕青春

惜花敢向枝頭惜也惜花飛未作茵

懷賢二首

東山絲竹自夷猶尺一呼來老不休
髀肉漸消因上馬家貲多散爲椎牛
三山砥柱中流楫萬里等邊江上櫓
關外虎頭頭盡白誰知李廣不封侯
西園雅譙習家池賓客何曾冷魏其
廿載牛衣翻得穩半年緘繡亦何爲
隨身但有巴僮伴玩世應輕伯道悲
還是鹿門堪並隱石橋堰水稻香時

贈維木姪

同族同年同學詩伊吾彈劍同心期
于今馬齒泣車後不似鳳山連席時
導引得書洞月窟風雲有勢通天池
十千秋舫惠泉酒莫負刺桐花滿枝

喝僕歸

近來不病復不憂汝但歸去巴僮留
長安新貴學乞米老子夏天不賣裘
家書囑牽吳隱犬山莊好飯王章牛
詩句滿筒誰與簡梅黃風雨心悠悠

漫興

閉門短榻欠何事自是不能耐寂寥
借馬出懷鼓吏刺據鞍頻折陶潛腰
詩書代有秦火科目嗷嗷傳幾朝
真長安仁舍數武狂生壘塊時爲澆

詩稿輯成寄葉聖野社兄校序賦贈

著稿因貧不能梓亦惟觸忌每自焚
長安賣文人所見介眉諛墓徒紛紜
同時司馬傳司馬異代子雲知子雲

晴窗檢校用我泐玄晏先生今是君

快閣潘鱗長所著宋史因送其下練鰲

難語時人因好我如斯下酒豈徒然
昌黎不敢言修史司馬應知書必傳
楓樹淺深殊野色寒鴉向背點荒天
霜螯紫蟹肥初美何事忙呼練水船

家書去料理室淺葬投子山哀之

每于無事無人處輒爲亡妻冷淚彈
月落吳江孤掉夢霜深投子萬松寒
雌雄便是卿舍飯鴻案無人我減餐
金繞天涯渾閒事麗家清福信爲難

惟木懷歸詩以留之

三食神仙已化魚廣文署作子雲居
同庚獻歲憐同老異地留君讀異書
飯軟冬春生菜細土雞春煖杏花疎
大兒更放東吳棹相聚何殊歸做盧

孟春幽居適林若撫寄移居詩步韵和贈二首

粉榆千里賦停雲澤國常懷鴻雁羣
祠畔草生官似客吳江楓落見如聞
閉門春自林端集帶雨花從傍舍分
歛接大言庸鼓數百篇斗酒信輸君

上沙移就石橋灣轉徙寒無庇萬間
斗室良朋青從事騷壇前輩白香山
單衣敢後供牛飯舊壘應留待鷺還
我卽未能揮蕣運揮毫想像爲君顏

自課

語必驚人嗤杜老著書原不爲求名
偶然七步初何意

亦有經句字不成今古胸中相瀾灼然間枰裏算輸贏
莫頭吏部花間史豈獨尊生更達生

寄和馬正誼詩訊

君詩起卧一高歌荒逕三春雨裏過壯不如人今漸老
情隨年少酒偏多上游策或吞洵美下澤車翻御伏波
每夢讀書連席處小軒敲桂鳳山阿

送皆潘伯鸞廻里

燕臺榆柳石湖蓮送爾薰風兩上船壁潤恨無公婦見
水寒亦動館甥憐喜聞命字鴻齊靴幸亮長貧大不辜
一情一兒吾老矣眼中何有各踰陞

偶成效長庚體

送酒源源省杖錢若無賓至輟枯樁須知懶是長生學
豈有來多過去年瞥眼鴛花憐虎阜關心魚米說龍眠
但克衣食吾將老攜妻歸耕下溪田

病婦

孤宦納姬防老病安知若病較子多數醫未解經句劇
十起共知夜重何蘭要剪澆難假手藥煎文武每親和
中秋庶可風前立聽我清尊白髮歌

晴窓

好事倦時翻懶癖嘯歌曾不到匡床寒花入圃如依主
冬日宜人肯到堂龍戲反從魚借服鶴歸不似鴈成行
興觀物理知吾道破硯晴窓注老莊

將夕偶成二首

蛛網經旬滿坐軒石橋細路犯芳蓀瀨爲鼓吏常懷刺
防道陶潛又叩門飽食豐衣負白日妖星兵氣足黃昏
不才自放偷閑地點檢平生未感恩

薄宦久留如作室江南風俗亦相隨封茶造醬爭三伏
種竹栽花管一時河漢影流烏鵲樹梧桐葉重鳳凰枝
不妨艇過推萍梗靜受疎星落澗池

適友人索書題書葉聖野紅藥堂詩林若撫梅花
百詩中各數首付之因步若撫吳蜀唱和韵和
之

門限索書麻姑壇此本端謹未能寬安得方丈遲一字

令人却憶師宜官葉子藥堂紙都蘓林翁梅詠心如檀
我所賞會勒數首三絕付彼千秋看

月夜懷秋岳問卿

西湖此日芙蓉墜聞道乘風獨放舟客興自然留看寺
月明真憶共登樓聲過梧葉高林雨增秃瓜藤滿地秋
物候驚心惜離別舉頭清漢一星流

同徐定侯姚覲侯看張遠公園亭分得遊字

幽尋再過園亭路因陋前番秉燭遊花色盡朝曾坐處
遠峰新入最高樓木樨香銅經時雨橋柳青懸一院秋
仲蔚雅人開徑僻閉門丘壑更何求

新柳與姜如須同賦

吾猶及見上林春二月宮條御柳新萬戶垂青招燕子
千官拖紫曳龍鱗虛誇張緒方年少不數王恭是美人
肯與隋堤同日語綠陰一樣旋輕塵

新居

一枝亦僭上林叢帝里春高燕雀風敝篋圖書恣展
拂席門車輟感來同微官合之廳前馬僊俗誰容廡寄
鴻向夕舉杯酌良月何殊江岸草堂中

得葉聖野書訊懷答

北平風氣一春寒披褐行吟恥汗漫無味莫如懷刺出
空居何處借書看藤蘿石上夏雲擁椅袖湖邊秋水寬
衆尊登臺當念我乾坤萬里聚星難

七夕和潘宗海禁用典故

大火方西暑漸和雙星此夕說相過但看漢影如流水
實考天文不渡河絡緯有羣當戶織豆花無緒入秋多
佳辰孤宦幾忘却爲省先生白雪歌

正月寄壽三弟方壺疆仕用二冬三十韵

春到將盈月江寒未解冬弟年疆可仕斯世學爲農棘
性堅薑桂弘謨論鼓鑄淵泉探月窟瀟灑縱天慵白練
瞻顏子黃絲屬蔡邕王家槐尚陰無恤簡常恭髮燥原
同學肩豪我選鋒八公聯曉轡投子幾霜鐘憶昔皆爲
客諸生到處從知無所用亦莫不能容桑梓分牛李
孫劉自虎龍但相安嘯諾曾不問君宗豈劇烟霞骨交

澗雲雪胸亮非求口食端是爲尸饔燕地鵠原切津門
馬上逢心情殊草率時運太征徂豹嶺還收橡龍膜再
撫松書隨高鳳麥案伴伯鸞春紉珮幽香習彈冠野性
松夢能須汲汲齒驥莫憧憧久困青氍冷新添斑鬢茸
懷珍終泣別泝緝罕酬封未得歸田賦羞稱尺布縫逕
三念松菊華九削芙蓉庚降今初度辛盤遠缺供梅花
先棹韓椒酒與愁濃海口潮千里天平石萬峰嘉辰予
悵望芳草已蒙龍元長傷衰病烽烟訊吉凶苦吟隨帛

本鴻雁語離離

雨後代書寄馬正誼用十三覃韵成三十韵

虎阜橫池石龍眠映屋嵐書應抵皖上使忽到江南無
字心相照多詞語半含鄉原方收馬土賊勢騰魑憶昔
師門學知心同契祭秋香鼓桂宅春水古堂菴詠雪東
山盛歌風西席慙共期堅鵠志獨讓接鷄談姓字黃金
榜文章紫玉西駿圖先躒蹀鴛齒亦驂驪浪梗身傳舍
滄桑亂用餞袁閔君築室彌勒我同龕鋸翅雙鵬鵬埋
塵兩劍鐔笑都成畫虎悲竟老書蟬樂聖一無慍爲官
七不堪雲林寬種秫星里美多男大酉藏從讀中山酒
任酣怡園毋再葺浮渡可重探世路窮多哭人情險未
諳欲充飢鼠腹味苦夢由甘苜蓿盤爛足芳菲佳句耽
歲編餘覆甕月俸不盈擔隙地栽山藥靈岩徙石楠街
微羞九九禪悅叩三三所望人藏拙何妨自習慈設門

常寂歷無髮可髡髮身托風波世生皆雨露涵言行先
要省山水不須貪霖霖時優渥清和天蔚藍長吟寄司
馬歸夢遠江潭

快讀葉聖野紅藥堂詩刻贈之十八韵

黃絹齊裁白雪霏一城遺我盡珠璣具瞻鳳輦雲中駐
忽縱鯨魚碧海飛風作笙竿鳴地簾雲迴綺繡譜天機
嬾從香逕拈花草獨向寒山採蕨薇隨俗安貧如北阮
招魂有美自西歸泣聲直接王丞相嗚咽何來丁令威
貌鶴吟猿憐苦瘦綠蛇紫燕陋癡肥大娘劍器劉灘甚
幼婦碑陰綯練稀讀史儘冬下酒物娛親絕勝綵萊衣
不因促迫圖佳畫豈愛芬華聲正希九廟至今留鼎寶

龍風雜卷四十八

三哀共得關幽輝篋篋婦公無渡弓劍龍髯露易瑤
堂上采蘭同臭味堦前紅藥報芳菲信夫必以君為準
不爾方疑吾道非枕底論衡韜寶氣裊中松雪聽音徽
郵筒驛路投明月雅道坑灰屬少微惆悵古人輟耕錄
相期還共絕編章

還里口號

鴻雁無家春也歸升堂燕子傍人飛頭顱帶得江湖雪
認是桐山老布衣

題畫

浮渡竹溪四時雨昔年得句曾題該年過竹長鎬書潤
絕似古碑封碧苔

吳王宮與越王臺思沛遊魂來不來試將妙湛泉中水
澆泠英雄未死灰

題畫

萬樹千峰點點間平橋野水撼柴關何人木末樓頭坐
風雨來時響衆山

齊

岳字方壺弱冠遊鄉校與兄弟各登相埒家貧力學創荆榛棄硯硯弗休嘗囊書走舒夢間士大夫掃室布席爭延致之贊于舒之郭氏甫以舌耕博數祿爲兄台州失守牽連繫獄徙尚陽堡寓錢嶺作秋懷詩十首尚陽捕鹿賦一首聞者哀之

浮山

我愛浮山諸衲子半生活在烟雲裏曬笋石蓮最高峰
濯足張公井底水曾向巖邊理亂髮山風颯颯巖邊發

龍風雜卷四十八

斷雲如帶宿山腰翠微一半空中揭我本座人厭風塵
終歲勞勞徒荷薪夜半偶聞鐘磬響悠然如悟前生人

金蟬行

金蟬墩桐水口也

臘月至四月賊兵據桐野殺人如山丘盡堆孤城下日
暮天風吹血腥撐者白骨燐者螢相逢但云渡江太盼
斷天邊南斗星四月賊解圍沙頭急擣衣病妻及子女
相率出閨闈深閨之人恹無力乍使據鞍據不得負子
且復扶病妻奔馳又報前村賊

白門行

江北生無計因思渡江來烏衣燕子繁華地病卧秦淮
簫管中入門妻子面如鐵旋復身病聲嗚咽身病猶教

命未終病妻穉子氣齊絕一時巢破雙卵傾至今話及心妻切

桂子歌二首

有桂有桂羣檜中皮皺榦老枝葉叢凡卉歇後始一發上映月殿生香風望之甚偉此四皓叢叢又復如三公烽火廿年猶對此應有神物護其躬

塵烟滿天密如布老夫寸步失歸路前村蘭若古道場積水成川飛白鷺眼見鐵佛銷爲兵又見英雄成古墓如何灰燼塵霧中猶剩東隣五桂樹

中秋後三日同孔文亭陳省人胡偉人諸子賞桂杜陵移居芳樹中麗眉皓首感秋風鳴絃對月調絲桐

龍眠風雅卷四

有客載酒桂樹叢因之曳履趨墻東顛倒醉舞如兒童笑問花神可解事何爲顛倒苦予志我有富貴汝制之年花開伴汝醉夜夢黃衣三五至腰跨明珠拖火燧黃金爲甲碧玉冠苻絲爲帶牽荷芰奈何爾等不富貴爾等富貴爾自棄甄盍莫辨作大官爾等奈何都識字千錢一醉易告身爾等強項不言利門賓儘堪謁貴人爾等不欲見有位卽爲籬邊犬亦得爾等動口吃狐媚羹一足矣可天飛奈何大鵬張兩翅驢鳴犬吠皆文章吐詞奈何成珮璫初識之無且犯俗奈何矜文等鳳凰招搖過市稱女貞紀德奈何動曰四蹇驢眇馬馳大宛逐日奈何選騏驎鳴鳴毛羽飾后宮新粧奈何仍翡翠

鮑魚逐臭皆馨香奈何焚香對茉莉試看古來忠孝節義之傳克棟梁孰是多才作官吏爾之捉衿露肘饑欲死非關我之善鬼魅從此我贈爾富貴我但白晝作爾祟使爾眼目忽不明使爾心志忽不智使爾膏火夜不燃使爾鷄窓等遊戲以暴易暴不知非殺人婦人恬不媿封疆之帥不勝衣燮理之功等睡寐富貴貧賤豈異人真偽兩立視乎地

早秋示稷下姪

秋色到臨中梧桐一葉風樹喧蟬始至梁靜燕初空曳杖青門客長吟白髮翁村醪須早蓄計日看丹楓

寄郭翁玉岑

龍眠風雅卷四

音書雖潤絕夢卽到君家潮太魚牀見溪橋草閣斜吹荷藏宿鶯高柳帶寒鴉五桂當窓暗先凝玉露花

重九前二日寄桃溪黃氏二門人

雪霽衝風發機雲情倍殷渡橋隨太馬藉草望歸雲難後荒籬廢貧來荆樹分窺園三徑裏寂寂暮鐘聞

菊

九日潘克兆邀同王絲如陳公遠朱伯友家園觀

小溪船渡處數武卽君家古樹當門立閒蘿繞徑斜邀人成快集選石刻名花揖坐隨窮勝芒鞋踏淺沙

送文亭雲子移居山中兼懷公瑜

不堪搖落後次第故人稀白社知何日清尊願共違八

公秋色迥九井暮烟微目送驅車太含愁掩夕扉

方霽

簷邊七日雨草樹盡沉浮送客經行路皆爲古渡頭村
烟炊復斷好日出還收遙訂晴明穩同登一葉舟

起東甌舟中偶拈

侵曉欲成夢揚帆天已明路雖指故國人却又長征一
葉太何疾衆花空有情晚依鷗鷺侶處處是秋聲

懷兒子當如

四歲雛兒慧頭顱與素平喜陪佳客坐兼識古人名幾
載依鄉國今年別帝城寄書何日到乾鵲定先鳴

漁

龍溪風雅卷四十五

浮家憑一葉慣寄水邊雲蘆葦朝堪傍鷗鷺夜共聞往
來沽酒岸雜錯米蓮羣鼓枻長歌太烟嵐閣不分

樵

長年樵是業來往此山中伐木猿驚伴呼羣虎避鋒梅
簪雙鬢雪楓捆一肩紅莫漫行歌太防人棄老翁

耕

南陽南畝地黃犢夜耕烟犬出隨桑徑兒眠就麥田杏
花三月雨布穀五更天勞動都教慣歌風紀歲年

牧

飯牛兼牧豎日夕下山阿叩角時吹遂提鞭且荷蓑問
因知酒處夢便識年和次第升平畢何知寧戚歌

鷗

不作排雲陣閒情亦自嘉輕堪同燕子色欲混蘆花冰
上賺魚靜湖邊掠水斜牙檣驚即起漠漠去天涯

鷗

彌望如難濟寒裳澗水濱乍臨青草畔勝對白衣人翻
舉疑非力潭窺靜有神皂雕徒猛鷺誰似羽毛新

夜夢婦翁蝶公先生

郊公荒塚石離離衰草寒鴉暮木垂何事一毡來晤語
不教千載會無期子生平未面公攀龍終負馮唐志埋玉應深

伯道悲掩涕幾回中夜起標心直欲溯當時

贈孔文亭

龍溪風雅卷四十五

屈曲崎嶇路不同欲依蓮社託春風問來今事虛齊許
話入通家足孔融曾道鹽車收病馬可能烈火拾焦桐

鄙人新識龍門處一徑蒼蒼宛在中

北行道中

暫挂陶沿舊葛巾荷衣棕笠走遙巡條條漲水疑無路
疊疊青山欲送人瘡馬倦嘶愁日晚村鷄競唱憇天晨

晨興便欲馳驅去不夢滄江舊釣綸

中秋旅懷

一輪長夜揭秋空故國今宵想亦同閨夢應馳燕市上
扁舟已罄水聲中秋蘆欲老溪仍碧楓初寒葉未紅

把酒直呼南太雁數行先付大江東

晚泊

院落村籬處處同
家家門溯小溪東
聽來市語音如昨
便問前途路可通
荒寺每依高樹下
疎鐘不問亂流中
蘆花白露江南似
但少丹楓映日紅

九日舟泊檀莊

來日已苦黃梅雨
舟行又泊重陽風
塵沙滿地逼牛馬
虛空吼勢驚魚龍
蔽眼每厭塞北路
有夢即對江南楓
安得長風破萬里
赤脚直上天台峰

鐵嶺秋懷十首

衰草柴門一徑斜
此中羈我坐年華
魂歸故國車千里
月上茅檐雪萬家
未有尺書來風闌
漫漶高士卧龍沙

龍眠風雅集卷八

白頭貧困兼消渴
但剩空囊貯紫霞

大東本是興王地
零雨西征王氣鍾
牧馬舊營羅武衛
從龍高第列堯封
水過魏闕層層障
山拱諸陵處處峰
每對夕陽觀大陸
祥雲飄飄擁蒼松

山河百戰嫖姚績
風雨聲中帶血腥
物馬萬羣嘶夜月
雲旗千片捲寒星
名鎬漢代當年竹
勲載燕然此地銘
時過東園歌舞地
欲披荒草弔英靈

小城城北荆榛處
故老傳言五國城
衰草晝陰聽鬼哭
長河月照吼龍精
百年幾見山川異
千載虛聞漢水清
幸有廢興遺迹在
不然空老舊劉生

我來此地但行吟
鷄骨支離遂至今
竟可鳩人誅叔子

急須投杆避曾參
風吹細雨晚逾疾
山不厭雲常作陰
買醉百壺衣不憚
病榆衰柳對蕭森

七上天人一布袍
放歸便著廣離騷
于今身是橋爲枳
人道予今李代桃
蕊榜又懸新姓字
麗眉遠繫古蓬蒿
未標赤幟心難死
夢繞樓船八月濤

兵疫荒寒備此生
或云薑桂老逾榮
如何高卧庵中士
竟作壘因塞上行
無物可將憑五鬼
有身何計絕三彭
枉勞咄咄虛空問
天問從來問不明

勞哀謂壬午喪前妻阿許並子

幾載家園破敗餘
隻身膠目遠驅車
夜從隣寺分蘆火
餓向荒原摘野蔬
憔悴自憐同病鶴
羈孤人但泣枯魚

龍眠風雅集卷八

無情白雁頻來往
懶繫江南一紙書

數畝之中一草堂
山妻稚子總淒涼
孤吟恰到故鄉月
兩鬢全沾絕塞霜
結伴有誰來北海
荷鋤只當壘南陽
關河有路數千里
涕淚郊原空斷腸

極目蒼涼倍黯然
瘴雲疎雨送秋天
草生岐路思千里
花落寒岩記一年
誓死有心投白水
耐愁長夜補青氈
夢回綿薄知霜重
怕聽隣鷄到枕邊

已丑初度伯兄以三十韵見投依韵奉酬

初度經三月書傳自季冬
驚駘安病廢魚雁到桑農
盡室嗟懸磬開函覩大傭
微官淹海嶠寄迹縱天慵
興自高王架名壘贈顧邕
雲霞囊已貯筆札衆尤恭
綺句紗

龍壁雄談舌避鋒詩喧楊柳曲聲微景陽鐘錦字三緘
易瑤琴一鶴從書眉憐曉鏡緇閣倚春容共許潛文豹
何須警露龍朝雲諳內則靈照啓吾宗況是流離客皆
誇雲雪胸衣單猶解珮坐刈盡尸褻至性隨人釋才名
到處逢江鄉非寂寞歲月易征徂憶昔吳門權偕攀石
上松霜砧依大被冰罽亦同春自是河橋別歸來意趣
松鴻文終落曉齒已憧憧強仕麗眉禿春深碧草耳
蠹魚書八謝蛛網戶全封豈望岑樓嘯兼辭尺布縫手
還持瑛琰劍不淬芙蓉飲啄誰充給糟糠鮮自供敝廬
風雪滿短布露華濃欲采當年歲難尋若個峰半生棲
草莽終日坐樊籠折臂寧云吉焚龜但有兩鴈鵲聊自
詠非敢和離離

龍取風雅卷四十八

題懶殘道人蒲扇二首

折將青青草辦作團團月午餘炎氣蒸賴爾清風發
記得池草生殷勤別君而今日憶君歸蒲草堪爲扇

夜閱高季迪先生集有杏園瓜圃菊蹊梅塢四題

與伯兄共拈四絕

種杏已成村花紅照羅綺爲囑沽酒人莫向此中拈
種豆不如瓜瓜垂常五色郎行瓜始生郎歸瓜堪食
喜插傲霜枝花與霜爭發願對白衣人長吟搔短髮
雪飛花已芬雪消花未落瘦影照冰輪皎皎雙白鶴

龍眠風雅卷四十九目錄

木厓潘 江蜀藻輯

黃安張希良師石

同里許來惠綴人

方 畿 三百十一首

龍眠風雅卷四十九目錄



龍眠風雅卷四十九

木厓潘 江蜀藻輯

方 畿

字奕于一字少游號愚齋同卿冲舍公父

龍眠風雅卷四十九
... (Main body of the text in the lower section, containing various poems and commentary) ...

舟經浮山風駛不得上

寒山秋色高一水繞澄練譬如浮孤舟
帆檣隨隱見天風滋瑤草新
妝淨明絢石磴老閒雲猿呼踏僧面
古洞苔陰積岩花幕成片前峰懶
臥羽甲當秋扇空厓樓閣迴小石
開深院山路響笙瑟足下虛廊穿
楓丹梧葉

稀秋棠晚蕊萬籟靜孤寺黃花佛容變輕舸環山椒
迴薄露古殿蒼翠一萬縷衣衫盡成眩遠望切心初遊
思集芳甸帆轉誓山靈春逐初飛燕

東谷書屋

粵若高王父吏隱號東谷爲園坐綠雲此焉構書屋春
風吹黃鸝窈窕鳴檐竹長松高百尺雨溜若飛瀑十年
長于客歸與棲舊麓遠山照鬚眉一片青或或庭極宛
造址仙蹤翩在目孤亭遶梨花編籬問秋築柴門三畝
在暝色送歸牧移蕉淺著陰垂柳半池曲故園嗟來暮
奔走何有鞠泚泚水中石飄蕭望空逐冷落荒丘焚薄
采鮮半菽傷哉昔堂人兵燹廢喬木畫圖日以渝公侯
罕不復毘勉事先疇如鳥倦還速灑掃當時廬深耕督
我僕出門營四方曷似山之隕疎花撲向人鳥語喚來
熟且讀書屋書高曾有遺卜

雪後居庸道上同沈子

雄關鬱鬱崑幽磴宿老雪餘水歷差池飛翼望明城我
輩肅宵征旦發路層折寒深怯朝嶸雲冷陟霜嶂微陽
晞前渡快馬追去轍杳曲秦人源蒼茫夏禹穴放眼山
色古馳驅水波咽三十六岩壑秀色遠可擷迢遞出關
初烟雨千峰列

兒子讀書槐龍軒春日自雲中還詩以示之次韓
退之示兒詩韻

龍輿鳳雅卷四十九

三

龍輿鳳雅卷四十九

三

曹去頑懦力勤猛爲儒深省今無皇慎終猶厥初

茶詩次東坡集中焦千之求惠山泉詩韻

飲泉不槩佳佳者出山腹君看塞上水汨汨匪一族中
原有渾流況乃邊所蓄獨此西北隅清泉無斷續客坐
空亭上秋風顛吹筑暫閒五斗折忍令孤瓶蹙不須調
水符園丁自相續南友致洞界淪飲蒼色綠茶香浸人
髓旗槍如片玉相伴歷殘漏孤斟小僮僕採來白露久
烟霧捧盈掬不有澄潭姿誰者助清醲有時開北窓午
夢初報熟擎杯樂無度曷異酒千斛

郡齋言志

訟庭重執法一行乃邊李吾家世科名吾祖官此始赫

赫臺諫聲迄今盈楚耳歸囊只數金桃源說司理筮仕
欽乃司遂與祖相似俯躬秉淵冰洗心一瞻視填撫傳
督郵糾繩有直指我黨儼承化敢不清顧誕此官司刻
印向者開馬市城門距塞口相去六十里蕭蕭邊草白
黃雲當路是秋廳御征車罪雪乃盈帳童山莽蕩沙好
花無片蕊荒塞半窟穴村堡小難恃胥吏如生緣頑頓
鞭不耻饑兵雜糶民日食盡糠粃寒餓鮮存活推埋非
得已間有小犯科惻惻奚至此誓將恤鰥寡非敢貸姦
宄我聞貔虎輩毒民如疥疔忍以裘馬供剝此寤肌髓
兩州一縣令平行相汝爾權輕少彈壓何以肅風紀在
昔全盛日雄風重遼壘精銳二十萬大將接踵趾帝京

龍溪風雅卷四九四

倚左臂嚴城星斗峙令慈芻輓多人烟錯若綺我來孤
兔號空城半荆杞刁斗廢百雉草屨易刀鞬緬懷將帥
材誰者勤撫憫空餘上谷名九龍但流水佐郡無郡治
國法未可弛願守介石心對茲思赤子風高七月寒冷
意吹破紙從斯寧在公歷歷秋霜裏祖德勿爾忝聿修
惟自矢電勉慎所期世資何足齒古士曰阜陶未聞科
目起

昭君村次空同良嶽韻

絕塞古佳麗遺村在邊口紅顏萎白草過容傷楊柳漢
宮秋夜雨低偶願速朽畫圖識春風環珮亦何有蛾眉
掃爲誰拂拭當窓牖殊艷離鳳閣群狐望之走奪却開

支色不聞河東乳沙場應獨尊中朝未必后今昔悲歌
入曷爲長嘆久我來西朔地勝蹟任撿取弗審明君若
莽礫付誰守金微夢路寒寂歷空迴首離落雨三家昔
村今在否載聞荆門道村墟亦荒數此處但鍊烟金粉
銷蔡莠朝露等妍姪黃雲蔽申酉

將赴赤城望前途趙川龍門雨勢作

前山鬱岿崑雨色沈不已蒼蒼幾十重一片濁霧寒空
濛濛危嶺扳陟策進止村墟浩雲氣層阿渾江汜冥茫
別岐路倉遽不可似古之戒塗人褰裳應自此置身風
雨外乃悟丘壑理何不歷千峰水深必濡軌去去慎前
綬屯陰暗烟水

龍溪風雅卷四九五

獄吏

獄吏前致詞諸囚向天泣幽閉園土中我公衣賜襲寒
炭饑與糜被溫履並給昔年一囚決望日拜於邑匪公
延至此久矣食絕粒群聞公遷去欲送恨不及我聆獄
吏語長歎百愧集不斐主塞刑無能釋衆繫問理一二
枉譬百不得十忍痛視衆囚襟袂恒泪濕哀此慈恩輩
夢夢何岌岌庶戮之不辜有法不忍執我去勿致思矜
恤世所習豈無豈弟人推解重周急我馬行遲遲念囚
意惓惓獄吏仁者心目送空佇立

日暮漢臺與客看杏花馮使君惇五適至

初春梅花開浹日杏花發高臺多東風攬袂矜突兀與

客挹返照空亭雲出沒使君問我至携筇幽興勃凭闌
盼斜陽花氣紛入骨數株各晚秀爭芳意飄忽燈影披
潮暈花光鑑膚髮曲逕殘梅萼落英何咄咄粗服亂頭
時盛粧同勃率花工解媚人推挽香不歇今年春最早
并長苔痕滑朝起行東郊菜花浮麥麩漢上上元餘江
南二三月

東偏書室成效長慶體

爲官敢傷貧說貧非本志爲官敢怨閒曰閒本無事築
室墻之東略比僧牛義編竹爲屋壁茅垣防瓦隆床几
僦容膝構此良不易遠露城外山臺樹對窓翠小橋流
水間致動高人戲野花次第栽蔬園室傍地課兒聞讀

龍鳳樓雜詩四十九首

書臨池數行字掉臂發朗咏借詩滿行笥秋風吹短屋
夜雨來無次移桂新著粟菊英香可企是貧亦是閒斗
室天所畀有令如江州謂河令李君也不使陶公喟登登聞不
作畚鍤予重愧昔年築槐龍半屋此焉識亭軒等置都
經始抑何爲鴉鵲翩其隣花石且位置室成一狂笑裁
箋待阿季

促馮使君築漢臺東亭子

漢臺堂東偏可以構茅屋使君新茲臺不見一竿竹脩
然闢三徑榴葉五月綠芳草徧增長幾樹寒吹肅君曰
此焉亭勝址久以下秋飈儵然至開軒汎黃菊春色浮
東隅城外山翠復有時清謳發促坐酒百斛晴雪照四

角一亭殊不俗空月敞明星辟暑最宜築聞君百花洲
有園如空谷亭高萬木秀池溜引泉瀑距家百里許草
堂在山麓宦遊適未返林水翳曲曲知君山林心聊寓
此間目畚鍤未可待面勢督僮僕一片風露地客至歌
信宿籬落插南花竹光開疎燭蕭蕭萬竿下拄杖獨往
復貧簪有遺植佇君漱青玉

遺興

浮雲日夜馳秋霜滿河梁側身西北望鴻雁翱翔關
河渺千里游子天一方鳴蜩亦已歇寒風吹衣裳莫采
黃金花東籬非故鄉

九日渡漢江之南村夜宿田舍

龍鳳樓雜詩四十九首

蕭然對高秋菊花紛在手此日登山宜于役履農畝蚤
行經南園菜畦俯疎柳走馬廣陌內江光射漁笥微風
截流渡一片青溪口秋禾拂行岸秋日似春久向猿理
村吹到舍月出後白衣非所嗜田家復何有爲農臨河
潄山色在左右入夜領佳色蒼茫辨星斗牧馬蹊田禾
獨此嘆蓬首傷哉及雞犬柴籬泣翁婦太息至深夜積
勞情孰剖清晨循路歸江舟仍待否只作插茱萸出門
問重九

贈別門人魯子官臨女

各紹連貴溪人

鴻鵠有巨志渥洼無凡步子本文章士激昂服韎韞午
秋予入閣燈下閱獻賦第一英雄姿常調曷可附賞心

進督府冠軍榜花註一時號得士賀者門盈履功令尚
未傳得稱弟與傳我遷漢江上忽遭彼婦妬 詔書洗
冤抑誰與白註誤雪霰並時集髮髮兩行奈家傾二頃
田開摧八千路癡犬群吠影蜉蝣亦撼樹三年舊僚友
逐客不使住何期顛顛身忽與吾子遇典衣爲我簪賣
劍覓我寓我身無一人牀側每夜晤雖有親人親不如
故人故解推非所難肝胆乃宿具我黨自干霄薄俗空
吹霧王程適趣子策馬臨女赴征鴻將分飛野鶴擬再
聚浮渡近匡廬一葦江堪渡勉矣上霄漢壯猷慰衰暮

四松次杜韻

我園有四松竹下五丈強爲問浣花翁較此誰當長田

龍鳳雜卷四十九

園幾不守遑惜松存傷歸來值幸存新沐何昂藏我兒
爲構齋籬落議周防稜稜匪支離風雨閱青黃藉手慰
我老解衣侑健康亂幹儘盤礴便上春雨堂標寒豎山
骨內吹送野涼維爾異朝華素心歷水霜天矯乃猶龍
望俗鱗怒張萬里橋上客草堂亦茫茫卓如我園立肅
容焉可忘大書四松齋坐看凌霄蒼

過保安弔沈光祿青霞先生

沈公賦籌邊雙目巖下電散金募豪宕守邊可以戰栗
活萬餘人遠市粥僧院哀師初集議慷慨爭上殿廷臣
率姪姪歷階獨身先同心趙大洲抗聲詆凶焰復疏十
大罪廷杖罹遠謫荒塞少邊備首鼠值儒弁飛書入轅

門觸忌目惛惛賊子以叛構會疏交上變黑雲暗黃沙
白日慘不見我過保安市霞氣青如練耿耿化白虹亘
天遙一線艸草朔風枯明水缺椒奠蕪蕪沒天池書祠荒
蝕秋扇開公在塞垣剛毅不婉變感時寓吟諷淋漓罵
奸串制木丞相檜手揮日穿箭當其痛哭時賊勢欲寸
割奸諛既以燈陽晞破霜霰公心日在邊風雨頻顛軀
天陰聞鳥鳴水洗鳴劍公有著邊賦

堂上歌行

坐客且莫喧聽我堂上歌昔在邊塞時巖關鬱嵯峨長
城擊刁斗營壘臨洋河彎弓客帶刀日少來相遇擊金
吹笙竿羌角雜明駝飛沙撲筵立黃雲帶襟多載馳入

龍鳳雜卷四十九

潼關對客清漢阿黑龍江名選褒斜景仰參與何春祭二祠
芳園息游豫王侯宴鳴珂鼓吹列廣殿羅綺陳
青娥重廊龜茲樂曲沼京洛花夜火照離宮千馬鳴相
和勝賞在目前拂袖空蹉跎

望焦山

雲裏焦微君飄舉不可近鶴蛻渺千年風烟隔遙登江
波一點綠如姝掠秋簷金山睇若浮楊子光如暈太息
天水間神仙亦徑庭華陽逸仙銘蒼茫何可問

早春登山遲李士雅不至

風物悽早春雪色淨山面遙林午烟寂白石溪流轉振
衣出城闌遷石寓清晴高岑召飛鳥河水紆正練濕畦

草新霽軟沙霧偏冒急呼斗酒客洗我春吟硯相與坐
峰頭微察山容變市酒醉何家宿客今不踐徒倚望山
徑亭雲去如絲

贈吳少柳

昔我居白門每登吳公堂公適渡江來高門對方塘世
稱真御史代易名猶芳吾里孫黃門伉直聲相當草木
同臭味以女字少柳年少擅才譽風度何清揚卜居投
子山賃宅樓孟光我居適相隣燈火梅花香持箋索我
書意不遺老蒼俯仰三十年百感空茫茫

立春日陳子二如過從論詩適借閱六一集因仿

其調貽陳子

龍溪雜錄卷四十九

陳子韶訛交聚散三十年才鋒似干莫弱冠鬚連峰我
叔號多鬚君面乃達顙掉鞅詞場中後先推兩耳江左
我流寓子亦携家遷授書王孫塾花石堆牙籤筆子隨
帳移鐵塘池水遶空堂受花氣竹疎波漣漣我等志千
秋詩酒足流連君更善其書落筆每不凡五馬渡江汜
各挂歸來帆客星散東井逃俗學髡鉗小草足笑人服
我從事衫棧閣挿漢高塞口荒荒天嬾拙值磨蝎且耕
東山田是時子正出西楚生徒聯我之無爲軍適晤王
與錢壁上黃薇詩澹冶凌秋烟公車報經街子行北至
燕懷袖所上書豈不如鄭虔太息長太息郊島才則兼
子歸我入城敦此風昔緣街頭劇論詩相訪一晤慙何

處春風來吹子過茅檐掀眉誦少陵磊磊非常詮咄嗟

浣花叟骨往魂已牽妙義匪自今亘古何由宣當其得

意處爾我都狂顛君之受經者激昂冠進賢網羅盡先

輩龍眠有詩傳攸尚在文獻博訪收亦廉開卷得二公

竹城余族與齊京兆吐內漢魏人絕杜無可謙令

微戴叔倫如月白燕及劉廷評如風恬我家狂布衣文

大璋君重蒼茫掃如椽其餘十數公灑落同山泉相對共拍

案大笑口不箝子曰上元餘墊岸尋江船予于江浦道

正馬東風穿把臂如張陳門人遇子瞻我聽嗣宗琴瑟

亦奏阮咸我叔雅好杜丹鉛紙幾千弋獲頗自矜大雅

相周旋肌理析微音青藍抑何嫌拓落借無人草堂無

半壓扣門知是君舞晴雪嘖嘖別後峭寒生燈暗花復

然昨借歐陽集朗咏欲終篇水花映窓紙悉索風吹簾

呵凍絕快聚禿筆聊一拈

早春過齊園倩兄弟觀府丞公遺筆及諸名公題

贈紀以詩

我讀先輩詩拜服蓉川公龍眠爵差我公筆爭其雄公

詩如少陵目且無太白同時有竹城兩家互騎驛弱冠

魁南宮首讀中秘書後生襲餘韻鼎鼐垂金魚出入青

瑣中慷慨上封事萬言達楓宸只不諧歸寺左官及郎

署壯略惟賦詩一麾入西秦奏功花馬池于蕃仍萬言

涕泗不可止迄今西夏人食德綿蓬子

公以綿蓬子同疏上陳言疾苦

潼關

潼關勢雄高設險獨擅壯一丸遂可封千夫焉得上黃
河日夜聲東來莽奔放不欲令關孤環拱若相向蒼蒼
太華雲護關作幃帳此地古戰場漢楚背爭王咸陽一
星火恃此成巨防壘廢見空城運移無大將王公當扼
要豪傑孰西嚮茅勁少中權河岳空異狀三秦只傳檄
雄關勿輕忘千片青蓮花百里直遙望

重葺松聲閣詩爲潘蜀藻母夫人賦二首

南城一佳客奉母葺高閣圖書亦以遷飛聲宛如昨條
歎鳴勁風一片松聲落水霜護貞栗樓頭有萬壑窓前
綴繁花牆隅叢野篠西山朝爽來馮櫓爭噴薄讓讓集
秋氣絳紗覆簾幕宣文註書成海內推著作但恐
著作傳詰嗣高齋名石經雞林走嘉譽馬帳流芳馨文
字足承權學詩爲趨庭彤管發異香壹壹欽儀刑墨妙
騰四座誦音達前櫺安仁徒板輿秋興何足聽松聲自
天來揚光如列星黛色二千尺今古常青青

致許子綏人

夙昔在羈旅豪筆許與陳射蛟采閒花方舟出江津醉
翁亭上坐老梅辭輪囷頽仰華髮髮歎忽二十春陳子
策我馬巖關歷嶙峋復食漢上魚懷古賦西秦墓門今
宿草故妻復不辰良友嘉會難驚騰逝飛塵爾我不少
年吟歎同寒鶉訪予昨過齋疎竹風到頻架上千卷書

生徒立鱗鱗小星正當戶抱女知笑顰徐家好男兒天

子卜石麟吾子貢正氣有才絕等倫卓立表萬夫後凋

足宗因老我嶽夢園四年狎松筠比來入宣市歎唾不

得伸自非金石交拂衣且逡巡相期各揮翰倡和夕與

晨君其勤五字風雅爲比隣不見冷水郊遺墨飄殘燐

居冷水澗

致潘子蜀藻

李白在山東詩酒召六逸我黨復竹溪吟聲繞茅室鄧

子東之豪邁人微細親紙筆同心呼潘尼六子勿闕一

秋水白門路適與鄧子出丹楓點檣帆白鳥掠江驛野

艇孤蔣閣平生最蕭瑟計歸訪石經逸侶偕抱膝雪色

啄山岬浩歎春花苗携壺倚烟水竹下風栗栗哀吟生

鬚白子髮黑在櫛相彼雛下英末座有君實努力激騷

雅徂徠遊可必

逢杜子于皇卽別

杜子有奇癖雙眸照秋水皇天困斯人歲歲客樗里廿
年不相見一見各狂喜今年渡江來子仍吟客几吾家
七十翁祝釐詞滿紙最愛詩福歌不與群客比憶昔過
黃州大蘇呼不起江山產俊人復隔長干汜浪遊未云
佳懊惱不見子滄桑予幾更華髮徑到耳君顏亦老蒼
咄咄昏嫁裏浮踪若霜蓬浩蕩不可止相逢是別筵離
緒浩難理欲訪城南隅瘦馬今亦市

杜子贈予詩有感
吾驕瘦馬得地到

城南
留別夫何言因風託江鯉

送素伯姪出遊爲尊甫無可師覓講堂資

吾賢奮清筆拾級大師後彪炳推虎文介特儼龍首茂
先書滿家輔嗣易在口二十名已立五千言不朽昨年
出居庸塞馬御風走快舒曠閑兵使弟寄庵所樹閑暇取醉槐龍
余昔亭其間酒碑陰讀鏤詩風雅仍及某篤此如蘭心骨月
有良友今年發江驛孝思極深厚爲訪車上客代闢山
中牖三十六巖前萬竹繞梧柳把茅結團瓢扣擊聞善
誘梅檀侍几杖薜蘿較蚪蚪固知忠孝人子弟志不苟
我思廣長舌高峰洗瑕垢白椎呼凡夫導引被衰叟茲
行歷晴川鸚鵡相待久布衣過南陽躬耕兩非偶秋深
予有適楚帆提在手歸來看仲容九帶掃孤帚

顛厓書至不成報章答之以詩聊寫心曲云爾

北山有執友書來絕相憶自云夏日長放脚城庵側莖
竹翠欲流松陰莽如織比同黃州生坐臥或語默又云
哀無次一月幾旬匍熱腸撫友枯急淚向兄拭因思夢
泡身離合總難卽生趣將日促年命得無逼大聲呼慈
翁歸來共家食團瓢子可任山阿余欲陟相與嘯雲根
土室毋獨匿揮手謝君意欲來何可得自我不見君三
月長荆棘春雨多繁憂出口仍蹇蹇逃虛入村落看人
播新穡田田春鳥鳴竹筍高至極堤水泊疎卉好月帶
松色愁心看漸祛石隱聊自力豈不念離索任運不我

畫荷君長相思慧刀解綴纏楚水秋正清湘花晚堪息
襖被大江舟同心載明德君其坐石峰余且逐釣弋會
今日非遙停雲蕩胸臆

園陰

移書就綠光習習好風舉竹葉如浮波亭陂卽洲渚我
坐秋濤中日聆鳬雁語愍彼行路人汗背是何許園陰
送長吟黃鳥歌白紵古史盪天懷一切恥鼯鼠何處生
微涼烈日正當暑開門綠更殊風吹秀禾黍

豫讓祠

突兀豫公祠門前水橫橋毅魄直上天沉雲曷可招一
身不足惜斫衣三呼跳至今橋下水彷彿公飄飄老死
兒女手世眼如鴛鴦婦人不識公所以高雲霄我來拜
祠前漆炭成瓊瑤丈夫貴志節名山仰崔嵬太行大河
間萬古風蕭蕭

詠荆軻

國士出奇兵蕭蕭北風起如何白衣冠淒其渡易水大
子枉送卿卿去死不喜有客來遲遲何妨緩行李母在
未許人許人非但死擊劍昧其術巧刺胡率爾兵衛陳
段陸帶劍群目視豈有徑上堂殺王白日理藥囊是何
物投筑寧致彼丈夫可無慚却悞無太子死易托孤難
臨難有深旨俠血向空灑徒顚蓋以姊惜乎樊將軍擲
頭亦可已殺身事無成遺恨圖與七功成何人哉談笑

聊城矢

秋熱坐石經齋同李石通鄧頤厓李芥須許伊嵩
潘子乃人杰詩壇樹旗仗吾儕有數子禿穎挾相向思
以行中原或者免譙讓偶發龍眠詩披襟助諧暢譬如
道子畫一一竊殊相是日秋正熱毒暑不可狀冰盤膾
縷絲瓜果頻出盃頓忘暑勢鬱自覺秋相望紛綸傳變
異獨恤疏莫上稅糧廣昔額兵馬動變閩新政廟殿間
旦夕易所嚮綜核勞有司血肉暑仍創吾儕但苦吟何
補世悲愴落落寡和者擊鉢神弗王從君消永日風雅
資直諒天高氣朗清申旦復酬唱

聞諸弟輯叔父遺詩技淚有作

吾家老讀書詩帙署杜癖丹黃少陵卷點定十七易晚
節勤撰著每歲一成冊草閣大江深客居升水白疎花
在瓶際嬌鳥立檐隙異香發高咏筆墨朝自夕亘古說
詩壇舍杜了無擇仙翁騎鶴往風雅留陳跡未陽失拾
遺四海同惋惜過庭俱詞人伯仲同畫戟金門大隱時
應制每接席聯翩孝廉船廣咏聲籍籍麻衣悼詩亡痛
哭泰山圻傳聞輯遺稿隻字幾金石我昔侍東山談詩
致折屐篇翰多是正把筆賞或斥近詩含涕吟已就乃
復擲典型去不作貌焉似啗啞題示猶在日惆悵莫請
益臨風盼棗梨浣花今再聞

書李子芥須書上七十韻

龍溪先生集卷之九

前朝李御史通籍富文翰筮仕宰應山人閩出巡按再
傳武陵公垂紳有材幹女孫生尚書詎止三英藝誕育
大布衣才名萬人冠芥須與士雅字號聽人喚少小負
异才聲名空里聞高視而澗步見者每畏憚揮手挂江
帆六朝恣遊玩朱雀晚楓青笛步朝烟漫融帳傍雨花
書閣談浩瀚落筆成論記說理如象柔南皮諸勝流吐
舌不敢駁投稿至尚書擊節動嗟歎吾叔捧粵檄登樓
召王粲師保兼骨肉兵革正零亂首荷投一官三鱣躍
几案無何當鼎沸倏倏楚條復漢戈船莽如雨行李遇兵
叛隻手衛全家跟踉急登岸兵間呼阿叔鄙訕勿奔竄
舟旋大帥府指麾妙英斷歸舟泊江滸痛哭烟雲散中
閩賦悼亡弱息棄離判歸來子然病壯遊反漫漶浮沉
二十年西席復高館司空咏緇衣太湖臬里歌復旦六
太燕臺重詩酒繼山吳門頌銘讚生卷詠游西子船蕩
漾南州瀾繼山九峰舌鸚鵡盛唐腕青山枕鳥石出處
恒得半曉為竹溪吟夕就茅檐愛鷄聲新咏開牛皂陳
編攤玄徑亦騎驢長林偶聞鶴雨歇東方晴天高北颺
悍日就吾子詩每給同人看秀姿則張祐清言若衛瓘
餐梨極爽喉食蔗不分段賞心徧吾儕數子尤嗜假安
仁木臣許若豪仲華顯欣客曼伊余癖耽佳得句必
深贊君亦好余書大卷束輝煥科頭風透袂跋履泥濘
胥沿溪並訪山惜花同倚榦君才多不羈君口類諧噱

世人群欲殺往往播謠謫但期永金石曷顧滋水炭天
池常疎疎次榭亦侃侃問豈櫻爾寧慙或發彼汗天時
報災異草芥屢憤憤欲作詩史傳非關堯典擅客感須
各和我法勿多換家乘本蟬聯國事合魚貫若范托比
典諷論堪沐盟同人勸買妾招招賦水泮李子雖不答
亦不多違打承構屋三楹竹影覆帷幔好友如衛八撥
灰學懶讀我愛李子人磊落無涯畔不若世上兒舉足
動糾絆我愛李子詩脫手似丸彈不若世上兒剪花說
羅縠君貽一畫幘予久不諦觀述往憂意深題贈才筆
輒經時書報遲得毋議欺設今朝晴忽雨秋成天不早
遂草贈子篇感慨益淒斷騷騷閱翻覆歷歷思患難經
經只此翁汎汎復誰算幅端寫大略至臣恕荒誕

送木匠携子仁樹遊成均三首

廢歌栢梁後千載無其人帝夢發明堂虎拜開芳辰爰
命六館士弓招在隱淪黃金舊高臺指顧增嶙峋潘子
攬衣出不敢後明綸水草躍神魚咄嗟豈凡鱗君看雙
闕下紫氣何輪囷蛟臺有二龍吟上青雲津
皇哉鐘鼓聲嗒嗒起辟雍孔壁有綠筦四海皆來從伊
人抱奇略名高吳下蒙月旦推汝南文采照江東起奉
旁求詔上書明光宮青藜必早然白虎今再逢吾黨一
僑胥泮渙橋門中魯侯芹藻香色笑當不同談經在帝
側可進五十重鴻漸報魚竿竹溪方秋風

燕市俠氣多遺烈荆與高至今督亢陂筑響猶嘈嘈
兒上酒樓彷彿見昔豪定有悲歌客起舞音蕭騷仰看
游雲重下有鷄聲號所志在四方齷齪非其曹咫尺見
天子著論同王褒不見大鵬飛竹雀界蓬蒿慷慨出門
去相送無輕舸遙睇玉河柳贈以昆吾刀

壬子人日

晴風煦人日瓦雀微哢曉椒花尚在盤梅萼未傳條開
門條成靜剥啄聲不擾烟光若早秋嘉氣到檐梢燭燭
春太盈淑景妙初兆孤吟愜素尚筆墨蹊欲掃山川久
相待把臂非曠渺扳難陟崖深狎石越溪小雅供有奇
雲遠志在芳草五日春始立過二色已好少陵詩愁陰

出日何杲杲杜詩元日至人日未有不陰時

竹西弟已爲我圖四松矣復欲寫手卷相貺予喜

而志之以詩更欲邀之流賞出其聲影也

四海一子由詩句妙無比讀書三十載突兀精畫理排
空峰挿漢挂石水生齒筆如風中龍拏攫難自已臨我
堂上圖大幅何聳峙觀者欲下拜若逢吳道子更欲寫
長卷橫鋪十餘紙當其豪興來撞觸可千里會須入余
村三日同起止親聽松濤翻親觀竹光泚萬壑繞孤亭
喬柯覆蒼藟拂拂剪雙瞳照徹林園裏野塘接花塢浩
淼松邊水水上添一舟殘霞綺成市傍有春雨堂蕭蕭
數間耳亦復煩毫素茅檐略疎鄙當日賴上翁未必技

如是卽以較大蘇竹石不足擬錦里諒非遠浣花村在
此水檻扁舟句誰者俯予美謾謾聞松聲松聲落筆底
矢歌看潑墨坐待烟雲起

書潘子木厓集後

詩場託至交平生鄧與潘鄧子氣食牛潘子才如鷺晨
夕數以詩古調多嘖屹北山掩芒角二子吟不歡唱和
秋風高鶯燕空盤桓今春哀全稿緒囊傳長安長安習
沙礫誰者陳珠盤茅檐有逋老白水多幽蘭崇蘭挹水
涯汎汎光風寒子才耿漢晉長慶何足難雜以錦繡段
出以青琅玕東序鐘鐺在非但卷石覲太息鄧子去不
得同袞彈大雅當在茲搏扶振飛翰勉矣集厥成李杜

分波瀾

隣女歎

東隣女兒衣羅綺繡袂揚風颺華蕊西隣布素當幽窻
茜鉛不御青娥雙比戶盟心長太息傾城爲爾悲顏色
開箱片縷還共卿湘裙曳練生芳情須臾物色來反掌
西隣簫發瓊臺上咳唾珠玉隨香風翡翠艷綠珊瑚紅
鸞釵髻髮鴉橫髻都梁百子爭幽麗不信故衣人掩門
鏡寒烟杳天黃昏明璫典盡侍兒去猶是分香插簪處
溝水自昔東西流東隣傾頤頤卿不愁

大風行

黃雲罩馬馬不發隔岸飛聲向空滑瞥爾沙石如濺雨

乃知怒風振毫髮茫茫大地一片塵塵過相看中有人
向來人馬被塵裹頃刻不見鬚眉真前行幾處有茅屋
破茅高捲飛空速野颺拉任征人衣無路可馳空僕僕
未午揚灰到日晡前蹊村落誰有無黃昏不定炊烟起
竟日行行纔十里

馬嵬

一堆荒草埋枯顙冬風獵草狐兔呼塚中不聞紀子笑
黃雲滿路青峰孤華清宮殿淪敗礫天子不守咸陽都
紅塵飛騎渺何在只今冷月空啼鳥此地曾經六龍駐
倉皇入蜀奔無路御馬眠街壯士譁紅顏血濺黃華樹
將軍一呼六軍起玉魚不寒海棠死不待秋風夜雨鈴
君思咫尺輕如紙驛門何處墓門高半壁華汗半隨蒿
夜深環珮雜仙曲疑是沉香睡未足

憶東園花

東園三十年前花百歲之桃如雪碧兩株對開明月下
梨花李花爭讓白海棠一幹大若斗玉蘭千枝香沁席
單畝葡萄綠半區出屋牡丹高十尺黃鸝啼破春風顛
孤亭園畔何歸然高曾書屋不敢失遺址敗瓦皆流連
古苔難計月日久老藤應與虬龍纏合抱紫薇花似雨
盤根槐棗枝如船蜂蟬蟻子火一好草堂蟬蛩悲秋露
數椽茅覆兵燹餘三徑寒烟草當路淡黃菜竹只鳴鵲
傾危嘉樹頻飛驚荷筒可許向秋攀花鈴未必經春落

主人飄泊八春秋邊雲漢月徒離憂故鄉迢遞隔烟霧
山川間之道阻修北山有文行復至南郭之子將焉求
寄語園丁深愛惜東園夢老停雲留

代州文昌祠書僧幅

雁門太守遠留客文昌祠西星月白愈前棗柏行列疎
老枝蟠曲丁香結苑彼野花堦下叢僧靜庭空夜孤絕
成樓高倚城之東易作人語啼更咽兀坐幾日暗爐火
雲卿不飲劉顯宅主人燈下出新碑杰石空廊待攬頤
策馬朝來訪九龍縹緲雁峰冷飛雪

寄槐龍

猶龍一老拳曲奇坐園日日無相知忽報故人再來此
風塵顛顛鶴髮絲恨不奮飛來鄉祠也咄嗟對雲
秋枝我欲訪龍不可見龍雖願出行無期却望霜容向
冬老爲予耿耿愁難支傳語致龍莫憔悴烟雲且護凌
霄姿茂草不除自爾厄年年綠穗猶春垂爾我未面何
契濶舊亭結構如見之人生好友常別離患難以來相
倚誰君還不若世情薄水電風雨同所罹向來太息左
股折亢龍有悔君一枝詎知百六爲我識剝落瘦損筋
骨疲爾我一眴了無二浩歎曷補惟挂願爾不我來我
無憾欲往從之焉可追兩地閉戶兩相憶廩解蜩結泉
初移莓苔尺許拱蒼幹鱗甲午扇西風吹恨不十日下
坐臥三年漫滅空刺遺碎點穿雲紫氣簇與君未別留

別詩昔年文長詩勒碑碑失龍吟文在茲予歸小艇
軒揮龍吟豈異文長時

蛟峰弟齋古藤歌

古藤香滿秋官園春風三月蒼煙屯秋官爲弟余爲舅
大被高歌接晝昏落落斜穿藤下門架上紫艷如秋盆
一團老鐵眠雲根交枝點幹葉正繁葉上花飛風露寒
水電橫天來吐吞傍有几石相扳援蒼然不讓松柏尊
客衣盤礴群開罇主人大笑手自捫別客獨坐香層翻
古香匪復時寒暄青苔半冷歷年痕若聞野鶴空中喧
枝枝細綴清盤猿我昔有槐在塞垣游龍天矯鬚攫奔
闌草開徑爲樹樊大書榜曰槐龍軒文長徐子昔過存
霜顏剝落頭髮禿顏顏視此二龍蹲又似老長子
一者峨眉一崑崙咄咄兩物繁詩魂古色照根臨風掀
子藤我槐曷可護二老聞之笑不言

英雄相遇處

黃沙蕩莽蒼雲度漠漠村林起烟霧千峰盤拱太行孤
此是英雄相遇處迷樓彗掃白瓊花幅巾濁酒吟官家
千萬貔貅太原起帝星直射王宮斜褭褭公子真異人
一時將帥絕等倫海上扶餘豈初志藥師禱獄同其心
執紼仙姚一女子橫觀英雄兩秋水笑爾抱琴卓氏兒
文翁賦心焉得此英雄未遇何人知世外英雄恒遇之
相逢一笑天下事酒樓劍氣光離離雌雄盡是人中龍

耳熱浩氣凌太空高山大河擁三晉開天豪傑生其中
我來策騎分州道啼聲咽岸腓幽草紅粉青萍並紫茸
野馬黃塵逐征鳥英雄絕代軼人羣兵書漫說李將軍
婆涼島外一大人莽男奇女飛秋雲風沙百尺屯橫汾

望天柱

我聞栲栳之西天柱峰岬嶂撐拄層雲中岸然名號列
五嶽瀟峰處處欽皖公維瀟有峰趨我桐諸山羅列忻
然從龍眠山水擅絕秀蜿蜒詎知山所宗遙川異壑青
到重大雲隱隱當其空我行自皖望嶽拜欲往從之阻
光怪金界惟開闢商雲凡胎何得餐沆瀣六祖道場烟
霧深東風逐日空山陰馬行細嶺踏秋露蒼翠挿漢飛
高岑入山幾日湖水傍司空一峰猶渺茫何時躡展拱
筇柱峰去隨訪山谷讀書處

曹尚白書天馬賦屏風歌

曹君書法稱奇絕交光飛亦雲烟結相逢垂柳夾橋頭
攤紙長書筆如鐵自言書法妙于亂中鋒偏鋒不可判
粗服亂頭渾是姿舞罷髮群爭看我亦棄劍來學書
拜石一頓當不如君乃神似三十載骨力傲岸丰容疎
虎卧龍跳形堂堂臂後掣筆筆不偃揮毫欲穿鳳唼硯
用腕弗讓梨花鎗典酬繞几發狂嘯座中衆客呼奇妙
擘窠大字想烟霄畫屏八幅追風騁携之茅屋清江上
舊京老客歌流宕春蚓秋蛇自在逢漏痕釵腳公然向

滿堂天馬非凡胎是何所從而遠來君如太僕圉人至
贈我商雲紫微之奇才奔騰不顧有四壁蹄踏龍豎驚
風雷又如滿斛明珠顆木難火齊徒瑣瑣草堂竟號海
嶽菴詎數雲麾與爭坐驅馳雨雪尚風塵鷄聲野店光
照人曰曹曰米君孰真鞍僮僮勁青騏驎字中曹伯誰
與倫

峒嶼碑

峒嶼山前神禹碑風雨滅沒雲雷披千年神物鬼所護
斑剝窮黑苔蘚奇蛭蚪風最絕恒觀秦漢鐘鼎備指麾
我所思今逼夢寐龍安友人遙寄遺空齋夜半吐光怪
蛇虺撞突不可支滿地蛟龍走尺幅猙獰鱗爪紙陸離

龍車風雅卷

隔牆好古爭取視艷姿古色如自葵便郵蜀山急索此
弗忍奪好惟神馳摩挲月下及雪天梅花歷亂風參差
退食何物堪對語一日未見不解願波濤沸天弘喪亂
惟我與爾同傾欹倒筇揆匣竟逸去偷兒豈解解螭虎姿
上古筆畫自虞夏石鼓與較已後時秋行出峽走碑洞
安得携此相追隨龍安郵傳欲致書山僻道阻官或移
更恐蛟龍蛇虺自飛遁嶺嶺易道千里萬里如見之神
物倘悅何日歸風塵莽蕩雲烟遲

長干遇趙默菴

濡須才人誰第一默菴趙子稱無敵新愁寄我一卷詩
草堂吟咏破蕭瑟昨年重九遊此州楓林落落菊枝秋

君早出門失交臂，嘯歌無賴空江愁。今年相遇長安陌，
河亭剥果茶烟白。雨聲滴瀝蒹葭鳴，鬚眉壘塊常爲客。
有才若此君勿嗟，鉛刀何足語鏌鋌。渠湖奇雲覆谿水，
芝嶼片片霏江花。知君目內空金斗，龍眠有客尋華首。
却如公子不忘秦，老蒼先禮夷門叟。目雨別君君出城，
相期還訪城南僧。木末亭邊領秋色，同看殿後浮圖燈。

同顛屋輩遊南郊菴

經秋積雨禾生耳，兀兀空堂四圍水。忽爾雲散天氣晴，
忍背秋光坐城裏。北山野夫跳躑來街頭，相遇顏各開。
城南不少步，秋路幾日晝。地心如灰，相將隨興踏草菴。
園蔬小摘茶瓜酣，同里數子適偕至。縱談風雅何騷騷，
施水河干聲歷歷。此處當年釀酒並吹笛，荒烟敗草
碎礫一聯滄桑虫。四壁直須日日出，看山晴花健步秋
風間。

號國夫人夜遊園東坡手題墨蹟沈子得之相對
拍案起舞掃筆成詩

遊塵颯颯吹飛雨，土室小牕話今古。黃沙一片撲兩眸，
捉塵烹茶答鸚鵡。我友忽開癡顛厨，中有號國夫人夜
遊圖。此圖蘊書甚奇絕，筆芒蒼黝射寒鐵。吳綾賽蘭方
四隅，天矯奇鋒未磨滅。雲雷杳杳驚蛇走，腹內魚書如
未剖。定晴光氣勃爾來，重紗隱躍挾天手。開元天子麗
人行，玉花驄下流鶯聲。花奴玉奴眇何在，丹青片幅空

含情學士無端發，長數馬嵬豈異雷塘塋。大唐亦有韓
擒虎麗華，只在華清舞素面。朝天開玉環，春光好撥漁
陽鼓。此圖傳播求千年，一卷車馬何闕駢坐中。八姨殊
宛然，髣髴幾筆隨風傳。尤物到手亦有數，真宰逗洩呼
天訴。沈子踞蹠躡子才，非子何能留絹素。非子何能留
絹素，出門上馬渾烟霧。

贈杜蒼略

耳中廿年杜蒼略，相逢逆旅何踉蹌。弱冠便驚天下人，
才名五十如飛塵。太史風流極愛才，徐莘叟懸榻只借
徐孺來。三月春花開正偏，峰色蒼蒼君獨羨。野園千竹
倚團瓢，一片溪流繞山縣。聞君看山聽歌歌板聲，中
山水多學士曉風楊柳月。三十六歲誰復過，君家難兄
我兄弟。白首看來猶夢寐，揚州烟月數追呼。長干酒樓
今綠蕪，我昔乘素秋扁舟。赤壁下馳思，二杜何瀟灑。少
陵不見攘臂來，樊川何處中心寫。陌頭快携手，聞下大
江流。直須龍眠最深處，日日長嘯從君遊。

雨中讀鄧子詩

夏來一月雨不絕，閉戶無言似頑鐵。雨中三尺急敲門，
新詩甫就向我論。我是樓頭瞋睡漢，雷舌披帷看
憧憧。世界顛昏雲震旦，揚音動悲嘆最愛君。詩如古歌
長吟短吟聞，奈何擊悅不足當。斧柯惟茲卓立排流波，
一詩寄去一詩到。感懷諷諭都奇妙，別有聲情紙外傳。

賦景咏物非徒然洪鐘大鑄震頤魄清商瑟調鳴宮懸
檐前閃忽多飛雨雨聲恰似吟聲苦臨睡漢子頓起舞
日把君詩過夏五揮手當庭連擊鼓鼓罷高歌天正午

問齋談杜

陳子衡炎談杜註得未曾有紫髯一尺當風驚談到酣
呼得意時目飛眉舞吟不任世間有此絕奇事千年人
往神來附不在尋常行墨間少陵老叟翩然過一談一
笑一拍掌辟如久別得快晤又如無限不平鳴欬欬傷
心向人訴我輩論詩本恨人望杜未見或遲悞服君手
眼服君膽身視杜陵餘不顧目前種種註杜家一見真
僊各泥塑如漿之汗君任傾手擎詞茶口如注此中真
有百花潭萬里橋西門內路從君徑入浣花里我在四
松下駐奇談沃雪炎天涼濯足振衣坐流寓

同芥須過敦復遠峰亭

城外青山如屋裏右丞此語真畫理環城何限遠峰青
誰使峰峰青到亭張子有一亭構在西山麓梅柳桃薇
間梧竹桐山竟有輞川圖一片奇雲到茅屋落筆中書
堂夢遶山之陽歸來暫掃三徑荒有客踏破苔痕蒼南
風刺刺吹欲顛紙窗竹屋聲蕭然坐來嵐氣濕書帙半
榻已挂千峰邊好讀奇書耽午睡琅玕七尺琉璃膩刺
啄不到山光延草堂人署紫薇天君言風日晴華山若
屏列九子九芙蓉點點補林缺山城排闥江送青諸峰

不動風泠泠草堂未久留君住一亭宛在看雲樹他年
爲構午橋莊此是平泉最深處

伊蒿篇贈許子綬人也

伊蒿之父崑池公孝行德義何穹窿伊蒿永慕如兒童
爰志以字思無窮翁住湖南黟澤鴻襄鄧賊騎來吾桐
萬馬火照湖水東北隣草樹爲之紅翁時奉母茅舍中
誓不令母罹賊叢朝出母俱夕母同天佑純孝狐豕空
母子無恙如歸鴻賊去隴首多蒿遂翁智惟急麥與麴
許家大澤苗芄芄坐活萬人無限功大母愛子書未攻
知孫賦畀明且聰志養偏於色養隆教兒奉母翁素衷
伊蒿把卷如見翁詩書氣與後增通讀破萬卷群讓工
平筆絕似曾南豐惟別筆篇今馬融世上青紫何當難
湖南草廬日曛曉翁遺王氣方鬱葱門前松柏猶華嵩
行看雙戟搖春風

元夜讀書行

少年此夜燈火光屬天今茲黯淡臨風烟寒雲抱凍急
釀雪六花飛空門戶閉憶昔兩塞星橋開燭龍吐焰花
生灰而今跌坐看脉望嬾瓊躑躅如客狀內手知寒忍
歇吟人日元夜何陰陰佳辰有月不四照偃師默坐金
吾笑此刻連翁好讀書群兒繞席還徐徐書聲滿窓出
寓閣拍浮馬史燈花落讀書却悔遲十秋經營臂力何
所求不若高歌對元夜星榆歷歷春風射擁卷大噉勝

看燈清茗香浮光百層人生行樂貴適意傳柑帝家抑
豈異山川况爾遲春遊吾將散髮弄扁舟扁舟春煖窳
吳越湖水江烟汎海月只今馳思已色飛山城何必看
九微逸興適生三五夕明日桃源共遊客

武林徐子登座於梵受携杖訪余悲喜交集兼投
新詩次日操舟酬贈斯作

偃亭和尚絕代名乃是吾友徐世臣世臣傳云偏右袒
嘉禾說法聽者滿四月我來自江南聞君敷坐合禮泰
君翻拄杖到我寓三十年來忽相遇滄桑欲話啼笑難
君今在世出世間秋風蕭瑟宛在目聖水昔游不可復
景升兒子何足詢忘情還未忘故人虎林花近樓名有

諸子略道行藏半生死同心淵雅陸麗京天台問亦談
無生憶憶却愧子提唱書報青原藥和尚

過王甓亭博士丹徒齋中

去春我作宜城遊君行江上花盈洲絳帳君今已逾歲
六月炎風吹我至黃鳥交交湖水明錢甕一寺流江聲
鳴林竹林足高爽放歌特作公餘行潤州百貨人烟集
甲馬多從京口入絃歌不解逐甓登且與故人吟中流
潘子擔簦之帝州鄧子北山棲上頭高咏金山焦山一
博士幾年不得同唱酬清詩夙有曹劉氣手持如見加
餐字君云白雪和者稀來一白頭增鼓吹蒯緱落落當
倦遊未必頻過北固樓雨前廟後君易辦中冷第一誰

能收花間七椀銷新愁

上元前一日過石經齋看文長畫花卉卷子歌

方子李子過石經庚戌春王日十四橫披大幅花草圖
中有奇詩及奇字石經攤几我輩看絕倒狂呼聲不記
青藤道人潑斗墨一掃几蹊筆放恣是花却作非花想
若說非花非畫義花花葉葉迥出群先生濡毫已沉醉
一肘羊脂一斗酒點蠅寫特畫奇致醉來謔墨酬史甥
豈與尋常稱畫奇寶實湮消百年外天飛何以向君墜
窮冬蹙蹙歲將除肉食家兒總不值獨有孤吟塌壁人
典杯買絹曷肯置世間神物屬有歸石經定是天池意
余齋一幅我唱詩筆勢疎斜難正視塞上十年今始得

龍眠風雅卷四十九

摩挲此畫何易易直須三日一過君一過一呼一

過石通齋頭復看寧江畫卷歌

我輩畫緣殊未遠既賞顛徐復顛阮兩公畫意如米顛
筆底蕭疎還偃蹇石通自畫與阮齊阮畫一卷如壁圭
當其快意落影像天池再出難端倪是花非花葉非葉
坐使化工不寧貼世間只有畫空難此筆仙耶還是俠
宜城二子足下拜南阮之字寧江畫請君對竹開春牕
拂素爲我臨寧江

寄青原和尚無可弟六十詩

辛亥之冬十月日大師嶽降吾龍眠屆茲庚戌六十辰
廩山雲氣遊蹁躑袈裟紅霞獅子座祝無量壽燈光然

門外有兄髮皓白不知佛法寫世緣憶昔裴楊少年場
登壇擣鼓詩百篇北海座客盡才子長干寺裏秦淮船
走馬松楸孝陵道雪花梅下飄如拳聲伎便娟足歌舞
兒家門巷垂楊烟吹笙忽報燕嘉賓同人送去如登仙
中丞秉鉞在江漢討賊不遂翻迺適看花上林乃寂寞
金門含涕多周旋公卿具知裴度略雲中魏尚行復還
帝命師爲王者師花磚日影開芸編天地反覆滄海沸
重趺奔走窮顛連柄人當國殄善類辭闕疾走如流泉
逢萌始識高蹈意梅福反多吳市棣閭粵之間有赤幘
屢招師去師不然遙遙衣白者山人鼓鐘不聽黃麻宣
歸來高座守戒律雙趺木榻嚴關穿一切斬開若慧劍
受想行識何曾偏名士風流供一映宰官應度時當捐
茹蔬擔菜共行脚白雲繞樹居三年佛門最上一乘義
忠孝撥逼成高禪世間超乘在口頭古之佛子皆聖賢
惟師直上聖賢路我非阿好徒談說廿年瓢笠閱山水
三遊勝北匡山巔隨師所過是說法溪聲山色都真詮
青原六祖之道場老樹一葉徵聖傳惟師到山萊一發
因緣所至幾餘圓三教自古沿分門師今提唱無中邊
聖聖一口同出氣此法震旦洵開天炮莊等書世未肯
百家俱受維摩鞭毋論上乘匪等夷即觀文字亦高舉
他如語小莫能破瑣言方物殊蹄筌三十六歲古浮渡
明月九帶飛青蓮遠公後身有師在枯槁古洞聲聲懸

師來發矇群所冀首楞各響爲師延數天大衆霑法雨
勿住片所相拘牽西江直上灘水急青楓白露流波漩
欲親白拂侍函丈遠道莫致中心煎佇師拄杖故山棲
爰祝法壽同三千鉗鎚老學喚聾聵墮堯舊侶今應憐
元夕接錢子飲光書

辛亥元正十五夜青島飛飛向空下乃是我友錢子書
何異乘潮雙鯉魚縱陽江上千重雪拍浪如天門盡閉
我友裁箋念故人故人相憶秋復春尚記冬殘送君去
風波滿目不知處孝子含冤近得明老翁銜恤還吞聲
武水使君篤故舊苦吟端不嫌詩瘦聞君題徧武昌城
晴川黃鶴知才名歸來何以薄城市我欲從之阻烟水
復聞將作靈隱遊意中岳墓重陽秋飛來峰下同孫子
青黛當爐人老矣我亦思來明聖湖不知湖上逢君無
三十年前舊遊客重來四鬢星星白相逢相與吟新詩
莫話風波十二時

昂長孫曾祐

我飲不能一蕉葉吾孫一飲能數斗忽然夢中聞母言
欲成大事毋耽酒嘉爾剛制出自然賓朋讌集不啓口
淵靜復爾好讀書群曰文章一好手我過書齋宿無客
披帷千卷頗自負文章不必太矜奇出水芙蓉實無偶
金鐘大鐺匪金聲明堂清廟豈山藪渭陽門第尺五天
頭角崢嶸視諸舅宅相何須別作型盈牀簪笄行自取

昨朝傳聞有奇夢精靈勿泄囑爾友寒門何許望殊榮
顯揚莫愧前纓綬曾祖種德曾未酬名爾以曾圖不朽
爰爲其祐豈在他試塲蘇子逢歐九爾兒六歲能受書
名曰元凱字高有岐嶷甚可供舍館老成不學群兒走
力勤仁孝乃世貽故物青細寧微帶卽如今年非有秋
貧家努力爲稱壽爾偕諸叔能竭誠人云甚足慰某某
丈夫出群在自立發爾柔心惟一厚明年春色來龍眠
而翁吟詩向深柳一肩書簞肯隨予石色溪光皆善誘
書聲都是山水聲喁喁自午還至酉躊躇滿志上江船
秋風不在他人後新釀桂花藏時開高堂看酌郎君酒
贈從叔舒來

龍眠風雅卷四十九

吾家舒來先生人極奇獨行孝友真吾師憐才汲引不
啻口龍勉爲善其如飴文章惟法兩司馬後學共推今
退之一讀萬語笑日落幾篇半刻從風麾松山數畝十
七世高曾德澤如雲垂父祖讀書隱君子令聞令望傳
燕貽先生甫生有奇夢照天明月圓如規前身西漢大
儒是命名與字出等夷十三穎異露頭角文場跳躍不
可羈霜毫近日越犀利吹毛一映鋒如錐龍駒未秣將
五十群訝造物不可知屏息齋明肅登岱夢中神語傳
離離先生奉之不敢褻半百得子嫌何辭甫生一駒已
奇絕至再至三顯產芝人言樹德必厚後先生總曰神
扶持子生聰慧復精敏不僅懷抱稱英姿先生事天若

見帝更有異夢來靈祇金甲自天擁奇字恍惚旗上多
男兒摩頂石麟俱俊物河東三鳳還無涯形家佳城卜
第一松山餘蔭方歲幾大雲隱隱屯其上豈僅逐隊光
門楣先生至友程奉常唱名五色同韓琦諸郎他日等
先達世德世學端無疑秋風突兀老桂發珠采照耀皆
蘭披裁詩正值彙征至仲舒勉矣天人期

秋夜

野燒衝星白寒烟帶月黃暮雲千木吹晚晦一籬香宿
鳥鳴殘夜荒雞報急霜蓮花清漏杳秋夢遶胡床

閨中早秋

露色紛來席重幃問夜幽梧桐疎碧地楊柳淡黃樓鶯
鏡搖風幌驚銀冷月鈞最憐香縷細花影一簾秋

龍眠風雅卷四十九

初至上谷

出塞正逢秋秋心到枕流朔風三夏集零雨四荒遊石
戶人如鳥山巢洞是樓客來詢土俗寒急蚤披裘

初至喬山

擗篆忝民牧登車止帝丘峰頭零雨集禾耳夏水流到
署日無事排衙曉卽休冷雲何地煖處處朔風秋

槐龍軒成二首

春草石床平春烟羅幕生鸛巢支舊影鳩語賀新成竹
榻疑江閣柴門列塞城南柯差不俗風雨夢孤行
數楹何足快快此樹當亭甲冷雲撐立鱗張雨帶腥何

妨花少伴不與蔓同零老眼經時白朝來一片青

寒食前二日花朝

走馬帶風驕行行客路遙去程連穀日歸候過花朝雪
色沙晴岫春光水斷橋窺灰原未熱不爲禁烟消

落日

秋風吹落日送我下山遲官路行時費場苗逐處垂馬
蹄衝雁鷺牛背立鷓鴣旦晚鄉園近驅馳何所爲

淮河雜詩七首

夾道植疎楊雙竿小廟傍雨田泥滑滑野徑草荒荒場
濕鷄鳴樹門低臨挂牆一溪臨仄岸急水泚孤航
客老秋花瘦程遠夕照蒼荒犁牛躑躅饑極馬玄黃半

龍眠風雜卷四十九

數日不飽三寒秋寒黃河天上水烟樹隱威陽

十里稻花秋閒行古渡頭三村同小隱一水帶芳洲林

杪看紅葉溪邊立白鷗磷磷沙石淺應置小舟游

長路青天覆漫漫望谷谿鳥從新榮落山學故園低職

駟風前咏金鷄夜半啼雁涼秋正肅人在大河西

罷馬迅風颭單車惟不周寒沙孤積裏險石亂峰頭

薄難勝襪綿輕欲上裘非綠關寒冷颭已深秋

張茅盤九折已似棧雲連馬踏高路驚飛貼貼天山

腰新開募洞口空窰懸服賈羊腸處何曾暫歇鞭

駐馬祇園裡伊蒲共我嘗宵燈分佛座旅榻下僧房

簫吹征夢輕雲護夕陽明朝揮手上衣袂惹餘香

棧道

連天六百里懸殺小橋西山色因雲變溪聲挾洞迷雪
飛峰有浪日照路無泥一幅郭頗畫忘身在漢谿

空同集中有蒙恩詔加贈詩丁酉春先大夫蒙恩

錫贈次其韻

喜共空同句幽冥列大夫松阡埋宿德花誥答真儒萬
井與人誦三春墓易呼白雲飛片片可照漢江無

喜雨

忽爾新霖至高天竟可呼三冬雪未落五月雨全無浩
歎麥禾槁驚傳草木蘇所司河上水忙舞倍常須

以鸚鵡寄季父都門繫以詩

毛羽知殊俗聰明略過人棧雲飄響細漢水濯姿新語
擇能諧衆身清不著塵問予須儘說莫說在官貧

寄沔縣

斗大孤城裏經春只過兵流鶯知吏憊疲馬怯山行南
紀何多故西成已預征遲君窻草綠甘苦話平生

九日

客中重九日漢上兩三秋暫霽積霖色初逢新月流玄
霜兵氣緊黃菊雁聲悠隔院更深後笙簫雜戍籌

武關

尚武却無關行行路險艱雲鋪岩洞綠石罅辟蘿斑半
壁一矢削千峰片瀑開畫眉山翠舞相對語綿蠻

昭光寺晚坐

寺小傍城隈輕風送雨來攤書蛩語靜巡堡犬聲迴勇
與朝登岳微燈夜落煤臨叩先客去空惹茂陵情時訪華令

西城

西城鳴咽水是否使君離馬老知前寺僚卑戀舊官時有
范尉銜威致留信至風吹關月小霜帶棧雲寒南斗迢迢甚含愁
北向看

陳留

在昔高陽里陳留漢治餘邑才工古篆瑤筆妙軍書雨
過青苔長風來漑莽疎中州楊柳禿半爲築河渠

贈西嚴翁

翁家花最好不美雒陽春愛惜如幽菊分携及野人門
前湖水白酒後月華新十里松風路青驢莫計頻

招磐

梅花今不築磐有十築梅
花迎養之議可到四松無村影親通客書
聲慰老夫吟篇鐫竹就燈火隔籬呼小謝堪催夢春池
草未枯

將之靳春別顧赤方

冷櫂空江去傷神怯暫離烟雲搖荻葦風雨別茅茨不
遠盤龍路常懷夢鶴詩麻衣尋道者疑是晤君時

午日

舉網漁魴出烹葵載酒賒午風吹艾葉夜雨濕榴花山
鬼蘿衣破江蘿桂棹斜誰吟招屈賦嗚咽和長沙

欲出暫止期以次月上澣

秣馬復停鞭河梁客興闌長征爭斷雁小憩怯啼鵲月
下蕪城柳秋來聖水船紛紛穿夢出何計睢林泉
寄懷叔父維揚兼述予近狀三首

別離秋八月出郭遇西風波擁黃天濶亭欹燕子空江
山新木葉兄弟舊詩筒回首高吟處揚州烟樹中

到岸忽奇病招提一月眠藥香鐘定後人卧菊開前九
日歇遊屐孤燈卜曙天支離纔起立即問上江船

舉家先入市半榻四松孤提留經殘潦園荒長細蕪檢

書疑蠹盡拾葉任鴉哺谷口鹿車去龐公得隱無

園憶

客少知庭肅城喧逼歲徂耳聞牛僧語心遠鶴雛呼萬
感榮殘夢孤亭貫宿遁有山何不隱春動老藤蕪

與位伯素伯二姪談上谷風景素姪紀以詩賦答

回首黃沙地高吟倍我憐始知邊地苦如見朔風旋碣
竿疆千里驅馳客四年何爲吟出塞竟不勒燕然

春煖

春淺似春深晴鴨煖倍鳴梅心薰午破苔甲照曉明詩
學千花蠶愁憑一杖輕連朝未風雨何處踏歌行

到村

到村園不改三徑較前荒敗竹支茅立殘梅著鮮香幸
無人影亂何處雀聲蒼急命腰鎌子編籬覆短墻

送左三子忠儀真學博

子忽振衣去片帆春到遲真州江水月建業晚鐘詩酒
向荷盤冷雲生瓜步奇溪頭遊覽倦須上浣紗祠

僧房雨

風沙堆客髮夜雨滴僧寮龍射經壇帙魚敲海岬潮砌
花分點濕迥桺逐行凋秣馬朝衝霧桑乾水未消

招陳子問齋

月色向空白況當花欲殘奇談承夕照高咏壓春寒吾
黨千秋事知音一字難數過母問夜風雅舊登壇

含山

含山春水汎一葦到和州夾岸垂楊晚長堤新麥秋野
翠乘雨後溪島立沙頭頗似三吳道平波送遠舟

廣陵逢余澹心

風雨吳閶路尋舟已放舟塞予隨雁去虛子掃門留此
地忽然遇論心無限愁飄零還集聚莫恨五湖秋

雨中寄陳髯促其成杜註

解詩紛若市畢竟爾單行一老已千古何吟能再生探
情因釋貌得意到無聲敗楮遲濡墨將并遂愜名

夏日同姚蛰存家弟敦四過姚北園懷北園

昆明歸客騎到卽有園林薜徑僧留僻柴門佛讓深河

流千木杪石抱一溪陰且莫談經濟吾儕好野吟

七夕後飲滌岑卽席送越樓西遊二首

青山如屋裏摩詰爲君吟小閨秋無底空亭竹自陰世
兒懷刺過獨客閉門深七夕連朝雨天應滌此岑
到門今復出來往逐秋星醺落飛朋席詩成繫客亭詠
懷棲楚豫遊記續滄溟折柳煩君酒疎燈一倍青

夏夜吟

高眠猶暑氣無夢只虫聲樹睡閒宵鵲星懸來日晴老
懷臨夜醒詩興出床清此際天如畫寥寥銀漢明

月下送子成

明月昭山路野塘人適歸論心遲草屢交臂濕荷衣露
下雲初散波澄暑漸微獨行誰是伴一路遠螢飛

友人邀客游龍眠寺以詩

聞君乘逸興邀客訪巖僧樹覓曾吟石苔綠昔坐藤樵
聲當路斷竹色過秋澄昨歲同行處溪山雲幾層

寒

積煖非冬候寒來始辨天朔風如入塞凍雨半流烟冷
壁支殘帙高江念去船揚州遊子夢中夜雪霜懸

上江

入北峽

年來經峽口此地路行難孺素人旋老鷄鳴客漸殘山
川慙佩劍星月笑征鞍頗記前驅日鵲聲帶雨寒

雨雪

峭甚春來雨何堪急雪霏似花沾客幕如霰點行衣塞
口渾經慣街頭不住飛點書鬚白者內手怯寒威
郊外問子規

不逐城頭鳥流音萬綠間孤峰憑誰聽百舌助綿蠻夜
語移芳晝春心遠舊山青郊逢白首一樣野雲閒
春日遊古靈泉贈介菴分菴字分韻者楚陳坦山
士雅默公及大匡兄弟也

介公禪寂理薰習自淮南坐只鳴清磬詩常成草菴春
風生石髓夜雨下精藍小院疎花秀微拈一笑參
偶吟

龍眠風雅卷四十九

不雨天猶憾恒風日漸長靜繞知懶力拙已獲閒方應
客無冠出酬人有字忙偶吟緣和答何意欲成章

半僧至

敲門驚午夢人自練川來黛黑村翁色孤清詩客才
花春易老雲漢夏多猜風雨橫山未因君賦七哀

時方憂旱

酬何甥懷仲寄野苔

野苔何自得春露濕山湖湘釜由田女封函及老夫淪
來茶比韻摘處草應蕪蔬笋原同氣知予是澤癯

友人談真娘墓不可得

香襪埋幽薜扳尋悵落暉釵鈿看欲盡歌舞恨全非樹
失迷鵲語魂飄化蝶飛蒼蒼丘上虎應識月中歸

五人墓

正氣丁陽九彌天只五人白虹看是血赤日指藏身樹
暗如魂立星高但目瞋吳王池畔水無劍斬讒臣

懷顧赤方曹尚白

奇字推曹獨狂吟想顧豪菊花催樂府柿葉寫離騷楚
客危冠舊尚白遊未報楚燕卿破筑高赤方近遊燕夜闌飛昔夢風
雨到臨臯

蜀濠見和詠懷詩賦荅二首

步兵千載後高寄託斯人狂嘯酬知已新吟奉老親竹
分溪作韻經與石爲隣尉氏餘音在齊聲有逸民
吾儕騷雅興頻爲石經留二酉書成庫十年字欲饒品

龍眠風雅卷四十九

題佳士就汗漫大人遊倉卒傳吟和詩各四十秋

十一月新月

魄滿露明微長空一線窺野光過雀羽寒色淡蛾眉照
去河山在輝藏冰雪知看他纖影挂不忌欲殘時

雪後月

魄兆都相似輝光覺自殊收來千點白放出一輪孤沾
灑真宜絮高清不厭癯懸將金粟影照有六花無

何道岑溪南別業

愛爾草堂靜春郊溪水南高賢懷樂令勝地選瞿曇竹
影峰嵐合隄聲野色參相期操舴艋權入百花潭

芥須之臯城二首

畢竟南皮席能留北海人紅牙圖上客白眼作西賓再訪非懷土長歌有落塵犬迎徐榻在匆忽過龍津

西湖經歲客昨別在龍眠細語沿江路兼詢望海篇兩峰新畫舫六里舊歌絃急返母相失長干待泊船

讀浮廬三遊詩

起草偏成倡拈花可當遊我知真學者人拜大堂頭九曲文心在千秋道眼留許多門外漢韻語說湯休

同西頑霜鶴郊遊卽做西頑

杰構倚山椒山門接小橋丹爐無道士茶椀尚僧寮瓦卸帘難挂經殘香不燒靈泉泉底水直向殿前澆

張敦復太史見訪不值

龍眠風雅卷四

我愛張公子人傳新秘書綠衣穿草屨白髮問蓬廬客出仍留戶君來欲下車翰林南海句野老意何如

道岑有別峰之約雨阻却寄兼致令遠二首

最恨遊人雨雨來遊未成幾峰榮澗曲雙眼碍山城花有千枝濕天無一日晴吾儕群不出何以答流鶯檐響夜重重床頭笑短筇春從流水暗雨爲看山濃野夢過投子亭雲罩別峰新晴偕努力急報兩何願

頗厓歸

六代春風地君來情自憐江聲連去雁雨氣集歸船白下黃金少青閨碧樹妍哀蟬如有曲莫付李龜年

理書

勞予親滌硯賴爾伴懸車興乃江淮發綠翻筆墨疎星霜酬別夢風雨護奇書待整秋前駕相將賦索居

田公夜分見過

樂樂衣似雪見爾倍思翁范式人難負稊洵兒不同愁分燒燭淚恨遶落花風封禪遺文在相傳愧所忠

浪仙集失去五年矣簡村翁獲之喜作

別去五經霜暗知留草堂辟逢山友聚恰到洞茶香東野名輸瘦昌黎詩並狂椒盞予所癖顛倒失衣裳

湖舟漫興二首

固城三十里春水漾湖長野鷺飛無次離鴻斷作行空

龍眠風雅卷四

遠送秋草風雨書滿湘欲學玄真子青囊任弄蒼子夜聞鷄唱吳儂水調歌一天春月早雙櫂曉風多白芋留人甚紅顏奈少何客愁聽不得嗚咽問湘娥

贈曾道扶司理

雙柑亭上客幾歲法星明暫浣驚湖水曾穿馬道營恤茶關罷稅卸甲漢休兵不少州堂記南豐自宿名

禾中不聞子規

梅雨羈成陰春殘不送春恐添爲客恨難對落花展鴛水銷魂小龍山報舌頻孤亭深樹裏留語待羈人

懷李石蓮

小李將軍畫蕭蕭花石間有茶能坐客濡墨已成山草

屢勞空出蒲葵讓獨開歸來新月上爲說語兒灣

有感題霧縠集二首

大雅公何忝鴻名世久標才高偏與舊學老自飄飄王

李寧驟乘曹劉欲並鑑芙蓉刀簡底風雨認前朝

東髮稱才子當風憶大夫江邊迷杜若山下有蘼蕪兒

女緣何薄公侯復竟孤讀書堂在否遺樹葵啼鳥

四松有掃除消息

三載榮荒蔓今朝報掃除一亭梳葉竹夾岸頻游魚門

吏多鴉柳廚開未盡書疎籬臨水處的的剪芙蓉

于安弟以詩相質卽和其見東韻

小謝傳春草池塘夢許同一堂微韻事千里發詩筒作

客典無那耽佳吟自工孫枝還傍祖松下有清風

明府中渡公也

秋歸

秋竟堂堂去予仍踏踏歌不同閨怨苦其奈客情何天

外新鴻雁池邊晚菱荷西風如惜別中夜起庭柯

贈半僧

君自署生前墓碑云詩人徐子之墓

徐君真達者墓石自看磨表聖懸生壙泉明作挽歌龍

眠雲氣遠練水夜光多千古詩人字高風暗磬蘿

何處談心好答芥須

何處談心好城頭多故人辟疆山入閣如三小李畫離

塵當街橋嫵亭偏得子周葦遙庵正親東之奇書相向

讀花裏覓安仁蜀藻

中秋月

久旱愁晴劇茲宵不厭晴海門潮幾尺山戍角三更烏

鵲看毛細關河炤影清莫歌雲漢什暫喜夜分明

遊龍眠

龍眠秋百丈一片李公麟當日溪山意于今圖畫身犬

音傳谷亂雁語渡河真萬壑千峰裏誅茅負野人

獨醒

獨醒纔夜半耿耿到天明數轉腸中轂橫懸天外參不

眠爲老憊多恨賴詩平野鶴吟何急隣鷄未五更

再懷芥須

龍眠風雅卷四九

冬風寒刻骨客醉舊西堂俯仰塵談塵悲歌說戰場南

舒前夜席北峽閉關霜驛路枝堪折梅心花正香

布穀

靜裏一聲聞村村麥隴分綠窓驚破曉紫陌望穿雲荷

襟終吾職催耕豈浪云書田有良邦嫺婦最先耘自出也

致鹿門翁

訝爾山中鹿來從城市機爰居寧弗賦野鶴自應飛菜

竹花前屋青松水上磯蓮華高十尺忍不賦將歸

小市

雲樹蒼茫裏依稀小市存人烟希處見魚米關來尊孔

道過遊子荒廚歇店門征夫慣饑渴難覓水漿溫

和答李士雅拈少陵詩首句十首

不見李生久
魂來只夢中
江山飛過鳥
廬蓼斷征鴻
草榻懸徐穉
談鋒隔廟通
春愁何處泊
惆悵是新桐
不見李生久
冬風已隔年
花然爲子艷
野僻勿余憐
禿筆題新恨
殘囊簡舊箋
十詩如冷月
半夜落山泉
不見李生久
垂楊換陌頭
可憐衝雪別
却憶出關游
投子山中社
稻孫淮上樓
往還楓葉路
滅沒暮烟浮
不見李生久
刀環未可干
老柯三月冷
羈羽一春單
魑魅書堪代
青天路極難
浮雲西北望
風起佩刀寒
不見李生久
瓊函手自持
鞠溪蒿里頌
邢水草堂詩
奇士腸偏痛
才人命易悲
漁陽鸚鵡就
休問賞心誰

龍鳳鳳雜卷四十九

不見李生久
荒園日閉關
長松龍偃甲
疎竹鳥愁顏
巢父客難遇
阜陶里未還
幾叢衣各寄
分灑淚痕斑
不見李生久
難將煙駕板
木看鶯出谷
雲帶鶴離山
有客自題壁
無人來啓關
青松同白水
日日似君顏
不見李生久
懷人日較長
燕鶚眉變舌
水月暗流光
六邑無千里
三春此一方
別離多懊惱
何客贈青堂
不見李生久
南雲歸未賒
龍眠芳徑草
蛟水故人花
命酒黃梅晚
披襟白恰斜
急乘余未出
井臼話天涯
不見李生久
疎狂偏足親
綺裘人倦客
花隱再來人
道在何辭殺
才奇適稱貧
思君語共語
歷歷訴成眞

銅雀臺

高臺遺址大河邊
零落西陵舊管絃
明月欲來芳草合
彩雲飛去暗沙旋
君王身死香猶在
愛妾春深哭可憐
莫向昔時亭樹望
舞衫歌扇只空烟

壬辰元日宿棲岡弟齋中步何子省齋韻

誰云重席近爐烟
撥火談經只客筵
風暖鸛鵒丹地榻
人歸鳩鵲紫微天
大書王朔占傳史
小酌屠穡酌勝年
朝起頌椒兼蠟屐
好尋春信雪花邊

上谷書懷

三載羈情耿未收
東園短褐薊門裘
比來作吏燕關外
宛似臨戎漢塞遊
白月照來歌北地
黃沙堆處擁南樓
邊雲也壯除書色
爲上軍城賦早秋

龍鳳鳳雜卷四十九

送齊惟木還里門

歸鞭遙指故園花
無復荒雲擁塞衙
建業舊陵聞過雁
蕪城秋水徧啼鴉
幾村白露飄黃葉
一曲青峰入絳紗
好去龍眠深處住
芙蓉滿地半山家

歌者聞予賞牡丹亭願演而習之春半雲中還宣

召客共聽喜而成詩

臨川人去海雲孤
義仍有通天錢
檀板當筵有鷓鴣
極域蕭然傳曲少
高歌清絕出風殊
翠搖金縷聲繚繞
冷雨幽窗夢有無
關塞杜鵑春竟語
半天啼血老蘼蕪
無杜鵑聲

哭十三弟子留

蛻骨驚聞返道山，鵲原搔首淚班班。難將此世留卿住，空說慈親望爾還。處士存惟呼碧海，瞿曇寂已化朱顏。文人自合歸天上，所恨池塘宿草斑。

次韻和尤展成賦得絕塞愁時早閉門二首

雪和邊塵攪髮華，幾年流落悞天涯。依齋柳愧滿簫竹，墜戶蝶羞豔豔花。白草雲荒孤錦瑟，青衫人少負琵琶。疎燈未點衙先閉，剥啄無聲驚睡鴉。

坐老荒疆樹色低，柴扉青草夢秋谿。癡深王湛難耽馬，恨絕劉琨不聽鷄。欲問花源非晉代，其如雲漢有周黎。關門飛鳥平堦過，可似空塘片竹西。

鄉思

五月南風初月斜，金壇新葛芥峰茶。生來好景驚遺地，夢去清陰覆落花。費遂郡園惟小麥，李恂從事有胡麻。凌晨拄笏看山色，一片狂雲堆薄沙。

入門出門三首

五年不到龍眠里，到即東門第一家。拂却荒邊塵兩鬢，開來新屋桂千花。琴書未換庭如洗，胥吏頻呼俗自華。携杖小僮翻一笑，笑予今日始回車。

健婦持門爲掃徑，僦居何必異吾家。親疎是友忻初至，老少比隣問近嘉。出塞貧原宜薄命，負春歌不恨天涯。得歸茅屋吟纔就，吏隱還應笑浣花。

螟蛉既負纔生子，駒犢猶孱亦有家。九歲孤孫能讀傳，

一群嬌女解擎茶。左思子直童小歌偏劇，陳亮默公樓空竹半遮。底事適歸歸又去，不從鄉曲老年華。

清明後二日同馮使君南襄二令汎舟漢江作

漢川清淺漾平沙，小石臨江山勢斜。簫鼓受風牽客舫，汀洲移岸擁人家。魚能避獵波飛沫，鳥亦呼尊酒沸花。今日吾儕纔潯沐，連朝頻放五更衙。

偶成

薄雲送風吹漢川，枯吟客子常惘然。樹鴉點點噪日暮，槽馬騷騷鳴遠烟。家僮每嗟旅遊道，同志獨嘉登望篇。清詩短燭空夜伴，涪叟大蘇兼樂天。

送馮成簡還蘭陵

槍舞梨花三十春，只今單劍走風塵。常聞薄命惟才子，幾見猶憐到美人。漢水自吟亭雨澁，湘江忽掉浪華新。所思隔院藏劉尹，不及狂呼與細詢。

寄綬人

冷泉游子陳子垣到江湄，携得紛紛籜葉詩。一笑竊愁官少味，數行潦倒客多奇。漢陰春色徒延佇，建業秋風莫浪悲。草屋南城城下路，期吟梁父夜何其。

寄塞上門人

漢水迢迢途隔塞，烟懷人偏值看花天。秋吟一榻餘金石，春色三關足筦絃。榆谷朔風當此日，槐亭零雨別經年。持燈若訪碑前字，可憶先生舊草玄。

寄子直

飛來青鳥下梁州
銜却詩篇號粵遊
一水能吟新雪色
廿年還見舊風流
君嘗落棠花酒我
憶翩翩荔子秋
近況不堪多詆與
冷如邊塞只添愁

寄子厚

到家惟見一眠樵
秋色扁舟漁父遙
豈爲江湖乘月去
應同湖水逐風飄
還鄉十日迷長策
出塞三年剩短謠
復有棧雲迎笑客
何時逢子說無聊

劉非眼有喜還青
借白香山詩集之作次韻酬之

轉身白傅應推子
却說香山是我師
同姓老朋如夢得
比肩詩學愧微之
清秋獨看醉吟處
雨夜高歌諷諭時

白鶴醉吟先生有諷諭詩
况有楊嚴新註釋
千篇長慶一軍持
非服長齋

喜八弟邵村改授御史臺

桂林舊業傳烏府
花甲新鵬拜豸冠
母淑人六初度
內省雙

開丹禁色外庭專
避碧霜寒括蒼秀
早迎驄馬弟起家

湘漢波曾擁瑞鸞
楚粵
應是閨門多解澤
朝陽特簡

是秋官

送王郎

揮手行歌欲上船
江雲如馬岸花鮮
藏身樹下留新月
回首風前別少年
篋扇逢人拋有淚
廚背似我濕無烟
至家烟霧重重閉
誰遣冰漿到客邊

飛花

飄零無倚况經風
昨日含香小院同
落地拚如黃葉掃
粘空長被綠烟籠
飛迎舞蝶看猶綺
銜入流鶯語轉工
柳絮天涯渾得似
穿林還並繞簾櫳

咸陽懷古

咸陽宮闕久虺隤
不見昭容引殿來
卦畫雪中猶現影
書焚晴際尚飛灰
萍清夢香連何閣
棧道春深接馬嵬
一自沉香人散後
問誰催領百花開

賦得宿花蝴蝶夢魂香

紅英深處撲風狂
飛落閒枝就晚芳
睡足尚留雙褪粉
夢來何意四圍香
心同寶鴨薰蘭杜
影伴春鶉上海棠
舞板暫停園未晚
繞床清露滴花房

寶鷄

古寺臺荒傍寶鷄
有祀
征途人老笑栖栖
前邨欲雨馬初歇
遠岫無烟烏亂啼
百里泥深官路滑
重陽風緊客天低
經心晷畫頻回首
棧閣蒼涼雲正迷

扶風

鳳翔邑號兩西東
自東扶風西扶風
小大徒矜杼柚空
孔道只今新蜀道
遺風仍是古扶風
黃圖控馭傳三輔
漢室循良有數公
下馬欲尋耆舊問
野棠無賴柿林紅

長安

百二山川勢鬱盤
重經四塞古長安
霜砒宛在蒼葭老
晚岳浮空石華寒
一代詩成才子集
三唐詩皆成于長安
三秋人

作布衣看河聲浩浩關門遠明日難歌行路難

抵宣府

依舊黃沙擁塞門青蠅無語笑昏昏素交一顧已見意
俄隸群來尚感恩馬嘶草根眠後底龍歸槐影待前軒
三年屐冷詩還在古愛寒苔繞字痕

北峽關次丙申秋出峽韻

關門新雨亂峰遮依舊溪流曲石斜梅子欲逃何必尉
泉明歸去已無家嚶嚶夏木鶯頻轉或或原田麥未華
小徑柴門新覆綠林塘開徧野棠花

過承恩堂贈宗老西巖翁

前王遺翰賜承恩百韻梅花半草亭

與獻王有梅花百韻與家草亭公分

龍眠鳳雛卷四
法物到今宗老在流風喜向故家聽手栽野菊香

堪持門對長湖秋不局共道先生能讀史匡床燈火一編青

黃州再飲洪念粦

疎烟殘照半荒城一片秋江待月新金谷酒催亭上客
朝川詩是畫中身念粦善畫傷心百戰橫舟地搔首孤樽送
菊辰歌罷九章天亦老狂呼何處哭騷人

秋日感懷

閩南浙右動征蹄六詔三川報鼓聲青海未傳通樂浪
黃鶯空說夢遼西京營什伍誰驚韃草野刀環半簇萊
蒿目度支惟尺羽輸將無計恤烝黎

反愛妾換馬

迴廊端不繞青鸞曲曲欄干小院中執素莫言金絡好
騰黃寧令綺樓空夷光真色人難似曹霸虛名畫豈工
一帶垂絲春岸柳馳驅忽易數花風

淮南

漕舟飛過客登樓漂母祠前樹報秋地枕江湖連岱岳
天開淮海是揚州淮古揚州地戰場舊握群雄策河勢初分
三水流自是世兒無具眼坐輪荆布識王侯

維揚

朱樓十里舊繁華夕照長堤起亂鴉承相夜潮乘白馬
國殤寒雨暗青蛇簫聲咽斷蕪城月雲色飛開甕社花
不是雷塘行樂處路人誰指玉鈞斜

姑蘇

走鹿啼鴉古道傍英雄兒女俱堪傷胥濤不繞夫差墓
齋宅空隣響屨廊亂後梅根榮蔓草秋殘花影指斜陽
魚腸劍冷專諸巷况復真娘碣薜荒

姑孰

中斷天門二水環凌歊佳氣有無間桓家紵舞峰酬酢
衰估悲歌月往還百朵名花誰絳雪千年狂客白青山
難成高咏看如練拾得秋江一片閒

致陳越樓時予歸自五茸

百尺樓頭三應亭好花當檻月當櫺藍輿挾客如陶醉

黃葉呼兒學杜鵑。擁卷只同南雁語。關門不拒北山青。
笑予赤手尋秋返。繞袖寒雲別洞庭。

寄懷吳無齋

沙岸春泥雨度遊。寒驢衝滑過城頭。函雲洞口客旋出。
投子峰前鶯正流。瓢笠幽尋同梵寺。川巖遙集待深秋。
寒雲河水聞君到。契濶翻添一路愁。

歲暮別季父還淮南予亦歸四松矣

大江風雨暮天寒。正值淮南木葉殘。湖港潮枯初得雪。
村烟沙捲易流灘。扁舟客自春前到。千首詩從臘後看。
我亦辭歸荒圃去。海陵邗水思漫漫。

聞子規

龍眠風雅卷四十九

何來風雨故園西。應是春歸伴杖藜。月下多愁殊百舌。
林邊分恨與黃鸝。聲如蜀國啼偏切。橋匪天津聽轉淒。
彌望綠蕪雲水濶。好流新韵入詩題。

懷李二嗣雅二首

君去臯城雪滿街。春初幽興未全乖。龍山梅靜耽眠雨。
鶴徑花寒急扣齋。長耳背人趨古霍。短筇吹夢落清淮。
蘼蕪片片天涯綠。不見狂生賦詠懷。
迢遞春雲傍楚天。龍眠人在夢城眠。紅兒白紵穿林薄。
青眼玄經坐日偏。佳客酒同金谷醉。高歌詩共玉堂傳。
花源忘返君應得。可憶清商黃鶴篇。

閉門五首

自掃閒階自閉門。了無人過獨成園。微通花氣侵詩骨。
細卷蕉心淨客魂。大雅床頭三尺水。小山吟處一聲猿。
狂雲不斷紛來座。答爾空餘沙石痕。

諸史橫縑只閉門。未刪啼笑是熱根。英雄有淚成花片。
兒女傷心剩竹痕。何計春歸酬白晝。無名風老坐黃昏。
彌空感槩旋高嘯。天縱狂夫此故園。

月訪風尋忽閉門。啼鶯乳燕略寒暄。頻眉如雪何人識。
筆墨成丘止意存。選韻客常貽菊史。知心天亦助桃源。
經行瞌睡閒來話。不負芳林衆鳥喧。

蕭瑟平生且閉門。江關詩賦儘聲吞。無心出世常觀樵。
非爲忘憂亦樹萱。一片雲山成獨坐。三秋風雨在荒村。

龍眠風雅卷四十九

饒他車上僂僂僂。未必公卿長子孫。

逸雪秦雲剩閉門。無情鏡吹也停喧。鉏瓜圃有邵平客。
刈稻樓多米芾孫。吟就人疑鬚欲斷。放歸妻笑舌空存。
爲郎却憶十年事。津吏江頭早細論。

過水間讀叔父揚州寄題詩喜而有作二首

無恙秋風舊草堂。大江深處小池涼。疎籬兩濕苔迎碧。
曲檻萍分水帶香。客吟不離花逕月。人歸仍踏板橋霜。
成都屋宇依依近。橋刺藤梢一倍長。
別去都門復塞門。柴門仍傍白門存。芙蓉一路葩初放。
榴火重然實倍繁。詩發廣陵新旅夢。江深草閣舊潮痕。
先生豈戀瓊花艷。顆顆驪珠照故園。

雨花臺

諸天不雨六朝花臺上游人競物華僧臘幾叢殘寺磬
和叙一隊隔春車江銜落照遙飛樹陂起香風坐點茶
繁艷塲中有水雪景方階廟繞啼鴉

正學祠

正學先生何處墳南朝古寺隔殘曠當時日已無三恪
此日人誰議六軍吾道未亡餘正氣官家若在肯移文
年年杜宇春深血常使江東木末聞

甲辰元日

青峰白髮朗吟身珍重園花報律新貨廡坐來移歲暖
野林分到入城春鳥窺竹葉同風笑雲染椒盤供客貧

龍眠風雅卷四十九

不是狂夫好高咏江山日日助詩人

送芥須之湖約共歸訪四松

君過春湖竹滿蹊山烟流水伴鶯啼路從三祖道塲去
望到黃梅法院西門士解貂充酒券將軍走馬乞詩題
歸來應向松間問野鹿林猿已定棲

與吳述田話舊

却憶東郊舊草堂城西衡宇亦相望故交零落世先變
新恨漸多顏已蒼有客飲水悲劍閣誰人看樹紀河陽
直須白髮如年少日日聯吟到爾傍

宮人斜

東風黃土夕陽鴉憔悴朱顏掩碧紗望去塞鴻青草冢

街來海燕白梨花漢宮夢冷新恩杳複道春深舊月斜
麥飯年年絕寒食生莫近帝王家

賦得街頭初見櫻桃紅次小宛韻

朱櫻馳想赤盤春野味筠籠到市新
寢廟幾殘時食薦流鶯頻對落花
噴擊來羈客青駒騎舉似佳人
將點唇大小落珠那用惜芳林
園外久飛塵

文丞相祠

丞相祠堂太學中千秋柴市起懷忠
祠外有懷忠館雲昏風裏新朝謚雷
擁天迤信國公青草尚堪留血食
綠荷也前指厝英雄小樓入夜多風
雨誰著黃冠問海東

次韻酬祝山如送別

龍眠風雅卷四十九

藏書能借詩能和惜別何堪是暮春
楊柳枝青離記室牡丹花放念遊人
陽關一唱群知恨華嶽重探我不貧
羨爾絳紗書閣裏誦聲高與樸巢隣

昭君曲二首

漢宮空老孰知名嗚咽琵琶異國聲
身著黑貂沈大漠天留青草伴傾城
還餘夜月深閨夢難賦秋風出塞行
自是明光艱物色蕭蕭班馬送長征
梧桐秋色雨淒其正是名姝出嫁時
姊妹流螢團扇冷君王良夜綺羅悲
但披圖畫隨憐汝自失娉婷欲恨誰
遺世佳人真獨立卓于日日倚蛾眉

喜左藏一至

荷衣棕帽笠鞋穿特地過城爲訪仙慰我深秋詩療病
知君中夜酒無錢遠問馬帳遊天柱數寄魚箋話竺乾

與子叔履書談禪
汪瑤若亭子次韻

采芳人在聽秋亭蓮葉田田蓮子青獨倚微風飛燕雀
莫吟團扇冷流螢參差石過花間雨潑刺魚吹水上星
身是二龍山際客望來雲氣薄滄溟

移居次東之默公見贈

牆東今喜近君公蓋說尊開似孔融有興直來尋老嫗
多愁無計送詩窮范塵旣在豕仍齋阮巷書傳路已通
叉手禿翁堪共咏不妨雙鬢久如童

龍眠風雅卷四十九

藏書能借詩能和惜別何堪是暮春楊柳枝青離記室
牡丹花放念遊人陽關一唱群知恨華嶽重探我不貪
羨爾絳紗書閣裏誦聲高與樸巢隣

昭君曲二首

漢宮空老孰知名嗚咽琵琶異國聲身著黑貂沈大漠
天留青草伴傾城還餘夜月深閨夢難賦秋風出塞行
自是明光艱物色蕭蕭班馬送長征

梧桐秋色雨淒其正是名姝出嫁時姊妹流螢團扇冷
君王良夜綺羅悲但披圖畫隨憐汝自六娉婷欲恨誰
遺世佳人真獨立單于日日倚蛾眉

喜左藏一至

天上石廬君教得東南佳麗儘盤桓

雨泊姑蘇

閶闔城外遠潮生有客長河帶雨行葭葦尚無飛雁信
菱荷微動小垂聲臨流燈火千家亂伐鼓樓船一水盈
咫尺虎丘烟霧裏寒山誰問夜鐘鳴

李子亟口義仍詩從潘子借讀賦之

陽春一奏雨冥冥誰取歌喉拂卷聽四夢紅兒移角徵
三生白雪散精靈才人七字騷兼怨狂客頻呼醉復醒
我向秋天高拍手聲聲吟出牡丹亭

閨怨

空谷佳人浪得名日斜猶倚舊柴荆春山自畫無生氣

龍眠風雅卷四十九

秋水來看有歎聲西子未傳廊屐步東隣偏重綺羅情
淒然欲買長門賦又覓相如賦不成

寄懷五弟馬溪司訓

菊田秋枕北門斜日暮臺城並看花野屐未忘三徑雨
寺鐘猶帶六朝霞常懷阿弟頻爲客竟是狂夫弗憶家
細把落英應得醉故山殊恨不天涯

問李二石通病

秋光好覓步秋人藥裹翻羈林水身幾竹舞風茶影細
一編迎雨雀聲頻須知雒下詩同調莫聽山陽笛愴神
時難兄幾
初遊
千樹霜楓紅未已床頭筇杖忍逡巡

述懷

夾巷單衫隨意出兒童誰識長官貧
魚鹽列市有傭作牛馬任呼無主賓
勿逐雌黃談入世且留青白眼看人
稽公饒有餐霞性驚翻鍛來龍久馴

郊遊過鏡上人河橋同之印士值遠田來章仲開

玉青同食智園笋兒爰駿亦與

東門新漲擁河橋橋上頭陀拍手招
小院野花迎佛笑隔隣佳笋爲僧邀
閒沿澗路忘竹誰逐溪漁趁晚潮
皂蓋忽逢林外馬遊頭莫問髮蕭蕭

讀西頑客隱集仿西頑調二首

一卷西頑客隱詩詩懷何異在家時
衣裝竟返龐居士比興還疑遠師游
子官從新代說參軍衙有舊人知

名山較得田間筆題徧匡廬又武夷

吾黨論詩子必傳脩脩幾筆已如仙
偶携大部存孤咏不共狂吟遂五年
閭雪變成爲客髮江風吹送到家船
維摩法喜堪逃佛况復同叅說偈禪

白燕

瑤臺有雀拭容輝曲曲湘簾剪剪飛
玉女橫釵天際掠霜娥臨水夜深歸
休疑碧落香泥誤莫訝梁園雪影非
一片素心誰得似綺衣原是舊烏衣

送何道岑之薊門兼爲交順之遊

馬陵鳬繹過征輪大饗碑前欲問津
擁道青山車裏畫渡河紅葉客中春
蘆溝此際多新月鉅鹿當年幾戰塵

冠冕吳公門下士相逢知有報恩人

復雪寄顛厓

積雪未晴還復雪推窗擁榻又支頤
伊人獨坐舟如繫賤子孤吟手似椎
凍死雲能乾宿雀煨殘柏也廢蹲鴟
天寒徑絕誰相問六十老翁來賦詩

送潘甥務滋遊成均

年少翩翩入帝京四門人擬對延英
石經分得元龍氣曲禮傳來司馬名
司馬石乳公以曲禮題會開今甥亦治禮經
勝李漸離爲客且尋荆吹簫市上伊
吾謂可是當年舊筑聲

贈顧仲書

馳驟聲華七十餘才名自負比相如
南皮雨散誰知己北海風流一問予
馬踏關塵秦樹遠衣霜朔雪塞烟疎
歸來白髮狂增健竹影茶香繞故廬

和尊拙齋廣陵感懷韻

隋堤楊柳暗迷樓俯仰興亡咏石流
但有瓊花千古夢不禁明月二分愁
飛章未少開門客大槩空懸列岸舟
舊是連營藩鎮地傳餐先已下揚州

庚戌元日閒漂青詩二首

和風吹雪引庭柯誰傳新年一放歌
望去瑤林元日好傳來玉署六編多
常邀明月臨丘壑欲散陽春到薜蘿
郊外同雲初轉律淩青山色已嗟峨

春燕秋鴻吳越中名區佳勝往來通簫分伍相吹餘咽
潮帶錢王射後雄十里荷花香故苑一天梧雨濕離宮
才人覽古多奇思飛落紅牋滿碧筒

木匠雨中鈔先輩詩將選成集次

前賢遺草說相知大雅同堂勿更疑吟是趙州持鉢語
人如投子下山時桐風入市將懸字夏雨關門獨寫詩
不爲維桑專敬止斯文惟子與于斯

寄甥倩吳汝蒙及女甥

江上風吹及早春思君正值看花辰冶梅辦宿久殘雪
弱柳烟飄雨後塵白髮杖頭三徑草青山園裏六朝身
千年松石知公恙應拂莓苔待老人

錢塘懷古

吳越錢塘跨有名東南四十幾州城露旗每駕明湖出
戰鼓如憑鎮海生冢立儼然新王氣江來無復舊潮聲
頻年西子荷花月常照遺宮細柳營

讀先達無聞堂稿

高祖園經署考槃萬籟處碧琅玕龍蛇跡向松關走
鸞鳳聲從楚道繁青瑣解元名突兀身江開府調高寒
曾聞大父尊題壁隻字珍同白玉盤

從叔梅師屬書大幅漫成書其上

新樵先生行市中一條拄杖踏春風鬚飄徑尺色欲白
酒甌斗升顏已紅小兒吟來詩句滿寒齋客到酒瓶空

時當大義軒然出笑却嗚呼兒女叢

初卜園基吟詩送老于其中而卒卒未能圖也再

疊前韻寄竹西

同人相贈一園風茅屋遲遲亂石中焉得萬竿迎到客
也須半壁坐吟翁哇鋤久爲栽花荷詩眼應從畫筆空
投子飛來書閣上幾時看掃最青峰

過綏人談詩

與子論詩迥絕塵連朝得句極清新白雲有夢依紅藥
黃卷無靈對綠蘋討論不殊鹽裏味行歌還許澤邊身
木匠遠出顛厓死賴此湖南一故人

蜀藻譽吾妹故衣潛然感賦次其韻

紙間蘆簾失故人安在孤影壓寒暄遺衫尚在無心暖
封篋難開有淚存送到客愁重集夢縫來女手舊摻痕
大雷何處投予字慰爾毋悲語又吞

寄江甥眉瞻瑞昌

赤顏峰表讀書廳日日衙齋倚翠屏作吏幾年離草閣
同人十首見蒲亭兒能誦句如蘇武官必傳詩是九齡
羨爾江城春色暮名山一夜盡成青

孫仲衍山中書至

獨山山下有精廬遊客山人玉不如聽水自携微士杖
臨風欲著放翁書楊厓銖籟吹雲處李白瑤姬並馬餘
珍重世交還念舊華顛朝起得雙魚

槐龍篇步徐文長先生韻雲中歸自書石勒軒前
爲問孤飛地誰傳蟻國封荒荒邊雪照嫋嫋寒烟籠節
駐關前馬名猶柱下龍當階盤夏氣隔院任冬烘雨霰
千年護山川一代鍾棟條征戰後遺跡廢興中葉葉穿
鮮瓜枝枝覆帳穹井頽餘緒澁堯塌古泉泓攫舞星沙
暗騰霧曉霧濛秋鴉雲等綴春蝶夢來通虬曲凝蒼露
妾其咽斷虫榆錢當日極槐里故家風選石珉垂久開
尊席自公孤亭搖秀幕大漠利殘烽開府金鞍立參軍
小隊從堅心水寂歷寒影月朦朧舊址黃輿過新陰綠
鮮棠二度衰草沒幾處問行宮

黃州九日風雨集願赤方客寓限韻七陽

赤方黃公字也

客酒醉黃菊朋輩隔赤方浩歌聲落落軒舞影澹澹
澤芙蓉漏吳僂橘柚芳赤方家于新峰人也烟霜何索寞天地
通蒼涼冷集偏情熱惟呼只意傷茱萸寒佩澁琥珀夜
斟長雲黑新流寓楓丹古戰場烟高舟易赭山落帽難
忘壁岸多飛絮江離半浥香吾儕詩氣象世路俗鋒鋌
乞食陶添韻依人杜隱狂且圖聊石冉勿計別河梁維
坐堪懸榻登高怯望鄉滿城秋色裏風雨正重陽
秋思次尊拙齋九日三十韻時與友人談詩感時
我輩愁偏渴當秋思轉涼高天客片塵胡月任千觴是
地堪黃葉前村廢綠楊銷魂懷古字冷夢咽名塲淺碧
池堆露交紅樹作霜半堤常入望一段倏飛香野色荷

翻亂春懷鶯喚長草情猶狎徑燕語恰過堂時同賦
客難投轄聞歌怕遠梁魔祛緣睡在恨到入游忘瞥眼
看花落何心問菊黃微微憑舞醉磊磊笑詩狂岸有千
尋陷波誰一葦杭世兒無利劍此道合迷陽豈識荷蘭
操徒成急就章小儒惟覆瓿大雅孰推床六代塗鴉西
三唐畫虎妨集吟群倒案閒吟獨依廊彤管常飛白青
山忽變蒼江烟從謝客燕寢學韋郎但可隨支遁焉能
報荒地搖非穩步穀賤反空腸碩鼠填城闕殘鴉啄稻
梁我行惟曠野時變若探湯老屋吟胡補匡床懶合藏
繁霜篇欲和搔首碧雲鄉

受兩三人也願舟成無期擬構一亭顏曰問舟

方之舟之予特問之云爾次杜水宿遣興韻

恰受制何日問舟行欲迷苔深須鹿柳花冗侯鶯篋春
渡開沿岸秋荷淨引泥俯松濤出舫漾月鏡懸堤竹圃
光橫上茅檐影向西幾行花鴨舞一片水禽啼兩漿時
披卷孤亭倏杖藜養生誰適主物論不難齊北闕憑簪
笏東風亂鼓鼙曉人惟蜨蝶喚客有鳬鷺獨往頭先掉
同心手並携能吟千賦風解語一窻雞穩此蘆中座毋
言李下蹊大篇甘汗漫短札勿投齋日永波瀾闊風悠
苕藻低招招舟子興草草舊林棲我道緣應拙時榮分

敢梯泳游如海運動止任天倪身逸緩知隱詩傳不計
題破船浮水檻常老杜陵溪

清明日借兒孫出遊

寒食柳方綠清明花已殘老翁憑蹇進稚子帶鸛看游
女歌零蔓幽人賦采蘭河開沙石秀伯社著蘼寒樂較
盤鈴勝遊當舞袖歡堤波侵鶴墅園菜狎漁竿藕脆枯
泥出椿萌老樹攢健身惟令節佳興到河干落日林藏
酒高歌野度灘歸程紛繞騎滿路碧琅玕

讀蒲亭倡和詩致姚小山

之子臨湓浦何殊治浚儀風行江漢遠樂奏鼓鐘遲二
妙相隣並雙姝好恰宜公堂傳化雉中圖叶關雎
將翔羽蝶姝待書眉德德弘樂有雅度答窈窕
人髮由來一指麾自輪釵鈿助兼垂綺羅施八寶
蝶千絲結繡螭香車迎淑女書閣坐瑤姬有美東南秀
同游大小隨齊眉芳徑立並步署庭移姊妹能依主妃
嬪亦號姨薰衣衙退語洗硯案邊詞况值庸功日偏當
生甫時酌觥田峻喜行潦牧人嬉應觀青鸞至來瞻紫
袖垂南山臺有賦北極壽無期燕豫歌簾幙鴻飛重屢
屨一家偕伉儷萬口祝熊羆驚歸明宰麒麟毓好兒
公侯知必復千億抑奚疑功自賢媛樹津非妬婦嗤普
天聞風噉閭室兆螽斯識者心胥服同人譽共推錦
書枕簟斑管繪臙脂逸藻翩翩集奇葩歷歷披詞才

鈍拙令望嘆歲鞋豔曲無能作香匳未可比而甥涉江
水老友侑蓬池蕪草寧堪頌蒲亭代和詩畧陳樛木義
曾記采繁辭

秋夜經三席中讀敦復送其官滇南詩因憶敦復

良朋天外碧琅玕表弟筵間赤玉盤半幅風流堪映座
幾行騷雅孰登壇昆明祖道程千里燕薊檄書月一團
馳想三秋丹鳳客貽音六詔碧鷄鸞此時入直裁牋穩
別後懷人驛路殘太白詩情宮裏見澡青山色句中看
右軍墨妙真傳子曼倩名高豈爲官南苑螢流頻禁漏
西山馬上只風濤和來白雪歌聲迭攜出香烟笑語闌
宣政退朝城曲號曲江陪飲勸加餐常拈筆著詩
莫典朝衣怯曉寒才子爲郎吾輩少翰林言志古今難
荷池酌雨離思渴菊圃題花旅夢攢一望遠峰秋蟲
羣過西閭如三閭也興漫漫何當舊墅遲吟草賴有新篇
代握蘭遷客逋翁相對咏亭雲飛向五雲端

步余澹心來韻

江南秋草夜鳴笳江北無衣可當家憔悴別離楓葉老
不堪重咏赤城霞

吳岱觀李廉書扇

一片青峰水倒流橫空幾筆淡如秋非君久看西湖色
安得西山引卧游吳西湖人

居庸道中

曉起橫雲帶半山寒峰幽露有無間淡描一卷生綃色
不是倪迂卽小灣

秋堂讀書

冷垣寒屋正秋初塞草編簾雁影疎怪爾官閒無箇事
一庭錢日半床書

哭王穆如陳伯倫

白玉樓成二子俱鍾山雲隱筆花枯萬松溪處閒明月
猶照當時舊酒壚鍾山萬松昔日同讀書處

閒空同結腸篇

披君悲楚結腸吟風颯颯風吹案座大樹荒郊惟宿草
傷心同說左宜人子妻姓封適同云

迴望雲棧八

誰向雲山寫畫屏晚風朝霧薄秋旻橫開千里芙蓉片
不是蓮花數點青

偶感二首

絕塞淒其酬唱多孤裘霜雪滿關河馬融帳裏新吹笛
不記幽州馬客歌

千山當面易東西一曲驪歌送曉鷄鸚鵡聲聲留客住
忙歸莫信杜鵑啼

寄嚴公偉守戎塞上四首

遼沙的礫寶刀寒戈戟排門新築壇身是江南揮羽客
吳儂歌入塞笳殘

官妓臙脂濕袖多轅門隊裏學饒歌後堂鼓吹傳芳讌
好待迴鞭射獵過

冷地長吟朔雪高五年風雨恨勞勞怪來遼吏題詩樹
留得將軍挂戰袍

阿蒙吳下好詩書授我狂歌碑版餘君是兜鍪揚得意
邊兒爭憶馬相如

春遊曲五首

紈扇常懷春袖寒女郎揮袂路傍看清明河上新成畫
撫卷重吟張福端

老婦春朝逐漫遊青裙舊布髮颼颼兒家膏沐曾年少
不是生來便白頭

吳宮簪黛楚宮腰反向妝邨角翠翹不對鷄皮三少婦
如何顯得董嬌嬈

桐山郭外有西湖菜竹方塘菴畫圖竟作藕堤春曉望
可能吟徧六橋無

傾都爭指赤城霞販負家奴拍臂斜今日仙真時得見
不同劉阮隔桃花

瓜洲卽事

瓜洲弱女駕輕橈繡袂紅絲半束腰雙腕臨風嬌怯甚
隔船呼出小郎搖

大羅菴祖西禪師塔

大羅天上不沾塵芳草繁花塔院新記得講經靈谷寺

齋堂橫坐一千人

江口書懷

三江口已別經年蘆荻騷騷迂客船刻戍營兵休聚間
空囊只贖買魚錢

西湖竹枝詞四首次和默公

芳草青青柳似烟馬通今與畫橋連游人怕向招提路
短後邊兒慣賭錢

半肩兜子半揚舠領畧湖山一片青莫上于公墳畔太
滿天風雨暗西冷

笑絕荷花舊六橋狂且爭望美人跳隣家少婦新裝抹
瞥向湖灣上小舠

臨湖高閣榜忠祠六一池前半酒旂牧馬黃頭渾不
馬鞭輕折向南枝

再大韵爲羈人遊女之樂於湖山者志其盛三首
葑草長堤漁子呼湖鰕佐酒賽姑蕪遊人飯罷城頭太

曾見湖干月上無
雙鬟覆額也揚舠唱徹儂歌蓮子青看罷岳墳看大佛

兩高峰下水泠泠
活佛臨湖燈照祠湖風吹鼻寺門旗祈兒女伴嬌無賴

笑折佛前花半枝

偶感

鉛汞輪君煉法精雲邊鷄犬亦縱橫道人豈少神仙術

只是丹爐鑄不成

宮詞二首

乳燕鳴鳩夏日長白頭宮女說先皇深宮漏永苔花綠
數點殘鐘過景陽

梧桐疎雨漢宮秋擊鼓燒燈院院遊一自漁陽烽火急
同心誰與拜牽牛

讀史有感

魏其當日惱田蚡罵坐凌人帳下聞滿座八風終日舞
如今偏少灌將軍

雁歸

童子遙傳雁影歸牡丹開畔帶晴暉斜行字字含春
不學南天燕子飛

車中書所見二首

滾滾飛塵送客車遊梁高騎似相如不知劉晏司儲後
可上江淮治粟書

平頭珠勒擁騰黃一路旌旄出故鄉載得黃金滿都市
羣公爭拜度支郎

王安節摘青城詩作書子賦得柳絲低驛路

斜黛青青應綰愁腰肢低舞舊風流問誰挂住章臺色
畫角斜陽古驛樓